


**DEFENSIO CENSURAE  
SACRAE FACULTATIS  
THEOLOGIAE  
PARISIENSIS LATAE  
27. IUNIJ ANNI 1560...**

---

ÿtienne-Agard Dechamps















DISPUTATIO  
THEOLOGICA  
DE LIBERO ARBITRIO.



DISPUTATIO

THEOLOGICA

DE LIBERO ARBITRIO



# DEFENSIO CENSURÆ

SACRÆ FACULTATIS  
THEOLOGICÆ PARISIENSIS

Latæ XXVII. Iunij anni MDLX.

SEV

DISPUTATIO THEOLOGICA  
DE LIBERO ARBITRIO,

QVA PLVRES NOVI DOGMATIS  
propositiones ab illa Censura meritò proscribi, &  
S. Augustini, aliorum Patrum, ac veterum Theo-  
logorum doctrinæ aduersari demonstratur.

*Auctore* ANTONIO RICARDO *Theologo.*

Editio tertia prioribus multò auctior.



PARISIIS,

Sum-  
pti-  
bus

SEBASTIANI CRAMOISY, Regis,  
& Reginæ Regentis Archi-  
typographi:

ET

GABRIELIS CRAMOISY.

viâ Ia-  
cobâ  
sub Ci-  
coniis.

M. DC. XLVI.

CVM PRIVILEGIO REGIS.



DEFFENSI

GENSVRA

SACRA FACULTATIS

THEOLOGICÆ PARISIENSIS

Idem xlvii. Idem Idem Idem

SEY

DISPUTATIO THEOLOGICA

DE LIBRO ARISTOTELIS

QUAERITUR NOVI DOGMATIS


propositiones ab illis doctrinis merito propositae &

S. Augustini & Augustini doctrinae ac doctrinae

dogmata doctrinae doctrinae doctrinae

Antoni Ricardus Ricardus

Philosophiae doctrinae doctrinae



PARISIENSIS

SEBASTIANUS GRAMMONT, Regis  
de Regibus Regibus Regibus  
Grammont, Regis  
Grammont, Regis  
Grammont, Regis

M. DC. XLVI.

ANNO DOMINI MDCLXVI





SERENISSIMO  
REGIÆ STIRPIS  
PRIMO PRINCIPI  
HENRICO  
BORBONIO  
CONDÆO.



VANTVM *tibi Gal-*  
*lia, & Religio debeant*  
(PRINCEPS SERE-  
NISSIME) *nemo cer-*  
*tius, quàm utriusque hostes intelli-*  
*gunt. Mirantur illi te suis ubique*  
*consiliis, atque conatibus occurrere,*



# EPISTOLA.

*cūque nullam acceperint plagam,  
cuius te auctorem, vel admini-  
strum non agnoscant, tua in Regnum  
& Ecclesiam merita suis cladibus  
metiuntur. Magnum te profectò,  
quem Regis Deique causæ sustinen-  
dæ parem virtus effinxit, Gallia  
predicat, hostes experiuntur.*

*Fecit laus hæc tua singularis, ut  
te huius disputationis Patronum  
optarem, in qua mihi cum illius ho-  
minis defensoribus pugna est, cuius  
nomen posteritas ignoraret, nisi Re-  
gum nostrorum gloria, & veteri Ec-  
clesiæ doctrinæ bellum indixisset.  
Suam ille claritatem ex Apostoli-  
cis fulminibus, quibus afflatus est,  
& ex atrocibus in Galliam calum-*



## EPISTOLA.

*niis, quæ & illum <sup>a</sup> consecrarunt, accepit. Nouerat Francorum Reges Catholica veritatis propugnaculum, columnam, scutum, & esse, & à <sup>b</sup> Romanis Pontificibus appellari: quare antequam Ecclesiæ doctrinam conuellere moli-  
 retur, propugnaculum illud exscin-  
 dere, columnam euertere, scutum  
 perrumpere conatus est. Experiri  
 voluit in Gallica maiestate, quid in  
 Apostolicam posset, & Ecclesiæ op-  
 pugnationem ex primogeniti filij e-  
 ius iniuriis auspicari.*

<sup>a</sup> Mars  
 Gallicus  
 auctori  
 suo Epif-  
 copatum  
 concilia-  
 uit.

<sup>b</sup> Innoc.  
 III. Gre-  
 gorius  
 IX.

*Atque ut omnes intelligerent  
 quò suis in Francorum Reges calum-  
 niis spectaret, ea præcipue illis or-  
 namenta detrabere nititur, quæ Ro-*



# EPISTOLA.

mani Pontifices contulerunt, ratus  
 se Apostolica sedis in definiendis fi-  
 dei controuersis auctoritatem su-  
 spectam redditurum, si eius in or-  
 nandis commendandisque princi-  
 pibus fidem accusaret. Quid Re-  
 gibus nostris maiori summorum<sup>c</sup>  
 Pontificum consensu delatum est,  
 quam Christianissimi nomen,  
 quod, ut auitam hereditatem, con-  
 stanti pietate retinent? At iste ta-  
 men insanâ calumniandi libidine  
 in illud Gallica maiestatis patrimo-  
 nium<sup>d</sup> inuolat, atque ut ipsi Clo-  
 doueo tam illustre nomen abiudi-  
 cet, <sup>e</sup> Religiosum principem,  
 quem<sup>f</sup> antiquissimi Scriptores San-  
 ctum, & Dei amore plenum vo-  
 cant,

• Stephan.  
 II Paul.  
 I. Adriani  
 I. Nicol.  
 I. Ioan.  
 VIII A-  
 driani II.  
 Innoc. III.  
 Honor.  
 III. Gre-  
 gorij  
 IX. Vr-  
 bani IV.  
 Innocēt.  
 IV. &c.  
<sup>d</sup> Mars  
 Gallicus  
 lib. I. à c.  
 16. ad 28.  
 • Aimo-  
 nius.  
 • Kalen-  
 darium  
 Ecclesiæ  
 S. Geno-  
 uesæ. Fre-  
 degarius,  
 Gregor.  
 Turon.  
 Fortuna-  
 rus, Adre-  
 ualdus.

# • EPISTOLA.

*cant,<sup>g</sup> Ottomannicū potius,quā* <sup>Libro 1.  
cap. 16. &  
21.</sup>  
*Christianissimum fuisse conten-*  
*dit. Tum ad ceteros Gallie Reges*  
*delapsus, ait<sup>h</sup>, multis quidem da-* <sup>cap. 21.</sup>  
*tum Christianissimi nomen, sed*  
*ut potius quid esse deberent,*  
*quā quid essent elogij splen-*  
*dore monerentur. Alios verò ti-*  
*tulo Christianissimi Regis glo-*  
*riantes medullam eius, Christi*  
*religionem, euertisse, &<sup>i</sup> Chri-* <sup>cap. 27.</sup>  
*stianissimos esse apicum titulo-*  
*rūmque suffragiis, non rerum i-*  
*psarum testimoniis. Sic Regibus*  
*nostris augustum illud nomen adi-*  
*mit, quo uno Summi Pontifices,*  
*non eorum tantum panegyricum,*  
*sed etiam historiam texuerunt.*



# EPISTOLA.

*Pari temeritate titulos omnes in-  
uadit, quibus primarii illius vim  
Apostolica sedes explicuit. Aiunt*

<sup>k</sup> Grego-  
rius IX.

*Romani Pontifices fatale esse<sup>k</sup> Re-  
gno Francorum pro exaltatio-  
ne Catholicæ fidei dominica  
prælia dimicare, & Galliam*

<sup>l</sup> Honorius  
II.

*Christi pharetram esse, unde  
lectissimas subinde sagittas educit,  
ad Christianæ Religionis hostes in  
variis orbis partibus profligandos.*

<sup>m</sup> Mars  
Gallicus  
libro 2. c.  
23.

*Iste verò scribit<sup>m</sup>, Fatale iamdiu  
videri Gallico solo, vt non pau-  
ci, qui in eo principati sunt,  
Christianam Religionem in  
præcipuis Europæ regionibus  
grauiter læserint. Addunt Pon-  
tifices Romani, posteriores Galliæ*



EPISTOLA.

*Reges*<sup>n</sup> deuotionis constantiam,<sup>• Innoc. III.</sup>  
 & fidei puritatem à progeni-  
 toribus suis, quasi hæreditario  
 iure, accepisse, *atque illis*<sup>o</sup> hæ-<sup>• Pius II.</sup>  
 reditarium esse ac proprium  
 pugnare contra Turcas, &  
 vincere, fidem saluare, & Ro-  
 manam Ecclesiam honestare.  
*Hic verò contendit eosdem Reges*  
*p*<sup>a</sup> tantâ constantiâ Christianam<sup>• Mars  
G. 2. cap. 23.</sup>  
 Religionem lædere, vt huius-  
 modi Religionis iniurias à ma-  
 ioribus quasi hereditasse vi-  
 deantur. *Denique quod Summi*  
*Pontifices testantur, Gallorum Re-*  
*ges esse*<sup>q</sup> exterminatores Hære-<sup>• Grego-  
rius IX.</sup>  
 ticorum, &<sup>r</sup> Turcarum expu-<sup>• Pius II.</sup>  
 gnatores, *toties iste rescindit,*

## EPISTOLA.

f Mars  
 Gallicus  
 libro 2. c.  
 25.

*quoties pugnat eosdem esse<sup>f</sup> susci-  
 tatores Turcarum, faces Hæ-  
 resum in interitum fidei con-  
 spirantium.*

*Horret calamus singula percen-  
 sere, quæ in Reges nostros effundit.  
 Compendio dicam : sicut laudes  
 omnes, quas optare ambitio, &  
 mereri virtus potest, Regibus Gal-  
 lis Summi Pontifices eodem ore de-  
 tulerunt, quo diuina fundunt o-  
 racula : Sic iste hæc ipsa ornamen-  
 ta eâdem manu illis eripit, quâ  
 proscriptas ab Apostolica sede opi-  
 niones instaurare conatur. Felicem  
 Galliam, quæ eos laudum suarum  
 pracones habet, quorum lingua  
 veritatis sedes est, & arbitra : eum*



## EPISTOLA.

*dignitatis suæ hostem infensissimum, qui & communem Ecclesiæ doctrinam oppugnavit.*

*Tibi verò ( PRINCEPS SERENISSIME ) qui Gallia tantum & Ecclesiæ prodes, quantum iste nocere voluit : tibi, inquam, tam est illustre ad laudem duas illas dotes complecti, quarum vel una Heroem faceret ; quàm est illi ad nominis infamiam turpe duplici nota maculari, quarum vel altera Gallorum omnium execrationem illi conciliaret. Scient posteri quo tu amore, quo iste odio Galliam, & veterem Ecclesiæ doctrinam persecutus sit. Nam ut duplici ingenij sui fœtu prouidit,*

## EPISTOLA

*ut etiam post fata utramque op-*  
*pugnaret : sic geminâ prole effeci-*  
*sti , ut cum te superi repetent , tuum*  
*neutra patrocinium desideret. Di-*  
*uisit ille se ipsum in libros , sic tan-*  
*quam in liberos , ac primogenitum*  
*quidem Gallia hostem esse voluit ,*  
*alterum Catholica veritatis inimicū :*  
*tu virtutes tuas partiris in filios ,*  
*& maiorem natu Gallia scutum ,*  
*minorem verò Ecclesiæ columnam*  
*designasti. Quæ tua vota sic implent,*  
*ut iis publica vox ea ipsa nomi-*  
*na iam imposuerit , quæ iste operi-*  
*bus suis falsò inscripserat. Ludo-*  
*uicus totius Europæ iudicio* **MARS**  
**GALLICVS :** *Armandus Gallica-*  
*ni Cleri suffragio* **AUGUSTINVS**



## EPISTOLA.

*habetur. Ille toti pene orbi veterum Gallorum Heroas omnes in se uno reuixisse probauit : hic in Theologica illa dimicatione , cuius Sorbona theatrum fuit , spectator Gallia Clerus , tu ipse iudex & arbiter , S. Augustinum ore suo loqui demonstrauit.*

*Fuit illa serenissimi filij tui disputatio , Parisiensis , quam defendo , Censura apologia perillustis. cui si totus interesse Christianus orbis potuisset , non alia defensione indigeret hac causa. Nam qui aderant Illustrissimi Præsules , primarij ordinum omnium viri , Doctoresque innumeri eam insolitis laudibus , festo plausu , & admi-*

## EPISTOLA:

*ratione comprobantur. Cùm ergo  
tanto duce in huius causa defen-  
sionem ingrediar, publicum mihi  
fauorem, patrociniū tuum, atque  
adeo victoriam ausim polliceri.*

*Serenissima Celsitudini Tuae*

ADDICTISSIMUS ANTONIVS RICARDVS.

THE-



# THESES THEOLOGICÆ

à Serenissimo Principe ARMANDO BORBONIO Principe de CONTY in Sorbona propugnatae,  
Præside Illustrissimo D. D. IOANNE PAVLO DE GONDY Archiepiscopo Corinthiaco Coadiutore Parisiensi, die 10. Iulij anno 1646.

## QVÆSTIO THEOLOGICA.

*Quando Deus creauit hominem inextinguibilem? Sapientia 2.*

**I**N principio, cùm ab illo primus homo in statu innocentiaë conditus est, præter quem statum, & statum nature lapsæ, in quo post illius peccatum posterius eius nascuntur & viuunt; Tertius, qui sit puræ nature status, re ipsa nullus est, non est tamen impossibilis. Potuit itaque homo institui ad vltimum finem, qui tantùm naturalis esset: potuit, quamuis innocens, nasci cum ignorantia & concupiscentia, ita vt ignorantia & difficultas essent eius primordia natura-

lia: potuit denique citra peccatum obnoxiusse morti, cæterisque corporis miseriis. Homini etiam in statu naturæ lapsæ cōuenire liberum arbitrium, quatenus indifferentiam ad bonum & malum significat, docent sacræ litteræ, statuunt Concilia, Tridentinum maximè, confirmant sancti Patres, ac præsertim S. Augustinus; ratio denique multiplex demonstrat. Hæc libertas inest essentialiter soli potentiæ voluntatis, quæ præter indifferentiam electionis requirit actiuam vim se ad vtramlibet partem determinandi. Ei porro libertati hominis sola & omnis necessitas antecedens repugnat.

ACTUALIS gratia non est actus ita charitati addictus, vt ab ea Theologica virtute elici aut imperari, vel ad eius exercitiū mouere necessariò debeat: Timor enim gehennæ, siue attritio ex eo metu concepta, & amor concupiscentiæ circa Deum sunt honesti actus supernaturales, & ex spiritu gratiæ: non est etiam ex necessitate motio fidei diuinæ, vel diuinam fidem præsupponens:



neque enim omnia Infidelium opera sunt peccata; sed exercent ipsi actus honestos, & ex gratia: Est igitur actus intellectus & voluntatis, saltem in modo supernaturalis, à Deo per Christum ad salutem concessus. Hæreticos inter meritò computatur Pelagius, qui gratiam Dei per Christum ad salutem esse necessariam negavit. Semipelagiani quoque, qui aliquod salutis initium instar congrui meriti in viribus liberi arbitrij posuerunt: Catholica quippe doctrina atque veritas est, diuinam gratiam, quæ à dono creationis, & à beneficio legis ac doctrinæ distincta sit, ad salutem & media salutis prorsus requiri; Itémque eam gratiam sic omnia liberi arbitrij opera antecedere, ut in nulla ipsius vel condigna, vel congrua merita cadere possit.

GRATIA sufficiens in ipso lapsæ naturæ statu omnibus adultis, etiam sceleratis, adeoque etiam reprobis hominibus conceditur: Deus enim vult omnes homines saluos fieri efficaci voluntate conditionata; & Christus pro omnibus planè mortuus est: Deus quoque neminem adultum post præ-

lia: potuit denique citra peccatum obnoxius esse morti, cæterisque corporis miseriis. Homini etiam in statu naturæ lapsæ cōuenire liberum arbitrium, quatenus indifferentiam ad bonum & malum significat, docent sacræ litteræ, statuunt Concilia, Tridentinum maximè, confirmant sancti Patres, ac præsertim S. Augustinus; ratio denique multiplex demonstrat. Hæc libertas inest essentialiter soli potentiæ voluntatis, quæ præter indifferentiam electionis requirit actiuam vim se ad vtramlibet partem determinandi. Ei porro libertati hominis sola & omnis necessitas antecedens repugnat.

ACTUALIS gratia non est actus ita charitati addictus, vt ab ea Theologica virtute elici aut imperari, vel ad eius exercitiū mouere necessariò debeat: Timor enim gehennæ, siue attritio ex eo metu concepta, & amor concupiscentiæ circa Deum sunt honesti actus supernaturales, & ex spiritu gratiæ: non est etiam ex necessitate motio fidei diuinæ, vel diuinam fidem præsupponens:



neque enim omnia Infidelium opera sunt peccata; sed exercent ipsi actus honestos, & ex gratia: Est igitur actus intellectus & voluntatis, saltem in modo supernaturalis, à Deo per Christum ad salutem concessus. Hæreticos inter meritò computatur Pelagius, qui gratiam Dei per Christum ad salutem esse necessariam negavit. Semipelagiani quoque, qui aliquod salutis initium instar congrui meriti in viribus liberi arbitrij posuerunt: Catholica quippe doctrina atque veritas est, divinam gratiam, quæ à dono creationis, & à beneficio legis ac doctrinæ distincta sit, ad salutem & media salutis prorsus requiri; Itémque eam gratiam sic omnia liberi arbitrij opera antecedere, ut in nulla ipsius vel condigna, vel congrua merita cadere possit.

GRATIA sufficiens in ipso lapsæ naturæ statu omnibus adultis, etiam sceleratis, adeoque etiam reprobis hominibus conceditur: Deus enim vult omnes homines saluos fieri efficaci voluntate conditionata; & Christus pro omnibus planè mortuus est: Deus quoque neminem adultum post præ-

uisum præcisè originis peccatum reprobatur; ac tandem nulli rationis compoti diuina mandata sunt obseruatu impossibilia: Infantes etiam, qui obeunt in maternis vteris, nec vlla humana industria possunt baptizari, sufficientia tamen auxilia salutis habent. Gratiæ efficacis essentia, seu formalis ratio non consistit in motione voluntatem physicè vel moraliter ad consensum prædeterminante; non in speciali motionis congruitate, quæ in sufficiente gratia locum non habeat: non in ea motione, prout diuinæ conditionalium scientiæ subest; non in denominatione à consensu petita: Est ergo ipsa gratiæ entitas prout de facto consensum infert tanquam connotatum efficacitate adæquatè sumpta posterius. Inefficax gratia redditur per solam creatam voluntatem; At efficax simul atque indiuisibiliter per hanc & per ipsam gratiam.

AVGVSTISSIMVM Eucharistiæ sacramentum componitur intrinsecè ex speciebus panis & vini, corpore ac sanguine Christi, & ex verbis consecrationis; non autem ex actione trās substantialiua yſuque sacra-



menti. Vnum est formaliter vnitatem specificam totali; eiusque vnitatem numericam in toto terrarum orbe non impedit diuersitas numerica specierum homogenearum, earumque diuisio, aut multitudo sumentium. Misceri debet aqua vino in consecratione calicis ex præcepto Ecclesiastico, eaque conuertitur immediatè, si non semper, at plerumque certè in sanguinem Christi.

AGNOSCENDAM esse in Eucharistia veram ac propriè dictam Transsubstantiationem contra Lutherum & Calvinum fides Catholica docet: Per eam autem nec producuntur substantialiter corpus & sanguis Christi, nec sola præsentia localis, nec modus aliquis substantialis ipsis intrinsicus: sed separantur accidentia panis & vini à subiecto proprio, vniunturque corpori ac sanguini Christi in ratione contenti substantialis, hoc est apti & capacis contineri & adæquari loco, & mobilis quocumque ad motum specierum.

TOTVS Christus est sub vtraque specie panis & vini, tam distributiue sumpta quàm

collectiuè: imò sub qualibet particula, siue post fractionem, siue ante. Solum corpus ponitur vi verborum sub speciebus panis, anima verò & diuinitas per concomitantiam. Qui sub vtraque specie communicat, plus cæteris paribus recipit gratiæ, quàm qui sub vna. Necessaria est Eucharistia necessitate præcepti diuini & Ecclesiastici. Dispositio per se necessaria ad communionem est, vt nemo ad eam accedat cum conscientia peccati mortalis, quod antè per sacramentum Pœnitentiæ non expiauerit.

AVDIENDI non sunt, qui publicam præterea pœnitentiam pro omnibus peccatis mortalibus antè fieri volunt, in dilatione potissimùm, vt falsò iactant, Communionis consistentem. Quasi verò aut Deo magis satisfiat eo pudore, qui ex separatione à corpore Christi enascitur, quàm aliis quibuscumque operibus cum isto pudore non coniunctis: Aut optandum cernendùmve sit, vt discernantur à Iustis iij, qui labuntur in peccata mortalia; aut sine longa satisfactione remissio peccatorum quoad maculam obtineri non possit, nec



homines momento de statu peccati trans-  
eant ad gratiam vi perfectæ contritionis;  
Aut denique ipsæ externæ pœnitentiæ in-  
terdum tales sint, vt defectum interni do-  
loris suppleant.

VENIALE peccatum actu commissum  
in ipsa sumptione Eucharistiæ non impedit  
receptionem gratiæ sanctificantis. Non est  
semper nouum peccatum veniale accede-  
re ad communionem cum peccato veniali  
actuali & habituali. Melius est per se lo-  
quendo frequentius ad Eucharistiam su-  
mendam accedere quàm rariùs. Licèt ge-  
neralis vna regula pro omnibus afferri non  
possit, magis tamen vnicuique ad frequen-  
tiam eius quàm ad raritatem inclinandum  
est: Neque ad frequenter communican-  
dum expectandum est donec simus ab om-  
nibus malis habitibus & vitiorum phan-  
tasmatis liberi, & amore Dei purissimo  
purgati, ipsique perfectè vniti.

TOTA essentia sacrificij Missæ consistit  
in consecratione vtriusque speciei: licèt  
earum sumptio ad illius integritatem per-

tinere dicenda sit, nequaquam tamen verbalis oblatio, fractio aut distributio sacramenti. Ne cum dispensatione quidem Ecclesiæ potest vna species sine alia consecrari; imò probabilitate non caret cum inualidè tentaturum conficere corpus Christi, qui id tentaret animo non conficiendi sanguinis; sicut & probabile est non potuisse Apostolos in triduo mortis Christi consecrare. Tantum valet Missæ sacrificium oblatum pro pluribus, quantum pro vno. quod soli Deo offerri potest, *qui creauit hominem inextermabilem.*







AD BENEVOLVM  
ET  
ERVDITVM LECTOREM  
PRÆFATIO



NOVS abiit, & ampliùs ( Erudite Lector ) ex quo Parisiensis Censuræ calumniatores, ipsūque adeo noui dogmatis artificem pudendi latrocinij accusaui, atque, vt multis videtur, planè conuici. Nec illi tamen, qui vel leues eius iniurias integro solent volumine vlciſci, verbum fecere vllum, quo hanc maculam abstergere conarentur. Sunt qui istud silentium in criminis confessionem interpretentur, putentq; eos idcirco ad hanc plagij accusationem nihil respondisse, quia nec doctoris sui furta negare possunt, cū manifesta sint: nec ea eleuare dicendo, aut aliqua excusatione defendere, cū sint turpissima. Nolim ego ita suspicari antequam eos hac extremâ prouocatione pertentari.

Iterum ergo nouæ opinionis architectum.

# P R Æ F A T I O

de furtis & rapinis postulo; neque Catholici alicuius doctoris, sed Lutheri, Caluini, Bezae, Molinæi, Zanchij, & aliorum ex eadem natione scriptorum deprædatorem appello. Ex quibus non opinionem duntaxat suam, sed & rationes, quibus illam firmat, S. Augustini testimonia, quibus munit, corollaria, quibus illustrat, effugia omnia, omnesque calumnias, quibus communis sententiæ auctores proscindit, arripuisse contendit. Sic prorsus ut qui eius scripta cum Hæreticorum libris contulerit, non sit dubitaturus nihil illum protulisse noui, sed rancida tantum & obsoleta Lutheranorum argumenta recoxisse, probrosumque ex confutis Calvinistarum fragmentis centonem concinnasse.

Libro 2. de  
grat. Chri-  
sti cap. 3. 17

Tantâ porro latrocinatur audaciâ, ut tum maximè rapinas suas obtrudat, cum se aliquid de suo allaturum profiteretur. Quàm magnifica, quàm noua pollicetur hæc inscriptio: *Discrimen gratiæ sanitatis, & medicinalis à recentiorum notitia valde abstrusum, & quare?* Quis non putet eo loco noui aliquid produci, quod omnes huius æui scriptores latuerit: cum præsertim illud vtriusque gratiæ discrimen, quasi nobilissimum industriæ suæ fœdum exosculetur, venditet importunè, titulis plus quadraginta præfigat, inculcet per fas & nefas, quæstionibus ferè omnibus intexat, dogmatis sui basim, fundamentum, clauim appeller? Et



## AD LECTOREM.

tamen arcana illa doctrina, huic inaudita sæculo, illud celebre vtriusque gratiæ discrimen, in Caluini libris explicatum fusissimè, & iisdem S. Augustini testimoniis comprobatum tam sæpe occurrit, vt hoc præcipuè argumento suam de gratia opinionem firmet, illudque quasi inuictum, & aduersùs Catholicos decretorium, Tridentinis Patribus, Sorbonicis, Alberto Pighio, aliisque Orthodoxis plus vices impingat.

Pari audaciâ ex Hæreticis reliqua furatur, in quibus triumphat ambitiosius. Quantâ verborum vanitate ea sibi arrogat, quæ de peccandi necessitate ex Adamo profecta, deque Augustiniana illa peccati definitione : *Nemo peccat in eo, quod vitare non potest*, fusissimè differit? At illa tamen omnia ex iisdem Calvinianæ factionis auctoribus mutuatus est. Nihilo modestius ea sibi tribuit, quæ aduersùs gratiam sufficientem tanto ardore animi, tantâ verborum atrocitate disputat, quamuis ex iisdem fontibus illa deriuarit. Indidem quoque argumenta corrasit omnia, quibus Prædestinatianos ex Hæreticorum catalogo expungere conatur. Si vacat, pauca percurrere, quæ pag. 134. in eam rem adnotaui, miraberis profecto hominis pudorem, qui ex recenti libello Iacobi Vsserij Calvinistarum in Hibernia Primatis totam hanc de Prædestinatiana hæresi disputationem ad verbum ferè descripsit. Intelliges

# PRÆFATIO

etiam quid causæ sit, cur de Concilio Arelatensi, in quo hæresis illa proscripta est, ipse quidem prorsus tacuerit, eius verò defensores tam multa in vtraque Apologia scriptitarint. Nimirum, cùm ille viueret, nondum exierat in lucem aliud eiusdem Vsserij Calvinistæ opus, in quo illius Concilij auctoritatem infringere nititur, quódque vtriusque Apologiæ confarcinatores expilarunt: rati se in omnes Hæreticorum libros ius direptionis, illúdque hæreditarium, habere.

Nisi tam infamis plagij crimen præcisâ iustâque defensione nuperi dogmatis fautores purga-uerint, licebit Calvinianæ sectæ eadem illis exprobrare, quæ Stoicis M. Piso apud Ciceronem obiicit libro 5. de Finibus: *Non vnâ, inquit, aut alterâ à nobis, sed totâ ad se nostrâ Philosophiam transtulerunt; atque ut reliqui fures earum rerum, quas ceperunt, signa commutant; sic illi ut sententiis nostris pro suis vterentur, nomina, tanquam rerum notas, mutauerunt.* Licebit quoque Caluino ipsum dogmatis illius opificem ut plagiarium, & operum suorum lauernam (ita Ausonius loquitur) in ius vocare: suâque aduersus illum causam his agere verbis, quæ habet libro 1. delibero arbitrio, quæque in rem nostram bellissimè cadunt. *Miror, inquit, quâ fronte ausus fuerit, nullâ mei mentione factâ, tam familiariter sumere de meis libris, quod in suum transcriberet. Neque enim*



# AD LECTOREM.

quo iure id faciat, video: nisi fortè præscriptionem ob-  
tendat, quia sic facere pridem solitus sit. Nam in  
magno illo libro quem edidit, integras sæpe ex Insti-  
tutione mea paginas, ubi visum est, infulcit, ac suo  
commodo sic adaptat, quasi aliunde non sumpsisset. Ve-  
lim nunc scire quo iure, aut titulo mea sic pro suis  
usurpet. Grauis sanè & acerba expostulatio, quæ  
quàm vera sit in re nostra, quilibet potest ex-  
periri. Lectores obsecro, subdit Calvinus, si  
tantùm habent otij, ut eius libros cum meis confe-  
rant. Nihil dico: nisi quòd, non sine risu ac stomacho,  
perspicient nimis perditam hominis impudentiam: ne-  
que enim clanculum furatur, aut raptim: neque arti-  
ficio tegere ita studet suas rapinas, ut apud se natum  
videatur, quod apud me legit, sed ita palam mea ad  
verbum recitat, ut videatur paginas ipsas rotas pi-  
gritiâ assuisse, quo describendi laborem fugeret. Si fa-  
ceretur auctorem, cum dicerem mutuari: nunc quid  
causari potest, quo minus plagiarius palam vocetur?  
Si nihil habent noui doctoris Patroni, quod  
tam iustæ accusationi opponant, quid æquus su-  
per ea re iudex pronuntiabit? Licebit denique cæ-  
teris Calviniani nominis proceribus in eum cer-  
ratim inuolare, ut ablata sibi quisque vindicet;  
timendùmque erit,

*Nesi fortè suas repetitum venerit olim  
Grexauiumplumas, moueat cornicula risum  
Furtiuis nudata coloribus.*

## P R Æ F A T I O

Erit fortasse, qui ad illam furti accusationem depellendam id vnum causetur, fieri potuisse, vt nouæ opinionis faber, etsi Caluinum aliôsque sectarios, quos expilasse dicitur, legerit nunquam, in easdem tamen cum illis sententias casu inciderit. Audiui complures recenti sectâ afflatos, qui ita eius Auctorem de plagio purgarent. Ridiculè. Si de vna tantùm aut altera ratione, si de vno S. Augustini testimonio ageretur, accipi vt-cunque illa excusatio posset. At cùm de omnibus noui dogmatis partibus, fundamentis, rationibus, confectariis, responsionibus, calumniis, & præcipuis S. Augustini, aliorumque Patrum testimoniis, quibus ista firmantur, sermo sit, nunquam profectò persuadebunt tantam in iis omnibus consensionem fortuito contigisse, nisi antè probauerint fieri posse, vt qui Virgilium viderit nunquam, Æncidem alteram Virgilianæ persimilem iisdemque sententiis, carminibus, ac verbis constantem casu pertexat.

Sed placet aliquid Aduersariis gratificari. Esto, singulari miraculo contigerit, vt eorum antesignanus, etsi Caluinum ne attigerit quidem, in omnibus tamen huiusce quæstionis partibus cum illo conspiraret, nihilque afferret prorsus, quod non esset à Caluino multo antè pronuntiatum. Sit ita sanè, per me licet: nec sic tamen euaserint. Nam si ita habet, quid ab illis nouæ sententiæ



interpolator tantopere prædicatur? Quid diuinæ gratiæ vindex acerrimus? Quid Catholicæ de libero arbitrio veritatis instaurator? Quid Augustinus alter nuncupatur? Quid demersas tot sæculis veritates primus in lucem euocasse, quid S. Augustini mentem ignotam huic ætati eduxisse è tenebris, & Scholasticæ Theologiæ caliginem, quasi clariori face illatâ, dispulisse proclamatur? Certè vel tituli tam illustres illi sunt abiudicandi, vel ipsi Caluino multo potiori iure attribuendi. Nam si nouo doctore ob impugnatam gratiam sufficientem corona decernitur; quid debetur Caluino, qui & primus, & iisdem argumentis, iisdem S. Augustini testimoniis, aduersus eandem gratiam acerrimè dimicauit? Si laudis aliquid meretur ille, quòd de peccandi necessitate ex Adamo contracta, & de vtriusque gratiæ discrimine, illa scripserit, quæ Caluinianæ nationis principes tot antè libris mandaue-  
rant: quàm gloriosum & illustre Caluino, ac Luthero fuit, eadem omnia eo tempore protulisse, quo erant prorsus inaudita, quòque suspicari nemo poterat, eos aliunde, quàm ex Augustino, cui se vni adhærere sanctissimè iurabant, illa deprompsisse?

Qui ista expenderit, arbitrabitur sanè actum esse de noui Doctoris gloria, & titulos omnes, quibus eius patroni ambitiosè illum exornant,

# PRÆFATIO

Caluino deberi, nisi ostenderint noui aliquid ab illo prolatum fuisse, quod à Caluino eiusque commilitonibus scriptum non fuerit. Quapropter quæso te (Erudite Lector) si quem ex nouæ opinionis consecratis familiarem habes, illum per doctoris sui famam obtestare, ut ex decumano eius opere ea seligat, quæ non ex Caluino emendicata, non ex aliis accersita Hæreticis, sed ex eius nata ingenio, vel ex diuturna illa, cui tot annos impendisse dicitur, S. Augustini lectione expressa, æquus rerum æstimator dubitare non possit. Hoc si ab illo extorseris, ausim ego vicissim polliceri demonstraturum me vel illa nihil admodum ad quæstionis cardinem pertinere, vel ex Caluinista aliquo percelebri totidem ferè verbis esse transcripta.

Sed vereor ut id ab eo elicere non possis. Quidlibet tentabit prius, quàm se tam periculoso certamini committat. Si hominem premas vehementiùs, id inclamabit vnum: *Non omnia, quæ scribit Caluinus sunt Hæretica.* Quæ sanè responsio non modò aperta latrocinij confessio est, sed erroris quoque suspicionem, quam amoliri nititur, plurimum auget. Neque enim ex Caluinistis ea nouus Doctor arripuit, quæ illi nobiscum habent communia: sed ea duntaxat selegit, in quibus à Catholicis dissident, quæque Concilij Tridentini canonibus, & Romanæ Ecclesiæ decre-



## AD LECTOREM.

tis aduersari tum Calvinistæ omnes, tum ipsi quoque, qui cum illis confluxere, Catholici vno ore testantur. Constabit illud in singulis noui dogmatis partibus, ac præcipuè in primaria eius opinione, quæ statuit solâ coactione liberum arbitrium pessumdari. Nam hæc sunt Calvinianæ Scholæ verba, fusiùs à nobis libro 1. cap. 1. sect. 1. §. 3. descripta: *Status controuersie est, an ad liberum arbitrium constituendum requiratur libertas à necessitate, an verò sufficiat illa, quæ est à coactione. Papistæ negant, nos affirmamus. Item: Differimus à Pontificiis, illi ad liberum arbitrium constituendum aiunt requiri non tantum libertatem à coactione, sed etiam à necessitate, nos negamus.* Quæ dum Calvinistæ vnanimi consensu profitentur, adeo non reclamant Doctores Catholici, vt pari conspiratione affirmant, hac præcisè opinione Caluini de libero arbitrio errorem contineri, eamque non Concilij tantum Tridentini, sed SS. Patrum, & superiorum Conciliorum decretis esse proscriptam. Plures appellabo libro 1. cap. 3. qui ita pronuntiant, nec vnus tantum nationis, aut instituti: sed Gallos, Belgas, Italos, Hispanos; Episcopos, Religiosos, Sæculares, vt omnes intellegant, hanc totius orbis Catholici vocem esse.

Liceat hîc mihi à nouitiis doctoribus sciscitari, cur hæc eorum sententia tam vnanimi Catholicorum consensu impunè repudietur. Nam si, vt iactant, vera est ac genuina Ecclesiæ do-

## P R Æ F A T I O

trina: si allaborante S. Augustino à Romanis Pontificibus, Conciliisquetam sæpe in fidei articulos relata est, ut qui vel de eius veritate dubitauerit Hæreticus sit atque Pelagianus: si denique, quod toties inculcant, est eiusmodi, ut ea ruente rueret Catholicam fidem, omnia diuinæ gratiæ mysteria collabi, & exitialem Pelagij hæresim reuiuiscere necesse sit: quid patitur Ecclesia eam à Catholicis doctoribus explodi, infamari, aboleri? Quid in tanta Catholicæ veritatis iniuria Apostolica sedes conniuet? Conniuet autem? Quid eam ipsam doctrinam suppressere conatur? Quid tam seuerè ne doceatur interdicit? Quid eandem cum primùm ab aliquo auctore editur in lucem nouâ continuò bullâ retundit? Quid contrariam opinionem, quam Hæreticam esse ac Pelagianam Aduersarij tantùm non iurant, doceri impune, ac libris mandari permittit? Itane verò, cò rerum deuenimus, ut iam Ecclesia grauissimis pœnis caueat, ne quis eam opinionem amplectatur, quam olim SS. Patres, quam superiora Concilia, quam Romani Pontifices Catholicam ad fidem pertinere definierunt; aliam verò approbet, quam eadem Concilia, iidemque Patres, ut Pelagiani erroris fontem, anathemate perculerunt. Quamuis Aduersarij ingenioli sint, & ad fucum faciendum eruditi, vix se tamen hoc argumento extricabunt. Nisi fortè palam & apertè profiteantur Catholicos omnes, qui



# AD LECTOREM.

se Caluini strage nobilitarunt, Pelagianâ labe infici, Pelagio velificari Summos Pontifices; eique posteriora Concilia aduersus Calvinistas atque Lutheranos collecta non obscure suffragari. Sciunt qui nouæ opinionis mysteriis iniantur, hæc ab arcanis eius placitis non penitus abludere. Ego certè aliquos noui, qui cùm Concilij Senonensis atque Coloniensis auctoritate virgerentur, eam proteruè abdicarunt: quique Pelagianismi notam aspersere nobilissimis Catholicæ fidei defensoribus, atque in primis Francisco Horantio, qui Tridenti, dum Concilio interesset, opus illud insigne aduersus Caluinum elaborauit, quo singula ferè noui dogmatis capita confutantur.

Verùm etsi hæc dicerent omnia: nec sic tamen huius argumenti vis infringeretur. Addendum esset insuper, Catholicam de libero arbitrio sententiam, quæ tot annos ab Ecclesia Romana exultat, floruisse semper apud Lutheranos & Calvinistas, eosque ab annis 120. S. Augustini doctrinæ hæredes ac patronos extitisse. Nam vt Romanæ Ecclesiæ Theologi, approbante Apostolica sede, nuperum de libertate dogma execrantur atque repudiant: sic illud Sectarij vt veterem Ecclesiæ & S. Augustini doctrinam acerrimè defendunt. Virūque porrò constabit ex Catholicis atque Hæreticis, quorum hinc tantum appellabo nomina, clarissima verò testimonia suo postea loco producam.

## PRÆFATIO

*Auctores qui ab annis 120. nouam de libertate opinio-  
nem tanquam genuinam veteris Ecclesia & S.  
Augustini doctrinam defenderunt, & contrariam  
Pelagianismi criminati sunt.*

MARTINVS LVTHERVS.

IOANNES CALVINVS.

MARTINVS BVCERVS.

PHILIPPVS MELANCTHON.

THEODORVS BEZA.

VOLPHANGVS MVSCVLVS.

PETRVS VERMELIVS Martyr.

HIERONYMVS ZANCHIVS.

PETRVS DV MOVLIN.

IOANNES PISCATOR.

DANIEL CHAMIERVS.

GVILLELMVS WITACHERVS.

DAVID PAREVS.

ZACHARIAS VRSINVS.

IOANNES SCHARPIVS.

AMANDVS POLANVS.

GVILLELMVS AMESIUS.

PAVLVS FERRIVS.

DORDRECHTANA SYNODVS.

Quibus consentiunt reliqui Calvinianæ atque  
Lutheranæ nationis procures, atque illi præcipuè  
qui Concilij Tridentini decreta labefactare co-  
nati sunt.



AD LECTOREM.

*Auctores qui ab annis 120. nouam de libertate opinionem vt Hæreticam, & Ecclesia atque adeo S. Augustini doctrinæ aduersantem proscripserunt.*

ANDREAS DV-VALLIVS.	}	Galli.
NICOLAVS YSAMBERTVS.		
IOANNES PVTEANVS.		
MARIVS SCRIBONIVS.		
IOANNES MALDERVS Episcop. Antwerp.	}	Belgæ.
CVNERVS PETRI Episcop. Leouard.		
RVARDVVS TAPPERVS.		
GVILLELMVS ESTIVS.		
IOANNES WIGERS.	}	Itali.
CARDINALIS BELLARMINVS.		
GABRIEL PENNOTTVS.		
ALEXANDER PESANTIYS.		
DIDACVS ALVARES Archiepiscopus Tranensis.	}	Hispani.
FRANCISCVS HORANTIYS.		
PETRVS DE CABRERA.		
FRANCISCVS CVMEL.		
PETRVS DE LEDESMA.		

Quibus & reliqui Catholici concinunt, qui aduersus Caluinum de libero arbitrio scripsere, atque in primis Albertus Pighius, Thomas Stapletonus, & Bartholomæus Camerarius.

PRÆFATIO AD LECTOREM.

Superest (Erudite Lector) vt paucis te admon-  
neam, quid Disputationi nostræ hac editione ac-  
cesserit. Posteriores libros, quibus noua opinio  
SS. Patrum, & Theologorum auctoritate con-  
uellitur, integros adieci. Priori verò multa spar-  
sim illigauì Hæreticorum atque Catholicorum  
testimonia, quæ mihi recens occurrerunt. Quæ-  
stiones etiam quatuor intexui, de amore Dei in  
omnes homines, de Christi morte pro omnibus,  
de Hæresi Prædestinatiana, & Concilio Are-  
latensi: quas vt perstringerem, extorsit obstina-  
ta Aduersariorum furandi libido, qui Apologias  
duas, quibus has præcipuè quæstiones ven-  
tilant, pudendis Hæreticorum spoliis infar-  
ciunt, sicque Doctorem suum defendunt, vt  
simul Calvinistarum omnium causam agant:  
sic illustrissimum Episcopum Vabrensem im-  
petunt, vt doctores omnes Catholicos, qui  
de Caluino triumpharunt, oppugnent. Quàm  
sit illud doctissimo Præsuli illustre ad gloriam,  
quàm eius calumniatoribus probrosum & turpe,  
ex iis intelliges quæ pag. 82. & sequentibus de  
celebri illa, quam maximè agitant, circa Chri-  
sti mortem controuersia obseruaui.




---

SVMMA PRIVILEGII  
Christianissimi Regis.

**C**AVTVM est auctoritate Regis, ne quis in regno suo, alijsue locis sue ditionis subiectis intra quinque proximos annos, *Librum*, qui sic inscribitur, *Defensio Censuræ sacræ Facultatis Theologiæ Parisiensis*, latæ 27. Iunii anni 1560. &c. Auctore ANTONIO RICARDO Theologo, absque Sebastiani Cramoisy Architypographi regij permissu, imprimat, aut diuendat, à die publicationis horum exemplarium; qui secus fecerit mulctâ indictâ, prout ampliùs in diplomate regio continetur, mulctabitur. Datum Parisiis 21. Ianuarij 1645.

Sic signatum, CRAMOISY.







## SYLLABVS CAPITVM.

ADITVS ad Disputa- tionem.	quas male ab Sorbona dam- nari pugnatur Aduersarius.
	12
PARAGRAPHVS I. Cau- sa scribendi.	PAG. 6. Quædam obser- uanda ad intelligendum , quale sit nouum illud de li- bertate dogma, quod Sorbo- nici proscribunt.
PAG. 2. Proponuntur argumenta, quibus Calum- niator Sorbonicam Censu- ram oppugnat.	13
PAG. 3. Diluuntur con- iectura, quibus pugnatur Sor- bonicam Censuram adulte- rinam esse, aut furtim fa- bricatam.	8 16 17
PAG. 4. Quid reliqua disputatione agendum sit, statuitur.	11
PAG. 5. Propositiones.	11
	PARAG. 7. Analysis noui de libertate dogmatis. 16 Noui dogmatis placita. 16 Fundamenta. 17 Consecutaria. 17 Effugia. 18 Calumnie. 20
	PARAG. 8. Totius dispu- tationis summa. 21

---

## LIBER PRIMVS.

IN quo Nouam de libertate opinionem  
merito à Sorbonâ damnari euincitur. 22

CAPVT I. Nouum de libertate dogma ex recen-  
tioribus Hæreticis insigni plagio arreptum est. 23

SECTIO I. Noui dogmatis placita ex recentio-  
ribus Hæreticis sumpta sunt. 24

PARAG. I. Sumpta sunt ex Vvicleffo. 24

PARAG. 2. *Sumpta sunt ex Lutheranis.* 25  
PARAG. 3. *Sumpta sunt ex Calvinistis.* 27

SECTIO II. *Aduersariorum responsis occurritur.* 30

PARAG. 1. *Prima responsio retunditur.* 31  
PARAG. 2. *Secunda responsio diluitur.* 33  
PARAG. 3. *Tertia responsio confutatur.* 38

SECTIO III. *Novi dogmatis fundamenta ex recentioribus Hæreticis petita sunt.* 41

PARAG. 1. *Primum fundamentum, quod est de gratiâ medicinali, ex recentioribus hæreticis petitum est.* 42  
• PARAG. 2. *Petitum est idem primum fundamentum ex Calvinistarum Synodo Dordrechtanâ.* 49  
PARAG. 3. *Secundum fundamentum petitum est ex recentioribus Hæreticis.* 52  
PARAG. 4. *Tertium fundamentum petitum est ex recentioribus Hæreticis.* 55  
PARAG. 5. *Quartum fundamentum petitum est ex recentioribus Hæreticis.* 58

SECTIO IV. *Novi Dogmatis corollaria ex recentioribus Hæreticis deprompta sunt.* 64

PARAG. 1. *Primum confectarium, quod est contra gratiam sufficientem, depromptum est ex recentioribus Hæreticis.* 65  
PARAG. 2. *Ex iisdem Hæreticis, emendicatum est quod noua opinio statuit, Deum nolle omnes homines saluos fieri.* 77  
PARAG. 3. *Ex iisdem Hæreticis descriptum est, quod noua opinio decernit, Christum pro omnibus hominibus non esse mortuum.* 82  
PARAG. 4. *Secundum confectarium, quo negant laudis aliquid ex opere bono in nos redundare, ex recentioribus Hæreticis depromptum est.* 94  
PARAG. 5. *Tertium confectarium, quo aiunt Deum im-*



*possibilia iubere, ex recentioribus Hæreticis depromptum est.* 98

**PARAG. 6.** *Quartum confectarium, quo asserunt peccari in eo, quod vitari non potest, ex recentioribus Hæreticis depromptum est.* 101

**SECTIO V.** *Novi Dogmatis effugia ex recentioribus Hæreticis captata sunt.* 103

**PARAG. 1.** *Primum effugium, quo celebrem Ecclesiastici locum eludunt, ex recentioribus Hæreticis captatum est.* 104

**PARAG. 2.** *Secundum effugium, quo explicant quomodo possit homo gratia medicinali resistere si velit, ex recentioribus Hæreticis captatum est.* 108

**PARAG. 3.** *Tertium effugium, quo huius dicti invidiam molliunt, Deus impossibilia iubet, ex recentioribus Hæreticis captatum est.* 111

**PARAG. 5.** *Quintum effugium, quo duplicem ignorantiam inuincibilem distinguunt, ex recentioribus hæreticis captatum est.* 115

**SECTIO VI.** *Novi Dogmatis calumniæ ex recentioribus Hæreticis arreptæ sunt.* 118

**PARAG. 1.** *Prima Calumnia, quâ communem de libertate opinionem ut Aristotelicam & Philosophicam infamant, ex recentioribus hæreticis arrepta est.* 118

**PARAG. 2.** *Secunda Calumnia, quâ communem de libertate sententiam Pelagianismi notâ inurunt, ex recentioribus Hæreticis arrepta est.* 125

**PARAG. 3.** *Ex iisdem Hæreticis descripta est tertia calumnia, quâ inscitia ac Semi-Pelagianismi notam iis scriptoribus aspergunt, qui aliquam Prædestinatio-  
nism hæresim extitisse testantur.* 131

**PARAG. 4.** *Quarta Calumnia, quâ Arelatensi Concilio Semi-Pelagianismi notam allinunt, ex recentioribus Hæreticis petita est.* 140

CAPVT II. Nouum dogma etsi ab antiquioribus  
Hereticis verbis distet, re ipsâ consentit : adeo-  
que pariter cum illis ab Patribus, Conciliisque  
damnatum est.

149

SECTIO I. Nouum dogma reipsâ consentit, &  
damnatum est cum illis Hereticis, qui olim libe-  
rum arbitrium cum Diuina præscientia stare posse  
negauerunt.

151

PARAG. 1. Probatur primò ex difficultate libertatis cum  
præscientiâ conciliande.

152

PARAG. 2. Probatur secundo ex argumentis Heretico-  
rum.

154

PARAG. 3. Probatur tertio ex modo, quo Sancti Patres  
libertatem cum præscientiâ conciliarunt,

156

SECTIO II. Nouum dogma cum Astrologorum &  
Stoïcorum heresi consentit, & damnatum est.

159

PARAG. 1. Demonstratur primò ex ipsis Astrologorum,  
& Stoïcorum effatis.

160

PARAG. 2. Demonstratur secundo ex SS. Patribus aduer-  
sus Astrologos Stoïcosque disputantibus.

162

SECTIO III. Nouum dogma cum Manichæis  
reipsâ consentit, & damnatum est.

164

SECTIO IV. Nouum Dogma reipsâ consentit, &  
damnatum est cum illis Hereticis, qui Diuinâ  
gratiâ liberum arbitrium interimiri putauerunt.

166

SECTIO V. Aduersariorum responsa diluuntur.

169

CAPVT III. Nouum Dogma damnatum est ab  
posterioribus Conciliis, Romanis Pontificibus, S.  
Thoma, Doctoribus Sorbonicis, Facultate Pari-



**SECTIO I.** *Nouum Dogma ab iisdem Conciliis damnatum est, quibus Lutheri, Calvinique heresis proscribitur.* 173

**PARAG. 1.** *Damnatur ab iisdem Conciliis, quod aiunt Aduersarij, hominem in hoc statu non esse liberum à necessitate.* 174

**PARAG. 2.** *Damnatur ab iisdem Conciliis, quod aiunt Aduersarij, non esse integrum homini gratiam internam admittere, vel respuere.* 176

**PARAG. 3.** *Damnatur ab iisdem Conciliis quod asserunt Aduersarij, nullam esse gratiam sufficientem tantum.* 179

**PARAG. 4.** *Damnatur ab iisdem quod aiunt Aduersarij, Deum impossibilia iubere.* 181

**SECTIO II.** *Nouum Dogma à summis Pontificibus damnatum est.* 183

**SECTIO III.** *Nouum Dogma à Doctoribus Parisiensibus tanquam hereticum reiicitur.* 185

**PARAG. 1.** *Heresis damnatur à sancto Thoma.* 186

**PARAG. 2.** *Heresis damnatur ab Andrea Du-Vallio.* 187

**PARAG. 3.** *Heresis damnatur ab Nicolao Tſamberſo.* 188

**PARAG. 4.** *Recens damnatum est à Facultate Parisiensi vniuersa.* 189

**SECTIO IV.** *Nouum Dogma ab aliis Doctoribus Gallis hereseos notatur.* 192

**PARAG. 1.** *Hereseos notatur à Ioanne Puteano.* 192

**PARAG. 2.** *Hereseos notatur à Mario Scribonio.* 193

**SECTIO V.** *Nouum Dogma à Doctoribus Belgis hereticum esse pronuntiatur.* 194

**PARAG. 1.** *Hereticum esse pronuntiatur à Ioanne Mal-*

*dero Episcopo Antuerpiensi*

194

PARAG. 2. *Hæreticum esse pronuntiatur à Cunero Petri Episcopo Leonardiensi.*

195

PARAG. 3. *Hæreticum esse pronuntiatur à Ruaro Tappero.*

196

PARAG. 4. *Hæreticum esse pronuntiatur à Ioanne Vvigers.*

197

PARAG. 5. *Hæreticum esse pronuntiatur à Guillelmo Estio.*

198

SECTIO VI. *Nouum Dogma ab Hispanis Doctoribus ut Hæreticum proscribitur.*

200

PARAG. 1. *Proscribitur ut Hæreticum à Francisco Horatio.*

200

PARAG. 2. *Proscribitur ut Hæreticum à Didaco Aluarez.*

203

PARAG. 3. *Proscribitur ut Hæreticum à Petro de Cabrera.*

205

PARAG. 4. *Proscribitur ut Hæreticum à Francisco Cummel.*

206

SECTIO VII. *Nouum Dogma à Doctoribus Italis inter Lutheri, Caluinique deliria recensetur.*

207

PARAG. 1. *Cardinalis Bellarminus nouam opinionem Lutheri Caluinique erroribus accenset.*

207

PARAG. 2. *Gabriel Pennotus inter Caluini, Lutherique hæreses nouum Dogma numerat.*

209

PARAG. 3. *Alexander Pefantius nouam opinionem inter nostri temporis Hæreses damnatam esse ait.*

210

PARAG. 4. *Alij physice prædeterminationis assertores nouam opinionem hæreticam pronuntiant.*

211



## LIBER SECVNDVS.

IN quo noua de libertate opinio SS. Patrum,  
atque in primis D. Augustini auctoritate  
conuellitur. 213

### PROLVSION

Noui Doctoris Proœmiali libro respondens.

PARAG. 1. *Qui Sorbonica censura S. Augustinum oppo-*  
*nunt, id Caluini & Melancthonis exemplo faciunt.* 213

PARAG. 2. *Refelluntur popularia praiudicia, quibus noui*  
*dogmatistæ abutuntur, ut imperitis persuadeant, S. Au-*  
*gustinum Sorbonica Censura aduersari.* 217

PARAG. 3. *An hac controuersa ex vnius S. Augustini*  
*mente dirimenda sit.* 233

PARAG. 4. *Secundi huiusce libri partitio.* 241

CAPVT I. *Noua de libertate opinio inde eueritur,*  
*unde præcipuum sibi præsidium accersit: nimirum,*  
*ex iis S. Augustini aliorumque Patrum testimo-*  
*niis, quibus liberum id esse definitur, quod est in*  
*nostrâ potestate.* 242

SECTIO I. *Explicatur ex sancti Augustini alio-*  
*rumque Patrum mente, quid sit aliquid esse in no-*  
*strâ potestate.* 244

PARAG. 1. *Demonstratur ex S. Augustino aliisque Pa-*  
*tribus, illud tantum esse in nostrâ potestate quod perinde*  
*à nobis fieri potest & non fieri.* 244

PARAG. 2. *Probatur amplius, illud tantum esse in no-*  
*strâ potestate quod peræque possumus, & eius oppositam.*  
249

SECTIO II. *Prima Aduersarij cauillatio refellitur,*  
*quâ ait, omnem omnino volitionem, ex S. Au-*

*Augustini aliorumque Patrum sententiâ, esse in liberâ voluntatis potestate.* 256

PARAG. 1. *Demonstratur ex S. Augustini aliorumque Patrum sententiâ, volitiones necessitate expressas non esse in liberâ voluntatis potestate.* 258

PARAG. 2. *Demonstratur nobilem S. Augustini Disputationem immani corruptelâ ab aduersario depravari, ut ex eâ conficiat volitionem omnem esse in nostrâ potestate.* 265

SECTIO III. *Refellitur altera aduersarij cauillatio, quâ ait, volitiones prorsus omnes esse in liberâ voluntatis potestate; quia fiunt cum volumus.* 274

PARAG. 1. *Hac S. Augustini definitio, Illud est in nostra potestate, quod sit cum volumus, à multiplici fuco purgatur.* 275

PARAG. 2. *Traditur accuratè, quid in libera potestatis definitione hæc verba significent, cum volumus, atque inde conficitur volitiones necessarias non esse in libera potestate.* 285

SECTIO IV. *Tertia aduersarij cauillatio depellitur, quâ docet esse in potestate voluntatis eos actus suspendere, quos omnimodâ atque adeo naturali necessitate producit.* 295

PARAG. 1. *Inanis hæc argutia multiplici ratione, ipsius aduersarij testimonio, & S. Thomæ auctoritate reuincitur.* 297

PARAG. 2. *Eadem argutia S. Augustini auctoritate confutatur.* 302

PARAG. 3. *Primi huiusce capituli Conclusio.* 308

CAPVT II. *Nuperum de libertate Dogma ex eo refellitur, quod S. Augustinus in omnibus operibus suis constanter docet: Neminem peccare in*



eo quod nullo modo caueri potest. 310

SECTIO I. S. Augustinus contra Manichæos disputans, nihil certius esse asserit, quàm neminem peccare in eo, quod vitare non potest. 312

PARAG. 1. Probatur primò vniuersim ex Manichæorum placitis, & primario S. Augustini argumento. 313

PARAG. 2. Probatur secundo ex libro de duabus animabus. 317

PARAG. 3. Probatur tertio ex libris contra Fortunatum & Secundinum. 319

PARAG. 4. Probatur quarto ex libris de libero arbitrio, & de vera Religione. 321

SECTIO II. Quæ Aduersarij ex retractationibus, & libris contra Manichæos, ac Pelagianos opponunt, dissoluuntur & tradita hæctenus S. Augustini doctrina validè comprobatur. 322

PARAG. 1. Prima obiectio confutatur, probaturque S. Augustinum etiam de naturâ lapsâ dixisse, neminem peccare in eo quod caueri non potest. 324

PARAG. 2. S. Augustini locus, ad quem Aduersarij prouocant, ampliùs expenditur, & ab insigni eorum corruptelâ vindicatur. 332

PARAG. 3. Altera Aduersariorum obiectio confutatur, & explicatur fusè quid sit ex S. Augustini mente peccatum tantum, quid peccatum simul & pœna peccati. 341

PARAG. 4. Probatur inuictissime S. Augustinum ab illis peccati definitionibus, quas contra Manichæos attulit, non exclusisse ea peccata, quæ ab hominibus ignorantia & concupiscentiâ implicatis deliberatò committuntur. 349

PARAG. 5. Multum abesse à noui Doctoris mente S. Augustinum, cùm peccandi necessitatem quamdam ex concupiscentiâ fluere docet. 356

**SECTIO III. Explicatur accuratè S. Augustini  
opinio de ignorantia peccatis, & à pluribus Ad-  
uersarij corruptelis vindicatur.** 363

**PARAG. 1.** Proponitur Aduersarij opinio de ignorantia in-  
vincibili, eiusque arcana radix inciditur. 365

**PARAG. 2.** Prima noui Doctōris hallucinatio, eaque pal-  
maris reuincitur, quā supponit SS. Augustinum & Hie-  
ronymum de solâ iuris naturalis ignorantia cum Pelagia-  
nis dimicasse. 373

**PARAG. 3.** Secunda noui Doctōris hallucinatio excutitur,  
quâ ignorantiam confundit, cum eo quod ex ignorantia  
committitur. 379

**PARAG. 4.** Tertia aduersarij hallucinatio detegitur, qua  
ad ignorantiam inuincibilem transfert, quod S. Augu-  
stinus de vincibili affirmat. 388

**PARAG. 5.** Quarta nuperi Theologi hallucinatio aperitur,  
qua nobilem S. Augustini locum suam in opinionem in-  
gratius detorquet. 394

**PARAG. 6.** SS. Augustini & Hieronymi, atque adeo ip-  
sius Palestina Synodi de ignorantia peccatis opinio expli-  
catur. 399

**PARAG. 7.** Quo sensu S. Augustinus affirmet, ignoran-  
tia peccata non esse peccata tantummodò, sed peccata si-  
mul & pœnas peccati. 409

**PARAG. 8.** Quid sit ignorantia peccata non voluntate,  
sed necessitate committi. 415

**CAPVT III.** Precipua nouæ opinionis placita ex  
S. Augustini contra Pelagianos operibus confu-  
tantur, atque illud in primis quod tueretur acrius,  
Deum homini lapsò impossibilia præcipere, & ad  
iustum bonorum præmium, ac malorum supplicium  
fatis esse, ut sponse agant. 419



**SECTIO I.** *Demonstratur ex S. Augustino contra Pelagianos scribente, Deum homini lapso impossibilia non præcipere, nec iustè peccatorem puniri posse, si solam à coactione libertatem habeat.* 420

**PARAG. 1.** *Argumentum ex Divinis præceptis, & supplicis peccatorum desumptum, quo S. Augustinus evincit inesse homini corruptio liberum arbitrium, novam opinionem prorsus labefactat.* 421

**PARAG. 2.** *Præcluduntur aliquot Effugia, quibus Aduersarius superioris argumenti vim conatur eludere.* 426

**PARAG. 3.** *Præcipua Aduersarij responsio frangitur, simulque plurima novæ opinionis placita, quæ illi incumbunt, evertuntur.* 430

**PARAG. 4.** *Eadem responsio aliis ab Aduersario verbis proposita refellitur.* 436

**SECTIO II.** *Nova opinio ex bonorum præmiis, aliisque S. Augustini contra Monachos Adrumetinos argumentis oppugnatur.* 444

**PARAG. 1.** *S. Augustini argumentum ex bonorum præmiis accersitum, novam opinionem cum Adrumetinorum errore inuictissimè profligat.* 445

**PARAG. 2.** *Alterum S. Augustini argumentum ex capite 15. Ecclesiastici petatum, novum dogma manifestè confutatur.* 455

**PARAG. 3.** *Quod S. Augustinus ait, gratia cum libero arbitrio consensum esse explicatum difficillimum, manifestè indicat, eum non agere de libertate à coactione.* 460

**SECTIO III.** *S. Augustinus cum Pelagianis dimicans manifestè docet, hominem lapsum non à coactione tantum, sed etiam à necessitate liberum esse.* 468

PARAG. 1. *Libertas à necessitate hominibus lapsis ex eo vindicatur, quod S. Augustinus in eandem humane libertatis notionem cum Pelagianis consentiat.* 469

PARAG. 2. *Idem efficitur ex Pelagianorum circa liberum arbitrium errore, & S. Augustini cum illis conflictu.* 477

PARAG. 3. *Illud ipsum ampliùs probatur nobili S. Augustini loco, quem Aduersarij petita ex Martino Chemnicio ineptissima explicatione fradè corrumpunt.* 488

CAPVT IV. *Sancti Augustini doctrinam de gratiâ sanitatis & gratiâ medicinali à nouæ opinionis fautoribus deprauari.* 495

SECTIO I. *Quæ Aduersarius gratia sanitatis propria esse contendit, gratiæ quoque medicinali à S. Augustino tribuuntur.* 498

PARAG. 1. *Argumenta, quibus Aduersarius probat, ex mente S. Augustini gratia sanitatis proprium esse, ut agendi necessitatem non inferat, idem de gratiâ medicinali efficiunt.* 498

PARAG. 2. *Pulcherrimus S. Augustini locus ab insigni nuperi Doctoris corruptelâ defenditur.* 506

SECTIO II. *Quidquid Aduersarius gratia medicinali singulariter adscribit, gratiæ quoque sanitatis à S. Augustino tribuitur.* 515

PARAG. 1. *Gratia natura integra etiam operabatur uelle, & uoluntati meritum dabat.* 515

PARAG. 2. *Adiutorium nature integra ipsam quoque persecuerantiam dabat.* 520

PARAG. 3. *Probatur ad Angelos quoque pertinere illud Apostoli: quis te discernit, quid habes quod non accepisti?* 528

PARAG. 4. *Reliqua Aduersarij argumenta, quibus insuperabilem gratia medicinalis vim adstruit, contra gra-*



tiam sanitatis pugnare demonstrantur, tandemque ex gratia medicinalis naturâ libertas ad verumlibet homini lapsa vindicatur. 533

SECTIO III. Discrimen gratia medicinalis à gratiâ sanitatis, ex S. Augustini mente explicatur. 538

PARAG. 1. *Novus Doctor mala fide agit, cum dissimulat, genuinum inter utramque gratiam discrimen ex opinione suâ in eo poni, quod gratia medicinalis sit motio voluntatis, gratia verò natura integra motio intellectus.* 539

PARAG. 2. *Quo sensu gratia natura integra sit sola intellectus illustratio: gratia verò natura corrupta motio voluntatis.* 543

PARAG. 3. *Aperitur & refellitur arcanum novæ opinionis mysterium, quo docet, gratiam natura lapsa, idcirco ineluctabilem voluntati necessitatem imponere, quia est indeliberatus complacentia aut desiderij motus.* 549

PARAG. 4. *Confectaria quedam ex superiori doctrinâ deducuntur, quibus utriusque adiutorij proprietates explicantur.* 558

PARAG. 5. *Nova coniectura de S. Augustini mente circa adiutorium sine quo non, & adiutorium quo.* 565

CAPVT V. *Nouum Dogma ex iis S. Augustini locis obteritur, quibus liberum arbitrium cum simplici necessitate coniunxisse videtur.* 574

SECTIO I. *Expenditur S. Augustini locus ex libro 5. De ciuitate Dei c. 10. & ex Catholicorum, qui aduersus Calvinistas scripserunt, mente, exponitur primum: tum in nouam opinionem militare demonstratur.* 576

PARAG. I. *Proponitur locus ille, & Catholicorum verbis*

<i>explicatur.</i>	576
PARAG. 2. <i>Integra S. Augustini cum Cicerone disputatio aduersus nouam opinionem militat.</i>	582
SECTIO II. <i>S. Augustini sententia de libertate Dei &amp; Beatorum explicatur.</i>	591
PARAG. 1. <i>An ex S. Augustini mente Diuina libertas cum simplici necessitate consistat.</i>	592
PARAG. 2. <i>An ex mente S. Augustini libertas cum simplici necessitate in Beatorum voluntate cohareat.</i>	596
PARAG. 3. <i>Ventilatur postrema eaque leuissima noui Doctoris ratio ex Diuinâ libertate desumpta.</i>	601

## LIBER TERTIVS.

IN quo nouum Dogma Theologorum auctoritate labefactatur. 612

CAPVT I. *S. Thomam nouo Dogmati adeo nihil suffragari, ut illud confutet validissimè, & hæreticum esse pronunciet.* 615

SECTIO I. *S. Thomas nouam opinionem confutat, & reiecit.* 615

PARAG. 1. *Probatur primùm ex eo loco, ubi disertè nouam opinionem Hæreticam esse pronuntiat.* 616

PARAG. 2. *Probatur secundò ex iis locis, quibus voluntati nature simul & libera potentie rationem tribuit, negatque ad liberum arbitrium pertinere quod necessario volumus.* 619

PARAG. 3. *Probatur tertio ex iis locis, quibus ait libertatem esse dominium, & proprium eius actum electionem.* 621

PARAG. 4. *Probatur quarto ex iis locis, in quibus Deo, Angelis, & homini liberum arbitrium adscribit.* 623



**SECTIO II.** *Aliquot S. Thomæ testimonia, quæ dudum à Caluinistis aduersus communem de libertate opinionem proposita sunt & à Catholicis Doctoribus soluta, ex S. Doctoris mente paulò fusiùs explicantur.* 627

**PARAG. 1.** *Soluuntur S. Thomæ testimonia, in quibus liberum arbitrium, cum naturali necessitate coniungi videtur.* 628

**PARAG. 2.** *Explicantur S. Thomæ loci, in quibus libero arbitrio solam coactionem opponere videtur.* 633

**PARAG. 3.** *Exponuntur S. Thomæ testimonia, in quibus videtur solam à coactione libertatem ad meritum requirere.* 638

**CAPVT II.** *Reliqui Theologi S. Thomæ posteriores ut communem de libertate opinionem tuerentur, ita nouam interimunt.* 644

**SECTIO I.** *Expenditur opinio Scholasticorum, quos Caluinistæ suarum partium esse gloriantur.* 645

**PARAG. 1.** *S. Bonauentura.* 645

**PARAG. 2.** *Ioannes Scotus eiusque discipuli.* 650

**PARAG. 3.** *Gabriel Biel.* 653

**SECTIO II.** *Explicatur sententia Scholasticorum, quos à Caluinistis prætermisissos nouus Doctor de suo adiecit.* 659

**PARAG. 1.** *Henricus à Gandauo.* 660

**PARAG. 2.** *Richardus de Media-Villa.* 665

**PARAG. 3.** *Thomas de Argentina.* 669

**PARAG. 4.** *Dionysius Carthusianus.* 673

**PARAG. 5.** *Marfilius de Inghen.* 676

**PARAG. 6.** *Nicolaus de Orbellis, Stephanus Brulefer, & Petrus Capulleius.* 678

Appendix ad superiorem disputationem : seu Petrus  
du Moulin Calvinista noui Doctoris breuiator.  
685

*Liberum arbitrium non simplici necessitate, sed sola coactione violari.* 687

*Homines peccandi necessitate obstringi, nec idcirco à culpa excusari.* 690

*Deum impossibilia precipere.* 692

*Gratiam sufficientem esse explodendam.* 695

*Nullam medicinalem gratiam effectu suo carere.* 698

*Christum non esse mortuum pro omnibus hominibus, nec Deum velle omnes homines saluos fieri.* 700

*Parallelum opinionis recentiorum cum Semi-Pelagianis.* 701







I  
DISPVATIO  
THEOLOGICA  
DE  
LIBERO ARBITRIO.

---

ADITVS AD DISPVATIONEM.

PARAGRAPHVS PRIMVS.

*Causa scribendi.*



RODIIT non ita pridem Libellus  
nescio quis contumeliosus in Sorbo-  
nam, totique Academiæ Parisiensi  
periniuriosus: qui hoc vnum molitur,  
vt Censuram, quâ Doctores Sapien-  
tissimi quædam de Libertate dogmata  
proscripserunt 27. Iunij, 1560. adulte-  
rinam, extortam, ineptam, inanem, ridiculam esse con-  
uincat. Qua in re ita versatur, vt in hac vna Censura,  
omnia Sacræ Facultatis Decreta labefacter, atque  
conuellat. Nemo est enim ita plumbeus, qui iisdem  
rationibus, ac cauillis, quibus ista Censura oppu-

gnatur, reliquas omnes aut euertere, aut infamare non possit. Quis ferat tam grauem Sorbonæ iniuriam, tam fœdam labem inuri? Ego verò non patiâr; sed pro mea in Sacram Facultatem propensissima voluntate, hanc ab ea calumniam omni conatu propulsabo.

Quod antequam aggredior, placet illam ipsam Censuram repræsentare, prout in Sorbonico Chartophylacio descripta seruetur. Huius Censuræ exempla quædam sunt in Belgio, autographi nostri planè consimilia: nisi quòd in Præfatione partim detracta sunt, quæ minùs ad causam spectant; partim addita, quæ lucis afferrent aliquid, doceréntque, quinam harum Propositionum auctores in Belgio fuissent. Vidi ego Lutetiæ, missa Louanio apographa huiusmodi nonnulla: & tale fuisse oportet illud, ex quo descriptam Censuram edidit Petavius tom. 3. Theolog. Dogm. sub finem libri quinti, qui est de Libero Arbitrio tertius. Vbi, quod ille ait, datam à se operam, ut cum Actis, quæ seruantur in Facultatis tabulario, diligenter conferretur: sanè de Propositionibus, earúmque Censura (quod hoc in negotio spectandum erat vnum) verissimè dixit: titulum autem (quem quis admodum curet, vbi res tenetur?) cuiusmodi erat in Belgicis exemplaribus reliquit. Hoc vnum habuit insulsus Criticus, quod in eius editione morderet.

Ego verò, ne quid habeat in posterum, quod puerilibus expostulatiunculis prosequatur, ineptè ac frigide argutus Censor; non Censuram tantum, sed & longiusculam illam Præfationem, de qua conquestus est, ex Actis Facultatis ad verbum exscribo.

*ANNO Domini millesimo quingentesimo sexagesimo, die Iouis, vicesimâ septimâ mensis Iunij, Sacratissima Theologiae Facultas Parisiensis, post Missam apud Collegium Sorbonæ ex more celebratam, in eo-*



dem Collegio, per iuramentum congregata est in materia fidei, super propositionibus infra scriptis, per eandem Facultatem cum matura deliberatione Magistrorum Nostrorum Censurâ notatus, quas Fr. Petrus de Quercu Guardianus Conuentus Niuellensis, & Fr. Ægidius de Querceto Guardianus Athiensis, prædictæ Facultati Theologiae miserunt, sigillis prædictorum Conuentuum signatas; rogantes obnixè, ut super iis dicta Facultas Censuram ferret. Quarum propositionum tenor sequitur, cum Censura ad easdem.

## I. PROPOSITIO.

Liberum arbitrium hominis non habet potestatem ad oppositâ, nec illi conuenit ea potestas ex ipsius naturali, & intrinseca ratione.

## CENSURA.

*Prima pars huius propositionis est HÆRETICA: secunda est falsa, & erronea, & morali Philosophiæ aduersa.*

## II. PROPOSITIO.

Libertas, & necessitas eidem conueniunt respectu eiusdem: & sola violentia repugnat libertati naturali hominis.

## CENSURA.

*Huius propositionis prima pars includit contradictionem, & est HÆRETICA: secunda est falsa.*

## III. PROPOSITIO.

Liberum arbitrium ex sua ratione intrinseca non habet, ut ex se, de se, & per se efficiat actum liberum.

*Hac propositio est falsa, erronea, & perniciofa.*

## IV. PROPOSITIO.

Liberum arbitrium ex se non potest nisi peccare: & omne opus liberi arbitrij sibi dimissi, est peccatum mortale, aut veniale.

## CENSURA.

*Hac propositio pro utraque parte est HÆRETICA.*

## V. PROPOSITIO.

Homo faciendo quod in se est, peccat: & non potest non peccare faciendo quod in se est.

## CENSURA.

*Tota hac propositio est hæretica.*

## VI. PROPOSITIO.

Posse peccare non est de ratione liberi arbitrij hominis; nec eiusmodi potentia peccandi, homini data est à Deo.

## CENSURA.

*Huius propositionis prima pars est falsa; & secunda hæretica.*

## VII. PROPOSITIO.

Liberum arbitrium hominis non potest absque speciali gratia Dei vitare peccatum; unde fit, ut omne opus hominis purè infidelis, sit peccatum.

## CENSURA.

*Huius propositionis secunda pars est falsa, & male ex præcedenti inferitur.*

## VIII. PROPOSITIO.

Liberum arbitrium libere vult quidquid



AD DISPUTATIONEM.

sponte suâ voluntariè vult : ita vt quod necessariò vult, idem libere velit.

CENSURA.

*Huius propositionis secunda pars implicat contradictionem, & est HÆRETICA.*

IX. PROPOSITIO.

Hæreticus, schismaticus, & homo non purè infidelis, meretur quandoque de condigno vitam æternam.

CENSURA.

*Hac propositio est planè hæretica.*

X. PROPOSITIO.

Homo existens in peccato mortali, siue eius reatu ad æternam mortem, habet in se charitatem.

CENSURA.

*Hac propositio est hæretica.*

XI. PROPOSITIO.

Per contritionem, non adhibito realiter sacramento Baptismi, vel Pœnitentiæ, non dimittitur crimen extra casum martyrij, & necessitatis.

CENSURA.

*Hac propositio est hæretica.*

XII. PROPOSITIO.

Peccator si faciat quod mandatur per contritionem, & confessionem factam sacerdoti, non remittitur illi peccatum, nisi sacerdos absoluat, etiamsi per malitiam absque ratione sacerdos illi neget absolutionem.

*Hac propositio est hæretica.*

XIII. PROPOSITIO.

Non nisi Pelagiano errore admitti potest ante primam iustificationem in homine, liberi arbitrij vsus bonus: & qui se præparat ad eam, peccat, vt is, qui pessimè abutitur suis bonis naturalibus. Nam ante eam omnia opera hominis sunt peccata damnatione digna.

CENSURA.

*Hac propositio pro omnibus partibus est hæretica,*

XIV. PROPOSITIO.

Non datur gratia nisi reluctanti, perinde nec prima iustificatio; quæ iustificatio est ipsa fides: fides enim est, quâ ex impio quis fit pius.

CENSURA.

*Huius propositionis duæ primæ partes sunt hæreticae, & tertia est falsa.*

XV. PROPOSITIO.

Homo necessariò peccat etiam damnabiliter, in aliqua specie peccati: & actus, ad quem necessariò fertur, est illi peccatum. quare vt libere feratur in actum, non est conditio necessaria ad peccandum.

CENSURA.

*Hac propositio est HÆRETICA pro omnibus partibus.*

XVI. PROPOSITIO.

Nemo præter Christum est absque peccato



originali : hinc Beata Virgo mortua est propter peccatum, quod contraxerat ex Adam : omnesque eius afflictiones in hac vita, sicut & aliorum iustorum, sunt ultiones peccati originalis, vel actualis. Vnde & Iob passus est, & Martyres propter peccata sua.

## CENSURA.

*Hæc propositio pro omnibus partibus est hæretica, & Beatae Mariæ Virgini Dei genitrici, ac Sanctis iniuriosa.*

## XVII. PROPOSITIO.

Omnia in gloriam Dei facite : & , dico vobis non resistere malo : sunt simpliciter vt præcepta accipienda.

## CENSURA.

*Huius propositionis posterior pars, vt iacet, est hæretica.*

## XVIII. PROPOSITIO.

Omne opus bonum est meritorium vitæ æternæ. quòd si aliquod remuneretur temporaliter tantum, non dignum vitæ æternæ, illud malum est, quia nullum est opus meritorium, nisi æternæ vitæ.

## CENSURA.

*Hæc tota p. oppositio repugnat sacra Scriptura.*

Age nunc, videamus quibus argumentis huius auctoritatem Censuræ Calumniator infringat.

## PARAGRAPHVS II.

*Proponuntur Argumenta, quibus Calumniator hanc Censuram oppugnat.*

DVA S in partes Libellum suum distinxit. In prima, Censuram adulterinam esse, aut subreptitiam: in altera, inanem, ridiculam, iniustam esse contendit. Priorem brevissimè perstringit, eamque coniecturis tam inanibus, & ludicris confirmat, satis ut constet illum verbo tenus affirmare legitimam non esse Censuram, nec sperasse vnquam id se lectoribus persuasurum. Sed aliud fuit hac in parte vaferrimi hominis consilium: nimirum, cum statuisset Censuram hanc cauillari atrociter, eamque multis nominibus criminari; timuit, ne ingens illa calumniarum moles, ad Sacre Facultatis nomen allisa frangeretur. Quare, contrà quàm sentiebat, affirmandum sibi putauit adulterinam esse Censuram, ut eam postea tanto licentiùs, quanto securiùs arroderet. Neque verò in hac versipelli calumniandi ratione inexpertus est, & tyro: eadem arte postremam Summi Pontificis Bullam sugillauit, quàm illæ ipsæ sententiæ configuntur; quas Sorbonica Censura proscripsit. Nouerant omnes Bullam hanc legitimam esse, & Summi Pontificis iussu in varias Europæ partes transmissam: id loquebantur, qui Româ recentes venerant: idem testabantur creberrimæ illinc ad primarios omnium ordinum viros scriptæ litteræ: ipse Apostolicus Nuncius ab Rege impetrauerat, ut in Gallia promulgaretur. Tanta nihilominus fuit profligati Calumniatoris impudentia, eam ut assereret ementitam esse, & in Belgio fabricatam: non quòd rem ita habere existimaret; sed ut liberiùs in hanc Bullam, quæ vellet, effutiret. Qui in re notissima tam insigniter calumniatur, quàm fide de Sorbonica Censura, ab ætate,



te, notitiâque nostra remotissima loquetur?

Vbi primam hanc partem libauit breuiter; in altera, quæ controuersia caput est, ingenioli robur omne, virêlque consumit; pugnatque acriter, Sorbonicam Censuram inanem esse, iniustam, & ridiculam; quod propositiones plurimas hæreticas, aut erroneas pronuntiet, quas ipsi Theologorum principes, vt certas, & Catholicas amplectuntur. Quod vt euincat, vnam seligit, in qua, sic tanquam illustri in exemplo, Censuræ iniquitatem ostendat. Hæc autem est eiusmodi: *Libertas, & necessitas eidem conueniunt respectu eiusdem: & sola violentia repugnat libertati hominis naturali.* Hanc propositionem immeritò hæreseos notari pugnat, idque corrogatis vndique ex S. Thoma, Scotòque testimoniis efficere nititur. Atque vt nullam ab Sacerâ Facultate calumniam abstineat, Sorbonicz Censuræ Sorbonicos Doctores duos opponit, qui hanc propositionem Catholicam esse suo suffragio confirmant.

### PARAGRAPHVS III.

*Diluuntur coniectura, quibus pugnat Sorbonicam Censuram adulterinam esse, aut furtim fabricatam.*

Hæc est argumentorum summa, quibus Calumniator Sorbonicam Censuram impetit, atque adeo, si Superis placet, labefactat. Ex quibus leuiora sunt illa, quæ subreptitiam probant, quàm vt solidam responsionem mereantur. Nam quis ludieras, secumque pugnantes malè feriat hominis suspiciones curet? quis cum inanibus coniecturis nullâ probabilitatis specie coloratis, sic quasi cum lemuribus, & lapidis luctari diutius, & confingere velit? Ego certè eas singillatim non excutiam, sed vniuersim aduersus omnes, duo præscri-

## PARAGRAPHVS II.

*Proponuntur Argumenta, quibus Calumniator hanc Censuram oppugnat.*

D V A S in partes Libellum suum distinxit. In prima, Censuram adulterinam esse, aut subrepticiam : in altera, inanem, ridiculam, iniustam esse contendit. Priorem breuissimè perstringit, eamque coniecturis tam inanibus, & ludicris confirmat, fatis vt constet illum verbo tenus affirmare legitimam non esse Censuram, nec sperasse vnquam id se lectoribus persuasurum. Sed aliud fuit hac in parte vaferrimi hominis consilium : nimirum, cùm statuisset Censuram hanc cauillari atrociter, eamque multis nominibus criminari ; timuit, ne ingens illa calumniarum moles, ad Sacre Facultatis nomen allisa frangeretur. Quare, contrà quàm sentiebat, affirmandum sibi putauit adulterinam esse Censuram, vt eam postea tanto licentiùs, quanto securiùs arroderet. Neque verò in hac versipelli calumniandi ratione inexpertus est, & tyro : eadem arte postremam Summi Pontificis Bullam sugillauit, quâ illæ ipsæ sententiæ configuntur ; quas Sorbonica Censura proscripsit. Nouerant omnes Bullam hanc legitimam esse, & Summi Pontificis iussu in varias Europæ partes transmissam : id loquebantur, qui Româ recentes venerant : idem testabantur creberrimæ illinc ad primarios omnium ordinum viros scriptæ litteræ : ipse Apostolicus Nuncius ab Rege impetrauerat, vt in Gallia promulgaretur. Tanta nihilominus fuit profligati Calumniatoris impudentia, eam vt assereret ementitam esse, & in Belgio fabricatam : non quòd rem ita habere existimaret ; sed vt liberiùs in hanc Bullam, quæ vellet, effutiret. Qui in re notissima tam insigniter calumniatur, quâ fide de Sorbonica Censura, ab ætate,



te, notitiâque nostra remotissima loquetur?

Vbi primam hanc partem libauit breuiter; in altera, quæ controuersix caput est, ingenioli robur omne, virêque consumit; pugnâtque acriter, Sorbonicam Censuram inanem esse, iniustam, & ridiculam; quod propositiones plurimas hæreticas, aut erroneas pronuntiet, quas ipsi Theologorum principes, vt certas, & Catholicas amplectuntur. Quod vt euincat, vnâ seligit, in qua, sic tanquam illustri in exemplo, Censuræ iniquitatem ostendat. Hæc autem est eiusmodi: *Libertas, & necessitas eidem conueniunt respectu eiusdem: & sola violentia repugnat libertati hominis naturali.* Hanc propositionem immeritò hæreseos notari pugnat, idque corrogatis vndique ex S. Thoma, Scotoque testimoniis efficere nititur. Atque vt nullam ab Sacra Facultate calumniam abstineat, Sorbonicæ Censuræ Sorbonicos Doctores duos opponit, qui hanc propositionem Catholicam esse suo suffragio confirmant.

### PARAGRAPHVS III.

*Diluuntur coniecturæ, quibus pugnat Sorbonicam Censuram adulterinam esse, aut furtim fabricatam.*

Hæc est argumentorum summa, quibus Calumniator Sorbonicam Censuram impetit, atque adeo, si Superis placet, labefactat. Ex quibus leuiores sunt illa, quæ subreptitiam probant, quàm vt solidam responsionem mereantur. Nam quis ludieras, secumque pugnautes malè feriat hominis suspiciones curet? quis cum inanibus coniecturis nullâ probabilitatis specie coloratis, sic quasi cum lemuribus, & lapidis luctari diutius, & confingere velit? Ego certè eas singillatim non excutiam, sed vniuersim aduersus omnes, duo præscri-

bam; quibus illas ruere funditus, & collabi necesse sit.

Primum est: si adulterina est illa Censura, quomodo in Sacrae Facultatis tabularium irrepsit? si extorta per vim, aut clam doctioribus, paucorum factione conflata; cur in eodem tabulario tamdiu iacet? cur non euellitur, eraditur, expungitur? cur ex quo exire coepit in lucem, & volitare per Galliam, non reclamant Sacra Facultas, eamque contrario decreto non rescindit? si iniusta est, & Parisiensi Facultate indigna, ut garrit Aduersarius, cur illam non eiurat Sorbona? cur in tanto infamiae periculo conuiuet? illa, inquam, Sorbona, quae nominis & famae adeo retinens est, ut nuper tres e suis Doctoribus reuocare eam approbationem coegerit, quae pestilentem *Theophili de la Milletiere* librum comprobant; quae illam ipsam approbationem contrariam Censuram abrogauit, ne qua ex eius infamia, Sacrae Facultati labes allineretur. Cur, inquam, Sorbona adulterinam hanc Censuram totam circumferri Europam patitur? Certè quae in re tanti momenti ita silet, annuere videtur, & probare.

Alterum, quod aduersus futes Aduersarij coniecturas excipio, istud est; si valent rationes illae, quibus sua huic Censurae auctoritas detrahatur, vix alia est vlla Sorbonae Censura, quae vim aliquam obtineat. Nam quis pari iure eleuare reliquas, atque ut extortas, aut sine matura deliberatione conflatas, reicere non possit? Hac arte Philippus Melancthon illam explodit, quae Lutheri errores ab Sacra Facultate damnantur. Hae sunt eius verba in Apologia pro Luthero, quae habetur inter opera eiusdem Lutheri, tomo 6. *Colonienfium* (inquit) *insaniam vicere nunc non dissimili exemplo quicumque tandem sunt, qui Parisiis Lutherum damnauerunt: adduci enim non possunt, ut credam rem communibus totius ordinis Theologiae suffragiis utram esse. Quid ita? quia, inquit, compertum habeo esse ibi etiam, quibus non displicet Lutherus. Qui*



igitur fieri potuit, ut illa Censura quâ Lutherus tam acriter perstringitur, totius Facultatis nomine inscriberetur? Rationem subiicit Melancthon. *Quis nescit in Capnionia causa per quas larvas res acta sit? cum Facultas etiam diceretur decreuisse, septem nâ fallor ad summum, & in iis Monachi aliquot conuenerant, qui, sicut ipsi loquuntur, representabant Facultatem. Quid si idem hic accidit? Video iisdem coniecturis euerri ab Melancthone veterem illam, sacrâque Censuram, quibus recentior hæc ab Sorbonæ hoste conuellitur. Sed improuidum me! qui in ea parte confutanda tempus tero, quæ ruit ipsa per sese, quâque Aduersarius eo tantum consilio præni- sit, ut fucum faceret, & Sacræ Facultatis auctoritatem defugeret. Malim ego cedere iure meo, & seponere tantisper Sorbonæ nomen, solâque ratione pugnare, quàm in his nugis diutiùs immorari.*

## PARAGRAPHVS IV.

*Quid reliquâ Disputatione agendum sit, statuitur.*

VELITARI hætenus, & proludere visus est Aduersarius; nunc præliatur, & pugnat. Atque ut summi imperatores, fortissimos sæpe milites deligunt, qui bellum, ne extrahatur longiùs, singulari certamine dirimant: sic ille, ut labori parcat & tempori, ex omnibus Sorbonicæ Censuræ partibus vnâ sumit, quam hac lege inuadit, ut si illam iniustam & inanem esse viderit, tota explodatur Censura: sin minùs, ipse Calumniatoris nomen non recuset. Conditionem accipio: & in hac vna Sorbonicæ Censuræ parte, reliquas defendo. Et verò eiusmodi est illa, quæ oppugnatur, ut cum reliquis ferè omnibus implicata sit, atque connexa. Vnde, ut ruere non potest, quin aliæ collabantur, ita nec ab Aduersarij calumniis vindicari, quin reliquæ pariter confirmantur. Quod ut intelligas, illam ipsam pro-

positionem, aliâsq̃ue cum illa cohærentes adscribam, & singulas eas notas attexam, quas illis Sorbonici suâ Censurâ inusserunt.

# PARAGRAPHVS V.

*Propositiones, quas malè ab Sacra Facultate damnari pugnât Aduersarius.*

PRIMARIA est ista, quæ secundum in Censura locum obtinet. *Libertas, & necessitas eidem conueniunt respectu eiusdem, & sola violentia repugnat libertati naturali hominis.* Quam ita notat Sorbona. Huius propositionis prima pars includit contradictionem, & est HÆRETICA: secunda est falsa.

Similis est octaua. *Liberum arbitrium liberè vult quicquid sponte, seu voluntariè vult, ita vt quod necessario vult, idem liberè velit.* Quam simili quoque Censurâ perstringit Sorbona his verbis: *Huius propositionis secunda pars implicat contradictionem, & est HÆRETICA.*

Cum his propositionibus aliæ ibidem damnatæ cohærent: cuiusmodi est prima. *Liberum arbitrium hominis non habet potentiam ad opposita, nec ei conuenit ea potestas ex ipsius intrinseca, & naturali ratione.* Quis sit huius propositionis sensus, nemo nouo dogmate initiatus non videt: nimirum innuit amisisse hominem per peccatum, illam ad opposita potestatem, quam Adamus in statu innocentie acceperat. Quod adeo Sorbonicis non placet, vt hanc illi notam infligant. Prima pars huius propositionis est HÆRETICA: secunda falsa, & morali Philosophiæ aduersa.

Eodem spectat propositio 15. *Homo necessario peccat, etiam damnabiliter in aliqua specie peccati: & actus, ad quem necessario fertur, est illi peccatum.* Quare vt libere feratur in actum, non est conditio necessaria ad peccatum. Statuebant huiusce propositionis auctores cum Luthero & Calui-



no, hominem ita peccandi necessitate obstringi, ut à peccato abstinere non possit: pugnabant nihilominus eum à culpa non excusari; quòd satis sit ad culpam contrahendam, ut voluntariè agamus, quia in eorum sententia omne voluntarium est liberum. Quare addebant libertatem illam, quæ in potestate agendi & non agendi ponitur, non esse conditionem necessariam ad peccatum. Hanc propositionem *pro omnibus partibus* HÆRETICAM esse pronuntiant Sorbonici.

Ferre non potest Sorbonæ obtrectator damnari has propositiones. At cum præcipuè malè habet, quòd prima hæreseos notetur. Hinc obtrectandi calumniantique occasionem sumit. Ego verò contendo nihil unquam ab Sorbona iustius esse sancitum, nihil decretum sanctius. Quod multò commodius præstabo, cum nouum illud de libertate dogma, quod hîc damnatur, penitiùs introspexero.

## PARAGRAPHVS VI.

*Quædam obseruanda ad intelligendum quale sit nouum illud de libertate dogma, quod Sorbonici proscribunt.*

OBSERVANDVM primò ex Philosophis, vulgarique opinione, liberum arbitrium ita definiri: *Potentia est, quæ positis omnibus ad agendum prærequisitis, potest agere, & non agere.* Libertas sic explicata duplex est; contrarietatis altera, altera contradictionis. Libertas contrarietatis, quæ & specificationis dicitur, ea est, quæ positis omnibus ad agendum prærequisitis, contrarios actus exercere potest; ut amare, vel odisse. Libertas verò contradictionis, quæ & exercitij, est illa, quæ, positis omnibus ad agendum prærequisitis, potest actum ponere, vel non ponere, ut amare, vel non amare; licet odisse non possit. Vtramque libertatem hanc perimi

necessitas simplex, seu determinatio ad vnum, quia alterius partis eligendæ facultatem eripit.

Obseruandum secundò, ex Aristotele, S. Thoma, aliisque cum Philosophis, tum Theologis, *Voluntarium esse id, cuius principium est in ipso agente, cognoscente singula, in quibus est actio: siue, vt loquuntur Nemesius, & Damascenus, quod sit à principio intrinseco, cum cognitione finis.* Vnde colligitur, duo ad rationem voluntarij requiri. Primum est, vt sit à principio interno. Secundum, vt agens operetur cognoscendo finem, propter quem agit, & alias circumstantias actionis suæ. Defectu posterioris huiusce conditionis, non est voluntarium perfectum in brutis, pueris, & amentibus. Est tamen in eis imperfecta quædam voluntarij ratio, quæ imperfectam finis cognitionem complectitur, & vulgò spontaneum appellatur.

Obseruandum tertio: Coactum esse illud, *quod sit à principio extrinseco, passio nihil conferente, sed potius repugnante.* Ita post Aristotelem, Philosophi omnes, atque Theologi. Qua ex definitione elicitur, duas esse actionis coactæ conditiones. Prima est, vt sit à principio extrinseco. Secunda, vt ad illam passum nihil conferat; immo reluctetur. Quo loco illud quoque obseruandum est; violentum, coactum, & inuoluntarium, etsi confundantur sæpe; ita distingui tamen, vt genera à speciebus, & ab arctioribus ampliora. Latissimè omnium patet violentum, illudque complectitur omne, quod fit contra inclinationem rei cuiuslibet, etiam inanimæ: ita lapis dicitur violentiam pati, quando sursum proiicitur. Coactum verò spontaneo tantum opponitur, estque illud omne, quod fit contra inclinationem appetitus sensitui, aut rationalis: sic animal cogitur, quando, contra quàm vult, impellitur, & mouetur. Inuoluntarium denique soli aduersatur voluntario, fitque contra inclinationem voluntatis: vnde omne inuoluntarium, est coactum; & omne coactum, violentum:



non autem contrà, omne violentum, est coactum; neque omne coactum, est inuoluntarium.

Obseruandum quartò, voluntati vim inferri non posse, quoad actus elicitos: seu, quod eodem recidit, fieri non posse, vt actus aliquis elicitus à voluntate, inuoluntarius sit, & coactus. Communis hæc Philosophorum, Theologorumque sententia, ita vulgò probatur: Nullus actus elicitus à voluntate potest esse à principio extrinseco, voluntate nihil conferente: ergo nullus actus elicitus à voluntate potest esse inuoluntarius, & coactus. Confirmatur. Fieri non potest, vt ait Augustinus lib. 3. de libero arbitrio capite 3. *vt cum volumus, non velimus*; ergo fieri non potest, vt coactè velimus, quia coactè velle, est velle, cum non vis: vnde patet tam esse impossibile, vt actus voluntatis, sit inuoluntarius, quàm est impossibile, vt volendo non velimus. Quod de humana voluntate diximus, de brutorum appetitu dictum puta. Fieri enim non potest, vt quod apperunt, inuitè appetant; adeoque implicat contradictionem, vt vim patiantur quoad actus elicitos appetitus sensitiui.

Obseruandum quintò, voluntatem posse vim pati, quoad actus imperatos: id est, posse actus aliarum facultatum, quæ naturâ suâ voluntatis imperio subiiciuntur, poni voluntate renitente. Quod adeo clarum est, vt probatione non indigeat. Nam quis neget posse quemlibet per vim adigi ad audiendum, quod audire nolit? vel ad videndum, quod nolit intueri? Quis neget valentiorē aliquem posse alterius inuiti, atque repugnantis manum commouere?

His obseruatis, faciliè intelligitur, quid velint damnatæ à Sorbona opinionis auctores, cum aiunt; *Liberatam & necessitatem eadem conuenire respectu eiusdem, & solam violentiam repugnare libertati naturali hominis*. Nimirum ita statuunt: libertatem non esse positam in indifferentia, seu potestate agendi, & non agendi; ac

proinde stare posse cum simplici necessitatē, quæ voluntatem ad vnum affigit, illiq; alterius partis eligendæ facultatem adimit. Addunt nihil requiri ampliùs ad rationem liberi, quàm ad rationem voluntarij; adeoque omne voluntarium esse liberum, & solâ coactione libertatem perimi, coactione, inquam, illâ, quæ ipsi voluntati, & eius actibus elicitis inferatur; quæ cum sit impossibilis, contendunt fieri non posse, vt aliquis actus voluntatis non sit liber; fatenturque amorem, quo Beati amant Deum, esse liberum; item, liberum esse amorem, quo Deus amat seipsum; liberam quoque Spiritus sancti productionem: quia hæc omnia, etsi necessaria sint, voluntariè fiunt, non coactè. Sed alia sunt huiusce opinionis mysteria, eaque valdè recondita: quæ aperiri meliùs non possunt, quàm si totum hoc dogma suas in partes, ac veluti membra dissectum, hîc exhibeatur.

#### PARAGRAPHVS VII.

##### *Analysis noui de libertate dogmatis.*

HABET id commodi nouum hoc dogma, quòd omnes eius partes ita cohærent inter se, vt vnâ negatâ, ruant alix omnes; eadèmq; admittâ, alix pariter admittantur. Id ex hac summa constabit, in qua illius opinionis placita, fundamenta, consecutaria, effugia, & calumnias paucis explicabo.

##### *Noui de libertate dogmatis Placita.*

QVI nouam hanc opinionem procudisse videri volunt; sed emortuam certè, & cum illius auctoribus Hæreticis consepultam reuocarunt in lucem.

Statuunt primò, in statu naturæ lapsæ absolutam, & antecedentem necessitatem hominis voluntati inferri:



atque adeo cùm bene agit, necessariò bene agere: cùm malè agit, necessariò malè agere.

Statuunt secundò, manere nihilominus in homine liberum arbitrium, quòd libertas in indifferentia non consistat, nec cum absoluta, & antecedenti necessitate pugnet, sed coactioni tantùm, ac violentiæ internæ aduersetur.

### *Fundamenta*

QVATVOR fundamentis nititur hæc opinio. Priora duo efficiunt, hominis voluntati necessitatem inferri: Posteriora, manere nihilominus liberum arbitrium, quòd sola coactio libertatem interimat.

Primum sumitur ex gratia Christi, seu gratia medicinali; quæ ab gratia voluntatis sanæ in eo distingui dicitur; quòd hæc voluntatem ad agendum, aut non agendum indifferentem relinquat: illa verò agendi necessitatem imponat.

Secundum petitur ex concupiscentia, quæ, si absit efficax gratia, absolutam, & antecedentem peccandi necessitatem adferre dicitur.

Tertium ex libertate Dei, Christi, Beatorum, ac Dæmonum, qui omnes, ex aduersariorum opinione, etiam tunc libere agunt, cùm necessariò agunt.

Quartum ex auctoritate sanctorum Patrum, ac præcipuè Augustini, Bernardi, & S. Thomæ, quos omnes coactionem solam, eamque internam, libertati opposuisse contendunt.

### *Conseſtaria.*

Ex hac opinione sua, eiúsque fundamentis colligunt primò: nullam Christi gratiam, seu medicinalem, esse sufficientem tantùm, quia, ut volunt, omnis Christi gratia agendi necessitatem imponit, ac proinde nulla effectui suo caret. Vnde rursus inferunt, nec Deum velle omnes homines saluos fieri: nec Christum pro omnibus mortem obisse;

quia plurimis sufficientia ad salutem media non impartit.

Colligunt secundò: hominem in statu innocentiae, potuisse sibi aliquid laudis ex opere bono vindicare; quia, posita gratia, quâ ad beneagendum indigebat, erat in eius potestate agere, & non agere; atque adeo illi tribuebatur, quòd ageret: at in statu naturæ lapsæ nihil laudis ex opere bono in nos redundare, quia cum gratia medicinalis agendi necessitatem inducat, homini tribui non debet, quòd agat.

Colligunt tertio: *esse quædam homini præcepta secundum statum & vires, in quibus constitutus est, impossibilia*; atque id ex superioribus ita deducitur. Homini gratiâ Christi destituto impossibile est seruare mandata Dei: at peccator, cum peccat, est omni Christi gratiâ destitutus: ergo peccatori impossibile est seruare mandata Dei. Minor probatur sic, ex iisdem principiis. Si peccator, cum peccat, haberet aliquam Christi gratiam, bene ageret; nam omnis Christi gratia bene agendi necessitatem imponit: ergo peccator, cum peccat, nullam habet Christi gratiam.

Colligunt quartò: demereri homines, ac mereri, dum id agunt, quod virare, & à quo abstinere non possunt: adeoque explodendum esse vulgare illud axioma, *Nemo peccat in eo, quod cauere non potest*: Quod ex hoc nouæ opinionis fundamento, *Quicquid in hoc statu siue boni, siue mali sit ab homine, necessario fit*, euidentissimè deducitur. Eodem pertinet, quod aiunt, *innuncibilem ignorantiam à peccato non excusare*.

### *Effugia.*

SVA sunt huic dogmari effugia, partim stolta, partim subdola, quibus vulgaria Theologorum argumenta conantur eludere.

Primum est, quo se ab iis Scripturæ locis extricant,



quibus indifferens in vtramque partem homini libertas adscribitur. Cuiusmodi est celeberrimus ille ex capite 15. Ecclesiastici. *Apposui tibi aquam & ignem: ad quod volueris, porrige manum tuam.* His, inquiunt, in locis loquitur Scriptura de libertate viatorum, in qua non negamus reperiri indifferentiam: cum sit in iis *mutabilitas, & naturalis flexibilitas*, quâ modò parti vni, modò alteri se addicunt. Quam responsionem si exsufflaueris, aliam continuò inuadent, pugnabuntque iis in locis scripturam loqui de homine integro, non de lapso, & peccati labe contaminato.

Secundum paulo fusiùs explicabo, quia tam subtile est, vt nimia tenuitate euanescat, & perspicacissimam ingenij aciem effugiat. Cum nouæ opinionis auctoribus Tridentini decretum opponimus, quo sancitum est, hominem præuenienti gratiæ dissentire posse, *si velit*, rogamûsque, quomodo id cohareat cum nouo dogmate, quod præcisè negat gratiæ Christi resisti posse. Respondent vtrumque conciliari optimè, quòd Tridentinus Canon non dicat hominem ita gratiæ dissentiri posse, vt aliquando dissentiat; sed hoc vnum affirmet, hominem posse dissentiri, *si velit*, id est si dissentiat; nam velle dissentiri, dissentiri est. Quare hunc esse aiunt Tridentini Canonis sensum: homo præuenienti gratiæ dissentiri potest, si dissentiat; quem nouo dogmati nihil obesse clamant. Nam etsi mordicus tueantur neminem posse præuenienti gratiæ resistere; fatentur tamen verè hoc dici, hominem gratiæ resistere posse, *si velit*, id est, si resistat. Eâdem cauillatione, alia quamplurima Scripturæ Patrumque testimonia effugiunt, quibus conditionata illa particula, *si*, apponitur.

Tertium adhibent ad molliendam quarti Corollarij inuidiam. Homo, inquiunt, etsi necessariò peccet, culpabiliter peccat; quia peccandi necessitas, & bene agendi impotentia, non est ipsi innata, sed ab primi parentis peccato profecta.

Quartum eodem ferè spectat. Duplicem distinguunt ignorantiam inuincibilem. Prima est iuris naturalis, quæ cum in statu innocentix abesse deberet, nobis in peccati pœnam est inflicta, adeoque, inquit, à peccato non excusat, quia illam primi parentis culpâ incurrimus. Secunda est, ignorantia iuris positiui; quæ, cum ab statu innocentix non excluderetur, non est nobis in peccati pœnam irrogata, sed ab ipsa potius natura inflita, ac proinde peccatum excusat.

*Calumniæ.*

TRIUMPHANT hac in parte nuperi Dogmatistæ, & communem opinionem, quam rationibus euertere non possunt, atrocissimis calumniis infamare nituntur.

Primò, Aristorelicam, & Philosophicam per ludibrium nuncupant; quasi sit illa sanctis Patribus ignota, & ab solis prophanis Philosophis repetita. Cuius calumniæ ut inuidiam augeant, in Philosophiam inuehuntur acerrimè; atque ex eius ignominia, vulgari, de libertatis indifferentia, sententiæ dedecus accersunt.

Secundò, eandem sententiam Pelagianam esse criminantur. Quod tantâ verborum pompâ se effecturos pollicentur, ut id vel ipso calumniæ apparatu suæ factionis hominibus persuadeant.

Tertiò, cum opinionem suam intelligant in Prædestinarianorum errorem incidere, Catholicos scriptores carpunt, qui aliquam Prædestinarianorum hæresim extitisse testantur: nec eos tantum inscitiz accusant, sed etiam Semi-Pelagianismi suspitione aspergunt.

Quartò, Arelatense Concilium quo Prædestinarianorum hæresis, atque adeo noua opinio proscripta est, non explodunt modò, sed audaciâ singulari ex Semi-Pelagianis tantum conflatum fuisse calumniantur: ac proinde S. Pragmatium Augustodunensem Episco-



pum, S. Patientem Lugdunensem, S. Claudium Bisuntinum, aliósq̃ue doctrinâ, & pietate præstantes Episcopos, quos huic interfuisse Concilio Baronius narrat, inter Hæreticos accensent.

## PARAGRAPH. VIII.

*Totius disputationis summa.*

HANC ego opinionem tribus libris, sic quasi totidem machinis, expugnabo.

Libro primo, ostendam Sorbonicos nec inscitix, nec temeritatis argui posse, quòd hanc sententiam ignominiosâ notatam Censurâ, & inter Lutheri, Calvinique hæreses ablegatam, Catholicis è Scholis æternùm exulare voluerint.

Libro secundo, Sorbonæ hostibus Sancti Augustini præsidium, quod immeritò sibi arrogant, extorquebo: vincamque Censuram Parisiensem cum S. Augustini, Patrùmque mente apprimè congruere: nec posse nisi à calumniatoribus affirmari: Sorbonicos huius Censuræ auctores S. Augustini de libero arbitrio sententiam aut ignorasse turpiter, aut ab ea malitiosè descivisse.

Libro tertio, pluribus efficiam iniquè agere Novos Dogmatistas, qui veteres Theologos in Parisiensis Academiæ Censuram, hoc est, filios in optimæ matris honorem, armare conantur. Demonstrabo S. Thomam aliósq̃ue Theologos, qui superioribus sæculis ingenij, & eruditionis laude floruerunt, quique Parisiensis Academiæ parentes extiterunt, aut Alumni, nihil vnquam docuisse, quod Sorbonicam de recenti opinione Censuram infirmet.

DISPUTATIONIS  
DE  
LIBERO ARBITRIO  
LIBER PRIMVS.

*In quo nouam de libertate opinionem meritò  
à Sorbona damnari euincitur.*

**N**ihil ad Censuram Parisiensem ab recenti calumnia defendendam validius dici potest, quàm SS. Patres, & Concilia eam Sorbonicis auctoritate sua præiuisse. Romanos verò Pontifices, Doctoresque Catholicos eandem suo iudicio consecrassè. Sic planè ut qui hanc Sorbonæ Censuram inanem esse dixerit, dixerit quoque inania esse fulmina omnia, & anathemata, quibus Ecclesia Lutheranos, Calvinistas, aliòsque humanæ libertatis hostes coniuratos attriuit. Illud ipsum est, quod hoc libro tribus argumentis, in totidem capita digestis, probare aggredior.

Primum argumentum sic habet: Nouum de libertate dogma cum Hæreticorum huius temporis de libero arbitrio errore tam accuratè consentit, ut eius placita, fundamenta, consecraria, calumniæ, effugia, ex Lutheranorum, atque Calvinistarum libris hausta sint; ergo nouum de libertate dogma meritò à Sorbona proscribitur.



Secundum est: Noua de libertate opinio, etsi verbis distet ab antiquorum Hæreticorum opinionibus, qui ob ereptam homini libertatem damnati sunt; re tamen ipsâ cum illis conuenit; ergo meritò à Sorbona reiecta est.

Tertium est: Noua de libertate sententia à posterioribus Conciliis, summis Pontificibus, Doctoribus Sorbonicis, aliisque Catholicis Theologis, vt Hæretica repudiata est; ergo à Sorbona meritò damnatur.

## CAPVT I.

*Nouum de libertate dogma totum ex recentioribus  
Hæreticis insigni plagio arreptum est.*



VIDQVID agant noui dogmatis architecti, nunquam æquis iudicibus persuadebunt, nihil se cum hæreticis habuisse commercij. Quis enim putet casu, & fortuito contigisse, vt in eandem cum illis opinionem conuenirent, eamque non iisdem tantum verbis conciperent, sed iisdem etiam rationibus probarent, iisdem confirmarent Scripturæ Patrûmque testimoniis, iisdem exemplis, ac similitudinibus illustrarent, iisdem denique effugiis, ac calumniis ab aduersariorum argumentis defenderent? Miraculi certè, ac prodigij loco istud foret. At ne quis fortè hæc à me fingi putet, vt nupero dogmati ex hæreticorum nomine inuidiam consciscam: placet hîc vtramque sententiam componere, & indicare paucis, quàm bene cum recentioribus hæreticis noui Dogmatistæ in opinionis suæ placitis, fundamentis, consecrariis, effugiis, calumniisque consentiant.

## SECTIO I.

*Novi dogmatis placita ex recentioribus Hæreticis sumpta sunt.*

Toto libro  
6. de gratia  
Christi, ac  
præsertim  
cap. 6. 7. 8.  
9. 10.

**N**OVÆ opinionis placita vnâ hac sententiâ continentur : *Natiua hominis libertas non simplici necessitate, sed sola coactione interna perimitur. Quamobrem csi homo in hoc corrupta natura statu quidquid boni aut mali agit, antecedenti necessitate obstrictus agat, libere tamen agit, quia non coactè.* Illud ipsum est, quod ab recentioribus hæreticis ad conuellendam humanam libertatem affirmatum esse contendo.

## PARAGRAPHVS I.

*Sumpta sunt ex Wicleffo.*

**A**B Wicleffo ducam exordium, quodd postremis hisce temporibus libertati primus bellum indixerit. Mentem illius pluribus exponit acerrimus Catholicæ veritatis propugnator Valdensis lib. 1. Doctrinalis fidei art. 1. cap. 22. vbi plurimos veteres hæreticos recenset, qui cum Wicleffo liberum arbitrium sustulerunt, additque : *Vna est radix errorum eius & omnium prædictorum, necessitas absoluta futurorum euentuum. Hæc est grata hæresis Manichæis, Iovinianistis, Iacobitis, Prædestinatis, Wicleffistis, & Paganis. Sed propter necessitatem istam destruxerunt hi prædicti liberum arbitrium, quidam publicè, sicut Manichæi & Iovinianistæ, quidam occultè, sicut Prædestinati & Wicleffistæ, qui profitentur quidem liberum arbitrium saluare, & saluant quidem exemplariter, at destruunt in effectu. Sed quâ tandem fieri potuit, vt, vel in speciem, liberum arbitrium Wicleffistæ retinerent, qui hominis voluntatem absolutæ necessitati subiiciebant ? Rationem suggerit Val-*



Valdenſis idem capite ſequenti, *Reſpondent communiter Wicleſſiſta trutinantes gloſſam euasoriam, quòd DEVS NON NECESSITAT NECESSITATE COACTIONIS AD BONVM, VEL MALVM FVTVRVM; QVIA ILLA SOLA TOLLIT ARBITRII DIGNITATEM: non autem alia neceſſitas praueniens abſolute futuritionem effectus. Quid cum nouo dogmate conſentaneum magis?*

## PARAGRAPHVS II.

*Sumpta ſunt ex Lutheranis.*

DAMNATAM ab Conſtantiendi Concilio Wicleſſi de libertate ſententiam Lutherus inſtaurauit, eamque tum aliis paſſim libris, tum in eo præſertim, quem *de ſeruo arbitrio* inſcripſit, acerrimè defendit. Quo in libro edit. Wittemberg. anni 1546. fol. 468. hæc habet. *Sequitur nos neceſſariò operari; neceſſariò verò dico, non coactè, neceſſitate immutabilitatis, non coactionis: hoc eſt, homo, cum vacat ſpiritu Dei, non quidem violentià, velut raptus oborto collo, nolens facit malum; ſed ſponte & libenti voluntate facit. Hoc vocamus modò neceſſitatem immutabilitatis, quòd voluntas ſeſe mutare & vertere aliò non poſſit. Rurſus ex altera parte, ſi Deus in nobis operatur, mutata & blandè aſſibilata per ſpiritum Dei voluntas, iterùm merà libentià & pronitate, ac ſponte ſuà vult & facit, non coactè, pro natura voluntatis, qua ſi cogeretur, voluntas non eſſet. nam coactio potiùs eſt, vt ſic dicam, noluntas.*

Lutheranum hoc dogma accuratè admodum, ac fuſiſſimè explicat Lutheranorum omnium ſubtiliſſimus Hieronymus Zanchius, qui in eam rem ita ſcripſit, vt neminem credam illius de libero arbitrio tractatum legere poſſe, quin ei veniat in mentem nouos Dogmatiſtas inde opinionem ſuam, & rationes quibus vtuntur, ac præcipua Patrum teſtimonia ſumpſiſſe.

Qui id experiri volet, caput sextum legat libri primi Tractatum Theologicorum, ex quo pauca in exemplum delibo; Thesi 1. pag. 81. edit. Neostadiensis anni 1597. *Est itaque hac nativa, propria & inseparabilis humane voluntatis libertas, quòd quidquid vult, & non vult, siue bonum, siue malum, illud sine coactione velit, & nolit.* Et pag. 82. Proinde turpiter falluntur, qui ideo nos liberum arbitrium homini adimere contendunt, quia dicimus homines impios necessario peccare; non enim voluntatis nostre libertas in hoc consistit, quòd nulla necessitate ad peccandum adigatur; sed in hoc, quòd ab omni coactione libera est. Vnde Thesi 2. liberum arbitrium sic definit: **EST ANIMÆ FACULTAS AB OMNI COACTIONE LIBERA.** Eadem sæpius inculcat, Tomo miscell. lib. 3. tractatu de prædestinat. ac præsertim cap. 6. editionis tertie anni 1593. pag. 72. *Verum in hoc negotio hominibus impedimento est, quod existimant non esse liberum arbitrium in illis rebus, quæ aliter se habere non possunt, NEQUE COGITANT LIBERÒ ARBITRIÒ OPPONI COACTIONEM, NON AUTEM NECESSITATEM, aut aliter volendi impossibilitatem.*

Consonat Zacharias Vrsinus Vratislaviensis Minister q. 1. de lib. arb. *Est igitur, inquit, liberum arbitrium facultas, seu potentia volendi sine coactione; Et quibusdam interiectis: Porro necessitatem, seu immutabilitatem, quæ non ex coactione, sed ex natura voluntatis, aut eius per alias causas ad eligendum, vel repudiandum obiectum à mente cogitatum commotione existit, nequaquam cum libertate voluntatis pugnare, facile ostendi potest. Primum, quia hæc necessitas mentis iudicium, & voluntatis assensum spontaneum non tollit. Secundo, quia Deus etiam si naturâ; hoc est, summa & absoluta necessitate bonus est; tamen non coactè, sed liberrima voluntate. Tum ad Pontificios: Iam igitur in argumento suo aduersarij, si libertatem eam intelligunt, quæ in mentis deliberatione, & voluntatis assensu spontaneo consistit, non modò concedimus, sed melius etiam,*



*quàm ipsi defendimus voluntatis libertatem in omnibus suis actionibus.* Breuissimè Amandus Polanus p. 33. editionis Geneu. anni 1612. *Arbitrium hominis corrupti est naturalis potentia sine coactione eligendi.* Et paulo post, LIBERVM EST, QVOD AB OMNI COACTIONE IMMUNE.

Ex his colligo, nihil Catholicos ab Lutheranis discrepare, si id semel admisserint, solam coactionem liberrati repugnare. Quod pluribus ostendit Martinus Bucerus primarum inter Lutheranos partium scriptor, lib. de Concord. doctrinæ. PAX EST, inquit, CATHOLICOS INTER ET LUTHERANOS, SI SOLA COACTIO LIBERTATI REPVGNAT, quod enim Catholici dicunt hominem esse liberi arbitrij, intelligi debet de arbitrio libero à coactione, non à necessitate: quod verò dicunt Lutherani hominem non esse liberi arbitrij, accipiendum est de arbitrio libero à necessitate, non à coactione. Pax est ergo nouos inter Dogmatistas, & Lutheranos.

## PARAGRAPHVS III.

*Sumpta sunt ex Calvinistis.*

PAX quoque inter eos & Calvinistas. Certè Calvinus sæpe id proficitur, hominem hoc sensu esse liberi arbitrij, quòd non cogatur. Insignis est locus iste ex libro 2. in Pighium editionis tertiæ Geneu. pag. 153. SI COACTIONI OPPONITVR LIBERTAS, LIBERVM ESSE ARBITRIVM ET PATEOR, ET CONSTANTER ASSEVERO: AC PRO HÆRETICO HABEO, QVISQVIS SECVS SENTIAT. Si hoc, inquam, sensu liberum vocetur, quia non cogatur, aut violentè trahatur externo motu, sed sponte agatur suâ, nihil moror. Eadem dixerat libro 2. Instit. cap. 2. §. 6. & Lombardum huiusce opinionis auctorem fecerat, Pronuntiat, inquit, Lombardus non liberi arbitrij ideo nos esse,

quòd ad bonum, & malum, vel agendum, vel cogitandum peraquè polleamus, sed duntaxat, quòd coactione soluti sumus. Quia libertas non impeditur, etiamsi pravi simus, & serui peccati, & nihil aliud, quàm peccare possimus. Liberi ergo arbitrij hoc modo dicitur homo, non quia liberam habeas boni aquè ac mali electionem, sed quia malè voluntate agit, non coactione.

Præceptoris vestigiis insistant Beza, & Petrus Du Moulin. Prior quidem in Libello Quæst. & Respons. Christianarum, edit. tertiæ Geneu. anni 1576. pag. 680. quærenti Catechumeno, Vis igitur libertati non repu-

Nous n'osons pas à l'homme la liberté de la volonté. nous sçavons que le bien que font les enfans de Dieu, ils le font volontiers & sans contrainte. La nécessité de pecher ne repugne point à la liberté de la volonté, tesmoins les Diables, qui sans naturellement, & nécessairement meschant, & nécessairement pechent fort librement, & sans contrainte: la nécessité ne repugne point à la liberté, mais la contrainte. Du Moulin Bouclier de la foy article 9.

gnare necessitatem eligendi? Respondet: Apertius dico, non necessitate, sed coactione demum tolli voluntatem, aut contingentiam. Posterior verò sic loquitur: Homini non eripimus libertatem voluntatis, scimus filios Dei libenter, & sine vi agere, quidquid boni agunt. Tum paucis interiectis: Necessitas peccandi non repugnat libertati voluntatis. Testes sunt demones, qui necessario mali sunt, quique nihilominus liberrimè, & sine coactione peccant: sic Deus necessario bonus, est summè liber: necessitas libertati non repugnat, sed coactio. Si mentem suam Gallicè exponerent noui Dogmatistæ, non aliis verbis vterentur, quàm quæ Molinæus vsurpauit.

Temperare non possum, quin hîc quoque aliquid attexam ex Chamiero celeberrimo illo ætatis nostræ Calvinista, qui (teste Duplessio) tantum sibi apud suos auctoritatis, & famæ confecerat, ut tota in Gallia oraculi instar haberetur. Controuersiam hanc multis agitât tom. 3. libro 2. & aduersus Catholicos probat liberum arbitrium non absolutæ necessitati, sed coactioni tantum essentialiter opponi. Quod ut efficiat, cap. 1. num. 12. proponit Catholicorum opinionem, qui necessitatem libero arbitrio aduersari contendunt, subditque: Nostri contrà statunt, posse quidem cadere in arbitrium libertatem à necessitate; sed non ita, ut sit de eius essentia; sicque libertatem posse constare, dempta coactione.



*sine violentia, etiamsi adsit aliqua alia necessitatis species.*  
 Quod multis postea capitibus euincere conatur.

Idem tentat Ioannes Piscator, recoctus Caluinista, qui in Theſibus Theologicis Sigenæ Nassouiorum ann. 1596. editis, liberum arbitrium definit, facultatem volendi & nolendi sine coactione. Additque: *An verò rectè contendant Catholici, agendi quoque necessitatem à libero arbitrio repellendam, videamus.* Et Witakerus tomo 1. l. 5. aduersus Duræum pag. 135. col. 1. *Et Deus bene & demones necessario agunt malè, in quo voluntati libera non opponi necessitatem vides.* LIBERTATEM ENIM VOLUNTATIS, NON NECESSITAS, SED VIS ET COACTIO TOLLIT. Necnon & Dauid Pateus l. 5. de gratia & libero arbitrio c. 4. pagina 368. editionis Hidelbergensis anni 1614. *Nulla necessitas ex omnibus libertati natura repugnat, nisi due: una physica seu naturalis necessitas, qua est determinatio nature brutæ ad vnum semper eodem modo agendum: Altera coactio, seu coactionis necessitas qua est determinatio nature rationalis ad vnum præter, vel contra voluntatem à violento externo principio.* Brandius quoque pagina 36. NON NECESSITAS QUÆVIS, SED COACTIO TOLLIT LIBERTATEM.

Denique Ioannes Scharpius insignis Caluinista hanc esse totius Caluinisticæ factionis opinionem disertè profiteretur in libello, quem ita inscripsit: *Tractatus de misero hominis statu sub peccato, in duos libros distinctus, quorum priori de peccato eiusque pænâ: posteriori verò de viribus in homine per peccatum reliquis, seu de libero arbitrio agitur. In quibus controuersie omnes de utroque dogmate, præcipuè verò quæ inter nos, & Papiſtas, explicantur. Qui libellus omnes aduersarij opiniones, & præcipua D. Augustini, quibus illæ nituntur, testimonia tam accuratè perstringit, vt qui nesciuerit illum annis triginta antè noui Doctoris opera editum fuisse, illorum esse compendium arbitretur.* Sic autem loquitur libro 2. de libero arbitrio cap. 1. DIFFERIMVS A PONTIFICIIS.

ILLI AD LIBERVM ARBITRIVM CONSTITVENDVM AIVNT REQVIRI NON TANTVM LIBERTATEM A COACTIONE, SED ETIAM A NECESSITATE. NOS VERÒ DICIMVS NECESSITATEM IN AGENDO LIBERVM ARBITRIVM NON TOLLERE. En quid sit in hac controuersia discriminis Catholicos inter atque Caluinistas. Quod idem Scharpius cap. 2. pag. 182. ita rursus exponit: *Status primæ controuersiæ est, an ad liberum arbitrium constituendum requiratur libertas à necessitate, an verò sufficiat illa quæ est à coactione.* PAPISTÆ NEGANT, NOS AFFIRMAMVS. mox: *Libertati opponitur coactum, non autem necessarium. Nam liberum potest cum necessario, at non cum coacto subsistere.*

Sed quid ego singulos Caluinistas appello? cùm totius Caluinisticæ factionis sententiam proferre possim ex Synodo Dordrechtana, ann. 1618. & 1619. habita: vbi illa, quæ iam impugno dogmata, communi Caluinistarum omnium consensu sancita sunt. Sic illi sententiam suam proponunt pag. 706. & 707. edit. Hannou. an. 1620. *Voluntas hominis per essentiam suam semper manet libera, etiam quando ad vnum determinatur, &c. Nam libertas non pugnat cum omni necessitate & determinatione: pugnat equidem cum determinatione violentiæ, seu cum necessitate coactionis, sed optimè conuenit cum necessitate infallibilitatis. Nam Deus necessario odit peccata, necessitate scilicet naturæ, seu immutabilitatis, & eadem odit libere. Quæ arte, quibus præstigijs persuadebunt noui Dogmatistæ, se nihil cum Hæreticis habere commune?*

## SECTIO II.

*Aduersariorum responsis occurritur.*

**V**IDIMVS hac primâ parte, quàm splendidè la-  
trorcinati sint aduersarij, qui sui de libertate



dogmatis caput non ex semese, & obsoleto Catholicorum libro, (quod & pudendum iis esset, qui nouam quandam Theologiæ lucem deberi industriæ suæ gloriantur) sed ex celeberrimis posteriorum temporum Hæreticis arripuerunt. Vnde gemina noui Dogmatis fautoribus labe aspergitur. Nam & infamis plagij tenentur rei, & erroris suspitione non vacant. Primam hanc plagij maculam nunquam eluent, cum tot testibus conuincantur. Aliam verò erroris notam, etsi maximè velint, vix à se remouebunt. Quod ut innotescat, placet hîc confutare paucis responsiones illas, quibus suam sententiam ab Hæreticorum opinione segregant.

## PARAGRAPHVS I.

*Prima responsio retunditur.*

NUCANTVR sanè aduersarij, cum se ideo ab Hæreticis discrepare iactant, quòd liberum homini arbitrium non adimant. Enimuero si ab eis quæzratur, quam homini libertatem asserant: eamne, quæ necessitati, an quæ coactioni opponitur, clariùs dicam, an ideo homo sit liber, quòd habeat indifferentem ad vtrumlibet voluntatem, an quòd vis illi, & coactio interna nunquam inferatur: Respondebunt hominem esse liberi arbitrij, quòd licet determinetur ad vnum, & antecedenti necessitate alterutri parti affigatur, habet nihilominus voluntatem incoactam, & internæ violentiæ expertem. Quid aliud Lutherus, Calvinus, alique ab eis profeminati Hæretici pronuntiant?

Libro 3. de  
gratia Christi  
cap. 11.

Calvinus lib. 2. in Pigh. pag. 153. edit. Gen. Ego verò, quantum ad vocem pertinet, adhuc profiteor quòd in mea Institutione testatus sum, non adeo me supersticiosum esse in verbis, ut eius causâ velim consensionem aliquam mouere, modo intelligentia sana maneat. SI COACTIONI OP-  
PONITVR LIBERTAS, LIBERVM ESSE AR-

BITRIVM ET PATEOR, ET CONSTAN-  
 ASSEVERO. Rursus l. 3. in eundem Pigh. pag. 163.  
*Semper testatus sum me de nomine pugnare nolle, si hoc se-*  
*mel constitueretur, libertatem non ad facultatem boni a quæ*  
*ac mali eligendi, sed ad spontaneum motum, & consensum*  
*referri debere. Et pag. 166. Semper me dixisse testis est*  
*mea Institutio, per me non stare quin liberum hominis arbi-*  
*trium vocetur, modo sana verbi definitio nobis constet. Illud*  
*ipsum profitetur in Antidoto Concilij Tridentini ad*  
*Can. 5. sess. 6. De verbo ne moueamus rixam, sed quia per*  
*liberum arbitrium intelligunt (Tridentini Patres) eligendi*  
*facultatem, qua sit in utramque partem libera, & soluta,*  
*ritulum sine re esse qui affirmant, Christum habent auctorem.*  
 Finge aliquem ex aduersariis minimè peruiacem;  
 hunc si familiariter adhibeas, interrogésque, an perie-  
 rit liberum hominis arbitrium; certè cum Caluino re-  
 spondebit, periisse indifferentem illam vtriusque par-  
 tis eligendæ facultatem, seu libertatem à necessitate  
 simplici; nec aliam inesse homini lapso, quàm quæ à  
 coactione dicitur.

Vtut sit, inquires, negat Caluinus liberum arbi-  
 trium; ego assero. Capiò quid velis; nimirum, sen-  
 tire te cum Hæreticis, at cum Catholicis loqui. Et  
 cum Catholicis loquebatur in Diospolitana Synodo  
 Pelagius, cùm gratiæ necessitatem confessus est: ne-  
 que tamen vel tum erat Catholicus, quia dum gratiæ  
 nomine intelligebat naturam, hæreticè sentiebat.  
 Non verbis vnis, strepitùque syllabarum, Hæretici;  
 sed rebus maximè sententiis que censendi sunt.

Quid verò si, ne vocibus quidem, ab recentioribus  
 Hæreticis nupera doctrina discreper, cum quibus sen-  
 tentiarum omnium paritatem, & germanitatem ha-  
 bere tantam ostendimus? Quid tum habebit noua  
 Schola, quod hiscere possit, ac prætexere? Cerrè Lu-  
 therani omnes atque Caluinistæ ita iam loqui cœpe-  
 runt; vt illud liberi arbitrij nomen, quod eorum Anti-  
 stites



stites tantopere execrabantur, facile admittant. Chamerius tom. 3. lib. 2. cap. 8. num. 21. *Retineatur sanè non tantùm liberum arbitrium Latinorum; sed & τὸ αὐτοῦ χρόνον Grecorum, ne inutili λόγῳ μαχῆς tempus teramus: & concedatur illud canis veterum Doctōrum, ut posuerint vocabula irrita usurpare, sed & posteris tradere: dum ne Papiste nobis inde faciant insidias: hoc saluo salua pax esto.* Consentiunt Petrus Du Moulin in Clypeo fidei art. 4. Zanchius Tract. Theolog. lib. 1. cap. 6. Oecolampadius explicans illud Isaiz: *Si volueritis, & audieritis me.* Petrus Martyr in Locis Communibus, Titulo de libero arbit. aliique recentiores Calvinistæ, & Lutherani: qui cùm libertatem inesse voluntati non à necessitate, sed à sola coactione tueantur; liberum tamen arbitrium à se admitti contendunt. Viam Calvinus aperuerat, qui lib. 2. in Pighium, editionis 3. Geneu. pag. 154. *Si coactioni opponitur libertas, inquit, liberum esse arbitrium, & fateor, & constanter asseuero, ac pro heretico habeo, quisquis secus sentiat: si hoc, inquam, sensu liberum vocetur, quia non cogatur, aut violenter trahatur externo motu, sed sponte agatur sua, nihil moror.* & lib. 2. Inst. c. 2. §. 6. *Liberi arbitrii hoc modo dicitur homo; non quia liberam habeat boni aq̃e ac mali electionem, sed quia MALE VOLUNTATE AGIT, NON COACTIONE.*

Legite hîc sententiâs vestras, nouelli Doctores, & parentes vestros recognoscite, qui vobis eatenus saltem sinceriores sunt; quatenus, dum liberam à sola coactione voluntatem intelligunt, discedere se in eo à Romanæ Ecclesiæ doctrina farentur.

## PARAGRAPH. II.

### *Secunda responsio diluitur.*

AVDIVI, qui nouum Dogma ab recentioribus Hæreticis ideo seiungeret, quòd asserant hominis vo-

34 DISPUT. DE LIBERO ARBITRIO  
luntatem ad iustificationem passiuè tantùm se habere:  
à quo noua opinio mirum quantùm abhorreat.

At hæc responsio, quàm fluxa, & debilis! Dum enim aiunt Hæretici voluntatem passiuè tantùm in iustificatione se habere; dum actiuè se habere hodierni Dogmatistæ profitentur: idem vtrique (vtrorumque iudicium non defugio) concordissimis sententiis, solâ vocum discordiâ pugnantes, efferunt.

Quod intelligi facile vel ex vno Dordrechtanæ Synodi Decreto potest, sic aiente pag. 677. *Ad hoc ipsum opus regenerationis habet se homo passiuè, neque est in voluntate potestatis humana impedire Deum sic immediatè regenerantem.* En quid sibi Hæretici velint, dum merò passiuè se habere voluntatem asserunt; nimirum, eam opus suum ita in potestate non habere, vt abstinere ab eo possit. Quæ si Aduersariorum doctrina non est; neque ipsi profectò, sunt ipsi.

Quid verò aliud Hæreticos sibi voluisse causari possint? an voluntatem lapidis instar, & trunci sine motu ac sensu à Deo moueri? non agere? non operari? Si eorum testimoniis fides habetur, ab hac infania plurimum abfuisse putandi sunt. Hoc vnum voluere: regenerationem, & conuersionem ita in nobis fieri, & à nobis certè fieri, vt liberum nobis non sit motuum illorum productionem impedire. Sic à nobis etiam Catholicis definitur gratia præueniens, *motus, qui fit in nobis sine nobis*, & passiuè ad eam se habere animus noster dicitur, quia licèt motus voluntatis indeliberatos, qui gratiæ præuenientes dicuntur, physicè producat, atque eliciat; libere tamen non producit sic, vt in eius potestate sit eos premere. Ita dicebat Apostolus se non operari motus indeliberatos concupiscentiæ: quia quamuis eos efficienter produceret, libere non producebat, ita vt impedire posset, ne erumperent. Conuersionem ergo ad Deum cùm ita fieri in nobis Hæretici censeant, vt necessariò fiat, nullâ nobis relicta illius impediendæ



potestate, quamuis in ea operemur nos quoque: eate-  
nus dixerunt illam sine nobis fieri, & voluntatem passi-  
uè tantùm ad eam se habere.

Atque hoc sensu eorum sententia damnari in Conc.  
Trid. videtur sess. 6. c. 5. vbi peccatorum iustificationem  
ita fieri docet, *Vt qui per peccata à Deo auersi erant, per  
eius excitantem atque adiuuantem gratiam, ad conuertendum  
se, ad suam ipsorum iustificationem, eidem gratia libere as-  
sentiendo, & cooperando disponantur: ita vt tangente Deo  
cor hominis per Spiritus sancti illuminationem, neque homo  
ipse nihil omnino agat, inspirationem ipsam recipiens: quippe  
qui & illam abiicere potest, &c.* Probat hominem non se  
habere passiuè, quia inspirationem ita recipit, vt abii-  
cere possit. Quod directè opponitur Dordrechtanz  
Synodi decreto statuenti, hominem idcirco se habere  
passiuè in regeneratione, quia non potest Deum rege-  
nerantem impedire.

Verùm ne quid finxisse de recentiorum Hæretico-  
rum mente videar, & quippiam iis tribuisse non suum:  
iuuabit è multis pauca proferre, ex quibus constet,  
quàm nihil sim de illorum sententia mentitus. A Lu-  
theranis ordiar.

Qui sit Lutheri hac in parte sensus, declarat Chem-  
nitius in Examine Tridentini in sessionem 6. edit.  
Francofurtiensis anni 1578. pag. 125. & 126. *Exagitant,*  
*inquit, illud, quod Lutherus dicit, hominem ad regenera-*  
*tionem, renouationem, seu conuersionem habere se merè passi-*  
*uè, & sanè hac phrasi offendi posset aliquis, qui non esset*  
*assuetus modis loquendi, qui Scholasticis scriptoribus vsitati*  
*sunt, quasi sensus sit Spiritum sanctum, ita operari conuer-*  
*sionem, vt in voluntate, qua renouari cœpit, nulli omnino*  
*sequantur noui motus: sed plane sit otiosa, & iners, & tan-*  
*quam brutâ agitatione percellatur; & protrudatur, quod*  
*Luthero nunquam in mentem venit, &c. sed hoc unum vo-*  
*lunt, vsus Theologorum phrasi, Deum, quos conuertit, trahere*  
*voluntatibus eorum, quas ipse in illis per Spiritum sanctum*

*operatus est, sicut Augustinus loquitur. Quod ex Lutheri libris adeo certum est, ut nisi ab peruicaci negari non possit. Nam hoc vnum loquitur, Hominem, etsi necessario agat, quicquid agit, voluntariè tamen agere. Sic libro de seruo arbitrio pag. 468. Necesario operamur, necessario dico, non coacte. Hoc est, homo cum vacat spiritu Dei, non quidem violentiâ, velut raptus obitorio collo, nolens facit malum, sed sponte, & libenti voluntate facit. Rursum. Si Deus in nobis operatur, iterum merâ lubentiâ, & pronitate ac sponte suâ vult, & facit non coacte. Hæc qui legit, videt, cum ait Lutherus, voluntatem se habere passiuè, non ita intelligendum esse, quasi velit nihil omnino agere voluntatem, cum ipse testetur eam velle, & voluntariè velle, agere, operari.*

Hinc est, quod Philippus Melancthon aliique Lutherani rigidam illam, ac seueram loquendi rationem abiecerunt, falsique sunt hominem non passiuè tantum se habere. Quod Calvinus perstrinxit lib. 1. in Pigh. pag. 142. *Hoc quoque verum est, nonnulla quæ scholastico dicendi genere, & minùs populari studio scripserat Lutherus, Philippum Melancthonem prudenter, & magnâ dexteritate in meliorem formam flectendo, ad vulgarem hominum caput accommodasse, & communem vita usum. Certè Zanchius ita mentem suam interpretatur Tract. Theol. 1. lib. 1. cap. 6. num. 22. pag. 149. Deinde notanda est illa regula generalis, quacumque operatur in nobis Spiritus sanctus, eadem etiam nobis piis attribuuntur. Exemplum: dicitur Spiritus sanctus orare in nobis, dicimur & nos orare, quia non sumus solum subiecta quedam, in quibus tanquam in truncis operetur Spiritus sanctus: sed sumus etiam talia instrumenta, hoc est, mente & voluntate prædita; per quæ ita operatur, ut etiam nos scientes, & volentes operemur. Ita eadem actio, & Spiritus sancti est, & nostra: Spiritus sancti, tanquam principalis, & superioris agentis: nostra, tanquam causarum secundarum, & inferiorum. Ille enim dat vim operandi, nos operamur.*



Apagè ergo discrimen illud Nouitiæ à Lutherana doctrinæ; cum passiuè se habere voluntatem ita Lutherani dixerint, vt hoc tantùm vellent, non esse in voluntatis potestate gratiæ effectum impedire; quod Aduersarij profitentur: ceterùm, *non omnino otiosam & inertem esse, sed operari*, itidem vt Aduersarij, dicerent. Quod & Stapletonus l. 4. de gratia & libero arbitrio c. 1. obseruauit. Nam cum protulisset Chemnitij testimonium, quo ait non omnem actionem voluntati esse adiudicandam, subdit: *De hac re nec Lutherus ipse vnquam dubitauit, quin in conuersione mentis, & voluntatis ad Deum, aliqua esset actio & agitatio ipsius intellectus, ac voluntatis, spontanea scilicet, non coacta. Conuersio enim est actio, & quod voluntas agit, sponte fit.* Hoc sublato discrimine, quo se vno vtcunque tegere poterat noua Libertinorum natio; agnoscant tandem, quarum sint partium, & cuius sacramenti.

Neque à Caluinistis longiùs, quàm à Lutheranis discrepant. Nam constanter id Caluinus asserit, *hominem agere, sed à Deo motum*. lib. 5. in Pig. pag. 182. *Hominem sic quidem docemus agi Dei gratiâ, vt simul tamen agat: sic tamen ipsum agere, vt penes Dei spiritum tota sit, ac maneat actionis efficacia.* Eodem libro pag. 191. *Mentem hominis fateamur videre, sed illuminatam: iudicium discernere & eligere, sed spiritus sancti directione gubernatum: hominem ipsum & conari, & agere, & ad Dei obsequium applicare suas facultates, sed pro gratiæ mensura, quam accepit.* lib. 2. Instit. cap. 5. num. 14. *Quis ita desipit, vt hominis motionem à iactu lapidis nihil differre autumat? Neque verò quicquam simile consequitur ex nostra doctrina. In naturales hominis facultates referimus, approbare, respicere, velle, nolle, eniti, resistere.* Et post pauca. *Quâ ratione Augustinus, mihi dices, inquit, ergo agimur & non agimus, immo agis & ageris: & tunc bene agis, si à bono ageris.* Atque vt intelligas quantum absit Caluinus ab ea opinione, quam illi affingunt Aduersarij, vt ab eo discrepare

videantur: expende quæ dicit lib. 3. in Pigh. pag. 167. Id dicit Augustinus, ut deliræ, & impiæ eorum imaginationi occurrat, qui Deum in homine, sicut in lapide, hoc est, sine intrinseco, ut ita loquar, voluntatis eius motu operari fingunt. Ex quibus Caluini locis descriptum est hoc Synodi Dordrechtanæ decretum art. 12. *Voluntas iam renouata non tantum agitur & mouetur à Deo, sed à Deo acta agit & ipsa. Quamobrem etiam homo ipse per gratiam acceptam credere & resipiscere rectè dicitur.*

Quare vulgò id concedunt Catholici affirmasse Caluinum, voluntatem non passiuè tantum, sed actiuè etiam se habere, ut notat Pennottus lib. 9. in Proœmio: *Calvinus etsi Lutheranam crassitiem utrumque imminuere, & attenuare sit conatus, dum concessit, voluntatem ad opera pietatis concurrere non solum passiuè, sed etiam actiuè; negauit tamen absolute, libere aliquid operari. Cui consonat Didacus Aluares lib. 1. de Auxiliis diuinæ Gratia disp. 3. num. 9. Calvinus moderatus utrumque errorem Lutheri, fatetur liberum nostrum arbitrium non se habere merè passiuè, tanquam inanime quoddam: sed actiuè concurrere, & motu spontaneo ad suas operationes.*

Non est, quòd in hac responsione refellenda pluribus laborem, cum ipsi nouæ opinionis primipilo tam debilis visa sit, ut eo capite, quo suum dogma à Calviniano seiungere nititur, ne illius quidem meminerit. Et verò nemo vnquam nisi in summa rerum suarum desperatione illam vsurpauit. Tunc nimirum, cum plasmatis aliis responsionibus in eas angustias coniectum se vidit, ex quibus non nisi per naufragium exitus pateret.

### PARAGRAPH. III.

#### *Tertia responsio confutatur.*

STIPITES, aut fungos nos esse arbitrantur noui Dogmatistæ, quibus tam facile imponi posse putant.



Aiunt se multum abesse ab Caluini sententiâ, quoddam asserant virtutes & vitia esse in nostra potestate; item agere & non agere esse nostræ electionis: Calvinus verò vtrumque neget impudentissimè. Sed, quæso, paucis expende, quo sensu vtrumque Calvinus neget, quo sensu affirmant Aduersarij: & intelliges, quàm immeritò se à Caluino segregent, cui suum dogma tot titulis debent.

Negat Calvinus virtutes & vitia esse in nostra potestate, quia nempe accipit hæc verba, ut sonant, atque ut in communi loquendi usu intelliguntur: in quo qui dicitur actum aliquem habere in sua potestate, ita eius esse dominus intelligitur, ut eum perinde exercere pro arbitrio possit, atque omittere. *Censeo* (inquit lib. 2. Instit. c. 2. num. 7.) *cauendas eas voces, quæ absurdum aliquid sonant, præsertim ubi perniciosè erratur. Quotus autem, quæso, quisque est, qui dum assignari homini liberam arbitrium audis, non statim concipis illum esse mentis suæ, & voluntatis dominum, qui flectere se in vtramvis partem à seipso possit?* Hoc vnum Calvinus negat, nimirum inesse homini indifferentem ad vtrumlibet arbitrij facultatem, quâ positis omnibus ad agendum prærequisitis, hoc vel illud possit eligere. Vnum hoc ei in liberi, & potestatis vocabulis displicet: cetera faciliè concedit.

Hanc mentem suam clarè explicat lib. 2. Instit. cap. 2. num. 3. ita ut nullus sit tergiuersationi locus. Nam primò his verbis exponit, quid sit, quod vulgò dicitur, virtutes & vitia esse in nostra potestate. *Hoc tamen extra controuersiam ponunt, virtutes & vitia esse in nostra potestate. Nam si nostra, inquit, electionis est, hoc vel illud agere: ergo & non agere. Rursum, si non agere; ergo & agere: liberâ autem electione agere videmur, quia agimus, & ab eis abstinere quibus abstinemus; ergo si quid boni agimus, possumus id omittere: si quid mali perpetramus, possumus id quoque fugere.* Tum præcisè negat, nos hoc sensu habere liberam electionem, aut virtutes & vitia esse in nostra potestate.

Ecce negat Calvinus virtutes & vitia esse in nostra potestate, atque liberæ electionis: quia negat exerceri ea cum indifferenti potestate, quam aduersus eum Catholici defendebant. Nonne idem Aduersarij negant ergo eodem, quo Calvinus, sensu negant virtutes & vitia esse in nostra potestate, & liberæ electionis: vocisque tantum inter eos discrimen est, cum sententiâ germani sint. Ex quo etiam sequitur, eodem, quo illos, sensu, existimasse Caluulum virtutes & vitia esse in nostra potestate, & liberæ electionis. Nam actus illos eatenus tantum Noui Dogmatistæ volunt esse in nostra potestate; quatenus omnis actus voluntatis est in nostra potestate, quia fit cum volumus, etiam si necessariò velimus. At nonne apud Caluinum actus voluntatis oriuntur à voluntate? & actiue quidem influente, ut modò vidimus: ergo in sensu Aduersariorum, sensit eos fieri, cum volumus: ergo eodem, quo illi, sensu, voluit actus illos esse in nostra potestate. Vnde hæc illius vox lib. 3. in Pigh. pag. 167. *Egône voluntaria esse bona opera unquam negavi? De peccatis verò cum Pighius ex Augustino dixisset, neminem peccare nisi libere, subiicit Calvinus: His subscribimus nos quoque, si libere. pro sponte positum interpretaris, ut mens scriptoris fuit accipere.*

Hanc ergo liberi vocolam si demas, ita cum Caluini placitis consentiunt nuperæ opinionis pronuntiata, ut ex eius libris descripta videantur. Nam sic loquitur lib. 2. in Pigh. p. 154. *Homini arbitrium concedimas, idque spontaneum, ut, si quid mali facit, sibi ac voluntaria suæ electioni imputare debeat: liberum autem negamus, quia propter ingentem homini prauitatem, ad malum necessario feratur. Et in Antidoto Concilij Tridentini ad sess. 6. pag. 278: Meminerimus ergo aliud esse voluntatem in homine; aliud liberam boni ac mali electionem: sublata enim post lapsum primi hominis eligendi libertate, sola voluntas relicta est, qua sub peccati tyrannide captiua usque adeo teneatur, ut non nisi ad malum feratur. Ita Calvinus populariter, & communi loquendi.*



loquendi vsu, id esse in nostra potestate pronuntiat, quod æquè possumus ponere, ac non ponere; & hoc sensu virtutes & vitia in nostra esse potestate inficiatur. Item liberam electionem eam vocat, quâ aliquid ita eligimus, vt oppositum eligere possimus: sicque homini liberam electionem adimit, quodd putet illum necessariò bonum eligere, dum gratiâ præuenitur; & necessariò peccare, dum eadem destituitur. Nónne eadem dicunt Aduersarij? Nónne hoc sensu, qui doctis pariter & indoctis communis est, liberam electionem negant? Quid ergo se ab Caluino multùm abesse vociferantur?

## SECTIO III.

*Novi Dogmatis fundamenta ex recentioribus  
Hæreticis petita sunt.*

QVATVOR sunt, vt antè monui, nouæ opinionis fundamenta.

Primum sumitur ex gratia medicinali, quæ agendi necessitatem inferre dicitur.

Secundum, ex concupiscentia; quæ, si absit gratia efficax, absolutam peccandi necessitatem imponere fingitur.

Tertium, ex libertate Dei, Angelorum, ac Dæmonum.

Quartum, ex auctoritate Sanctorum Patrum, & præcipuè Augustini, Bernardi, Thomæ.

Quæ omnia non modò cum Hæreticorum opinione congruunt; sed ex eorum libris infami latrocinio descripta sunt.

Ecce negat Calvinus virtutes & vitia esse in nostra potestate, atque liberæ electionis: quia negat exerceri ea cum indifferenti potestate, quam aduersus eum Catholici defendebant. Nónne idem Aduersarij negant ergo eodem, quo Calvinus, sensu negant virtutes & vitia esse in nostra potestate, & liberæ electionis: vocisque tantum inter eos discrimen est, cum sententiâ germani sint. Ex quo etiam sequitur, eodem, quo illos, sensu, existimasse Caluulum virtutes & vitia esse in nostra potestate, & liberæ electionis. Nam actus illos eatenus tantum Noñ Dogmatistæ volunt esse in nostra potestate; quatenus omnis actus voluntatis est in nostra potestate, quia fit cum volumus, etiam si necessariò velimus. At nónne apud Calvinum actus voluntatis oriuntur à voluntate? & actiue quidem influente, ut modò vidimus: ergo in sensu Aduersariorum, sensu eos fieri, cum volumus: ergo eodem, quo illi, sensu, voluit actus illos esse in nostra potestate. Vnde hæc illius vox lib. 3. in Pigh. pag. 167. *Egône voluntaria esse bona opera unquam negaui? De peccatis verò cum Pighius ex Augustino dixisset, neminem peccare nisi libere, subiicit Calvinus: His subscribimus nos quoque, si libere pro sponte positum interpretaris, ut mens scriptoris fuit accipere.*

Hanc ergo liberi voculam si demas, ita cum Caluini placitis consentiunt nuperæ opinionis pronuntiata, ut ex eius libris descripta videantur. Nam sic loquitur lib. 2. in Pigh. p. 154. *Homini arbitrium concedimus, idque spontaneum, ut, si quid mali facit, sibi ac voluntaria sue electioni imputare debeat: liberum autem negamus, quia propter ingentem homini prauitatem, ad malum necessariò feratur. Et in Antidoto Concilij Tridentini ad sess. 6. pag. 278: Meminerimus ergo aliud esse voluntatem in homine; aliud liberam boni ac mali electionem: sublatâ enim post lapsum primi hominis eligendi libertate, sola voluntas relicta est, qua sub peccati tyrannide captiua vsque adeo tenetur, ut non nisi ad malum feratur. Ita Calvinus populariter, & communi loquendi*



loquendi vsu, id esse in nostra potestate pronuntiat, quod æquè possumus ponere, ac non ponere; & hoc sensu virtutes & vitia in nostra esse potestate inficiatur. Item liberam electionem eam vocat, quâ aliquid ita eligimus, vt oppositum eligere possimus: sicque homini liberam electionem adimit, quodd putet illum necessariò bonum eligere, dum gratiâ præuenitur; & necessariò peccare, dum eadem destituitur. Nónne eadem dicunt Aduersarij? Nónne hoc sensu, qui doctis pariter & indoctis communis est, liberam electionem negant? Quid ergo se ab Caluino multùm abesse vociferantur?

## SECTIO III.

*Novi Dogmatis fundamenta ex recentioribus  
Hæreticis petita sunt.*

QUATVOR sunt, vt antè monui, nouæ opinionis fundamenta.

Primum sumitur ex gratia medicinali, quæ agendi necessitatem inferre dicitur.

Secundum, ex concupiscentia; quæ, si absit gratia efficax, absolutam peccandi necessitatem imponere fingitur.

Tertium, ex libertate Dei, Angelorum, ac Dæmonum.

Quartum, ex auctoritate Sanctorum Patrum, & præcipuè Augustini, Bernardi, Thomæ.

Quæ omnia non modò cum Hæreticorum opinione congruunt; sed ex eorum libris infami latrocinio descripta sunt.

## PARAGRAPHVS I.

*Primum fundamentum, quod est de gratia medicinali,  
ex recentioribus Hæreticis petitum est.*

Toto passim  
opere, ac  
præsertim  
lib. 2. de  
grat. Chri-  
sti, cap. 3. 4.  
5. 6. 7. 8. 9.  
&c.

SI quem ex nouæ opinionis fautoribus de illa disputantem audiuit: mirum, ni tibi aures obtuderit famoso illo discrimine ADIVTORII QVO, ab ADIVTORIO SINE QVO NON. Hoc est enim palmare noui Dogmatis argumentum, quod nobis ad fastidium inculcant. Vnum hoc loquuntur, hallucinari recentes Theologos, quod ADIVTORIVM QVO, cum ADIVTORIO SINE QVO NON, confundant: nescire illos, quid sit discriminis inter GRATIAM MEDICINALEM, & GRATIAM SANITATIS; atque adeo errare cum Pelagianis, & gratiam Christi ad nudam possibilitatem reuocare. Sibi verò gratulantur, quod discrimen illud vtriusque gratiæ ab S. August. luculenter explicatum, & nouis Theologis funditus ignotum, eruerint rursus in lucem, atque ad profligandam Neo-Pelagianorum de libertatis indifferentia sententiam, vsurparint. Nimirum sic statuunt: Adiutorium sine quo non, seu gratiam naturæ integræ (hæc enim duo confundunt) ita agendi possibilitatem dare, vt voluntatem ad agendum, aut non agendum indifferentem relinquat: gratiam verò medicinalem, seu adiutorium quo, absolutam agendi necessitatem inducere. Atque id ex S. August. euinci putant; maximè ex celebri illo loco lib. de cor. & grat. cap. 11. & 12. quem tam importunè nobis obtrudunt, vt illorum Coryphæus suo in opere septuagies supra centies (numeraui ipse) illum locum inculcârît. Habent & alium Augustini locum valde familiarem ex lib. de gratia Christi cap. 13. & 14. & ex lib. de prædest. Sanct. capite 8. vbi Augustinus explicans illud, *Omnis qui audiuit à Patre,*



*venit ad me*, innuere videretur omnem Christi gratiam effectum sortiri.

Mirari satis non possum, quâ fronte glorientur Adversarij, se hoc argumentum, ab S. Augustini ferè temporibus quasi consepultum, reuocâsse in lucem. Nihil est apud recentiores Hæreticos tritum magis, atque peruagatum. Vnus Calvinus vicies (numerus iniui) illius inter vtramque gratiam discriminis meminit. Viciis decretorium illud lib. de corrept. & grat. testimonium adhibet. Aliud verò libri de gratia Christi cap. 13. & 14. aut lib. de prædest. Sanct. c. 8. plus tricies repetit. Immo hoc vno fere argumento Tridentini decretum oppugnat, quo statuitur hominem præuenienti gratiæ dissentiri posse, si velit. Eademque Tridentinis Patribus exprobrat, quæ noui Dogmatistæ nobis obiiciunt. Audi loquentem in Antidoto Concilij Tridentini ad sess. 6. editionis tertiæ, pag. 278. *In eo hallucinantur*, (de Tridentinis Patribus loquitur) *quod motum nobis offerri somniant, qui mediam electionem nobis relinquant. Denique in eo falluntur, quod nullum obseruant inter REGENERATIONIS GRATIAM, QUÆ NVNC MISERIÆ NOSTRÆ SVBVENIT, ET PRIMAM, QUÆ ADÆ DATA FVERAT, discrimen. Quod diligenter Augustinus exponit. Istam, inquit, gratiam non habuit primus homo, quâ nunquam vellet esse malus; TALE QVIPPE ERAT ADIVTORIVM, QVOD DESERERET CVM VELLE, ET IN QVO PERMANERET, SI VELLE: NON QVO FIERET, VT VELLE. Sed presentior est gratia in secundo Adam, quâ fit etiam, ut velimus. Tum aliud argumentum subiungit nouis etiam Dogmatistis familiarissimum. Dico, inquit pag. 279. aperte pugnare quod hîc pronuntiant Tridentini Patres, cum illa Christi sententia: Quisquis audiuit à Patre meo, venit ad me. Nam, ut prudenter animaduertit Augustinus, inde sequitur, NVLLVM A DEO AUDIRE, ET DISCERE, QVIN SIMVL IN CHRISTVM CREDAT; MOTVMQVE SPIRITVS*

SANCTI SIC ESSE EFFICACEM, VT FIDEM SEMPER GIGNAT. *Constituunt autem hoc in hominis optione, ut Dei inspirationi si velit, ausculet. Hac nullo modo inter se conciliari possunt omnes, qui à Deo didicerint, Christo credere. & non aliter ratam esse Dei inspirationem, nisi homines ex seipsis assensiantur.* Fidem hinc Lectoris appello: Nónne aliquem ex recenti opinione differentem audire sibi videtur? Certè præcipua sunt illa argumenta, quæ tam frequenter nobis ingerunt.

Nec ea Calvinus semel, aut aduersùs Tridentinos tantùm Patres vsurpauit; iisdem rationibus Sorbonicos impugnat, qui itidem hominem gratiæ dissentiri posse affirmabant. lib. 2. Institut. cap. 3. num. 10. de gratia sic loquitur: *Voluntatem mouet, non qualiter multis sæculis traditum est, & creditum: VT NOSTRÆ POSTEA SIT ELECTIONIS, MOTIONI AVT OBTEMPERARE, AVT REFRAGARI. TALEM FVISSE HOMINIS ADHVC STANTIS CONDITIONEM CONCEDIMVS, ut potueris ad alterutram partem inclinare: sed cùm suo exemplo docueris, quàm miserum sit liberum arbitrium; nisi Deus in nobis & velit, & possit: quid fiet nobis, si ad eum modulum suam gratiam nobis impertitur? Nec verò per Ezechielem promittis se daturum electis spiritum nouum, hoc tantùm sine, VT IN PRÆCEPTIS SVIS AMBVLARE POSSINT; SED VT REIPSA AMBVLENT.* Neque secùs accipi sententia Christi potest, Omnis qui audiuit à Patre meo, venit ad me. Longiora fortasse sunt ista, sed in rem nostram tam bellè conueniunt, ut à me omitti non possint. num. 13. ita prosequitur: *Audiamus nunc Augustinum suis verbis loquentem, ne atatis nostra Pelagiani, hoc est, Sorbonici Sophista, totam vetustatem nobis aduersam pro suo more criminentur, in quo patrem suum Pelagium imitatur, à quo in eandem olim arenam ipse Augustinus protractus est, &c. Libro de correptione & gratia, ad Valentinum, fusiùs exequitur, quod breuiter, eius tamen verbis referam. GRATIAM PERSISTENDI IN BONO SI VELLE, ADÆ*



**EVISSE DATAM; NOBIS DARI, VT VELIMVS,**  
*ac voluntate concupiscentiam superemus: habuisse ergo illum  
 posse si vellet; sed non velle ut posset: nobis & velle dari &  
 posse. Subuentum est infirmitati voluntatis humana, ut gra-  
 tia diuina indeclinabiliter, & inseparabiliter ageretur, ideoque  
 quantumvis infirma, non deficeret. Tractat deinde copiosius,  
 quomodo corda nostra Dei afficientis necessario sequantur mo-  
 tum. Habemus nunc Augustini ore testatum, quod in pri-  
 mis obtinere volumus, non offerri tantum à Domino gratiam,  
 quæ libera cuiusque electione aut recipiatur, aut respiciatur.*

Cum hanc Caluini mentem Albertus Pigh. lib. 5. de  
 lib. arbit. confutasset, non tulit flagitiosus Hæresiarcha,  
 sed & conuiciis Pighium oneravit lib. 5. sub finem pag.  
 203. & 204. & pluribus aliis Augustini testimoniis suum  
 illud gratiæ medicinalis à gratia naturæ integræ dis-  
 crimen stabilire conatus est. Sequitur, inquit pag. 204.  
*vno contextu apud Augustinum altera distinctio, qua prorsus  
 ad eandem rem explicandam facit: aliud est, inquit, AD-  
 IUTORIVM, SINE QVO ALIQUID NON FIT:  
 ET ALIVD EST ADIVTORIVM, QVO ALIQUID  
 FIT. Primò itaque datum est homini adiutorium perseue-  
 rantia, non quo fieret, ut perseveraret; sed sine quo per libe-  
 rum arbitrium perseverare non posset. Nunc verò sanctis in  
 regnum Dei per gratiam predestinatis, non tantum tale ad-  
 iutorium perseverantiæ datur, sed tale ut eis perseverantia  
 ipsa donetur: non solum, ut sine isto dono perseverantes esse  
 non possint; verum etiam, ut per hoc donum non nisi perseue-  
 rantes sint. Augustinus NON TANTVM POSSE NOBIS  
 DARI, SED ETIAM VELLE, testatur, Deique gra-  
 tiam non in hoc tantum esse efficacem in nobis, ut ipsa ad-  
 iuti fidem POSSIMVS CONSEQVI, SI LIBEAT, &  
 consequuti in ea stare: sed omnino ut fideles simus, & in fide  
 perseveremus. Si quis oblatam gratiam respuit, ubi illa, sicuti  
 vocat Augustinus, indeclinabilis & inseparabilis gratiæ  
 actio? quæ non hominibus relinquit suam voluntatem, ut  
 maneat in gratia, si velint, sed etiam operatur ut velint?*

SANCTI SIC ESSE EFFICACEM, VT FIDEM SEMPER GIGNAT. *Constituunt autem hoc in hominis optione, ut Des inspirationi si velit, auscultet. Hac nullo modo inter se conciliari possunt omnes, qui à Deo didicerint, Christo credere. & non aliter ratam esse Dei inspirationem, nisi homines ex seipsis assentiantur.* Fidem hîc Lectoris appello: Nónne aliquem ex recenti opinione differentem audire sibi videtur? Certè præcipua sunt illa argumenta, quæ tam frequenter nobis ingerunt.

Nec ea Calvinus semel, aut aduersùs Tridentinos tantùm Patres vsurpauit; iisdem rationibus Sorbonicos impugnat, qui itidem hominem gratiæ dissentiri posse affirmabant. lib. 2. Institut. cap. 3. num. 10. de gratia sic loquitur: *Voluntatem mouet, non qualiter multis sæculis traditum est, & creditum: VT NOSTRÆ POSTEA SIT ELECTIONIS, MOTIONI AVT OBTEMPERARE, AVT REFRAGARI. TALEM FVISSE HOMINIS ADHVC STANTIS CONDITIONEM CONCEDIMVS, ut potueris ad alterutram partem inclinare: sed cùm suo exemplo docuerit, quàm miserum sit liberum arbitrium; nisi Deus in nobis & velit, & possit: quid fiet nobis, si ad eum modulum suam gratiam nobis impertitur? Nec verò per Ezechielem promittit se daturum electis spiritum nouum, hoc tantùm sine, VT IN PRÆCEPTIS SVIS AMBVLARE POSSINT; SED VT REIPSA AMBVLANT.* Neque secùs accipi sententia Christi potest, Omnis qui audiuit à Patre meo, venit ad me. Longiora fortasse sunt ista, sed in rem nostram tam bellè conueniunt, ut à me omitti non possint. num. 13. ita prosequitur: *Audiamus nunc Augustinum suis verbis loquentem, ne atatis nostra Pelagiani, hoc est, Sorbonici Sophista, totam vetustatem nobis aduersam pro suo more criminantur, in quo patrem suum Pelagium imitatur, à quo in eandem olim arenam ipse Augustinus protractus est, &c. Libro de correptione & gratia, ad Valentinum, fusius exequitur, quod breuiter, eius tamen verbis referam. GRATIAM PERSISTENDI IN BONO SI VELLE, ADÆ*



*EVISSE DATAM; NOBIS DARI, VT VELIMVS, ac voluntate concupiscentiam superemus: habuisse ergo illum posse si vellet; sed non velle vs posset: nobis & velle dari & posse. Subuentum est infirmitati voluntatis humana, vt gratia diuina indeclinabiliter, & inseparabiliter ageretur, ideoque quantumvis infirma, non deficeret. Tractat deinde copiosius, quomodo corda nostra Dei afficientis necessario sequantur motum. Habemus nunc Augustini ore testatum, quod in primis obtinere volumus, non offerri tantum à Domino gratiam, quæ libera cuiusque electione aut recipiatur, aut respnatur.*

*Cùm hanc Caluini mentem Albertus Pigh. lib. 5. de lib. arbit. confutasset, non tulit flagitiosus Hæresiarcha, sed & conuiciis Pighium oneravit lib. 5. sub finem pag. 203. & 204. & pluribus aliis Augustini testimoniis suum illud gratiæ medicinalis à gratia naturæ integræ discrimen stabilire conatus est. Sequitur, inquit pag. 204. vno contextu apud Augustinum aliter distinctio, qua prorsus ad eandem rem explicandam facit: aliud est, inquit, ADIVTORIVM, SINE QVO ALIQVID NON FIT: ET ALIVD EST ADIVTORIVM, QVO ALIQVID FIT. Primò itaque datum est homini adiutorium perseuerantia, non quo fieret, vt perseueraret; sed sine quo per liberrum arbitrium perseuerare non posset. Nunc verò sanctis in regnum Dei per gratiam prædestinatis, non tantum tale adiutorium perseuerantiæ datur, sed tale vt eis perseuerantia ipsa donetur: non solum, vt sine isto dono perseuerantes esse non possint; verum etiam, vs per hoc donum non nisi perseuerantes sint. Augustinus NON TANTVM POSSE NOBIS DARI, SED ETIAM VELLE, testatur, Deique gratiam non in hoc tantum esse efficacem in nobis, vt ipsa adiuti fidem POSSIMVS CONSEQVI, SI LIBEAT, & consequuti in ea stare: sed omnino vt fideles simus, & in fide perseueremus. Si quis oblatam gratiam respuit, ubi illa, sicuti vocat Augustinus, indeclinabilis & inseparabilis gratiæ actio? quæ non hominibus relinquit suam voluntatem, vt maneant in gratia, si velint, sed etiam operatur vt velint?*

*qua non tantum fidei consequenda facultatem confert, sed fideles etiam facit; qua non modo perseverandi gratiam facit, sed tantum illos firmitate instruit, ut non nisi perseverantes sint? Si Calvinus esset novus Dogmatistis ætate posterior, quis non suspicaretur, hæc illum ex eorum libris descripsisse?*

Vix tempero, quin & alios Caluini locos adscribam, quibus suum illud de gratia medicinali argumentum venditat, & fusissimè exponit. Sed ne molestus sim, satis erit præcipuos indicare. lib. de æterna Dei prædestinatione pag. 696. pluribus illud expendit, atque ita concludit: *Non tale modò illis perseverantia donum conferatur, QVO POSSINT, SI VELINT: SED QVO NONNISI PERSEVERANTES SINT, quod optimà ratione confirmat Augustinus. Nam si in tanta infirmitate vita huius, ipsis relinqueretur voluntas sua, ut in adiutorio Dei, sine quo perseverare non possent, manerent si vellet, nec Deus operaretur ut vellet: inter tot, & tantas tentationes voluntas ipsa infirmitate suâ succumberet.* lib. 3. Instit. cap. 24. num. 1. ubi eadem copiosè prosequutus est, ita cum Augustino colligit. *Hæc gratia, quæ occultè humanis cordibus tribuitur, à nullo duro corde respuitur.* libro 3. de libero arbitrio in Pigh. pag 166. gratiam, quæ agendi necessitatem non imponit, illam ipsam esse affirmat possibilitatis gratiam, quam admittebant Pelagiani, additque ex Augustino, quod perpetuò nobis occinunt Aduersarij: *Quando docet Deus non per legis litteram, sed per spiritus gratiam, ita docet, ut quod quisque didicerit, non tantum cognoscendo videat, sed etiam volendo appetat, agendumque perficiat. Et isto diuino docendi modo etiam VOLUNTAS ET OPERATIO, NON SOLA VOLENDI ET OPERANDI POSSIBILITAS ADIVVATUR.* Si enim solum posse nostrum iunaretur per gratiam, ita diceret Dominus: omnis, qui audivit, & didicit, venire potest. Eodem libro 3. contra Pigh. pag 171. & 172. vberimè, si vnaquam aliàs, illud utriusque gratiæ discrimen explicat. Postrema sunt hæc eius verba;



NOS NIHIL, QVAM AVGVSTINVM SEQVIMVR, qui prius dixerat, quod non resuli: post primi hominis lapsum, nonnisi ad gratiam suam Deum voluisse pertinere, ut homo ad eum accedat. libro 5. in eundem Pigh. pag. 183. & 184. sic incipit. *Nego gratiam sic nobis offerri, VT NOSTRÆ POSTEA SIT OPTIONIS, VEL OBTEMPERARE, VEL REFRAGARI; nego, tantum in hoc dari, ut imbecillitatem nostram subsidio suo adiuvet. Neque enim efficere Deum in nobis testatur Paulus, VT POSSIMVS BENE VELLE, SED HOC QVOQVE IPSVM, VT VELIMVS. Proinde efficaciter formari voluntatem nostram constituo, ut Spiritus sancti ductum sequatur necessario: non autem incitari duntaxat ut valeat, si velit. Quod fusissimè probat ex lib. de corrept. & grat. Gloriantur iam Aduersarij se hoc vtriusque gratiæ discrimen è tenebris eruisse.*

Paterur Calvinus ipse, se illud è Lutheranis accepisse. Nam in Antidoto Decreti Sorbonici ad articulum secundum, quo sacra Facultas definiuerat inesse homini lapsio indifferentem ad vtrumlibet arbitrij facultatem, ita Sorbonicos differentes inducit, *Nam quod Lutherani dicunt, ipsam cooperationem esse ex dono Dei, quia voluntas sit reformata ut consentiat Deo, & adducunt pro se Scripturam, & formalia verba Augustini, qui dicit in principio libri de bono perseuerantia, quod Deus dat talem gratiam suis, ut sibi perseueranter adherent. Item in libro de correptione & gratia, ubi dicit, dari nobis gratiam, quā NON TANTVM POSSIMVS, SED ETIAM VELIMVS, idque efficaciter. Item gratiā Dei indeclinabiliter & inseparabiliter agi fideles. Responsio est facilis, quod determinatio Facultatis est supra opinionem vnius Doctoris: seu ut habet paulo post; Solutio est, Augustinum nescivisse, quid Magistri nostri super hoc resolutione dicturi essent. Caluino procaciores sunt Aduersarij, qui ex eo argumento sibi laudem quærent, quod ipse ab Lutheranis fluxisse proficetur.*

Possem hinc multos Hæreticorum locos adiungere, in quibus eodem de gratia medicinali argumento, iis-

dem Augustini testimoniis abutuntur : sed satis sit vnum ex Theodoro Beza subicere, qui in libro aduersus Castellionem edit. 2. Geneu. pag. 456. & 457. acerrimè contendit illud Ioannis 1. *ἔδωκεν αὐτοῖς ἐξουσίαν* *πᾶσι θνῶν ὥστε*, malè ab vulgato interprete verti, *dedis illis potestatem filios Dei fieri*: sed ita esse reddendum, *dedis eis dignitatem filios Dei fieri*. quòd illud potestatis nomen Pelagianis faueat, qui gratiam in possibilitate reponebāt. Quo loco postquam ex S. Augustino ostendere conatus est, gratiam naturæ lapsæ à gratia naturæ integræ eo differre, quòd hæc voluntatem ad agendum indifferentem relinqueret; illa verò agendi necessitatem afferat, subdit: *Merito quidem, quia non dixit Christus; omnis qui audiuit à Patre, & didicit, potest venire ad me, sed omnis qui audiuit à Patre, & didicit, venit ad me. Itaque, ut semel absoluam, nimium ieiunum est POTESTATIS nomen hoc in loco, nec melius aliunde prodeie iuum PELAGIANISMVM potuisti.* Beza consentit Petrus Martyr in Locis Communibus, titulo de libero arbitrio, non longè ab initio. Et Paulus Ferrius Minister Metensis, in Scholastico orthodoxo.

Atque hinc est, quòd Hæretici illius controuersix, quæ eos inter & Catholicos intercedit, summam in eo ponant, *an possit homo post lapsum gratia dissentire.* Scharpius audi libro de libero arbitrio cap. 3. *Status tertius controuersie inter nos & Pontificios est. Sine homo post lapsum verè liberi arbitrii in iis rebus quæ pertinent ad salutem, & quamuis nihil possit sine auxilio gratiæ, tamen per gratiam prauententem excitatus, & à Deo adiutus ita valeat operari, ut possit etiam non operari.* Affirmatiuam partem suetur Bellar. Concilium Trid. sess. 6. can. &c. Nos verò dicimus in homine post lapsum, &c. Deum ita efficaciter agere, & voluntatem flectere ut hominis voluntas Deum conuersionem hominis volentem & operantem non sequi non possit: licet non coacte, sed sponte sequatur. Quod etiam obseruauit acerrimus fidei Catholice vindex Thomas Stapletonus,



nus. Nam l. 3. de gratia & libero arbitrio cap. 1. hunc controuersiz Catholicos inter & Hæreticos statum ponit, *An voluntas humana prauenta à gratia, excitata, & adiuta libere possit resistere. Quamobrem hunc capite 8. titulum præfigit. Quòd voluntas humana prauentientem gratiam libere potest repudiare, contra Protestantes ostenditur.*

Primarium verò illud hæreticorum argumentum ex vtriusque gratiæ discrimine peticum proponunt, ac solvunt Catholici Theologi. Malderus in primam secundæ, de diuisione gratiæ, dub. 13. vbi quærit, vtrum gratia agendi necessitatem imponat, ita illud sibi obicit. *Opponit primò Calvinus, doctrinam Augustini lib. de corrept. & grat. cap. 11. & 12. vbi docet gratiam persistendi in bono, Adæ fuisse datam, si vellet; sed non velle quod posset: nobis & velle dari, & posse.* Franciscus Horantius libro 1. Locorum Theologicorum, capitibus 55. & 56. & Pennor. l. 9. c. 13.

Hinc collige quid velint Aduersarij, cùm hoc vtriusque gratiæ discrimen recentioribus Theologis ignotum esse iactant. nimirum Catholicis ignotum est: neque enim hætenus eorum aliquis illud vsurpârat; hæreticis verò, notum est admodum, atque familiare.

## PARAGRAPHVS II.

*Petitum est idem primum fundamentum ex Calvinistarum Synodo Dordrechtana.*

PRÆVARICARER in præcipua causæ parte, si decreta Synodi Dordrechtanæ prætermitterem, in qua Calvinianæ Hæresis Procures ex Belgio, Germania, Anglia, Galliâque collecti, id fere vnum egerunt, vt REGENERATIONIS GRATIAM IRRESISTIBILEM ESSE definirent. Statuebat enim Arminius aliique, contra quos hæc est coacta natio, anno 1618. gratiæ præuenienti resisti posse. atque adeo (sic eorum sententiam Sy-

50 DISPUT. DE LIBERO ARBITRIO  
nodus refert multis in locis, ac præcipuè pag. 683.) *positis omnibus gratia motionibus, quibus Deus ad efficiendam conuersionem utitur: voluntatem hominis relinqui in æquilibrio, vel sine credere, vel non credere; conuertere se ad Deum, vel non conuertere.* Hanc sententiam, quam Malderus in Anti-Synodicis, & Veronius in suis Observationibus, aiunt esse Catholicam, quàmque nemo non videt consentire ex omni parte cum ea, quam noui Dogmatistæ, ut erroneam & hæreticam insectantur; hanc, inquam, sententiam Calviniana Synodus, ut ab Caluini, Lutherique mente alienissimam, UT PELAGIANAM, UT PAPISTICAM, UT EX CONCILIO TRIDENTINO REPETITAM reiecit, proscribit, execratur. Lectorem rogo, ut huius Conuenticuli acta, si fortè habet ad manum, vel cursim legat: mentiar, nisi hoc ipse iudicet, nihil ab nouis Dogmatistis dici, quod in illa Synodo tanquam Calviniani dogmatis effatum, sancitum non sit, atque definitum. Neque verò multum temporis teret, antequam primarium illud controuersię caput occurrat. Habet enim Synodus illa hoc quoque cum nouo dogmate commune, ut irresistibilis gratia ubique per fas & nefas mentionem faciat, pag. 735. editionis Hannouiensis anni 1620. sic pronuntiant Embdani Ministri: *Contra hanc sententiam nos affirmamus, quòd Deus voluntatem hominis gratia sua mouet, NON UT PONTIFICII TRADUNT, UT NOSTRÆ POSTEA SITELECTIONIS MOTIONI OBTEMPERARE, AUT REFRAGARI; sed ut illam efficaciter etiam ad obsequendum flectat.* Eandem opinionem ab Concilio Tridentino depromptam esse, aiunt pag. 730. BELLARMINVS, CVM CONCILIO TRIDENTINO, ET PELAGIO, intelligit per gratiam præuenientem, vocationem, cuius efficacia ab hominis ingenio pendet. Quam, ut erroneam, se s. 136. reiciunt p. 365. Reiecit Synodus errores eorum, qui docent, positis omnibus gratia operationibus, quibus Deus ad hominem conuertendum utitur, hominem tamen Deo:



& spiritui regenerationem intendenti, & regenerare ipsum volenti, ita posse resistere, & actu ipso saepe resistere, ut sui regenerationem prorsus impediat, atque adeo in ipsius manere potestate, ut regeneretur, vel non regeneretur. Rationes verò, quibus suum hoc decretum firmat, colligit scilicet. 99. pag. 314. & 315. quæ omnes eadem sunt, cum iis, quas Aduersarij suo dogmati comprobando adhibent. Præcipuas perstringam, ex eodem loco. Irresistibilem hanc Dei motionem esse, firmissimè probant Orthodoxi, &c. (sic Calvinistas vocant) quia tractus Patris, sine quo nemo venit ad Christum, Ioan. 6. irresistibilitatem gratiæ supponit. quia si gratia regenerationis esset resistibilis, foret ea communis multis, non renatis. At scriptura eam propriam filiorum Dei facit: quia postea resistibilitate gratiæ, præcipuum opus nostræ salutis necessarium, ipsum nempe credere, & respici- scere, IN HOMINIS ARBITRIO TANQVAM IN PROPRIA CAUSA PONERETVR: discriminis quoque ratio cur ex duobus non renatis, audito Euangelio, unus credat, alter non credat, EX HOMINE ESSET, QVOD VNVS GRATIÆ NON RESISTERE, ALTER RESISTERE VOLVIT, contra illud, quis se discernit? quid habes, quod non accepisti? Agnoscis, opinor, inuicta illa Aduersario- rum argumenta, quibus resistibilem gratiam oppu- gnant: audi & quæ Augustini testimonia proferat Sy- nodus, ut intelligas nihil eos de suo promere. Pergit pag. 316. Addatur & Augustini ratio de corrept. & grat. cap. 14. qui habet humanorum cordium, quod placet inclinandorum omnipotentissimam potestatem: & de ipsis hominum volun- tatibus quod vult, facit, & magis habet in potestate volunta- tes hominum, quam ipsi suas. Et de gratia Christi cap. 24. Quisque internâ, atque oculatâ, mirabili atque ineffabili po- testate, operatur in cordibus hominum, non solum veras reue- lationes, sed etiam bonas voluntates. Postremò, ex his om- nibus concludit pag. 318. Arminium hac gratiæ resistibilis assertione doctrinam gratiæ cum Pelagio periculose depra- uare.

Hinc patet gratificari nuperos Theologos Calviniano dogmati; nec abs re esse, quòd Bataui gloriantur, recipi suum dogma à Pontificiis, & posthabita Tridantini Concilij auctoritate, Dordrechtanæ Synodi decreta vigere apud nos, & florere. Audiui ipse Calvinistam insignem, qui opinionis novæ Antistitis opera sic inscribenda diceret: COMMENTARII QVIBVS DORDRECHTANÆ SYNODI SENTENTIA ILLUSTRATVR, CONFIRMATVR, PROBATVR.

## PARAGRAPHVS III.

*Secundum fundamentum petitum est ex recentioribus Hereticis.*

Libro 4. de statu naturæ lapsæ cap. 22. Et libro 3. de gratia Christi, cap. 13.

ALTERVM novæ opinionis fundamentum est; hominem, cum peccat, necessariò peccare, quia nec per se à peccato abstinere potest, nec adest gratia, quâ illud euitet.

Quid aliud pugnat Lutherus toto illo percelebri libello, quem ideo DE SERVO ARBITRIO inscripsit, quòd in eo euincere conetur, hominis voluntatem amissâ funditus libertate, concupiscentiæ tyrannidi ita mancipari, vt peccandi necessitate obstringatur? quem DE SERVO ARBITRIO librum tanti faciebat Lutherus, vt illo suarum cum Ecclesia Romana controuersiarum caput contineri gloriatur: sic enim ad Erasum qui Diatriben de lib. arbit. aduersus ipsum ediderat, scribit sub finem operis fol. 525. *In hoc te vehementer laudo, ac prædico, quòd solus præ omnibus rem ipsam es aggressus, hoc est, SVMMAM CAUSÆ: nec me fatigaris alienis illis causis, de Papatu, Purgatorio, & Indulgentiis, ac similibus nugis potius, quàm causis; in quibus me hætenus omnes fere venati sunt frustra. Vnus tu, & solus CARDINEM RERVM vidisti, & ipsum iugulum petisti. Totus autem hic liber, vt ex ipso titulo satis con-*



stat, in eo consumitur, vt ostendat, hominem, si absit gratia efficax, ineluctabili peccandi necessitate constringi. Hinc est, quòd ab ipso ingressu nefarium hoc dogma, quasi disputationis argumentum proponit, *quicquid sit à nobis, siue boni, siue mali, merà necessitate sit.* Hæc est horrenda pestilensque doctrina, quæ tantum inuidiæ Lutheranis conflauit. Et hæc Catholicis obtruditur, non artificio quodam dissimulata, sed cruda, eodémque cultu, quo Lutheranorum in scriptis legitur!

Zanchium audi, & nouæ opinionis fontem recognosce. lib. 1. Tract. Theol. cap. 6. Thes. 1. hæc habet pag. 82. *Hac obseruatione; & his exemplis perspicua sit nostra thesis, nempe, licet homo post lapsum factus sit seruus peccati, eoque necessario peccet, nec possit non peccare, non ideo tamen omnem libertatem amisisse, cum eius voluntas non amiseris eam libertatem, quæ LIBERTAS A COACTIONE dicitur. Quod cum ex Augustino efficere conatus est, ita colligit. Hinc itaque apparet, NATVRALEM, ET PERPETVAM LIBERTATEM VOLVNTATIS ESSE, NON LIBERTATEM A NECESSITATE, SED LIBERTATEM A COACTIONE. necessario enim voluntas peccat, dum est serua peccati, coacta tamen non peccat, quia non inuita, sed volens, sponte, & vltro peccat: peccat enim non violentâ coactione, sed propensissimâ animi affectione; non ab extrinseco principio coacta, sed à propria libidinis motu, & nature prauitate necessario acta.*

Hoc ipsum Calvinus, atque omnis Calvinistarum natio contendit, cum nos ait generali quâdam peccandi necessitate constringi. Quod Calvinus libro 2. Instit. cap. 2. num. 8. iisdem rationibus efficit, quas in eam rem adhibent Aduersarij. Prima est, ex seruitute arbitrij. Secunda, ex cupiditatum tyrannide. Tertia, ex gratia liberatrice. Atque has singulas rationes iisdem etiam Augustini testimoniis illustrat. capite verò 3. illud ipsum tractat pluribus, & præcipuè num. 5. Porro,

inquit, quòd libertate abdicatam voluntatem dico necessitate in malum, vel trahi, vel duci, mirum est, si cui videatur aspera locutio, quæ nec absonum habet quippiam, nec à sanctorum usu aliena est. HANC NECESSITATEM CUM VBIQUE PRÆDICET AUGUSTINVS, dum etiam inuidiosè Caletij canillo vrgeretur, ne tum quidem asserere dubitauit in hac verba: per libertatem factum est, ut esset homo cum peccato: sed iam pœnalis vitiositas subsequens ex libertate fecit necessitatem. ac quoties incidit eius rei mentio, non dubitas in hunc modum loqui de necessaria peccati seruitute. Nota Calvinum eodem Augustini loco niti, quo ad fastidium vtuntur Aduersarij. Pergit Calvinus, sed iis verbis, quæ nemo nouo dogmate vel leuiter imbutus ab eius auctoribus dici non putet: Hæc igitur distinctionis summa obseruetur; hominem, ut vitiosus est ex lapsu, VOLENTEM QUIDEM PECCARE, NON INVITUM, NEC COACTUM; affectione animi propensissima, non violentiâ coactione; propria libidinis motu, non extraneiâ coactione: quâ tamen ex natura prauitate non possit nisi ad malum moueri, & agi. quod si verum est, peccandi certè necessitati subiicere non obscure exprimitur. Cui rei confirmandæ alium subiicit Bernardi locum Aduersariis etiam per familiarem: Augustino subscribens Bernardus ita scribit: solus homo inter animalia liber; & tamen interueniente peccato patitur quandam vim & ipse: sed à voluntate, non à natura, ut ne sic quidem ingenita libertate priuetur; quod enim voluntarium, etiam liberum. Ita nescio quo prauo & miro modo ipsa sibi voluntas peccato quidem in deterius mutata necessitatem facit, &c.

Non est, quòd in coaceruandis Hæreticorum testimoniis diutius immorer: cum nemo sit, qui nesciat, hanc esse constantem eorum doctrinam. si quis tamen accuratiùs intelligere velit quid sentiant hac in parte, & quàm bene cum recenti opinione conueniant, Chamicum legat tom. 3. lib. 3. vbi fusè explicat, quomodo hominis voluntas peccandi necessitati addicatur, &



Petrum Martyrem tomo 2. Locorum Communium, titulo de lib. arbit. ex quo breue hoc testimonium in specimen excerpo. *Augustinus hanc peccandi necessitatem agnouit in libro de natura & gratia cap. 66. ubi scripsit ex vitiis natura, non ex conditione natura, quandam esse peccandi necessitatem.* Illud ipsum quàm sæpe nobis ingerunt Aduersarij?

## PARAGRAPHVS IV.

*Tertium fundamentum petiit ex recentioribus Hæreticis.*

ANTECEDENTEM & absolutam necessitatem cum libertate conciliari, inuictò, vt glorianitur, argumento probant Aduersarij. *Dens, inquit, libere amat seipsum libertate propriè dictâ, libere Spiritum sanctum producit: licet utrumque summa necessitate faciat. Beati item, ac Damones, liberi sunt in eo, quod necessariò agunt.* Hic alter noui dogmatis Achilles, quem antequam iusto prælio conficiam, Aduersarios moneo, vt ne plus illi auctoritatis ac fidei tribuant, quàm periti duces concedere transfugis solent. fluxit enim ab hæreticis hoc argumentum, apud quos diu, multumque habitum est in pretio, nec nisi recens Catholicorum in scholas irrepfit.

Libro 6. de  
grat. Chri-  
sti. cap. 7. 8.  
10. 11.

Wicleffus eo vtitur ad libertatem cum necessitate componendam. Testis est Valdensis qui lib. 1. Doctrin. fidei cap. 22. hæc habet: *Cum autem quæritur quomodo est voluntas diuina, vel creata, libera, si absolute necessitetur hoc facere? quantum ad diuinam voluntatem respondet Wicleff. cap. 28. 3. Trial. QVOD DEVS NON ILLIBERTATVR QVICQVAM FACERE, LICET ABSOLVTE' NECESSARIÒ ILLVD FIAT. SICVT NON ILLIBERTATVR PRODVCERE VERBVM, VEL SPIRITVM SANCTVM, LICET ABSOLVTE' NECESSARIÒ ILLVD AGAT. & cap. 25. hæc verba Wicleffi refert: Est libertas in An-*

36 DISPUT. DE LIBERO ARBITRIO  
*gelis confirmatis, qui tamen ad hoc agendum, quod agunt,  
summâ necessitate trahuntur.*

Lutherus, qui ex Wicleffi scriptis suam de libertate opinionem hauserat, indidem illius confirmandæ rationem sumpsit. Vnde illud Erasmi apud Lutherum lib. de seruo arbitrio pag. 499. *Iam verò quàm pulchre Lutherus libertatem cum necessitate conseruat? dicens, NON OMNIS NECESSITAS EXCLVDIT LIBERAM VOLVNTATEM, quemadmodum Deus Pater gignit necessariò Filiam, & tamen volens, ac libere gignit, quia non coactus.*

Informatam hanc ab Wicleffo Lutheroque rationem meliori in lumine collocarunt posteriores Hæretici. Calvinus lib. 2. Instit. cap. 3. num. 5. Porro, inquit, *quòd libertate abdicatam voluntatem dico necessitate in malum vel trahi, vel duci: mirum si cui videatur aspera locutio, qua nec absonum habet quippiam, nec à sanctorum usu aliena est. offendit autem eos, qui inter necessitatem & coactionem distinguere nesciunt, &c. At si quis eos interroget, an non Deus necessariò bonus sit? an non Diabolus est necessariò malus? quid respondeant? ergo si LIBERAM DEI VOLVNTATEM IN AGENDO, NON IMPEDIT, QVÒD NECESSE EST ILLVM BENE AGERE: si DIABOLVS, QVI NON NISI MALE AGERE POTEST, LIBERA TAMEN VOLVNTATE PECCAT: quis hominem ideo minùs libere peccare dicet, quòd sit peccandi necessitati obnoxius? Eadem reperit cap. 5. num. 1. & multò copiosius lib. 4. contra Pigh. pag. 175. his verbis. Quoniam autem eius distinctionis sapius meminimus, quam vos inter coactionem, & necessitatem statuimus; unde pendet maiori ex parte hac quaestio, eamque nonnisi obiter attingimus, paulò diligentius nunc excutienda nobis est. NEGANT ERGO, QVI LIBERV M ARBITRIVM CONTRA DEI GRATIAM TVNTVR, PECCATVM, AVT VIRTVTVM ESSE, VBI EST NECESSITAS. Respondemus, Deum necessariò bonum esse, nihilo tamen minorem ex bonitate laudem consequi, quia*



quia non nisi bonus esse possit. Rursus Diabolum necessario malum esse, nihilo tamen minus vitiosam esse eius malitiam. Quod tam fusè Calvinus, in pauca colligit Petrus Du Moulin: *Necessitas peccandi non repugnat libertati voluntatis: testes demones, qui sunt naturaliter, & necessario mali, quique nihilominus peccant liberrimè & sine coactione. Ita Deus necessario bonus, summè liber est.*

La nécessité de pecher ne repugne point à la liberté de volonté, témoins les Diables, qui sont naturellement, & nécessairement méchans, & néanmoins pechant fort librement, & sans contrainte: ainsi Dieu nécessairement bon, est souverainement libre. Du Moulin Bouclier de la Foy, article 9.

Disertissimè omnium Hieron. Zanchius tomo Tract. Theol. lib. 1. c. 6. thesi 1. p. 84. *Non pugnant, inquit, inter se, libere agere, & tamen necessario agere. An non Deus necessario bonus, iustus, & clemens est? & NVNQVID PROPTEREA NON EST DEVS, VEREQVE LIBERO PRÆDITVS ARBITRIO, quia non potest velle non esse Deus? An non etiam Angeli in cælo, & anima Beatorum necessario volunt, quæ volunt, nempe iusta tantum, & voluntati Dei consentanea? Num ideo dixeris propter hanc necessitatem, illos non esse libero arbitrio præditos? Contrà: an non etiam Diaboli sales sunt iam natura, ut necessario semper peccent, neque à peccato desistere possint? Num igitur dixerimus, eos non libere peccare, eoque peccata verti illis vitio non posse? Nihil minus. Ergo quod etiam in terris homines ita sint facti serui peccati, ut non possint non peccare: & contrà, qui natus est ex Deo nec peccet, nec peccare possit: INDE NON TOLLITVR VEL ILLIS, VEL ISTIS, NATIVA VOLVNTATIS LIBERTAS, QVÆ EST LIBERTAS A COACTIONE.*

Sequuntur magno numero ex prædicantium natione non ignobiles Magistelli. Zacharias Ursinus qu. 1. de libero arbitrio. *Necessitatem nequaquam cum libertate voluntatis pugnare facile ostendi potest. Quia Deus etiam si naturâ, hoc est summa & absoluta necessitate bonus est, tamen non coactè, sed liberrima voluntate. Witakerus l. 5. aduersus Duræum pag. 135. Et Deus bene, & demones necessario agunt malè: in quo voluntati libera non opponi necessitatem vides. Ioannes Scharpius l. 2. de libero arbitrio cap. 2. pag. 187. Liberum potest cum necessario, at non cum coactio subsistere. Deus enim & Angeli libere bene.*

*agunt & necessariò, non verò coactè.*

Longum esset, ac molestum, quæ ab Hæreticis in eam rem dicuntur, sigillatim persequi. At illustrius est Chamieri testimonium, quàm vt à me omitti possit. Hoc ipsum argumentum Catholicis sæpius impingit, tom. 3. lib. 2. fusissimè verò illud tractat cap. 4. iamque ab initio vim eius omnem ita colligit. *Arbitrium Dei, Angelorum, Diaboli, hominum glorificatorum, & damnatorum, est liberum; at eorundem arbitrium non est liberum à necessitate internâ: ergo non semper arbitrium est liberum à necessitate interna.* Maiorem probat num. 3. 4. 5. 6. Minorem verò reliquo capite, vbi plurima Augustini, Bernardique testimonia ad id euincendum congerit.

#### PARAGRAPHVS V.

*Quantum fundamentum petitum est ex recentioribus Hæreticis.*

EST illud quoque nouæ opinioni solenne, vt in S. Augustini auctoritate latebram quærat. Vnum Augustinum loquitur, vnum inclamat, vnius arbitrio controuersias omnes disceptari cupit. Quis hoc magnopere non probet? quis non amplectatur? Cerrè sub tanti viri auctoritate periculosum nobis errorem obtrudi vix suspicarer, nisi recens esset Hæreticorum memoria, qui hac arte suum de libertate dogma sparserunt in vulgus. Caluinum lege de arbitrio tractantem; vix occurreret pagina, in qua decies ad Augustinum non prouocer. Reliquos Patres, quod & noui Dogmatistæ faciunt, magnam partem abdicat: Græcos Pelagianismi criminatur: Latinos fere omnes eiurat: vnum sibi Augustinum arrogat, vnius Augustini auctoritate nititur. Hinc est, quòd gloriari Calvinistæ solent, Patriarchæ sui libros tam crebris atque frequentibus Augustini sententiis esse conspersos, vt sæpius in eis Augustinus, quàm Caluinus ipse loquatur.



At placet illustria hac in parte Aduersariorum latrocinia sigillatim exponere, vt omnes intelligant, quàm accuratè illi, ac diligenter Augustinum euoluerint. Nullum ex Augustino testimonium nobis obii-  
ciant, quod Caluinus Concilio Tridentino, & Sorbo-  
nicis non opposuerit; nullam suæ opinioni confirman-  
dæ ex eodem Augustino sententiam adhibent, quam  
in eundem finem Hæretici non vsurparint. Vnde su-  
spicari quilibet potest, eos ingentem illam Augustini  
testimoniorum molem, quâ nos obruere meditantur,  
non ex Augustino, in quo sparsa sunt illa: sed ex Cal-  
uino aliisque Hæreticis, in quibus collecta leguntur,  
desumpsisse. Quod ex iis, quæ sequuntur, liquidò  
constabit.

Primò; gloriatur nouæ opinionis instaurator se mul-  
tum temporis in Augustino triuisse: sibi que perfectam  
eius sententiæ intelligentiam gratulatur. Qua in re  
consentit cum Caluino, qui libro 5. in Pigh. pag. 199.  
ita loquitur: *Vtinam tanta & attentione, & diligentia ver-*  
*satus in scripturis Pighius foret, tamque familiariter notum*  
*haberes earum sensum: quàm & DILIGENTER LEGISSE*  
*ME AVGVSTINVM, ET FAMILIARITER COGNITAM*  
*HABERE EIVS MENTEM, IACTARE MIHI LICEAT:*  
*Verùm id ex re ipsa aestimari volo.*

Toto passim  
opere, ac  
præsertim  
in libro  
Proœmiali  
cap. 10.

Accedit, quòd nouæ opinionis Coryphæus nihil fere  
profert, quod se innumeris Augustini testimoniis ef-  
fectum non polliceatur. Thraſonicum hunc spiritum  
hausit ex Caluino, qui se vbique ita vendicat, ac præ-  
cipuè in libris aduersus Pighium, vnde illa vanissimi  
hominis iactatiuncula libro 6. pag. 192. *Supra ducentos*  
*locos ex AVGVSTINO adducere mihi facile fit, ubi istis*  
*verbis utitur.*

Secundò, Scholasticis Theologis supinam in Augu-  
stini doctrina ignorantiam exprobrat, clamâtque eos  
Augustinum, aut strictim tantum, aut nonnisi alienis  
oculis legisse. Eadem Sorbonicis obiiicit Philippus Me-

Vbiq; spar-  
sim & ma-  
ximè libro  
Proœmiali  
cap. 28.

lancthon in Apologia pro Luthero, sub finem: ubi Lutheri de gratia & libero arbitrio sententiam aduersus Sorbonicorum Censuram defendit. *Quod si, inquit, unquam dubitatum est, in quo genere litterarum aut artium versaretur Lutetia: id nunc declarat hic locus, in quo palam apparet in tota ista Sorbonica Facultate neminem esse, QUI AVGVSTINVM ATTIGERIT. In ipsa Scriptura quid possint facile estimari potest, quando ne Augustinum quidem vulgarem aliqui inter Theologos scriptorem viderint. ô Theologos! ô Sorbonam! & paucis interiectis, Sinite impetrari à vobis, ut Augustinum, non dico relegatis, sed inspiciatis tantum. Nam errorem vestrum nulla pagina est, quæ non coarguat. Hæ sunt strophæ, atrocisque calumniæ, quibus noui Dogmatistæ Scholasticos Theologos insectantur. Vnum hoc clamant, vix eos Augustinum nisi cursim attigisse; mirantur doctissimos viros, qui ætatem omnem in Theologicis rebus contriuerunt, in Augustini doctrina peregrinos esse. Neque illud semel impingunt: sed quoties decretorium illum de correptione & gratiæ locum interpretantur, toties fere Scholasticis insultant, eosque cauillantur, quòd discrimen illud gratiæ sanitatis & medicinalis, tam luculenter ab Augustino explicatum, ignorent.*

Apologia J.  
Iansenij in  
præfatione.

Tertio, noui dogmatis Patroni suum ut Patriarcham defendat, aiunt nihil eum dixisse, quod totidem verbis Augustinus non scripserit, adeoque damnari illum non posse, quin per eius latus Augustinus confodiatur. Addunt multum illi deberi ab Ecclesia, quòd implicatam, & obscuram Augustini mentem meliorem in lucem extraxerit. Nec erubescunt palam id profiteri, nouæ opinionis Artificem, etsi nihil dicat, quod ab Augustino non fluxerit, singula tamen accuratiùs, & diligentius explicasse, quàm Augustinum. Quæ omnia simillima sunt iis, quæ de Luthero scripsit Melancthon aduersus Sorbonicos in Apologia citata pag. 204. & 205. edit. Witemberg. anno 1546. *An non, inquit, Lutheri de li-*



berò arbitrio & gratia (si rectè rem aestimes) sententià TOTÀ AVGVSTINI EST? hunc per omnia sequutus est in Commentario ad Galatas. Extant utriusque commentarij, quos si conferas, videbis conuenire inter eos de rerum summa. Extant Augustini libri aduersus Pelagianos, quos ille iam natu grandior scripsit: eos si contuleris cum Lutheranis dogmatis, videbis de summa rei conuenire. Fortassis aliter alicubi quiddam dixit argutius, & multa Lutherus diligentius (rumpite vos interim magistri nostri) quàm Augustinus. Ecce in primario loco, adeoque in eo, in quo potissimum regnat Lutherus, habet *quod* AVGVSTINVM, & patronum minime vulgarem.

Quartò, vnum Augustinum opinionis suæ fundum iactitant, aliorum auctoritatem vel aspernantur, vel eleuant. Ita Calvinus lib. 2. Institut. cap. 2. num. 9. Magnum mihi preiudicium attulisse, forsàn videar, qui scriptores omnes Ecclesiasticos EXCEPTO AVGVSTINO ita ambigè, ac variè in hac re loquutos esse confessus sum, ut certum quippiam ex eorum scriptis haberi nequeat.

Toto passim libro Proemiali, & l. 4. de gratia Christi, cap. 10.

Eàdem impudentià Lutherus, in libro de seruo arbitrio, exprobranti Erasmo, quòd Wicleffum tantum, aut Laurentium Vallam sibi suffragantes haberet, vnum hoc responderet: *Quanquam* AVGVSTINVS, QVEM PRÆTERIS, TOTVS MEVS EST.

Quintò, contendunt ex Augustini mente liberum arbitrium soli coactioni repugnare, atque hanc opinionem mille fere annis in Ecclesia floruisse, nec nisi à recentium Scholasticorum ætate obsoleuisse. Quæ vnde excerpta sint ex hoc vno Caluini testimonio intelliges. Calvinus lib. 2. Instit. cap. 3. num. 5. solam coactionem opponi libertati ex quibusdam Augustini, Bernardique locis pugnat, concluditque: *Hinc agnoscunt lectores, nihil me asferre, QVAM QVOD OLIM EX PIORVM OMNIVM CONSENSV PRODIDIT AVGVSTINVS, & mille fere annis postea in claustris Monachorum retentum fuit.* Lombardus autem, cum necessitatem à coactione distin-

Toto lib. 6. de gratia Christi.

62 DISPUT. DE LIBERO ARBITRIO .  
*quere nescires, pernicioso errori materiam dedit. Pleni sunt  
 similibus testimoniis Institutionum libri, pleni quoque  
 illi, quos aduersus Pighium scripsit, qui omnes ex per-  
 petuis confutisque Augustini sententiis texuntur. Lib.  
 4. pag. 175. ubi necessitatem à coactione distinxit, hac-  
 que vnâ perimi libertatem pronuntiavit, addit: SIC  
 ANTE NOS AVGVSTINVS, SIC BERNARDVS  
 LOQVVTI SVNT.*

Libro 6. de  
 grat. Chri-  
 sti cap. 8

Sextò, proferunt locum ex libro de natura & gratia,  
 cap. 46. Eundem adhibet Calvinus contra Pighium p.  
 162. *Ad illud, inquit, Pelagij obiectum, privari voluntatis  
 arbitrio quidquid naturali necessitate constringitur; Respon-  
 det Augustinus, necessario nos velle esse beatos, neque tamen  
 minus voluntarie.*

Vix est pa-  
 gina quæ  
 huius loci  
 non memi-  
 nerit.

Septimò, obiciunt decantatum illud toties ex libro  
 de corrept. & grat. testimonium, quo vno fere tota hæc  
 opinio nititur. Vidimus superiùs, quàm importunè il-  
 lud ipsum Calvinus usurpet. Qui hoc tamen ab noui  
 dogmatis Auctore vincitur, quòd ille hunc Augustini  
 locum tricies tantùm adhibeat; hic plùs trecenties.

Toto libro  
 8. de gratia  
 Christi.

Octauò, aiunt Augustinum non aliter gratiam cum  
 libero arbitrio conciliâsse, quàm affirmando nos gratiâ  
 Dei non cogi, quæ totidem fere verbis succinit Cal-  
 uinus in Antidoto Conc. Trid. ad sess. 6. pag. 278. *Quid  
 ergo, inquires, sibi vult Augustinus, cùm de libertate volunta-  
 tis loquitur? nempe quod toties repetit, NON COGI HO-  
 MINES INVITOS DEI GRATIA, SED VOLVNTARIOS  
 REGI, VT SPONTE PAREANT, AC SEQVANTVR.  
 Quod hîc breuiter astrinxit, latius exponit libro 3. in  
 Pighium pag. 168. Habemus ex AVGVSTINO non alia  
 causa liberam dici voluntatem, nisi quia SPONTANEO MO-  
 VETVR AFFECTV. Pighius autem longè aliud requi-  
 rit, ut scilicet liberam habeat, vel boni, vel mali eligendi  
 facultatem. Libera est, inquit Augustinus, quia sponte mala.  
 Pighius liberam esse contendit, quia libera in vtramque par-  
 tem electionis sui capax. Vis ergo breuiter scire, quo sensu*



*liberum arbitrium cum gratia coniungat? Tribus verbis tandem in fine libri respondet. QVIA PER GRATIAM NON TOLLITVR HVMANA VOLVNTAS, sed ex mala mutatur in bonam: & cum bona fuerit, adiunatur.*

Nondè, Bernardum quoque testem appellant, & hoc eius testimonium proferunt, quod Caluino, & Zanchio familiarissimum est, quòdque his verbis ab Chamiero citatur tom. 3. libro 2. cap. 4. num. 8. *Audi BERNARDVM de gratia & libero arbitrio. Nemo putes ideo dictum liberum arbitrium, quòd aqua inter bonum, & malum facillate versetur. Alioquin nec Deus, nec Angeli sancti, qui ita boni sunt, ut non possint esse mali: nec prauaricadores Angeli, cum ita sint mali, ut iam non valeant esse boni, liberi arbitrij esse dicentur.*

Libro 8. de  
grat. Chri-  
sti cap. 27.

Verbo dicam: nullum nobis Aduersarij ex Augustino, Bernardo, aut sancto Thoma locum opponunt, qui sit alicuius ponderis ac momenti, quem multò antè Catholicis Hæretici non obiecerint. Eruditum Lectorem rogo, ut id ipse per se experiatur. Vnum consular Scharpium L. 2. de libero arbitrio pag. 184. & intelliget, quàm nihil mentiar. Si Hæreticorum libros non habet ad manum, Albertum Pighium legat lib. 3. 4. & 5. de libero arbitrio, Franciscum Horantium in Locis Cathol. lib. 1. à cap. 40. ad finem, Ioannem Puteanum in 1. 2. quæst. 10. dubit. 2. Guillelmum Estium in 2. dist. 24. §. 1. aut vulgarem magis scriptorem Bellarminum, qui lib. 3. de gratia & libero arbitrio cap. 6. proponit, ac dissoluit argumenta, quibus Bucerus, Caluinus, aliique Hæretici probant solam coactionem naturæ hominis libertati opponi. Qui hoc vnum Bellarmini caput legerit; mentiar, nisi stuporem nouorum Dogmatistarum rideat. Hic enim recognoscet præcipua eorum argumenta ab Hæreticis deprompta fuisse. Leget præcipuos Augustini locos, quibus tantopere gloriantur. Primus est ex Enchir. cap. 105. *Neque culpanda est voluntas, aut voluntas non est, aut libera discenda non est, qua beati esse sic*

volumus, ut esse miseri non solum nolumus, sed nequaquam prorsus velle possumus. Secundus est ex libro de natura & gratia cap. 46. Perquam absurdum est, ut ideo dicamus non pertinere ad voluntatem nostram, quod beati esse volumus, quia id omnino nolle non possumus: nec dicere audemus Deum non voluntatem, sed necessitatem habere iustitiae, quia non potest velle peccare. Tertius est lib. 5. de Ciuit. Dei cap. 5. Si illa definitur necessitas, secundum quam dicimus necesse esse, ut ita sit aliquid, vel ita fiat: nescio cur eam timeamus, ne nobis libertatem auferat voluntatis. Neque enim vitam Dei, & praescientiam Dei sub necessitate ponimus, si dicamus necesse esse semper Deum viuere, & cuncta praescire. Leget deinde celebres illos S. Bernardi locos ex lib. de libero arbitrio, & sermone 81. in Cantica petitos. Leget denique illud ipsum, quod tanti sit ab Aduersariis S. Thomae testimonium, quod est. 10. de potentia, art. 2. ad 5. ubi scribit, *solan coactionem repugnare libertati naturali hominis.*

Qui haec perpendet apud se, an non suspicabitur novos Dogmatistas plus Augustinum in Caluino, quam in Augustino legisse? Ego certe illud asscuerare ausifim: posse quemlibet, qui Augustinum nusquam viderit (modò familiares ac notos habeat Hæreticorum libros) illud ipsum opus concinnare, quod iam nobis, quasi diuturnæ Augustinianæ lectionis partus, obtruditur.

#### SECTIO IV.

*Novi Dogmatis corollaria ex recentioribus Hæreticis deprompta sunt.*

QVIB mirum, si ex doctrina persimili eadem con-  
sectaria deriuentur; cum ex eodem fonte similes  
riuiuli, pares anhelitus ex eadem Camarina fundantur?  
Neque verò laborandum est, ut probem ex nouâ opi-  
nionē, ea, quæ iam exagito, corollaria consequi: cum  
id



id non fateantur modò Aduersarij, sed & multis rationibus contendant.

Primum est, omnem Christi gratiam esse efficacem, nullam sufficientem tantùm. Vnde rursus sequitur, nec Deum velle omnes homines saluos fieri, nec Christum pro omnibus mortem obuisse.

Secundum: nihil laudis ex opere bono in nos redundare.

Tertium: esse quædam homini præcepta, secundùm vires quas habet, obseruatu impossibilia.

Quartum: hominem peccare in eo, quod vitare non potest: & mereri eo actu, à quo abstinere non potest.

## PARAGRAPHVS I.

*Primum confectarium, quod est contra gratiam sufficientem, depromptum est ex recentioribus Hæreticis.*

GRATIAM sufficientem non explodunt modò Aduersarij, sed vt monstrum aliquod & portentum atrocibus verbis insectantur. Hinc illa noui Doctoris verba: *Gratia sufficiens videtur monstrum quoddam singulare gratia.* Item: *Tale adiutorium gratia Pelagianicum est.* Iterum: *Qui gratiam sufficientem ponunt, efficacem tollunt; peius ipsis Pelagianis hallucinantur.* Nimirum, ita persuasum habet omnem Christi gratiam effectum sortiri, vt audacter pronuntiet: *Nulum dari post lapsum adiutorium sufficiens, quin simul efficax sit.* Vnde nata sit hæc opinio, ex Catholicis primùm, tum deinde ex Hæreticis demonstrabo.

Toto lib. 1.  
& 3. de gratia Christi.

Andreas Duuallius vir doctrinâ & pietate singulari tomo 1. tractatu de gratia, quæst. 5. art. 1. pag. 406. Calvinum huiusce opinionis auctorem facit. Hæc sunt eius verba: *Calvinus, cum l. 2. instit. cap. 3. §. 10. & 11. quælibet Dei gratiam suam semper effectum sortiri asseruisset,*

66 DISPUT. DE LIBERO ARBITRIO  
 SUFFICIENTEM GRATIAM, quatenus efficaci op-  
 ponitur, tanquam VANAM, ET SUPERFLUAM rei-  
 cit. Duuallio consentit Malderus Episcopus Antuer-  
 pientis in primam secundæ, quæst. III. articulo 3. dub.  
 4. quod ita inscribit: *An detur ulla gratia sufficiens, qua  
 non simul sit efficax.* Respondet, Nullam esse gratiam ex-  
 citantem, qua non sit efficax, effectumque habeat coniunctum,  
 docuit CALVINUS lib. 3. instit. cap. 3. §. 10. ubi cum ali-  
 qua ex scripturis ac D. Augustino, qua huc pertinere arbitra-  
 tus est, in medium produxisset, concludis his verbis: *Medium  
 quom sophista imaginatur motum, cui obsequi vel quem re-  
 pellere liberum sit, aperitè excludi videmus, &c.* Consentit  
 & Ioannes Wigers in primam secundæ, quæst. III. art.  
 3. §. 23. ubi agit de diuisione gratiæ in sufficientem &  
 efficacem. CALVINUS, inquit, l. 2. instit. cap. 3. nul-  
 lam vult agnoscendam gratiam excitantem, qua non sit effi-  
 cax. Consentiant denique Gamachus in primam se-  
 cundæ, quæst. III. cap. 5. pag. 377. Puteanus ibidem  
 articulo 3. dub. 2. Pennottus l. 9. cap. 4. Bartholomæus  
 Camerarius l. 1. de gratia & libero arbitrio cap. 8. & toto  
 libro 3. alique complures, quorum recensendis testi-  
 moniis supersedeo.

Illustriora sunt Francisci Horantij & Pauli de Win-  
 deck acerrimorum Catholicæ veritatis aduersus Calvi-  
 nistas propugnatorum verba, quam ut à me prætermitti  
 possint. Postremus libro de efficacia mortis Christi con-  
 tra Calvinistas pag. 155. ita loquitur: *Certum est omnem  
 hominem ratione usentem, per SUFFICIENTEM DEI  
 GRATIAM, se ad salutem consequendam conuersere posse.*  
 Mox: *Hanc propositionem pertinacissime negant LUTHE-  
 RVS assert. art. 36. Et CALVINVS l. 3. instit. cap. 23. &  
 24.* Tum: CLAMITANT NOSTRI TEMPORIS  
 CALVINISTÆ Beza, Grinæus, Zanchius, Kimedoncius,  
 & alij, huic dogmati contrariam doctrinam nostram EX FA-  
 CIBVS SCHOLASTICORVM HAVSTAM ESSE.  
 Nec ita post: ADDVNT EAM PELAGIANISMVM



**ÆDOLERE.** Etpag. 178. *Per Deum non stat, si pereant quidam, ob influxum gratiæ communem, quo omnis homo illustratur ad conversionem. ETSI HANC DOCTRINAM PELAGIANISMI INSIMULENT, ET EXSIBILENT CACO-EVANGELICI, tamen eam firmissimis scripturæ niti-testimoniis demonstravi.* Calvinum ergo, Bezam, Grineum, Zanchium, Kimedoncium, aliisque Caco-Euangelicos noui dogmatis primipilus imitatur, cum toto passim opere suo gratiam sufficientem exhibeat; Pelagianismi arguit, & ex Scholasticorum fœcibus haustam esse declamitat.

Franciscus verò Horantius libro 1. locorum Catholicorum aduersus Calvinum cap. 52. *Superest, inquit, ut veniamus ad secundum. & ostendamus IUXTA AUGUSTINI MENTEM DEI GRATIAM, QUÆ SUFFICIENTER, ET NECESSARIA SIT, omnibus paratam esse non minus, quàm sit peruia oculis nostris lux hac materialis. Sed audiat Calvinus: Phreneticos, inquit, nihil morer, qui gratiam pariter & promiscuè expositam esse garrunt. Quod conuicium in Catholicos omnes à petulantissimo Hæresiaracha contortum, ita Horantius excipit: Sit, ut lubet: simus nos phrenetici, simus garruli, simus diuinæ gratiæ expositores, modo id crimen nobis commune sit cum antiquis Prophetis, cum Apostolica maiestate, cum vniuersa Sanctorum multitudine, vniussque Ecclesiæ, veteris scilicet ac nouæ, Græcæ & Latine. Verum magis præoptandum nobis cum his recensitis, nos malè audire à Caluino, an bene nobis esse cum ipsa sua maledictentia. Licebit nobis eadem responsione uti, cum nouæ opinionis vindices corrogata ex Calvinistarum omnium libris conuicia in gratiæ sufficientis defensores congerent: cum Pelagianos, cum Sophistas, cum gratiæ diuinæ expositores Caluini verbis appellabunt. Nos quoque illud solabitur quod scribit Malderus Episcopus Antuerpiensis in . 2. quæst. 111. art. 3. dub. 3. membro 1. Sententiam illam, quæ adultis saltem omnibus, in Christo studuit SUFFICIENTEM GRATIAM*

quâ saluari queant, apud Hispanos & VBIQUE IN CHRISTIANIS ACADEMIIS HODIE ADEO RECEPTAM ESSE, ut non dubitaueris Cumel Tomo 3. Disput. ad 1. Partem D. Thoma scribere: *Quæ propositio AB OMNIBVS ADMITTI DEBET, & in quacumque opinione. Et Petrus de Cabre-ra Cordubensis in 3. Partem D. Thomæ quæst. 18. art. 4. disp. 6. dubio 1. HÆC CONCLUSIO EST ADEO CERTA VT OPPOSITVM SINE ERRORRE AFFIRMARI NON VALEAT. Et Petrus de Ledesma de gratiæ auxiliis art. 16. quæst. unica: Hoc dictum EST CERTISSIMVM INTER THEOLOGOS, & illud docent OMNES DISCIPULI D. THOMÆ.* Nobis certè optandum magis est cum omnibus D. Thomæ discipulis, cum Christianis Academiis, cum omnibus Catholicæ fidei aduersus Calvinistas propugnatoribus malè audire à noui dogmatis emissariis, quàm bene nobis esse, cum ista eorum maledicentia.

Nunc audiendi Hæretici. Ex quibus occurrit primum Calviniana Synodus Dordrechtana, cuius decreta vnâ fere sufficientem gratiam petunt. Asserebant enim Arminiani dari gratiam sufficientem: atque hanc sententiam suam ita exprimebant, ut constet ex Actis eiusdem Conuenticuli ad sess. 34. pag. 165. *Spiritus sancti tantum gratia omnibus, & singulis, quibus verbum Dei predicatur, confert, aut conferre paratus est; quantum ad promouendam suis gradibus hominum conuersionem sufficit. & sic gratia sufficiens ad fidem, & conuersionem, non tantum iis obtingit, quos iuxta decretum absoluta electionis saluare velle dicitur Deus; verum etiam iis, qui actu ipso non conuertuntur.*

[Hanc sententiam, vt PELAGIANAM, PAPISTICAM, HÆRETICAM, damnant Calvinistæ: atque in ea confutanda eundem fere ordinem, quem noui Dogmatistæ, tenent. Primò, Pelagianissimi damnant secundum Articulum Remonstrantium, siue Arminianorum, qui ad gratiam sufficientem viam sternere vi-



debat. Est autem eiusmodi: *Christus pro omnibus, & singulis mortuus est.* Deinde pag. 310. acerrimè refellunt Articulum 4. quo Remonstrantes asseriebant gratiam non esse irresistibilem, statuntque quod habetur postea pag. 710. *Gratiam, quâ Spiritus sanctus in homine efficit fidem, esse irresistibilem; adeò quidem, ut posita internâ renouationis gratiâ, homo, qui conuertitur, non velis resistere Spiritui sancto, neque etiam possit.* Ac tandem absolutè gratiam sufficientem repudiant pag. 745. **DISTINCTIO ILLA GRATIÆ IN SUFFICIENTEM ET EFFICACEM, si non de externis mediis, sed de vero & interno Spiritus tractu loquamur, MINIMÈ NOBIS PROBATVR.** Retineant eam sibi Bellarminus, & Arminius. Quosumque enim Spiritus sanctus trahit, illis non tantùm dat posse currere, sed etiam ut reipsâ currant. Cant. 1. 3. Nequod tantùm Deus, ut possumus ambulare in viis suis; sed etiam, ut reipsâ ambulemus. Ezech. 36. 27. Neque dat tantùm, ut possimus, qui in peccatis mortui sumus, viuificari; sed etiam, ut actu ipso viuificemur. Ephes. 2. Scripsit ad hanc Synodum Petrus Du Moulin, & sub finem Epistolæ suæ, quæ habetur in Actis eiusdem Synodi pag. 395. sic aduersus gratiam sufficientem pronuntiat: **GRATIAM VNIVERSALEM DATAM OMNIBVS HOMINIBVS, QUÆ VEL MEDIANTE, VEL IMMEDIATE SUFFICIAT AD PERVENIENDVM AD SALVTEM, NVLLAM AGNOSCO.** Idem Du Moulin in quadam Epistola citata apud Mallerum in prim. sec. fol. 485. *Pessimum, quod reperio in opinionibus istis nuperis, EST GRATIA ISTA SUFFICIENTENS, quæ dicitur Deus dare omnibus hominibus, etiam illis, quibus nunquam annuntiatus est Christus, & qui nullum medium habent instructionis suæ, quales sunt vultus gentes barbaræ, quæ nunquam audierunt aliquid dici de Iesu Christo.*

Nihilo leuiùs gratiam sufficientem reiecit Calvinus. Nam libro 2. Instit. cap. 2. num. 6. eius assertores phreneticos vocat: **PHRENETICOS NIHIL MOROR,**

quâ saluari queant, apud Hispanos & VBIQUE IN CHRISTIANIS ACADEMIIS HODIE ADEO RECEPTAM ESSE, ut non dubitaueris Cumel Tomo 3. Disput. ad 1. Partem D. Thoma scribere: *Quæ propositio AB OMNIBVS ADMITTI DEBET, & in quacumque opinione. Et Petrus de Cabrera Cordubensis in 3. Partem D. Thomæ quæst. 18. art. 4. disp. 6. dubio 1. HÆC CONCLUSIO EST ADEO CERTA VT OPPOSITVM SINE ERRORE AFFIRMARI NON VALEAT. Et Petrus de Ledesma de gratiæ auxiliis art. 16. quæst. unica: Hoc dictum EST CERTISSIMVM INTER THEOLOGOS, & illud docent OMNES DISCIPULI D. THOMÆ.* Nobis certè optandum magis est cum omnibus D. Thomæ discipulis, cum Christianis Academiis, cum omnibus Catholicæ fidei aduersus Calvinistas propugnatoribus malè audire à noui dogmatis emissariis, quàm bene nobis esse, cum ista eorum maledicentia.

Nunc audiendi Hæretici. Ex quibus occurrit primum Calviniana Synodus Dordrechtana, cuius decreta vnâ fere sufficientem gratiam petunt. Asserebant enim Arminiani dari gratiam sufficientem: atque hanc sententiam suam ita exprimebant, ut constet ex Actis eiusdem Conuenticuli ad sess. 34. pag. 165. *Spiritus sancti tantum gratia omnibus, & singulis, quibus verbum Dei predicatur, confert, aut conferre paratus est; quantum ad promouendam suis gradibus hominum conuersionem sufficit. & sic gratia sufficiens ad fidem, & conuersionem, non tantum iis obtingit, quos iuxta decretum absolute electionis saluare velle dicitur Deus; verum etiam iis, qui actu ipso non conuertuntur.*

¶ Hanc sententiam, vt PELAGIANAM, PAPISTICAM, HÆRETICAM, damnant Calvinistæ: atque in ea confutanda eundem fere ordinem, quem noui Dogmatistæ, tenent. Primò, Pelagianismi damnant secundum Articulum Remonstrantium, siue Arminianorum, qui ad gratiam sufficientem viam sternere vi-



debat. Est autem eiusmodi: *Christus pro omnibus, & singulis mortuus est.* Deinde pag. 310. acerrimè refellunt Articulum 4. quo Remonstrantes asseriebant gratiam non esse irresistibilem, statuuntque quod habetur posterius pag. 710. *Gratiam, quâ Spiritus sanctus in homine efficit fidem, esse irresistibilem; adeò quidem, ut posita internâ renovationis gratiâ, homo, qui conuertitur, non velis resistere Spiritui sancto, neque etiam possit.* Ac tandem absolutè gratiam sufficientem repudiant pag. 745. **DISTINCTIO ILLA GRATIÆ IN SUFFICIENTEM ET EFFICACEM, si non de externis mediis, sed de vero & interno Spiritu tractu loquamur, MINIMÈ NOBIS PROBATVR. Retineant eam sibi Bellarminus, & Arminius.** Quoscumque enim Spiritus sanctus trahit, illis non tantum dat posse currere, sed etiam ut reipsâ currant. Cant. 1. 3. *Neque dat tantum Deus, ut possimus ambulare in viis suis; sed etiam, ut reipsâ ambulemus.* Ezech. 36. 27. *Neque dat tantum, ut possimus, qui in peccatis mortui sumus, viuificari: sed etiam, ut actu ipso viuificemur.* Ephes. 2. Scripsit ad hanc Synodum Petrus Du Moulin, & sub finem Epistolæ suæ, quæ habetur in Actis eiusdem Synodi pag. 395. sic aduersus gratiam sufficientem pronuntiat: **GRATIAM VNIVERSALEM DATAM OMNIBVS HOMINIBVS, QUÆ VEL MEDIATE, VEL IMMEDIATE SUFFICIAT AD PERVENIENDVM AD SALVTEM, NVLLAM AGNOSCO.** Idem Du Moulin in quadam Epistola citata apud Malderum in prim. sec. fol. 485. *Pessimum, quod reperio in opinionibus istis nuperis, EST GRATIA ISTA SUFFICIENS, quæ dicitur Deus dare omnibus hominibus, etiam illis, quibus nunquam annuntiatus est Christus, & qui nullum medium habent instructionis suæ, quales sunt multe gentes barbare, quæ nunquam audierunt aliquid dici de Iesu Christo.*

Nihilo leuiùs gratiam sufficientem reiiicit Calvinus. Nam libro 2. Instit. cap. 2. num. 6. eius assertores phreneticos vocat: **PHRENETICOS NIHIL MOROR,**

90 DISPUT. DE LIBERO ARBITRIO  
QUI GRATIAM, PARITER, ET PROMISCUE  
EXPOSITAM ESSE GARRIUNT. & cap. 3. num.  
10. *Gratiâ non quolibet promiscuè dignatur Dominus, quem-*  
*admodum vulgò iactatur. Quare merito Augustinus tam eos*  
*deridet, qui aliquas volendi partes sibi arroganti, quàm re-*  
*prehendit alios, qui putant promiscuè dari omnibus, quod*  
*speciale est gratuita electionis testimonium. Communis, in-*  
*quit, omnibus est natura, non gratia. En illud ipsum Au-*  
*gustini testimonium, quod in hac materia tanti fit ab*  
*Aduersariis. Calvinus hoc argumentum accuratiùs*  
*tractat libro de æterna Dei prædest. tomo Tract. Theo-*  
*log. pag. 696. Nam primò, Pighij sententiam ita expo-*  
*nit. Sed interea fingit offerri peraquè omnibus gratiam; ho-*  
*minum autem arbitrio utcumque eam recipere libuerit, effica-*  
*cem demum esse. Quod ut evertat, illud ipsum Augustini*  
*testimonium ex cap. 13. l. de grat. Christi usurpat, quod*  
*perpetuò nobis obtrudunt Aduersarij, atque eius vim*  
*omnem ita colligit. Sic Deus interius docet eos, inquit Au-*  
*gustinus, qui secundum propositum vocati sunt, simul donans,*  
*& quod agunt scire, & quod sciant agere. qui autem nouit,*  
*quid fieri debeat, & non facti, nondum à Deo didicit secun-*  
*dum gratiam, sed secundum legem, non secundum spiritum,*  
*sed secundum litteram. Cui celeberrimos alios ex Augu-*  
*stino locos duos attexit. Primus est, ex libro de Præd.*  
*cap. 8. vbi Augustinus dicit, gratiam à nullo duro corde*  
*respui. Secundus est ille decantatus toties ex libro de*  
*corrupt. & grat. cap. 12. cuius summam ita complecti-*  
*tur: Non tale modo perseuerantiæ donum conferitur, quo pos-*  
*sint si velint, sed quo non nisi perseuerantes sint.*

Aliis Augustini testimoniis eandem gratiam suffi-  
cientem oppugnat libro 3. de libero arbitrio in Pigh.  
pag. 172. *Quid hic docet Augustinus? hanc gratiam non*  
*omnibus indifferenter, & promiscuè dari, sed ita duntaxat,*  
*quibus Deus vult; alios, quibus non datur, malos permunere,*  
*& ad bonum nihil prorsus valere: præterea, non esse eiusmodi*  
*gratiam hanc, quæ illis bene agendi potestatem conferat, si ve-*



line, ut in eorum postea optatione sit velle, vel non velle: sed efficaciter ipsos promouere, ut velint: immo voluntatem ex mala bonam facere, ut necessario bene velint. & lib. 3. pag. 183. **NEGO IGITUR GRATIAM SIC NOBIS OFFERRI, UT NOSTRÆ POSTEA SIT OPTATIONIS VEL OBTEMPERARE, VEL REERAGARI; nega in hoc tantum dari, ut imbecillitatem nostram subsidio suo adiuuet. Neque enim efficere Deum in nobis testatur Paulus, ut possimus bene velle: sed hoc quoque ipsum, ut velimus. Proinde efficaciter formari voluntatem nostram constituit, ut Spiritus sancti ductum sequatur necessario, non autem incitari duntaxat, ut valeat, si velit.**

Non abludit Petrus Martyr, qui in Locis Communibus, Titulo de Prædestinat. num. 38. paucis perstringit ea omnia argumenta, quibus Aduersarij gratiam sufficientem reiiciunt. *Videndum est, inquit, an gratia omnibus hominibus à Deo proponatur communis.* Tum ita pronuntiat. *Nos nequaquam dicimus omnium communem esse gratiam, sed aliquibus concedi, aliis verò Dei arbitratu non dari.* Atque pro ista sententia hac Scriptura loca inducimus, Ioan. 6. *Nemo venit ad me, nisi Pater traxerit eum: mirorque Aduersarios dicere omnes homines à Deo trahi, sed non omnes homines velle accedere.* Ac tandem sic concludit num. 40. *Postremo, dum isti sic gratiam faciunt omnibus communem, illam conuertunt in naturam, quod minime consentit doctrina sacrarum litterarum. Et quam fallantur ex eo potest demonstrari, quod volunt ex his constituere possum in manu cuiusque esse, ut gratiam sibi oblatam recipiat, quod nequaquam sacris litteris congruit. Quod ostendere conatur exemplo Tyriorum, & Sidoniorum, quibus gratiam sufficientem defuisse pugnat, additque num. 41. Postià illà gratià vniuersali, nemo eligeretur à Deo: immo nos cum eligeremus, oblatam eius gratiam recipiendo, & effemus electionis Dei siguli, non ab ipsa fingeremur. Vel me tacente obseruare quilibet potest, hinc proponi breuiter decretorum illud contra gratiam sufficientem argu-*

72 DISPUT. DE LIBERO ARBITRIO  
mentum, quod inuidtum putant Aduersarij.

Ita gratiam sufficientem odit Petrus Martyr, vt eam  
rursus imperat, Classis 3. cap. 2. Titulo de grat. Dei,  
num. 12. *Recentiores Theologi, vel Sophistæ, ne prorsus vide-  
rentur cum Pelagio conuenire, ita Hæserunt, GRATIAM  
QVIDEM PRIMVM ACCEDERE: SED NOSTRVM  
ESSE EAM RECIPERE, AVT RESPVERE. ATQVI  
HOC NIHILO VERIVS EST, QVAM QVOD PE-  
LAGIVS DICEBAT. & num. 13. Verùm dicere, &  
vulgò iactare solent, gratiam Dei expositam esse omnibus,  
itaque nisi ea admittatur, id nostro vitio fieri: quemuis posse  
eam adipisci, si velit. Sed isti videntur fingere sibi gratiam,  
tanquam vestem aliquam, quæ pendeat in aère, quam sibi  
quiuis induere possit, qui vellet. Verùm ista sunt inuenta  
humane prudentia: sacre scripturæ aliter loquuntur. Hinc  
Aduersarij iocularem illam cauillationem hauserunt,  
quâ perpetuò nos obtundunt. Et ibidem Titulo de iu-  
stificatione num. 24. Cùm gratiam faciunt omnibus com-  
munem, eam vertunt in naturam, eâque dicunt alios vti velle,  
alios nolle, &c.*

Hos Caluinianæ gentis Proceres, Hæreticorum  
vulgus sequitur. Paulus Ferrius Minister Metensis in  
Orthodoxo cap. 13. NULLA EST GRATIA VERE  
SUFFICIENS, QUÆ NON SIT EFFICAX ET EFFICIENS.  
Chamierus tomo 3. lib. 3. cap. 5. num. 13. Bellarminum  
increpat, quòd dixisset nemini deesse gratiam illam, quæ  
necessaria est ad faciendum, quòd Deus precipit: docetque  
omnem gratiam, quæ iam datur, efficacem esse. At effi-  
cacem, inquit, gratiam omnibus adesse, quis vnquam dixit?  
Guillelmus Amesius in disputation. contra Bell. tom.  
4. Editionis Amstelodamensis pag. 65. hanc Catho-  
licorum propositionem recitat: *Auxilium sufficiens ad  
salutem pro loco & tempore mediata vel immediata omnibus  
datur.* Tum ita illam notat: HÆC PROPOSITIO NON  
DISTINGVIT PONTIFICIOS A PELAGIANIS.  
David Pareus l. 5. de gratia & libero arbitrio cap. 28.  
pag.



pag. 900. *Fingit iste cum Pelagio, Calestio, Cassiano, Fausto gratiam esse hospitem extus venientem ad fores nostras, quam presentem iam penes nos sit intrò mittere, vel excludere, ut sic non solum præceptorum observantia, sed ipsa etiam gratia nostra subiecta sit potestati.*

Hæreamus hîc tantisper & paucis excutiamus quàm vera sint, quæ nouæ opinionis fautores scribunt, ut Doctori suo de profligata gratia sufficienti gratulentur. Aiunt illi Præsulem quemdam ante annos 25. ex Cardinali Perronio quæsiisse, quid de gratia sufficienti sentiret, eumque in hæc verba respondisse: *Verè quidem nondum hæc questionem satis explicatam fuisse, sibi que esse in animo huic incumbere labori, cum primum maioris Britanniæ Regi respondisset.* Quibus verbis hanc annotationem subtexunt: *Verum ut Deus, qui Davidem ad debellandos populi sui hostes delegerat, templi fabricam illi non permisit, eiusque filio Salomoni tanti operis executionem reservauit, quod magnus ille Princeps inclinata iam ætate designarat. Sic affirmare possumus Deum, cum præstantem hunc virum excitasset, ut sanctum aduersus Ecclesiæ hostes bellum pugnaret, Domino Yprensi Episcopo controversiæ illius de gratia, quæ Christus in credentium pectoribus, sic tanquam in templo regnat, explicationem reservasse, eiusque laboribus destinasse absolutionem immensi illius operis, quod plurium annorum continentes reposceret vigilias, quàm doctissimi Cardinalis vita superesset.* Quæ sit huic narrationi fides adhibenda modo non quæro. Neque etiam exagito comparationem illam cum Salomone in pluribus certè claudicantem. Duo tantum adnoto, quæ mihi videntur animadversione dignissima.

Primò, quod eruditus Cardinalis dixerat, sibi esse in

*Qu'il estoit vray qu'on n'auoit point encore assez esclaircy cette matiere, & qu'aussi tost qu'il auoit acheué sa responso au Roy de la grande Bretagne, il estoit resolu d'y travailler. Mais comme Dieu ayant choisy David pour combattre les ennemis de son peuple, ne luy permit pas de bastir le Temple, & reserua à Salomon son fils l'execution de cette entreprisa que ce grand*

*Prince auoit proiétée vers le declin de ses iours: Aussi nous pouuons dire que Dieu ayant choisy cet excellent homme pour faire vne guerre sainte aux ennemis de son Eglise, il auoit reserué à Monsieur l'Euesque d'Ypre l'esclaircissement de toute ceste matiere de la grace, par laquelle Iesou-Christ regne dans le cœur des fideles comme dans son Temple, & auoit destiné à ses longs travaux l'accomplissement de ce long ouvrage, qui demandoit vn travail de plus d'années, qu'il n'en restoit à la vie de ce sçauant Cardinal.* Apologie premiere pag. 91.

animo de gratia sufficienti scribere, perinde esse putant, quasi dixisset, velle se gratiam sufficientem euertere. Quod tamen contrariam in partem interpretandum est. Nam cum Deus illum destinasset, ut ipsi aiunt, ad Calvinistas debellandos, non aliud certe eius consilium fuit, quam Caluini, Bezae, Molinaei, Chamierii, Petri Martyris, Grinzei, Kimedoncij, Amesij, Parei, Ferrij, atque adeo ipsius Synodi Dordrechtanae de gratia sufficienti errorem refellere, seque nobilibus illis Ecclesiae Romanae Athletis adiungere Stapletono, Maldero, Bellarmino, Pennotto, Camerario, Alberto Pighio, Paulo de Windeck, Francisco Horantio, aliisque compluribus: qui omnes, & errasse Calvinum aiunt, quod nullam in statu naturae lapsae gratiam sufficientem admitteret, quae simul efficax non sit: & hunc eius errorem acerrime confutant. Accedit quod cum doctissimus Cardinalis Senonensium Archiepiscopus esset, ad se pertinere arbitratus est, ut illud Concilij Senonensis decretum defenderet, quo aduersus Lutheri, Calvinique opiniones gratia sufficiens stabilitur, quodque Haeretici impune vellicabant. Sic habet: *Neque tamen tanta gratiae necessitas libero praedicit arbitrio, cum illa semper sit in promptu, nec momentum quidem praeferat, in quo Deus non stet ad ostium, & pulset: Cui si quis aperuerit ianuam, intrabit ad illum, & carabit cum illo. Nec denique tale sit trahentis Dei auxilium, cui resisti non possit, &c.* Huic veritati aduersus Calvinum defendendae extremos vitae annos doctissimus Cardinalis destinabat.

Alterum, quod in superioribus Aduersariorum verbis non probo, istud est: quod longis Doctoris sui laboribus tribuant, quae Caluino aliisque sectariis in solidum sunt adscribenda. Quod etsi abunde haecenus ostenderim: placet hic tamen indicare paucis, unde petita sint argumenta omnia, quae toto l. 2. & 3. de gratia Christi congerit, ut gratiam sufficientem explodat, quaeque capite 1. libri tertij summatim perstringit.



Primum est: *Tale adiutorium*, inquit, *non est aliud quàm adiutorium sine quo non fit opus, nequaquam verò adiutorium quo: ac proinde est adiutorium sine voluntatis seu primi hominis, non agere.* Sumptum est ex Caluino, qui in Antidoto Concilij Tridentini pag. 278. eadem ratione pugnat, Tridentinos Patres S. Augustino aduersari, cum statuunt hominem præuenienti gratiæ dissentiri posse, si velit. IN EO FALLUNTUR, inquit, QVOD NVLLVM OBSERVANT INTER REGENERATIONIS GRATIAM, QVÆ NVNC MISERIÆ NOSTRÆ SVBVENIT, ET PRIMAM, QVÆ ADÆ DATA FVERAT, DISCRIMEN. Quod diligenter Augustinus exponit, &c. Quod argumentum acrius vrget aduersus Sorbonicos l. 2. Instit. cap. 3. num. 10. & l. 5. aduersus Pighium pag. 203. & 204. Sequitur, inquit, uno contextu apud Augustinum altera distinctio, quæ prorsus ad eandem rem explicandam facit: Aliud est, inquit, adiutorium sine quo aliquid non fit, & aliud est adiutorium, quo aliquid fit, &c.

Secundum argumentum ita contrahit: *Tale adiutorium est tantum adiutorium possibilitatis, non voluntatis & actionis.* Dat enim homini posse, si velit; non velle, quod possit: ac proinde est Pelagianicum adiutorium, non Christi saluatoris. Haustum est ex iisdem Caluini locis, in quibus illud importunè inculcat, quod habet l. 5. in Pighium pag. 204. Si quis oblatam gratiam respuit, ubi illa, sicuti vocat Augustinus, indeclinabilis, & inseparabilis gratiæ actio? quæ non hominibus relinquit suam voluntatem, ut maneant in gratia, si velint, sed etiam operatur ut velint? Haustum quoque est ex Roberto Sarisburiensi, qui in libro de veritate gratiæ Christi pag. 81. pugnat, ILLVD GRATIÆ ADIVTORIVM ESSE PELAGIANVM, QVOD NON DAT IPSVM CONVERTI, CREDERE, AMARE; SED POSSE, SI VELIS. Haustum denique est ex Dauide Parco, libro primo de gratia & libero arbitrio cap. 2. pag. 45. Theodoro Beza, libro aduersus Castellionem pag. 457.

76 DISPUT. DE LIBERO ARBITRIO  
vbi vel ipsum POTESTATIS nomen, cum de gratia  
agitur, PELAGIANISMI insinuat: & Synodo Dor-  
drechtana pag. 745.

Tertium argumentum sic colligit: *Quia est adiuto-  
rium, quod Massilienses ad credendum necessarium esse, atque  
ita sufficere statuebant, ut cum eo credere posset homo, si vel-  
let: qui tamen tanquam Hæretici proscripti sunt. Arreptum  
est ex Caluino l. 3. in Pighium pag. 172. & Dauide Pa-  
reo, qui lib. 1. de gratia & libero arbitrio cap. 2. ita lo-  
quitur: Quod Pelagiani (de Massiliensibus loquitur)  
vocabant possibilitatem credendi, gratiâ Creatoris omnibus  
hominibus datam secundum vnus cuiusque arbitrium, id So-  
phista (ita appellat Scholasticos Theologos) vocant  
auxilium sufficiens omnibus hominibus datum ad hoc, ut pos-  
sent credere, si velint.*

Quartum: *Quia si cum tali sufficienti adiutorio homo  
posset operari, consequenter homo post lapsum posset se ipsum  
ab aliis sue voluntatis libertate discernere, atque ita contra  
Apostolum gloriari dicentem, quis enim te discernit? Emen-  
dicatum est ex Petro Martyre in locis Communibus  
titulo de prædest. num. 38. & ex actis Synodi Dor-  
drechtanæ pag. 315. vbi ita loquitur David Pareus ma-  
gni inter Calvinistas nominis: Possit resistibilitate gra-  
tiae, ratio cur ex duobus vnus credat, alter non credat, ex homi-  
ne esset: quod vnus gratia resistere, alter non resistere voluit,  
contra illud; quis enim te discernit? quid habes, quod non  
accepisti?*

Quintum: *Quia tale adiutorium repugnat precibus Eccle-  
sia: idque duplici ex capite. Nam primò in vniuersis eius pre-  
cibus non reperitur vlla oratio, qua filiis suis, vel in filiis suis,  
petat posse; si velint, sed semper ipsum velle. Pars hæc prior  
accescita est ex Calu. li. 2. Inst. c. 3. num. 9. vbi ex oratio-  
nibus Sanctorum probat, omnem Christi gratiam dare  
ipsum velle. Prosequitur nouus Doctor: Secundò tale  
adiutorium Ecclesia precibus repugnat, quia tollit funditus  
fidelium orationes. Docent enim iidem recentiores huiusmodi*



*adiutorium semper esse præsens omnibus, &c. Quod si verum est, quis non videt pro illis, quibus sufficiens adiutorium præstò est, inaniter preces fundi? Quod ex Dauide Pareope- titum est libro 2. de libero arbitrio cap. 2. pag. 291. Si omnibus, inquit, semper adesses sufficiens auxilium vitandi infidelitatem & peccata, frustra orares Ecclesia. Quia sufficiens auxilium, cum fingatur vniuersale esse, non est ex eorum beneficiorum genere, quæ precibus & supplicationibus sunt impetranda.*

Hæc sunt præcipua Aduersarij argumenta, quæ ipse summam complexus est primo illo capite libri tertij de gratia Christi. Quibus & alia inter disputandum admiscet ex iisdem fontibus deriuata. Cuiusmodi illud, quod iterat tam sæpe: *Si daretur gratia sufficiens, gratia esset communis omnibus, contra illud Augustini: communis est omnibus natura, non gratia.* Depromptum est ex Caluino libro 2. Instit. cap. 3. num 10. & ex Petro Martyre titulo de prædest. num. 38. & titulo de iustificatione num. 24. vbi hoc argumentum ita informat: *Cum gratiam faciunt omnibus communem, eam vertunt in naturam.*

Quid est ergo quod sibi in hac materia arrogare merito possit nouæ opinionis instaurator? Nihil certè præter calumnias aliquot & conuicia, quibus communem de gratia sufficienti sententiam fædè proscindit.

## PARAGRAPHVS II.

*Ex iisdem Hæreticis emendicatum est, quod noua opinio statuit, Deum nolle omnes homines saluos fieri.*

SVPERIORI corollario appendicis instar attexendum est atrox illud pronuntiatum, quod noua Theologia in hæc verba concipit: *Deus non vult omnes & singulos homines saluos fieri, sed tantum prædestinatos.* Nam ex antece-

Libro 3. de  
gratia Chri-  
sti, cap. 20.

78 DISPUT. DE LIBERÒ ARBITRIO  
denti ita colligitur: Deus omnibus & singulis hominibus sufficientia ad salutem media non suppeditat; Ergo Deus omnes & singulos homines non vult saluos fieri. Quam sententiam, ne pias aures offendat, Augustini auctoritate munire, & contrariam opinionem ad Pelagij hæresim reuocare conantur.

Caluini sanè exemplo, quem hac etiam in parte fædè expilarunt. Librum eius consule de æterna Dei prædestinat. pag. 706. 707. & plurima occurrent tam pudendi latrocinij vestigia. Pauca tantùm in exemplum decerpo: *Nunc iactet Pighius, Deum omnes velle saluos fieri. Mox: Agitatus olim à Pelagianis fuit locus iste. Quid Augustinus pluribus locis respondeat, dicere in presenti superfedeo. Nec ita post: Caterùm sensus Pauli cuius non contentioso satis facilis est, ac dilucidus. Tum recitatis D. Pauli verbis: Quis non videt ordinum hîc geri mentionem potius, quàm singulorum hominum? Nec verò ratione caret trita illa distinctio, non singulos generum, sed genera singulorum notari. Et libro de occulta Dei prouidentia pag. 737. Quod citare soletis ex Paulo, Deum omnes velle saluos fieri, quàm nihil errori vestro suffragetur, alibi planum fuisse mihi videor. Nam certo certius est, Paulum illic non de singulis hominibus agere, sed intelligere ordines, & genera vocationum. Eadem repetit l. 3. Instit. cap. 24. num. 16. & in expositione illius loci Deus vult omnes, &c. vbi ait eos hallucinari pueriliter, qui inde colligunt, Deum velle omnes homines saluos fieri.*

Illud ipsum mordicus tuentur reliqui Caluinianæ nationis Principes. Zanchius in Tractatibus Theol. p. 280. Nullo modo dici potest, Deum simpliciter, & propriè voluisse, aut velle omnes in uniuersum homines saluos fieri. Rainoldus in Apolog. Thes. pag. 247. Restat Deum velle saluari non singulos, sed electos è cunctis hominum generibus, non simpliciter omnes, sed omnes datos Christo, omnes prædestinatos. Piscator in Thesib. pag. 313. Impia est eorum sententia, qui affirmant Deum omnes & singulos homines, nemi-



*ne prorsus excepto, saluos fieri velle. Eadem tradunt Chamierus tom. 3. l. 7. cap. 3. Robertus Sarisburiensis Oratione 2. de veritate gratiæ Christi, Amesius in Antisynodalibus de prædest. c. 13. & Synodus Dordrechtana toto passim articulo 2. Hinc illud Graueri in absurdis Caluini: Hæc opinio Caluinistarum, quod Deus nolit omnes homines saluos fieri, est extremè impia, & blasphemæ.*

Sed vt constet, nihil hîc Aduersarium de suo protulisse: age, quæ in eam rem scribit libro 3. de gratia Christi capite 20. cum iis Conferamus, quæ à Caluino libro de æterna Dei prædestinatione, Theodoro Beza in Apologia ad acta Colloquij Monpelgartensis, & Iacobo Kimedoncio in Synopsi de redemptione, vberriemè disputantur.

Primò, Aduersarius hunc D. Pauli locum, *Deus vult omnes homines saluos fieri*, quasi disputationis campum eligit, pugnatque pluribus, nihil inde exculpi posse, quod prober Deum singulis hominibus salutem velle. Idem est Caluini, Kimedoncij, & Bezæ consilium. Vnde illud Pauli de Windeck libro de efficacia mortis Christi contra Caluinistas pag. 169. *Vt robustum hoc tulum*, loquitur de illo Apostoli loco, *nobis de manu excutiat Beza, multas loquentiæ suæ vires perdit. Mirum enim in quos anfractus sese verset, & torqueat hic coluber, ne veritatis laqueo constringatur: vt mihi ex eodem numero esse videatur, de quibus scribit Seneca, qui Deum corrigi potius volunt, quàm se. An istud quoque in nouum Doctorem conueniat, lectori statuendum relinquo.*

Secundò, aduersus peruagatam, & obuiam huius loci interpretationem ita opponit: *Sic explicuerunt eum hostes gratiæ Pelagiani, & Semi-Pelagiani. Ita Caluinus libro de æterna Dei prædest. pag. 706. Agitatus, inquit, olim à Pelagianis fuit locus iste, &c. Et Beza libro item de æterna Dei prædest. pag. 419. Primum affers eum Pauli locum, in quo dicitur Deus velle vt omnes salui fiant. Verùm hæc fuit Pelagianorum obiectio, ne tibi primò in mentem venisse putes, &c.*

Tertiò, eandem expositionem repudiat, *Quòd*, inquit, omnes antiqui & genuini defensores gratia, illam tanquam dissonantem à veritate reprobant. Inter quos primus est S. Augustinus, &c. qui illam impugnat in libro 4. contra Iulianum, & in Enchiridio ad Laurentium. Illud ipsum est quod clamosa voce Calvinus intonat loco proximè citato, & Beza in Apologia Colloq. Monpelg. Audi Paulum de Windeck pag. 169. Beza contendit Paulum loqui non de singulis, quod probat primò auctoritate D. Augustini, cuius verba, trita sanè & peruiulgata, ad longum refert ex Enchiridio ad Laurentium. Addo in gratiam Calvinistarum alia eius testimonia l. 4. contra Iulianum cap. 8. lib. de corr. & gratia cap. 14. lib. de predestinat. Sanct. cap. 8. ubi tradit hoc sensu dictum Apostoli accipiendum esse; ut Deus omnium eorum salutem velit, qui eam consequuntur. Verùm in iis loqui Augustinum de voluntate consequente, non antecedente, demonstrat. Tum eodem modo Fulgentium exponit, quem etiam Beza, & nouus Doctor pro sua opinione producant.

Quartò, *Ista expositio*, inquit Aduersarius, refellitur ex causa paruulorum, qui sine baptismo, & consequenter sine salute, & veritatis agnitione moriuntur. Eandem rationem urget Beza fol. 316. Eàmque dissoluit Paulus de Windeck pag. 167. Tertiò, inquit, obicit Beza exempla paruulorum, qui lumine Euangelij nequaquam collustrati, extra statum gratia decedunt. Quorum conuersionem Deum voluisse, absurdum censet Beza dicere, &c.

Quintò, *Quod pro ista*, inquit, recentiorum interpretatione multi veteres proferuntur, non multum ei conciliat auctoritatis. Quid enim iuuat, quod istum sensum Chrysostomus, Oecumenius, Theophylactus, aliique Græci secuti esse dicantur, cum Chrysostomus, quem sequi solent, anse subortas de diuina gratia difficultates, commentarios suos exaraueris, nec ulli imperfectius de gratia, quàm Græci locuti sint. Quid porro velit, cum Græcos ait de gratia imperfectius locutos fuisse, clariùs exponit tom. 1. capite 17. ubi  
disertè



disertè profitetur, *Scriptores inter Origenis & Augustini  
atatem interiectos, in eundem scopulum; id est in Semi-Pe-  
lagianam hæresim, impegisse; ac præcipuè, Græcos qui  
Origenem plerique in scripturarum explicatione sectati sunt.  
Quæ omnia ex Caluino, aliisque sectariis descripta  
sunt. Caluinus quidem l. 2. Instit. cap. 2. num. 4. Græci*  
inquit, *præ aliis, atque inter eos singulariter Chrysostomus,  
in extollenda humana voluntatis facultate modum excessere-  
runt. Veteres autem omnes, excepto Augustino, sic hac in re, aut  
variant, aut vacillant, aut perplexè loquuntur, ut certi ferè  
nihil ex eorum scriptis referre liceat. Magdeburgenses  
verò Cent. 5. cap. 5. de Chrysost. ita scribunt: Chrysosto-  
mus bonorum operum est Encomiastes, qui & Synergiam vo-  
luntatis passim defendit, & liberi arbitrii patronum agit. Do  
aliis verò Græcis Patribus eadem passim docent, Mag-  
deburgenses iidem, Centuria 2. 3. 4. & Scultellus l. 2. 3.  
& 4. ubi sæpe inculcat eos ita scribere, ut Pelagius ipse vix  
ausus fuisset pari libertate pronuntiare.*

Sextò, opinionem suam D. Thomæ auctoritate fir-  
mare nititur. *Hæc doctrina, inquit, recta & sana est, quam  
& S. Thomas probat, & sequitur, &c. Eundem opinionis  
sux patronum quæsiuit Beza, ut testatur Paulus de  
Windeck pag. 170. Ita etiam, inquit, cum Augustino  
accipiendus est D. Thomas, quem nobis, ô vesanam impuden-  
tiam! obicit Beza, quia de hac controuersia iudicium D. Thomæ  
gratum sibi, & honorificum ducit, &c.*

Septimò, ait difficultate carere quod ex D. Petro  
obiicitur: *Nolens aliquos perire, sed omnes ad pœnitentiam  
reuerſi. Quia præcessit, patienter agit propter vos; Hoc  
est, inquit, propter electos. Beza in Apologia toties cita-  
ta pag. 515. eodem modo se ex illo D. Petri loco ex-  
tricat, De solis, inquit, electis intelligi debet, quia dicit  
patienter agit propter vos: fideles autem alloquitur.*

Qui hæc legerit, mihi certè non irascetur, si Aduer-  
sario sua hæc verba refundam: *Mirum est illum tanto stu-  
dio trisa Hæreticorum arma colligere, & obsoleta recudere.*

## PARAGRAPHVS III.

*Ex iisdem Hæreticis descriptum est, quod noua opinio  
decernit, Christum pro omnibus hominibus  
non esse mortuum.*

Libro 3. de  
gratia Christi,  
cap. 21.

PARVM fuit nouæ opinioni Dei bonitatem tam angustis limitibus coercere, Christum quoque reprobis omnibus mediatorem inuider, eumque pro solis prædestinatis mortem obiisse decernit. Scire appetis vnde postremis hisce temporibus nata sit hæc opinio? Consule Paulum de Windeck acerrimum Catholicæ fidei aduersus Lutheranos & Calvinistas defensores. Librum super ea re integrum scripsit, cui titulus est: *Controuersia de mortis Christi efficacia, inter Catholicos & Calvinistas hoc tempore disputata. In quibus Calvinistarum errore destructo, confirmatur veritas Catholica, contra quam, CHRISTVM NON PRO OMNIUM HOMINVM SALVTE MORTVVM ESSE, HORRIBILITER BLASPHEMANT PROFESSORES CALVINISMI GENEVENSES, BASILEENSES, HEIDELBERGENSES, TIGVRINI, BERNENSES, &c. Et capite 12. præmij editionis Colonienfis anni 1603. pag. 34. quaerit: QVINAM NOSTRO SECVLO ASSERTORES FVERINT STVPENDÆ HVIVS BLASPHEMIÆ, CHRISTVM NON PRO OMNIUM SALVTE MORTVVM ESSE. Responder: HVIVS NOVI ET BLASPHEMI DOGMATIS SEMINA IECERVNT LVTHERVS ET MELANCHTON. Hos impietatis Magistros secutus Bucerus asserit in commentariis super Ioan. pag. 34. Christum tantum electorum peccata morte sua expiasse. Hanc doctrinam præmonstratore Bucero auidè Calvinus arripuit, qui in caput 17. Ioan. scribens ait: Christum proprii gregis solummodo fuisse sollicitum: quodque pro electis suis duntaxat orauit. Et libro contra Heshasium affirmat carnem Christi pro impiis non esse crucifixam, nec*



*sanguinem eius pro eorum peccatis expiandis effusum esse.*

Alij quoque Doctores Catholici eandem opinionem Calvinistarum propriam esse testantur. Quos inter Malderus Episcopus Antuerpiensis l. 2. quæst. 3. dub. 5. membro 1. ita loquitur: OPINIO ILLA CALVINISTARVM, QUÆ NEGAT PRO OMNIBVS ET SINGVLIS HOMINIBVS CHRISTVM MORTVVM ESSE, TOLERANDA NON EST. Et in Antisynodicis capite 7. num. 3. Beza eandem blasphemiam cum suis defendit: nempe, *Christum pro solis electis mortuum.* VERENDVM, NE TÂNDEN CVM TVRCIS HOMINES ISTI DICANT, PRO NEMINE CHRISTVM ESSE MORTVVM. Ibidem vocat hanc Calvinistarum opinionem ABOMINANDVM DOGMA, atque errorem verè grauem, & ANTICHRISTIANVM. Franciscus Feu-ardentius Theomachix Calvinisticæ l. 5. cap. 15. cui titulum fecit: *Quod Christus pro cunctis in vniuersum hominibus passus & mortuus sit, aduersus vigesimum quartum ERROREM.* Multa differit quibus illam opinionem erroris insinuat. Nam primò sic auspicatur: *Hoc etiam inter vestrorum errores numero, quod in fidei Genenane Clypeo recensetur, nimirum, Iesum Christum non pro omnibus hominibus mortuum esse.* Deinde: *Meum est igitur euincere HANC SENTENTIAM PLANE ERRONEAM, AC DIVINIS LITTERIS ADVERSAM ESSE.* Quod vbi ex scripturis euicit, ita concludit: *Vester igitur potius ex feno, quàm ferro compactus, ut pestifer ac funestus, Clypeus procul amandandus est: & HÆRESIARCHÆ VESTRI ALTERA SENTENTIA IMPIETATIS DAMNANDA, QVA SOLOS ELECTOS CHRISTO CVRÆ FVISSE IVDICAVIT.* Eadem scribit Guillelmus Reginaldus libro 3. Caluino-Turcismi c. 22. Nam & in argumento capitis ita loquitur: *Christus Caluino & Calvinistis non est vniuersalis omnium redemptor, sed tantummodo paucorum eorum, qui sunt electi.* Et initio capitis, vbi dixit, *Geneuenses negare Christum fuisse mortuum pro peccatis omnium hominum, sub-*

dit: *Hæc propositio tam est frequens in omnibus Calvinistarum libris, ut nihil magis. Quam opinionem ait vergero ad Mahumetismum, Atheismum, Antichristianismum, & Satanismum.* Claudius verò de Sainctes Episcopus Ebroicensis in Atheismis Caluini pag. 321. *Mira est, inquit, Bezae fecunditas in blasphemis euomendis, ut iam recitavi, &c.* Hic addit Christum non obtulisse redemptionem pro uno quoque, nec mortuum esse pro omnibus, sed pro solis Electis, ac Prædestinatis ad vitam æternam. Denique Franciscus Veron qui in vestigandis, confutandisque Calvinistarum blasphemis tot annos summa cum laude fructuque versatur, hanc esse Calvinistarum opinionem testatur Controuers. pag. 637. & 638. quam ibi **BLASPHEMAM** vocat, & pag. 776. **IMPIAM**. Illud ipsum testantur Iodocus Coccius lib. 2. Thesauri art. 7. Dominicus Graulina in Præscriptionibus aduersus Hæreticos p. 671. Richardus Smitheus in collatione doctrinæ Catholicorum cum doctrina Protestantium c. 2. art. 19. & Benedictus à Benedictis in iaculis Ecclesiæ, p. 40.

Certauit pro hac opinione quasi pro Calvinisticæ factionis arce Theodorus Beza in Colloquio Mompelgattensi, ut constat ex eiusdem Colloquii actis pag. 546. 547. 548. ubi sæpiùs inculcat: *Christum pro impiis non effudisse sanguinem.* Et in secunda responsione ad illud Colloquium pag. 216. *Impium est, inquit, & blasphemum affirmare, damnari posse quemquam, pro quo Christus satisfecerit.* Pagina verò 221. ait, *Falsum, blasphemum, impium esse dicere Christum, siue quoad consilium Dei attinet, siue quoad effectum, pro reprobis crucifixum & mortuum esse.* Consentit Zanchius in summa prælectionum tomo 7. col. 272. *Christus, inquit, secundum propositum patris pro ipsis tantum electis natus, precatus, mortuus, passus est.* Et Perkinsius de prædestinatione tomo 1. col. 1023. *Christus electorum solummodo, & nullorum præterea redemptor existit.* Ibidem col. 144. *Christum omnes & singulos ex parte sua redemisse & reconciliasse Deo, ex his tamen plurimos*



*quoad euentum damnari, mirè absurdum est. Piscator quoque in Thesibus l. 2. pag. 371. Non pro omnibus in vniuersum hominibus, sed pro solis electis mortuus est Christus. Quibus addi possunt Riuetus in Controu. Tract. 3. sect. 35. Benedictus Aretius par. 2. prob. fol. 868. Sadeel ad art. abiurat. 7. pag. 425. Chamierus tomo. 3. l. 9. cap. 13. Simon Simonius contra Schegkium l. 2. fol. 24. Geselius in Specimine, capite 9. Triglantius in declaratione sua. Iacobus Grynæus in Theoremate ann. 1589. disputato. Item, in volumine 4. problem. disputatione habita 4. Iun. anni 1590. & in Thesauro veræ fidei, Classe 1. loco 7. Thesi 13. Bucerus apud Hospin. part. 2. Histor. fol. 109. David Pareus in Apologia Bibliorum Neostadij excusorum fol. 97. & 45. 46. Addi quoque possunt iurata Caluini mancipia Gualterus, Bullingerus, Pezelius, Crucigerus, Boguinus, Pincerius, Clebitius, Si-brandus, Lubbertus, qui illud passim acriter propugnant: & Abrahamus Musculus, Daniel Tossanus, Iacobus Kimedoncius, ac Ministri Palatinatus, qui de hac Caluini opinione libros integros, tractatúsque amplissimos ediderunt.*

Transcripta est in Caluinianæ fidei articulos eadem sententia, ex quo illam Dordrechtana Synodus sua auctoritate sanciuit. cap. 2. art. 6. sic habet: *Reiicit Synodus errorem eorum, qui impetrationis, & applicationis distinctionem usurpant, ut incantis & imperitis hanc opinionem instillent: Deum, quantum ad se attinet, omnibus hominibus ea beneficia voluisse conferre, quæ per mortem Christi acquiruntur. Mox: Nam isti, dum simulant se distinctionem hanc sano sensu proponere, populo perniciosum Pelagianismi venenum coquantur propinare. Illud ipsum repetunt acta eiusdem Synodi in examine articuli 2. Editionis Hanno-uienensis anni 1610 pag. 300 Conspirant in eandem opinionem exterarum gentium Calvinistæ, quorum iudicia in eiusdem Conuenticuli acta relata sunt. Pagina 601. suam hanc esse sententiam profitentur Calvinistæ*

Angli: pag. 609. Palatini: pag. 617. Hassiaci: pag. 625. Heluetij: pag. 628. Nassouio-Weteranici: pagina 635. Geneuenses: pagina 656. Bremenses: pagina 658. Embdenses. Iurant in eandem opinionem, & contrariam Pelagianismi arguunt Ministri Belgæ, quorum iudicia separato in volumine edita, cum iisdem Dordrechtanæ Synodi actis compingi solent. Accedunt Galli Calvinistæ, qui in nationali Synodo Alesina, anno 1620. hanc sententiam ad Calvinisticæ opinionis fidem pertinere decreuerunt, & contrariam vt Pelagianam, & Papisticam reiecerunt. Quod & vberius præstiterunt in altera Synodo nationali Carentonij habita anno 1623. Possem hic appellare ex eadem Caluini Scholâ Robertum Sarisburiensem, Amesium, Molinæum, Perkinfiū, Drelincourt, aliōsque complures: Qui postremi pluribus probare conati sunt, *Sine Pelagiano errore affirmari non posse, Christum pro omnibus hominibus mortuum esse: Quique hoc nomine Pelagianismi insimulant illud Concilij Tridentini Sess. 6. cap. 3. Et si ille (Christus) pro omnibus mortuus est, non omnes tamen mortis eius beneficiū recipiunt; sed ij duntaxat, quibus meritum passionis eius communicatur.* Verū ne longior sim, hæc omnia prætermitto. Vnum id moneo, rectè à Guillelmo Reginaldo obseruatum fuisse libro 3. Caluino-Turcismi capite 22. Calvinistas pro hac opinione sua defendenda singulis fere annis nouum librum edere. Quamobrem Ioannes Malderus cū de hac Calvinistarum opinione ageret in Anti-Synodicis pag. 121. vbi pauca Theodori Bezzæ aliorūque testimonia protulit, quibus eos ita sentire conuinceret, subdit: *Pluribus opus non est: adeo sollemnis hæc fuit, & est doctrina Calvinistarum.*

Porro quantum horrore hæc doctrina ipsis quoque sectariis incusserit, ex scriptoribus Catholicis Francisco Feu-ardentio & Paulo de Windek paucis docebo. Hic libro de efficacia mortis Christi pag. 268. ita scribit: *Refert Samuel Huberus in historia colloquij Bernensis pag. 162.*



quendam ex Calvinianis praconibus Berna, cum die Palmarum pro concione hanc in auditu Christianorum horrendam doctrinam, Christum non pro omnibus hominibus mortuum esse, docuisset, multos noni Evangelij alumnos in dubitationem de gratia & propitiatione Christi desperationi proximam coniecisse; adeo ut festo Paschatis multi ad Carnam Zuinglianam accedere detrectarint, ne se hoc mysterio polluerent, cuius sumptione incerti essent, an pro ipsorum peccatis Christus redemptionis suae pretium exoluisset. Simile est quod narrat Feuerdentius l. 5. Theomachiae Calvinisticae cap. 15. Beza coram Principe Friderico uniuersoque Germanorum & Gallorum caetu concionante, &c. Cum tam absurda, horrenda & manifestè impia diceret de morte Christi, quod uidelicet non pro omnibus peccatis, & peccatoribus sit mortuus: Illustrissimus Princeps Comes Fridericus Dominum Iacobum monuit, ut finem Colloquio imponeret. Pertusa enim erat Celsitudo eius talia amplius audire, &c. Tum subnectit: Ex quibus Calviniani animaduertere possunt, se ob istas admissas in Christum frequentes, & graues BLASPHEMIAS, meritis odiosos factos esse Deo, & Angelis, & hominibus. Inde factum est ut Lutherani complures ab hac Calvinistarum sententia defecerint. Labechius in disp. 6. pag. 127. Calviniani, inquit, affirmant Christum pro solis electis, & non pro omnibus hominibus mortuum esse, quā blasphemiam non solum Christum honoris, & Ecclesiam consolationis maxima parte spoliant, verum etiam Spiritui sancto in os contradicunt. Et Iacobus Andreas apud Bezam in responsione ad acta Colloquij Montisperg. pag. 212. Horrenda, inquit, doctrina Bezae, Christum non esse pro totius mundi peccatis mortuum. Eadem scribunt Adamus Francisci loco 17. Guerlachius tomo 2. disput. 16. & Grauerus in absurdis Caluini cap. 5. §. 58.

Neque hinc omittendum est, veritatem habere quod tradit Ioannes Malderus Episcopus Antuerpiensis, loco superius citato ex Anti-Synodicis cap. 7. num. 3. Nimirum, timendum esse, ne qui hanc opinionem acrius

defendunt, in Turcarum impietatem delabantur. Malderi verba sunt: *Beza eandem blasphemiam cum suis defendis: nempe, Christum pro solis electis mortuum esse, &c.* VERENDUM, NE TANDEM CVM TURCIS HOMINES ISTI DICANT, PRO NEMINE CHRISTVM ESSE MORTVVM. Quàm id sapienter, & verè doctissimus Episcopus affirmârit, constat ex Paulo de W indek, qui libro citato pag. 269. testatur Calvinistas plurimos ex hac opinione venisse in dubitationē de gratia & propitiatione Christi desperationi proximam, ac tandem eiuratis Christianorum sacris ad Arianismum, aut Mahumetismum defecisse. Quos inter numerat Adamum Nuserum, olim Heidelbergensium Pastorem primum, postea verò Turcismi professorem Constantino- poli; Stancarum, Georgium Blantratam, Paulum Alciatum, Valentinum Gentilem, Franciscum Danidem, Lælium Zozinum, Erasmus Ioannis, Franciscum Nigrum, Mathæum Gribaldum, Petrum Statorium, Ioannem Syluanum; Bernardum Ochinum, Lysmanium, Franconem, & Sternbergerum. Reginaldus multò expressiùs pro Maldero facit lib. 3. c. 22. pag. 669. *Notari, inquit, velim ordinem & progressionem huius Evangelij Calviniani, vergentis fortasse non semper ad MAHVME- TISMVM, sed planè ad ATHEISMVM, vel Anti-christianismum, & Satanismum. Primum vocans in questionem, an Christus sit uniuersalis redemptor omnium, est paucorum tantum: & concludunt, librisque in dies multiplicatis defendunt: paucorum, &c.* Hæc est illa ianua quam ad Mahumetismum Calvinistæ aperiunt, de qua Conradus Schulffelburg. libro 1. Theolog. Calvinisticæ art. 2. fol. 10. sic loquitur: *Calvinista hominibus ad Arianismum & Mahumetismum fenestram & ianuam aperiunt.* Et fol. 9. *Calvinista alunt in pectore impietatem Arianam & Turcicam, quæ non rarò suo tempore palàm se prodit.* Quia nimirum Christi redemptionem ita paulatim extenuant, ut tandem nullam faciant. Qua de causa Ioan-



nes Schutz non ignobilis Germanicæ Theologiæ Doctor in libro quinquaginta causarum causâ 48. ait, *Mahumetismus, Arrianismus, & Calvinismus esse tres fratres, & sorores, tres caligas eiusdem panni.* Facit etiam ad Malderi opinionem confirmandam, quod habet idem Reginaldus libro 3. Caluino-Turcismi cap. 22. Nam cum in titulo dixisset, *Christum Caluino, & Calvinistis non esse uniuersalem omnium redemptorem, sed tantummodo paucorum, eorum qui sunt electi:* statim in ingressu capitis ait, existimare se Caluinum ob hanc maximè blasphemiam tam funesta morte perculsum fuisse, *Ut desperata salute, demonibus innocatis, iurans, execrans, & blasphemans miserrimè animam malignam exhalarit.*

Id ego strictim obseruatum volui, ut constaret eruditum Præsulem multò timere prudentiùs, cum ait: *Verendum, ne tandem cum Turcis homines isti dicant, pro nemine Christum esse mortuum; quàm Aduersarij, qui timere se profitentur, ne quis ex nobis asserat, Christum pro brutis animantibus esse crucifixum.* Nam in Apologia prima, ubi hunc D. Pauli locum: *Qui est redemptor omnium hominum, maximè fidelium,* nobis conati sunt extorquere, ita concludunt: *Et verò timendum est, ne inueniantur, qui ex hoc loco probare contendunt, Christum non hominum modo, sed etiam bestiarum esse redemptorem.* Quod dictorium mutuati sunt ex Calvinistis Palatinatus in refutatione Scalæ aureæ. Sed nescio quo casu in eo describendo, aut Gallicè vertendo turpiter errauerunt. Nam quod Calvinistæ de hoc loco, *Homines & iumenta saluabis Domine,* ineptè quidem, at cum aliquo probabilitatis colore dixerant: timendum esse, ne quis inde colligeret, Christum esse iumentorum saluatorem: hoc Aduersarij ad hæc D. Pauli verba, *Qui est saluator omnium hominum,* in quæ nullo prorsus modo conuenit, aecommodant. Verùm istud non vrgeo, cum Traductoris error fuerit.

Et certes il est à craindre, qu'il ne se trouue des personnes, qui entreprennent de prouuer par ce passage, que Iesue-Christ est le Redempteur, non seulement des hommes, mais aussi des bestes. Apologie premiere pag. 225.

At ne quis in posterum eiusmodi timor Aduersariis

88 DISPUT. DE LIBERO ARBITRIO  
defendunt, in Turcarum impietatem delabantur. Mal-  
deri verba sunt: *Beza eandem blasphemiam cum suis de-  
fendis: nempe, Christum pro solis electis mortuum esse, &c.*  
VERENDVM, NE TANDEM CVM TURCIS HOMINES  
ISTI DICANT, PRO NEMINE CHRISTVM ESSE  
MORTVVM. Quàm id sapienter, & verè doctissimus  
Episcopus affirmârit, constat ex Paulo de Windex, qui  
libro citato pag. 269. testatur Calvinistas plurimos ex  
hac opinione venisse in dubitationē de gratia & propi-  
tiatione Christi desperationi proximam, ac tandem  
eiuratis Christianorum sacris ad Arianismum, aut Ma-  
hometismum defecisse. Quos inter numerat Adamum  
Nuferum, olim Heidelbergensium Pastorem prima-  
rium, postea verò Turcismi professorem Constantino-  
poli; Stancarum, Georgium Blantratam, Paulum Al-  
ciatum, Valentinum Gentilem, Franciscum Davidem,  
Lælium Zozinum, Erasmm Ioannis, Franciscum Ni-  
grum, Mathæum Gribaldum, Petrum Statorium, Ioan-  
nem Syluanum; Bernardum Ochinum, Lysmanium,  
Franconem, & Sternbergerum. Reginaldus multò ex-  
pressiùs pro Maldero facit lib. 3. c. 22. pag. 669. *Notari,*  
*inquit, velim ordinem & progressionem huius Evangelij*  
*Calviniani, vergentis fortasse non semper ad MAHUME-*  
*TISMVM, sed planè ad ATHEISMVM, vel Anti-*  
*christianismum, & Satanismum. Primum vocans in questio-*  
*nem, an Christus sit uniuersalis redemptor omnium, et pauco-*  
*rum tantum: & concludunt, librisque in dies multiplicatis*  
*defendunt: paucorum, &c.* Hæc est illa ianua quam ad  
Mahometismum Calvinistæ aperiunt, de qua Conra-  
dus Schultselburg. libro 1. Theolog. Calvinisticæ art.  
2. fol. 10. sic loquitur: *Calvinista hominibus ad Arianis-*  
*um & Mahometismum fenestram & ianuam aperiunt. Et*  
*fol. 9. Calvinista alunt in pectore impietatem Arianam &*  
*Turcicam, quæ non rarò suo tempore palàm se prodit. Quia*  
*nimirum Christi redemptionem ita paulatim exte-*  
*nuant, ut tandem nullam faciant. Quæ de causa Ioan-*  
nes



nes. Schütz non ignobilis Germanicæ Theologiæ Doctor in libro quinquaginta causarum causâ 48. ait, *Mahumetismum, Arrianismum, & Calvinismum esse tres fratres, & sorores, tres caligas eiusdem panni.* Facit etiam ad Malderi opinionem confirmandam, quod habet idem Reginaldus libro 3. Caluino-Turcismi cap. 22. Nam cum in titulo dixisset, *Christum Caluino, & Calvinistis non esse uniuersalem omnium redemptorem, sed tantummodo paucorum, eorum qui sunt electi:* statim in ingressu capitis ait, existimare se Caluinum ob hanc maximè blasphemiam tam funesta morte perculsum fuisse, *Ve desperata salute, demonibus inuocatus, iurans, execrans, & blasphemans miserrimè animam malignam exhalauit.*

Id ego strictim obseruatum volui, vt constaret eruditum Præsulem multò timere prudentius, cum ait: *Verendum, ne tandem cum Turcis homines isti dicant, pro nemine Christum esse mortuum; quàm Aduersarij, qui timere se profitentur, ne quis ex nobis asserat, Christum pro brutis animantibus esse crucifixum.* Nam in Apologia prima, vbi hunc D. Pauli locum: *Qui est redemptor omnium hominum, maximè fidelium,* nobis conati sunt extorquere, ita concludunt: *Et verò timendum est, ne inueniantur, qui ex hoc loco probare contendunt, Christum non hominum modo, sed etiam bestiarum esse redemptorem.* Quod diæterium mutuati sunt ex Calvinistis Palatinatus in refutatione Scalæ aureæ. Sed nescio quo casu in eo describendo, aut Gallicè vertendo turpiter errauerunt. Nam quod Calvinistæ de hoc loco, *Homines & iumenta saluabis Domine,* ineptè quidem, at cum aliquo probabilitatis colore dixerant: timendum esse, ne quis inde colligeret, Christum esse iumentorum saluatorem: hoc Aduersarij ad hæc D. Pauli verba, *Qui est saluator omnium hominum,* in quæ nullo prorsus modo conuenit, accommodant. Verùm istud non vrgeo, cum Traductor error fuerit.

Et certes il est à craindre, qu'il ne se trouue des personnes, qui entreprennent de prouuer par ce passage, que Iesus-Christ est le Redempteur, non seulement des hommes, mais aussi des bestes. Apologie premiere pag. 115.

At ne quis in posterum eiusmodi timor Aduersariis

obrepat, monendi sunt nos abesse multum ab Ottonis Brunfelsij errore, qui libro de Pandectis Evangelicis docet, *Christi crucem non solum hominibus, sed & Angelis profuisse, & omnem creaturam errore sui Domini purgatam esse.* Absumus quoque ab opinione Samuelis Huberi Lutherani, qui in disputatione publica Bernæ anno 1588. habita, pugnavit, *Christum ex proposito Patris, etiam pro Diabolis à damnatione liberandis passum esse.* Discrepamus etiam à Francisco Paecio Filidino, qui libello Goudæ edito centum & viginti rationibus contendit, *Gratiam Christi, per meritum passionis eius obtentam, in omnibus & singulis hominibus non sufficientem tantum, sed & efficacem esse.* Denique multum distamus à fanatico Smidelini paradoxo, qui teste Parco in Apologia Bibliorum Neostadij excusorum fol. 97. docuit *Christum omnium hominum peccata efficienter, & actualiter delensisse.* Sed ex Concilij Tridentini mente sess. 6. cap. 3. statuimus, *Christum quidem pro omnibus mortuum esse: id est pro singulis hominibus Deo patri mortem suam obrulisse, Non omnes tamen mortis eius beneficium recipere; sed eos duntaxat, quibus meritum passionis eius communicatur.* Sic planè, ut redemptor sit omnium hominum, maxime fidelium. Communem hanc opinionem pluribus oppugnat Nouus Doctor lib. 3. de gratia Christi cap. 21. sed iis armis quæ ex Caluino, Beza aliisque Sectariis mutuatus est.

Primò, ait hanc opinionem iam olim ad nauseam usque à Pelagianis, præsertimque Massiliensibus inculcatam fuisse. Ita Calvinistarum procures in Synodo Dordrechtana pag. 3. vbi hunc Remonstrantium articulum: *Christus pro omnibus, & singulis mortuus est:* his verbis refellere aggrediuntur: *Rem non nouam agunt Remonstrantes hoc articulo. Olim enim Semi-Pelagiani Massilia, & Syracusis eundem tuebantur. Quæ reperunt pagina 354. numero 6.*

Secundò, ad communem opinionem videtur acce-



dere, cum ait, *Christum se dedisse redemptionem pro omnibus omnino sufficienter, quia sufficiens pretium obtulit, non tamen pro omnibus omnino efficaciter, quia non omnibus applicatur ista redemptio.* Sed illud postea ita exponit, ut neget Christum pro omnibus mortem suam Patri obtulisse, nec alio sensu pro singulis sufficienter esse passum, quam quia mors illius, si pro singulis fuisset oblata, expiandis eorum peccatis suffecisset. Eadem arte Kimedoncius, Beza, & Bataui Calvinistæ vtuntur, ut Sanctorum Patrum auctoritatem defugiant, qui Christum pro singulis hominibus mortuum esse discrete tradiderunt. Bataui quidem in specimine Amsterodamensi art. 43. ita loquuntur: *Quamuis passio Christi in se ipsa sufficiens fuerit redimendis omnibus hominibus, non est tamen ipse secundum consilium, mandatum, & commissionem sui Patris mortuus pro omnibus hominibus.* Et Delegati Classis Walachtiæ: *Nostri, inquit, docent sufficere quidem Christi mortem, quoniam ob personæ dignitatem est infiniti pretij, omnibus omnium hominum peccatis abolendis; morti tamen traditam esse tantum pro electis.* Beza verò in Theſibus Theologicis Genevæ excusis folio 129. *Estemur tanti esse hanc oblationem, ut potueris pro infinitis mundis satisfacere, nedum pro singulis hominibus unus, si Deus eorum omnium voluisset misereri, & pro omnibus filium misisset.* Nihilominus tamen siue consilium Dei, siue passionis effectum, siue virumque spectaueris, pro impijs nullo modo est mortuus. Vnde illud Scholasticorum *Christus mortuus est pro omnibus hominibus sufficienter, non efficaciter, repudiandum docet.* Idem tradunt Piscator contra Schafmannum, Triglantius in declaratione, & Kimedoncius Synopsi de redemptione pag. 59.

Tertiò, vniuersim pronuntiat sanctum Augustinum docuisse, Christum pro solis electis mortuum esse. Ita Beza in Actis Colloquij Bernensis pag. 222. Kimedoncius in Synopsi de redemptione pag. 89. & Grinaus tom. 4. Problem. pag. 371. Hinc illud Pauli de Win-

92 DISPUT. DE LIBERO ARBITRIO  
deck libro de efficacia mortis Christi pag. 238. *Sanctus*  
*Augustinus totus à nostris stat partibus, licet eum magnopere*  
*reluctantem in sua castra pertrahere conentur Calvinista.*  
Ostendam paulò post omnia Augustini testimonia,  
quæ in hanc rem Aduersarij proferunt, ex Calvinistis  
esse descripta.

Quartò, alios quoque Patres in huiusce opinionis  
suz præsidium vocat, & affirmatiuè asserit pag. 164.  
*Iuxta doctrinam antiquorum pro omnibus omnino Christum*  
*non esse passum aut mortuum.* Beza quoque in secunda  
Apologia ad Acta Colloquij Monpelgartenensis fol. 216.  
217. proficitur, paratum se non solum ad publicam renoca-  
tionem, sed etiam ad durissimam pœnam, si quis ei ex ve-  
teri scriptore demonstraerit, Christum pro infidelibus mor-  
tuum esse.

Quintò, quod ait Apostolus, *Christum se dedisse re-*  
*demptionem pro omnibus,* ita exponit: *Hoc est pro uniuersa*  
*Ecclesia sua toto orbe dispersa, & consequenter pro omnibus*  
*hominum generibus.* Eadem scribit Kimedoncius Syno-  
psi de Redempt. pag. 51. vbi docet in citato Apostoli  
loco particulam, omnes, genera tantum omnia notare.  
Quod pluribus Beza contendit, vt refert Claudius de  
Saintes in Atheismis Caluini, & Bezae pag. 311. 312.

Sextò, illud 1. Ioan. cap. 2. *Ipsè est propitiatio pro pec-*  
*catis nostris: non pro nostris autem tantum, sed etiam pro*  
*totius mundi:* sic explicat pag. 162. *Hoc est non pro nostris*  
*tantum Iudæorum, sed etiam Gentilium, ex quibus una con-*  
*stituitur toto mundo fidelium Ecclesia.* Quem locum iisdem  
fere verbis exponit Beza in Colloq. Monpelgarten-  
folio 313. Pugnat enim Ioannem velle, *Christum non so-*  
*lum esse propitiationem pro Iudæorum, sed etiam pro gentium*  
*populis, qui crediderunt & predestinati sunt.* Quam expo-  
sitionem sequitur Grinæus tertia parte Problem. edita  
anno 1590. p. 35. vbi contendit vocem mundi florem ge-  
neris humani, id est, ceterum Prædestinatorum denotare. Ean-  
dem sequuntur Kimedoncius in Synopsi pag. 91. Zan-



chius Miscel. fol. 200. Sarisbur. pag. 38. & Ministri Palatinatus in Refutatione Scalæ aureæ pag. 94. 95. 96. 98. Qui omnes huic confirmandæ explicationi illa ipsa S. Augustini testimonia adhibent, quæ ab Aduersario proferuntur. Primus est ex Tractatu 87. in Ioannem. Secundus ex epist. 48. Tercius ex Tractatu 55. Quartus ex Tractatu 1. in epist. Ioan. Quæ omnia nihil communi sententiæ incommodare docet Paulus de Windeck pag. 94. & 105. vbi ita auspicatur: *Caluinistæ crambem sepius recoctam ad nauseam usque repetunt, & ingerunt, quod voce mundi non designetur generis humani universitas, sed credentium tantum, id est, electorum. Ne recte careant, sese muniunt auctoritate D. Augustini, &c.*

Septimò, sententiam suam probare nititur ex his Christi verbis Ioan. 10. *Animam meam pono pro ouibus meis.* Illud ipsum faciunt Ministri Embdeneses, qui in actis Dordrechtanæ Synodi pag. 658. ita pronuntiant: *Christus pro solis ouibus suis, hoc est electis, nequaquam autem pro hædis animam suam posuit ex Ioannis 10. &c.* Acrius premit hoc argumentum Iacobus Grinæus tertia parte Problematum pag. 29.

Octauò, vrget illud ad Ephesios 5. *Christus dilexit Ecclesiam, & seipsum tradidit pro ea.* Vt inde colligat Christum pro solis electis seipsum obtulisse. Quo etiam argumento vtuntur Calvinistæ Palatinatus in refutatione Scalæ aureæ pag. 21. *Christus, inquiunt, se tradidit pro ea Ecclesia, quam saluauit: At soli Prædestinati sunt in hac Ecclesia; ergo pro solis Prædestinatis Christus se in mortem tradidit.* Simillima docent Kimedoncius in Synopsi pag. 93. & Synodus Dordrechtana apud Malderum in Anti-Synodicis cap. 7.

Nonò, eodem torquet quod habetur apud Matth. cap. 1. *ipse enim saluum faciet populum suum à peccatis eorum:* Kimedoncij exemplo, qui in Synopsi Thesi 50. ita loquitur: *Christus saluat populum suum à peccatis Matth. 1. At infideles & alij reprobi non accensentur populo suo; ergo,*

24 DISPUT. DE LIBERO ARBITRIO  
&c. Quod argumentum etiam usurpant Tossanus,  
Heidelbergensis Minister Thesi. 22. & Grynæus tom. 4.  
Problem. pag. 371.

Decimò, indicat pag. 165, idcirco Christum pro re-  
probis non orasse, nec se redemptionem obtulisse, quia  
sciuit, quinam ab æterno prædestinati essent. Malderus,  
in Anti-Synodico cap. 7: testatur Dordracenæ Synodi  
Patres proscriptos ita ratiocinari: *Non est verisimile Chri-*  
*stum, cui omnis potestas in celo, & in terra data fuit, inten-*  
*dere aliquid sapientissimo consilio potuisse, cuius effectum*  
*affecuturus non esset; non ergo intendit liberare, quos sciebat*  
*damnandos.* Reliquum, esset ut ostenderem ex Calvini-  
stis esse descripta, quæ de Concilio Valentino, Eccle-  
sia Lugdunensi, & Prædestinarianis subtexit, sed istud  
posterius suo loco commodius exequar, cum sub finem  
huius capituli demonstrabo, nihil illum de Prædestina-  
tiorum hæresi scripsisse, quod ex Iacobo Vissario Cal-  
uinista non hauserit.

Cæterum si in hoc primo nouæ opinionis confectario  
fui prolixior, non mea, sed Aduersarij culpa fuit. Quia  
hac in parte, quam præ cæteris sibi arrogat, tot rapinas  
& furta commisit, ut vel brevis eorum indiculus non  
potuerit non esse longior.

#### PARAGRAPHVS IV.

*Secundum confectarium, quo negant laudis aliquid  
ex opere bono in nos redundare, ex recensioribus  
Hæreticis depromptum est.*

Libro de  
grat. primi  
hominis  
cap. 15.

NOLUNT Aduersarij laudis aliquid ex bonis ope-  
ribus homini tribui, atque id ex arcana vtriusque ad-  
iutorij intelligentia fluere necessariò, ac consequi pu-  
tant. Est hæc, inquiunt, gratiæ sanitatis natura, ut ali-  
quam ex opere bono laudem homini relinquat, quia  
cum voluntas eam admittere, aut repudiare possit, laudi



illi vertitur, si admittat. Hinc est, quòd Angeli, qui gratiam sanitatis habuerunt, sibi tribuere possunt, quòd steterint: hinc etiam, quòd gloriam, non vt donum aliquod, sed vt mercedem, ac præmium acceperunt. At cùm gratia medicinalis bene agendi necessitatem imponat, nec sit in hominis potestate eâ vti, vel non vti: certè nihil sibi tribuere potest, qui eâ vtitur, & bene agit, neque gloriam, vt mercedem, ac præmium, sed vt donum accipiet. Hæc sunt reconditiõra noni dogmatis mysteria, quæ vt plausibiliùs exponant, aiunt impium esse, atque sacrilegum, iustificationis nostræ laudem partiri cum Deo; nec minùs peccare eos, qui ita faciunt, quàm qui dicata cultui diuino templa sacrilegâ impietate diripiunt, & expilant.

Non ab simili zelo flagrabat Calvinus, cùm in Tridentinos Patres inueheretur, quòd statuisent, ita nos præueniri gratiâ, vt nostræ postea sit electionis illi assentiri, vel dissentiri. Id verò impium, sacrilegum, Pelagianum esse vociferatur Calvinus, quòd inde sit consequens, aliquam ex opere bono laudem in nos refundi. Audi loquentem in Antidoto ad sessionem 6. *Sexto capite asserunt, gratiâ Dei nos preparari ad percipiendam iustitiam: SED HVIC GRATIÆ PARTES ASSIGNANT EXCITANDI, ET ADIVVANDI, VT IPSI LIBERÈ COOPEREMUR: nempe putidas nanias hîc audimus, quas in scholis deblaterare sophistæ solent, &c. Paulus totum Deo vindicat: isti nihil ei præter adminiculum acceptum ferunt. SED IN QVO HOMINEM DEO SOCIVM ADIVNGVNT? QVIA GRATIAM DEI, QVAM REPVDIARE POSSET, LIBERÈ RECIPIT. Quantum ex Dei virtute detrahunt, quæ à Propheta describitur! Sed hoc est scilicet, quod ab Augustino traditum est: laborant, inquit, homines, vt inueniant in nostra voluntate, quid boni sit nostrum.*

Hunc Augustini locum, quem Aduersarij hac in materia perpetuò nobis occinunt, plus tricies iterat

Calvinus : prosequitur , & ut omne nobis meritum adimat, eadem viâ ingreditur, quâ Aduersarij: nimirum efficere conatur, non ita gratiam offerri, ut eius receptio à libera voluntatis electione pendeat. *Excudunt autem Neptunij Patres in noua officina, quod Augustino fuit ignotum: non esse ex Deo gratiæ receptionem, quia libero propriæ voluntatis motu, Deo vocanti assentimur. At repugnat Scriptura, quæ Deum auctorem facit bonæ voluntatis.* ALIUD EST, MOVERI A DEO VOLUNTATEM, UT OBSEQUATUR, SI LIBEAT: ALIUD AUTEM FORMARI, UT BONA SIT. PORRÒ NON SE FACTVRVM PROMITTIT DEVS, UT POSSIMVS BENE VELLE: SED UT BENE VELIMVS. Immo ultra progreditur, cùm dicit, *faciam ut ambuletis, quod diligenter ab Augustino annotatum est.* Hinc est, quod iam inde ab initio Antidoti sextæ sessionis, Tridentini hæc de re doctrinam in hæc verba contraxerat. Nihil aliud continet eorum definitio, quàm tritum illud scholarum dogma: partim gratiâ Dei, partim operibus propriis iustificari homines, ut aliquantò se magis verecundos ostendant, quàm fuerit Pelagius.

Præceptorem sequitur Petrus Du Moulin, in fine Epistolæ ad Synodum Dordrechtanam, quæ habetur in Actis eiusdem Synodi pag. 395. *Credo Deum non modo dare vires credendi, sed & ipsam actum credendi. Quem actum qui dicunt partim esse à gratia, partim à libero arbitrio, merito Semi-Pelagianis ascensentur. Etsi homo liberè credit, & sponse, totum tamen illud, quod facit, est donum Dei.* Consonat Synodus Dordrechtana sess. 136. pag. 365. *Reiicit Synodus errores eorum, qui docent gratiam, & liberum arbitrium esse causas partiales simul concurrentes ad conversionis initium, nec gratiam ordine causalitatis efficientiam voluntatis antecedere: id est, Deum hominis voluntatem non prius efficaciter iuuare ad conversionem, quàm voluntas ipsa hominis se mouet, ac determinat. Hoc enim dogma Ecclesia præscia in Pelagianis iam olim condemnauit.*

Necque



Neque verò hîc aliquis obiiciat, ideo Calvinistas humanæ voluntati meritum ademisse, quòd eam ad bonum opus passivè tantùm se habere fingerent: atque in eo multùm abesse ab recenti opinione, quæ agere voluntatem & operari pronuntiat. Quis enim nescit Calvinistas non omnem voluntati operationem ademisse, sed liberam, id est (ut clarissimè ostendi superius sect. 2. §. 2.) eiusmodi, quam ponere, vel non ponere possimus? Nam ut vulgò de motibus indeliberatis, qui & gratiæ prævenientes sunt, dicitur, fieri illos in nobis sine nobis, quia licèt physicè illos producamus, non liberè tamen producimus, siquidem non est in nostra libertate eos ponere, vel non ponere: sic illi, omnia omnino bona opera fieri dicunt in nobis sine nobis, quia licèt ea producamus physicè, non sumus liberæ tamen eorum causæ, cùm non sit in libertate nostra, ea ponere, vel non ponere. Quam mentem suam toties Calvinus exponit, quoties ait nos, cùm bene agimus, voluntariè operari. Vnde lib. 3. in Pigh. 167. ita sibi ex Pighio obiicit. *At liberi arbitrij esse bona opera offerit Augustinus, quod negamus.* Et respondet: *Egòne voluntaria esse bona opera unquam negavi? At nullas libero arbitrio partes in bonis operibus tribuo: nullas sanè, nisi ut agat, dum agitur, quia per se nihil potest.* Quod si Augustini verbis non est consentaneum, neque onum ouo simile est. Eodem sensu tuentur Aduersarij voluntatem passivè tantùm se habere.

Proderit hîc annotare hanc opinionè manasse ab Luthero: ut patet, tum ex eius articulis ab Sorbona damnatis, inter quos secundus de libero arbitrio iste est: *Frustra garrunt sophista actum bonum esse totum à Deo, sed non totaliter*: tum ex Concilio Senonensi celebrato anno 1528. in Præfatione. **IN ERROREM MANICHÆI INCIDIT LUTHERVS, DVM NIMIS ANXIÈ, ET SCRVPVLOSE DEVITAT PELAGIVM. METVENS NAMQVE LIBERVm ARBITRIVm CVM PELAGIO**

Calvinus : prosequitur , & ut omne nobis meritum adimat, eâdem viâ ingreditur, quâ Aduersarij: nimirum efficere conatur, non ita gratiam offerri, ut eius receptio à libera voluntatis electione pendeat. *Excudunt autem Neptunij Patres in noua officina, quod Augustino fuit ignotum : non esse ex Deo gratia receptionem, quia libero propriæ voluntatis motu, Deo vocanti assentimur. At repugnat Scriptura, quæ Deum auctorem facit bonæ voluntatis.* ALIUD EST, MOVERI A DEO VOLUNTATEM, UT OBSEQVATVR, SI LIBEAT: ALIUD AVTEM FORMARI, UT BONA SIT. PORRÒ NON SE FACTVRVM PROMITTIT DEVS, UT POSSIMVS BENE VELLE: SED UT BENE VELIMVS. Immo ultra progreditur, cùm dicit, *faciam ut ambuletis, quod diligenter ab Augustino annotatum est.* Hinc est, quod iam inde ab initio Antidoti sextæ sessionis, Tridentini hæc de re doctrinam in hæc verba contraxerat. *Nihil aliud continet eorum definitio, quàm tritum illud scholarum dogma: partim gratiâ Dei, partim operibus propriis iustificari homines, ut aliquantò se magis verecundos ostendant, quàm fuerit Pelagius.*

Præceptorem sequitur Petrus Du Moulin, in fine Epistolæ ad Synodum Dordrechtanam, quæ habetur in Actis eiusdem Synodi pag. 395. *Credo Deum non modo dare vires credendi, sed & ipsum actum credendi. Quem actum qui dicunt partim esse à gratia, partim à libero arbitrio, merito Semi-Pelagianis accensentur. Etsi homo liberè credis, & sponse, totum tamen illud, quod facis, est donum Dei.* Consonat Synodus Dordrechtana sess. 136. pag. 365. *Reiicit Synodus errores eorum, qui docent gratiam, & liberum arbitrium esse causas partiales simul concurrentes ad conuersionis initium, nec gratiam ordine causalitatis efficientiam voluntatis antecedere: id est, Deum hominis voluntatem non prius efficaciter iunare ad conuersionem, quàm voluntas ipsa hominis se mouet, ac determinat. Hoc enim dogma Ecclesia prisca in Pelagianis iam olim condemnauit.*

Neque



Neque verò hîc aliquis obiiciat, ideo Calvinistas humanæ voluntati meritum ademisse, quòd eam ad bonum opus passiuè tantùm se habere fingerent: atque in eo multùm abesse ab recenti opinione, quæ agere voluntatem & operari pronuntiat. Quis enim nescit Calvinistas non omnem voluntati operationem ademisse, sed liberam, id est (vt clarissimè ostendi superius sect. 2. §. 2.) eiusmodi, quam ponere, vel non ponere possimus? Nam vt vulgò de motibus indeliberatis, qui & gratiæ præuocantes sunt, dicitur, fieri illos in nobis sine nobis, quia licèt physicè illos producamus, non liberè tamen producimus, siquidem non est in nostra libertate eos ponere, vel non ponere: sic illi, omnia omnino bona opera fieri dicunt in nobis sine nobis, quia licèt ea producamus physicè, non sumus liberæ tamen eorum causæ, cùm non sit in libertate nostra, ea ponere, vel non ponere. Quam mentem suam toties Calvinus exponit, quoties ait nos, cùm bene agimus, voluntariè operari. Vnde lib. 3. in Pigh. 167. ita sibi ex Pighio obiicit. *At liberi arbitrii esse bona opera asserit Augustinus, quod negamus.* Et respondet: *Egône voluntaria esse bona opera unquam negavi? At nullas libero arbitrio partes in bonis operibus tribuo: nullas sanè, nisi vt agat, dum agitur, quia per se nihil potest. Quod si Augustini verbis non est consentaneum, neque onum ouo simile est.* Eodem sensu tuentur Aduersarij voluntatem passiuè tantùm se habere.

Proderit hîc annotare hanc opinionem manasse ab Luthero: vt patet, tum ex eius articulis ab Sorbona damnatis, inter quos secundus de libero arbitrio iste est: *Frustra garriunt sophistæ actum bonum esse totum à Deo, sed non totaliter*: tum ex Concilio Senonensi celebrato anno 1528. in Præfatione. IN ERROREM MANICHÆI INCIDIT LUTHERVS, DVM NIMIS ANXIÈ, ET SCRVPVLOSE DEVIAT PELAGIVM. METVENS NAMQVE LIBERV M ARBITRIVM CVM PELAGIO

98 DISPUT. DE LIBERO ARBITRIO  
 NIMIS EFFERRE, OMNE BONVM OPVS, QVOD  
 EST IN HOMINE, DEO TRIBVIT, ET DIVINÆ  
 GRATIÆ; NIHIL PRORSVS LIBERO ARBITRIO;  
 SICQVE TOLLENS OMNINO LIBERVm ARBITRIVm  
 LVTHERVS, FACTVS EST MANICHÆVS, DVM  
 REFVGIT ESSE PELAGIANVS.

Et iactent Aduersarij, religiosos se esse, qui laudem  
 omnem boni operis Deo adiudicant? Lutheranorum  
 est atque Caluinistarum illa religio.

#### PARAGRAPHVS V.

*Tertium consectorium, quo aiunt Deum impossibilia  
 iubere, ex recentioribus Hæreticis de-  
 promptum est.*

Libro 1. de  
 grat. Chri-  
 sti cap. 13.  
 15. & libro  
 4. de statu  
 nature la-  
 psæ cap. 21.  
 23. 25.

QVIS ferat sacrilegum hoc noui dogmatis corol-  
 latium? *Sunt quedam homini præcepta, secundum statum &  
 vires, in quibus constitutus est, observatu impossibilia.* Quis  
 ferat, commune hoc Theologorum placitum, *Deus  
 impossibilia non iubet*, explodi, sugillari, reiici? Non tu-  
 lerunt certè, vt Sorbonici, ita Louanienses Theologi,  
 qui hunc Lutheri articulum, *Quicumque negat Deum  
 impossibile iussisse, pessimè facit: & qui hoc falsum esse dicit,  
 plusquam pessimè facit*, hæresis damnauerunt. Quod quàm  
 immodicè tulerit Lutherus, constat ex iis, quæ scribit  
 in confutatione rationis Latomianæ fol. 227. Aliquot,  
 inquit, meos articulos opponi dicit principijs fidei. Primus  
 est, *Deus præcipit impossibilia.* Querimus autem, quod sit  
 istud tam rigidum, & inclemens principium fidei, quod neget  
 nobis à Deo præcipi impossibilia? an Paulus? an Christus? an  
 Moses hoc condidit? Non; sed Decretellum quoddam humanum  
 ex Hieronymo sumptum, quod est huiusmodi: Qui dixerit  
 Deum præcepisse impossibilia, anathema sit. Hoc verbum ho-  
 minis ambiguum, & obscurum, sic iactatur à sophistis, vt om-  
 nibus sensibus clausis, non nisi vociferentur, Anathema, Ana-



*thema, Anathema, ut eos furere ipsâ voce iudices. Hinc verbulo humano cedere oportet, & silere, quidquid scriptura evidentissima, & clarissima, & copiosissima controuertunt. Ne syllabam quidem Glossæ elucidantis Decretellum tam tenerum admittit; sed rigidissimum, ut sonat, iactari, omnium auribus obtrudi, omnium cordibus inculcari oportet, periculo maximo fidei. Pari ardore commune illud Theologorum effatum ab Hieronymo depromptum lacerant noui Dogmatistæ.*

Nec verentur illud Anathema, quo Concilium Tridentinum eos perculit, *qui dicerent Dei præcepta obseruatu esse impossibilia: quod Decretum exagitat Calvinus in Antid. ad sess. 6. Capite, inquit, duodecimo vetus illud anathema renouant. Ne quis Dei præcepta homini iustificato ad obseruandum impossibilia dicat, &c. VEXABANT ETIAM AVGVSTINVM HAC CALVMNIA PELAGIANI, QVOD DICERET DEI PRÆCEPTA AD OBSERVANDVM ESSE IMPOSSIBILIA. Quæ hîc breuiter perstringit, multò copiosius exequitur lib. 2. Instit. cap. 7. num. 5. Quod autem impossibilem legis obseruationem diximus, id est paucis verbis explicandum simul, & confirmandum. Solet enim vulgò absurdissima sententia videri: ut Hieronymus non dubitauerit illi anathema denuntiare. Quid visum sit Hieronymo, nihil moror: nos quid verum sit, inquiramus. Non texam hîc longas ambages de variis possibilitatis generibus, &c. Eiusmodi argutiâ vexabant Augustinum Pelagiani, iniuriam fieri Deo, si plus iubeat, quam per eius gratiam prestare queant fideles.*

Si vrgeas: frustra sunt præcepta diuina, si illis obsequi non possumus. Respondebunt primò, Pelagianam esse hanc obiectionem. Respondebunt secundò, frustra non esse diuina præcepta, etiam si illa implere non possumus. Nam primò efficiunt, ut homines cognoscant infirmitatem suam: secundò, ut sint magis inexcusabiles: tertio, ut sciant, quid debeant agere. Quæ omnia tam sæpe ab Hæreticis repetuntur, ut nihil sit illis

100 DISPUT. DE LIBERO ARBITRIO  
in hac materia tritum magis, atque familiare. Calvinus  
in Antidoto Concilij Trident. ad sess. 6. cap. 6. *Valde no-*  
*nitios esse oportet Venerandos istos Patres, si ex preceptis asti-*  
*mant, quid valeat homo: cum ideo potius requirat à nobis*  
*Deus, quod supra vires nostras est, ut imbecillitatis nostra*  
*conuicti, superbiam omnem exuamus.* Hæc vberius profe-  
quitur libro 2. Instit. cap. 5. num. 4. & sequent. Quæ  
qui legerit, mentiar ni ex omni parte cum iis, quæ ab  
Aduersariis dicuntur, congruere censeat. Neque enim  
eadem tantùm Scripturæ, Patrûmque testimonia ad-  
hibet: sed & iisdem verbis utitur.

Non adscribam omnia, ne longior sim. Pauca tan-  
tùm in Specimen attexam. num. 6. sic loquitur. *Qui pro*  
*ingenti piaculo ducunt, si dicatur legis obseruationem esse im-*  
*possibilem, validissimo scilicet argumento insistant, frustra a-*  
*liàs datam esse legem.* Perinde enim loquuntur, ac si Paulus  
de lege nunquam loquutus esset. Quid enim quæso, ista sibi vo-  
lunt, legem propter transgressiones positam esse, per legem esse  
cognitionem peccati, legem peccatum efficere, subingressam  
esse, ut abundaret delictum? Vbi ad id efficiendum multa  
congressit; ita concludit: *Eant nunc, qui ex preceptis col-*  
*ligunt, quid valeat homo ad obedientiam.*

Quid plura? id Calvinistæ omnes, ac Lutherani  
vno consensu loquuntur. Chamierus tom. 3. libro 3.  
capite 5. num. 1. & 2. *Quartum Papiſtarum argumentum*  
*est: si tollatur liberum arbitrium, tolli precepta, consilia,*  
*monita.* Frustra enim admoneas, horteris, si non possunt  
homines aliud facere, quàm faciunt. Sed Calvinus respon-  
det tripliciter. Primo, similia olim fuisse Augustino ob-  
iecta, &c. Zanchius Tract. Theol. libro 1. capite 6.  
Thesi 9. pagina 113. *Eadem responsio ad omnia prece-*  
*pta afferenda est: ex his scilicet non sequi, nos posse hæc præ-*  
*stare; sed tantùm doceri, quid facere debeamus: ac cum sen-*  
*tiamus nos non posse facere, quod debemus, ad implorandum*  
*Dei auxilium excitemur.*

Quæ omnia compendio colligit Petrus Du Moulin,



*Lex Dei non est virium nostrarum argumentum, sed officij nostri: nec qui petit ab aliquo, quod sibi debet, iniustus est, licet debitor culpâ suâ soluendo non sit. Sic habet in presenti negotio. Deus enim creauerat hominem iustum, eique liberum arbitrium dederat, quo bonum eligere, & malum repudiare posset. Iam verò si ille culpâ suâ diuinæ legis implendæ facultatem amisit, an Deus iniustus est, qui ab illo petit, quod debet? En quibus debeant opinionem suam noui Dogmatistæ.*

*La Loy de Dieu n'est pas une preuve de nos forces, mais de nostre deuoir: & celuy qui demande à quelqu'un ce qu'il luy doit, n'est pas iniuste, quey que le deb-*

*teur soit devenu insoluable par sa faute. Il est icy de mesme. Car Dieu auoit creé l'homme iuste, & pouuant par son libre arbitre choisir le bien, & laisser le mal. que si par sa faute il est devenu incapable d'accomplir la loy de Dieu, Dieu est-il iniuste de luy demander ce qu'il luy doit*  
Du Moulin, Bouclier de la Foy article 9.

## PARAGRAPHVS VI.

*Quartum confectarium, quo asserunt peccari in eo, quod vitari non potest, ex recentioribus Hæreticis depromptum est.*

*Quo progrediuntur magis Aduersarij, eò prolambuntur turpius, & in grauiores sese errores induunt. Ex his, quæ dixere hætenus, id sequitur, quod si frontem haberent, nunquam faterentur: nimirum, demereri homines, & mereri dum id agunt, quod vitare, & à quo abstinere non possunt.*

*Libro 1. de grat. Christi cap. 13. libro 4. de statu puræ naturæ cap. 22.*

*Idem ex Wicleffi opinione consequi testatur Wilhelmus Widesfordus Tract. in errores Wicleffi, ad artic. 17. Septimò, principaliter patet, quòd articulus est hæreticus, quia ex illo sequuntur hæreses. Sequitur enim primò, quòd nullus peccat demeritorie, nisi peccato, quòd vitare nullo modo potest. Nam absolute necessariò peccat, ac proinde nullo modo potest vitare peccatum. Sequitur adhuc, quòd nullus iustus est laudandus de sua iustitia, quia necessariò eam tenet.*

Faretur Calvinus idem ex opinione sua colligi libro 2. Instit. cap. 5. num. 2. *Subiiciunt, nisi ex libera arbitrij electione tum virtutes, tum vitia procedunt, non esse consentaneum, ut homini vel pœna infligatur, vel prœmium rependatur. Hoc argumentum, etsi Aristotelicum est, fateor tamen à Chrysostomo, & Hieronymo alicubi usurpatum. Pelagianis tamen fuisse familiare, nec ipse Hieronymus dissimulat, &c. de pœnis, Respondeo illas iure nobis irrogari, à quibus peccati culpa emanat. Quo verò iure id fiat, paulò antè num. 1. exposuerat in hæc verba: **NEGO PECCATVM IDEO MINVS DEBERE IMPVTARI, QVÒD NECESSARIVM EST, &c.** Atque hoc suprà clarè explicui, & in Diabolo ipso exemplum proposui, unde pateret non minùs voluntariè peccare, qui necessario peccat. Hæc de pœnis. De prœmiis autem sic loquitur ibidem, num. 2. *Quantum ad iustitia prœmia: magna verò absurditas, si fateamur illa ex Dei benignitate potius, quàm propriis meritis dependere. Quoties hoc apud Augustinum recurrit, non merita nostra Deum coronare, sed sua dona? Et lib. 4. in Pigh. pag. 175. Absurdum esse dicunt, ut vitio aut culpa dentur hominibus, quæ sic faciunt, ut aliter nequeant. Nos adductâ Damonum similitudine absurditatem hanc diluimus, &c. indicamùsque, non adeo à ratione dissentaneum esse, ut laude, aut vituperio dignum censeatur, quod tamen necessarium est.**

Illud ipsum pluribus exequitur Chamierus tom. 3. lib. 3. cap. 2. cui titulus est, *Virum nullum necessarium sibi peccatum: atque ita auspicatur: Papistarum affirmantium argumenta Calvinus collegerat, ut refutaret. Quàm disputationem, quia Bellarmino visum est exagitare, nos etiam considerabimus, ut fiat manifestum, quàm sint inania Papistarum argumenta, quæ iste solidissima appellat. Papistarum hîc loco recentes Theologos appone, & hæc ex noui dogmatis interpolatore deprompta iurabis.*



## SECTIO V.

*Novi Dogmatis effugia ex recentioribus Hæreticis  
captata sunt.*

**E**XEMPLO suo probant Aduersarij, quàm verum sit illud, quod vulgò proditur, eum, qui latrocinijis assueuerit, ab iis postea, etsi maximè velit, temperare vix posse. Sic enim illi furandi consuetudine tenentur, vt nihil aliud, quàm furta loquantur, & scribant. Ca- uillationes ipsæ & effugia, quæ vel bardus quilibet, ac stolidus, sua facilè in causa excogitare potest, maluerunt aliunde pudendo latrocinio accersere, quàm è suo repetere; sic planè, vt in eis etiam veritatem habeat, quod dicitur: *aqua furtina meliores*. Hæc sunt autem effugia, quæ ab Hæreticis acceperunt.

Primum: Cùm sacræ litteræ libertatis indifferentiam homini tribuunt, de homine integro, non de lapso lo- quuntur. Aut certè significant aliquam quidem inesse viatoribus corruptis, ac reparatis indifferentiam, sed quæ tantummodò sit capacitas naturalis, quâ liberum arbitrium, quamdiu hîc viuitur, mutari potest, neque ita malo adhæret, verbi causâ, vt bonum, cùm aderit gratia, non valeat amplecti.

Secundum: Quod ait Concilium Tridentinum hominem posse gratiæ dissentiri si velit, non ita explicari debet, quasi sit in eius potestate oblatam gratiam admittere, vel repudiare: sed eo tantùm sensu, quo dici potest: homo præuenienti gratiæ dissenti- ri potest, si dissentiat. Quo modo non affirmatur absolutè, eum dissentiri posse, sed hoc vnum as- seritur, verum esse, quòd si dissentiat, possit dis- senti.

Tertium: Peccandi necessitas, & benè agendi im-

104 DISPUT. DE LIBERO ARBITRIO  
potentia non excusat, quia non est homini naturalis,  
sed in peccati pœnam inflicta.

Quartum: Ignorantiam inuincibilem iuris positiui à  
peccato excusare, quia non est pœna peccati: at igno-  
rantiam inuincibilem iuris naturalis, non excusare,  
quia in peccati pœnam est irrogata.

#### PARAGRAPHVS I.

*Primum effugium, quo celebrem Ecclesiastici locum  
cludunt, ex recentioribus Hæreticis  
captatum est.*

Libro 6. de  
grat. Chri-  
sti cap. 34.

INCREDIBILE dictum est, quàm tortuosa responsa  
hic implicant nuperi dogmatis vindices. Negant,  
aiunt, dissimulant, quidlibet dicunt, & faciunt, ut dum  
Hæreticorum nugas, atque flagitia, quæ deosculantur,  
reuocant in lucem, doctrinæ Catholicæ, cui bellum  
meditatum indixerunt, videantur assentiri. Primò e-  
nim Ecclesiastici testimonio conuicti, *apposui tibi aquam  
& ignem: ad quod volueris porrige manum tuam: nonnul-  
lam in homine agnoscunt indifferentiam, sed aliam  
atque aliam pro diuersa illius, tum integri, tum cor-  
rupti conditione: neutram tamen pertinere ad natu-  
ram libertatis; formalemque rationem asserunt; aiuntque  
propterea, ex illo loco malè concludi, vel Deum, atque An-  
gelos bonos, ac malos libertate carere, quòd uni seu bono,  
seu malo affixi necessario sint; vel actum rationalis volun-  
tatis, solius coactionis expertem, non esse liberum, quam-  
uis internæ necessitati subiaceat.*

Huius sui dicti auctorem habent Chamierum, qui  
ad obiectum à Bellarmino eundem locum Ecclesiasti-  
ci hoc ipsum responsum adhibet tomo 3. libro 2. cap.  
2. num. 3. *Secundò, inquit, nego sermonem haberi de li-  
bero arbitrio in genere, sed specialiter de libero arbitrio ho-  
minis, (viatoris scilicet.) Aliter autem sentiendum de  
arbitrio*



arbitrio Dei, quod consistit in immutabilitate, quæ procul dubio est necessitas interna. Quid? nihilne Angeli tum boni, tum mali differunt à nobis? at in utrisque tamen liberum arbitrium: & in illis confirmatio tanta, ut peccare non possint: in his verò tanta obstinatio, ut non peccare non possint: non igitur in his liberum arbitrium à necessitate. Itaque necesse est liberi arbitrij non esse hanc naturam, ut nulli omnino necessitati subiaceat: quare hic locus nihil concludit. Et propter eadem, nihil quoque concludit ex Dogmaticarum sensibus, Orthodoxis? an Hæreticis?

Sed quæ tandem ista est, quam in viatoribus, post peccatum primi parentis, esse fatentur, indifferentia? certè non ea, quâ, positis omnibus ad agendum requisitis, vel agere, vel abstinere pro libito possimus. Huiusmodi enim indifferentiam impugnant *septem gravissimis* ex ea consequentibus *absurdus*. Neque altera, quâ dicimur posse in sensu diuiso gratiæ, vel concupiscentiæ, abstinere ab eo, quod in sensu composito earumdem non possumus non facere. Nam licèt illam indifferentiam defendi posse ex Scholasticorum principiis putent: quia tamen hæc distinctio Catholicorum quorundam est, neque quidquam volunt, nisi quod Hæreticorum sit, negant continud, hanc esse *genuinam conciliationem gratiæ cum libero arbitrio*, aliàmque quasi *secundùm Augustini mentem*, proferunt, ex eo solo petitam, quod *gratiæ non cogat voluntatem, non inuitam trahat, non inferat violentiam*.

Secundò igitur (quod vnum ex omnibus superest) iidem illi, qui disertè docent, nunc omnem humanæ voluntatis bonum, aut malum actum necessitate ad vnum determinante, licèt non cogente, elici: dicunt pariter, in corrupto atque instaurato homine indifferentiam ad bonum & malum, aliàm neque verbis Ecclesiastici significari, neque verò esse ullam, quàm *naturalem mutabilitatem, flexibilitatem, & capacitatem*, quàm modò vnum, modò alterum velit, ut cùm quis peccat,

106 DISPUT. DE LIBERO ARBITRIO  
etiam infidelis, omni Dei gratiâ ad abstinendum à peccato necessariâ destitutus, possit tamē non peccare: quia cum peccat, manet in eo *potentia dissentiendi* peccato, quatenus *manet facultas illa liberi arbitrij interna, & flexibilis benefaciendi*; hoc est, ut verborum fucus omnis abigatur, quatenus per peccatum non perimitur animæ potentia, quæ voluntas dicitur, quæque mutari, ac flecti in bonum potest; dum aderunt omnia, quæ ad illud agendum necessaria sunt. Quod ipsum cum dicunt Hæretici, ex eo rideri solent, quodd sequeretur amentes, ac dormientes libero esse arbitrio instructos; quia nemo est ex iis, qui tam sit addictus rei cuipiam, ut in contrarium flecti, ubi facta erit causarum mutatio, non possit; siquidem adhuc retinet facultatem illam, quâ possit; cum, quæ sunt requisita, suppetent.

Hoc autem ipsum Hæreticos dicere, ut Catholicorum argumentis illudant, testis Lutherus, qui humano infensus arbitrio, quale profitebatur *Papistarum ac Pelagianorum*, ut vocat, *schola*, hanc tamen illius *mutabilitatem & vertibilitatem*, liberumque adeo hoc sensu arbitrium, lubens amplectitur lib. *de seruo arbitrio*, fol. 476. quamuis rectius, inquit, *vertibile arbitrium, vel mutabile arbitrium diceretur, quàm liberum*. Et ibidem, *Donemus id abusui, licet magno, & periculoso, ut idem sit liberum arbitrium, quod vertibile arbitrium*. Atque illam arbitrij mutabilitatem, ac flexibilitatem fol. 468. explicat hoc exemplo. *Humana voluntas in medio posita est, ceu iumentum. Si infederis Deus, vult, & vadit, quod vult Deus. Si infederis Satan, vult, & vadit, quod vult Satan. Quam sententiam laudat Petrus Martyr, in Loco de libero arbitrio, p. 974. ubi scribit: Voluntatem instar equi esse, quæ modo habeat sessorem spiritum Dei, & gratiam; modo verò Diabolum: & nunc ab eo agitari: nunc verò à gratia regi. Quid aliud specioso illo flexibilis arbitrij nomine tegunt Adversarij?*



Sunt etiam ex nouæ opinionis fautoribus, qui illum Ecclesiastici locum sic eludant. Aiunt scripturam loqui de homine primo, qui in statu innocentie indifferenter ad vtrumlibet arbitrij facultatem accepit: non verò de homine lapsò, qui vnà cum originali iustitia illam voluntatis flexibilitatem amisit. Non ego iam huius responsionis robur exploro, sed vnde nata sit primum, inuestigo. Calvinus libro 2. Institutionum cap. 5. num. 18. eodem Ecclesiastici loco pari argutiâ se extricat. *Esso, inquit, acceperis homo à sua creatione facultatem adipiscende vite & mortis, &c. quidquid primæ conditioni tribuitur, non proutinus sequitur, in vitiatam ac degenerem naturam competere. Quod multò copiosius exposuerat lib. 1. cap. 15. num. 8.*

Chamierus verò tomo 3. libro 2. cap. 2. num. 4. eandem obiectionem ita soluit: *Nego sermonem haberi de libero arbitrio in genere, sed specialiter hominis ab initio, id est, qualis fuit à Deo conditus ad sui imaginem. Non est autem legitima consequentia à primo hominis statu ad alterum eiusdem hominis corrupti statum. Et libro 3. cap. 13. num. 18. Superest Ecclesiasticus inuictissimus (ut inquit Bellarminus) & tam perspicuus, ut nullà declaratione indigeat. Audiamus ergo capite 15. Deus ab initio constituit eum in manu consilij sui: & hæc sanè tam sunt apud Papistas pro certis ac liquidis; ut nemo sit, qui ad hanc controuersiam non habeat in ore. Respondet Calvinus, loqui de statu primi hominis ante lapsum. Quam Caluini responsionem fulissimè defendit.*

Hanc ergo latebram cum Hæreticis communem habent noui Dogmatis opifices:

## PARAGRAPHVS II.

*Secundum effugium, quo explicant quomodo possit  
homo gratia medicinali resistere si velit, ex  
recentioribus Hæreticis capratum est.*

Libro 6. de  
gratia Chri-  
sti, cap. 35.

CELEBRIS est alia cauillatio, quâ Aduersarij plurima Scripturæ, Patrum, Conciliorum testimonia eludunt. Verè, inquiunt, ab Scriptura, & Conciliis dicitur: hominem, aut dominanti concupiscentiæ, aut aspiranti gratiæ resistere posse; id enim potest, si velit. At impossibile est, ut id velit? Fatentur id quidem; contendunt nihilominus voluntatem esse liberam: quia, licet quæcumque vult, necessariò velit, verum est tamen eam posse contrarium velle, si velit. Verbo dicam: cum statuitur ab Tridentino, hominem posse gratiæ dissentiri, si velit; negant inde colligi posse hominem absolutè gratiæ dissentiri posse: sed hanc propositionem conditionalem esse aiunt, isti persimilem; homo potest volare, si habet alas, quâ non affirmatur absolutè, hominem posse volare, sed tantùm positâ conditione, quòd habeat alas. Ita, inquiunt, illa sententia, *potest homo gratia dissentiri, si velit*, conditionalis est, nec pronūtiat absolutè hominē posse gratiæ dissentiri, sed tantùm ex hypothesi quòd velit; quæ hypothesi cum sit impossibilis, absolutè etiam est impossibile, ut gratiæ dissentiri possit. Verè tamen dicitur, gratiæ dissentiri posse, si velit: sicut verè dicitur, si homo est Deus, potest Angelos creare.

O plumbeum acumen! quis hoc non rideat? Risit certè, & pluribus exagitauit grauissimus auctor Valdensis libro 1. Doct. fid. art. 1. cap. 15. cui titulus est, *contra subterfugium illud v' uiclessi. Potest Deus, si velit*. Negabat Wicleffus Deum habere indifferentem ad vtrumlibet voluntatem, sed ita ab sua præscientia ad alterutram



partem affigi, vt contrarium facere non posset. At cùm premi se videret iis Scripturæ testimoniis, quibus Deus alia ab iis quæ fecit, facere posse dicitur. *Iis*, inquit Valdenſis, *gloſſam hanc communem, quaſi generale prouidit emplaſtrum; Deus, inquit, poteſt hæc omnia, ſi velit. Sic negare ſolent Deum poſſe maiorare, vel minorare mundum, & ſimilia; ſed ad finem ſemper inferunt, poteſt tamen ea, ſi velit. Cur negas poſſe Deum maiorare mundum, quod tamen poteſt, ſi vult? an tunc non poteſt, ſi, cùm vult, poteſt? non, inquis. Cur hoc? quia non vult, & nihil poteſt, niſi volens. Iam ecce ſuppoſui tibi quòd velit. Non poteſt, inquis, velle; ſed ſi vult, poteſt. Mirabilis, & apud omnem intellectum intricata reſponſio: quod, ſi vult, poteſt; hoc ipſum non poteſt. Sic planè reſpondent noui Dogmatizæ, cùm iis Trident. Synodi Decretum opponitur, quo ſancitum eſt, hominem gratiæ diſſentiri poſſe, ſi velit. Homo, inquiunt, abſolutè loquendo gratiæ diſſentiri non poteſt, quia gratia agendi neceſſitatem imponis, verum eſt tamen dicere, hominem poſſe gratiæ diſſentiri, ſi velit; quia velle diſſentiri gratiæ, diſſentiri eſt.*

Frigidam hanc & iocularem Wicleſſi reſponſionem acriùs inſectatur Wilſelmus Wildefortius, Waldenſi ætate ſuppar, & ex Minorum ordine ſubtiliſſimus Theologus. Pauca ex iis, quæ in eam rem congerit, decerpam, quòd hanc noui dogmatis latebram euercant penitus, atque diſſiciant. *Quod non eſt poſſibile, niſi ſub conditione impoſſibili, abſolutè non eſt poſſibile: & ideo ſi Deus poteſt tantùm deſtruire creaturas, ſi velit, & id velle non poteſt, non poteſt eas deſtruire. Aliàs ſequitur, Deum annihilare Deum ſecundùm Diuinitatem, eſſe Deo poſſibile, ſi Deus velit. Item; Deum facere hominem, & non facere hominem, Deo erit poſſibile, ſi Deus velit. Et omnis contradic-tio eſt Deo poſſibilis, ſi Deus velit. Age, iſdem rationibus Aduerſariorum reſponſionem impugna: quàm facilè collaberetur! Aiunt liberum eſſe homini gratiâ aspirante bene agere; quia, ſi veller, gratiæ diſſentiri poſſet. Aiunt*

insuper, amorem, quo Beati Deum amant, liberum esse, quia, si vellent, ab eo cessarent. Sic fucum faciunt, sic imperitâ & friuolâ cauillatione nobis illudunt. At quàm promptum est, illam euertere! cùm ex ea sequatur, liberum esse homini amare malum, sub ratione mali; quia id potest, si velit: item, liberum illi esse odisse bonum quâ bonum; quia id potest, si velit: Deo liberum esse peccare; quia peccare potest, si velit: & alia quamplurima, quæ nemo non insipientissimus admittet.

Non absimili cauillo Lutherus vtitur, vt se ab illo Ecclesiastici loco expediat: *Si volueris mandata conseruare, conseruabunt te.* Nam lib. de seruo arbitrio, fol. 480. sic loquitur: *Non video, quomodo istis verbis liberum arbitrium probetur. Est enim verbum coniunctiui modi (si volueris) quod nihil asserit: sicut Dialectici dicunt, conditionalem indicatiuè nihil asserere: vt, si Diabolus est Deus, meritis adoratur. si asinus volat, asinus habet alas. Quod à Luthe-ro Andreas Riuerus expressit Summ. Controu. Tra&. 4. quæst. 3. Eadem, inquit, solutio adhibenda est obiectioni ex Isaia, si volueritis, & audieritis me, bona terra comedetis: conditionalis est propositio quæ nihil ponit in re. Inanem hanc subtilitatem bellè refutat Erasmus iis verbis, quæ ipse sibi Lutherus obiicit. Ecclesiasticus dicendo, (si volueris seruare) significat esse voluntatem homini ad seruandum, & ad non seruandum. Alioqui, quid sonat dicere ad eum, qui libertatem non habet, si volueris?*

Vides, quàm perdita sit Aduersariorum causa, qui rancidam hanc, & stramineam responsionem ab Hæreticis mutuari coguntur, & eò sæpe confugere: vt cum Zanchio pag. 132. dicant: *Voluntas gratiæ efficaci resistere non potest, quia velle non potest.*



## PARAGRAPHVS III.

*Tertium effugium, quo huius dicti inuidiam molliunt,  
Deus impossibilia iubet, ex recentioribus  
Hæreticis captatum est.*

INVIDIOSVM est, quod ex opinione sua con-  
fiteantur nuperi Theologi; nimirum, *Deum impossi-  
bilia iubere: nec esse de ratione peccati, ut caueri possit. Qua-  
re omni arte enituntur, ut huiusce corollarij offensio-  
nem abstergant. Atque id vnâ fere cauillatione conse-  
quutos se arbitrantur; quam ego, ut clariùs appareat,  
tres in partes distinguo.*

Libro 4. de  
statu natu-  
ræ lapsæ  
cap. 22. 24.  
25. & lib.  
de gratia  
Christi cap.  
13. 14. 15.

Primò aiunt, Deum nihil homini præcepisse, quod  
absolutè illi sit impossibile; quia poterat homo omnia  
Dei præcepta implere, si in statu innocentie perman-  
sisset, atque adeo bene agendi impotentiam non posse  
homines excusare, quia non est illis à natura insita, sed  
ab primi parentis peccato profecta.

Nihilne vnquam de suo proferent Aduersarij? fur-  
tisne tantùm, & latrocinis splendebunt? Quis Hære-  
ticorum aliter sensit, cùm Deum impossibilia præci-  
pere dixit? Instar omnium sint Hieronymus Zanchius,  
& Beza. Ille Tractatum Theologic. lib. 1. cap. 6. pag.  
121. ad hanc obiectionem, *Præcepta Dei sunt homini possi-  
bilia ad seruandum: alioqui Deus foret insipiens, immo tyran-  
ni similis, si præciperet impossibilia; ita respondet: NIHIL  
SIMPLICITER ET PER SE IMPOSSIBILE PRÆCIPIT  
DEVS. NAM VIRES DEDERAT HOMINI, QUIBUS  
OMNIA DEI MANDATA SERVARE POTVISSET,  
SI VOLVISSET. Quòd igitur fiant impossibilia homini  
corrupto, hoc est ex accidenti. Ita Deus manet iustus, & sapiens,  
quanquam eius mandata natura corrupta sint impossibilia.*  
Eadem Beza multis in locis, ac præcipuè libro de æterna  
Dei prædestinatione, contra Castellionem pag. 414. &

415. ubi proponit primum, hanc Castellionis obiectio-  
nem. *Iniquum est precipere, quod praestari non posse scias;*  
*perinde ac si quis pater filio precipiat, ut rupem comodat.*  
Tum ita respondet: *Miram verò agutiam! nunquam ita*  
*creati sunt homines, ut possint rupes vorare. Iniquum igitur*  
*fuerit ab eis flagitare, ut rupem vorarent. Ista verò peccandi*  
*necessitas, ista impotentia, qua facit, ut ne idonei quidem ad*  
*bona cogitanda simus, num à prima illa creatione proficisci-*  
*sur? immo à vitiositate. Vnde autem hac vitiositas? nisi quòd*  
*is sponte defecit à suo opifice, ex quo peccandi necessitas in*  
*omnes inuasit. Atque ut eius argutiae auctorem agnoscas:*  
*expende, quae sequuntur. Denique ut semel tecum tran-*  
*sigam, audi quàm breuiter, & quàm appositè omnem hanc*  
*controversiam deciderit Calvinus. Pretendere, inquit, excusatio-*  
*nem non licet, quòd facultas desit, ac veluti exhausti debito-*  
*res, soluendo non sumus. Quicquid enim exigat Deus, ex na-*  
*tura obligatione obsequendi necessitas manet: quòd autem ob-*  
*sequi non possumus, id vitij nostri est. Quae paucis ad di-*  
*sertè expressit Albertus Grauerus magni apud Luth-*  
*eranos nominis. Articulo 18. de libero arbitrio. Nullius*  
*pili est, inquit, quòd Pontificij urgere solent, Deum non pra-*  
*cipere impossibilia, licet enim lex homini iam per lapsum Ada*  
*corrupto, sit impossibilis, tamen ante corruptionem erat possi-*  
*bilis: Iustè igitur Deus hoc ab homine per legem exigere po-*  
*test, quòd homo per lapsum Ada iniustè amisit.*

Secundò affirmant peccandi necessitatem, quâ ho-  
mines obstringi putant, à peccato non excusare; quia  
primi parentis culpâ inducta est. Ita Calvinus libro 2.  
Instit. cap. 5. num. 1. *Nego peccatum ideo minùs debere im-*  
*putari, quòd necessarium est. Si quis enim disceptare cum Deo*  
*velis, & hoc prætexit iudicium subterfugere, quoniam aliter*  
*non potuerit: habes paratam responsionem, quam alibi attu-*  
*limus; non ex creatione esse, sed natura corruptela, quòd ho-*  
*mines peccato mancipati nihil velle possunt; nisi malum. Vn-*  
*de enim ista, quam improbi libenter praesexerant, impoten-*  
*tia? nisi, quòd Adam ultro se Diaboli tyrannidi addixit. Ead-*  
dem.



dem repetit & confirmat lib. 4. in Pigh. pag. 173. Nam quod dicitur frustra esse legem, nisi sis obsequendi facultas, & similia: hac meritiò dicerentur, si hac seruitus, quæ nos impeditos tenet, natura foret, non proprij vitij. Nunc verò, cum istud semper in promptu sit, quicquid impotentia aut defectus in nobis est, culpa nostra esse imputandum: hoc responso diluuntur omnes illæ obiectiões, ac soluuntur.

Quæ in eam rem ab Caluino vberius disputantur; in pauca contrahit Chamierus tom. 3. lib. 3. cap. 2. Negabat Caluinus hanc consequentiā, si peccatum necessarium est, ergo non est peccatum. Rationes negandi sunt; Prima, quoniam idem argumentum erat Pelagianorum contra Augustinum. Secunda, quia peccata sunt non ex creatione, sed ex corruptione naturæ, quæ fuit à peccato primi hominis. Tertia, quia Diabolus necessariò semper malè agit, & tamen verè peccat.

Consentit Beza in lib. Quæst. & Respons. Christian. edit. 2. pag. 665. vbi ad hanc quæstionem, posita peccandi necessitate, peccatum tollere videtur. Respondet: Falsa est hæc consequentiõ multis modis. Nec enim necessitas excusat à scelere, si quis vltro in eius compedes sese coniecerit: ista verò necessitas, de qua nunc ago, non à natura est, sed à voluntario hominis lapsu. Et pag. 680. Homines eximi culpa non possunt, quia hæc necessitas peccandi, quæ nunc est oppressum humanum genus, non est à conditore, sed à spontanea naturalis humana voluntatis inclinatione ad malum.

Accedit Dauid Pareus lib. 2. de gratia & libero arbitrio cap. 7. pag. 177. Qui necessariò peccant, non peccant: Hæc propositio est falsa, nam Diaboli necessariò peccant, & tamen peccant. Tantum est vera de necessitate naturæ vel coactionis, non autem de necessitate ex vitio. Et l. 5. cap. 27 pag. 896. Neminem teneri reum peccati, quia non fecit, quod facere non potuit, verum est de eo, qui absque sua culpa non potuit: falsum de homine in statu peccati, qui necessitate peccandi, suâ culpâ constrictus, non potest. Scharpius quoque l. 2. de libero arbitrio cap. 3. pag. 212. Necessitas, inquit,

*peccandi, qua homo peccatum evitare non potest, hominis voluntatem non tollit, ut nec necessitas bene agendi libertatem in Deo & Angelis bonis tollit. Homo enim licet necessario liberè tamen, id est sponte & non coactè agit. Necessarium autem voluntario non opponitur. Immo qui necessario peccat sciens & volens, magis peccat, &c. quòd verò homo non possit non peccare, ipsius culpa est. Sibi enim hanc peccandi necessitatem imposuit.*

Tertiò contendunt nuperi Theologi: ex mente Augustini, illud esse discriminis inter peccatum, quod tantummodo peccatum est, & aliud, quod est etiam pœna peccati: quòd de illius ratione sit, ut caueri possit; hoc verò etiam necessarium sit. Hanc distinctionem perpetuò adhibent, ad soluenda Augustini, aliorumque Patrum testimonia, qui aiunt sæpissime, de ratione peccati esse, ut caueri possit. Ingeniosa est illa responsio, sed eam debent Caluino, qui lib. 3. in Pigh. pag. 160. obijcienti Pighio, *negat Augustinus peccare in eo quempiam, quòd caueri nullo modo possit*, ita respondet: **INSPICIAT LOCVM QVI VOLET, AN NON DE PECCATI INITIO LOQVATUR.** Mentem suam planiùs exponit pag. sequenti. Subiungit deinde Pighius, *definitionem peccati illic positam, quòd sis voluntas retinendi vel consequendi, quòd iustitia vetat, & unde liberum est abstinere.* Hanc objectionem Augustini verbis soluere se gloriatur. *Iam in his etiam verbis mentem suam Augustinus edisserat. Vera, inquit, propterea est definitio, quia id definitur, quòd tantummodo peccatum est, non etiam pœna peccati. VIDES IPSIVS AVCTORIS TESTIMONIO, NON NISI PRIMO AD PECCATO CONVENIRE HANC DEFINITIONEM.* Tum paucis interiectis, aliam Pighij objectionem proponit. *Locus, quem allegat (Pighius) ex libro de vera religione, nobis, fateor, in speciem videtur repugnare, quòd in eo dicat Augustinus de ratione peccati esse, ut caueri possit: Quam ex eodem Augustino soluit: Nunc locum demus interpretationi. Peccatum, inquit (Augustinus) illud*



*intelligi debet, quod tantummodo peccatum est, non etiam pœna peccati.*

Eandem cantilenam occinunt omnes Calvinistæ, atque Lutherani. Chamierus tom. 3. lib. 3. cap. 17. num. 18. sic loquitur: *Quod dixerat (Augustinus) usque adeo peccatum esse voluntarium, explicat cap. 13. libri 1. Retract. Potest videri, inquit, falsa hæc definitio, sed si diligenter discutatur, inuenietur esse verissima. Peccatum quippe illud cogitandum est, quod tantummodo peccatum est: non quod est etiam pœna peccati. Petrus Martyr tomo 1. Loc. Comm. Titulo de libero arbitrio: Sententia illa, quæ iactari solet, nihil habendum esse pro peccato, quod ab electione non pendeat, intelligi debet, ut Augustinus interpretatur, de eo peccati genere, quod non sit pœna peccati. David Pareus l. 5. de gratia & lib. arb. c. 27. p. 890. Ad illud Augustini, Usque adeo peccatum voluntarium malum est, ut nullo modo sit peccatum; si non sit voluntarium, sic respondet: Augustinum propriè de primo hominis peccato id dicere, quod fuerit voluntarium (secus homo iniuste fuisset reprehensus & punitus à Deo) est tam manifestum; ut Aduersarius ipse negare non possit: idque Calvinus ex retractationibus rectè demonstravit.*

Adhucne gloriabuntur Aduersarij, hanc se responsionem ex profundissimis & immobilibus Augustini principiis diuturno labore expressisse? miri certè erunt præstigiatores, si id nobis persuaserint.

#### PARAGRAPHVS V.

*Quintum effugium, quo duplicem ignorantiam inuincibilem distinguunt, ex recentioribus*

*Hæreticis captatum est.*

Nemo non exhorrescit ad truculentum illud & immane noui dogmatis effatum; *Homo in ea re peccat, quam tanere non potest. Quid? an is etiam peccat, qui*

116 DISPVT. DE LIBERO ARBITRIO  
 id committit, quod malum esse funditus ignorat?  
 Omnino. Quis id ferat? Certè tritum est illud, atque  
 peruagatum Scholasticorum placitum, *ignorantiam,*  
*que inuincibilis dicitur, à peccato excusare.* Quis id nisi  
 exhausti pudoris neget? Negant verò Aduersarij: sed  
 ita negant, vt vitandæ nonnihil inuidiæ causâ, soler-  
 tem distinctionem adhibeant. Aiunt duplicem esse  
 ignorantiam inuincibilem, facti alteram, alteram iuris:  
 ignorantiam inuincibilem facti à peccato semper excu-  
 sare: ignorantiam inuincibilem iuris, si est iuris positiui,  
 excusare etiam: si iuris naturalis, non excusare. Cuius  
 arcanæ reconditæque doctrinæ rationem inde repe-  
 tunt, quòd ignorantia iuris naturalis sit pœna peccati:  
 siquidem in statu naturæ integræ, perfecta nobis iuris  
 naturalis cognitio debebatur. Ignorantia verò, aut iu-  
 ris positiui, aut facti, pœna peccati non sit: cùm oppo-  
 sita illi notitia homini etiam in statu innocentiz posi-  
 to non debeat.

Libro 1. de  
 statu natu-  
 ræ lapsæ  
 cap. 5. 6.

Elegans, & ad eludendam argumenti vim ingeniosè  
 conficta distinctio: ex qua laudis aliquid sperare pos-  
 sent Aduersarij, nisi eam infami plagio ab turpissimis  
 Hæreticis sumpsisent. Nihil affingo. Lutherus in caput  
 12. Gen. tom. 6. edit. Wittemb. 1560. fol. 153. *Duplex*  
*est ignorantia: alia iuris, que neminem excusat; alia facti,*  
*que excusat, &c. Theologi in scholis alias ignorantia species*  
*numerant. Prima est, quam vocarunt inuincibilem, confictam*  
*ad excusanda peccata, quòd nullâ industriâ vinci, aut emen-*  
*dari possit, &c. In politicis negotiis potest esse locus inuinci-*  
*bili ignorantia. Sed hac ad res sacras, & conscientia negotia*  
*transferenda non sunt: sicut Scholastici inuincibilem ignoran-*  
*tiam dixerunt excusabilem, que simpliciter à toto excuset, id*  
*est, peccatum prorsus tollat. Tanta cecitas est in Papa scho-*  
*lis, & Ecclesiis. Et paucis interiectis: Sed quid multa? quis-*  
*quis inuincibilem hanc ignorantiam excusationem mereri*  
*statuit, euerit Scripturam sacram, & tollit è medio Christum*  
*iustitiæ solem, reuelatum ideo, vt hanc ignorantiam tolleret.*



Hieronymus Zanchius Tra&. Theol. lib. i. cap. 12.  
de ignoratione Dei, Thesi 1. *Altera ignorantia est eorum,*  
*qui cognoscere vellent, sed non possunt: atque hanc (Schola-*  
*stici) negant esse peccatum, sed pœnam tantum esse peccati*  
*consendunt, & à peccato excusare, &c. hoc non est consenta-*  
*ndum sacris litteris: neque enim ullibi lego illum simplici-*  
*ter excusari à peccato, qui simpliciter ignoras, quod scire te-*  
*nebatur. Tum distinguit duplicem ignorantiam. Prima*  
*est, earum rerum, quas iure naturæ scire tenemur: al-*  
*tera rerum, quas scire non tenemur. De secunda ita*  
*loquitur: Libenter do Scholasticis hanc ignorantiam pec-*  
*catum non esse. Et paulo pòst addit, sed primam speciem*  
*esse, nunc mihi contra Scholasticos demonstrandum est. Quod*  
*probat ex August. lib. 5. contra Iul. cap. 3. additque: Est*  
*igitur Augustinus, Patrum omnium nomine, Patronus noster*  
*in hac causa. Deinde ex Aristotele statuit, aliam esse*  
*ignorantiam iuris, aliam facti: & hanc excusare, illam*  
*verò minimè, contendit: concluditque: Summa: omnis*  
*ignorantia eorum, quæ quis scire tenetur, peccatum est: quia*  
*cum lege, quâ iubemur illa cognoscere, pugnat: siue ea cogno-*  
*scere iam possis, siue non possis. Quod enim iam non possis,*  
*peccato Adæ, quod & suum est, quia in eo omnes peccauerunt,*  
*factum est. Quare falluntur Scholastici, cum talem ignoran-*  
*tiam, quam inuincibilem vocant, ideo à peccato excusant,*  
*quia inuincibilis est, ut loquuntur: quanquam euincere e-*  
*riam possumus eam non esse simpliciter inuincibilem, cum vo-*  
*luntarium Adæ peccatum sit consequuta. Hinc eruditam*  
*illam subtilitatem hauserunt noui Theologastri, quâ*  
*sibi tantopere blandiuntur.*

## SECTIO VI.

*Novi Dogmatis calumnia ex recentioribus  
Hæreticis arrepta sunt.*

**M**IRVM sanè, novos Dogmatistas, qui se tam peritos calumniarum architectos probant, nullam marte suo procudisse: sed omnes ex Hæreticorum scriptis summâ curâ, studiôque corrasisse. Locum hunc strictim attingam; ne, si hanc sentinam diutius mouero, fœdissimum odorem inhalet.

## PARAGRAPHVS. I.

*Prima calumnia, quâ communem de libertate opinionem ut Aristoteleam & Philosophicam infamant, ex recentioribus Hæreticis arrepta est.*

Præfatione  
libri 6. de  
grat. Chri-  
sti. Libro  
Proœmiali  
cap. 2. & 12.

**C**OMMUNEM de libertatis indifferentia sententiam eâ re infamant Aduersarij, quòd ex Aristotele, ac Philosophis sit deriuata. Hinc illam Aristoteleam, & Philosophicam per ludibrium nuncupant. Atque ut ex eo nomine maiorem illi inuidiam consciscant, in Philosophiam inuehuntur atrociter, eamque quasi Hæreticorum omnium parentem, & Pelagianæ impietatis fontem exagitant: tum in recentes Theologos stylum vertunt, eosque profanâ Philosophiâ, humanâque ratione Theologiam corrupisse calumniantur. Aiunt per illos factum fuisse, ut regnaret in scholis Aristoteles, ut humana ratio sese fidei mysteriis immisceret, ut Theologia omnis in rixis, & inani verborum pugna consumeretur.

Sed antiquiores sunt illæ querelæ, & ab Hæreticis in Sorbonicos primùm, ac S. Thomam vsurpatæ; à quibus noui Dogmatistæ sic eas sumpserunt, ut ipsa



sæpe Hæreticorum verba retinuerint. Calvinus in Antidoto Decreti Sorbonici, ad artic. 2. Sorbonicorum de libertatis indifferentia sententiam, vt Philosophicam, & Aristoteleam cauillatur. Statuerant enim illi liberum arbitrium esse solutam & indifferentem ad vtrumlibet facultatem: hoc decretum Calvinus exagitat, illique ineptam & ridiculam probationem attexit in hæc verba: *Probatursic, quia Magistri Nostri sic determinauerunt post Aristotelem, & omnes Philosophos, qui rationem in homine dominam constituunt loco Spiritus sancti. Quam Caluini sententiam ita reddit Aduersarius libro Procemiali cap. 6. Quibus definiendis (de Scholasticorum controuersis loquitur) non raro magis Aristotelis commentatio, quam Spiritus sancti reuelatio præsides. Calvinus idem libro 1. Instit. cap. 15. num. 8. Papistarum (sic habet ad marginem) delirium ita confutat. Qui in homine perditus, & in spirituale exitium demerso, liberum arbitrium adhuc quarunt, inter Philosophorum placita, & celestem doctrinam partiendo planè desipiunt. libro verò 2. cap. 2. num. 4. Nimis ergo Philosophicè hac de re loquuti sunt, qui se Christi iactabant esse discipulos. Nam quasi adhuc integer staret homo, semper apud Latinos liberi arbitrij nomen extitit. Græcos verò non pauidis multo arrogantius usurpare vocabulum. Siquidem αὐτοκρατορία dixerunt, ac si potestas sui ipsius penes hominem fuisset. Et libro 3. cap. 2. num. 2. ait, Scholasticos Theologos velut obducto velo Christum texisse, & plurima mila illis accepta referri debere.*

Id multò luctuosius queritur Philippus Melancthon, in Locis Theologicis, apud Tapperum artic. 7. pag. 225. Et in hoc quidem loco, cum prorsus Christiana doctrina à Philosophia, & humana ratione dissentiat, tamen sensim irrepfit Philosophia in Christianismum, quia receptum est impium de libero arbitrio dogma, & obscurata Christi beneficentia per profanam illam, & animalem rationis nostra sapientiam. Vsurpata est vox liberi arbitrij à diuinis litteris, à sensu, & iudicio Spiritus alienissima, quâ videmus sanctos viros non raro

120 DISPUT. DE LIBERO ARBITRIO  
*offensos esse. Additum est à Platonis Philosophia vocabulum  
rationis aequè perniciosum. Nam perinde atque his posterio-  
ribus Ecclesia temporibus Aristotelem pro Christo sumus am-  
plexi; ita statim post Ecclesia auspicia per Platoniam Phi-  
losofiam Christiana doctrina labefactata est. Ita factum  
est, ut præter Canonicas scripturas, nulla sint in Ecclesia sin-  
cera scripturæ. Redolet Philosophiam quidquid omnino Com-  
mentariis proditum est.*

Idem Melancthon in Apologia pro Martino Luthe-  
ro, in Sorbonicos acriter inuehitur, quòd apud eos  
Scholastica Theologia nata primùm sit, & exculta.  
*Quaquam, inquit, ubi rem propius considero, videtur Lu-  
tetia non peccare nunc primùm, sed iam olim ineptire, cum  
Ecclesiastica doctrina humanis disputationibus vitata phi-  
losophari cepit. Constat enim natam esse Lutetiae profanam  
illam scholasticam, quam Theologiam vocari volunt, quâ ad-  
missa, nihil salui reliquum est Ecclesiae, Evangelium obscu-  
ratum est, fides extincta, recepta operum doctrina, & pro  
Christiano populo, ne legis quidem, sed Moraliū Aristotelis  
populus sumus, & ex Christianismo, contra omnem sensum  
spiritus, facta est quedam philosophica viuendi ratio. O vi-  
tiam! Sorbonici, contingat vobis spiritalibus oculis cernere,  
quid Ecclesia damni dederit vestra illa apud vos & nata, &  
exculta Scholastica, quam à vobis acceperunt, quasi per ma-  
nus reliqua Europa Gymnasia. Quàm hæc similia sunt iis,  
quæ ab noui dogmatis auctoribus in Scholasticam  
Theologiam iaciuntur!*

Lutherus eadem impudentiâ Scholasticam Theolo-  
giam calumniatur, in Confutatione Rationis Lato-  
mianæ, sub finem. *Ex iis puto satis monstratum, Theo-  
logiam Scholasticam esse aliud nihil, quàm ignorantiam ve-  
ritatis, & scandalum iuxta scripturæ positum, &c. Ex fru-  
ctibus suis cognoscitur Philosophia, & Scholastica Theologia.  
Thomas (Aquinas) auctor est regnantis Aristotelis vasa-  
toris pia doctrina, &c. Videte, ne quis vos seducat per Phi-  
losofiam, & inanem fallaciam: hanc ego Scholasticam Theo-  
logiam*



*logiam interpretor. Item: Meum est consilium, ut adolescentes vitent Philosophiam & Theologiam Scholasticam, ut mortem animæ sue. Quis dubitet idem noui Doctoris consilium extitisse, cum Philosophiâ & Theologiâ Scholasticâ crucem Christi euacuari scripserit? Per illum profectò non stetit quin toto orbe Catholico Scholastica Theologia exularet, libenter enim Christianis Principibus persuasisset, ut Eduardum Angliæ Regem imitarentur: de quo Graulina ita scribit in Præscriptionibus pag. 168. Eduardus Angliæ Rex, Henrici octani sanguinis & erroris hares nedum Collegia, & vniuersitates Theologicas euertit, sed Scholasticos Doctores incusans & Bibliothecis extraxit, ita ut collecta ingenti mole librorum, & pheretro imposita rogo tandem traderentur, clamantibus, & euantibus adolescentulis hoc modo, funus Scoti & Scotistarum.*

Sed nihil æquè noui dogmatis in vexanda lacerandâque Scholastica Theologia cum Luthero consensum prodit, quàm Censura Sorbonica, quâ Lutheri errores damnantur, ex qua hîc articulos aliquot subiiciam.

### III. PROPOSITIO LVTHERI.

Theologia Scholastica est falsa Scripturæ & Sacramentorum interpretatio, & exulem nobis fecit veram, & sinceram Theologiam.

#### CENSURA SORBONÆ.

*Hac propositio est falsa, temerariè ac superbè asserta, ac sane doctrina inimica.*

### V. PROPOSITIO LVTHERI.

Quo tempore cœpit Theologia Scholastica, id est, illusoria, eodem euacuata est Theologia crucis, suntque omnia planè peruersa.

#### CENSURA SORBONÆ.

*Hac propositio est falsa, presumptuosè & irrationabiliter asserta, & errori Bohemorum damnato vicina.*

## VI. PROPOSITIO LUTHERI.

Libidinem corrumpendæ Scripturæ iam ferme trecentis annis patitur Ecclesia, incomparabili damno suo, à Doctoribus Scholasticis.

## CENSURA SORBONÆ.

*Hæc propositio est falsa, stultè & malitiosè asserta.*

Hanc Parisiensis Academix Censuram adedò nihil extimescit nouæ opinionis Coryphæus, ut has ipsas Lutheri propositiones probandas, illustrandas, confirmandasque susceperit. Primam, quâ Lutherus ait, *Scholasticam Theologiam exulem fecisse veram Theologiam*, sic amplificat libro Procemiali capite 28. *Recens Theologia ad humanæ rationis modulum, & Philosophiæ gentilis regulas concinnata, &c. Tantùm ab ostio veræ Theologiæ aberravit, ut neque fidem Christianam, neque spem, neque cupiditatem, neque charitatem, neque naturam, neque gratiam; eamque, neque Angelorum, neque hominum, neque stantium, neque lapsorum, neque sufficientem, neque efficacem, neque operantem, neque cooperantem, neque prauentientem, neque subsequentem, neque excitantem, neque adiutantem, neque vitium, neque virtutem, neque opus bonum, neque peccatum, neque originale, neque actuale, neque meritum, neque mercedem eius, neque premium, neque supplicium creatura rationalis, neque beatitudinem, neque miseriam eius, neque liberum, neque seruum arbitrium, neque predestinationem, neque effectum eius, neque timorem, neque amorem Dei, neque iustitiam, neque misericordiam eius, denique neque vetus, neque nouum testamentum intelligere videatur: sed Babylonicam quandam confusionem, Cimmericasque quasi tenebras in Theologiæ moralis faciem, nimium ratiocinationibus indulgendo, intulisse. Quisquis hæc thrasonico efflata spiritu, & ex effreni impotentique maledicendi libidine temerè deblatterata non putat, Aduersarij iudicio minus est modestus. Nam cum ipse ex longiori illo pneu-*



mate respirasset, eaque sedato relegeret animo, quæ quodam veluti æstro percitus effutierat, fassus est ingenuè modestiorem quemlibet tam insolenti scribendi ratione offendi debere. *Hyperbolicè*, inquit, *vel temerè me ista fundere citra dubium lector quisque modestior arbitrabitur.* Arbitrabitur sanè, stupebitque qua fronte Catholicus scriptor hanc Lutheri propositionem: *Scholastica Theologia exulem nobis fecit veram, & sinceram Theologiam*, Parisiensis Academiæ censurâ, & Christianorum omnium execratione damnatam, tanto verborum & sententiarum apparatu ac pompa, tot maledicentiæ figuris, & calumniarum aculeis ornarit, probarit, amplificarit.

Alteram Lutheri propositionem quâ ait: *Theologiâ Scholasticâ euacuari Theologiam crucis*, longiori oratione Aduersarius non explicuit, quòd ipsa per sese satis atrox foret, sed illi ex Augustino auctoritatem conatus est adiungere libro 9. de Hæresi Pelagiana cap. 23. vbi hæc Augustini verba Theologiæ Scholasticæ accommodat: *Sapientia verbi, quâ euacuatur crux Christi.* Postremam denique Lutheri calumniam, quâ Scholasticos criminatur, quasi à trecentis annis Ecclesiæ doctrinam perturbarint, fusè dilatat nouus Doctor toto capite 30. libri Proæmialis. Neque id tantùm à trecentis annis vt Lutherus, sed à quingentis contigisse ait. Nam cùm ita opposuisset sibi: *Scholasticorum sententias*, quas ab Augustino tanquam Pelagianas damnari contendit, iam à quingentis ferè annis per vniuersam penè Ecclesiam fuisse familiares, ideòque sequi Ecclesiam penè totam errorum esse ream. Respondet: verè quidem Scholasticos Doctores ab eo tempore Augustini doctrinam tot sæculis antè receptam probatamque per susceptionem contrariarum opinionum aboleuisse, & ex Scholis exturbasse: sed negat, ullâ Scholasticarum opinionum vetustate, quantocunque patrocinantium numero roboratâ, quibuscunque locis diffusâ, quocunque aetatibus propagatâ fidem Ecclesia maculari. Si quæ-

rerem, quò auolarit Ecclesiæ doctrina, aut vbi delituerit quingentis illis annis, quibus contrariæ Scholasticorum sententiæ totum orbem. Christianum inundarunt, non leue Aduersariis negotium facerem. Sed istud modò non premo, hoc vnum obseruatum velim, Lutherum de Scholastica Theologia multò modestiùs scripsisse: & tamen eius propositiones à Parisiensi Academia damnatæ sunt tanquam *falsæ, temeraria, superbè asserta, sana doctrina inimica, presumptuosè & irrationabiliter asserta, & errori Bohemorum damnato vicina*. Quibus verbis 29. Wicleffi articulū designat Constantiæ damnatum, quo pari impudentia Theologiam lacerabat. Fuit enim ille Scholasticæ Theologiæ Calumniatorum Antesignanus, càmque tanto prosequutus est odio, teste Waldiensi tomo 1. libro 2. artic. 3. capite 67. vt Theologiæ Scholas appellaret, *Castra Carmelitica, quatuor mendicantium ordines in nomine Caii figurando, ita vt C, Carmelitas; A, Augustinienses; I, Iacobitas; M, Minores significet*.

Hæc sunt Hæreticorum in Theologiam Scholasticam conuicia, quæ ipsi quoque Stancaro tam atrocita visa sunt, vt eius patrociniū aduersus tam iniustos Criminatores suscepit libro de Trinitate & Mediatore, scripseritque: *Petrum Lombardum pluri esse, quàm centum Lutheros, ducentos Melancthones, trecentos Bullingeros, quadringentos Petros Martyres, quingentos Caluinos. Qui si omnes in mortario contunderentur, non exprimi posset vna uncia vera Theologia*. An idem de recenti Theologorum Calumniatore dicendum sit, lectoribus statuendum relinquo. Vnum hoc moneo testari plurimos, vix illum accuratiori, & pugnatrice illâ Theologiâ leuiter fuisse perfusum. Atque illud fortasse fuit in causa, cur eam tantopere fastidiat, & auersetur. Nam inde quoque Caluinistarum in Scholasticam Theologiam odium exarsit, vt scribit Claudius Espencæus Parisiensis Theologus in Digressionibus ad postero-



rem D. Pauli Epistolam ad Timotheum pag. 251. *Calvinista, inquit, conviciis laceffunt, quam vin à limine salutarunt Scholasticam, ac tantum non dedignantur: sed non aliter forè, quàm apud Gabrielem Poëtam Gracum, vulpes vuas procera cuiusdam vitis diu conspicata, & decerpere frustra conata, tandem eas se despiciasni ducere, ac damnare dixit, quòd viderentur acerbiores.*

## PARAGRAPHVS II.

*Secunda Calumnia, quâ communem de libertate sententiam Pelagianismi notâ inurunt, ex recentioribus Hæreticis arrepta est.*

GRAVIOR est altera nouæ factionis calumnia, cui concinnandæ temporis multum, & operæ perdidit: quodd hac vñâ communem de libertatis indifferentia sententiam infamari penitus, & explodi arbitrentur. Pugnant illam ex omni parte Pelagianam esse: quod vt persuadeant efficacius, eam diuidunt in partes, & singulis Pelagianismi notam inurunt. Verum in hac calumnia tam infelicitè sunt versati, vt nulla in recentibus Theologos Pelagianismi criminentur, in qua Lutherani, atque Calvinistæ Tridentinos Patres, Sorbonicos, aliòsque Doctores Catholicos, eiusdem Pelagianismi non insimularint. Vnde quilibet facile suspicetur, eos suum illud *Parallelum opinionis quorundam recentiarum cum opinione Semi-Pelagianorum*, ex perpetuis, & integris Hæreticorum locis texuisse, in quibus vnum hoc mutauerint, quòd vbiçumque Tridentinorum Patrum, Sorbonicorum, aliorumque Catholicorum nomina legerunt, eorum loco recentium Theologorum nomen posuerint. Pauca hic adscribam, ex quibus de reliquis coniecturam facies.

Primò, vniuersim pronuntiant recentiores Theologos Pelagij hæresim, etsi verbo tenus execrentur, re

Libris octo  
de Hæresi  
Pelagiana,  
& reliquo  
deinceps  
opere.

126 DISPUT. DE LIBERO ARBITRIO  
tamen ipsâ confectari. Lutherani omnes, atque Calu-  
nistæ idem Tridentinis Patribus, Summis Pontifici-  
bus, Sorbonicis, aliisque Catholicis imponunt. Chem-  
nitius in Examine Concil. Trid. ad sess. 6. edit. Fran-  
cofurtiensis : *Hoc memori mente reponamus, & noueri-*  
*mus non serîo, sed pro forma tantum fieri, quando Pelagia-*  
*nismum damnant Pontificij.* Synodus Caluinistarum Dor-  
drechtana pag. 728. PONTIFICII PELAGIANORVM  
ERRORIBVS, TAMETSI VERBIS ID NEGARE  
VIDEANTVR, RE VERA PARTICIPANT. Lu-  
therus in assertione articulorum, summum Pontificem,  
eiusque Theologos Pelagianos vocat; immo & Pela-  
gio nequiores esse calumniatur.

Secundò, recentium Theologorum opinionem per  
partes cum Semi-Pelagianorum errore committunt,  
in multisque deteriorem esse pugnant. Quis non putet  
hoc fieri Caluini exemplo? qui lib. 3. in Pigh. pag. 183.  
Catholicorum de libero arbitrio sententiam cum Pe-  
lagianismo componit, illudque suum *Parallelum* ita  
auspicatur. *Quod autem toties cum Pelagianis nihil se ha-*  
*bere commune taceat, nescio quos hic Pelagianos commini-*  
*scatur. Neque enim tantum cum iis, quos describit Augusti-*  
*nus, multa habet similia: sed eorum quibusdam multo est*  
*deterior. Quod pluribus ostendere conatur, illudque*  
*identidem usurpat, ubi nunc tantum illud inter Pighium,*  
*& Pelagianos dissidium, quo tantopere gloriatur? totum-*  
*que hoc Parallelum ita concludit pag. 191. Ergo ut ali-*  
*quando claudatur hic liber, frustra se à Pelagio disjungere co-*  
*natur Pighius, cuius societate cum teneri implicitum tam*  
*apertè demonstrauimus.*

Petrus Martyr tomo 1. Loc. Comm. titulo de libe-  
ro arbitrio, idem *Parallelum* instituit inter Pontificios  
& Pelagianos, illique hunc titulum ad marginem præ-  
figit, *Collatio inter Aduersarios nostros, & Pelagianos: cam-*  
*que sic inchoat: Neque verò Aduersariorum nostrorum de-*  
*creta longè discedunt à Pelagijs.* Melancthon in Apolo-



gia pro Luthero, aduersus Sorbonicos: PELAGIANI, IMMO PELAGIANIS IMPVRIORES SVNT SCHOLASTICÆ THEOLOGICÆ SCRIPTORES. Tum ad Sorbonicos conuersus, PRÆTER SCHOLASTICA, HOC EST PELAGIANA, NIHIL CAPITIS.

Tertio, affirmant Pelagianum esse, quod recentes Theologi mordicus tuentur, gratiam ita voluntatem præuenire, ut integrum nobis sit eam admittere, vel respuere. Eandem ob causam Lutherani, atque Calvinistæ Pontificios Pelagianismi reos faciunt. Zanchius Tractat. Theolog. lib. 1. cap. 6. Thes. 7. pag. 96. *Docuerunt, & adhuc Sophista docent* (sic Pontificios Theologos vocat) *Pelagiani, gratia nomine intelligi motionem quandam Dei, quæ intus præuenis voluntatem, sed ita ut relinquas eam liberam, ut oblatam salutem vel amplectatur, vel respuat.* Breuius pag. 131. *Nostri Semi-Pelagiani statuunt ita offerri voluntati gratiam, ut voluntas sit libera ad illam amplectendam, vel respuendam.* Nihilò moderatior est Calvinus. Nam lib. 2. Instit. cap. 3. num. 13. cui hic titulus ad marginem apponitur, *Probatum multis locis fuisse Augustini sententiam, non offerri tantum à Deo gratiam, quæ libera cuiusque electione aut recipiatur, aut respuatur, hæc habet: Audiamus nunc Augustinum suis verbis loquentem, ne atatis nostra Pelagiani, hoc est, Sorbonici Sophista, totam verustatem nobis aduersam pro suo more criminantur, in quo scilicet patrem suum Pelagium imitantur.* Eandem calumniam recoquit Petrus Martyr, in Locis Comm. Titulo de gratia Dei, num. 12. *Recentiores Theologi, vel Sophistæ (sic Hæretici omnes Pontificios Theologos vocant) ne prorsus viderentur cum Pelagio conuenire, ita statuunt, gratiam quidem primò accedere sed nostrum esse eam aut recipere, aut respuere. Atqui hoc nihilo melius est, quàm illud Pelagii.*

Quarto, Pelagianum esse vociferantur, quod vulgò dicitur, pendere à nobis bonum vsum gratiæ, atque

128 DISPUT. DE LIBERO ARBITRIO  
 adeo iustificationem nostram, non diuinæ tantum gratiæ, sed & liberrati nostræ esse tribuendam. Illud ipsum Calvinus Tridentinis Patribus Pelagianismo vertit in Antidoto Concilij Trident. ad sess. 6. *Postquam singulari Dei beneficio factum est, ut communi veteris Ecclesiæ consensu Pelagij repudiaretur impietas, non tam protervè amplius de hominum meritis garrere ausi sunt. Mediam tamen viam excogitarunt, ut in homine iustificando, neque totum Deo, neque nihil darent. Hac moderatio est, quam tenent Venerandi Patres, ut aliquanto se magis verecundos ostendant, quàm fuerit Pelagius. Eandem ob causam Pontificiis omnibus Pelagianismum aspergunt Dordrechtani pag. 728. Pontificij Pelagianorum erroribus, tamesi verbis id negare videantur, re vera participant. Voluntatem enim non renatam dicunt posse cooperari gratiæ præuenienti, & efficaciam huius à libero arbitrio pendere. Hubertus Sturmius lib. de præd. edit. Hannou. anni 1604. pag. 11. Si totam salutis gloriam nobis assumimus, deteriores sumus Pelagio; si vero hic cum Deo partimur, meri Pelagiani sumus.*

Quintò, ferre non possunt gratiæ sufficientis nomen, iurantque communem de illa doctrinam, putum putumque Pelagianismum esse. Ita Synodus Dordrechtana pag. 730. *Bellarminus, cum Concilio Tridentino, & Pelagio, intelligit per gratiam præuenientem, vocationem, cuius efficacia ab hominis ingenio pendet. Atque hanc gratiam Sophistæ tales appellant auxilium sufficiens ad conversionem, quod omnibus hominibus dari volunt. Hubertus Sturmius lib. de præd. PELAGIANI AC SEMI-PELAGIANI NOSTRI DICUNT GRATIAM DEI OMNIBVS OFFERRI, ac in arbitrio hominis esse situm oblatam vel acceptare, vel repudiare.*

Sextò, aiunt gratiam illam, quæ infidelibus ante fidem tribui dicitur, Pelagianum esse commentum ad eleuandam Christi gratiam confectum, contenduntque acerrimè, ex Augustini mente fidem esse primam gratiam.



gratiam. Non ab simili strophâ Catholicos aggreditur Petrus Martyr, tom. 1. Loc. Comm. Titulo de libero arbitrio num. 9. *Neque verò, inquit, Aduersariorum nostrorum decreta longè discedunt à Pelagianis. Illi enim docuerunt naturam adiutam gratiâ creationis, & doctrinâ legis, posse rectè agere: isti verò dicunt, naturam gratiâ præueniente, & pulsante adiutam posse bona facere, quæ Deo placeant, &c. Apud Augustinum autem, qui aduersus istos fortiter dimicauit, nihil est discriminis inter rectè agere alique gratia, & rectè agere extra fidem Christi. Et num. 13. Apparet ergo eos qui aliam gratiam sibi fingunt, quàm eam, quâ iustificamur, & in Christum inserimur, obtrudere nobis humanum commentum, vel potius Pelagianum perfugium, quod diuine littere non agnoscant.*

Septimò, recentioribus Theologis irascuntur, quòd dicant, Deum omnes ac singulos homines velle saluos fieri, & Christum pro omnibus, ac singulis mortem obiisse: atque hanc sententiam non tantùm Pelagianorum errori affinem, sed etiam ab ipso Pelagio fluxisse contendunt. Hæretici eadem Catholicis obiciunt. Calvinus lib. de æterna Dei prædest. pag. 706. Beza lib. de æterna Dei prædest. pag. 419. Et Synodus Dordrechtana pag. 300. 354. aiunt eos, qui Christum pro omnibus mortuum esse docent, *populo perniciosum Pelagianismi venenum propinare.*

Octauò, argumenta, quibus recentiores Theologi libertatis indifferentiam probant, ab Pelagianis sumpta esse criminantur. Primum est, quod necessariò sit, non esse peccatum. Secundum, virtuti, & vitio verti non posse, quod necessariò sit. Tertium, exhortationes, & præcepta frustra esse, si non sit in nobis libertatis indifferentia. Eâdem calumniâ Catholicos vexant Hæretici. Calvinus lib. 2. Instit. cap. 5. vbi confutat argumenta, quibus vtuntur Catholici ad astruendam libertatis indifferentiam, num. 1. sic primam obiectionem proponit. *Si peccatum, aiunt, necessitatis est,*

*iam definit esse peccatum. Tum respondet: Hac Pelagij quoque arma erant ad impetendum Augustinum. Ad marginem verò id habet: Primum absurdum à Pelagio mutatum. Num. 2. ita loquitur, Subiiciunt, nisi ex libera arbitrij electione, tum vitia, tum virtutes procedunt, non esse consentaneum, ut homini vel pœna instigatur, vel premium rependatur. Hoc argumentum etsi Aristotelicum est, fateor tamen à Chrysostomo, & Hieronymo alicubi usurpatum. Pelagianis tamen fuisse familiare, nec ipse Hieronymus dissimulat. Margini illud adscribit, Alium absurdum ab Aristotele & Pelagio desumptum. Num. 4. Instant, inquit, frustra exhortationes suscipi, &c. Respondet, Similia olim, cum obiectarentur Augustino, libellum de correptione & gratia scribere coactus est. Consentit quod è regione margini attexit: Quartum absurdum à Pelagianis olim obiectum. Quæ toties repetit, quoties illorum argumentorum meminit, ut in Antid. Conc. Trid. ad sess. 6. ubi ad illam objectionem, Deus impossibilia non iubet, respondet: Vexabant etiam Augustinum hæc calumniæ Pelagiani. Et lib. 4. aduersus Pigh. pag. 180. & sequentibus. Caluinum sequuntur Hæretici omnes, atque hæc vnâ fere calumniâ se ab iis argumentis defendunt. Quanquam & in ea re nonnulli paulò sunt moderatiores, quàm Aduersarij. Nam ex eo, quòd Pontificij eodem vtantur argumento, quo Pelagiani, nolunt continuò sequi, eos esse Pelagianos. Chamierus tomo 3. lib. 3. cap. 3. num. 4. ubi soluit Catholicorum argumentum de præmiis, & pœnis, quod Caluinus ab Pelagianis mutuatum fuisse dixerat: Repetenda est, inquit, Caluini protestatio ex primo argumento isidem mutuato à Pelagianis. Negabat enim, se velle Papistas Pelagij nomine pregrauare, donec de re ipsa satisfactum à se fuisset. Non igitur ex eo, quod hoc argumento Papistæ cum Pelagianis vtuntur, idcirco statim concludebas Papistas esse Pelagianos.*

*Quàm importunè Lutherani atque Caluinistæ Pe-*



lagianismum Catholicis impingant, ex iis etiam scriptoribus, qui cum illis dimicarunt, liquidò constat. Thomas Stapletonusto. 2. pag. 410. PROTESTANTES, inquit, IN QVÆSTIONE DE GRATIA ET LIBERO ARBITRIO PELAGIANA DOGMATA NOBIS IMPINGVNT, *seque ac suam doctrinam Pelagianorum hæresim impugnare aiunt. Sed id dum faciunt in Manichæi insanias ruunt, & Scyllam Pelagianam declinantes, in Charibdim Manichæam impingunt, &c. Quid enim eis prodest contra Pelagianos adiuuantem gratiam asserere, cum tamen cum Manichæis liberum arbitrium tollant. Ac demum ita concludit: Egregia ergo & callidissima, sed vana, & improba astutia. Pelagianismum se impugnare Protestantes aiunt, & Pelagianismi Catholicos redarguunt, dum Pelagium declinantes, vel Manichæo adherent, vel in tertium quoddam extremum delati, deteriora Pelagianis docent. Et Driedo libro de Concordia liberi arbitrij cap. 1. Sunt iam, sicuti fuerunt & olim, improbi divina gratia defensores, contradicentes quidem Pelagiana hæresi, eorumque erroribus, sed dum insipienter id faciunt, incidunt & ipsi in duo præcipuè mala, unum quòd Catholicos Patres & TOTVM DOCTORVM SCHOLASTICORVM COETVM PELAGIANORVM NOMINE CRIMINANTVR; alterum quod etiam ipsi alio peruersitatis genere insanientes hæresim noui erroris inducunt.*

## PARAGRAPHVS III.

*Ex iisdem Hæreticis descripta est tertia calumnia, quâ inscitia ac Semi-Pelagianismi notam iisdem scriptoribus aspergunt, qui aliquam Prædestinarianorum hæresim extitisse testantur.*

INTER proscriptas superiorum temporum hæreses, quas Lutherani atque Calvinistæ excitasse denuo,

& ab inferis reuocasse dicuntur, non extremum locum obtinet Prædestinatio nō Hæresis. Hæc nata primū est quinto seculo, vt grauissimi auctores referunt, Prosper, Sigebertus, Genebrardus, Baronius, aliique pene innumerari. Emergit rursus seculo nono à Goteschalco Orbacensi Monacho instaurata, quem Hincmarus in Epistola ad Nicolaum Papam vocat, *Habitu Monachum, mente ferinum, quietis impatientem, & vocum nouitate delectantem, ac inter suos mobilitate noxia singularem.* Qui è Monasterio irregulariter egressus peragratis regionibus plurimis, suum vbique dogma profeminauit. Quod à veterum Prædestinatio nō hæresi nihil discrepasse testantur Hincmarus in Epistola ad Nicolaum Papam, Rabbanus in Epistolis ad Eberhardum Comitem, & ad Hincmarum, Trithemius in Hirsaugiensi Chronico ad annum 851. Sigebertus ad annum 849. Flodoardus l. 3. hist. cap. 28. quos sequuntur Baronius, Binius, Grauius, Coccius, aliique scriptores Catholici. Wicleffus eandem hæresim recoxit, vt auctor est Thomas Waldensis l. 1. Doctrinalis fidei articulo 1. cap. 22. *Inter hæc, inquit, surrexit hæresis PRÆDESTINATORVM in Ecclesia, qui vt reor occasione sumpta quorundam verborum Augustini præfatam necessitatem firmabant: de quibus in Chronicis Prosperi sub tempore Celestini Papa, &c. Tum paulo post: Destruerunt hi prædicti liberum arbitrium: quidam publicè sicut Manichæi, & Iovinianistæ, quidam occultè sicut PRÆDESTINATI, & Vvicleuistæ: qui profitentur quidem liberum arbitrium saluare, & saluant quidem exemplariter, sed destruunt in effectū, PRÆDESTINATI quidem in hominibus, & Angelis, quibus solis necessitatem prædictam ascribunt, Vvicleuistæ, &c. Eiusdem hæresis instauracionem Ioanni Huss Bohemo tribuunt Alphonsus à Castro, Sebastianus Medices, & Gabriel Prateolus verbo Prædestinati. Docent insuper illam ab hodiernis Hæreticis suis è cineribus rediuiuam excitari. Prateoli verba sunt: De hac hæresi & eius immigra-*



*sione his extremis temporibus, vide plura in Husitis, & Martino Luthero.* Illud ipsum Calvinistis exprobrant scriptores Catholici Claudius de Sainctes Ebroicensis Episcopus in Atheismis Caluini, Dominicus Graulina pag. 671. Iacobus Gaulterius in Chronologia pag. 381. & 603. Nicolaus Romæus in Caluini Effigie pag. 58. Serrarius libro 1. rerum Mogunt. cap. 33. Becanus in quæstionibus Calvinisticis contra Pareum quæst. 3.

Pupugiteares Calvinistas, qui cùm opinionem suam à Prædestinatariorum errore secernere non possent, audax tandem consilium iniuere. Statuerunt Historicorum omnium fidem accusare, qui aliquam Prædestinatariorum hæresim extitisse scripserunt. Atque ut ex ipsis Catholicorum querelis aliquam opinioni suæ auctoritatem accerferent, pugnaverunt non alios fuisse Prædestinarios, quàm qui sancti Augustini doctrinæ, atque adeo Catholicæ opinionis impensius addicti, à Semi-Pelagianis vexati sunt, atque hoc infami Hæreticorum nomine appellati. Quamobrem adeo illud Prædestinatariorum nomen Calvinistæ non abnuunt, ut illud vertant in laudem, sèque illa appellatione Augustini sectatores dici gloriantur. Qua de re vberimè scripsit Iacobus Vsserius Hibernorum Calvinistarum antesignanus libro Dublinij edito anno 1631. quem ita inscripsit: *Gotteschalci & Prædestinataria controversia ab eo mota historia.* Vbi acriter contendit non alios fuisse Prædestinarios, quàm qui Augustini sententiam aduersus Semi-Pelagianos propugnarunt. Unde Catholicis scriptoribus insultat pag. 26. quòd Prædestinatariorum opinionem è graueolentibus priscorum hæreticorum bustis ab hodiernis resossam Calvinistis scribant, vel ut ipse ait, calumnientur.

Nouæ opinionis artifex, cùm intelligeret ex illa Prædestinatariorum hæresi non minorem sibi quàm Calvinistis inuidiam constari, illud ipsum Calvinistarum suffugium arripuit, & scriptores omnes qui Præ-

Libro 6. de  
hæresi Pela-  
giana cap.  
23.

destinationæ hæresis meminerant, tanquam Augustinianæ doctrinæ calumniatores atrocibus verbis infectatus est. Caput integrum in ea re consumit, cui titulum fecit: *De Prædestinarianis & eorum hæresi, non esse hæresim, sed calumniam, qua Massilienses sancti Augustini doctrinam infamarunt.* Quo capite Hiberni illius Calvinistæ disputationem integram ad verbum ferè descripsit, neque verò, ut gratitudo postulabat, illius nomen appellauit, vnde ista sumpserat, sed omnia ita proposuit, ut ea sibi venisse primùm in mentem non obscure significarit. Quàm immeritò ex iis quæ subiicio cognosce.

Primò ita pronuntiat: *Itaque Hæretici illi Prædestinariani, non fuerunt alij quàm sanctus Augustinus, Prosper, Hilarius, & quotquot eorum doctrinam sequebantur. Calvinista verò pag. 25. Prædestinatos non alios fuisse quàm eos, qui Augustinianam de prædestinatione sententiam sunt amplexi. Addit Aduersarius: Qui Augustini doctrinam sequebantur Prædestinarianorum nomine indigetantur Semi-Pelagiani, atque inter hæreticos collocarunt. Vel ut habet inferiùs: Inuidioso nomine traductos inter Hæreticos, &c. Calvinista autem pag. 18. ait, Semi-Pelagianorum fuisse istas technas, qui nouella cuiusdam Prædestinarianæ hæreseos excogitato odioso nomine, ipsius Augustini Orthodoxam de prædestinatione doctrinam prægauare studuerunt.*

Secundò ita argumentatur: *Hincmarus ait Prædestinarianorum hæresim primùm in Africa, postea in Galliis per idem tempus, quando & Nestoriana hæresis nascebatur, exortam esse, & tempore Celestini Papæ, & instantia sancti Prosperi remittam esse. Tum paulo pòst: Ex quibus clarè ostenditur, non Prosperum, aut Celestinum Hæreticos Prædestinarianos instantiâ, aut auctoritate sua remicisse, ut Hincmarus ait, sed Massilienses Presbyteros, qui praua dogmata de prædestinatione ex Augustini, & Prosperi scriptis inferebant. Quæ Hibernus Calvinista sic expresse rat: Quid*



de Hincmari auctoritate statuendum sit, qui commentitiam hanc Prædestinarianorum Hæresim primum in Africa, postea in Galliis, per idem tempus quando & Nestoriana hæresis esse exortam; & tempore Celestini Papa, ipsius auctoritate & instantiâ S. Prosperi reuictam esse asserit. Paucis interiectis: Ex istis responsionum Prosperi libris constas, non quidem à Prædestinarianis nescio quibus, sed à Pelagianorum reliquiis, Augustini doctrinam in prauum sensum calumniosè fuisse desortam: cuiusque innocentiam, Prosperi & Hilarij instantiâ, aduersus istorum calumnias à Celestino assertam fuisse. Mox: Sed extitisse tum Prædestinarianæ alicuius hæreseos defensores alios, à Celestino, & Prospero refutatos, Hincmari commentum est.

Tertiò, idcirco Prædestinarianam Hæresim explo-  
dit, quòd primus omnium, qui dogma Prædestinarianorum recensuit, fuit Gennadius Massiliensis Presbyter, non mediocriter de Semi-Pelagianahæresi suspectus, & Augustino periniquus, quem tanquam ex multiloquio peccantem, & errantem taxat. Calvinista quoque pag. 19. ait, Gennadium Massiliensem de Prædestinarianis primum scripsisse. De quo ista subnectit: Quà à Massiliensibus suis imbutus persuasione Gennadius, quo animo in Augustinum affectus fuerit satis apernis, cum illum in multiloquio non effugisse peccatum pronuntiat.

Quartò, Gennadium ab Isidoro Hispalensi correctum fuisse scribit. S. Isidorus Hispalensis Episcopus, cum librum istum Gennadij vidisset, atque inde plures hæreses isdem omnino verbis descripsisset. Pelagianos à Gennadio prætermisos addidit, & Prædestinarianos à Gennadio positos prætermisit. Quæ sumpta sunt ex eodem Hibernorum Calvinistarum Primate ita scribente pag. 20. Itaque Isidorus Hispalensis relicto hic Gennadio, quem aliàs in suo Hæreticorum catalogo sequi solet, Prædestinarianorum horum mentione prorsus prætermisâ, Pelagianorum hæresim eorum loco, iudicio longè rectiore substituit.

Quintò, sic disputat: Omnia quæ Sigebertus, Hincma-

rus, maximèque Gennadius Prædestinarianis adscribunt, sunt ipsissima illa dogmata, quæ Semi-Pelagiani tanquam ab Augustino tradita, atque in eius libris expressa carpebant. Quod pluribus probare nititur ex Prospero, & Augustino. Sed nihil prorsus eo loci affert, quod idem ille Calvinista non scripserit pag. 20. & 21. ubi illud argumentum sic aggreditur: *Atqui nihil est eorum quæ Prædestinarianis ab Gennadio, Hincmaro, aut ipso etiam Sigeberto tribuuntur; quod non à Pelagianis & Semi-Pelagianis, ipsi Augustino, & eius sectatoribus attributum fuisse comperimus.* Si Augustini ac Prosperi locos quibus id euincere conatur, cum iis conferrem quos Aduersarius ad illud ipsum probandum congerit, ex utroque paginas duas exscriberem: adeo nihil inter se discrepant.

Sextò, superius argumentum ita concludit: *Ex his luce meridiana manifestius est, Prædestinarianorum hæresim non esse aliud nisi doctrinam Augustini & Prosperi inuidiosè propositam.* Eadem est Calvinistæ conclusio. Unde, inquit, manifestum existit, non ex libris Augustini malè intellectis, ut Sigeberto visum est, sed ex Augustini libris rectè intellectis, sensisse Massilienses, & alias Pelagianorum reliquias, iustà consequentiâ deducta fuisse nefanda illa, quæ Prædestinarianis adscribebant dogmata.

Septimò, Prosperi qui Prædestinarianorum meminit auctoritatem sic eleuat: *Es Prosper ille, qui Tyro dicitur, quamvis pudendis erroribus scateat, &c.* Addunt eius defensores: *Prosper iste non est S. Prosper, qui Augustini tempore vixit, ut optimè observauit Arnaldus Pontacus. Quæ Hibernus Calvinista totidem ferè verbis conceperat pag. 17. Es Tyro Prosper, inquit, quisquis ille fueris, nam à Prospero Aquitanico Augustini propugnatore, longè diuersum fuisse iam dudum demonstrauit Arnaldus Pontacus.*

Octauò, Sigeberti quoque fidem his verbis extenuat: *Quid mirum si Gennadium secuti Prædestinarianos in hæreticorum Catalogo collocauerunt. Quod Sigeberto tan-*

quam

Es Prosper  
n'est pas S.  
Prosper du  
temps de S.  
Augustin,  
comme a  
fort bien re-  
marqué Ar-  
nald de  
Pontac.  
Apologie  
première  
pag. 198.



quam Historico facile fuit, cum Historici absque profunda rerum talium indagatione plerumque litteris mandare soleant, quod bona fide apud alios scriptum inveniunt. Calvinista verò à Semi-Pelagianis impositum Sigeberto fuisse scribit pag. 23. *Hæc Sigebertus: ignorans Semi-Pelagianorum ictibus, per Prædestinatorum istorum latus, rectè petiit fuisse ipsum Augustinum.*

Nondè, Hincmarum Remensem qui eiusdem Prædestinarianæ hæresis mentionem fecerat fædè traducit, ut omnem illi auctoritatem abroget. *Hincmarus, inquit, Massiliensium obiectiones & Anathemata pro hæresi Prædestinarianæ accepit, & articulos ab Augustino, Prospero, Fulgentio traditos, quia à Godeschalco probabantur, improbavit. Paulo antè dixerat: Godeschalci assertionem, damnatam ab Hincmaro, non esse hæsim, sed doctrinam sancti Augustini, ac Fulgentij. Eadem scribit Calvinista, & toto libro suo inuidiosè exaggerat. Extitisse, inquit pag. 26. Prædestinarianæ alicuius hæreseos defensores alios, à Celestino, & Prospero refutatos, Hincmari commentum est, odium hinc Aduersario Goteschalco conflare volentis. quem (Goteschalcum) Prædestinarianos nullos in prædestinationis doctrina tradenda secutum fuisse, quàm Augustinum, Prosperum, & Fulgentium, scripta ipsius declarant.*

Decimò, ait, Valentinam Synodum tanquam Catholicam fidem tradere, id quod Hincmarus in Godeschalco tanquam Prædestinarianam hæsim condemnauerat. Quam in rem aliquot rationes adhibet repetitas ex eodem Calvinista, qui illud ipsum pluribus efficere conatur cap. 12. & sequentibus. Vnde pag. 197. hæc habet: *In Valentino Concilio Prædestinarianam illam quam vocat hæsim, hoc est Goteschalci pariter & Augustini sententiam de prædestinatione Orthodoxam comprobata fuisse iam ostendimus.*

Est hic quoddam de Aduersarij fide expostulem, qui ex Vsserio Calvinista Goteschalci Apologiam ita descripsit, ut quæ aduersus illum faciebant ne verbo quidem

attigerit. Tacet enim, quod Vſerius narrat, Goteſchalci cauſam in Germania penitus eſſe damnatam, *In Gallia tamen*, inquit pag. 45. *ſequens hiſtoria omnia exhibebit hîc penè paria; Episcopos, Episcopis: Synodos oppoſitas Synodis, infeſtiſque obuia ſignis ſigna; pares aquilas & pila minantia pilis.* Tacet, inquam, quod teſtantur Trithemius, Sigebertus, Flodoardus, Baronius aliique ſcriptores innumeri, nimirum, Goteſchalci opiniones quas Aduerſarius Orthodoxas contendit, damnatas eſſe à Concilio Moguntino, & à Rabano Mauro Moguntia Archiepiſcopo, quem ſanctus Odilo Abbas Cluniacenſis vocat, *Fide Catholicum, & ſpirituſali ſcientiâ ad plenum edoctum*: Hermannus Contractus, *diuinarum librorum tractatorem egregium*: Ioannes Trithemius, *Virum in diuinis ſcripturis erudiſſimum, cui nec Italia ſimilem, nec Germania peperit aequalem*: Sixtus Senenſis, *Virum omnium diſciplinarum cognitione abſolutiſſimum, cui nullum parem eo ſeculo Germania habuit*: Cardinalis Baronius, *Fulgens temporibus iſtis Germania ſidus, verticem huius temporis Theologorum, & non imparem magnis Doctorem.* Porro Concilium illud Moguntinum habetur tomo 6. Conciliorum pag. 438. hoc titulo: *Concilium Moguntinum ſecundum ſub Rabano Archiepiſcopo, contra Goteſchalcum hæreticum Preſbyterum anno Domini 848. celebratum.* Cui interfuerunt, inquit Trithemius, celeberrimi Episcopos, Helſi Archiepiſcopus Treuirenſis, Hildeboldus Archiepiſcopus Colonienſis, Alſfridus Episcopos Hildeſheimenſis, Haymo Episcopos Halberſtaſenſis, Ludericus Episcopos Bremeniſis, &c. Aduentitius Abbas Meiſienſis (poſtea ibidem Episcopos) & Radulphus Abbas ſancti Medardi Sueſſionenſis (poſtea Biſuricenſis Archiepiſcopos) & alij multi Episcopos, Abbates, & Monachi, inter quos complures erant vitâ & doctriâ famoſiſſimi. Goteſchalcus tam celebri eruditôque in conſeſſu Rabano Archiepiſcopo libellum profeſſionis ſuæ porrexit, à quo & Lupo Seruato doctiſſimo homine rationibus fractus, conuictusque,



cum suam nihilominus hæresim eiurare detrectaret, damnatus est à Patribus, & cum litteris Synodalibus ad Hincmarum proprium Episcopum remissus, ut eodidem ferè verbis Hincmarus ipse narrat in Epistola ad Nicolaum primum. Interim dum Rabanus Maurus, Lupusque Seruatus multa ad præfocandam Godeschalci hæresim scribunt: Carisiaco in Palatio Episcoporum Synodus habetur, cui interfuerunt Wenilo Senonensium Archiepiscopus, Hincmarus Remorum Episcopus, Fulconius Morinensium, Teudericus Cameracensium, Hrothadus Sueffionum, Ragenarius Ambianensium, Immo Nouiomagensium, Erpoinus Siluanectensium, Lupus Catalaunensium, Yrminfridus Beluacensium, Tutboldus Lingonensium, & Gerobrius Turonensi in prouincia Episcopus. Chorepiscopi quoque Rigboldus, & Wiraus, ille Remorum, hic Cameracensium: Alij denique doctrinâ & pietate spectabiles viri, quos inter eminebant Wenilo Roto-magensium postea Archiepiscopus, Aencas postea Parisiorum Episcopus, & Isaac Diaconus postea Lingonensium Episcopus. *In quorum præsentia, inquit Hincmarus, idem Godeschalcus sicut & in Moguntina ciuitate, inuentus hæreticus, atque incorrigibilis, honore Presbyterali, quem per Rigboldum Chorepiscopum, cum esset Sueffionica Parochia Monachus, in scio ciuitatis suæ Episcopo, usurpauerat potius, quàm acceperat, abiectus, & pro suâ irrenocabili contumaciâ, secundum leges, & Agathenses canones, & Regulam sancti Benedicti, ut improbus virgis cæsus, sicut decreuerant Germaniæ Prouinciarum Episcopi, ne aliis noceret, qui sibi prodesse nolebat, ergastulo est reclusus.* Atque ex illo tempore Historici & Theologi, ac præsertim Trithemius, Sigebertus, Flodoardus, Baronius, Andreas du Vallius, Suetonius Binius, Dominicus Granina, Iodocus Coccius, & Georgius Ederus Godeschalcum inter Hæreticos retulerunt, & quatuor eius capitula Moguntino, & Carisiaco in Concilio damnata hæresis notâ confixere.

Mihi verò modò non vacat ea refellere; quæ fufiffimè Vſſerius Caluiniſta diſſerit, vt vincat Synodi Valentinx Patres Goteſchalci opinionem probaſſe; fiet id commodiùs cùm Aduerſarij, hæc quoque eius argumenta, quæ leuiter tantùm attigerunt, ſuos in libros integra tranſtulerint. Quod facient propediem, ſi eâdem, quâ cœperunt audaciâ, in hoc Caluiniſtâ ſpoliando pergant. Vix enim librum vllum dederunt in lucem, cui excerptam ex hoc Hæretico laciniam aliquam non aſſuerint. Sic Apologia prima Gallicè

*Prudence Eueſque de Troyes écriuant aux Eueſques aſſemblés pour la conſecration d'Ené, Eueſque de Paris, déclarant, qu'il ne pouuoit conſentir à cette ordination ſi dans la pro-*

*feſſion de ſoy, qu'Ené deuoit faire, il ne comprenoit tous les points de la doctrine de ſainct Auguſtin, qu'Hincmar, & quelques autres avec luy auoient été renouer en doute.*  
Apologie première pag. 101.

illud vertunt, & magnificè oſtendant, quod de Prudentio Tricaſſino Vſſerius iactat pag. 166. Cùm *Aneas*, inquit, qui Synodo Cariffacæ interfueraſſet, in Pariſienſi Eccleſia Episcopos eſſe ordinandos: pro Goteſchalci partiſ capitulo nonnulla edidit Prudentius, illis quæ in Cariffaco conuentu conſtituta fuerant, oppoſita, quibus ſi Episcopos poſtulat ſubſcribere recuſaret, ordinationi eius ſe nequaquam aſſenſurum proteſtatus eſt. In ſecunda Apologia multo liberiùs eundem Caluiniſtam deprædantur, vt paragrapho ſequenti docebo.

#### PARAGRAPHVS IV.

*Quarta calumnia, quâ Arelatenſi Concilio Semi-Pelagianismi notam allinunt, ex recentioribus Hæreticis petita eſt.*

ALIUD eſt quod in hac noui Doctõris de Hæreſi Prædeſtinariana diſſertatione perſæpe miratus ſum: Nimirum, quid cauſæ ſit, cur ne verbum quidem fecerit de Concilio Arelatenſi, quo Prædeſtinatianorum hæreſis damnata eſt. Habetur tomo 2. Conciliorum Gallix pag. 147. hoc titulo: *Concilium Arelatenſe à Leon-*



etio Arelatensi Episcopo ad condemnandum prædestinationis errorem congregatum, &c. Et tomo 3. Concil. pag. 823. quo loco Seuerinus Binius in notis ad illud Concilium ita scribit: *Hæc Synodo subscriptione Episcoporum approbata est illa Epistola Fausti Regiensis, quam dedit ad Lucidum quendam magni nominis Presbyterum, PRÆDESTINATORVM hæresim sectantem.* Cuius etiam Concilij, atq; in eodam nata Prædestinantiæ hæreseos meminit Cardinalis Baronius ad annum Christi 490. nam ubi dixit, *Post sancti Augustini obitum prodisse quosdam, qui ex eius scriptis male perceptis plures inuexerunt errores, quique dicebantur hæresis PRÆDESTINATORVM sectatores,* subdit: *His autem erroribus detentus fuit Lucidus quidam magni nominis Presbyter, ad quem Faustus Epistolam illam scripsit, quam vs VERE CATHOLICAM ab Episcopis Concilij Arelatensis probatam, & subscriptione munitam dicimus.*

Eiusdem Concilij auctoritate Calvinistas Prædestinarianorum hæresim renouantes impetit Paulus de Windeck libro *De efficacia mortis Christi contra Calvinistas*, pag. 262. ubi antequam Fausti ac Lucidi epistolas recitet ita præfatur: *Et si hæc dua epistole etiam in Bibliotheca Sanctorum Patrum (tomo 5. fol. 802.) excusa Latetie extant; tamen ne tortuosi Calvinista expositulent, me somnia magis Monachorum, quàm monumenta Antiquitatis ipsis obicere, eas non secus transcripsi, quàm ad verbum etiam leguntur in eo opere excuso Basilea anno 1569. quod Iacobus Gryneus, ibi superintendens, & præcipuus Calvinismi per Germaniam professor, Orthodoxographiam inscripsit, &c.* Quibus epistolis recitatis concludit in hæc verba: *His testimonius ruit ingens mendacium Beza, qui in libro de Colloquio Mompelgartensi à se & Antonio Faio an. 1591. edito pag. 126. scribere ausus est; ex nullo Concilio probari posse, Christum propter omnium hominum salutem humanam naturam suscepisse, &c.* Alij denique complures eiusdem Arelatensis Concilij meminere, ac de illo duo docent. Primum, Fausti ac Lucidi Epistolas, & Prædestinatio-

nz hæresis anathemata iis comprehensa tanquam Orthodoxa; atque Catholica fuisse comprobata. Quare Ioannes Maria Brasichellanus sacri Palatii Magister in Ind. expurg. Roman. in tom. 4. Bibliothec. Patrum ita scribit: *Sciendum epistolam Fausti ac Lucidum Presbyterum, approbatam tot Episcoporum subscriptione in Concilio Arelatensi, & epistolam Lucidi Presbyteri ad Episcopos congregatos in Synodo Lugdunensi, qua amba operi Fausti pramittuntur, sanas esse, atque Catholicas, iudicio duarum Synodorum confirmatas.* Alterum, quod de eadem Synodo Catholici Scriptores tradunt, illud est, quod Seuerinus Binius in hæc verba observauit: *Fausti libellum Pelagianis erroribus plenissimum, quem de gratia & libero arbitrio inscripsit, & toti orbi vulgavit, quemque Casarius Arelatensis, Auisus Viennensis Episcopi, Ioannes Presbyter Antiochenus contrario scripto refutauerunt, quem denique Gelasius Pontifex merito inter apocrypha detulit, hunc inquam libellum sacer Episcoporum conuentus nequaquam approbanis.* Quare de re pluribus Baronius ad annum Christi 490. Et Brasichellanus in indice libror. expurgand. in Censura tom. 4. Biblioth. Patrum.

Cum apud Catholicos scriptores Arelatensis huiusce Concilij, & Prædestinationis hæresis in eo damnata tam frequens sit & crebra mentio, peto ab Aduersariis quam ob causam nouæ opinionis instaurator de illo tacuerit? An ignorauit quæ de illa Synodo literis mandata sunt? At id certè nec debuit, nec potuit, cum illum ipsum Cardinalis Baronij locum ad marginem citet, quo illius Synodi historia, & Prædestinationis hæresis condemnatio fusissimè narratur. Timuit fortasse ne malè audiret, si primus ex Catholicis illud Concilium exploderet, & Fausti ac Lucidi epistolas, quas Cardinalis Baronius VERE CATHOLICAS, Ioannes Maria sacri Palatii Magister, SANAS, ATQUE CATHOLICAS, Seuerinus Binius, SUBSCRIPTIONE EPISCOPORVM APPROBatas, alique Catholici OR-



ORTHODOXAS vocabant, Semi-Pelagianismi argue-  
ret? At istud terrere hominem non debuit, qui ausus  
est Goteschalci opiniones tanquam Orthodoxas pro-  
bare, quas idem Cardinalis Baronius, cæterique huius  
temporis scriptores Catholici, post Sigebertum, Tri-  
themium, Flodoardum, Rabanum Maurum, Hincma-  
rum, & duplicis Synodi decreta, HÆRETICAS esse pro-  
nuntiant. Quid est igitur, cur huius Concilij, quo vno  
præcipua noui dogmatis placita subruuntur, ne men-  
tionem quidem fecit? vna hæc proferri ratio potest,  
quam ego verissimam puto: Nimirum iis de rebus ea  
tantum scripsit, quæ apud Calvinistas legerat, quorum  
in libris cum Apologiam Goteschalci, & rationes ali-  
quot ad Prædestinarianam hæresim negandam inue-  
nisset, ea studiosè compilauit: at cum iisdem in libris  
nihil prorsus offenderet ad Concilij Arelatensis aucto-  
ritatem labefactandam, de illo silere coactus est.

Neque enim cum hæc scriberet emissum erat in lu-  
cem aliud eiusdem Vsserii Calvinistæ opus editum  
Dublinij anno 1639. inscriptumque: *Britannicarum Ec-  
clesiarum antiquitates, quibus inserta est pestifera aduersus  
Dei gratiam à Pelagio Britanno in Ecclesiam inductæ Hære-  
ses Historia.* Quo in libro cap. 13. Fausti ac Lucidi epi-  
stolas Semi-Pelagianas, & nullius Synodi auctoritate  
comprobatas esse contendit. Vix in Gallia visus est  
hic liber, cum nouæ opinionis fautores, qui in omnia  
hæreticorum opera ius direptionis habere se putant,  
illum continuè expilarunt. Atque ut eorum Doctor  
vnius Calvinistæ auctoritate, & coniecturis quas ab illo  
emendicauit, fretus, contra Catholicorum omnium  
opinionem scribere ausus est, nullam vnquam Præde-  
stinarianorum hæresim extitisse: sic illi altero eiusdem  
Calvinistæ opere animati, eiusque instructi armis, Fau-  
sti ac Lucidi epistolas, quas Cardinalis Baronius, Se-  
uerinus Binius, Magister Sacri Palatii, aliique scripto-  
res Catholici, *Sanas, verè Catholicas, & duarum Synodo-*

144 DISPUT. DE LIBERO ARBITRIO  
*rum iudicio confirmatas esse testantur, Semi-Pelagianas,*  
 & nullius Concilij auctoritate comprobatas esse con-  
 tendunt.

<sup>a</sup> Ce ne sont  
 que les sen-  
 timens d'un  
 Semi-Pela-  
 gien. Apo-  
 logie 1. pag.

191.

<sup>b</sup> Cette lettre  
 n'est qu'un  
 abrégé de la  
 mauuaise  
 doctrine con-  
 tenue dans  
 ses deux li-  
 vres. pag.

202.

<sup>c</sup> Les erreurs  
 des Semi-  
 Pelagiens  
 paroissent  
 encore plus  
 clairement  
 dans la lettre  
 de Lucide.  
 Apologie 1.  
 pag. 346.

<sup>d</sup> Ce Lucide  
 à qui Fauste  
 avoit inspiré  
 les erreurs,  
 sous prétexte  
 de le guerir  
 d'une hérésie  
 imaginative  
 des Prede-  
 stinatiens.  
 ibidem.

<sup>e</sup> Ce Concile  
 n'eut pas  
 été qu'une  
 assemblée de  
 Semi-Pela-  
 giens, ou  
 d'Euesques  
 trompez par  
 un Semi-  
 Pelagien.  
 Apologie 1.  
 pag. 1974

Aiunt primò <sup>a</sup> Fausti epistolam ad Lucidum Semi-Pelagianorum erroribus scatere, & <sup>b</sup> librorum Fausti de libero arbitrio, quos Catholici hæreticos esse fatentur, summam continere. <sup>c</sup> Addunt Semi Pelagianorum errores in Lucidi epistola clariùs cerni, <sup>d</sup> & Lucidum non à Prædestinationum erroribus ad Catholicam fidem, sed à fide Catholica ad Semi-Pelagianorum hæresim Fausti opera fuisse traductum. Illud ipsum est, quod toto illo capite Vsserius Calvinista contendit, quòd-que in Historia Goteschalci pag. 25. his verbis perstrinxerat: *Summa venenati illius scripti* (loquitur de libris Fausti) *duabus epistolis comprehenditur, quarum altera ipsius Fausti est ad Lucidum Presbyterum; altera Lucidi à Fausto seducti, præteritos errores reuocantis, seu veriùs ab Orthodoxorum consortio ad Semi-Pelagianorum castra transfuentis.* Nominatim verò de Lucidi Epistolâ ita loquitur posteriori in opere pag. 436. *In Epistola Lucidi summatim comprehensa sunt illa, qua fusiùs in libris de gratia & libero arbitrio sunt declarata.* Et pag. 435. ait Lucidum Epistolam concinnasse ex articulis depromptis non tam ex superiore illa Epistola, quàm priuata auctoritate ad Lucidum Faustus scripserat, quàm ex libris de gratia & libero arbitrio.

Aiunt secundò <sup>e</sup> Arelatensem illam Synodum ex Semi-Pelagianis tantùm, quæ ex Episcopis aliquot à Semi-Pelagiano circumuentis fuisse constat. Quod ita ex Vsserio Calvinista sumpserunt, ut eius impudentiam insigni audaciâ superarint. Nam Calvinista quidem concedit, deceptos fuisse à Fausto Arelatensis Concilij Patres. *Atque ut maximè daremus*, inquit pag. 437. *Faustum Episcopis aliis, ambiguitate verborum circumuentis, ut Epistola ad ipsos nihil atinenti nomina sua apponerent persuasisse, &c.* Negat tamen illos Episcopos

fuisse.



fuisse Semi-Pelagianos. Sic enim loquitur pag. 426. *Interim tamen in tot doctrina, & pietate præstantes viros ita iniuriosos esse nos non decet, ut unius versipellis vulpecula (eo enim nomine, nec iniuria Faustum notauit Baronius) auctoritate freti, reliquiarum Pelagianæ hæreseos patronos eos fuisse credamus. Quod Calvinista non est ausus, ausi sunt noui dogmatis Patrom, nec, ut ille, religioni duxerunt sanctum Pragmatium Augustodunensem Episcopum, S. Patientem Lugdunensem, S. Claudium Bisuntinum, aliosque doctrinâ, & pietate præstantes Episcopos, quos huic Concilio interfuisse Baronius narrat, f Semi-Pelagianismi criminari.*

Aiunt terciò g, Arelatensem Synodum non subscripsisse Epistolæ & Anathematismis Fausti, quodd in Fausti præfatione nulla fiat huius Epistolæ mentio. Quod descriptum est ex eodem Calvinista pag. 435. vbi ait non credere se Anathematismos Fausti in Concilio probatos fuisse, quodd *Anathematismorum aliquorum in illa præfatione Fausti, nulla omnino occurrat mentio; neque litteris & Anathematismis Fausti ipsum Arelatensem conuentum unquam subscripsisse adhuc constare arbitramur.*

*voit être approuvée. Et néanmoins il ne paroît point qu'elle l'ait été. Fauste ne le dit pas lui-même. Apologie première pag. 200.*

Aiunt quartò h, inde constare Fausti Epistolam probatam non fuisse in Concilio Arelatensi, quodd Henricus Canisius asserat in manuscripto codice non reperiri subscriptiones illas Episcoporum, quæ in vulgatis editionibus leguntur. Habet illud ipsum Vsserius Calvinista pag. 436. vbi ad probandum non esse legitimam subscriptionem illam ad Epistolam Fausti, ait facere vetustum codicem manuscriptum Bibliotheca S. Galli; in quo Episcoporum subscriptiones nullæ exsunt. Ad marginem verò hæc adscribit: *Henricus Canisius Antiquarum lectionum tomò 5: Quæ nouæ opinionis defensores ita Gallicè vertunt, ut hæc verba, Vetustum codicem manuscriptum Bi-*

*f C'est un Concile de Semi-Pelagiens. Apologie 1. pag. 204. & Nous voyons par là quelle auctorité cette lettre de Fauste peut recenir de ce Concile d'Arles, quand même elle y au-*

*h Mais de plus il y a tres-grand sujet de croire que ces souscriptions ont été fausses, même à la fin de cette lettre. Cela se peut juger de ce qu'Hénry Canisius témoigne, que toutes ces souscri-*

ptions qui se  
trouvent dans  
l'edition vul-  
gaire de la  
Bibliothèque  
des Peres, ne  
sont point  
dans le Ma-  
nuscrit. C'est  
dans le Tome  
5. de son ou-  
vrage intitulé.  
Antiquæ  
lectiones.  
Apologie 1.  
3. part. pag.  
313.

*blisotheca S. Galli*, vna hac voce *le Manuscript* expresse-  
rent. Ineptè sanè ac veteratoriè. Nam vel hac voce omnes  
huius Epistolæ Manuscriptos codices significant, vel il-  
lum tantùm quem ex Biblioth. S. Galli Canisius habuit.  
Si omnes, imponunt Canisio, qui nunquam affirmavit  
abesse hanc subscriptionem ab omnibus Manuscriptis  
codicibus; Insuper quoque contra Grammaticam pec-  
cant, dicendum enim fuisset *les Manuscripts*. Si illum  
tantùm quem Canisius habuit, inquinatiùs adhuc lo-  
quuntur, vel enim dicendum fuit *son Manuscrit*, vel  
*le Manuscrit de la Bibliothèque de saint Gal*. Nisi fortè  
arbitrati sint vnum hunc in toto terrarum orbe huius  
Epistolæ Manuscriptum codicem extitisse, vel saltem  
ex hoc tantùm Fausti Epistolam editam fuisse in lu-  
cem. Quæ ex Canisio apertè refelluntur, nam cùm  
dixisset, se aliquot Fausti Rhegiensis Epistolas *nunc  
primum ex membranis M. S. celeberrimi Monasterij S. Galli*  
edere, vbi ad hanc epistolam venit, descripto tantùm  
illius initio, hæc subiunxit: *Quia extat hæc Epistola,  
ideo eam non edimus, sed varias lectiones notamus*. Exta-  
bat verò, vt paulò pòst testatur, *in vulgata editione Bi-  
bliotheca Patrum*. In quam profectò ex hoc sancti Galli  
codice non fuerat transcripta, aliàs enim ceteræ quo-  
que Fausti Epistolæ simul editæ fuissent.

Fraudulentam hanc versionem duplici de causa  
concinnarunt. Primò, vt innuerent, asserere Canisium  
subscriptions illas non reperiri, in eo ipso codice Ma-  
nuscripto, ex quo in Bibliothecam Patrum Fausti Epi-  
stola translata est. Hic est enim genuinus verborum il-  
lorum sensus, quæ ex iis suprà recitavi, quem apertius  
etiam produnt in sequentibus<sup>1</sup>, vbi de Manuscripto  
codice eodem semper modo loquuntur, quo si vnicus  
existeret. Secundò noluerunt appellare Manuscriptum  
illum codicem Canisij, seu Bibliothecæ S. Galli, ne eo-  
rum argumentum inde labefactaretur. Constat enim  
vel ex ipso Canisio perturbatissimum esse codicem il-

<sup>1</sup> Canisius  
ayant corrigé  
par le Ma-  
nuscrit, quel-  
ques fautes  
de l'edition  
vulgair de  
cette lettre de



Ium, qui Fausti Epistolæ ne ipsius quidem Fausti subscriptionem attexit, sed alia quædam inserit, ac tandem post paginas circiter centum & viginti, Fausti subscriptionem alieno prorsus loco recitat. Canisii verba sunt pag. 430. *Hæc, inquam, subscriptiones non sunt in M. S. codice.* (de illo loquitur, quem ex Bibliotheca S. Galli habuit) *sed sequuntur quedam aliena, primò fragmentum quoddam breue auctoris incerti: deinde fragmentum ex præmio S. Hieronymi, &c. Tertiò fragmentum Epistola, quæ à viro an à femina sit conscripta nescitur, &c. Quartò ponitur Epistola titulo S. Hieronymi, & sequuntur postea Epistola Fausti, Ruricij, Desiderij, aliorumque prout hic fideliter damus. In fine autem post Epistolam 21. quæ est Felicis ad Desiderium, sequuntur hæc verba: Item alia manu Faustus exempl. Epistola mea relegi, & subscripsi. quæ verba sunt, inquit Canisius, quibus Faustus subscripsit Epistolæ suæ ad Lucidum Presbyterum. Et ad huius codicis fidem Aduersarii prouocant, pugnantque Episcopos Fausti Epistolæ non subscripsisse, quia hoc in codice perturbatissimo nullæ Episcoporum subscriptiones extant: si valet hæc ratiocinatio, efficit quoque Faustum in Epistola sua antequam subscriberet, posuisse fragmentum illud auctoris incerti, Proæmium sancti Hieronymi, Epistolas denique Ruricii, Desiderii, aliâque eiusmodi, quæ in hoc codice inter Fausti Epistolam eiusque subscriptionem inferuntur. Viderat Calvinista quàm nihil certi ex hoc codice teneri posset, adeoque in hac coniectura vim non fecerat. Sed Aduersarii, quos fortasse pudebat tam seruiliter Calvinistæ vestigia consecrari, hac in parte vlteriùs progressi sunt: Quemadmodum paulo antè simili de causa S. Pragmatium, S. Patientem, S. Claudium aliosque Arelatensis Concilii Patres, quos Vsserius Calvinista erroris insimulare ausus non fuerat, pleno ore Semi-Pelagianos vocitarunt:*

Atunt quintò, illas Episcoporum subscriptiones sal-

*Fausto à Lucide, dis-  
qu'elle finit  
dans le Ma-  
nuscris par  
les me/mes  
mots que d'as  
l'imprimé,  
mais que ces  
souscriptions  
d'Euesques  
ne s'y trouuent  
point.  
ibidem.*

Le nom de  
Leonce qui  
se devoit  
trouver à la  
tête des sou-  
scriptions de  
cette lettre, si  
elle avoit esté  
approuvée  
par ce Con-  
cile, puisque  
c'est luy qui  
y a présidé  
comme Ar-  
chevesque  
d'Arles, ne  
s'y trouve  
point en tout.

Apologie 1.

3. p. pag.

313.

Leonce estoit  
en ce temps  
là Archeves-  
que d'Arles,  
ainsi qu'il  
paroist évi-  
dement par  
beaucoup  
de lettres du  
Pape Hilai-  
re; & c'est  
aussi à luy  
que Faustus  
dedie ses li-  
vres.

ibidem

pag. 312

Henry Ca-  
nisius a ap-  
pellé cette E-  
pistole de Fau-  
ste, il y a  
plus de 40.  
ans, une E-  
pistole erronée.  
Epistolam  
Fausti erro-  
neam, quoy  
qu'il se soit  
mis à son

sitatis inde convinci, quod & in iis Leontii Arelaten-  
sis Archiepiscopi, totius Synodi præsidis, cui Faustus  
suos libros inscribit, nomen non appareat. Quæ ex  
eodem Calvinista ad verbum descripserunt, sic enim  
habet pag. 437. *Neque Arelatensis Archiepiscopi, totius  
Concily Præsidis, nomen uspiam comparet. Leontij, inquam  
illius; cui Concily summorum Antistitum congregati, & ex-  
ceroris (ut ille vocat) Prædestinationis in eo condemnati, præ-  
cipuam laudem in operis sui præfatione ipse Faustus tribuit.*  
Paulo post ex Hilari Papæ Epistolis probat Leontium  
tunc temporis Arelatensem Archiepiscopum fuisse.  
*Hilari Papæ, inquit, habentur listere anno 463. ad Leon-  
tium Arelatensem episcopum data, &c.*

Neque verò ea tantum ex Vsserio Calvinista surri-  
puerunt, quibus Arelatensem Synodum directè oppu-  
gnant; sed quidquid ex incidenti tractant, quod vel  
leuem eruditionis umbram præferat, indidem emen-  
dicarunt. Cuiusmodi est illud quod de Henrico Cani-  
sio asserunt: Errasse illum cum affirmavit, Lucidum  
Epistolam suam scripsisse ut testaretur dolere se quod  
erroneæ Fausti Epistolæ subscripsisset. Sic enim lo-  
quitur Calvinista libro de Goteschalco pag. 25. *Appa-  
ret quid de Henrici Canisij nugamento indicandum sit; qui  
Lucidum quod ERRONEÆ FAUSTI EPISTOLÆ  
subscripsisset, pariterque singulis, errorémque publicata Epistola  
damnasse.* Eodem quoque pertinet quod ibidem af-  
firmant Canisio consentire collectorem Bibliothecæ  
Patrum Colonix editæ, cuius locum ad marginem his  
notis indicant: *Tom. 5. Biblioth. Patr. 3. p. 326. edit. Col.*  
Calvinista verò sic eundem designat: *Bibliothec. Patr.  
Tom. 5. part. 3. pag. 326. edit. Colon.* Denique eodem re-  
vocari potest quod de Seuerino Binio pronuntiant,  
pag. 342. suas illum in Concilia annotationes ex Car-  
dinali Baronio describere. Nam Calvinista pag. 425.  
illud ipsum in hæc verba affirmat: *Cæsar Baronius (ex  
cuius Annalibus sumo Binus in Concilia annotationem*



*Las eisdem penè verbis descripsit, ) &c.*

Si omnia eorum furta vellem recensere, libros ferè omnes, quos ediderunt, describerem. Neque enim in his tantùm, quas attigi, quæstionibus Calvinistas diripiunt, sed in aliis etiam, quas à communi opinione discrepantes sancti Augustini auctoritate vestire conantur. Si quis id à me contumeliosè dictum credit, seligat ex decumano noui Doctoris opere, præcipua eius placita, & illustriora S. Augustini testimonia quibus nituntur: hæc ego ex Calvinistis petita esse demonstrabo.

*croyant que  
Lucide ait  
escriit sa let-  
tre, pour ré-  
moigner le  
regret qu'il  
auoit d'auoir  
souferis à  
cette lettre de  
Fauste.  
Apologie.  
p. 1. pag.  
340.*

## CAPVT II.

*Nouum dogma etsi ab antiquioribus Hæreticis verbis distet, re ipsâ consentit: adeoque pariter cum illis ab Patribus, Conciliisque damnatum est.*



VICIMVS, vt opinor, novos Dogmatistas pro Augustini doctrina, rancidas nobis, & obsoletas Lutheranorum, atque Calvinistarum opiniones obtrusisse. Nunc aliùs repetenda est huiusce dogmatis origo, atque adeo ab primis Hæresiarchis, tanquam ab ipso capite, atcessenda. Hoc igitur pugno, nouum de libertate dogma, etsi verbis distet ab antiquioribus Hæreticis, qui liberum homini arbitrium ademerunt, re tamen ipsâ cum illis consentire. Ab iis verbo tenus discrepat, quia illi, quod res erat, loquebantur, cùmque libertatem pessumdarent, nullum superesse homini liberum arbitrium affirmabant. At nouæ opinionis Patroni, licet eodem modo libertatem perimant, libe-

ri tamen arbitrii nomen retinent, vt hac libertatis vmbra, ac veluti larua simplicioribus imponant. Quæ in re Wicleffitas imitantur, de quibus Valdensis libro 1. Doct. fid. art. 1. cap. 22. *Destruxerunt hi prædicti liberum arbitrium, quidam publicè sicut Manichæi, & Iouinianista, quidam occultè, vt Prædestinati, & Vicleffiste, qui profitentur quidem liberum arbitrium saluare, & saluant quidem exemplariter, at destruunt in effectu.* Iam verò recentem sectam cum veteribus Hæreticis reipsâ concinere, sic probò. Duplex est libertas, altera à violentia, seu coactione; altera à necessitate, seu determinatione ad vnum. Veteres Hæretici non ademerunt homini libertatem à violentia, seu coactione, sed tantum libertatem à necessitate, seu determinatione ad vnum: ergo cum illis consentit noua opinio, quæ licet homini libertatem à coactione relinquat, libertatem tamen, quæ à necessitate est, seu determinatione ad vnum, illi adimit. Valida est in primis hæc ratio ad nouum dogma profligandum; quam & hoc modo proponere possum. Patres, & Concilia, non idcirco veteres illos hæreticos, vt libertatis hostes, damnauerunt, quod homini libertatem à coactione, seu violentia eripuerint, sed quod eidem homini libertatem à necessitate, seu determinatione ad vnum ademerint: ergo, iidem Patres, & Concilia nouum dogma damnauerunt, quia cum veteribus Hæreticis hominis voluntati libertatem à necessitate, seu determinatione ad vnum eripit.

Argumentum hoc pridem informauit Ruardus Tapperus artic. 7. pag. 237. edit. Colon. anni 1563. vbi hæc Caluini verba recitat, quibus, quæ sua sit de libertate sententia nefandus Hæresiarcha exponit. *Si coactioni opponitur libertas, liberum esse arbitrium & constanter assero, ac pro hæretico habeo, quisquis secus sentiat.* Quam Caluini mentem hoc argumento Tapperus refellit, quod Hæretici omnes, qui extinctæ libertatis nomine



infames sunt, illam ab coactione libertatem nunquam negauerint. *Sed hanc, inquit, VOLVNTATIS LIBERTATEM, QUÆ COACTIONEM EXCLVDIT, ET EXTERNVM MOTVM, QVO VIOLENTER TRAHITVR VOLVNTAS, NEC MANICHÆI, NEC VALLA, NEC VLLI HÆRETICI NEGAVERVNT. Nouerunt enim inseparabilem esse à voluntate. Quod ubi pluribus ostendit, ita concludit: voluntatem cogi posse, potius est heresis contra Philosophiam, quàm contra fidem Catholicam.*

Placet hoc Argumentum, vrgerè vehementiùs. Quod vt ordine fiat, Hæreticos omnes, qui superioribus sæculis humanæ voluntati libertatem eripuerunt, quatuor ad classes reuocabo. Prima est eorum, qui diuinâ præscientiâ liberum arbitrium interim defenderunt. Secunda Astrologorum, qui finxerunt hominis voluntati fatalem ab stellis necessitatem imprimi. Tertia Manichæorum, qui duas in nobis partes collocauerunt, quarum altera necessariò ad malum, altera necessariò ad bonum nos traheret. Quarta illorum, qui ab diuina gratia liberum extingui arbitrium putauerunt. Quos omnes non aliter, quàm nouum dogma, libertatem nobis eripuisse contendo.

## SECTIO I.

*Nouum dogma reipsâ consentit, & damnatum est, cum illis Hæreticis quî olim liberum arbitrium cum diuina præscientia stare posse negauerunt.*

**P**RÆSCIENTIA diuinâ libertatem euerti putauerunt Stoïci, teste August. lib. 5. de Ciuit. Dei cap. 9. & 10. Putauit & Hesiodus, qui voluntates humanas fato illigabat, illudque nihil esse aliud arbitra-

152 DISPUT. DE LIBERO ARBITRIO  
batur, quàm Iouis mentem. Idem sentiebant Hæretici, quos referunt, & refutant Theol. 1. parte ad quæst. 14. Bardefanes, Marcion, Priscillianus, Abailardus, & Wicleffus. Qui omnes nunquam sunt arbitrati vim nobis internam, atque coactionem ab præscientia diuina inferri: sed ideò tantùm liberum arbitrium negauerunt ipsi; ideò tanquam libertatis hostes damnati sunt à Patribus, quòd ab eadem præscientia simplicem voluntati necessitatem imponi voluerint. Ergo similiter Aduersarij liberum arbitrium perimunt, cùm voluntatem non cogi quidem; at simplici necessitate obstringi pugnant.

Mihi iam probandum Antecedens illud, quod triplici ratione euinco.

#### PARAGRAPHVS I.

*Probatur primò ex difficultate libertatis cum præscientia conciliandæ.*

PER DIFFICILIS ea semper est visa quæstio: quomodo libertas cum diuina præscientia consentiat. negarunt multi coherere vtramque, ac proinde, vel adimendam Deo præscientiam, vel eripiendam homini libertatem, putauerunt. Quos inter insignis est Cicero, de quo August. lib. 5. de Ciuit. Dei cap. 9. *Atque in hac angustia Cicero coarctat animum religiosum, ut vnum eligat è duobus: aut esse aliquid in nostra voluntate, aut esse præscientiam diuinam: quoniam vtrumque arbitratur esse non posse; sed si alterum confirmatur, alterum tolli: si elegerimus præscientiam futurorum, tolli voluntatis arbitrium: si elegerimus voluntatis arbitrium, tolli præscientiam futurorum.* Alij verò, etsi conuenire vtramque rectèque conciliari doceant, putant tamen arcani illius consensus nullam ab homine mortali rationem proferri posse. Ita Ochamus in 1. distinct. 38. Gabriel  
ibid.



ibid. quæst. vnicâ, artic. 2. Gregorius eadem distin-  
quæst. 2. art. 2. Quam opinionem ita reiiciunt reliqui  
Theologi, vt fateantur cum Patribus, vix aliam esse  
quæstionem, quæ ardua magis sit, & intricata.

Vnde aduersus nouitium errorem, sic argumentor.  
Si ex mente SS. Patrum necessitas simplex cum libero  
arbitrio stare posset, illudque sola coactione interna  
pessumdaret, difficultas hæc, quæ ab omnibus grauissi-  
ma dicitur, leuissima foret, ac penè nulla: ergo ex  
mente SS. Patrum necessitas cum libero arbitrio stare  
non potest. Probatur Antecedens: vt libertatis cum  
præscientiâ consensus ostenderetur, vnum hoc esset  
demonstrandum, non inferri nobis ab præscientia di-  
uina vim internam, seu coactionem propriè dictam:  
quod adeo clarum est, & explicatum, vt nemo sit, qui  
neget.

Confirmatur primò: Quis putet Hæreticos, qui præ-  
scientiâ diuinâ aboleri libertatem docuerunt, tam sto-  
licos fuisse, vt existimarent, fieri præscientiâ diuinâ,  
vt cum volumus, volitio nostra sit à principio extrinse-  
co, voluntate nihil conferente, immo reluctante? quæ  
est coacti definitio.

Confirmatur secundò: Si omne voluntarium esset  
liberū, vt statuunt Aduersarij, tam facilè libertatis cum  
præscientia consensus intelligi posset, quàm facilè in-  
telligitur spontaneum belluarum cum instinctu ad al-  
iquid vnum determinante conciliari. Quia vtrumque  
solâ coactione interimi posset. At nemo vnquam di-  
xerit, vix intelligi posse, quomodo spontaneum bellua-  
rum cum earum instinctu consentiat: ergo neque di-  
cere debuissent SS. Patres, Doctorésque Catholici,  
vix humanæ libertatis cum diuina præscientia con-  
cordiam intelligi posse.

## PARAGRAPHVS II.

*Probatur secundò ex argumentis Hæreticorum.*

PRIMUM Argumentum quo probabant Hæretici, positâ diuinâ præscientiâ, ruere liberum arbitrium, est eiusmodi. *Quod necessario fit, nec potest non fieri, non est liberum: sed quod subest certa, & infallibili præscientiæ Dei, necessario fit, nec potest non fieri: ergo quod subest certa, & infallibili præscientiæ Dei, non est liberum.* Vtebatur hoc argumento Marcion, teste Tertulliano lib. 2. contra Marcion. utebatur Abailardus, & Wicleffus, ut refert Valdensis libro 1. cap. 29. Vnde colligi potest, hoc vnum pugnassee Hæreticos, nos ob præscientiam diuinam simplici necessitate alligari, ac proinde tolli à nobis liberum arbitrium, quod cum illa necessitate stare non potest: de coactione propriè dicta, ne per somnium quidem cogitasse.

Dices, ita quidem existimasse Hæreticos, necessitate simplici libertatem extinguui: at aliam fuisse SS. Patrum mentem, còsque solam coactionem libertati repugnare voluisse. Sed contrà: si ista fuisset SS. Patrum opinio, longè aliam huic Hæreticorum argumento solutionem adhibuissent. Negassent enim Maiorem illam: *quod necessario fit, nec potest non fieri, non est liberum.* nec omisissent ea exempla: Deum nempe liberè producere Spiritum sanctum, & liberè amare seipsum, licèt vtrumque summâ necessitate faciat: Beatos liberè simul & necessario Deum amare, aliâque eiusmodi, quæ in hanc rem ab Aduersariis plurima afferuntur. At nunquam ita argumentum soluerunt, sed concessâ Maiore, Minorem funditus negauerunt: ut constet ex Tertulliano libro 2. contra Marcion. August. lib. 5. de Ciuitate Dei cap. 9. & 10. Anselmo lib. de concordia libertatis cum prædestinatione & gratia, D. Tho-



ma 1. parte, quæst. 14. artic. 13. Valdensi lib. 1. capite 29. aliisque Doctoribus Catholicis, quorum mentem accuratius paulo pòst expendemus.

Secundum argumentum, quo pugnant Hæretici tolli præscientiâ diuinâ liberum arbitrium, sic concipitur. *Res à Deo præscita non potest aliter, atque aliter se habere. Nam aliàs falsa esse posset præscientia diuina: ergo res à Deo præscita non potest esse libera.* Inuidtum hoc esse argumentum putabat Wicleffus, teste Valdensi lib. 1. cap. 29. iactabátque Armacanum in eo dissoluendo viginti annos posuisset, nec aliter tamen soluisse, quàm contra fidem Catholicam affirmando, Dei præscientiam infalibilem non esse; atque adeo ea, quæ à Deo prædicuntur, aliter euenire posse, quàm prædixerit.

Illud ipsum argumentum ita proponit Euodius apud August. lib. 3. de libero arbitrio cap. 2. *Ineffabiliter me mouet, quomodo fieri possit, ut & Deus præsciis sit omnium futurorum, & nos nullâ necessitate peccemus. Quisquis enim dixerit aliter euenire posse aliquid, quàm Deus autè præsciuisset, præscientiam Dei destruere insanissimâ impietate molitur. Quapropter si præsciuit Deus peccaturum esse primum hominem: necesse erat id fieri, quod futurum esse præsciebat Deus. Quomodo est igitur voluntas libera, ubi tam ineuitabilis apparet necessitas? Quæ paulo pòst ita repetit Augustinus: Si enim præsciis est Deus, inquis, peccaturum esse hominem, necesse est ut peccet: si autem necesse est, non ergo est in peccando voluntatis arbitrium, sed potiùs ineuitabilis, & fixa necessitas. Certè id vnum spectat hoc argumentum, ut probet, positâ præscientiâ diuinâ, aboleri liberum arbitrium, quia ex eadem præscientia ineuitabilis, & ad vnum affixa necessitas consequitur. Ergo ideo liberum arbitrium extinguunt illi Hæretici, quia libertatem à necessitate homini abiudicant. Vnde vlteriùs colligo, aboleri item ab nouis Dogmatistis liberum arbitrium, cùm eandem à necessitate libertatem nobis adimunt.*

## PARAGRAPHVS III.

*Probatnr tertio ex modo, quo Sancti Patres libertatem cum præscientia conciliarunt.*

SI Patres illi, qui cum superioribus Hæreticis congressi sunt, in ea fuissent opinione, quam tuentur Adversarij, ita libertatem cum præscientia conciliassent. Esto, necessarium sit, quod diuinæ præscientiæ subest; non hinc tamen sequitur, everti liberum arbitrium, cum illud non simplici necessitate, sed solâ coactione violetur. Breui hac responsione omnia Hæreticorum argumenta fregissent. At longè aliam libertatis cum præscientia componendæ viam iniuerunt. Nimirum, idcirco præscientiam diuinam liberum arbitrium non abolere dixerunt, quia non tollit contingentiam effectus, nec voluntatem ad vnum necessariò determinat. Huc reuocantur modi omnes libertatis cum præscientia conciliandæ, quos hâc paucis attingam; vt constet Patres id constanter asseruisse, liberum arbitrium simplici necessitate pessumdari.

Primus est, præscientiam diuinam non tollere libertatem, quia voluntatem ad vnâ partem non astringit, sed alterius eligendæ potestatem relinquit. Ita Origenes apud Euseb. lib. 6. de præpar. cap. 11. nam ad hanc objectionem, *Si Deo semel futurorum prænotio concedatur, sequitur arbitrij nostri potestatem continuò funditus esse tollendam*: post varias solutiones hanc postremò adhibet: *Nullam prorsus à diuina prænotione, rebus iis, quas prænotidet, necessitatem imponi, cum superioribus argumentis, tum hoc insuper efficitur, quòd in sacris passim litteris Propheta ad pœnitentiam homines cohortari iubeantur: idque perinde, ac si Deus, utrum ij meliorem ad frugem sese recepaturi, an suis in sceleribus hæsiuri porrò, ac perstituri sint, ignoraret. Sic apud Hieremiam habetur: forsitan audient,*



*Et agent pœnitentiam. Neque enim idcirco hunc in modum loquitur, quod nesciat, virum audituri sint, nec ne; sed ut illam quodammodo parem in utramque partem vim facultatum ostendas. Vnde sic disputo: præscientia ideo non officit libertati, quia relinquit parem in utramque partem arbitrij facultatem: ergo in indifferenti ad utrumlibet arbitrij facultate libertas posita est.*

Secundus est. Præscientia non obstat libertati, quia non est causa effectus liberi, sed potius effectus liber causa est præscientiæ, atque adeo est in potestate hominis efficere, ut Deus hoc, vel illud præsciuerit. Ita Augustinus libro quinto de Ciuit. Dei capite 10. *Neque enim ideo peccat homo, quia Deus illum peccaturum præsciuit: immò ideo non dubitatur, ipsum peccare, cum peccat, quia ille, cuius præscientia falli non potest, non factum, non fortunam, non aliquid aliud, sed ipsum peccaturum esse præsciuit, qui si nolit, omnino non peccat: sed si peccare noluerit, etiam hoc ille præsciuit. Et tractatu 53. in Ioan. Fecerunt ergo peccatum Iudei, quod eos non compulsi facere, cui peccatum non placet; sed facturos esse prædixit, quem nihil latet: Et ideo si non malum, sed bonum facere voluissent: Et hoc facturi præviderentur ab eo, qui nouit, quid sit quisque facturum. Origenes apud Euseb. lib. 6. præp. cap. 11. Tandem concludunt, si Deo semel futurorum prænotio concedatur, arbitrij nostri potestatem continuò funditus esse tollendam. Quibus hoc modo respondendum erit. Quemadmodum si quem imperitiâ temerarium ac precipitem esse videas, eaque temeritate impulsus, lubrico sese itinere committere, licet cum labente fallentique vestigio ruiturum intelligas, ipse tamen prolapsionis causa non est. Ita planè sentiendum est de Deo, quod nempe, cuiusmodi quisque sit futurus, præviderit, causas etiam, quamobrem eiusmodi sit futurus: tamen non modò Dei prænotationem rerum causam non esse; sed etiam, quod à communi sensu remotius quidam, sed verum tamen est, id ipsum, quod futurum sit, eiusmodi prænotationis causam esse: neque idcirco sit, quia fusu-*

158 DISPUT. DE LIBERO ARBITRIO  
rum esse cognoscatur; sed quòd futurum sit, idcirco futurum  
esse cognoscitur. Ex quibus id colligo, præscientiam di-  
uinam obfuturam libertati, si effectus liberi esset causa.  
Atqui si esset causa effectus liberi, non coactionem pro-  
priè dictam, sed necessitatem tantum inferret: ergo  
necessitas liberum arbitrium euertit.

Tertius modus libertatis cum præscientia coniun-  
gendæ est: Præscientiam non inducere necessitatem  
antecedentem, sed tantum consequentem, quæ stat  
cum libertate. Nam liberè iam scribo, licet ex hypo-  
thesi quòd scribam, necessarium sit, me scribere. Mo-  
dum hunc ex Anselmo clarissimè exponit Albertus  
Magnus i. parte, quæst. 61. membro 8. *Duplex*, inquit,  
*est necessitas, ut dicit Anselmus. Absoluta scilicet, quam*  
*vocat Anselmus antecedentem, qua est ex causis proximis*  
*ad effectum ordinatis: & est necessitas consequens rei pos-*  
*itionem, sicut sedentem sedere, dum sedet. Quod subiacet ne-*  
*cessitati primæ, nullo modo concordat cum libero arbitrio:*  
*sed ea, qua subiacent secundæ necessitati, nihil prohibet con-*  
*cordare cum libero arbitrio.* Atque eiusmodi esse probat  
ea, quæ diuinæ præscientiæ subiiciuntur. Quæ omnia  
copiosius exsequitur Anselmus ipse lib. de concord.  
lib. arb. cum prædestinat. & grat. & libro 2. cur Deus  
homo cap. 18. S. Thom. paucis ea complexus est quæst.  
24. de verit. art. 1. nam ad hoc argumentum, *Quicquid*  
*Deus præscit, necesse est euenire, cum præscientia Dei falli*  
*non possit: sed omnes actus humanos Deus præscit: ergo de*  
*necessitate eueniunt; & ita homo non est liberi arbitrij: re-*  
*spondet: Dicendum, quòd ex præscientia Dei non potest con-*  
*cludi, quòd actus nostri sint necessarij necessitate absolutâ,*  
*qua dicitur necessitas consequentis: sed necessitate conditio-*  
*natâ, qua dicitur necessitas consequentia.*

Porro consequentem necessitatem non officere liber-  
tati inde colligunt, quòd supponat actum iam liberè  
positum. Ita Anselmus libro 2. cur Deus homo, cap. 8.  
*Est namque necessitas præcedens, qua causa est, ut sit res; &*



*est necessitas sequens, quam res facit. Præcedens & efficiens necessitas est, cum dicitur cælum volui, quia necessitas est, ut voluatur: sequens verò, & quæ nihil efficit, est, cum dico te ex necessitate loqui, quia loqueris: cum enim hoc dico, significo, nihil facere posse, ut dum loqueris, non loquaris; non quòd aliquid te cogat ad loquendum.*

Vides, hîc nullam coactionis propriè dictæ mentionem fieri, sed tantum determinationis ad vnum. Vides insuper, supponere Patres istos, necessitate antecedente interimi liberum arbitrium, atque adeo ex illorum mente genuinam hominis libertatem non esse illam, quæ à coactione dicitur: sed aliam, quæ necessitatem simplicem, seu determinationem ad vnum excludit.

Quæ hæc sectione fusiùs disputaui, ita colligo. Hæretici omnes, quî arbitrati sunt præscientiâ diuinâ deleri liberum arbitrium, nunquam dixerunt præscientiâ diuinâ tolli libertatem à coactione: sed hoc vnum voluerunt, eâdem præscientiâ tolli libertatem à necessitate: & tamen tanquam humanæ libertatis hostes ab Patribus, Conciliisque damnati sunt, quòd vel sic libertatem perimerent: ergo cum illis pariter damnantur nouæ opinionis fautores, qui homini libertatem à necessitate abiudicant.

## SECTIO II.

*Nouum dogma cum Astrologorum & Stoïcorum hæresi consentit, & damnatum est.*

**F**ATALEM ab stellis necessitatem humanæ voluntati imprimi putauerunt Mathematici iudicarij, quos alij Chaldæos, alij Planetarios, alij Genethliacos, aut Astrologos appellant. His accessit Priscillianus, ut colligitur ex capite 3. secundi Concilij Bracarenfis. *Si quis animas, & corpora fatalibus stellis credit*

*astringi, sicut Pagani, & Priscillianus dixerunt, anathema sit. Accesserunt ex Stoicis aliqui, qui fato omnia regi ita putauerunt, ut illud in stellis collocarent. Nam Augustino teste libro 5. de Ciuit. Dei capite 1. Homines fatum quando audiunt, usitatâ loquendi consuetudine non intelligunt, nisi vim positionis siderum. Quem errorem vno hoc fere argumento profligarunt Patres, Doctoresque Catholici. Fatalis ista necessitas, quam inducunt Astrologi iudiciarj, evertit arbitrij libertatem: ergo non est admittenda. Ita Origenes, Eusebius, Epiphanius, Ambrosius, Augustinus, Cyrillus, S. Thomas, aliique, qui aduersus Astrologos disputarunt. Vnde hoc argumentum sumo validum imprimis, & efficax ad recentem opinionem comprimendam. Ex mente SS. Patrum necessitas, quam inducebant Astrologi, & Stoïci, repugnat libero arbitrio: atqui necessitas, quam inducebant Astrologi, & Stoïci, non erat necessitas coactionis, sed sola necessitas simplex, seu determinatio ad vnum: ergo ex mente SS. Patrum necessitas simplex, seu determinatio ad vnum repugnat libero arbitrio. Vnde vlteriùs consequitur, everti ab Aduersariis liberum arbitrium, cum simplicem voluntati necessitatem inferri volunt.*

Sola in hoc argumento probanda minor, quam duplici ratione confirmo.

#### PARAGRAPHVS I.

*Demonstratur primò ex ipsis Astrologorum, & Stoïcorum effatis.*

ASTROLOGI actiones omnes humanas ex vi siderum suspendunt; putantque Venerem, verbi gratiâ, ita ad libidinem pertrahere; Martem, ad iram; Mercurium, ad furta, ut alij esse non possumus: atque hinc singulares, ac liberos euentus ex astris præsciri posse con-



contendunt, quia tam necessariae sunt illorum causae, quam Sol necessaria est luminis causa. Vnde ut est hæc infallibilis consequutio: Sol ortus est, ergo lucet; ita & ista: natus est sub Mercurio, ergo furabitur. Ex quibus liquidò constat, simplicem tantum necessitatem Astrologos admisisse: eam nempe, quæ ita nos ad vnum affigit, ut alterius partis potestatem adimat; non verò coactionem propriè dictam, quâ fiat, ut quod nolumus, velimus.

Confirmatur ex Turcarum opinione, qui etiamnum voluntates hominum inexorabili fatorum necessitati subiiciunt. Aiunt sua singulis rebus esse fata, quæ nullâ hominum industriâ perrumpi possint, aut eludi. Vnde vox hæc eorum peruagata: *Si est in fatis ut hoc agam, aut hic moriar, non possum, quin hoc agam, aut hic moriar.* Quæ sententia non coactionem nobis ab fato, sed simplicem necessitatem imprimi supponit. Quam in rem eleganter Euseb. libro 4. præpar. cap. 6. aliquem tali opinione imbutum ita loquentem inducit. *Fiet illud omnino, si fatum ita meum tuleris: quorsum autem frustra molestus mihi sim? hunc si officij sui admoneas, referet utique monitori suo, quemadmodum nonnullis, qui superiori memoriâ vixere, contigit: ad quid, hæc tu mihi monita, bone vir? Nec enim integrum mihi est, mentem hanc, consiliûque mutare, quando iam fatum occupauit. quid me porro iuuat contendere, ubi ne optandi quidem facultas, arbitriûque relinquatur? nisi optare fatum quoque mihi sit: optabo verò si fatum erit, licet nihil precipias, ipsâmet fati necessitate adductus. Cur ergo frustra molestus ipse tibi es? urget nimirum eadem te necessitas, atque ut ista mihi suadeas omnino cogit. Ac quorsum hæc in re tantum study? cassa quippe & inutilis cohortatio tua est. Nam in rem ipsæmet incumbam ultro, si fatum erit: sin autem; inanis est variusque contentio. Nulla hic coactionis mentio; sed illius tantum necessitatis, quæ ad vnum voluntatem addicit.*

## PARAGRAPHVS II.

*Demonstratur secundò ex SS. Patribus, aduersus Astrologos, Stoicòsque disputantibus.*

ASTROLOGORVM, Stoicòrumque deliria ideo explodunt SS. Patres, Doctoresque Catholici: quòd ex iis sequatur, hominem non habere indifferentem ad vtrumlibet arbitrij facultatem; sed ad vnam partem fatali necessitate adstringi. Ita Origenes relatus ab Eusebio lib. 6. Præpar. cap. 9. *Non solum Gentiles stellarum ex coniunctione, & aspectu, quæ in terris sunt, necessario accidere credunt; quam vim, fatum appellant; verum etiam multi ex fidelibus conturbantur, impossibile aliter fieri credentes, quàm stellarum cursus effecerit. Vnde sequitur, nullam in nobis esse libertatem, nullam operationem nostram laudari, aut vituperari posse. Fatalem hanc necessitatem libertati infensam esse dicit, quia illà positâ, quidquid fit, aliter fieri non potest.* Augustinus lib. 2. contra Faustum cap. 3. *Es nos quidem sub fato stellarum, nullius hominis genesim ponimus, ut liberum arbitrium voluntatis, quod vel bene, vel malè viuatur, propter iustum iudicium Dei ab omni necessitatis vinculo vindicemus. Non coactionem tantum, sed & omnem necessitatem ab libera voluntate excludit.*

Nemesius cap. 35. Stoicos sic refellit. *Si enim iisdem causis positis, ut aiunt ipsi, omnino necesse est eadem fieri: nec fieri potest, ut aliquando sic, aliquando aliter eueniat, quòd illa ex æterno tempore præfixa statutaque sint; necesse est, & animalis appetitum omni modo, & ex omni parte iisdem causis positis ita fieri. quod si verò etiam appetitus necessario consequitur, ubi relinquitur quod in nostra potestate est? debet enim esse liberum: esset autem liberum, si iisdem positis causis in nobis esset aliquando appetere, aliquando refugere. Nota posteriora hæc verba, quæ recentis sæcæ*



iugulum petunt: *esset autem liberum, si iisdem possis can-*  
*sis, in nobis esset aliquando appetere, aliquando refugere.*

Eusebius lib. 6. Præpar. contra fatum acerrimè  
 præliatur: idque sæpe inculcat, *Ab iis qui ineluctabi-*  
*lem fati necessitatem asserunt, idcirco libertatem tolli, quia*  
*voluntatem uni parti assignunt. Quod maximè euincit cap.*  
*2. cui titulus est: Hoc etiam, quod in potestate nostra si-*  
*tum est, ab illis tolli, dum arbitrium quoque nostrum fati ne-*  
*cessitate moveri volunt. Quid ita? quia vis fati adeo est*  
*inexorabilis, ut ipsa numina ne se fulmen quidem à suis*  
*templis arcere posse fateantur.*

Ex his omnibus id elicio, euertere libertatem simplici  
 necessitate, seu determinatione ad vnum; quia Patres  
 ideo ab fato liberum arbitrium tolli aiunt, quòd volun-  
 tatem ad vnum addicat, & alterius partis eligendæ po-  
 testatem non relinquat.

Confirmatur ex S. Thoma: si stellæ & astra eodem  
 modo in voluntatem agerent, quo agunt in appetitum  
 brutorum, destruerent liberum arbitrium: sed astra, &  
 stellæ non agunt ita in appetitum brutorum, ut eoactio-  
 nem propriè dictam illis inferant; sed ita tantum, ut  
 illis necessitatem, seu determinationem ad vnum affe-  
 rant; ergo si astra humanæ voluntati necessitatem, seu  
 determinationem ad vnum afferrent, destruerent libe-  
 rum arbitrium. Ex quo vltèrius consequitur, liberum  
 arbitrium necessitate, seu determinatione ad vnum cor-  
 rumpi. Locus S. Thomæ, cui hæc ratio innititur, est  
 eiusmodi 1. parte, quæst. 15. artic. 5. *Si intellectus, & vo-*  
*luntas essent vires corporeis organis alligata, ex necessitate*  
*sequeretur, quòd corpora celestia essent causa electionum, &*  
*actuum humanorum: & hoc sequeretur, quòd homo naturali*  
*instinctu ageretur ad suas actiones, sicut cetera animalia, in*  
*quibus non sunt nisi vires anime corporeis organis alligata.*  
*Nam illud, quod fit in istis inferioribus ex impressione cor-*  
*porum celestium, naturaliter agitur, & ita sequeretur, quòd*  
*homo non esset liberi arbitrij, sed haberet actiones determi-*

164 DISPUT. DE LIBERO ARBITRIO  
*natas, sicut & ceteræ res naturales.* Posterioribus his verbis  
tota controuersia dirimitur. Neque enim dicit, homi-  
nem non fore liberi arbitrii, quia violentiam & co-  
actionem propriè dictam pateretur; sed quia haberet  
actiones determinatas.

### SECTIO III.

*Nouum dogma cum Manichæis reipsâ consentit.  
& damnatum est.*

**L**IBERVM arbitrium extinxisse dicuntur Mani-  
chæi, non quòd hominum voluntati vim ali-  
quam, & coactionem ab extrinseco inferri dicerent;  
sed quòd duas in homine partes collocarent, quarum  
altera necessariò illum in peccatum pertraheret: altera  
pari necessitate ad virtutem raperet. Ergo non coactio-  
ne tantùm; sed simplici etiam necessitate liberum arbi-  
trium euertitur. Ergo illud euertunt Aduersarii, qui  
hominis voluntatem necessitati subiiciunt.

Ruardus Tapperus, loco citato pag. 237. ita hanc ra-  
tionem vrget aduersus Caluinum. *Sed hanc voluntatis  
libertatem, qua coactionem excludit, & externum motum, quo  
violenter trahitur voluntas, nec Manichæi, nec Valla, nec alij  
Hæretici negauerunt. Nouerunt enim inseparabilem esse à  
voluntate. Non enim docebat Manichæus, quòd voluntas  
violenter externo motu inuita trahitur ad bonum, vel ma-  
lum: sed quòd homo ex parte, quam à malo habeat principio,  
sponte suâ, & voluntate ferebatur in malum: parte verò aliâ,  
quæ à Deo est, in bonum; sed necessariò; ita ut secundùm illam  
bonum eligere non possit, nec malum secundùm istam. Non  
aliter Manichæorum hæresim Augustinus refert libro  
primo Retract. capite 15. Post hunc librum scripsi, adhuc  
Presbyter, contra Manichæos, de duabus animabus, qui di-  
cunt unam partem Dei esse, alteram de gente tenebra-  
rum, quam non condiderat Deus, & quæ sit Deo coæterna: &*



*has ambas animas, unam bonam, alteram malam in uno homine esse delirant: istam scilicet malam propriam carnis esse dicentes, quam carnem etiam dicunt gentis esse tenebrarum: illam verò bonam ex aduentitia Dei parte, quæ cum tenebrarum gente conflixerit, atque utramque miscuerit: & omnia quidem bona hominis, illi bona anima; omnia verò mala, illi male anime tribuebant. Vnde id efficitur, non ideo Manichæos liberum arbitrium destruxisse, quòd affirmarent appetitiones nostras esse à principio extrinseco, voluntate nihil conferente. Nam illæ animæ dux erant principia intrinseca, & sponte volebant quicquid volebant; sed quòd bonam animam, si victrix existeret, necessariò nos ad bonum inclinare, & malam, necessariò ad malum pertrahere fingerent.*

Placet hîc accuratiùs scrutari, quid nouum dogma ab Manichæorum opinione dissideat. Statuunt Manichæi duo esse in nobis principia, bonum alterum, alterù malum; si hoc vincat, necessariò nos malè agere; si verò aliud superet, necessariò nos bene operari. Statuunt & nouæ opinionis Architecti, duo esse in nobis principia, gratiam, & concupiscentiam; hanc si superior existat, inclinare nos necessariò ad malum; illam, si præcellat, pari necessitate nos ad bonum rapere. Quid inter utramque opinionem discriminis? Vnum hoc afferunt Aduersarii: Manichæos duo illa principia ab natura inserta finxisse; at statuere se gratiam non esse nisi ex dono Dei; & concupiscentiam, non nisi ex primi parentis peccato fluxisse. Aduersus hanc solutionem habeo duo dicenda.

Primum est, sumptam esse ex Caluino, lib. 5. in Pigh. pag. 182. Dixi, inquit, tam antè, & quasi digito indicaui, quam putida sit calumnia, quâ nos ita Marcioni, & Manichæis subinde adiungis: à quibus non minùs dissidemus, quàm Pighius ipse à nobis. Nam cum illi essentialem in natura malitiam constituent, eamque ab ipso creationis initio saltem esse imaginantur: Nostri ex natura corruptione vitium esse

*definiunt: naturam verò non caelesti aliquo influxu, sed voluntario hominis lapsu corruptam fuisse, constanter profitentur.*

Secundum, quod aduersus hanc, Dogmatistis communem & Hæreticis, solutionem oppono, istud est: nihil prorsus ad rem pertinere, quod vtrique aiunt, non esse ab natura concupiscentiam. Certè si necessitas, quam inducit concupiscentia, libero arbitrio capitaliter est infensa, vndecumque sit illa, siue ab natura, siue ab peccato, libertatem eodem modo pessumdabit.

Confirmatur primò: si concupiscentia esset ab natura, eodem modo arbitrium euertetet, quo malum principium Manichæorum: ergo & nunc ita euertit. Probatur consequutio: etiamsi esset ab natura, non eriperet homini libertatem à coactione, sed solam libertatem à necessitate: atqui fatentur Aduersarii eam in hoc statu eripere nobis libertatem à necessitate, quia necessariò ad malum inclinat: ergo in hoc statu eodem modo abolet liberum arbitrium, quo si esset à natura.

Confirmatur secundò: malum principium Manichæorum non idcirco destruit liberum arbitrium, quia excludit libertatem à coactione, sed tantùm quia excludit libertatem à necessitate: atqui etiam concupiscentia in sententia Aduersariorum excludit libertatem à necessitate: ergo eodem modo liberum arbitrium destruit, quo malum principium Manichæorum.

#### SECTIO IV.

*Novum dogma reipsâ consentit, & damnatum est cum illis Hæreticis, qui diuinâ gratiâ liberum arbitrium interimi putauerunt.*

**P**ARTEM hanc breuiter attingam, nec ingrediar grauissimam illam difficultatem de concordia li-



beri arbitrii cum gratiæ efficacîâ, ne sanctissimæ Sedis Apostolicæ decreta conuellere videar. Vnum hoc dicam, Adrumetinos Monachos, Iouinianum, aliósq̃ue, qui efficacem gratiam cum libero arbitrio cohærere negauerunt, non aliter sensisse, quàm Aduersarios. quod sic probo. Non existimarunt illi Hæretici, diuinâ gratiâ eripi nobis libertatem à coactione. Nam quis id nisi demens somniauerit? sed solùm libertatem à necessitate: atqui idem dicunt Aduersarii: ergo idem cum illis Hæreticis sentiunt.

Addo, Patres omnes, qui de hac controuersia tractarunt, non existimare libertatem illam, quam cum diuina gratia conciliare nitebantur, esse libertatem à coactione; sed aliam, quæ à necessitate dicitur, quæque omnem determinationem ad vnum excludit.

Atque id inde efficio, quòd asserunt SS. Patres vix explicari posse, quomodo diuinæ gratiæ efficacia cum humana libertate consentiat. Ita Augustinus libro 1. de gratia Christi cap. 47. *Ista questio ubi de arbitrio voluntatis, & Dei gratia disputatur, ita est ad discernendum difficilis, ut quando defenditur liberum arbitrium, negari Dei gratia videatur; quando autem asseritur Dei gratia, liberum arbitrium putetur auferri.* Quæ verba repetit non semel, nec vno in loco, vt videri apud illum potest lib. 4. contra Iul. cap. 8. & lib. de gratia & lib. arbit. cap. 1. & in duabus epistolis ad Valentinum. Ita etiam Anselmus, Bernardus, S. Thomas, aliique Patres, Doctorésque.

Hinc videmus omnes Hæreticos, tum antiquos, tum recentiores, qui de concursu gratiæ cum humana voluntate disputarunt, ob eandem difficultatem, in alterum ex duobus erroribus extremis turpiter esse prolapsos. Nam aut specie libertatis humanæ defendendæ, gratiæ necessitatem abnegarunt: aut vt eiusdem gratiæ necessitatem tuerentur, & efficacitatem commendarent, liberum hominis arbitrium euerterunt. Ex quibus colligo, libertatem arbitrii, quam Patres, vix ac ne vix

quidem cum Diuinæ gratiæ efficacia conciliari posse pronuntiant, non esse libertatem à coactione; quia nihil facilius, quàm istam cum libero arbitrio componere. Siquidem tam facilè intelligitur, gratiam non abolere libertatē à coactione, quàm facilè intelligitur, instinctum belluarum non perimere earum spontaneum: at nemo dixerit vix intelligi posse, quomodo instinctus belluarum non perimat earum spontaneum.

Verbo dicam, si Patres essent in Aduersariorum sententia, breui hac ratione grauissimam hanc difficultatem expedirent: non potest ab ullo agente inferri coactio voluntati quoad actus elicitos: ergo neque à gratia. quo posito sequitur, gratiam non destruere libertatem à coactione, atque adeo cum libero arbitrio optimè conciliari. Quis autem SS. Patrum ita hanc questionem diremit?

Rationem hanc fusè prosequitur Ruardus Tapperus articulo 7. pag. 237. *Quando apud Augustinum disputatur, an gratia tollat liberum arbitrium, quod credebant Monachi Adrumetini (propter quos scripsit librum de gratia & libero arbitrio) non agitur de arbitrio libero à coactione, quæ natura voluntatis repugnat. Non enim ignorare poterant, quod voluntas externo motu inuita non cogitur: nec inuitam velle ex doctrina B. Augustini, Monachi illi credebant; sed an gratia faciat opera salutis non esse in nostra potestate, quod illi ex ea sequi putabant, ut patet ex duabus epistolis, quas scripsit Augustinus ad Valentinum, & sunt numero 46. & 47. docens simul, hanc libertatem concludi ex præceptis, & consiliis Dei. Nullam enim hac questio de gratia & libero arbitrio, quam difficillimam dicit B. Augustinus, haberet difficultatem, si libertas intelligeretur coactionem excludere solum, & non necessitatem.*



## SECTIO V.

*Aduersariorum responsa diluuntur.*

**I**NGENIOSAM hîc Calvinus eiûsque Partiarj fallaciam obtendunt, quæ iam plurimos induxit in fraudem, & nisi cautè retexatur, non nihil negotij facesser. Aiunt multùm se ab veteribus Hæreticis dissidere, quòd ex illorû opinione sequatur nulla esse peccata, Deûmque crudeliter ac iniustè sceleratos homines flâmis addicere. Quia illa peccandi necessitas, quam ab astris, ab præscientia, aut malo aliquo principio imponi fingebant, à peccato excusabat. Si obicias parem nobis, ex nouæ opinionis placitis, ab concupiscentia, peccandi necessitatem imminere: Respondebunt, peccandi necessitatem, quæ à concupiscentia oritur, ideo à peccato non excusare, quia culpâ nostrâ illam contraximus; habuimus enim aliquando insitam bene agendi facultatem; nec nisi Adami peccato in peccandi necessitatem prolapsi sumus. At peccandi necessitas, quam inducebant antiquiores Hæretici, à peccato excusabat; quia non erat nobis in peccati pœnam irrogata, sed ab ipsa quodammodo natura insita. Aduersus inanem hanc argutiam, quam tantopere venditant Aduersarij, duo præscribo. Primum est, ab Caluino excogitatam esse, vt se ab veteribus Hæreticis segregaret. vnde nihil est apud illum, nihil apud eius asseclas peruagatius. Secundum est, etiam illam peccandi necessitatem quam culpâ nostrâ incurrimus à peccato excusare, modo peccatum, quo illam contraximus, nobis sit condonatum. Ratio est, quia peccatum illud, quod committimus, antecedenti & absolutâ peccandi necessitate confixi, vel nullam habet malitiam, vel distinctam non habet ab ea culpa, quâ in eiusmodi peccandi necessitatem incidimus. Quare crudelis est Deus, in Aduersa-

riorum sententia, qui originali peccato per baptismum remisso, pœnas nihilominus æternas nobis infligit, ob ea scelera ad quæ contracta ex originali peccato malè agendi necessitas necessariò pertrahit. Id ego tam manifestum puto, vt non tam rationibus, quibus probetur, quàm exemplis, quibus explicetur, indigeat. Tria producam; quæ, qui expenderit, inanem hanc præposteræ nouitatis argutiam deridebit.

Primò te ipsum compello, quisquis es, qui id responsionis prætexis. fingo tibi esse seruum aliquem, qui te prohibente, & crudelissimam mortem interminante si in fastigium domus ascenderit, ascendat nihilominus, indeque suâ culpâ delapsus in præceps, crura sibi pedesque frangat, ita vt non modò ingredi, sed nec tantillum loco se mouere possit. fingo insuper posse te quidem iustè illum morte plectere ob insignem illam peruiaciam, at pro innata mansuetudine omnem culpam condonare, illique ex animo reconciliari. Hoc posito, peto an possis miserrimo illi seruo suâ culpâ pedibus capto præcipere vt ingrediatur, vt ambulet, vt currat, eumque, nisi paruerit, graui supplicio afficere. Si id feceris, nemo est qui te crudelitatis non accuset: vel saltem non arbitretur te non tam seruum multare, quòd fractis pedibus non ambulauerit, quàm quòd suâ culpâ crura sibi fregerit; adeoque te insigniter esse mentitum, cum priorem illi culpam ex animo remisisse professus es. Vide num eandem Deo immanitatem, aut perfidiam affingas, quem statuis homini in peccandi necessitatem suâ culpâ demerso, cuique necessariam ad peccatum vitandum gratiam tribuere non vult, imperare vt non peccet, & peccanti pœnas æternas infligere, licet culpam, quâ peccandi necessitatem incurrit, in baptismo illi condonârit.

Secundò, finge Deum alicui homini potestatem volandi per æra, maria inambulandi, & alia eiusmodi miracula patrandi eâ lege tribuisse, vt si peccet, eâ potest-



state priuetur; & suppliciis plectatur æternis. Adde peccare hominem istum grauissimè, cùmque iam esset in tartara detrudendus, Deum filij sui precibus illi reconciliari, & æterna supplicia quæ commertus erat condonare, solâ, in aliqualem peccati pœnam, miraculorum patrâdorum ereptâ potestate. Hoc posito, peto an possit Deus præcipere huic homini vt volet per aëra, vt maria inambulet: ita vt, si huic præcepto non paruerit, iustè illum Deus pœnis æternis addicat. Cuilibet de Deo non malè sentienti communis sensus suggerit, id non posse. quia quoddam infelix iste miraculorum patrâdorum potestate, suâ culpâ, spoliatus non volet per aëra, vel nulla culpa est, vel non est distincta ab ea, quâ volandi potestatem amisit, quam à Deo remissam posuimus. Quàm bellè hoc exemplum in rem nostram conueniat, vel me tacente satis intelligis.

Tertiò, Quæro vtrum Deus iam possit homini, cui nullum ad mortem vitandam peculiare auxilium conferre statuit, imperare vt non moriatur, ita vt si illum mori contigerit, eâ re præcisè, quoddam mortuus sit, in infernum deuoluatur. Quidquid respondebunt Aduersarij, abire non possunt, quin explodantur. Si dicant, Deum id non posse imperare, causam obtinuimus; Nam continuò sequitur nec imperare etiam posse homini, cui nullam ad peccatum vitandum gratiam tribuere statuit, vt non peccet. Nam vtrobique paria omnia: primò, vt in creatione homo acceperat non peccandi possibilitatem, ita & non moriendi. Secundò, vt per originale peccatum necessitatem peccandi contraxit, ita & moriendi. Tertiò, vt in hoc statu non potest vitare mortem sine peculiari Dei auxilio, ita nec peccatum. Quartò, vt statuit Deus nullum huic homini peculiare auxilium conferre ad vitandam mortem, ita agimus de homine peccante, cui nullam ad peccatum vitandum gratiam à Deo tribui pugnant Aduersarij. Iam verò si dicant posse id Deum imperare, iustèque homi-

172 DISPUT. DE LIBERO ARBITRIO  
nem iustum damnare, quodd mortuus sit, quis eos fe-  
rat? quis non sugillet? Certè desperati est hominis  
illa responsio, quam ego longiori refutatione non di-  
gnabor.

Liceat ergo secundum hoc caput his Guillelmi Estij  
verbis concludere ex l. 2. distinct. 7. §. 7. DICENDVM  
IGITVR EST ARBITRII LIBERTATEM QVAM  
CONTRA HÆRETICOS VETERES ET NOVOS  
DEFENDIT ECCLESIA, CONSISTERE IN FACVLTA-  
TE ELIGENDI VTRVMLIBET OPPOSITORVM. Qui-  
bus & illa Cunei Petri Episcopi Leouardiensis liben-  
ter attexam ex libro 5. de libero arbitrio. *Quod à co-  
actione liberi sumus, ipsa natura voluntatis exigis, que  
non est voluntas, si coacta sit.* Mox: *Ideoque de hoc liber-  
tatis modo nunquam fuit, aut potuit esse questio, quam om-  
nes euidentissimè in se sentiunt, & sine qua natura volun-  
tatis aliter concipi non potest.* Sed DE EO LIBERTATIS  
MODO SEMPER ECCLESIA CVM HÆRETICIS, ET  
NONNVLIS PHILOSOPHIS CONFLIXIT, QVO  
SIMPLICITER HOMO ALIQVID FACERE, VEL ID  
IPSVM OMITTERE POTEST, CUIVS PROPRIVS  
ACTVS EST ALTERVTRVM OPPOSITORVM, QVÆ  
OFFERVNTVR, ELIGERE.





## CAPVT III.

*Nouum dogma damnatum est ab posterioribus Conciliis, Romanis Pontificibus, S. Thoma, Doctoribus Sorbonicis, Facultate Parisiensi, aliisque Catholicis Theologis.*



NOVAM opinionem plagij hætenus, errorisque conuicimus. Nunc dammanda est, & Conciliorum, Pontificum, Doctorumque iudicio subiicienda. Qua in re ita versabor, vt ex Conciliis, non ea tantum prolaturus sim, quæ recentis sectæ caput feriunt, sed & alia, quæ eiusdem fundamenta, aut consuetudina labefactant. Quod si in S. Thomæ, Doctorumque proferendâ sententiâ obseruarem, longius nostra hæc disputatio excurreret. Quare ex iis ea tantum excerpam, quæ primarium nouæ opinionis effatum petunt.

## SECTIO I.

*Nouum dogma ab iisdem Conciliis damnatum est, quibus Lutheri Calvinique hæresis proscribitur.*

TRA sunt in Lutheri Calvinique hæresim collecta Concilia. Primum est, Senonense Provinciale sub Reuerendissimo Domino Antonio à Præto, Tituli S. Anastasie Presbytero Cardinali, Senonensi Archiepiscopo, & Franciæ Cancellario, celebratum anno Domini 1528. cum Lutherana pestis grassari latius, & propagari cœpisset.

Secundum est, Colonienſe, Prouinciale item, Hermannii Archiepiſcopi auctoritate celebratum anno 1536. cùm iam ferè tota Germania Lutheri hæreſim ſequeretur. Cuius Concilij auctoritate concinnatum eſt Enchiridion Doctrinæ Chriſtianæ, quo præcipua Lutherani dogmatis capita confutantur.

Tertium eſt ſacroſanctum Oecumenicum, & Generale Concilium Tridentinum ſub Paulo III. & Pio IV. Pontificibus Maximis, habitum, ad Lutheri Caluinique hæreſim totâ iam Europâ diffuſam impunèque graſſantem, ſtirpitus exſcindendam.

Quæ omnia Concilia ita per Lutheri Caluinique latus, nouos Dogmatistas confodiunt, vt in eos collecta fuiſſe videantur. Quod in præcipuis noui dogmatis opinionibus, quàm verum ſit, oſtendo.

#### PARAGRAPHVS I.

*Damnatur ab iſdem Conciliis, quod aiunt Aduerſarij, hominem in hoc ſtatu non eſſe liberum à neceſſitate.*

QVÆ ſit Concilij Senonenſis de libero arbitrio ſententia patet ex decreto fidei 15. vbi circa medium hoc habet: *Cùm reliquerit Deus hominem in manu conſilij ſui, appoſueritque coram eo ignem, & aquam, bonum, & malum, ut ad quodcunque volueris, porrigat manum ſuam; nec abs re beatus ille iudicatur, qui potius transgredi, & non eſt transgreſſus, facere mala, & non facit; quòd ſub eo ſit appetitus eius, & dominetur illius: ac denique percurrentis Scripturam Sacram paſſim obuium ſit, quòd liberam veramque in partem hominis arbitrium aſſeueret; ſatis eſſe viſum eſt Sacro Prouinciali Concilio, libertatis eiufmodi vires, & metas exponere. Potuèntne clariùs communis de libertatis indifferentia opinio explicari? Circa hunc Concilij Senonenſis locum duo ſunt animaduertenda. Primum: liberum ar-*



bitrium explicari per indifferentem ad vtrumlibet facultatem. Secundum: probari hominem in hoc statu esse, liberi, & in vtramque partem soluti arbitrii, ex illo Ecclesiastici loco, *apposui tibi aquam & ignem*: quem aiunt Aduersarii ad veræ genuinæque libertatis explanationem nihil facere.

Consentit Trident. sess. 6. can. 5. *Si quis liberum hominis arbitrium, post Adæ peccatum, amissum, & extinctum esse dixerit, &c. anathema sit.* Petit hic Canon Lutherum, Calvinumque, qui, vt vidimus superiùs, affirmabant, acceperisse quidem hominem in creatione sua indifferentem ad vtrumlibet arbitrii facultatem: at illam per peccatum amisisse, nec aliter in hoc statu esse liberum, quàm quia siue bene, siue malè agit, sponte, & voluntariè, non coactè agit. Quæ cùm toridem verbis succinant Aduersarii, eodem certè anathemate percelluntur.

Confirmatur primò. Certum est, Tridentinos Patres eo sensu affirmare liberum arbitrium, quo negabant Lutherani, atque Calvinistæ: sed illi negabant tantùm indifferentem ad vtrumlibet facultatem, non verò voluntatem incoactam, & violentiæ externæ expertem: ergo certum est, Tridentinos Patres affirmare, esse in homine lapso libertatis indifferentiam.

Confirmatur secundò, ex iis, quæ Calvinus ad hunc Canonem respondet in Antidoto Concil. Trident. ad sess. 6. *De verbo*, inquit, *ne moueamus rixam: sed quia per liberum arbitrium intelligunt eligendi facultatem, quæ sit in vtramque partem libera, & soluta, titulum sine re esse, qui affirmat, Christum habet auctorem; &c.* Eadem dicunt noui Dogmatistæ: nimirum, nos non habere libertatem à necessitate, seu determinatione ad vnum: ergo vel hic Concilii Tridentini Canon in Calvinum non cadit, vel æquè in nouos Dogmatistas cadit.

Confirmatur 3. ex Canone 4. eiusdem sessionis, quo definitur hominem posse gratiæ dissentiri, si velit, & ex

176 DISPUT. DE LIBERO ARBITRIO  
capite 5. quo illud ipsum his verbis sancitur: *Tangente Deo cor hominis per Spiritus sancti illuminationem, inspirationem illam recipiens eam abicere potest. Nam inde Doctores communiter eliciunt hominis lapsi voluntatem non à coactione tantum, sed etiam à necessitate liberam esse.* Ita Guillelmus Estius in 2. dist. 24. §. 1. *Vt autem intelligamus quam necessario tenenda sit hæc doctrina, quâ dicimus ad liberi arbitrij propriam rationem pertinere, ut sit liberum à necessitate naturali, nec sufficere quòd sit liberum à coactione, notandum est quod habetur in Concilio Trid. sess. 6. can. 5. &c. Ioannes Wigers in 1. 2. quæst. 6. a. 2. num. 6. Alexander Pefantius in 1. 2. quæst. 6. artic. 3. disput. 4. Et Gabriel Pennottus lib. 1. cap. 6. qui ita concludit: Quare non video quomodo post dictas Concilij definitiones, illæ propositiones: Quod voluntariè fit, etiamsi necessario fiat, liberè fit: Et, sola violentia repugnat libertati hominis naturali, in aliquo sensu legitimo ab aliquo Catholico possint defendi.*

## PARAGRAPHVS II.

*Damnatur ab iisdem Conciliis, quod aiunt Aduersarij, non esse integrum homini gratiam internam admittere, vel respuere.*

PRIMARIUM hoc nouæ opinionis fundamentum tam manifestè subruitur ab Concilio Senonensi, ut nullus sit cauillationi locus. Neque, inquit Decreto iam citato, liberum arbitrium asserentes, Diuinam excludimus propterea gratiam: quod illi falsò toties imponere non verentur, atque hoc fumo credulorum oculos perstringere. Tum ubi ostendit gratiæ necessitatem, addit: Neque tamen tanta gratiæ necessitas libero præiudicat arbitrio, cum illa semper sit in promptu, nec momentum quidem prætereatur, in quo Deus non stet ad ostium, & pulset: cui si quis aperuerit ianuam, intrabit ad illum, & cænabit cum illo. (en gratiam



ciam sufficientem, quam noui Theologi Pelagianismi criminantur.) N E C DENIQUE TALE SIT HVIVSMODI TRAHENTIS DEI AVXILIVM, CUI RESISTI NON POSSIT. *Quoties enim Dominus voluit congregare filios Hierusalem, sicut gallina congregat pullos suos sub alas, & noluit? Frustra ceriè Stephanus Iudeos dura cervice, & incircumcisi cordis argueret, qui semper Spiritui sancto resisterent.* FRVSTRA PAVLVS THESSALONICENSES ADMONERET, SPIRITVM NE EXTINGVERENT, SI DIVINIS INSPIRATIONIBVS HOMINES INEVITABILITER RAPERENTVR. Non video, quâ arte possint Aduersarii huiusce loci vim effugere.

Nihilo faciliùs se expedient ex Enchiridio Concilii Colonienſis, de sacramento Pœnitentiæ. *Septimò*, inquit, RETINENDVM EST, SITVM ESSE IN HOMINIS VOLVNTATE, VT GRATIAM DEI OBLATAM VEL ACCIPIAT, VEL REPVDIET. Quod inferiùs explicat exemplo euidentissimo. *Oculus*, inquit, *solem videre non potest, nisi solis lumen oculum præueniat, ut videat: tamen sole lucente, qui super omnes oritur, libera est intuitio, hominiquæ liberum est oculos claudere, ne solis lumen admittat; aut aperire, ut recipiat.* Haud sicùs IMPIO LIBERV M EST PRÆVENIENTE SE DIVINÆ ILLVMINATIONIS GRATIA A PECCATO RESVRGENDI, EAM ACCIPERE, VEL NON ACCIPERE: DEO PRÆVENIENTI, ET PER BONVM COGITATVM AD POENITENTIAM EXCITANTI DARE, VEL NEGARE CONSENSVM, VELLE VEL NOLLE POENITERE. *Non enim, ut sape diximus, in casu primi hominis voluntate spoliati, sed voluntatis sanitate priuati sumus.* Quo ex loco non tantùm patet, integrum nobis esse gratiam amplecti, vel repudiare; sed etiam in eo esse positam libertatis nostræ rationem. quod constat ex postremis verbis, quæ probationis instar sunt: *Non enim in casu primi hominis, &c.*

Eodem loci, rationem, cur è duobus vnus conuer-

178 DISPUT. DE LIBERO ARBITRIO  
tatur, alter non conuertatur, hanc esse ait, quòd vnus oblatam gratiam recipere voluit, alter eandem sibi quoque oblatam repudiavit. *Nihil, inquit, mirum, ille peccato demersus succumbat, hic resurgat. Hic enim diuine gratia dexteram non neglexit, sed apprehensa dextera ductu, & tractu, è peccatorum fecibus emerfit: ille verò diuine gratie dexteram sedulo oblatam, ac nunquam subtractam apprehendere neglexit, & sic in peccatorum luto defixus remansit. Ambo in peccati foueam corruerunt: sed hic funem gratia Dei demissum apprehendit, & mordicus tenuit, & extractus est; ille funem Dei demissum apprehendere neglexit. Si hoc ab recenti Theologo diceretur, clamarent totis lateribus noui Dogmatistæ, hæreticum esse, atque Pelagianum.*

Quæ omnia in pauca collegit Concil. Trid. sess. 6. can. 4. vbi anathemate ferit eum, qui dixerit, liberum hominis arbitrium Deo excitanti, atque vocanti non posse resistere, si velit. Et cap. 5. ita definit: **TANGENTE DEO COR HOMINIS PER SPIRITVS SANCTI ILLUMINATIONEM, INSPIRATIONEM ILLAM RECIPIENS EAM ABIICERE POTEST.**

Cauillantur hîc Aduersarij, & Tridentini auctoritatem, quam palàm abiurare non audent, conantur eludere. Voluntas, inquiunt, potest dissentiri gratiæ; sed si velit. quod non interpretantur, vt sonat; ita vt sensus sit: voluntas potest pro libito, gratiæ oblatae vel assentiri, vel dissentiri; sed alium in sensum, ab comuni omnium notione alienissimum detorquent. *Id est, inquiunt, voluntas etsi necessario gratiæ assentiasur, tamen si vellet dissentiri, posset dissentiri, quia hoc ipso dissentiretur; siquidem velle dissentiri, dissentiri est.* Non immorabor diutius in hac friuola cauillatione confutanda, quam iam antè cap. 1. pluribus exagitaui. Vnum hoc breuiter euinco, ex mente Concilij hominem posse absolute gratiæ dissentiri, & reipsâ sæpissimè dissentiri. Probatum primò, ex eo quòd supponit Concilium, ho-



mines sæpe illam gratiam repudiare. Eadem sessione cap. 11. *Deus suâ gratiâ semel iustificatos non deserit, nisi ab eis prius deseratur.* Et cap. 13. *In Dei auxilio firmissimam spem collocare, & reponere omnes debent. Deus enim, nisi ipsi eius gratia defuerint, sicut caput opus bonum, ita perficies.* Nec dicas, loqui Tridentinum de gratia sanctificante. Nam manifestè Concilij verba contrarium sonant. Loquitur enim de ea gratia, quæ Dei auxilium vocatur, quàmque prius deserimus, quàm deseramur à Deo. Cuiusmodi non est gratia sanctificans. Deinde, si illo cap. 13. loquitur de gratia sanctificante, ridicula est illa, quam affert bene sperandi ratio, ut vel legenti patet. Probaturn secundò: editus fuit hic Canon aduersus Lutherum, Calvinumque: ergo id statuere debet, quod Lutherus, Calvinusque negabant. At nunquam negauerunt illi, hominem posito, quòd velit gratiæ dissentire, posse gratiæ dissentiri; sed id tantum negauerunt, esse in potestate hominis præuenienti gratiæ dissentiri reipsâ, aut velle dissentiri: ergo definit Concilium, esse in hominis potestate præuenienti gratiæ dissentiri reipsâ, & velle dissentiri. Confirmatur: inanis esset, ac ridiculus hic Canon, si id vnum definiret, quod volunt Aduersarij. Nam, ut ipsi fatentur, hic esset eius sensus: *posito, quòd homo dissentiatur gratia, potest dissentiri gratia.* Itanc verò Concilio opus fuit, ut id sanciretur?

## PARAGRAPHVS III.

*Damnatur ab iisdem Concilio, quod asserunt Aduersarij, nullam esse gratiam sufficientem tantum.*

GRATIA sufficiens, quam, ut Pelagij commentum, Lutherani, Calvinistæ, iisque hac in re perfimiles noui Dogmatistæ execrantur, ab posterioribus Conciliis admissa est, atque probata.

Concilium Senonense decreto fidei 15. *Neque tamen tanta gratiæ necessitas libero præiudicat arbitrio, CVM ILLA SEMPER SIT IN PROMPTU, NEC MOMENTVM QUIDEM PRÆTEREAT, IN QVO DEVS NON STET AD OSTIUM, ET PVLSET: cui si quis aperuerit inanuam, intrabit ad illum, & cænabit cum illo.* Hæc totidem verbis Scholastici huiusce temporis Theologi: & ab Aduersariis Pelagianismi insimulantur:

Enchiridion Concilij Colonienſis, de sacramento Pœnitentiæ. *Sextò, inquit, statuendum est: quòd DEVS ADEO VULT OMNES HOMINES SALVOS FIERI, VT NEMINI QVANTVMLIBET SCELERATO GRATIAM SVAM SVBTRAHAT.* Quod statim explicat his verbis: *Prior gratia, quâ Deus hominem præuenit, ac incitat, vt resurgat, iterum duplex est: vna generalior, qua est bonus motus, bonæque cogitatio: veluti cùm peccator, Deo inspirante, agnoscat peccatum suum, cùm terrore gehennæ concutitur, cùm de amittenda æterna beatitudine dolet.* Hanc gratiam nemini deesse paulo post ostendit. *Iam conſtat, Deum nulli hominum gratiâ illâ generalius acceptâ deesse; adeo vt nullus sit peccator sceleratus, cui Deus, quoad in hac vita superſtes fuerit, hanc gratiam subtrahat.* Nam per hanc stans ad ostium sedulo pulsus, initium nostræ salutis (qua est peccati cognitio) in nobis operari desiderans. Et quis tandem est hominum, qui non sentiat se hac gratia præueniri? Ac ne quis scrupulus hæreat, obiectionem, quæ erat in promptu, sic dissoluit. *Quod autem Actorum 14. legimus, dicente Paulo ad viros Lyſtrios, Deum in præteritis generationibus dimiſſiſſe omnes gentes ingredi vias suas, non sic intelligendum, quasi Deus gentibus suâ gratiâ defuerit.* Qui enim non reliquit se expertem testimoni, hoc est, qui beneficiis innumeris testificatur, se esse Deum optimum, & maximum, qui omne genus hominum inhabitare facit super terram vniuersam, & quarant eum; atque adeo declarat, se eum esse, qui det omnibus vitam, & inspirationem, & omnia, seque non longè esse ab unoquoque nostrum, quòd in ipſo vi-



*namus, moueamur, & simus: isne putandus est, ulli genti gratiam suam prauentem subtraxisse? Et garriant Aduersarij gratiam sufficientem, quæ paganis etiam conceditur Pelagianorum esse commentum. Paulo post explicat idem Enchiridion Concilii Colonienſis, quomodo Deus aliquem deferat. Factum est, inquit, ut gentes gratiam Dei contemnentes, ac repudiantes, dimiſſe ſint ingredi vias ſuas. Atque eadem omnino ratione ſit, ut non omnes illos motus gratia ſpecialis, omnibus peccatoribus Deus impertiat. In cauſa enim eſt peccatoris obduratio, gratiam illam communem, ſeu generalem negligentis, atque repudiantis. Non potuit melius communis de gratia ſufficienti ſententia explicari, nec efficacius nouæ opinionis deliria retundi. Certè non puro Aduerſarios, licet ſubdoli ſint, & callidi, tam manifeſtam gemini Concilii auctoritatem poſſe defugere. Nam etſi eò prorumperent, ut quod de Concilio Tridentino clàm muſſitant, palàm de Senonenſi, Coloniensique dictarent: nullam eſſe vtriuſque auctoritatem, quòd & Senonenſis Decreta, & Coloniens ſcholaſtici Theologi concinnarint; negare tamen non poſſent, ſententiam ſuam cum Lutherana congruere, ſiquidem ex aduerſo pugnat cum illa doctrina, quam vtrumque Concilium Lutheranò dogmati oppoſuit.*

## PARAGRAPHVS IV.

*Damnatur ab iſdem Conciliis quod aiunt Aduerſarij, Deum impoſſibilia iubere.*

CONCILIUM Senonenſe inter errores damnatos pridem ab Eccleſia, & ab Lutheranis inſtauratos, reſert hanc Lutheri ſententiam, quâ dicit, *Deus hominem ad impoſſibile obligauit: quod qui negat, peſſimè facit, & qui hoc falſum eſſe dicit, pluſquam peſſimè facit.* Eandem Lutheri propoſitionem graui cenſurâ notauerunt Pari-

Concilium Senonense decreto fidei 15. *Neque tamen tanta gratiæ necessitas libero præiudicat arbitrio, CVM ILLA SEMPER SIT IN PROMPTU, NEC MOMENTVM QVIDEM PRÆTEREAT, IN QVO DEVS NON STET AD OSTIVM, ET PVLSET: cui si quis aperueris innuam, intrabit ad illum, & cœnabis cum illo.* Hæc totidem verbis Scholastici huiusce temporis Theologi: & ab Aduersariis Pelagianismi insimulantur.

Enchiridion Concilij Colonienſis, de sacramento Pœnitentiæ. *Sextò, inquit, statuendum est: quod DEVS ADEO VULT OMNES HOMINES SALVOS FIERI, VT NEMINI QVANTVMLIBET SCCELERATO GRATIAM SVAM SVBTRAHAT.* Quod statim explicat his verbis: *Prior gratia, quâ Deus hominem præuenit, ac incitat, vt resurgat, iterum duplex est: vna generalior, quæ est bonus motus, bonæque cogitatio: veluti cùm peccator, Deo inspirante, agnoscit peccatum suum, cùm terrore gehennæ concutitur, cùm de amittenda æterna beatitudine dolet.* Hanc gratiam nemini deesse paulo pòst ostendit. *Iam constat, Deum nulli hominum gratiâ illâ generalius acceptâ deesse; adeo vt nullus sit peccator sceleratus, cui Deus, quoad in hac vita superstes fueris, hanc gratiam subtrahas.* Nam per hanc flans ad ostium sedulo pulsatur, initium nostræ salutis (quæ est peccati cognitio) in nobis operari desiderans. *Et quis tandem est hominum, qui non sentiat se hac gratia præueniri? Ac ne quis scrupulus hæreat, obiectionem, quæ erat in promptu, sic dissoluit.* Quod autem Actorum 14. legimus, dicente Paulo ad viros Lystrios, Deum in præteritis generationibus dimisisse omnes gentes ingredi vias suas, non sic intelligendum, quasi Deus gentibus suâ gratiâ defuerit. *Qui enim non reliquit se expertem testimoniū, hoc est, qui beneficiis innumeris testificatur, se esse Deum optimum, & maximum, qui omne genus hominum inhabitare facit super terram vniuersam, & querant eum; atque adeo declarat, se eum esse, qui det omnibus vitam, & inspirationem, & omnia, seque non longè esse ab unoquoque nostrum, quod in ipso vi-*



*namus, moueamur, & simus: isne putandus est, ulli genti gratiam suam prauentem subtraxisse? Et garriant Aduersarij gratiam sufficientem, quæ paganis etiam conceditur Pelagianorum esse commentum. Paulo post explicat idem Enchiridion Concilii Colonienſis, quomodo Deus aliquem deferat. Factum est, inquit, ut gentes gratiam Dei contemnentes, ac repudiantes, dimisse sint ingredi vias suas. Atque eadem omnino ratione fit, ut non omnes illos motus gratiæ specialis, omnibus peccatoribus Deus impertiat. In causa enim est peccatoris obduratio, gratiam illam communem, seu generalem negligentis, atque repudiantis. Non potuit melius communis de gratia sufficienti sententia explicari, nec efficacius nouæ opinionis deliria retundi. Certè non puto Aduersarios, licet subdoli sint, & callidi, tam manifestam gemini Concilii auctoritatem posse defugere. Nam etsi eò prorumperent, ut quod de Concilio Tridentino clàm muſſitant, palàm de Senonensi, Colonienſique dictarent: nullam esse vtriusque auctoritatem, quòd & Senonensis Decreta, & Colonienſis Enchiridion Scholastici Theologi concinnarint; negare tamen non possent, sententiam suam cum Lutherana congruere, siquidem ex aduerso pugnat cum illa doctrina, quam vtrumque Concilium Lutherano dogmati opposuit.*

## PARAGRAPHVS IV.

*Damnatur ab iisdem Conciliis quod aiunt Aduersarij, Deum impossibilia iubere.*

CONCILIUM Senonense inter errores damnatos pridem ab Ecclesia, & ab Lutheranis instauratos, refert hanc Lutheri sententiam, quâ dicit, *Deus hominem ad impossibile obligauit: quod qui negat, pessimè facit, & qui hoc falsum esse dicit, plusquam pessimè facit.* Eandem Lutheri propositionem graui censurâ notauerunt Pari-

sienses Theologi anno 1522. nam inter articulos Lutheri habetur hic in hæc verba conceptus: *Qui negat Deum impossibile iussisse, pessimè facit, & qui hoc falsum esse dicit, plusquam pessimè facit: quam propositionem sic notant Parisienses: Hæc propositio est scandalosa, impia, legis Christianæ infamativa, ac auctore Augustino, in Deum blasphemata.*

Apertiùs Tridentinum sess. 6. cap. 11. *Nemo temeraria illa, & à Patribus sub anathemate prohibitâ voce uti debet: Dei præcepta homini iustificato ad observandum esse impossibilia. Nam DEVS IMPOSSIBILIA NON IUBET, SED IUBENDO MONET, ET FACERE QVOD POSSIS, ET PETERE QVOD NON POSSIS, ET ADIVVAT VT POSSIS. Nec id affirmavit tantùm, sed & anathemate sancivit can. 18. Si quis dixerit, Dei præcepta, homini etiam iustificato, & sub gratia constituto, esse ad observandum impossibilia, anathema sit.*

Dices primò, eos tantùm à Concilio damnari, qui dicunt homini iustificato, & sub gratia constituto præcepta Dei esse ad observandum impossibilia: non verò eos, qui absolutè statuunt, Deum impossibilia iubere. Sed contrà. Primò, etsi in canone de solis iustificatis mentionem faceret (nam & de aliis mentionem fieri particula, *etiam*, satis indicat) in capite tamen vniuersim pronuntiat, Deum impossibilia non iubere. Secundò, aiunt novi dogmatis patroni, etiam iustificatis hominibus, & sub gratia constitutis plurima Dei præcepta esse observatu impossibilia: ea nimirum omnia, ad quæ seruanda efficacem à Deo gratiam non accipiunt.

Dices secundò, Dei præcepta non esse absolutè homini impossibilia, sed tantùm homini lapsò: siquidem in statu innocentiz ea observare faciliè potuisset. At iocularis est illa, & friuola cavillatio, quam licèt suo dogmati prætenderent Lutherani, atque Calvinistæ, damnatum est nihilominus à Conciliis, & anathemate percussum.



Dices 3<sup>o</sup> illa Conciliorum Anathemata, non aliam Caluinistarum opinionem ferire, quàm quæ afferit bona omnia iusti opera esse verè peccata, adeoque nulum ab illo mandatum verè & coram Deo impleri. Respondedo, Tridentinos Patres eâ ratione decretum suum firmare, quæ apertè indicat, damnari quoque illam Caluini opinionem, quâ affirmabat deesse plurimis gratiam ad diuina mandata, pro nostrâ tenuitate, implenda necessariam. *Nam Deus, inquiunt, non iubet impossibilia, sed iubendo monet, & facere quod possis, & petere quod non possis, & adiuvat ut possis.*

## SECTIO II.

*Novum dogma à summis Pontificibus damnatum est.*

**N**ON potest Sorbonæ irasci Calumniator Censuræ, quam defendo, quin & summis etiam Pontificibus, Pio V. & Gregorio XIII. succenseat, qui eas ipsas propositiones damnant, quas Sorbonica Censura proscribit. Præcipuas designabo ex Bulla eorundem Pontificum depromptas.

39. *Quod voluntariè fit, etiamsi necessariò fiat, liberè tamen fit.*

66. *Sola violentia repugnat libertati hominis naturali.*

67. *Homo peccat etiam damnabiliter in eo, quod necessariò facit.*

34. *Definitiva hac sententia: Deum homini nihil impossibile præcepisse, falsò tribuitur Augustino, cum Pelagius sit.*

Quas propositiones ut hæreticas, erroneas, suspectas, temerarias, scandalosas, & in pias mentes offensionem immittentes, damnant, circumseribunt, & abolent Summi Pontifices. Etiam vapulat Sorbona, quòd eas hæreticas esse pronuntiavit.

Scio novos Dogmatistas, ut versipelles sunt, tergi-

uerfari hîc, & fucum facere, vt Pontificiæ Bullæ auctoritatem amoliatur. Nimirum summis Pontificibus Augustinum opponunt. Vnde cùm eorum antistes sibi obieciſſet: *Quid ergo ad proſcriptionem, quam proſcripſit Apoſtolica Sedes?* (de illa loquitur, quam primo loco poſui) reſpondet: *hereo, fateor, ſed quid ad doctrinam Auguſtini?* Quis ferat ita ab Catholico reſponderi? An non illud eſt Apoſtoliciæ Sedi nequiter illudere? Certè non diſſimili ratione hanc ipſam obiectionem ſoluit Chamiærus magni nominis Calviniſta tom. 3. lib. 2. cap. 3. Illam enim ſibi cùm in hæc verba propoſuiſſet, *Obieci-tur Concilium Tridentinum ſeſſ. 6. cap. 5. Item decretum Pij V. innouatum à Gregorio XIII. ubi damnantur hæ ſenten-tiæ: prima, quod voluntariè ſit, eſſi neceſſariò fiat, liberè ſa-men ſit: altera, ſola violentia repugnat libertati hominis na-turali:* ita reſpondet: *Verùm in hoc Concilio Tridentino, in Pio V. in Gregorio XIII. nullum eſt momentum auctoritatis apud ullos Catholicos. Concilium eò tantùm coactum eſt, vt veritatem opprimeret, & obrueret factu, & crudelitate: Pius, & Gregorius in hoc vnum intenti, vt quoquo modo huius Concilij placita ſancirent.* Quare his omnibus Auguſtini præferendam auctoritatem paſſim docet.

Sunt qui ad eleuandam huius argumenti vim id cauſentur, multas opiniones iſdem Bullis damnatas, ab celeberrimis Theologis impunè defendi. Hac vnâ exceptione aduerſus illa trium Pontificum anathemata ſe tuentur. Quod quàm immeritò faciant facilè intelliges, ſi duo obſeruaueris. Primum eſt, ex iis propoſitionibus, quas Pontifices illi proſcribunt, plurimas damnari tantùm ob Pelagianiſmi, & erroris notam, quam contrariæ opinioni inurunt. Eiuſmodi eſt illa propoſitio, quæ ſtatuit Pelagianos eſſe, qui aiunt dari aliquem Dei amorem naturalem. Neque enim ideo damnatur, quòd dicat, nullum dari amorem Dei naturalem, ſed quòd contrariam opinionem Pelagianiſmi arguat. Sic ab Apoſtolica Sede damnata eſt aliàs hæc pro-



propositio; Hæretici sunt qui Beatam Virginem in originali peccato conceptam esse aiunt. Secundum est, non omnes propositiones iis Bullis comprehensas absolute proscribi, sed tantum, ut loquuntur Bullæ, in sensu ab auctoribus intento. His responsionibus probabilibus sanè, & ex ipsis Pontificum verbis desumptis vtuntur celeberrimi illi Theologi, qui propositiones aliquot his Bullis contentas propugnant. At neutram vsurpare possunt Aduersarij. Nam posteriorem ipsi sibi eripiunt, cum fatentur se eodem sensu propositiones illas tueri, quo Bains ipse priorem verò nec adhibere audent, cum illarum propositiones, si quartam excipias, simplices sint, nullamque contrariæ opinioni notam allinant.

## SECTIO III.

*Novum Dogma à Doctoribus Parisiensibus tanquam hæreticum reiicitur.*

**H**Os ego Iudices appellabo, quos Aduersarii si nondum omnem verecundiam excusserunt, abdicare non possint: Nam si veritatem habet, quod ait Augustinus l. 2. contra Iulian. *Omnes iudices ab odio, amicitia, ira vacuos esse decere*, aptiores huic causæ arbitros deligere non potui, quam eos, qui cum multò floruerint antè, quam hæc sit nata controuersia, ab omni partium studio, atque adeo ab odio, amicitia, ira longissimè abfuerunt. Sic planè ut de iis quoque illud Augustini ex eodem loco vsurpare possimus. *Etsi tales non fuerunt in his causis, quas ad se delatas, & inter partes cognitæ, cum hinc viuerent, suo iudicio definierunt; ad hanc tamen causam tales erant, quando de illa sententias protulerant, nullas nobiscum, vel vobiscum amicitias vel attenderant, vel inimicitias exercuerunt.* Atque in recitandis eorum Testimonijs Parisienses primùm Doctores addu-

186 DISPUT. DE LIBERO ARBITRIO  
cam, eosque tantæ auctoritatis ac famæ, ut suo splendore non modò nouæ opinionis tenebras dispellant, sed duorum etiam ex eadem Parisiensi Facultate Doctorum, quos in Sorbonicam Censuram calumniator armauit, nomen obscurant.

PARAGRAPHVS I.

*Hæresis damnatur à sancto Thoma.*

PRIMVS sententiã dicat S. Thomas totius quidem Theologiæ, at Parisiensis præsertim Academiæ splendidissimum lumen. Quæstione 6. de malo, articulo vnico, ex professo Aduersariorum opinionem excutit. *Quæstio, inquit, est de electione humana, & vnum quaeritur hic, verum homo habeas liberam electionem suorum actuum, aut ex necessitate eligas: respondet in corpore: Dicendum, quòd quidam posuerunt, quòd voluntas hominis ex necessitate mouetur ad aliquid eligendum: nec tamen ponebant, quòd voluntas cogereretur: non enim omne necessarium est violentum, sed solum id, cuius principium est extra. Non aliis verbis suam sententiã exprimunt Aduersarii. Audiant ergo quid de illa sentiat S. Thomas: HÆC AVTEM OPINIO EST HÆRETICA: TOLLIT ENIM RATIONEM MERITI, ET DEMERITI IN HUMANIS ACTIBVS. Non enim videtur esse demeritorium, vel meritorium, quòd aliquis sic ex necessitate agit, ut vitare non possit. EST ETIAM ANNVMERANDA INTER EXTRANEAS PHILOSOPHIÆ OPINIONES, QUIA NON SOLVM CONTRARIATUR FIDEI, SED SVBVERTIT OMNIA PRINCIPIA PHILOSOPHIÆ MORALIS. Si enim non sit liberum aliquid in nobis, sed ex necessitate mouemur ad volendum, tollitur deliberatio, exhortatio, præceptum, & punitio, & laus, & vituperium, circa quæ Moralis Philosophia consistit. Huiusmodi autem opiniones, quæ destruunt principia alicuius partis Philosophiæ, dicuntur poss-*



*siones extraneae: sicut nihil moueri; quod destruis principia Philosophia naturalis. Ad huiusmodi autem opiniones ponendas inducti sunt aliqui homines, partim quidem propter proteruiam, partim propter aliquas rationes sophisticas, quas solaere non potuerunt. Non antè huius loci vim effugient Aduersarii, quàm meridiano soli tenebras offuderint.*

## PARAGRAPHVS II.

*Heresis damnatur ab Andrea Du-Vallio.*

SI Du-Vallio fides est, causam vicimus. Iugulat ille nouum dogma, eique turpissimam Hæresis notam infligit. Nam tom. 1. in 1. 2. Tra&. de humanis actionibus, quæst. 3. art. 1. illam & Calvinianam esse, & humanam libertatem funditus eruere pronuntiat. *Prima*, inquit, *opinio*, eaque heretica est, hominem nullo ad quas-cunque actiones suas libero arbitrio gaudere, sed absolutâ necessitate (quam fatum veteres Philosophi appellarunt) semper agere, & agi. Ita Simon Magus, Marcion, Vvicleffus, Lutherus, & Calvinus, qui censet abolendum esse nomen liberi arbitrij, & potius seruum, quàm liberum arbitrium appellandum, &c. Et QVAMVIS ALIBI LIBERVM ARBITRIVM ADMITTERE VIDEATUR, REIPSA TAMEN ILLVD PENITVS DESTRVIT: QVIPPE CVM TANTVM EXISTIMET HOMINEM ESSE LIBERVM A COACTIONE, ITA VT EIVS VOLVNTAS COGI, ET VIOLENTARI NEQVEAT. NON IAM TE A NECESSITATE: quia inquit, necessario trahitur aut à temptatione Damonis, aut à gratia Dei. Du-Vallius ait Calvinum perimere liberum arbitrium; cùm hominem liberum esse docet à coactione, non autem à necessitate. Atqui illud ipsum affirmant Aduersarii: ergo ex mente Du-Vallii liberum arbitrium perimunt.

Idem tractatu de gratia quæst. 10. artic. 4. vbi quærit, quæ libertas ad meritum requiratur: respondet,

MERITVM DEBET ESSE LIBERVM, NON SOLVM LIBERTATE A COACTIONE: HOC ENIM FATENTVR HÆRETICI, SED ETIAM LIBERVM A NECESSITATE. Breuiter hîc adstringit, quæ Ysambertus pluribus exponit postea: Hæreticos omnes, qui ob ereptam homini libertatem damnati sunt, non coactionem, sed solam necessitatem voluntati inferri voluisse.

Atque vt nouam opinionem hæreticis accenset, ita & oppositam omnium omnino Theologorum esse, atque Philosophorum pronuntiat Tract. de Humanis actionibus, quæst. 3. art. 2. *Certum est voluntarium distinguî à libero, quòd voluntarium reperiatur in actibus necessariis, dummodo voluntati conueniant, & ardeant, vt patet in visione, & fruitione beatifica, quæ sunt actus omnino necessary: at verò liberum præter istud, quod est oriri à voluntate, requirit adhuc potestatem ad vtrumlibet, seu indifferentiam, & indeterminationem ad obiectum, quod proponitur: & hæc distinctio est omnium Philosophorum, & Theologorum, qui hætenus, & hucusque de libertatis natura disputarunt. Nimirum, tot Patres, Theologosque Du-Vallius non legerat, quos noui Dogmatistæ liberum cum voluntario confundisse volunt.*

### PARAGRAPHVS III.

*Hæresis dampnatur ab Nicolao Ysamberto.*

NEMO in recens dogma feneratorum, quàm Ysambertus, censuram distinxit. Tractatu de Incarnatione disp. 1. de libertate Christi artic. 2. *Sic hæc, inquit, prima nostra propositio: Libertas humana voluntatis Christi Domini non est tantum libertas à coactione, sed etiam à necessitate. Hæc propositio ita est certa, vt S. Thomas in questionibus dispus. quæst. 6. de malo, art. 1. dicat opinionem contrariam nostræ propositioni esse hæreticam: & quia non tantum contrariatur fidei, sed subuertit omnia principia Phi-*



*loſophia Moralis, eſſe annumerandam inter opiniones extraneas Philoſophia. Nec obſtat quòd S. Thomas agat de libero arbitrio hominis, non autem in particulari de libertate Chriſti Domini: cùm enim Chriſtus ſis homo eiufdem ſpeciei nobiſcum, liberum arbitrium hominis debet etiam illi conuenire. Gemino hìc telo confoditur nuperum dogma, S. Thomæ, atque Yſamberti auctoritate.*

*Addit Yſambertus. OMNES HÆRETICI ETIAM NOSTRI TEMPORIS, QUI DAMNATI SVNT AB ECCLESIA, EO QVOD NEGARENT LIBERV ARBITRIVM, NON INDVCVNT COACTIONEM, SED SOLVM MODO NECESSITATEM, ET NIHILO MINVS CONDEMNANTVR. Nam Caluinus paſſim, & eius ſectatores aperitè concedunt, omnes homines exercere ſuas actiones ſponte, & non coactè: & tamen hæc eorum doctrina damnatur hoc titulo, quòd inducat neceſſitatem: ergo ſi voluntas Chriſti Domini haberet neceſſitatem in operando, licet non cogeretur, ſed ageret ſpontaneè, & voluntariè, non eſſet verè ac propriè libera, quod eſſet hæreticum: ergo humana voluntas Chriſti Domini debet eſſe libera, libertate non tantùm à coactione, ſed etiam à neceſſitate. Quâ fronte contendit Sorbonæ Calumniator, nouos Sorbonicos veteri illi Cenſuræ aduerſari?*

## PARAGRAPHVS IV.

*Recens damnatum eſt à Facultate Pariſienſi  
vniuerſa.*

*PARYM eſſet, à duobus Sorbonæ Heroïbus tam grauiter percuſſum eſſe monſtrum illud; niſi recens ad ipſummet conficiendum Sacra Facultas vniuerſa conſpiràſſet: Prohibuiſſetque ne cuiquam è ſuisliceret in poſterum, propoſitiones vllas à Pio V. Gregorio XIII. & Urbano VIII. Pontificibus Maximis damnatas defendere. Quas inter propoſitiones, cùm & ea, de qua*

190 DISPUT. DE LIBERO ARBITRIO  
iam contendimus, & multæ vel connexæ cum ea, vel  
consecutivæ recenscantur; certiùs ex eo & de Sorbonæ  
iudicio, & de obrectatoris calumnia existimare fas  
erit.

Mihi si non credis; ipsis Actis crede, quæ hîc tibi ad  
verbum ex ipso Facultatis instrumento describo.

Anno Domini millesimo sexcentesimo quadragésimo quar-  
to, die decimâ quintâ Ianuarij, Sacra Theologia Facultas Pa-  
risiensis, post sacrum pro Fidelibus defunctis celebratum, ex-  
traordinaria habuit Comitia in aula Collegij Sorbonæ, in  
quibus Honorandus Magister Noster Iacobus Pereyret Regia  
Navarra summus Moderator retulit; se iuxta ordinationem  
eiusdem Facultatis convocasse Honorandos Magistros Nostros  
Breard, Charton, de Lestocq, Hallier, Cornes, Coqueret, &  
Nicolay, cum Domino Ant. de Breda Syndico in absentia Do-  
mini de Mince, die duodecimâ huius mensis, ut viderent, quid  
agendum esset in negotio Bullæ S. D. N. Urbani VIII. Pon-  
tificis Maximi, à Rege Christianissimo, cum littera parvi si-  
gilli missa, & per Auditorem Eminentissimi Card. Grimaldi  
Nuntij Apostolici, die secundâ dicti mensis allata: rêque di-  
ligenter examinata, & ponderata, censuisse referendum esse in  
Acta publica, quid gestum esset in ea Depuratorum Congre-  
gatione, in qua quidem allatum fuerat Decretum Illustrissimi  
& Reverendissimi Domini Archiepiscopi Parisiensis, die vn-  
decimâ Decembris præteriti, cum eiusdem Mandato, die deci-  
mâ huius mensis, & anni, in præconiis Parochiarum publica-  
to: quo attentè lecto, & considerato, cum prædictis littera, &  
exemplari Bullæ prædictæ, diei sextæ Marij 1641. publicata  
Roma decimâ nonâ Iunij 1643. à prædicto Eminentissimo  
Cardinali Grimaldo obsignato, & sigillato die secundâ Ia-  
nuarij 1644. conclusisse, in tabulas Facultatis referendas om-  
nes propositiones relatas in dicta Bulla, quarum aliqua remo-  
vantur in libro Illustrissimi, & Reverendissimi D. Cornelij  
Iansenij Iprensis Episcopi, qui inscribitur Augustinus, prohi-  
bendumque Baccalanreïs, Licentiatis, & Studentibus, ne eas  
proponant in Thesibus, & dissertationibus, isque iniungen-



*dum, sicut & Sapientissimis Magistris Nostis, & Vigilantissimo Domino Syndico, ne eas probent in responsis, thesibus, libris, concionibus, aut lectionibus, sub pœna priuationis, donec ab Ecclesia, aut S. Sede Apostolica aliter fuerit declaratum. Quâ relatione audita; sensuit Facultas negotium illud esse differendum. PROHIBUIT TAMEN TAM DOCTORIBVS, QVAM BACCALAVREIS, NE PROBENT, VEL SVSTINEANT, PRÆDICTAS PROPOSITIONES, PER BVLLAS PII V. GREGORII XIII. ET VRBANI VIII. SVMMORVM PONTIFICVM PROHIBITAS.*

Atqui inter illas propositiones, trigesima-nona; *Quod voluntariè fit, etiamsi necessariò fiat, liberè tamen fit: & 56. Sola voluntas repugnat libertati hominis naturali; illæ ipsæ sunt, de quibus præsens est instituta disputatio. Quò pertinet & 68. Homo peccat etiam damnabiliter in eo, quod necessariò facit. & 74. Diffinitiva hæc sententia, Deum homini nihil impossibile præcepisse, falsò tribuitur Augustino, cum sit Pelag; quas ex prioribus fluere, & nouo Dogmati, cum Hæreticorum Schola communes esse, prius ostendi.*

Ecquis ergo iam non videat, quàm perniciosos, ac pestiferos noui Dogmatis errores iudicari Theologica Facultas Parisiensis: quos & olim diuersis temporibus, vt suprà retuli, suis aduersus Lutherum, Calvinum, ac Bajum Censuris, vt hæreticos damnavit; & recens edicto saluberrimo proscriptos, è Parisiensi Academia, in quam fraudulenter irreperant, exulare iussit.



## SECTIO IV.

*Nouum dogma ab aliis Doctoribus Gallis.*

*Hæreseos notatur.*

**A**T ne in Sorbonæ causa, suspecta sint Sorbonico-  
rum iudicia : age, aliorum hac dere sententiis  
licet omnem, controuersiamque digimamus.

## PARAGRAPHVS I.

*Hæreseos notatur à Ioanne Puteano.*

NILILLO mitius nouum dogma adhibet Ioannes  
Puteanus, ex S. Augustini familia, S. Augustini do-  
ctrinæ retinentissimus, & in Academia Tolosana Theo-  
logiæ Professor Regius. Tomo 1. in 1. 2. quæst. 10. dubit.  
2. cui titulus hic inscribitur; *An libertas detur in nobis  
hoc nomine quòd non cogamur in eis operandum; an verò quia  
non necessitamur.* Respondet: **HÆRETICI NOSTRI**  
**TEMPORIS IN EO VERSANTVR ERRORE, VT CRE-**  
**DANT HOMINEM DICI LIBERV M HOC SOLO**  
**TITVLO, QVOD NON COGATVR IN SVIS ACTIO-**  
**NIBVS EXERCENDIS, licet necessitesur in omni planè**  
*actione, quam exercet; ac proinde volunt dari in nobis li-*  
*bertatem à coactione, non autem à necessitate.* Probat pri-  
mum ex Patribus, maximè verò ex August. l. 5. de Ciuitate  
cap. 10. & in Enchirid. ad Laur. cap. 103. & lib. de nat. &  
grat. capite 46. Deinde Pater & Filius produciunt necessariò  
Spiritus sanctum; certum est autem, processionem istam  
nuncupari liberam à D. Thoma, à Scotistis, & à Nominalibus.  
Indubitatum est etiam apud Prosperum, Anselmum, & alios  
nonnullos Patres, spontaneum & voluntarium conuersi cum  
libero. Hæc est teste Puteano, Hæreticorum nostri tem-  
poris sententia, hæc illius fundamenta, cui Catholico-  
rum



rum hanc conclusionem opponit. *Libertas ideo admittitur in nobis, non quòd non cogamur, sed multò magis quia non necessitatur inter operandum: ac proinde concedenda est in nobis libertas, nedum à coactione, sed etiam à necessitate. Quod ubi multiplici ratione probauit, postremò sancti Thomæ auctoritatem sic proponit: Denique D. Thomas quæst. 6. de malo, art. unico ait, Heresim esse manifestam nedum apud Theologos, sed etiam apud Philosophos dicere, libertatem à coactione, minimè verò à necessitate sufficere ad liberum arbitrium statuendum.*

## PARAGRAPHVS II.

*Hæreseos notatur à Mario Scribonio.*

SIMILLIMA est Scribonij Censura. Quærit lib. 2. disp. 19. quæst. 2. *utrum in hominibus sit libertas à necessitate, an solum à coactione. Respondet: Martinus Bucerus lib. de Concordia, scribit libero arbitrio solam coactionem repugnare. Et rursus, quod Catholici dicunt hominem esse liberi arbitrii, censet intelligendum non de libertate necessitatis, sed coactionis. Quòd verò dicunt Lutherani hominem esse liberi arbitrii, intelligendum esse dicit de libero arbitrio à necessitate, non à coactione. Calvinus etiam lib. 2. Instit. cap. 2. scribit hominem esse liberum à coactione, non à necessitate, & in hoc reprehendit Magistrum sententiarum, quasi necessitatem à coactione distinguere nescires, etque notam inurit, quòd pernicioso errori hac ratione materiam dederit. Contra hanc Bucer, Calvinique opinionem (quæ ipsa Dogmatistarum est) toto reliquo capite configit, eamque funditus evertit.*

## SECTIO V.

*Nouum dogma à Doctoribus Belgis hæreticum  
esse pronuntiatur.*

**D**E GENERES sunt profecto, qui iam in Belgio nouam opinionem fouent; cum eorum maiores & vtriusque Belgicæ Academiæ proceres ornatissimi suo illam suffragio inter Lutheri Calvinique errores ablegarint.

## PARAGRAPHVS I.

*Hæreticum esse pronuntiatur à Joanne Maldero  
Episcopo Antuerpiensi.*

MALDERI, opinor, auctoritatem non respuent Aduersarij, quem insignis eruditio, Louaniensis Academiæ Doctorem; pietas, Episcopum Antuerpiensem fecit. Disput. 56. in primam partem sic loquitur: **P R I M A LIBERTAS EST A COACTIONE: HOC MODO OMNIS ACTVS ELICITVS VOLVNTATIS, LIBER EST: SED HOC MODO ETIAM HÆRETICI LIBERTATEM ARBITRII AGNOSCVNT, DE TORTA NIMIS ETYMOLOGIA.** Item disp. 59. vbi proposuit hunc 68. contra-Remonstrantium, *In calis electi Deo seruiunt non tantum voluntariè, sed etiam liberè,* subiicit: *Verisimile est, in eo auctorem huius articuli hallucinari, QVOD VT SOLENT SECTARII, NON PLUS AD LIBERTATEM REQUIRAT, QVAM AD RATIONEM VOLVNTARIJ.* Certum itaque est in amore Dei Beatifico electos non esse liberos, sed tantum voluntarios. Perpende hæc verba; ut solent sectarij, non plus ad libertatem requirit, quàm ad rationem voluntarij. Ergo faciunt cum sectariis, qui itidem ut illi non plus ad libertatem requirunt, quàm ad rationem voluntarij.



Idem disput. 26. *Almainus*, inquit, definit voluntarium, ut sit operatio, vel omisio existens in potestate agentis, ita ut omnibus praeiis, & requisitis ad illam positis, sit in potestate agentis eam ponere, vel non ponere. At iste voluntarium confundit cum libero, quod, quamvis alio modo, faciunt etiam nostri temporis sectarii. Voculam immuta, & lege, quod, quamvis alio modo, faciunt etiam nostri temporis novi Dogmatistae.

## PARAGRAPHVS II.

*Haereticum esse pronuntiatur à Cunero Petri  
Episcopo Leonardiensi.*

MVLTA disputat Cunerus Petri lib. de lib. arb. cap. 5. quibus noua opinio, seuerè ac pro merito suo tractatur: pauca in specimen attexam. Est, inquit, liberum arbitrium ipsa hominis voluntas, quatenus per eam homo sui potens est, ut sine necessitate, quam velis, contradictionis partem eligat. Nam quòd à coactione, sicut antea dictum est, liberi sumus, ipsa natura voluntatis exigit, quae non erit voluntas, si coacta sit. Nam coactum dicitur, quod est contra voluntatem: fieri igitur non potest (quia simul idem velle & nolle non possumus) ut quod voluntarium est, sit coactum & inuoluntarium, quae contraria sunt & contradictionem inuolunt: ideoque DE HOC LIBERTATIS MODO NVNQVAM FUIT AVT POTVIT ESSE QVÆSTIO; quam omnes euidentissimè in se sentiunt, & sine qua natura voluntatis aliter concipi non potest. Sed de eo libertatis modo semper Ecclesia cum Haereticis & nonnullis Philosophis conflixit, quo simpliciter (ut etiam antè dictum est) homo aliquid facere, vel id ipsum omittere potest, cuius proprius actus est alterutrum oppositorum, quae offeruntur, eligere; quemadmodum scriptura nobis optionem saepe relinquit: quae sanè optio neque in coactis, neque in necessariis, vel ad vnum naturaliter determinatis locum habet.

## PARAGRAPHVS .III.

*Hæreticum esse pronuntiatur à Ruaro Tappero.*

LIBAVI superius, quid de nouo dogmate sentiret Ruardus Tapperus. Calvinistarum malleus. Nunc id ipsum fusiùs persequi operæ pretium est. Art. 2. pag. 237. edit. 2. hæc Caluini verba refert ex lib. 2. aduersus Pighium. *Si coactiani opponitur libertas, liberum esse arbitrium, & fateor & constanter asseniero, ac pro hæretico habeo quisquis secus sentiat. Quæ hoc modo confutat. SED HANC VOLUNTATIS LIBERTATEM QUÆ COACTIONEM EXCLVDIT, ET EXTERNVM MOTVM, QVO VIOLENTER TRAHITVR VOLVNTAS, NEC MANICHÆI, NEC VALLA, NEC VLLI HÆRETICI NEGAVERVNT. Nouerunt enim inseparabilem esse à voluntate. Non enim docebat Manicheus, quod voluntas violenter externo motu innita trahitur ad bonum, vel malum, sed quod homo eâ parte, quam à malo habeat principio sponte sua, & voluntariè ferebatur in malum: parte verò alia, quæ à Deo est, in bonum; sed necessariò, ita ut secundum illam bonum eligere non possit, nec malum secundum istam: propter quod dicitur negasse liberum in homine esse arbitrium. Et ideo QUANDO APVD AVGVSTINVM DISPUTATVR, AN GRATIA TOLLAT LIBERV ARBITRIVM, QVOD CREDEBANT MONACHI ADRV METINI, NON AGITVR DE ARBITRIO LIBERO A COACTIONE, QUÆ NATVRÆ VOLVNTATIS REPVGNAT. Non enim ignorare poterant, quod voluntas externo motu innita non cogitur. Nec inuitam vel le, ex doctrina B. Augustini, Monachi illi credebant. NVLLAM ENIM HÆC QVÆSTIO DE GRATIA, ET LIBERO ARBITRIO, QVAM DIFFICILLIMAM DICIT B. AVGVSTINVS, HABERET DIFFICVLTATEM, SI LIBERTAS INTELLIGERETVR COACTIONEM*



EXCLVDERE SOLVM, ET NON NECESSITATEM. Demumque sic concludit: *Voluntatem cogi posse, potius est hæresis contrâ Philosophiam, quàm contrâ fidem Catholicam.* Sic ille nouum de libertate errorem omnibus superiorum temporum de libero arbitrio hæresibus accenset.

## PARAGRAPHVS IV.

*Hæreticum esse pronuntiatur à Ioanne Vvigers.*

QVÆRIS, cuius sacramenti sint, quosque habeant duces, qui nouam de libertate sectam intrinsecunt; audi Ioannem Wigers in Academia Louaniensi Regium Professore. Sic ille in 1. 2. S. Thom. quæst. 6. art. 2. num. 6. HÆRETICI HVIVS TEMPORIS, VT CALVINVS, LUTHERVS, ET ALII NON AGNOSCUNT IN NOBIS LIBERTATEM VLLAM, QVÆ OPPONATVR NECESSITATI IN OPERANDO, SED TANTVMmodo, QVÆ OPPONATVR COACTIONI. *Volunt enim actiones nostras ex necessitate à nobis fieri, quamuis non coacte: quia sunt voluntatis nostræ repugnantia, scilicet spontaneè sunt, sed ex praua determinatione, cui non potest resistere voluntas.* SED CONTRA HOS CERTA FIDE TENENDVM EST, IN HOMINE ETIAM POST LAPSUM, superesse naturalem facultatem liberam, dictam liberum arbitrium; nec tantummodò esse eiusmodi potentiam, sed etiam liberam illius potentie usum, qui consistit non tantum in potestate operandi voluntariè, spontaneè, & libenter, etiamsi quaque id fiat cum perfectâ cognitione & aduertentia rationis, sed præterea requirit in potentia quandam indifferenciam ad agendum, & non agendum positis iam omnibus ad actionem prærequisitis. Unde hi articuli à duobus Pontificibus sunt reprobati: quod voluntariè fiat, etiamsi necessitate fiat, libere tamen fiat. Item, sola violentia repugnat libertati hominis naturali. Non potuit disertius Aduersariorum opi-

198 DISPUT. DE LIBERO ARBITRIO  
nionem proponere, non potuit splendidius illam tra-  
ducere.

PARAGRAPHVS. V.

*Hæreticum esse pronuntiatur à Guillelmo Estio.*

MIRVM id sanè, Guillelmum Estium Duacensis  
Academix Cancellarium laudari magnificè ab Aduer-  
satio l. 3. de grat. Chr. cap. 19. & doctissimum inter recen-  
tiores sancti Pauli Epistolarum interpretem nuncupari; eum  
neminem infensorem habeat, suoque dogmati magis  
iniquum. Sic enim loquitur in 2. sentent. dist. 7. §. 7.  
*Hæretici qui hoc tempore liberum arbitrium oppugnant, ac  
nominatim Calvinus solum hoc voluntarium, quod coactioni  
opponitur, tam in Deo, quam in creaturis intellectu pradiis  
agnoscunt. Ac paucis interiectis: Libertas arbitrii non so-  
lum opponitur necessitati coactionis, quæ omninò à voluntate  
est aliena, verum etiam necessitati naturali, quæ voluntas  
etsi sponte agat, sic tamen agit, ut non possit non agere. DI-  
CENDVM IGITVR EST ARBITRII LIBERTATEM  
QVAM CONTRA HÆRETICOS VETERES ET NOVOS  
DEFENDIT ECCLESIA, CONSISTERE IN FACVLTATE  
ELIGENDI VTRVMLIBET OPPOSITORVM;  
& ibidem docet, tradidisse hanc libertatis rationem Au-  
gustinum. Multò adhuc clariùs eodem in lib. dist. 24. §.  
1. Nam ibi adductis sacræ Scripturæ testimoniis ex ca-  
pit. 15. & 31. Ecclesiastici, Isaia 1. &c. probat in eo si-  
zame esse rationem liberi arbitrii, quod agere possit, & non age-  
re, nulla necessitate in alteram partem inclinatum: subiicit-  
que: Hac autem est constans, & vtriusque Patrum sententia, at-  
que imprimis Augustini. Præterea, ibidem apertè signi-  
ficat, communem de libertate sententiã absque fidei  
Catholicæ subvertendæ periculo repudiari non posse:  
*Vt autem intelligamus quàm necessario tenenda sit hac do-  
ctrina, quæ dicimus ad liberi arbitrii propriam rationem per-  
tinere, ut sit liberum à necessitate naturali, nec sufficere, quod**



fit liberum à coactione, notandum est, quod habetur in Conc. Trident. sess. 6. capite 5. ibi enim dicitur hominem liberè consentire diuina inspirationi, quippe qui illam & abii- cere queat, & cau. 4. liberum arbitrium Deo excitanti & vo- canti posse consentire, & dissentire. Quare non immeritò S. Thomas in Disputatis quest. 6. de malo affirmat, hæresim esse non solum apud Theologos, sed etiam apud Philosophos dice- re, quòd ad liberam electionem non requiritur libertas à ne- cessitate, sed sufficit libertas à coactione. Pater etiam iure damnatas esse huiusmodi propositiones, & si quæ sunt similes, sola violentia repugnat libertati hominis naturali; & quod voluntariè fit, etiamsi necessariò fiat, liberè tamen fit. Et §. 2. in responsione ad obiectiones, Quidam, inquit, huius temporis Hæretici dum cum Luthero liberum arbitrium aper- tè negare non audent, ut Calvinus & Bucerus; ita vocabu- lum liberi arbitrij retinent propter SS. Patrum auctoritatem, ut tamen propriam eius rationem, iam à nobis explicatam, tol- lant, & proinde rem ipsam destruant. Docent enim (quid porrò?) libero arbitrio non repugnare necessitatem natura- lem, sed solam necessitatem coactionis; & hac ratione homi- nem post peccatum fatentur esse liberi arbitrij, quia non co- actè, sed sponte & voluntariè operatur. Adducunt pro sua sen- tentia quadam loca ex SS. Patribus: inter quæ illa ipsa nu- merat Estius, quibus ad fastidium Aduersarij glorian- tur; nimirum ex August. l. 5. de Ciuit. cap. 10. lib. 22. cap. ult. Enchirid. cap. 103. lib. de nat. & grat. cap. 46. &c. Ex Prospero contr. Collatorem cap. 19. ex Bernardo serm. 81. ex Magistr. dist. 25. §. a. ex S. Thom. in disp. quest. 8. de potent. a. 7. ad 14. & q. 10. a. 2. ad 5. & 1. p. q. 83. a. 2. q. 1. & 2. Quibus omnibus eas subiungit responsiones, quas cum à nobis audiunt Dogmatistæ, enimuerò vaciferantur illudi Patribus, rideri Augustini doctrinam, & Pelagia- nam Hæresim ex inferis reuocari.

## SECTIO VI.

*Nouum dogma ab Hispanis Doctoribus vt hæreticum proscribitur.*

**V**IDIMVS nouum dogma ab Gallis Doctoribus Belgisque Hæreticorum deliriis accenseri. Nunc Hispanorum suffragium addimus, vt appareat quàm certa sit apud omnes, quàmque indubitata huius opinionis infamia, ad quam proscribendam nationes illæ, quæ animis non minùs, quàm moribus inter se dissident, summâ animorum consensione conspirarunt.

## PARAGRAPHVS I.

*Proscribitur vt hæreticum à Francisco Horatio.*

**FRANCISCVS** Horantius optimè meritis est de Religione Christiana pereleganti illo, ac celebri libro, cui titulus est, *Loci Catholici*, quòque singula Institutionis Calvinianæ capita contundit. Quem qui legerit, totum ferè aduersus nouitium errorem concinnatū esse arbitrabitur. Nam & illum passim perstringit, & libro 1. à cap. 49. ad 57. præcipuas eius partes firmissimis argumentis profligat. Pauca tantùm excerpam ex cap. 49. quo vt titulus loquitur, aduersus Calvinum probat, ESSE IN NOBIS LIBERTATEM, TESTE AVGVSTINO, NON QUÆ COACTIONEM MODÒ, VERVM ETIAM NECESSITATEM EXCLVDAT. Quod his, verbis probare aggreditur: *Facetur Calvinus voluntatem non cogi, ac proinde sæpe ab Augustino dictum, voluntariè agere nos, vt vel sic bonos premia, malos verò panæ, diuina lege insequantur: utrumque tamen non electione ad vtrumlibet libera, sed necessitate quadam hominè prestare.* **HOC EST PRIMVM CALVINIANVM ASSERTVM.** Nota  
hæc



hæc verba: cuius auctorem esse D. Augustinum omni affectione affirmat. Quid, si ostendero ex Augustino, ad vtrumque liberam nos, & nullâ necessitate complicatum ad bonum, seu ad malum habere voluntatem, saluâ semper Dei nostri gratiâ, quâ prauenis & operantes iuuat? quid, si verba Augustini induxero nulli calumnia patencia, qua non voluntariè tantum, hoc est, absque vlla coactione, verum etiam liberè, absque vlla necessitate, bonum, & malum operari nos palam doceant? Augustinus lib. 1. de lib. arbit. cap. 12. cum premisisses malefacta, Dei iustitiâ vindicari, addidit: non enim iustè vindicarentur, nisi libera fierent voluntate. Ne tamen hic Calvinus ad liberum primi hominis arbitrium recurrat, quemadmodum dum Ecclesiastici locum pro libero arbitrio interpretatur, facit: aut his verbis coactionem à voluntate nostra excludi, non necessitatem garrias. (quæ sanè Calviniana diuerticula, callidæque eius inflexiones omnes sunt) sunt & nouorum Dogmatistarum. Audiat, quid inferat Augustinus eo ipso loco: Vides igitur, inquit, iam ut existimo, in voluntate nostra constitutum, ut hoc tanto vero bono fruamur, vel careamus. Quod cum pluribus Augustini locis efficere conatus est, concludit: NVM NOS CVM AVGVSTINVM LEGIMVS, CALVINE, NECES-  
SITATEM CVM COACTIONE PERPERAM CONFVNDIMVS? AN NON MAGIS VTRVMQVE NOBIS DAT AVGVSTINVS, ET SINE COACTIONE NOS AGERE, ET SINE NECES-  
SITATE, QVOD EST DICERE VOLVNTARIE, ET LIBERE.

Neque verò satis fuit fortissimo Catholicæ veritatis propugnatori, huiusce Calviniani dogmatis caput Augustini auctoritate contere: multis deinceps capitibus eiusdem opinionis fundamenta conuellit. Cap. 50. triumphale illud Caluini argumentum dissoluit, ex Dei, Dæmonumque libertate petitum. Cap. 51. ostendit, nullibi D. Augustinum asseruisse necessario quemquam peccare. Capite 52. Ex Augustino verum esse illud conuincit, quod Calvinus in Catholicorum doctrina minùs probat, nimi-

201 DISPUT. DE LIBERO ARBITRIO  
rum, diuinam gratiam omnibus esse expositam. Quod ita  
auspicatur: *Superest igitur, ut veniamus ad secundum, &  
ostendamus Iuxta AUGUSTINI MENTEM DEI  
GRATIAM, QUÆ SUFFICIENS, ET NECESSARIA  
SIT, OMNIBVS PARATAM ESSE, NON MINVS,  
QUAM SIT PERVIA OCVLIS NOSTRIS LVX HÆC  
MATERIALIS. Sed audiat Calvinus. Phreneticos, in-  
quis, nihil moror, qui gratiam pariter, & promiscuè expo-  
sitam esse garriunt, &c.* Tum ex his omnibus eodem capi-  
te sub finem, ita colligit: *Ad summam, IN HOMINE  
POST LAPSUM, ET IN BONVM, ET IN MALVM  
EAM AGNOSCAMVS LIBERTATEM OPORTET, NON  
QUAM ILLI DANT LVTHERVS, MELANCTHON,  
CALVINVS, MVSCVLVS, ET CÆTERI, QVOD  
QUAMVIS SERVVS SIT PECCATI, NON TAMEN  
COACTIONE, AC REPVGNANTIA, SED SVMMA  
VOLVNTATE, SPONTE SVA IN MALVM MAXIME  
EST PROPENSVS, ut hoc ipsum quod peccati lege tene-  
tur captiuus, pulchrum ei, ac iucundum videatur: non, inquam,  
tantum hanc reliquit Deus homini libertatem in malum, sed  
ut liberè in quodcunque feratur.*

At ne qua fortè tam virulenti erroris fibra rema-  
neat, cap. 55. & 56. confutat celebre illud argumentum  
petitum ex discrimine gratiæ medicinalis, ab gratia na-  
turæ integræ, ex Augustino, lib. de corrept. & gratia,  
capite 11. & 12. depromptum. Quod antequam expli-  
cet, proponit hæc Caluini verba. *Audiamus nunc Augu-  
stinum suis verbis loquentem, ne atatis nostræ Pelagiani, hoc  
est, Sorbonici Sophistæ, totam vetustatem nobis aduersam pro  
suo more crimentur. in quo scilicet patrem suum Pelagium  
imitantur, à quo in eandem olim arenam ipse Augustinus  
protractus est: quibus ita respondet: Parisienses Patres;  
Christiani orbis lumina, bene de Ecclesia Christi meritos, stu-  
dio, doctrinâ, gravitate, & prudentiâ longe omnibus prestan-  
ses, virtute ornatissimos, animi candore, atque modestiâ in-  
signes, diuinis litteris pariter, & humanis instructissimos.*



& cum fidei hostibus pugnare exercitatissimos: hos, inquam, viros, cum quibus longo intervallo non sis conferendus, Sophistas, & (quod omnium molestissimè ferendum est) Pelagianos, nouámque Pelagii fœturam appellare es ausus? Tam praelari nominis Academiam, & tantam Christiani senatus glóriam multo labore, vigiliis, lucubrationibus editis partiam, hac infelicissimâ notâ, hæresis scilicet, nunc tu, ferox homo, dehonestabis, & interturbabis? Consueuerunt illi quidem pro Christiana fide, & pro Augustino, erga quem incredibilis illis religio est, contra fraudis cultores, ac veritatis inimicos ingenia sua acuerere, & multa quibus nostra alantur studia, edere saepe, & fortunatissimè; ipsum tamen Augustinum, aut criminari, aut in Pelagianam arenam pertrahere, nunquam. Quæ cum incredibili zelo ad retundendam perditū verberonis maledicentiam dixisset, reliqua Caluini verba subiicit: Augustinus lib. de corrept. & gratia fusiùs exsequitur, quod breuiter eius tamen verbis referam: gratiam persistendi in bono Adæ fuisse datam, si vellet: nobis dari ut velimus, ac voluntate concupiscentiam superemus: habuisse ergo illum posse si vellet, &c. Hinc colligit Caluinus, stultum & frivolum esse, asserere in nostra esse potestate Dei gratiam irritam facere. Quod reliquo capite ita confutat Horantius, ut hæc tota eius disputatio in nouam de libertate opinionem instituta esse videatur.

## PARAGRAPHVS II.

*Proscribitur ut hæreticum à Didaco Aluarez.*

Non est quoddam physicæ prædeterminationis auctores in opinionis suæ præsidium Aduersarius vocet, quos ipse Aristotelicos potius, quàm Augustinianos per ludibriū appellat, quosque Augustini doctrinam inexplicabili confusione perturbasse ait. Nam & ipsi eius sententiam execrantur, & inter ludicra Caluini, Lutherique commenta exulare iubent. Didacus Aluarez libro de Auxiliis,

Libro 8. de  
grat. Chri-  
sti cap. 2.

disput. 3. num. 9. Calvinus, inquit, *uscunque moderatus errorem Lutheri fatetur, liberum nostrum arbitrium non se habere merè passivè, tanquam inanime quoddam: sed actiue concurrere, & motu spontaneo ad suas operationes, non tamen liberè, prout liberum, à spontaneo, seu voluntario distinguitur. Quam opinionem Hæresim vocat num. 17. Sexta, inquit, eorum Hæresis est, Deum ita inchoare, & perficere in nobis bonum opus mouendo liberum arbitrium, ut nostra voluntas non liberè, sed solum motu spontaneo motionem diuinam subsequendo cooperetur. Ita Calvinus libro 2. Instit. cap. 3. Tum paulo post: Septima Hæresis Lutheranorum affirmat, gratiam Dei ita esse efficacem ex se ipsa, ut nostra voluntas eidem non cooperetur liberè, sed solum sponte, vltro & non coactè. Ita Calvinus, &c. En illud ipsum quod Aduersarius docet, cum pugnat gratiam Christi ita esse efficacem ex se ipsa, ut non aliter cum libero arbitrio concilietur, Quam quia quantumcunque Deus efficaciter per gratiam operetur, non nolens, aut inuisus homo facere cogitur, sed vltro agit, ac sponte.*

Nec dicas Calvinum negare voluntatem liberè concurrere cum gratia, quod tu asseris. Nam & illud eodem, quo Calvinus, sensu negas & ipse, eodem quo tu, sensu affirmat. Negat Calvinus voluntatem liberè agere libertate à necessitate. An non & illud inficiaris? Ais tu eandem agere liberè libertate à coactione. An istud Calvinus negat? Audi rursus eundem Aluarem libro 3. disput. 22. num. 31. Calvinus confessus est, nostrum arbitrium cooperari quidem efficienter Deo efficaciter mouenti ad consensum, non tamen cooperari liberè, sed spontaneè duntaxat. Et libro 9. disput. 98. num. 10. Erravit Calvinus quoniam ita Deum suâ gratiâ efficaci nobis ipsam fidem donare sensu, ut nostra voluntas non cooperetur liberè Deo mouenti, sed solum motu spontaneo, & non coactò. Erravit igitur & noui dogmatis faber, qui non aliam cum gratiæ medicinalis efficacîâ, libertatem stare putat, quàm quæ coactioni est inimica.

Libro 2. de  
 grat. Christi  
 cap. 5. 6.  
 7. 8. 9. 10. 11.  
 &c.



## PARAGRAPHVS III.

*Proscribitur ut hæreticum à Petro de Cabrera.*

EN alterum physice prædeterminationis assertorem, nouæ opinioni nihilo sanè minùs insensum. Quærit artic. 3. quæst. 18. in 3. partem: *Vtrum in Christo fuerit liberum arbitrium.* Respondet: *Hæc conclusio absolute sumpta est de fide tenenda; sed pro eius intelligentia, ne sit confusio in modo loquendi, aduertendum est libertatem, quoad præsens attinet, duobus modis à Theologis usurpari. Primò latè & minùs propriè, prout opponitur coactioni & violentiæ: in quo quidquid non fit coactè & violentè, sed spontè ac modo connaturali & suauì, dicitur liberè fieri, quamuis proveniat ex necessitate naturali; & hoc modo D. Thom. in 3. dist. 18. quæst. 1. artic. 2. ad 5. Capreol. ibid. quæst. unica, ferè ad finem, & alij dicant voluntatem Christi fuisse liberam, quia spontè & non coactè eliciebat actus, sed hoc licèt sit verum, non tamen sufficit ad saluandam propriam libertatem, seu liberum arbitrium, sed oportet aliquid aliud addere, quod quidem ex ipso D. Thom. & communi Theologorum sententia est certissimum, ut statim constabit. Secundo modo sumitur libertas strictè & propriè, prout opponitur necessitati absolute: & in hoc sensu id quod est absolute necessarium, etsi coactum non sit, sed spontaneum & connaturale, non est liberum. Nam liberum propriè excludit necessitatem absolutam. De hac igitur propria libertate posteriori modo sumpta intelligenda est conclusio D. Thomæ: Quod voluntas humana Christi fuerit propriè ac perfectè libera in actibus suis. QUÆ CONCLUSIO EST ADEO CERTA VT SINE ERRORE IN FIDE NEGARI NON POSSIT: & probatur. Primò enim CONCILIA ET SS. PP. SÆPE DOCENT LIBERTATEM VOLUNTATIS, QUÆ EST CAPAX MERITI ET PRÆMII, ESSE OPPOSITAM NON SOLVM COACTIONI, SED ETIAM NECESSITATI, &c.*

*Secundo quia HÆRETICI NEGANTES LIBERTATEM VOLUNTATIS, DAMNANTVR QVIA AFFIRMANT IN VOLVNTATE EXISTERE NECESSITATEM OPERANDI; QVAMVIS ILLAM SPONTE, ET NON COACTE OPERARI CONCEDANT: vt de Vvilefistis refert Vvaldensis l. 1. Doctrin. fidei, art. 1. cap. 23. & Pius V. & Gregorius XIII. in propriis Bullis contra Michaëlem Batum.*

#### PARAGRAPHVS IV.

*Proscribitur vt hæreticum à Francisco Cumel.*

NVLVS de verbo dicam nobis impingat. Qui contrariam nouo Dogmati sententiam de fide esse pronuntiat, illud profectò tanquam hæreticum proscribit. Franciscus Cumel Ordinis B. Mariz de Mercede Redemptionis captiuorum quondam Generalis, & in Vniuersitate Salmanticensi Theologiæ Professor publicus hæc habet ad 1. 2. S. Thom. Discursu 2. assertionem 4. *Libertas non consistit solum in eo quod est agere libenter & spontaneè, seu voluntariè præcisè, quamuis hoc fiat cum aduersentia, & cognitione eius; sed ulterius requiritur potestas agendi & non agendi, per quam homo, seu creatura rationalis, habet dominium in proprias actiones, seu indifferentiam quandam in agendo, ex eo quod facultas, sic agens & operans, non est determinata ad unum ex sua natura, sed potest hoc vel aliud, vel oppositum velle & nolle, aut non velle. Hac assertio sequitur ex omnibus antedictis, & ex D. Thom. locis citatis, & EST DE FIDE. Nam sequitur ex omnibus locis scriptura supersus citatis, & ex communi omnium S. Patrum consensu, quos rescripsimus, (illos inter maximè Augustinum recenset.) Quo fit vt explodendus sit modus ille loquendi, qui apud quosdam inualuit: in quo omnem actum, qui fit spontaneè & libenter & non inuitè, liberum appellant, quamuis fiat absque ulla indifferentia & ex necessitate absoluta. Nam talem appellant amorem beatificum; cum tamen*



*amor ille, sicut & visio ipsa in beatis sint actus necessarij.*  
 Vidéntne Aduersarij, quem in Francisco Cumel sui  
 Dogmatis censorem habeant?

## SECTIO VII.

*Novum Dogma à Doctoribus Italis inter Lutheri  
 Caluinique deliria recensetur.*

**N**ON discedunt Itali ab hac tam communi con-  
 spirantique nationum omnium censura. Adeo  
 nullus est in orbe Christiano locus, quò se tutò recipe-  
 re noua opinio possit, nisi fortè tenebrosa illa Hære-  
 ticornum latibula repetat, ex quibus non ita emerfit pri-  
 dem, vt in Catholicorum scholis passim & impudè vo-  
 litaret.

## PARAGRAPHVS I.

*Cardinalis Bellarminus nouam opinionem Lutheri  
 Caluinique erroribus accenset.*

**M**AGNI hac in re momenti Bellarmini iudicium  
 esse debet, qui in scrutandis confutandisque Hæreti-  
 corum huius temporis erroribus, tantâ cum laude ver-  
 satus est, vt ab Catholicis, Lutheranorum Caluinista-  
 rumque fulmen: ab Hæreticis, suarum partium hostis  
 infensissimus habeatur. Hinc illum Catholicorum  
**GOLIATHEM**, cum Hunnio Lutherano nuncu-  
 pant; in quem non vnum tantum **DAVIDEM** Pareum,  
 sed integram sectariorum legionem emittunt: nec  
 gregariorum modò, aut velitum, quales sunt Pappus,  
 Gripus, Labrax, Rullus, Mortonus, Rainoldus, alique  
 de Prædicantium minuciorum plebe, qui, quasi timi-  
 diores catelli, eminus Bellarminum allattarunt; ve-  
 rum etiam ipsorum Principum ac Triariorum, quos

inter eminent Willielmus Witakerus, Lambertus Danzius, Franciscus Iunius, Daniel Chamierus, Guillelmus Amesius, Sibrandus Lubbertus, Theobaldus Hok, Marthias Singer, Sutliuius, Hunnius, & reliqui ingenti numero, qui se commodiorem factioni suæ operam nauare, suumque nomen nobilitare amplius non posse arbitrati sunt, quàm si in Bellarminum nefandæ hæresis placita subruentem inuolarent.

Libro 3. de gratia & libero arbitrio cap. 4. quærit, *An ad liberum arbitrium constituendum requiratur libertas à necessitate, an verò sufficiat ea, quæ est à coactione.* Respondet: *Non desunt ex hæreticis huius temporis, qui libertatem à coactione satis esse indicent.* MARTINVS BUCERVS IN LIBRO DE CONCORDIA DOCTRINÆ SCRIBIT, LIBERO ARBITRIO, SOLAM COACTIONEM REPVGNARE; & quia Lutherani non negant liberum arbitrium, si sola requiratur libertas à coactione, ideò se viam ad concordiam reperisse per hanc distinctionem Bucerus existimat. Quod enim Catholici dicunt hominem esse liberi arbitrii, intelligi iubet de arbitrio libero à coactione, non à necessitate; quod verò dicunt Lutherani hominem non esse liberi arbitrii, accipiendum esse docet de arbitrio libero à necessitate, non à coactione. Ioannes etiam Calvinus libro 2. Instit. cap. 2. §. 6. scribit hominem esse liberum à coactione non à necessitate, &c. Idem quoque Calvinus in 2. lib. aduersus Pighium disertis verbis pronuntiat se pro Hæretico habiturum, si quis neget liberum arbitrium à coactione, modo non asserat liberum à necessitate. Cui errori Catholicam sententiam opponit capite sequenti. Igitur, inquit, libertatem à necessitate omnino requiri ad liberum arbitrium, neque satis esse libertatem à coactione demonstrari potest ex testimonio Scripturæ, ex definitione Ecclesiæ, ex traditione Patrum, ex lumine rationis. Tum capite 6. Hæreticorum argumenta dissoluit, nimirum illa ipsa, in quibus noui Doctores causæ suæ firmamentum ponunt.



## PARAGRAPHVS II.

*Gabriel Pennottus inter Caluini Lutherique hæreses nouum dogma numerat.*

QUANTI à Catholicis fieri debeat Pennotti auctoritas, ex Caluinistarum odio cognosce. Guillelmus Tuisius ex illo grege petulantissimus scriptor, l. i. c. 25. pag. 161. Pennottum apud Arminianos vigere sic indignatur: *Viget tamen hodie Pennottus inter nos, & multorum manibus versatur hoc opus eius, ad humanam libertatem propugnandam, vel inuitâ gratiâ, destinatum.* Si quam Pennotto fidem Hæretici adimunt, eandem Catholici adhibent, propiùs nihil, quàm vt noua libertas, cum eius auctoribus Hæreticis procul exterminetur. Nam libro 1. propugnaculi humanæ libertatis, c. 16. de Caluini opinione, quam his verbis expressam superiori capite proposuerat: *Si coactioni opponitur libertas, liberum esse arbitrium, & fateor, & constanter asseniero, ac pro Hæretico habeo, quisquis secus sentiat: de illa, inquam, opinione ita pronuntiat: HÆC CALVINI SENTENTIA EST ERROR IN FIDE MANIFESTVS. Intendis enim voluntatem eâ sola ratione liberam vocari posse, quòd sit immunis à violentia, & coactione, & quòd sponte agatur sua. Oppositum SECUNDVM FIDEM CATHOLICAM ABSQVE DVBIO ASSERENDVM EST, VERAM LIBERTATEM, MAXIME QVAM DIVINÆ SCRIPTURÆ CONSTITVNT IN HOMINE VIATORE, NON SOLVM EXCLVDERE NECESSITATEM COACTIONIS, ET VIOLENTIÆ, SED NATVRALIS DETERMINATIONIS, ET INEVITABILITATIS AD VNVM. Quòd autem hoc sit de fide probatur primò per Constitutiones Pij V. & Gregorij XIII, per quas damnata sunt istæ propositiones. Quod vo-*

210 DISPUT. DE LIBERO ARBITRIO  
luntariè fit, etiamsi necessariò fiat, liberè tamen fit. Et, Sola  
violentia repugnat libertati hominis naturali. Quod postea  
confirmat ex Concil. Trident. additque, Non video quo-  
modo post dictas Cõcilij definitiones, & post decreta illa Pij V.  
& Gregorij XIII. illæ propositiones: Quod voluntariè fit, etiã-  
si necessariò fiat, liberè tamen fit. Et, Sola violentia repugnat  
libertati hominis naturali: in aliquo sensu legitimo ab ullo  
Catholico possint defendi. Num ergo Catholici, Pennotti  
iudicio, qui id pertinaciter defendunt? Pergit idem, &  
capite 17. Caluini argumenta dissoluit, quibus natura-  
li hominis libertati solam aduersari coactionem con-  
tendebat. Quæ omnia sunt eadem prorsus cum iis, quæ  
ut inuicta iactant Aduersarij.

### PARAGRAPHVS III.

*Alexander Pesantius nouam opinionem inter nostri  
temporis Hæreses damnatam esse ait.*

ACCEDIT Alexander Pesantius Romanus, vir  
in primis nobilis, & eruditus, qui nouam de libertate  
opinionem contra fidem esse pronuntiat, in primam se-  
cundæ, quæst. 6. art. 3. disput. 4. Dico, inquit, secundo,  
LIBERVM ARBITRIVM EXCLUDERE NECESSITATEM,  
ET NON POSSE ALIQVID NECESSARIVM ESSE  
LIBERVM: EST DE FIDE. Primò probatur ex Scriptu-  
ra, Eccles. 15. Fecit Deus hominem, & reliquit eum in manu  
consilij sui. Omnes SS. Patres dicunt, hominem ita relictum  
esse in sua libersate, ut possit agere, & non agere: at si necessa-  
riò operaretur, non ita esset in manu consilij sui. Deuteron. 20.  
Apposita est tibi aqua, & mors, ut eligas, quod uolueris: at  
si esset necessarium, non esses electio. Tridentinum sess. 6. cap.  
5. ut explicet quomodo homo consentiat uocationi, & gratiæ,  
dicit ita consentire, ut possit resistere. Præterea hæc conclusio est  
expresse definita à Pio V. & Gregorio XIII. in Bullis de hac  
re editis: in quibus damnant Hæresicos nostri temporis dicen-



*res id, quod necessario fit, liberè fieri.*

Et in eadem partem quaest. 18. art. 1. disput. 2. quaerit, qualis fuerit Christi libertas: ita loquitur: Prima sententia dicit, ut Christus potuerit mereri, satis fuisse libertatem contrariam coactioni, ideoque Christi libertatem non excludere necessitatem, sed coactionem. Sed haec sententia non est probabilis, quia libertas à coactione non est vera libertas, ut definit Gregorius XIII. in Bulla contra Baium, & docens omnes Patres. Vnde contra hanc sententiam ita statuit: In Christo fuisse libertatem cum indifferentia, ut posueris operari, & non operari. Additque: Est communis Patrum, & Scholasticorum sententia, & patet ex dictis, quia de fide est, in Christo fuisse libertatem, haec autem intrinsecè includit indifferentiam.

#### PARAGRAPHVS IV.

*Alij physica praedeterminationis assertores nouam opinionem haeticam pronuntiant.*

ACMEN claudant aliquot physicae praedeterminationis Auctores, quos idcirco alieno hîc loco inserui, quod tardius mihi in manus venerint.

Primus est Iosephus à S. Maria in tractatu Thomistico q. 2. a. 3. Dico 2<sup>o</sup>. inquit, esse HÆRESIM MANIFESTAM, negare liberum hominis arbitrium perstisise in statu naturae corruptae. Specialiter de libertate opposita necessitati, non coactioni, quam moderni Haeretici negant, sicut elicetur ex Bullis Pij V. & Gregorij XIII. contra Michaëlem Baium, in quibus inter alias eius propositiones damnatas, hac erat num. 38. Quod voluntarie fit, liberè fit, quamuis necessario fiat. Hic est communis, tam Scholasticorum, quam SS. PP. sensus.

Secundus est Thomas Pius à ponte Lerinensi in 1. p. q. 14. art. 13. dub. 5. pag. 212. Libertas, inquit, arbitrij est indubitata in fide, & non est sermo de libertate à coactione,

*sed de libertate contradictionis, ut pluribus postea probat.*

Tertius est Petrus de Ledesma tractat. de Auxiliis disput. de electione ad gloriam, ubi cum dixisset libertatem propriè dictam non solum coactionem, sed etiam necessitatem excludere, subdit: *certum illud esse secundum fidem.*

Alij sunt quamplurimi recentiores Theologi, qui pari seueritate nouum dogma exterminandum esse pronuntiant; sed ne longior sim, recitandis eorum testimoniis supersedeo. Satis erit monuisse, neminem ex Catholicis Theologis, qui post Concilium Tridentinum scripserunt, huius sententiæ meminisse, qui illam erroris, ac hæreseos non damnarit. Quod Gabriel Pennottus appositè obseruauit l. i. cap. 7. *Superuenientibus, inquit, nouis hæreticis, qui concessa humane voluntati indifferentia, sine immunitate à necessitate coactionis, nihilominus ipsam voluntatem subiiciunt necessitati naturalis inclinationis, & determinationis ad vnum, opus fuit hoc genus duplex necessitatis præstius distinguere. NULLVSQVE DEINCEPS FUIT INTER CATHOLICOS DOCTORES, QUI ADMISERIT, SOLAM INDIFFERENTIAM A COACTIONE SUFFICERE AD VERAM LIBERTATIS RATIONEM CONSTITVENDAM.*







DISPUTATIONIS  
DE  
LIBERO ARBITRIO  
LIBER SECVNDVS:

IN QVO NOVA DE LIBERTATE  
*opinio S. S. Patrum, atque in primis  
D. Augustini auctoritate conuellitur.*

PROLVSION

Noui Doctoris Procœmiali libro respondens.

PARAGRAPHVS I.

*Qui Sorbonica Censura S. Augustinum opponunt, id  
Caluini & Melancthonis exemplo faciunt.*



AT IS, opinor, Sorbonicam Censuram  
de iniustitia purgauit, de temeritate plus-  
quam satis. Nam quis iniquam vocare  
aust, quæ id reicit vnum, quod in Lu-  
thero, Calvinôque Romana damnauit  
Ecclesia: Quis vt temerariam criminari? quæ vindices

214 DISPUT. DE LIBERO ARBITRIO  
habet ac patronos eos omnes, quorum est apud Catholicos auctoritas summa. Non est ergo quoddallatrantem triobolarem Criticum curemus. Quidquid in hanc censuram effatiat, non antè suam illi vim abrogabit, quàm Sanctis Patribus, fidem: Conciliis, auctoritatem: Summis Pontificibus, religionem: Theologis omnibus obseruantiam ademerit.

Sunt tamen qui furiosa obtrectandi libidine correpti phreneticorum in morem vociferantur, hac Parisiensicensurâ per Baij latus S. Augustinum iugulari, profundam eius de gratia & libero arbitrio doctrinam, quam Patres, quam Concilia, quam Romani probauere Pontifices, explodi, proscribi, damnari. Parum est. Cùm semel disputationis ardore incaluere, cò prorumpunt temeritatis & insanix, vt, ad derogandam huic Censuræ auctoritatem, Parisienses Theologos eius auctores in S. Augustini doctrina peregrinos extitisse, vixque tanti Doctoris libros à limine salutasse proclamant.

Non dissimili calumnia Philippus Melancthon infringere conatus est vim illius censuræ, quâ Sorbonici virulentam Lutheri de gratia & libero arbitrio hæresim confixerunt. Sic enim loquitur sub finem Apologiæ, quam pro Luthero aduersus illam Censuram conscripsit: *Quod si vnquam dubitatum est, in quo genere litterarum, aut artium versaretur Lutetia: id nunc declarat hic locus, in quo palam apparet in tota ista Sorbonica facultate neminem esse, qui Augustinum attigerit. In ipsa scriptura quid possint, facile æstimari potest, quando ne Augustinum quidem vulgarem aliqui inter Theologos scriptorem viderint! ô Theologos! ô Sorbonam! Et paulo pòst: Sinite impetrari à vobis, vt Augustinum, non dico relegatis, sed inspiciaitis tantùm. Nam errorem vestrum nulla pagina est, qua non coarguat. Tum quibusdam interpositis: Ego hic nihil sic miror, atque in tota ista Sorbonica facultate neminem fuisse, cui Augustini sententia comperta fuerit. Testor te quisquis hæc legis, si quem vnquam ex nouæ Sæcæ*



consecrancis in hanc, quam defendo, censuram declamantem, & animi sui sensa apertè depromentem audisti: quoties illud indignabundus eructavit, ô Theologos! ô Sorbonam. Ego nihil sic mirer, atque in tota ista Sorbonica facultate neminem fuisse, cui Augustini sententia comperta fuerit.

Eâdem proteruitâ Sorbonicos vellicat Calvinus. Nam cùm illi anno Christi 1542. die 10. Martij ad nefariam eius de libero arbitrio hæresim comprimentam, decreuissent, inesse homini lapsò libertatem ad vtrumlibet; non tulit illud profligatus Hæresiarcha, sed ut erat ad maledicendum proiectus, continuò in illos calamum strinxit, atque ut Sorbonicum de humana libertate decretum traduceret, ioculari illi probationem attexit, scurra non illepedo dignissimam. Quam hic integram exhibebo, quòd calumnias omnes, quas Caluini Simia hoc in negotio Sorbonicis infligunt, & præcipua Augustini testimonia, quibus nouum dogma firman, complectatur. Ita habet: *Probatum sit, quia magistri nostri sic determinarunt post Aristotelem, & omnes Philosophos, qui rationem in homine dominam constituunt loco spiritus sancti. Et hoc est etiam fundatum in ratione inuincibili: quia aliàs non esset meritum, quod est opus elicitum ex potentia liberi arbitrij, concurrente Dei gratia. Præterea non essemus cooperatores Dei in faciendâ salute nostra, nisi concurreret motus & actio voluntatis cum auxilio gratiæ. Nam quod Lutherani dicunt ipsam cooperationem esse ex dono Dei, quia voluntas sit reformata, ut consentiat Deo, & adducunt pro se scripturam, & formalia verba Augustini, qui dicit in principio libri de bono perseverantiæ, quòd Deus dat talem gratiam suis, ut sibi perseveranter adhareant: item, in libro de corrept. & gratia, ubi dicit, dari nobis gratiam, qua non tantum possumus, sed etiam velimus, idque efficaciter: item, gratiâ Dei indeclinabiliter, & inseparabiliter agi fideles. Responsio est facilis, quòd determinatio facultatis est supra opinionem*

*unius Doctoris, iuxta illud: plus vident oculi, quam oculus. Similiter quòd aduersus principale principium, quod posui, scilicet meritum esse effectum potentia liberi arbitrij, adducunt aliud dictum Augustini, quòd gratia sanctis est omne meritum: solutio est, Augustinum nesciuisse, quid Magistri nostri super hoc resolutinè dicturi essent. Hæc ipsa sunt, quæ nouæ factionis emissarij in hanc censuram deblaterrant. Nam aiunt 1. Sorbonicos Aristotelem potius, quàm Spiritum Sanctum consuluisse, cùm eam sententiam hæreticam esse pronuntiarunt, quæ libero arbitrio solam coactionem opponit. 2. Hæc ipsa Augustini testimonia obiiciunt, clamantque ab Sorbonicæ censuræ fautoribus eludi non posse, nisi dicant, quòd determinatio facultatis est supra opinionem Augustini. 3. Et si cum Caluino iocosè non dicant Augustinum nesciuisse, quid super hoc Magistri nostri resolutinè dicturi essent, atrocius tamen cum Melancthone exprobrant, In tota ista Sorbonica facultate neminem extitisse, cui Augustini sententia comperta fuerit.*

Grauior est ista calumnia, & ad plures pertinet, quàm vt à me negligi debeat. Nam etsi Sorbonam tantùm inuadat, refluit tamen in Romanos Pontifices Pium quintum, & Gregorium decimum-tertium, qui eandem Baij opinionem proscripserunt, atque adeo Sorbonicam censuram auctoritate consecrarunt sua. Refluit in S. Thomam, qui eandem sententiam hæreticam esse pronunciauit. Refluit denique in recentes Theologos ferè omnes, qui illam ignominiosis inustam notis inter Caluini, Lutherique deliria reiecerunt. Quamobrem operæ pretium me facturum arbitror, si hanc criminationem Melancthonis tinctam spiritu, & Caluini felle imbutam, ab Romanis Pontificibus, S. Thoma, Parisiensibus Theologis, & Doctoribus Scholasticis depulero.



## PARAGRAPHVS II.

*Refelluntur popularia præiudicia, quibus noui dogmatista abutiuntur, ut imperitus persuadeant, S. Augustinum Sorbonica Censura aduersari.*

QVA in disputatione scio mihi cum popularibus præiudiciis esse luctandum. Nam illud passim increbuit, & apud imperitos vulgò iactatur, stare S. Augustinum ab nouo dogmate. Neque hæc opinio promiscuam tantum illiteratorum faciem tenet, doctos etiam aliquot, & non malos alioquin homines afflauit. Qui sic opinantur: recentem sectam ab Concilij quidem Tridentini, & Romanorum Pontificum abhorreere deceretis: at cum S. Augustini sententia mirificè congruere. Quòd si interroges, quò tandem in hanc persuasionem venerint. Respondebunt, id se ex manifestis S. Augustini testimoniis comperisse. Si ampliùs quæras, quo in libro hæc tam aperta S. Augustini testimonia legerint: in S. Augustino, an in nouo dogmatista? Si veritatem amant, fatebuntur in nouo dogmatista legisse. Sed addent, nihil illum mentiri, S. Augustino nihil imponere. Vtinam sic haberet! Sed vanus sim, si mihi hominem, qui apud suos oraculi instar habetur, suspectæ fidei accusanti, tam faciliè credi velim: neque verò id velim. Lectorem tantum rogo, ut popularia præiudicia, quibus ille imperitæ multitudinis credulitati insidiatur, sibi que fauere S. Augustinum vulgo persuadet, mecum expendat.

*Primum præiudicium.*

CONFERT illud in primis ad S. Augustini auctoritatem nouo dogmati conciliandam, quòd eius Architectus assidue S. Augustinum crepat: quòd vnus S.

Augustini nomen inclamat, quòd ex eius arbitrio & nutu pendere se totum profiteatur, quòd denique nihil se præter puram putamque S. Augustini doctrinam proferre sanctissimè iurat. Sic enim vulgò comparati sumus, vt nec sub Principis veste, sicarium; nec sub tanti viri nomine, perniciosum latere errorem suspicemur.

Sed isti præiudicio tam elegantem, quàm veram Facundi Hermianensis sententiam oppono, ex libro contra Mocianum pag. 562. QUID AVTEM IN HOC MIREMVR? NEQVE ENIM MELIUS POTUIT LOQVI AVGVSTINVS, QVAM PROPHETÆ, QVAM APOSTOLI, QVAM EVANGELISTÆ, QVORVM VERBIS SIMILITER MALE INTELLECTIS TAM MVLTII HÆRETICI SVOS DEFENDERE CONANTVR ERRORES. Habet enim illud error omnis, vt cùm infirmus sit ipse per sese, & natium colorem erubescat, non antè obrepat in lucem, quàm sibi & sacrarum litterarum præsidium asciverit, & sanctissimi iuxta, ac eruditissimi viri nomen, sic tanquam larvam, induerit. Hinc certatim Hæretici in S. Augustini nomen inuolant, quòd ex omnibus, qui nascente, vel adultâ Ecclesiâ pietatis & doctrinæ laude floruerunt, nemo sit, qui apud posteros plus auctoritatis habeat, ac fidei. Nec illud nouum dogmatistam fugit, nam ita loquitur libri Proœmialis cap. 23. *Omnes & in Christi Ecclesia, & SATANÆ SYNAGOGA, & in Regam palatiis, & in doctorem subselliis AVGVSTINVM ARBITRV M DEPOSCVNT, Augustini armis, atque auctoritate sese muniunt, ac tuentur, &c. nempe omnes nunc Augustiniani esse aut videri volumus.* Quod cùm Hæreticis omnibus in spargendo errore familiare est, cum Caluino in primis de gratia, & libero arbitrio disputanti solemne. Collegerat ille rancidas & obsoletas Manichæorum opiniones, eruditæ vetustatis quisquillas omnes, sordēsque corraserat, vt ex iis nefarium



illud de libertate dogma constaret, quod Calvinianæ hæresis caput est, & origo. At eum intelligeret, tam pestilenti doctrina non Catholicam modò labefactari fidem, sed & Philosophiæ principia conuelli, virtutes omnes extinguere, & insitos à natura libertatis motus præfocari: timuit ne communis hominum sensus in execrandi dogmatis interitum conspiraret, illudque antè perimeret, quàm serpere in vulgus, & imperitam corrumpere multitudinem posset. Quare ex his omnibus quos Ecclesia Patres, & doctores agnoscit, S. Augustinum selegit, cui opinionem suam affingeret: ratus nullum esse dogma tam execrandum, quod S. Augustini insignitum nomine, eiusque auctoritate, quasi pallio, inuolutum, apud omnes fidem non inueniret.

Pridem illud norauit Hieronymus Torrensis in Præfatione Confessionis Augustinianæ. *Sectary cum honorem nullum, aut certè perexiguum Patribus deferant, eosdèque vno nomine omnes nihil nisi homines, fallacèsque saepe homines videri velint, VNVM FERE SEMPER AVGVSTINVM EXCIPIVNT, ET HONORANT MAXIME, hunc tanquam pia doctrina fidelem Magistrum colunt observantque: Eundem Apostolo Paulo vel proximum faciunt, & nunquam non suis partibus conantur adiungere. Vbi de iustificatione disputatio incidit, NVLLVM QVAM AVGVSTINVM IN SVÆ PARTIS PATROCINIVM FREQVENTIVS ADDVCVNT. Similiter vbi de Eucharistia, & sacrosancto Christi corpore à Sacramentariis quaestio mouetur, Augustinus semper primus atque vltimus in ore est. Et Claudius de Xaintes Repet. 9. Observare licet Adversarios, siue nostra destruendo, siue sua asserendo, solidis & certis scripturis carere, atque in omni controuersia AD VNVM AVGVSTINVM, TANQVAM AD SACRAM ANCHORAM REFVGERE, non quòd ab eorum partibus stes, sed quoniam tam multa, ac tam variegata scriptis pro re nata, ut facile fueris omnibus post illum*

*Hæreticis aliquid de ipso contorquere, atque aliorum quam ipse dixerit auertere.* De Eucharistia quidem ita differit Calvinus, ut ubique S. Augustinum opinionis suæ fundum prædicet. Quod & diligenter faciunt eius asseclæ, ut monet Cardinalis Perronius in libello, quo petitas ex S. Augustino aduersus Sanctissimum Sacramentum obiectiones diluit. Hæc sunt eius verba cap. 1. *Sanctus Augustinus magnus Sacramentarium Patronus*, quod ex Zuinglio pluribus probat, atque adeò ex ipso Luthero in hanc Sacramentarium audaciam declamante.

Multò verò ambitiosius suam de libero arbitrio opinionem S. Augustino Calvinus inscribit, Lutheri exemplo, qui Augustinum hac in controuersia suum esse impudentissimè gloriatur. Calvinum lege cum Pighio depræliantem libris quinque: lege in Tridentinos Patres inuehentem in Antidoto: lege furentem in Sorbonicos l. 2. Institutionum, vix occurreret pagina, quam S. Augustinus non impleat. Vbiq̃ue Augustini nomen intonat, Augustini fidem appellat, Augustini locos tam densos, tam frequentes congerit, ut quilibet minimè suspiciosus Caluini in labris scissitare S. Augustinum, suæque inde oracula fundere suspicetur. Neque abruptas tantum ex aliquo eius libro sententias profert, sed per singula tanti doctoris volumina, per tractatus omnes decurrit: Audi loquentem libro 3. de libero arbitrio pag. 170. *Nunc verò hoc quoque à me quasi auctorium fortassis requirunt aliqui, ut quod GLORIATVS SVM DE AVGVSTINO, ILLVM PRORSVS NOSTRVM ESSE, nunc plenius & pluribus testimoniis confirmem.* Qua in re præstanda non tam difficultate, quàm prolixitate impediør. Nam si omnia colligere instituerem; quæ factura sunt ad sententia nostra confirmationem, si adducerentur, longum ex iis volumen mihi sexendùm foret: Et toti etiam ferè libri interdum inferendi. Quid enim aliud quatuor ad Bonifacium li-



*brī; duo ad Prosperum, & Hilarium, duo item ad Valentinū continent? quid liber de natura & gratia, aliter item de perfectione iustitiæ? quid libri tres ad Marcellinum? quid totidem circiter epistola, quos nominavi libros? nisi genuinam, eamque perpetuā doctrinā nostrā explicationē? verūm ne videar more Aduersarij sola iactantiā causā obtinere velle, &c.* Ex his omnibus libris breue compendium concinnat, tum ita gloriatur: NOS NIHIL QVAM AVGVSTINVM SEQVIMVR. Item, ergo etiam si crepet Pighius, nobis hoc extorquere non potest, quin AVGVSTINVS SIT NOSTER. Nihil tolerabiliora sunt hæc eius verba ex libro de æterna Dei prædestinatione pag. 693. AVGVSTINVS IPSE ADEO TOTVS NOSTER EST, VT SI MIHI CONFESSIO SCRIBENDA SIT, EX EIVS SCRIPTIS CONTEXTAM PROFERRE ABVNDÉ MIHI SVFFICIAT.

Quanta fuerit Caluini in S. Augustino sibi arrogando proteruita, quāque infana & peruicax ambitio, ex ipsīs quoque doctoribus Catholicis cognosci potest. Thomas Stapletonus tom. 2. pag. 1648. de illa sic loquitur: CALVINVS QVÐ IMPIVM DOGMA DE LIBERO ARBITRIO PROMOVEAT, S. AVGVSTINVM IN OMNIBVS SEQVI PRÆTENDIT. Et Bartholomæus Camerarius, qui Genevæ cum Caluino de hac quæstione congressus, quidquid percontando elicere potuit, mandavit postea his libris, quos de libero arbitrio elegantissimos conscripsit. l. 1. cap. 3. sic habet: HÆC SANE MAGNA PROTESTANTIVM VERSVTIA EST, VT PALAM CORAM MISERANDA PLEBE, AVGVSTINVM TANQVAM PALLIVM ERRORVM SVORVM PRÆFERANT. Et cap. 5. ita Caluinum subsannat: *En Caluine tūc ille es, qui & tuum Augustinum esse, & te ne in vna quidem syllaba ab eo dissentire scribis & prædicas?* Item, *Dixerim hæc, ut videas quā bene Augustinus tibi subscribat, quem tuum esse ubique prædicas.* Capite verò 6. *Ne deinceps contra Au-*

*gustinum Aurigam tuum, &c.* Clariùs in epistola ad ipsum Calvinum operi præfixa, AVGVSTINIANVM TE ESSE BALAM PROFITERIS. Gabriel quoque Pennottus lib. 9. cap. 11. cùm Augustini auctoritate Calvinum fregisset, sic illi insultat: *Vbi sunt illa Caluini encomia, quibus Augustini doctrinam extollis? vbi illa eius confessio, omnes Ecclesiasticos scriptores, vno excepto Augustino, in hac re ambigunt, & variè locutos fuisse? vbi prouocationes ille, quibus nos prouocat ad audiendum Augustinum suis verbis contra nostra atatis Pelagianos loquentem? vbi tandem illud quod ait in suo opusculo de æterna Dei predestinatione, se ne in vna quidem syllaba ab Augustino dissentire?*

Qua in re insignis est versuti hominis calliditas. Quæ leuioris sunt momenti, strictim tantùm delibet, & paucis S. Augustini locis aspergit. At cùm nefarij dogmatis caput attigit, eoque res deducitur vt aduersus Concilium Tridentinum probet, hominis voluntatem aspiranti gratiæ dissentiri non posse: Tum verò Augustinum altius inclamat, Augustini auctoritatem ad fastidium ingerit, Augustini nomine titulos inscribit, margines prætexit, paginas omnes infarcit. Addit & conuicia: Pelagianismum Catholicis imponit, & supinam in Augustini doctrina ignorantiam exprobrat. Sic in Antidoto ad sess. 6. vbi illud insectatur quod Anathemate Patres sanciuerant: Hominem posse gratiæ dissentiri. Huic Pelagiano, vt vocat, decreto Augustinum opponit, atque illum præcipuè locum ex l. de cor. & grat. quo tanquam Achille noua secta gloriatur. Tum subdit: *Excudunt autem Neptunij Patres* (sic Tridentinos frigida ad Neptuni tridentem allusione, nuncupat) *in noua officina, quod Augustino fuit ignotum.* Reliqua non persequar, quæ in sanctissimos Patres perulantissimus scurra effudit.

Sed ex his omnibus ita colligam. Vt nihil Caluino suffragari debet, quòd S. Augustinum importunè sibi



arrogat, & Tridentini Concilij decretis impudenter opponit: Ita nec recenti sectæ fauere illud putandum est, quòd pari importunitate Sorbonicæ Censuræ S. Augustinum obiiciat, & in noui dogmatis communio- nem vocet. Imò, si aliunde constet nouam opinio- nem ab Ecclesia damnari, tantò perniciosior censerì debet, quantò studiosius Augustinum sibi asserit. Sa- pienter enim à Philosopho, verèque pronuntiatum est: rerum optimarum pessimam esse corruptionem. Nihil turpius, quàm elegantissimi vultus extincta pulchritu- do: Nulla mephitis est tanta, quàm quæ ex corruptis floribus exhalat: Nullus error tam perniciosus, quàm qui ex deprauatis summi alicuius viri testimoniis ena- scitur.

*Secundum præiudiciũ.*

MIRARI quò fieri potuerit, vt noua opinio statim atque emerit, Augustinianæ famam apud plurimos in- uenerit. Non illud fato quodam, sed singulari auctoris arte factum est. Nam operi suo Procæmiale librum præfixit, quo libro duo præstat ad S. Augustini aucto- ritatem sibi asciscendam peropportuna. Primò magnifi- cè prædicat se in S. Augustino euoluendo ætatem ferè omnem contriuisse, neque id semel, aut iterum, sed sæ- pius ad nauseam inculcat, & verbis eiusmodi, quæ mi- nùs cautis persuadeant, non illum S. Augustini scripta oculis tantum vsurpasse, sed purum ac liquidum S. Au- gustini spiritum ex omnibus eius operibus in conflato- rio expressum, ebibisse. Exemplo sit hæc lacinia ex ca- pite 10. auulsa. *Itaque venerabilem stylum eius (Augustini) arripui, nullisque tediis, aut laboribus territus, volutatione & lectioni assidue vniuersorum librorum eius, iterum iterum- que sapius repetita, per viginti duorum annorum spatium IMMERSVS FVI, hoc unicum spectans, vt ultima primis diligentissimè conferendo, dispersasque sententias, quas hic*

*illic in Scholasticorum scriptis legeram, corpori unde anulus-  
erans restituendo, genuinam doctrinam eius, quantum la-  
minis mihi Deus daret radicatus intelligerem, & medulli-  
sus imbiberem.* Secundò S. Augustinum laudat impen-  
sè, & eius encomia, ex antiquis Patribus curiosè con-  
quisita, congerit, ac Romanos in primis Pontifices ap-  
pellat, qui S. Augustini de gratia & libero arbitrio do-  
ctrinam, Ecclesiæ doctrinam esse professi sunt. Quod  
eo consilio facit, ut qui istud legit, ita apud se ratio-ci-  
netur: Qui tantum temporis posuit in genuino S. Au-  
gustini sensu ex omnibus eius operibus exsculpendo,  
habuit sanè perspectam S. Augustini sententiam: qui  
verò perspectam habens S. Augustini sententiam illum  
ornatè commendat, eiusque doctrinam, Ecclesiæ do-  
ctrinam esse contendit, profectò non putat S. Augusti-  
num opinioni suæ aduersari; nam aliàs extenuare po-  
tius eius auctoritatem, quàm prædicare satageret: ergo  
nouus doctor, consentientem habet S. Augustinum.  
Vidiego complures qui se hac ratione induci fateren-  
tur, ut S. Augustinum nouæ opinioni addicerent.

Hac arte Calvinus *Augustiniani* nomen, quod teste  
Camerario tãtopere ambiebat, apud plurimos sibi con-  
fecit. Nam primò superbâ quadam & insolenti mode-  
stiâ nolle se gloriari ait, quàm sit in Augustino apprimò  
versatus: *Vtinam*, inquit l. 5. in Pigh. pag. 199. *tantâ &  
attentione, & diligentia versatus in scripturis Pighius foret,  
tãmq̃ familiariter notum haberet earum sensum: quàm &  
DILIGENTER LEGISSE ME AVGVSTINVM, ET  
FAMILIARITER COGNITAM HABERE EIVS  
MENTEM, IACTARE MIHI LICEAT, verùm  
id ex re ipsa æstimari volo.* Vnde in Admonitione vltima  
ad Westphalum, quod illi Pighius exprobrarat, West-  
phalo ita remittit: *Cerrò imperiti vel minus cauti lectores  
putarent eam non modò memoriter tenere quidquid scripsit  
Augustinus, sed longo & familiari vſu propemodum imbibiſſe  
eius mentem, omnesque reconditos sensus. Nam contempnim*  
*pro-*



*pronuntias plerosque nostrum vel nunquam vidisse libros Augustini, vel leniter tantum, vel à longè, ut ipse dicit, inspexisse, &c. Quis indoctum putare audeat, cui tota Theologia Augustini non secus nota est, ac proprii ungues? Porro an ego eminens sancti Doctoris scripta inspexerim, palam omnibus testatum esse arbitror. Hæc Caluini de Augustino sibi apprimè noto iactantia fuit in causa, cur Franciscus Horantius l. 1. c. 32. sic illum perstrinxit. MAGNO PERE MIROR HOMINEM QUI TOT ANNOS IN VNO PERLVRSTRANDO, PENITVSQVE EXCVTIENDO AVGVSTINO ÆTATEM CONSVMPSERIT, IN IPSIS ARGVMENTIS OPERVM AVGVSTINI RECENSENDIS TAM INCONSIDERATE LAPSVM ESSE.*

Secundò, S. Augustinum tanti se facere profitetur, ut in hac de libero arbitrio quæstione illum vnum reliquis Patribus omnibus, quos sibi aduersari non diffitetur, præponat. Hinc illa eius verba l. 2. Inst. c. 2. num. 9. *Magnum mihi præiudicium attulisse forsàn videar, qui scriptores omnes Ecclesiasticos, excepto Augustino, ita ambigüe & variè in hac re loquutos esse confessus sum, ut certum quippiam ex eorum scriptis haberi nequeat. Quid verò Augustini patrocinio fretus reliquos curet, satis indicat l. 3. cap. 3. Neque opus est multum inuestigando laborare, quid hic veteres senserint: quando VNVS AVGVSTINVS SVFFICERE AD ID POTEST, & l. 3. in Pigh. pag. 161. Hinc illa, quam vni Augustino præ aliis tribuo, vera sanæque doctrina perspicua, certa, exactæque explicatio: Hinc & ille consensus, quem illi nobiscum esse glorior. Quàm consentanea sunt illa, his quæ novi dogmatis artifex dictitare solebat, ut in eius vita operi præfixa legitur, PATRES CÆTEROS VTILES ESSE, SED AVGVSTINVM NECESSARIVM, IMMO VNVM PRO OMNI MATERIA THEOLOGICA SVFFICERE.*

Cùm hæc scriberem commodum in manus venit Roberti Sarisburiensis famosi Calvinistæ liber, quo Caluini de gratia sententiam acerrimè defendit. At-

que ut iam inde ab ipso aditu fauere sibi Augustinum persuadeat, operis fronti præfationem imposuit, proœmiali noui Doctoris libro tam similem, ut diu crediderim eius esse compendium, nec antè opinionem hanc abiecerim, quàm constiterit mihi, illum longè antè scripsisse, quàm noua opinio è tenebris emerisset. Quam non temerè id suspicatus sim facillè intelliget, qui pauca, quæ hîc adnotabo, attentè perpendet.

Primò, quidquid tractat nouus Doctor cap. 15. cui titulus est: *Augustini doctrina de gratia Dei à Romanis Pontificibus Innocentio, Zozimo, Celestino, Leone, Hormisda, Felice secundo magnificentiè approbata, & consecrata: Tractat & illud Sarisburiensis præfationis suæ initio, atque ita auspicatur: Ecclesia tot Pontifices Innocentius, Zozimus, Bonifacius, Sixtus, Celestinus, Felix, Gelasius, quibus singulari testimonio probatam Augustini doctrinam, partim ex Prospero patet contra collatorem Cassianum, partim à nobis ex Bellarmino, & Baronio Lectione priore de veritate gratia Christi ostensum est. Tum illud S. Augustini Encomium ex Epistola Celestini, atque aliud ex Prospero subiungit, quæ hîc quoque nouus Theologus representat.*

Secundò, caput 16. Aduersariùs sic inscribit. *Quanta libertas & procacia quorundam recentiorum in censenda damnandâque Augustini doctrina, quam tantopere Romana Ecclesia admirata est. Atque in Theologum quendam atrociter inuehitur quodd dixisset: Mihi in hac parte non probatur doctrina B. Augustini: sed existimo aliter philosophandum. Pari zelo in Æmulû suum Sarisburiensis excandescit: Quia videt, inquit, nisi cadente Augustino, se stare non posse, fidem & existimationem eius imminuit, auctoritatem hætenus illi habitam, abrogatam cupit, neque vult homo malè pertinax necesse sibi fore sequi sententiam Augustini, quam tamen sacrarum Scripturarum testimonia fundatissimam secuta est ab illo tempore Ecclesia Catholica.*

Tertiò, nouus Dogmatistes cap. 26. in eos irascitur,



qui putant multa relictæ esse ab Augustino indecisa, multa solum probabiliter asserita. Quique ad illud efficiendum hæc Celestini verba adhibent: Profundiores verò difficiliore/que partes intercurrentium questionum, quas latius pertractarunt qui hæreticis restiterunt, sicut non audemus contemnere, ita non necesse habemus asruere. Illud ipsum stomachosius prosequitur Sarisburiensis. Nam ubi illa Celestini verba protulit, quibus multi probant licere sibi quibusdam in sententiis ab Augustino discedere, sic aduersus illos declamat. Quis credat Celestinum tam sanctè de Augustino testificantem, & inter Magistros optimos numerantem, nullo unquam sinistra opinionis rumore aspersum, cuius aduersariis resistendum esse decreuerat, mox tanquam ecstasi correptum, & propositi sui oblitum, vellicare illum, & opera eius, & sugillare voluisse? &c.

Quartò, quod sæpe in illo libro procæmiali rotòque passim opere Aduersarius monet, singulas Augustinianæ doctrinæ partes inter se coherere, & iniquè eos facere, qui Augustinum Augustino opponunt, ita Sarisburiensis contrahit. Quod autem porro excipit Augustinum sibi ipsi in hoc negotio aduersum esse, ut nihil sit prompius quàm Augustinum opponere Augustino, leuiculus & indoctus aduersus clarissimam veritatem pratexus est, cum Augustini tam expressa hic tam diserta doctrina sit, ut nihil ex scriptis eius opponi possit, quod non ab ipso luculentissimè conciliatum sit.

Quintò, nouæ Sectæ instaurator cap. 30. & 28. miratur aliquos esse qui plus Theologis, quàm Augustino credere velint. Quam in sententiam Sarisburiensis; Iam verò, inquit, quis est tam insensatus, tam insanus, tam prodigus fidei, & salutis suæ, ut Augustinum tanta testium nube circumdatum, tam densa ubique scripturarum tonitrua resonantem deferendum putet, ut minutulis sophistis adhærescat.

Sextò, monet Aduersarius cap. 25. eum qui Augustini libros aduersus Pelagij hæresim conscriptos lege-

128 DISPUT. DE LIBERŌ ARBITRIO  
rit, inde quæstiones & sophismata soluturum, quibus hodiernæ scholæ implicantur. Quod & Sarisburienſis facit in hæc verba: *Facile argutias illorum & sophismata soluet, qui scripta Augustini contra Pelagianos diligenter & intelligenter euoluet, & ad monumenta veterum auctorum, qui causam illam contra hæreticos elaborarunt, magis attendet, quàm ad istorum hominum scriptiunculas, & chartulas, non quidem lecturâ, sed liturâ dignissimas, in quibus tamen nonnulli operam tam indigne ponunt suam.*

Non ego hac mente Proœmialem Aduersarij librum cum Roberti Sarisburienſis præfatione composui, vt ostenderem illum iam inde ab ipso operis ingressu esse latrocinatum, vixque vllam decumano in opere lineam duxisse, nisi facem præferente, aut manum regente celebri aliquo huius temporis Hæretico: Sed id mihi consilij fuit, refellere populare illud præiudicium, quod ad cōflandum Aduersario *Augustiniani* nomen, ex illo Proœmiali libro ducitur: & indicare paucis eos persæpe S. Augustini doctrinam flagitiosè corrumpere, qui illum laudant impensius, quique eius auctoritatem ab aliis extenuari grauius indignantur.

### *Tertium præiudicium.*

**F**AVET illud quoque nouæ opinioni, quodd multi doctrinâ insignes viri S. Augustinum illi adiudicant. Neque ex iis tantum quos vel nouitatis illecebra, vel partium studium huic sectæ illigauit, sed ex iis etiam, qui neutri se addixerunt parti, quique hoc in bello spectatores esse maluerunt, quàm milites. Scitè hoc præiudicio abutuntur nouæ sectæ emissarij. Nam illud tam assiduè venditant in circulis, vix vt credam Parisiis esse politioris ingenij mulierculam, quæ inter bellaria identidem non garriat: Doctiorum hanc esse sententiam, S. Augustinum nouo dogmati suffragari. Addunt, ex iis etiam aliquos, qui internecinum cum hac



nouitate bellum gerunt, sic opinari, faterique subtimidè opinionem hanc, quam omni destitutam putant ratione ac sensu, S. Augustini auctoritate fulciri.

Mihi verò coërcenda videtur in primis posterior hæc calumnia. Quæ inde profluxit. Cùm ex iis scriptoribus, quos noua opinio idcirco hostes putat, quod veritatem defendant, scripsissent aliqui, S. Augustinum in Prædestinationis negotio nouo dogmati patrocinari, id eius fautores ad reliqua eiusdem sectæ placita traduxerunt, atque apud imperitos & mulierculas trophæi iactarunt loco, fateri Aduersarios opinionem suam S. Augustino repugnare. Ingeniosum verò artificium, si colorem haberet. Quis non videt quantum illa de prædestinatione opinio, & hæc, quam exagito, de libertate sententia diffideant, quàmque nihil habent inter se commercij? Quantæ est igitur temeritatis ac proteruitæ iactare vniuersim, eos S. Augustinum nouæ opinioni concessisse, qui illi in prædestinationis negotio, quod ad rem nostram nihil pertinet, fauere confessi sunt?

Gravius est in speciem, quod magnificè venditant, multos ex iis qui neutram sunt amplexi partem, quique hoc in bello honorarij indices sedent, & arbitri, apertè profiteri, S. Augustinum communi de libertatis indifferentia opinioni esse iniquiorem. Sed istud aut nihil Aduersarios iuuat, aut Calvinum quoque aduersus Tridentinos Patres disputantem subleuat. Iam pridem enim è Catholicis plurimi doctrinâ & pietate spectabiles, confessi sunt S. Augustinum Pelagianismi odio, ita in contrariam partem inclinasse, vt persæpe Caluino potius, quàm Tridentinis Patribus fauere videatur. Ita magnum illud Sorbonæ lumen, & Galliæ decus Gilbertus Genebrardus Archiepiscopus Aquis in Epistola ad Carolum nonum, quam editioni Originis anno 1574. præfixit: *Augustinus, inquit, fuit iniquior interdum libero arbitrio, quod Pelagianos haberet in*

*procinctu, nihil aliud extolles quam vires arbitrij, Dei autem gratia minimum tribuentes. Ita acerrimus Caluini debellator Claudius de Xaintes Episcopus Ebroicensis in libello Atheismorum Caluini. Ita vir magni apud Lusitanos nominis Hieronymus Osorius Syluensis Episcopus l. 9. de Iustitia. Ita infensissimus Caluini hostis, & Romanæ Ecclesiæ fortissimus Ahleta Albertus Pighius l. 3. de libero arbitrio: Ita doctissimus Pauli interpres Cornelius Mussus Episcopus Bituntinus in cap. 5. Epistolæ ad Romanos. Ita Angelici Doctoris nobilis Commentator Cardinalis Caietanus ad quæst. 70. primæ partis art. 3. Ita demum Romanæ purpuræ decus aliud Iacobus Sadoletus libro 3. Epist. 5. Atque hunc fuisse sensum eorum qui sua ætate in Scholis regnabant Theologicis docet Erasmus Præfatione in Sanctum Hilarium. Consentiunt quoque Doctores Parisienses qui anno Christi 1571. opera S. Augustini apud Guillelmum Merlin, & Sebastianum Niuellium edi curarunt.*

Accedit vehemens ille Caluini debellator, Nicolaus Romæus, qui pag. 689. cum ex Concilij Tridentini sententia de humana libertate aduersus Caluinum disputasset, ad Augustini auctoritatem quam ille tam importunè opponit, ita respondet: *Quod ad S. Augustinum attinet, habet aliquando (fatendum est) sententias aliquas difficiles, sed mentem eius potius, quam verba spectare oportet, ne alioquin manifestè sibi contradicat. Agebat cum Pelagianis qui liberum arbitrium, non sine gratiæ insuriâ, nimium extollebant: Et cum in lubrico loco versaretur, in alteram partem iuxta Aristotelis præceptum inclinauit, ut medium facilius obtineret. Sic enim qui virgam incuruâ corrigere vult, in contrariam partem inflectit, ut vis vi repressa rectitudinem ipsam inducat. Contigit hoc olim S. Gregorio Thaumaturgo, qui agens aduersus Alianum Ethnicum, plurimum Deorum cultum Christianis obuiuentem, ita de uno Deo tractauit, ut cum Sabellio tres personas confundere quibusdam*



*Videretur. Contigit & Beato Dionysio Alexandrino, qui Sabellium confutare volens, in eius heresim tam vehementer inuictus est, ut quibusdam visus sit diuinam essentiam cum personis diuississe, Arioque materiam sua heresis subministrasse: quo nomine apud S. Dionysium Papam accusatus fuit. Sed Thaumaturgum egregiè defendit S. Basilius Epist. 64. Dionysium S. Athanasius libro de Synodis, & alibi. Iisdem SS. Dionysij & Thaumaturgi exemplis vtuntur quos paulò antè appellauimus, & eandem incuruæ plantæ similitudinem adhibent, quam ex Theodoro mutuati sunt. Ait enim ille tomo 4. pag. 170. Sanctos Patres sæpe in contrariam partem inclinasse, cum aduersus Ecclesie hostes pugnam conferrent. Quod ipsum agricolis quoque stirpium cultoribus vsuuenis: qui cum incuruam aliquam plantam viderint, non solum ad rectam normam erigunt: sed etiam ultra directum in partem alteram inflectunt, ut ex vehementiori in contrariam inclinatione ad rectum statum perducatur. Quæ ex Romæo descripti simillima sunt iis quæ habet Sixtus Senensis Præfatione in librum 5. Bibliothecæ, nam & vniuersim illud asserit, SS. Patres sæpe cum vnum errorem impugnarent, in oppositum inclinasse, & nominatim de Augustino ita pronunciat: D. Augustinus dum toto spiritus ac verborum ardore, pro defensione diuina gratia pugnat aduersus Pelagianos, liberum arbitrium cum iniuria Diuina gratie extollentes, in alteram quasi foueam delabi videtur, minùsque interdum tribuere, quàm par sit, libera hominis voluntati. Quà de re fusè etiam disserit Auratus Paradoxo 48.*

Atenim, inquit Calvinus l. 3. in Pighium, grauis sancto Augustino fit iniuria, cum ita pugnandi cupiditate incaluisse dicitur, ut contrarium in errorem propenderit. Idem opponunt nouæ libertatis Patroni, & quam sancto Doctore iniuriam irrogari putant, multis calumniis vliscuntur. Sed minùs est considerata isthæ eorum indignatio. Neque enim insignes illi Theologi, qui S. Augustinum persæpe libero arbitrio minùs

Des person-  
nes sages &  
intelligentes  
ont dit avec  
grande rai-  
son, aussi est  
qu'il ont  
veu publier  
l'ouvrage de  
ce Prelat,  
que ce livre  
estoit une des  
marques les  
plus sensibles  
du soin avec  
lequel Dieu  
veult conti-  
nuellement  
sur son Egli-  
se, ayant  
permis que  
les vices de  
la grace si  
importantes,  
& si neces-  
saires au sa-  
lut des ames,  
ayent esté re-  
solles dans  
ce siecle en  
leur premiere  
splendeur; &  
que la do-  
ctrine qui a  
esté la voix  
des Papes &  
des Conciles  
en cette ma-  
niere, ait esté  
establée si  
parfaitement  
doux & con-  
sant après ces  
traces lents Pe-  
res, & en un  
si peu au quel  
elle avoit esté  
tellement en-  
mesprisée, en  
obscurcie,  
que quelques-  
uns avoient

propitium fuisse aiunt, erroris illi notam imponunt.  
Id vnum volunt, S. Augustinum eiusmodi verbis men-  
tem suam concepisse, quæ cum ad obtinendam Pela-  
gij hæresim essent aptissima, & eo, quo usurpat, sensu  
verissima, suis tamen avulsa locis, atque ut sonant,  
explicata Catholicæ de libero arbitrio sententiæ ad-  
versari videntur. Ita persæpe primi parentis culpâ li-  
berum arbitrium funditus periisse docet, ut in Enchir.  
ad Laurent. cap. 30. *Libero arbitrio male utens homo & se  
perdidit, & ipsum*: Alibi etiam, ut libro de perfectione Iu-  
stitiæ cap. 4. significantius ait *carere libertate naturam*.  
Quæ verba si in protritæ, & vulgari notione sumantur,  
Concilij Tridentini Canones labefactant, & execran-  
dum Manichæorum errorem inducunt.

Facit & illud ad novi Doctoris famam, quod eius  
fautores scribunt S. Augustini opinionem, quæ tan-  
diu densissimis tenebris conssepulta iacebat, instaura-  
tam ab eo fuisse, & nova luce collustratam. Aiunt  
etiam, quæ est hominum modestia, vix posse infi-  
gniori argumento probari, Deum Ecclesiæ suæ utilita-  
tibus perpetuò inuigilare, quàm quod his temporibus  
novus ille Augustinus emerferit. Simillima sunt quæ  
de Caluino scribit Beza, ut referunt Bolsec. cap. 2. &  
Romæus pag. 754. Simillima quoque de Luthero  
pronuntiat Melancthon in declamatione de Sancto  
Augustino. *In hac, inquit, Schola Vvitembergensi præ-  
cipuè gratam Augustini mentionem esse decet, in qua Augu-  
stinus quasi renatus est: & eius doctrina quæ iacuit obruta  
densissimis senebris, non solum restituta est, sed etiam lumen  
accepit*. Sic ille iisdem ferè verbis Luthero, de restituta  
sancti Augustini doctrina gratulatur, quibus & Aduer-  
sarij Doctori suo blandiuntur. Plura addit in Apolo-  
gia Lutheri adversus Sorbonicos pag. 204. & 205. etiam  
que magnificè prædicat, quod S. Augustini doctrinam,  
tot iam sæculis neglectam, ac veluti obliuione con-  
sepultam, meliori in luce collocarit.

*est mesme restoré avec son autorité, &c. Apologie 1. pag. 31*



Valeat ergo popolare illud præiudiciū, quod no-  
 uz opinionis instauratori fauere non potest, quin fa-  
 ueat Luthero, atque Caluino. Valeant & reliqua duo,  
 quæ Sorbonicam censuram non antè infringent, quàm  
 Tridentinos Canones euerterint. / Cogitet verò Le-  
 ctor eruditus, quod sine stupore recordari non pos-  
 sum, nullum ab nouo Dogmatista S. Augustini te-  
 stimonium ad suam sententiam confirmandam adhi-  
 beri, quod Caluinus, aliisque Sectarij multò antè non  
 vsurparint ad illam ipsam opinionem aduersus Con-  
 ciliij Tridentini Canones, Romanorum Pontificum  
 decreta, & Sorbonæ censuras defendendam. / Atque  
 adeo adiudicari nouo Dogmatistæ S. Augustinum non  
 posse, quin & Caluino pariter addicatur. Quod nemo  
 sincerè Catholicus facere ausit. Hæc qui cogitabit, nu-  
 pero Doctore S. Augustinum sibi audacter vindicanti  
 temerè non assentietur. Iudiciū saltem sustinebit ali-  
 quantulū, donec Augustini mentem accuratiùs ex-  
 pendat. Hoc si polliceris, erudite Lector, si nihil præ-  
 iudicatæ opinionis affers, nec statuisti aduersus aper-  
 tam veritatem animum obfirmare, tibi ego vicissim  
 polliceri ausim, effecturum me vt fatearis, non aduersa-  
 ri S. Augustinum Sorbonicæ censuræ, Pontificum de-  
 cretis, Conciliisque Tridentini Canonibus; proindè-  
 que novos Theologastros non minùs imperitè, quàm  
 impudenter facere, qui damnatas ab Apostolica Sede  
 opiniones S. Augustino inscribunt.

## PARAGRAPHVS III.

*An hac controuersia ex vnius S. Augustini mente  
 dirimenda sit.*

ATQVE vt omnes intelligant quàm nihil hac in  
 parte reformidem, Aduersarius iam inde gratificabor,  
 quod, si rationibus ageretur, nunquam extorquerent.

Nimirum, totam hanc controuersiam ex vnus S. Augustini sententia esse disceptandam. Nec opponam, quod iure possem, multique faciunt non immerito: S. Augustinum non esse fidei nostræ regulam: Plus me Ecclesiæ, summisque Pontificibus, quàm S. Augustino credere secundum illud S. Thomæ Quodlibet. 10. art. 16. *Magis standum est sententiæ Papæ, ad quem pertinet determinare de fide, quam in iudicio profert, quàm quorumlibet sapientum in scripturis opinioni.* Non dicam questionem hanc ad SS. Pontificum decreta, & Concilij Tridentini Canones esse exigendam, à quibus si vel tantillum aberret ipse S. Augustinus, repudietur. Non affirmabo S. Augustini nomine nihil me admodum moueri, nisi cum reliquis Patribus, & Ecclesiæ sensu conueniat. Quod Cardinalis Bellarminus apertè profitetur in Præfatione de libero arbitrio. *Etiamsi B. Augustinus Caluino faueret, tamen neminem tam iniquum iudicem esse oporteret, qui unum hominem quamuis doctissimum, omnium seculorum Patribus, & Doctoribus, totique Ecclesiæ, atque adeo orbis terrarum consensui anteferreret.* Hæc, inquam, non dicam omnia, nec de S. Augustino asseram, quod de Euangelio ipse affirmauit: *Augustino non credam, nisi me Ecclesiæ permoneat auctoritas.* Do Aduersariis, vnus S. Augustini arbitrio mihi vel standum, vel causâ cadendum. Sed ita do, vt eos velim beneficij loco accipere, faterique se illud, nisi liberaliter concederem, euincere non posse.

Dudum, ais, Romani Pontifices decreuere, vnum in hac causa audiendum S. Augustinum: eius de gratia & libero arbitrio doctrinam, Ecclesiæ Romanæ doctrinam esse: eosque errare grauiter, & ab Catholica sententia discedere, qui à S. Augustini mente hoc in negotio descuerint. Hoc Innocentius, hoc Zozimus, hoc Celestinus, hoc Hormisdas, alique supremi Ecclesiæ Pontifices vno ore definiunt. Hæc sunt, quæ nouæ opinionis patroni altiùs intonant, quæ exagge-



rant operosè, quæ librorum suorum vestibulis ambiciosè præfigunt : quæ quàm vera sint ex ipsius Celestini, ad quem prouocant, sententiâ paulò fusiùs ediscram.

Tumultuabantur in Galliis Massilienses Presbyteri, & extincti S. Augustini doctrinam de gratia & libero arbitrio carpebant acriter, illud imprimis inuidiosissimè criminantes, quod docuerat, non bona tantùm opera, sed & bonæ voluntatis initia diuinæ gratiæ esse tribuenda. Non tulerunt Hilarius & Prosper Doctoris gratiæ libros ab Semi-Catholicis hominibus impunè vellicari. Sed apud Celestinum supremum Pontificem egerunt, vt & Massiliensium frænaret audaciam, & S. Augustini doctrinam, quam hædenus Romani Pontifices amplexi fuerant, Apostolica auctoritate comprobaret. Scripsit Celestinus ad Galliarum Episcopos, & ita scripsit, vt illis, ac toti adeo Catholicæ Ecclesiæ legem figat, ex qua omnes cognoscant, quid in Augustini de gratia & libero arbitrio doctrina Sedes Apostolica fanciuerit. Nam vbi Massilienses breuiter perstrinxit, quòd S. Augustino obstreperent, singula eius doctrinæ capita, quæ sibi Romanæque Ecclesiæ probarentur, sigillatim recenset, eaque superiorum Pontificum testimoniis confirmat. Porro eò spectant vniuersa, vt ipsas etiam bonas voluntates diuinæ gratiæ adscribat, vnde cap. 10. illas Summorum Pontificum sententias, quibus S. Augustini doctrinam tuetur, vocat *Beatissima & Apostolica Sedis inuiolabiles sanctiones*, quibus nos *piissimi Patres pestifera nouitatis elatione deiecta, & bonæ voluntatis exordia, & incrementa probabilium studiorum, & in eis vsque in finem perseuerantiam ad Christi gratiam referre docuerunt*. Verùm vt nihil habeant, quod obloquantur nuperi Doctores, nec quæ S. Augustino affuxerint, continuò Catholicam ad fidem idcirco pertinere garriant, quòd Summi Pontifices S. Augustini de gratia & libero arbitrio doctrinam, Ecclesiæ

doctrinam vocent, placet hinc omnia Augustinianæ doctrinæ capita repræsentare, quæ ab Apostolica Sede recipi Celestinus docet. Eius verbis omnia proferam, sola, quæ attexit, summorum Pontificum testimonia omittam.

Primum est: *In prauaricatione Adæ omnes homines naturalem possibilitatem, & innocentiam perdidisse, & neminem de profundo illius ruina per liberum arbitrium posse consergere, nisi eum gratia Dei misericordis erexerit.*

Secundum: *Neminem esse per semetipsum bonum, nisi participationem sui ille donet, qui solus est bonus.*

Tertium: *Neminem etiam baptismatis gratiâ renouatum idoneum esse ad superandas Diaboli insidias, & ad euincendas carnis concupiscentias, nisi per quotidianum adiutorium Dei perseuerantiam bona conuersationis acceperis.*

Quartum: *Quod nemo nisi per Christum libero bene utatur arbitrio.*

Quintum: *Quod omnia studia & omnia opera ac merita Sanctorum ad Dei gloriam laudemque referenda sint; quia nemo aliunde ei placeat, nisi ex eo, quod ipse donauerit.*

Sextum: *Quod ita Deus in cordibus hominum, atque in ipso libero operetur arbitrio, ut sancta cogitatio, pium consilium, omnisque motus bona voluntatis ex Deo sit, quia per illum aliquid boni possumus, sine quo nihil boni possumus.*

Septimum: *anathematizandum esse eum, qui dixerit gratiam Dei, qua iustificamur per Iesum Christum Dominum nostrum, ad solam remissionem peccatorum valere, quæ commissa sunt; non etiam ad adiutorium ut non committantur.*

Octauum: *anathematizandum eum, qui dixerit gratiam Dei per Iesum Christum propter hoc tantum nos adiuuare ad non peccandum, quia per ipsam nobis reuelatur, & aperitur intelligentia mandatorum, ut sciamus quid appetere, aut quid vitare debeamus; non autem per illam nobis præstari, ut quod faciendum cognouimus, etiam facere diligamus atque valeamus.*



Nonum: anathematizandum eum, qui dixerit ideo nobis gratiam iustificationis dari, ut quod facere per liberum iubemur arbitrium, facilius possimus implere per gratiam: tanquam, si gratia non daretur, non quidem facile, sed tamen possimus etiam sine illa diuina implere mandata.

Ex his Augustini sententiis summorum Pontificum Innocentij, & Zozimi auctoritate firmatis fidei Canonem Celestinus ita concinnat: *His ergo Ecclesiasticis regulis, & ex diuina sumptis auctoritate documentis, ita adiuuante Domino conformati sumus, ut omnium bonorum affectuum atque operum, & omnium studiorum, omnisque virtutum, quibus ab initio fidei ad Deum tenditur, Deum profiteamur auctorem, & non dubitemus ab ipsius gratia omnia hominis merita praeueniri, per quem fit ut aliquid boni, & velle incipiamus & facere.*

Hæc sunt quæ in S. Augustini doctrina probat & amplectitur Ecclesia. In quibus nulla earum quaestionum, de quibus certamus, fit mentio. Quare etsi vincerent Aduersarij sentire S. Augustinum, sola coactione interna liberum arbitrium lædi, & gratiæ medicinali resisti non posse: nihil tamen essent consequuti. Nam continuo negarem, probari ab Ecclesia hanc S. Augustini doctrinæ partem, idque eò demonstrarem efficacius, quod certius constaret hanc esse S. Augustini sententiam. Nam primò sic colligerem: si adeo certum est docuisse S. Augustinum sola coactione liberum arbitrium tolli, & gratiæ medicinali resisti non posse; nouerat illud Celestinus. Tum progrederer ulterius, huncque syllogismum conficerem. Ex iis omnibus quæ Celestinus nouerat docere S. Augustinum de gratia & libero arbitrio, hinc recenseret omnia; quæ ab Ecclesia recipiuntur: Atqui Celestinus nouerat docere S. Augustinum sola coactione liberum arbitrium tolli, & gratiæ medicinali resisti non posse, nec ea tamen hinc recenseret; ergo quod docet S. Augustinus solâ coactione liberum arbitrium tolli, & gratiæ medicinali resisti

Nimirum, totam hanc controuersiam ex vnus S. Augustini sententia esse disceptandam. Nec opponam, quod iure possem, multique faciunt non immeritò: S. Augustinum non esse fidei nostræ regulam: Plus me Ecclesiæ, summisque Pontificibus, quàm S. Augustino credere secundum illud S. Thomæ Quodlibet. 10. art. 16. *Magis standum est sententiæ Papæ, ad quem pertinet determinare de fide, quam in iudicio profert, quàm quorumlibet sapientum in scripturis opinioni.* Non dicam questionem hanc ad SS. Pontificum decreta, & Concilij Tridentini Canones esse exigendam, à quibus si vel tantillum aberret ipse S. Augustinus, repudietur. Non affirmabo S. Augustini nomine nihil me admodum moueri, nisi cum reliquis Patribus, & Ecclesiæ sensu conueniat. Quod Cardinalis Bellarminus apertè profitetur in Præfatione de libero arbitrio. *Etiamsi B. Augustinus Caluino faueret, tamen neminem tam iniquum iudicem esse oporteret, qui vnum hominem quamuis doctissimum, omnium seculorum Patribus, & Doctoribus, totique Ecclesiæ, atque adeo orbis terrarum consensui anteferreret.* Hæc, inquam, non dicam omnia, nec de S. Augustino asseram, quod de Euangelio ipse affirmauit: *Augustino non credam, nisi me Ecclesiæ permoneas auctoritas.* Do Aduersariis, vnus S. Augustini arbitrio mihi vel standum, vel causâ cadendum. Sed ita do, vt eos velim beneficij loco accipere, faterique se illud, nisi liberaliter concederem, euincere non posse.

Dudum, ais, Romani Pontifices decreuere, vnum in hac causa audiendum S. Augustinum: eius de gratia & libero arbitrio doctrinam, Ecclesiæ Romanæ doctrinam esse: eosque errare grauiter, & ab Catholica sententia discedere, qui à S. Augustini mente hoc in negotio descuerint. Hoc Innocentius, hoc Zozimus, hoc Celestinus, hoc Hormisdas, alique supremi Ecclesiæ Pontifices vno ore definiunt. Hæc sunt, quæ nouæ opinionis patroni altius intonant, quæ exagger-



rant operosè, quæ librorum suorum vestibulis ambiciosè præfigunt : quæ quàm vera sint ex ipsius Celestini, ad quem prouocant, sententiâ paulò fusiùs edisceram.

Tumultuabantur in Galliis Massilienses Presbyteri, & extincti S. Augustini doctrinam de gratia & libero arbitrio carpebant acriter, illud imprimis inuidiosissimè criminantes, quod docuerat, non bona tantùm opera, sed & bonæ voluntatis initia diuinæ gratiæ esse tribuenda. Non tulerunt Hilarius & Prosper Doctoris gratiæ libros ab Semi-Catholicis hominibus impunè vellicari. Sed apud Celestinum supremum Pontificem egerunt, vt & Massiliensium frænaret audaciam, & S. Augustini doctrinam, quam hæcenus Romani Pontifices amplexi fuerant, Apostolica auctoritate comprobaret. Scripsit Celestinus ad Galliarum Episcopos, & ita scripsit, vt illis, ac toti adeo Catholicæ Ecclesiæ legem figat, ex qua omnes cognoscant, quid in Augustini de gratia & libero arbitrio doctrina Sedes Apostolica fanciuerit. Nam vbi Massilienses breuiter perstrinxit, quòd S. Augustino obstreperent, singula eius doctrinæ capita, quæ sibi Romanæque Ecclesiæ probarentur, sigillatim recenset, eaque superiorum Pontificum testimoniis confirmat. Porro eò spectant vniuersa, vt ipsas etiam bonas voluntates diuinæ gratiæ adscribat, vnde cap. 10. illas Summorum Pontificum sententias, quibus S. Augustini doctrinam tuetur, vocat *Beatissima & Apostolica Sedis inuiolabiles sanctiones, quibus nos piissimi Patres pestifera nouitatis elatione deiecta, & bonæ voluntatis exordia, & incrementa probabilium studiorum, & in eis vsque in finem perseverantiam ad Christi gratiam referre docuerunt.* Verùm vt nihil habeant, quod obloquantur nuperi Doctores, nec quæ S. Augustino affinxerint, continuò Catholicam ad fidem idcirco pertinere garriant, quòd Summi Pontifices S. Augustini de gratia & libero arbitrio doctrinam, Ecclesiæ

doctrinam vocent, placet hinc omnia Augustinianæ doctrinæ capita repræsentare, quæ ab Apostolica Sede recipi Celestinus docet. Eius verbis omnia proferam, sola, quæ attexit, summorum Pontificum testimonia omittam.

Primum est: In præuaricatione *Ada* omnes homines naturalem possibilitatem, & innocentiam perdidisse, & neminem de profundo illius ruina per liberum arbitrium posse consurgere, nisi cum gratia Dei misericordis erexerit.

Secundum: Neminem esse per semetipsum bonum, nisi participationem sui ille donet, qui solus est bonus.

Tertium: Neminem etiam baptismatis gratiâ renouatum idoneum esse ad superandas Diaboli insidias, & ad euincendas carnis concupiscentias, nisi per quotidianum adiutorium Dei perseuerantiam bonæ conuersationis acceperit.

Quartum: Quod nemo nisi per Christum libero bene utatur arbitrio.

Quintum: Quod omnia studia & omnia opera ac merita sanctorum ad Dei gloriam laudemque referenda sint; quia nemo aliunde ei placeat, nisi ex eo, quod ipse donauerit.

Sextum: Quod ita Deus in cordibus hominum, atque in ipso libero operetur arbitrio, ut sancta cogitatio, pium consilium, omnisque motus bonæ voluntatis ex Deo sit, quia per illum aliquid boni possumus, sine quo nihil boni possumus.

Septimum: anathematizandum esse eum, qui dixerit gratiam Dei, qua iustificamur per Iesum Christum Dominum nostrum, ad solam remissionem peccatorum valere, quæ commissa sunt; non etiam ad adiutorium ut non committantur.

Octauum: anathematizandum eum, qui dixerit gratiam Dei per Iesum Christum propter hoc tantum nos adiuuare ad non peccandum, quia per ipsam nobis reuelatur, & aperitur intelligentia mandatorum, ut sciamus quid appetere, aut quid vitare debeamus; non autem per illam nobis præstari, ut quod faciendum cognouimus, etiam facere diligamus atque valeamus.



Nonum: anathematizandum eum, qui dixerit ideo nobis gratiam iustificationis dari, ut quod facere per liberum iubemur arbitrium, facilius possimus implere per gratiam: tanquam, si gratia non daretur, non quidem facile, sed tamen possimus etiam sine illa diuina implere mandata.

Ex his Augustini sententiis summorum Pontificum Innocentij, & Zozimi auctoritate firmatis fidei Canonem Celestinus ita concinnat: *His ergo Ecclesiasticis regulis, & ex diuina sumptis auctoritate documentis, ita adiuuante Domino conformati sumus, ut omnium bonorum affectuum atque operum, & omnium studiorum, omniumque virtutum, quibus ab initio fidei ad Deum tenditur, Deum profiteamur auctorem, & non dubitemus ab ipsis gratia omnia hominis merita praeueniri, per quem fit ut aliquid boni, & velle incipiamus & facere.*

Hæc sunt quæ in S. Augustini doctrina probat & amplectitur Ecclesia. In quibus nulla eorum quæstionum, de quibus certamus, fit mentio. Quare etsi vincerent Aduersarij sentire S. Augustinum, sola coactione interna liberum arbitrium lædi, & gratiæ medicinali resisti non posse: nihil tamen essent consequuti. Nam continuò negarem, probari ab Ecclesia hanc S. Augustini doctrinæ partem, idque eò demonstrarem efficacius, quò certius constaret hanc esse S. Augustini sententiam. Nam primò sic colligerem: si adeo certum est docuisse S. Augustinum sola coactione liberum arbitrium tolli, & gratiæ medicinali resisti non posse; nouerat illud Celestinus. Tum progrederer vterius, huncque syllogismum conficerem. Ex iis omnibus quæ Celestinus nouerat docere S. Augustinum de gratia & libero arbitrio, hîc recenset omnia; quæ ab Ecclesia recipiuntur: Atqui Celestinus nouerat docere S. Augustinum sola coactione liberum arbitrium tolli, & gratiæ medicinali resisti non posse, nec ea tamen hîc recenset, ergo quod docet S. Augustinus solâ coactione liberum arbitrium tolli, & gratiæ medicinali resisti

non posse, non recipitur ab Ecclesia. Quid ad hoc argumentum Aduersarij? Sed quid ad postrema Celestini verba? qui cū docuisset eatenus tantū probari ab Ecclesia S. Augustini de gratia & libero arbitrio doctrinam, quatenus nihil boni sine diuina gratia fieri posse docet, subiicit: *Profundiores verò difficiliorésque partes incurrentium questionum, quas latius pertractarunt, qui hereticis resisterunt (Augustinum intelligit) sicut non debemus cōseminere, ita non necesse habemus adstruere. Quia ad cōstituendam gratiam Dei, cuius operi, ac dignationi nihil penitus subtrahendum est, satis sufficere credimus, quidquid secundum prædictas regulas Apostolica Sedis nos scripta docuerunt, ut prorsus non opinemur Catholicum, quod apparuerit præfixis sententiis esse contrarium.*

Confirmatur efficacissimè ex Concilio II. Arausicano, quo Semi-Pelagianorum hæresis penitus attrita est, & S. Augustini doctrina, quam lacerabant, in fidei articulos relata. Nihil enim statuit hoc Concilium de illis, quas agimus, controuersis, sed illud definit vnum, quod Celestinus: nempe, omnia bona opera nostra, adeoque bonas ipsas voluntates Dei gratiâ præueniri. Vnde cū plurimos Canones ex S. Augustini sententiis ac verbis contextos posuisset, sub finem ita colligit: *Ac sic secundum superscriptas sanctorum scripturarum sententias, vel antiquorum Patrum definitiones, hoc Deo propitiante & predicare debemus, & credere, quod per peccatum primi hominis ita inclinatum, & attenuatum fuerit liberum arbitrium, ut nullus postea aut diligere Deum sicut oportet, aut credere in Deum, aut operari propter Deum, quod bonum est possit, nisi gratia eum & misericordia diuina præuenierit.* Qui hæc legis, erudite Lector, recordato graues illas Caluini, & noui Doctoris calumnias, qui aiunt nihil certius esse, manifestius nihil, quàm Pelagianos illud ipsum aduersus S. Augustinum defendisse, quod Sorboniei, recentioresque Theologi docent. Hæc, inquam, recordare, & ex iis quasi vera sunt, sic to-



com argumentare: Concilium II. Arausicanum eò spectauit, vt Semi-Pelagianorum hæresim deleret funditus, eiusque fibras omnes excinderet; ergo illa omnia Semi-Pelagianorum dogmata damnauit, quæ Ecclesiæ doctrinæ aduersantur: Atqui non damnauit illa dogmata, quæ Semi-Pelagianis Calvinus & nouus Doctor adscribunt; ergo illa dogmata Ecclesiæ doctrinæ non aduersantur.

Apage ergo importunas Caluini criminationes, qui Tridentinos Patres, & Doctores Sorbonicos S. Augustino aduersari, atque adeo hæresis Pelagianæ reos esse proclamat, quòd doceant hominem posse gratiæ dissentiri, si velit. Apage similem Kemnitij, Bezæ, Molinei, Parei, Amesij, aliorumque ex eadem natione impurissimorum hominum calumniam. Nam esto id senserint Pelagiani, contrarium docuerit S. Augustinus: Vnde habes probari ab Ecclesia hanc Augustinianæ doctrinæ partem? Vnde habes illam Pelagianorum opinionem ab eadem Ecclesia proscribi? An forte ignota nobis apud te habes Concilia, quæ quod Arausicani Patres non reiiciunt, quod Celestinus non improbat, condemnent? Quæ in Caluinum, eiusque progeniem dico, in nouum Dogmatistam multò conueniunt magis. Nam tueretur acrius, nihil S. Augustinum de gratia & libero arbitrio tradidisse, quod Catholicam ad fidem non pertineat.

Quo loco proderit indicare, & refellere paucis insignem fautorum eius vafriciem. Vident illi Antesignanum suum apud Catholicos pessimè audire, quòd emortuas, & Apostolicis fulguritas decretis Michaëlis Baij opiniones euocarit in lucem. Hanc vt inuidiam deprecentur, aiunt nihil illum affirmare, nihil negare, vnum id studere, vt quæ sit Augustini sententia, fideliter exponat. Vnde colligunt iniquè eos facere, qui illum violati hac in parte Apostolici decreti postulant. Nihil item suæ sectæ incommodare, qui illas proposi-

240 DISPUT. DE LIBERO ARBITRIO  
tiones erroneas, periculosas, hæreticas esse conuincunt, cum eas non tueantur ipsi, neque earum veritatem præstent, sed tantum à S. Augustino traditas esse contendunt. Puerile hoc effugium habent in ore, quotquot ex hac secta nondum omnem erga Sedem Apostolicam reuerentiæ sensum exuisse videri volunt. Iam illud tertio typis edidere, suisque apud summum Pontificem delegatis doctoribus dedere in mandatis, ut hoc clypeo suum aduersus Romana fulmina Patriarcham defendant. At fragilior est clypeus iste: pellucet, nec Apostolica tantum tela, sed & intuentium oculos transmittit. Nam quis nescit nouum Theologum ita Baij propositiones S. Augustino adscribere, ut disertè quoque pronuntiet eas spectare ad fidem, & contrarias, Pelagianam ad hæresim. Neque id semel, iterum, aut tertio proficitur; sed vbique per fas & nefas ad nauseam inculcat. Quanquam, etsi nullibi disertè id statueret, toto tamen loquitur opere, cuius argumentum vno hoc syllogismo continetur. Quidquid à S. Augustino de gratia & libero arbitrio contra Pelagianos statutum est, pertinet Catholicam ad fidem: Propositiones Baij de gratia & libero arbitrio, quas damnant summi Pontifices, à S. Augustino contra Pelagianos statuta sunt; ergo propositiones Baij de gratia & libero arbitrio, quas damnant summi Pontifices, pertinent Catholicam ad fidem. Huius syllogismi maiorem probat toto fere libro Proœmiali, minorem reliquo deinceps opere: utramque verò acerrimè tueretur, ac defendit. Et persuadebit, nihil se de conclusione decernere. Quæ est ista Logica? Quæ Philosophia?

Tenuit me longius, quàm statueram, Aduersariorum pertinacia, qui quod libens offerebam, extorquere voluerunt. Quanquam autem hæc eorum improbitas me ad agendum summo iure inuitet, non faciam tamen, sed causæ bonitate fretus remittam aliquid, daboque



Idque liberaliter, vnius S. Augustini arbitrio quæstionem hanc esse decidendam. Neque id sibi gratulentur, nam, vti spero, breui cognoscent non alium sibi magis metuendum iudicem potuisse obtingere. Age ergo Augustinum consulamus, quando ex vtriusque partis consensu sedet huiusce quæstionis honorarius arbiter, age, inquam, ea de quibus maxime digladiamur, ex eius mentè discepremus.

## PARAGRAPHVS IV.

*Secundi huiusce libri partitio.*

NON imitabor nouæ libertatis vindicem, qui sancti Augustini testimonia numero æstimat, non pondere: quique, vt multitudine nos terreat, viles, inutiles S. Augustini sententias corradit, & vnā eandemque septuagies suprà centies repetit. Sit illa peritissimi ducis laus propria, calones, lixæque armis instructos equis imponere, & eosdem milites mutatis subinde ordinibus varias in turmas digerere, vt ex paucis legionibus numerosi exercitus speciem adumbrer, & hostes, quibuscum manus non audet conferere, formidolosi apparatus pompâ in fugam auertat: ad Theologicas certè concertationes ars illa transferri non debet, cum de illis dici non possit, quod de militaribus pugnis vulgò iactatur, *Dolus, an virtus, quis in hoste requirat?* Agam igitur sincerius, & ex pluribus S. Augustini testimoniis, illustriora seligam, quæ certas in classes distincta, capitibus quinque complectar.

Primo capite ipsam protinus noui Doctoris arcem aggrediar, & ex liberæ potestatis notione, quam à Sanctis Patribus, ac præcipuè S. Augustino comprobata auidè arripuit, perimi eius opinionem & funditus euerti demonstrabo. Quanquam autem hoc vno capite totius disputationis eardinem verti velit, ad

242 DISPUT. DE LIBERO ARBITRIO  
dam tamen & alia quatuor, quibus & primum illud  
noui dogmatis effatum obteretur magis ac magis, &  
reliqua illi connexa contudentur.

Secundo capite S. Augustini mentem ex his libris  
expendam, quos aduersus Manichæos scripsit, & ex  
iis etiam locis quibus eisdem libros recensuit; atque  
illud, ut spero, demonstrabo stare non posse Aduer-  
sarij opinionem, quin plus sexaginta S. Augustini libri  
euertantur.

Tertio capite ostendam nouum dogma adeo nihil  
habere præsidij in S. Augustini aduersus Pelagianos  
operibus, ut inde firmiores ad illud labefactandum ma-  
chinæ eruantur.

Quarto capite accuratè excutiam quæ sit S. Augu-  
stini sententia de gratia medicinali, & gratia sanitatis:  
& plurimas Aduersarij fraudes circa vtriusque gratiæ  
discrimen confutabo.

Quinto capite reliqua S. Augustini testimonia, qui-  
bus præposterè Aduersarius abutitur, explicabo. Ra-  
tiones etiam aliquot ex Theologia repetitas, quibus  
suum fulcire dogma nititur, dissoluam.

---

#### CAPVT PRIMVM.

*Noua de libertate opinio inde euertitur, vnde  
præcipuum sibi præsidium accersit: Nimi-  
rum, ex iis S. Augustini aliorumque Pa-  
trum testimoniis, quibus liberum id esse  
definitur, quod est in nostra potestate.*

**R**ESPIRANT Aduersarij audito hoc titulo;  
sibi que gratulantur, quod nouam opinionem  
ea parte aggrediar, quæ munita magis est, &  
pluribus S. Augustini Patrumque testimoniis, sic tan-



quam propugnaculis, vallata. Ac ne fortè hoc præsidio frustra tentato, aliò me pròripiam, mihi iam antè denunciant hìc standum esse, nobisque hoc in loco de rei summa dimicandum; quia nihil in S. Augustini doctrina certius, quàm liberum id esse, *quod est in nostra potestate*. Sic enim in diurno cum Manichæis certamine, sic in prima cum Pelagianis velitatione, sic in postremo cum iisdem conflictu, sic in frequentibus illis contra Stoicos, Astrologos, aliòsque libertatis hostes, excursionibus, sic denique omnibus in operibus liberum constantissimè definit. Conditionem hanc non amplector modò, sed etiam depono, ad eam Aduersarios pertracturus, nisi sponte venissent. Hinc intellige quàm facilis mihi & expedita futura sit isthæc concertatio. Siquidem vt S. Eucherius ait hom. 2. de Paschate: *Validus absque dubio nititur privilegiu, qui causam de Aduersarij asseris instrumentis. Speciosa victoria est contrariam partem chartulis suis velut propriis laqueis irrere, & testimoniorum suorum vocibus confutare, & Emulatum velis suis euincere, vt pugnatoris tui argumenta tuis probentur utilitatibus militare.*

Sed antequam in hanc difficultatem penitiùs ingrediatur, duo sunt, quæ Lectorem admonitum velim. Primò, vnâ hac liberæ potestatis notione totam Aduersarij de libero arbitrio disputationem niti. Hinc est quòd illam huius quæstionis initio præfixit, nec vllum S. Augustini testimonium vim aliquam habere voluit, nisi huic definitioni incumberet. Quare si illum hac in parte erroris conuicero, totum eius dogma collabatur. Secundò, Aduersarium in hoc fundamento ex S. Augustini mente stabiliendo, suâque inde opinione comprobanda ita se gessisse, vt plurimas SS. Damasceni, Gregorij Nysseni, Anselmi, D. Thomæ, aliorumque sententias asperferit ad explicandam S. Augustini mentem. Quod fuit in causa, cur ex iisdem Patribus ac Theologis, sententias aliquot libauerim, huicque in-

Libro 6. de  
Gratia  
Christi cap.  
3. 4. 5.

244 DISPUT. DE LIBERO ARBITRIO  
texuerim loco ad S. Augustini opinionem illustran-  
dam, & Aduersarij fraudes reuincendas.

## SECTIO PRIMA.

*Explicatur ex Sancti Augustini aliorumque Patrum  
mente, quid sit aliquid esse in nostra potestate.*

**D**ICAM primùm quæ sit apud Sanctos Patres li-  
beræ potestatis notio, tum Aduersarij fucum at-  
que præstigias, quibus clarissima eorum verba obscu-  
rat, discutiam. Primum hac sectione: alterum se-  
quentibus exequar.

### PARAGRAPHVS I.

*Demonstratur ex S. Augustino aliisque Patribus, illud  
tantum esse in nostra potestate quod perinde à nobis  
fieri potest, & non fieri.*

SANCTVS Augustinus liberum definit, *id quod est  
in nostra potestate*, neque id semel aut iterum, sed quo-  
ties de humana libertate accuratius disputat, vt libro  
tertio de libero arbitrio, cap. 3. lib. 5. de Ciuitate Dei  
c. 10. & lib. de spiritu & littera c. 34. toties hanc libe-  
ri notionem ingerit, quam ex sacra scriptura, primis-  
que Ecclesiæ Patribus, atque adeo ex ipsis Philosophis  
hauserat. Traditur ab Apostolo Epistola prima ad  
Corinthios cap. septimo. Traditur & à Clemente  
Romano Epist. 3. & lib. 3. Recogn. Dionysio lib. 4.  
de diuinis Nom. Iustino in Apologia ad Imperato-  
rem Antoninum, Irenæo lib. 4. aduersus hæreses cap.  
71. Chrysostomo homil. 23. in Genes. Hieronymo lib.  
3. contra Pelagianos, Ambrosio in Plal. 118. aliisque  
tum Græcis, tum Latinis Patribus. Hinc est, quod  
omnia ferè liberi Arbitrij nominaciusmodi potestatem  
sonant, αὐτοχούσιον, αὐτοκίνητον, αὐτοτελές, αὐθαίρετον, αὐ-



τόν μιν, αὐτοκράτορα, ἀδελφόν, αὐτοκράτη, denique à Philosophis vsurpatum toties τὸ ἐφ' ἡμῶν, quæ omnia liberam suique iuris potestatem exprimant.

Ex hac liberi definitione, non à Sancto Augustino tantum, sed à ceteris Patribus conspiranti auctoritate probata, sic disputo; Omne liberum est in nostra potestate; nullum necessarium est in nostra potestate: ergo nullum necessarium est liberum. Quisquis communem sensum vel habet vel consulit, fatebitur hoc vno syllogismo nuperum dogma exterminari. Sic enim omnes arbitrantur: illud esse in nostra potestate, quod æquè ponere possumus, & non ponere. Neque id ex intimis Philosophiæ arcanis, sed ex vulgari sentiendi, loquendique consuetudine promitur. Huic tam apertæ veritati, in quam natura duce docti omnes, indoctique conspirant, sola se opponit recentior secta, non Patrum freta sententiis, non rationibus inducta, sed peruicaciâ singulari, & insolitâ obtrestandi libidine correpta. *Recentiores*, inquit *novus Doctor*, *imaginantur illum tantum actum esse in nostra potestate, quem pro libito nostro positis omnibus ad agendum necessariis possumus facere, & non facere. Quam re sine dubitatione falluntur.* Addit, in libera potestate etiam illas volitiones esse, quæ necessitate exprimuntur, cuiusmodi sunt amor beatificus, & productio Spiritus sancti, alique volitiones, quæ siue ab humana, siue à diuina voluntate naturali necessitate existunt.

Ego verò contendo, eos qui sic statuunt communi Philosophorum, Theologorum, Sanctorum Patrum, mortalium omnium opinioni quàm temerè, tam imperitè oblectari. Nam primò Philosophi definiunt illud tantum esse in nostra potestate, cuius etiam oppositum est in nostra potestate, secundum illud Aristotelis lib. 3. Ethic. cap. 5. *Quibus in rebus nostra in potestate situm est agere, in iis & non agere, & in quibus non agere, in iis est & agere.* Istud forsan Aduersarij tanquam pro-

Libro 6. de  
Grat. Christi  
cap. 4.

242 DISPUT. DE LIBERO ARBITRIO  
dam tamen & alia quatuor, quibus & primum illud  
noui dogmatis effatum obteretur magis ac magis, &  
reliqua illi connexa contundentur.

Secundo capite S. Augustini mentem ex his libris  
expendam, quos aduersus Manichæos scripsit, & ex  
iis etiam locis quibus eosdem libros recensuit; atque  
illud, ut spero, demonstrabo stare non posse Aduer-  
sarij opinionem, quin plus sexaginta S. Augustini libri  
euertantur.

Tertio capite ostendam nouum dogma adeo nihil  
habere præsidij in S. Augustini aduersus Pelagianos  
operibus, ut inde firmiores ad illud labefactandum ma-  
chinæ eruantur.

Quarto capite accuratè excutiam quæ sit S. Augu-  
stini sententia de gratia medicinali, & gratia sanitatis:  
& plurimas Aduersarij fraudes circa vtriusque gratiæ  
discrimen confutabo.

Quinto capite reliqua S. Augustini testimonia, qui-  
bus præposterè Aduersarius abutitur, explicabo. Ra-  
tiones etiam aliquot ex Theologia repetitas, quibus  
suum fulcire dogma nititur, dissoluam.

---

### CAPVT PRIMVM.

*Noua de libertate opinio inde euertitur, vnde  
precipuum sibi præsidium accersit: Nimi-  
rum, ex iis S. Augustini aliorumque Pa-  
trum testimoniis, quibus liberum id esse  
definitur, quod est in nostra potestate.*

**R**ESPIRANT Aduersarij audito hoc titulo;  
sibi que gratulantur, quod nouam opinionem  
ea parte aggrediar, quæ munita magis est, &  
pluribus S. Augustini Patrumque testimoniis, sic tan-



quam propugnaculis, vallata. Ac ne fortè hoc præsidio frustra tentato, aliò me proripiam, mihi iam antè denunciant hîc standum esse, nobisque hoc in loco de rei summa dimicandum; quia nihil in S. Augustini doctrina certius, quàm liberum idesse, *quod est in nostra potestate*. Sic enim in diuturno cum Manichæis certamine, sic in prima cum Pelagianis velitatione, sic in postremo cum iisdem conflictu, sic in frequentibus illis contra Stoïcos, Astrologos, aliòsque libertatis hostes, excursionibus, sic denique omnibus in operibus liberum constantissimè definit. Conditionem hanc non amplector modò, sed etiam depono, ad eam Aduersarios pertracturus, nisi sponte venissent. Hinc intellige quàm facilis mihi & expedita futura sit isthæc concertatio. Siquidem vt S. Eucherius ait hom. 2. de Paschate: *Validus absque dubio nititur priuilegiũ, qui causam de Aduersarij asserit instrumentis. Speciosa victoria est contrariam partem chartulis suis velut propriis laqueis irretire, & testimoniorum suorum vocibus confutare, & Amulũ telis suis euincere, vt pugnatoris tui argumenta tuis probentur utilitatibus militare.*

Sed antequam in hanc difficultatem penitiùs ingrediar, duo sunt, quæ Lectorem admonitum velim. Primò, vnâ hac liberæ potestatis notione totam Aduersarij de libero arbitrio disputationem niti. Hinc est quòd illam huius quæstionis initio præfixit, nec vllum S. Augustini testimonium vim aliquam habere voluit, nisi huic definitioni incuberet. Quare si illum hac in parte erroris conuicero, totum eius dogma collabetur. Secundò, Aduersarium in hoc fundamento ex S. Augustini mente stabiliendo, suâque inde opinione comprobanda ita se gessisse, vt plurimas SS. Damasceni, Gregorij Nysseni, Anselmi, D. Thomæ, aliorumque sententias asperferit ad explicandam S. Augustini mentem. Quod fuit in causa, cur ex iisdem Patribus ac Theologis, sententias aliquot libauerim, huiusque in-

Libro 6. de  
Gratia  
Christi cap.  
3. 4. 5.

SECTIO PRIMA.

*Explicatur ex Sancti Augustini aliorumque Patrum  
mente, quid sit aliquid esse in nostra potestate.*

**D**ICAM primùm quæ sit apud Sanctos Patres li-  
beræ potestatis notio, tum Aduersarij fucum ac-  
que præstigias, quibus clarissima eorum verba obscu-  
rat, discutiam. Primum hac sectione: alterum se-  
quentibus exequar.

PARAGRAPHVS I.

*Demonstratur ex S. Augustino aliisque Patribus, illud  
tantum esse in nostra potestate quod perinde à nobis  
fieri potest, & non fieri.*

SANCTVS Augustinus liberum definit, *id quod est  
in nostra potestate*, neque id semel aut iterum, sed quo-  
ties de humana libertate accuratiùs disputat, vt libro  
tertio de libero arbitrio, cap. 3. lib. 5. de Ciuitate Dei  
c. 10. & lib. de spiritu & littera c. 34. toties hanc libe-  
ri notionem ingerit, quam ex sacra scriptura, primis-  
que Ecclesiæ Patribus, atque adeo ex ipsis Philosophis  
hauserat. Traditur ab Apostolo Epistola prima ad  
Corinthios cap. septimo. Traditur & à Clemente  
Romano Epist. 3. & lib. 3. Recogn. Dionysio lib. 4.  
de diuinis Nom. Iustino in Apologia ad Imperato-  
rem Antoninum, Irenæo lib. 4. aduersus hæreses cap.  
71. Chrysostomo homil. 23. in Genes. Hieronymo lib.  
3. contra Pelagianos, Ambrosio in Plal. 118. aliisque  
tum Græcis, tum Latinis Patribus. Hinc est, quòd  
omnia ferè liberi Arbitrij nominatiuismodi potestatem  
sonant, αὐτεξούσιον, αὐτοκίνητος, αὐτελής, αὐθαίρετος, αὐ-



τόν μόνον, αὐτοκρατορίαν, ἀδελφότητα, αὐτοκρατίαν, denique à Philosophis vsurpatum toties τὸ ἐφ' ἡμῶν, quæ omnia liberam suique iuris potestatem exprimant.

Ex hac liberi definitione, non à Sancto Augustino tantum, sed à ceteris Patribus conspiranti auctoritate probata, sic disputo; Omne liberum est in nostra potestate; nullum necessarium est in nostra potestate: ergo nullum necessarium est liberum. Quisquis communem sensum vel habet vel consulit, fatebitur hoc vno syllogismo nuperum dogma exterminari. Sic enim omnes arbitrantur: illud esse in nostra potestate, quod æquè ponere possumus, & non ponere. Neque id ex intimis Philosophiæ arcanis, sed ex vulgari sentiendi, loquendique consuetudine promitur. Huic tam apertæ veritati, in quam natura duce docti omnes, indoctique conspirant, sola se opponit recentior secta, non Patrum freta sententiis, non rationibus inducæta, sed peruicaciâ singulari, & insolitâ obtrectandi libidine correpta. *Recentiores*, inquit *novus Doctor*, *imaginantur illum tantum actum esse in nostra potestate, quem pro libito nostro positis omnibus ad agendum necessarius possumus facere, & non facere. Quia in re sine dubitatione falluntur.* Addit, in libera potestate etiam illas volitiones esse, quæ necessitate exprimuntur, cuiusmodi sunt amor beatificus, & productio Spiritus sancti; aliæque volitiones, quæ siue ab humana, siue à diuina voluntate naturali necessitate existunt.

Libro 6. de  
Grat. Chri-  
sti cap. 4.

Ego verò contendo, eos qui sic statuunt communi Philosophorum, Theologorum, Sanctorum Patrum, mortalium omnium opinioni quàm temerè, tam imperitè oblectari. Nam primò Philosophi definiunt illud tantum esse in nostra potestate, cuius etiam oppositum est in nostra potestate, secundum illud Aristotelis lib. 3. Ethic. cap. 5. *Quibus in rebus nostra in potestate situm est agere, in iis & non agere, & in quibus non agere, in iis est & agere.* Istud forsan Aduersarij tanquam pro-

246 DISPUT. DE LIBERO ARBITRIO  
fanx placita philosophiz sugillabunt. Sed quid oppo-  
nent Sancto Thomæ hunc Aristotelis locum sic enar-  
ranti lect. 11? *Si operari est in nostra potestate, oportet etiam  
quod non operari sit in nostra potestate: Si enim non operari  
non esset in potestate nostra, impossibile esset nos non operari;  
ergo necesse esset nos operari, & sic operari non esset ex nobis,  
sed ex necessitate. Et similiter disis quod in quibus rebus non  
operari est in potestate nostra, per consequens etiam operari sit  
in potestate nostra. si enim operari non esset in potestate nostra,  
impossibile esset nos operari: ergo necesse esset nos non opera-  
ri: & sic non operari non esset ex nobis, sed ex necessitate.*  
Vno hoc Diui Thomæ testimonio nouum dogma in-  
fringitur, nam inde constat primò, nihil in nostra po-  
testate esse cuius oppositum non est in nostra potesta-  
te, atque adeo Patrem ac Filium non habere in potesta-  
te productionem Spiritus sancti, quia illius productio-  
nis oppositum, nempe non producere, non est in eo-  
rum potestate. Constat secundò, non esse in nostra  
potestate non operari, quando necesse est nos operari:  
ac proinde falli Aduersarium, cum ait esse in potestate  
hominis gratiæ medicinali dissentiri; licet illa homi-  
nis consensum necessariò inferat.

Nihilo leuiorem præposteræ nouitati plagam Da-  
mascenus imprimis libro 2. de fide cap. 26. Eorum, in-  
quit, *qua sunt, quedam in nobis sita sunt, quedam non  
sunt. In nobis sita illa sunt, quorum liberam habemus po-  
testatem, ut aut ea faciamus, aut non faciamus. Tum:  
Propriè verò in nostra potestate consistunt ea omnia, qua ad  
animam spectant, & de quibus consultamus. Consilium ve-  
rò est eorum, qua ex aquo contingunt. Contingit autem ex  
aquo id, quod tam ipsum possumus, quàm huius oppositum.*  
Mox: *Hæc ergo sunt qua ex aquo sunt in nobis contingen-  
tia, ut moueri, & non moueri: quippiam cum concitatione  
agere, & non agere: appetere qua necessaria sunt. & non ap-  
petere, &c. Si inter nos Damascenus uiuere, & nu-  
peram dogma paucis verbis perimere statuisset, non*



aliter loqueretur. Nam primò, quod aiunt non requiri ad liberam potestatem ut agere possimus, & non agere, priori sententiæ parte euertitur, *in nobis sita sunt illa, quorum liberam habemus potestatem, ut aut ea faciamus, aut non faciamus.* Secundò, quod ex opinione suâ consequi facentur: nimirum, productionem Spiritus sancti esse in potestate Patris & Filij, posteriori eiusdem sententiæ parte diluitur, quæ docet illud tantum esse in potestate quod contingens est, *sive, quod tam possumus, quam eius oppositum.*

Luculentum illud Damasceni testimonium ferè ad verbum descriptum est ex Nemesio lib. de natura hominis cap. 40. *Proprie in nostra potestate sunt omnia, quæ ad animam pertinent, & de quibus consultamus. Ostensum est autem supra consultationem esse rerum contingentium per æquè in utramque partem. Quod genus contingentium sic definitur; Quod cum ipsum possumus, tum eius oppositum. Huius optio penes mentem nostram est, & hac actionis est principium, eaque in nostra potestate sunt, quæ æquè in utramque partem contingunt, ut moueri & non moueri; persequi & non persequi, &c. Nostra potestas est actionum ad virtutem, & vitium, & electionum, & motuum, & quorum æquè etiam opposita agere possumus. Quæ omnia Nemesius ipse videtur sumpsisse ex Clemente Alexandrino ita scribente lib. 4. Stromat. sub finem: Id est in potestate nostra cuius ex aquo sumus domini, & eius quod ei aduersatur, ut philosophari, vel non; credere, aut non credere. Per hoc ergo quod sumus æquè participes utriusque eorum, quæ inter se aduersantur, inueniuntur fieri posse, id quod est in nostra potestate. Et recentes Theologos criminatur Aduersarius, quod illum duntaxat actum esse in nostra potestate dicant, quem æquè ponere possumus, & non ponere.*

Eandem liberæ potestatis notionem pluribus, ac disertis verbis eradit S. Augustinus, lib. de natura & Gratia cap. 47. unde pauca decerpo. Statuebat Pelagius

248 DISPUT. DE LIBERO ARBITRIO  
possibilitatem videndi potestatis nostræ non esse, sed  
in naturali necessitate consistere. Refragatur S. Au-  
gustinus atque è contrario pugnat, possibilitatem vi-  
dendi in nostra esse positam potestate; idque non aliter  
euincit, quàm quia contrarium illius, quod est non  
posse videre, in nostra est potestate; possumus enim  
oculos nobis eruere. *Aut ego, inquit, non intelligo quid  
dicat, aut ipse. Quomodo enim in potestate nostra non est vi-  
dendi possibilitas, si in potestate nostra est non videndi neces-  
sitas: quia in potestate nostra est cecitas qua id ipsum videre  
posse nobis, si volumus, adimamus?* Colligit S. Augusti-  
nus videndi possibilitatem esse in nostra potestate, quia  
eius contrarium est in nostra potestate; Ergo supponit  
verum esse quod ex Aristotele S. Thomas statuebat,  
his verbis: *Si operari est in nostra potestate, oportet etiam  
quod non operari sit in nostra potestate.* Quòdque Cle-  
mens Alexandrinus ita concepit: *Id est in nostra pote-  
state cuius ex aquo sumus domini, & eius quod ei aduer-  
satur, ut philosophari, vel non, &c.* Hinc S. Augusti-  
nus semper liberam potestatem per æqualem ad agen-  
dum, aut non agendum facultatem explicat: vixque  
vnquam ait, in nostra esse potestate aliquid agere, quin  
continud addat, vel non agere. Sic eodem cap. 47.  
lib. de natura & gratia. *De odoratu autem quod dicit non-  
ne parum attendit, non esse in nostra potestate posse odorari,  
vel non posse; sed in nostra potestate esse, hoc est in voluntate,  
odorari vel non odorari.* Et lib. contra Secundin. cap. 13.  
*Habet anima in potestate, ut quodam mala substantia vel sit,  
vel non sit.* aduersus Manichæos agit, probâtque ex eo-  
rum opinione id sequi. Homilia verò 15. ex 50. *In tua  
potestate est consentire, vel non consentire.* Item lib. 2. con-  
tra Felic. Man. cap. 4. *Habet unusquisque in voluntate  
eligere quæ bona sunt, & esse arbor bona: aut eligere quæ  
mala sunt, & esse arbor mala.* Cui loco germanus est alter  
ex lib. 1. retract. cap. 22. *Est in nostra potestate vel inferi  
bonitate Dei, vel excidi eius feneritate.* Et lib. de spiritu  
&



& littera cap. 34. *Nemo habet in potestate quid ei venias in mentem, sed consentire, aut dissentire propria voluntatis est.* Qui loci, alique eiusdem sententiæ complures homini minimè perquicaci facilè persuadebunt, ex S. Augustini mente illud tantùm esse in nostra potestate, cuius oppositum est etiam in potestate. Cur enim aliàs tam studiosè liberam potestatem per suspensam, & indifferenter ad opposita facultatem explicaret?

## PARAGRAPHVS II.

*Probatnr amplius, illud tantùm esse in nostra potestate quod per aq̃uè possumus, & eius oppositum.*

ACCEDVNT inuictæ rationes ex natura electionis, deliberationis, & dominii accersitæ, quæ hanc inconsultæ nouitatis arcem, tot verberatam hæctenus Patrum testimoniis, susque deque evertent.

Prima sic habet: Quidquid est in nostra potestate, in liberam electionem cadit: atqui nullum necessarium in liberam electionem cadit, ergo nullum necessarium est in nostra potestate. Maiorem mihi non illibenter concedunt nouæ libertatis vindices, quod in eam Theologi pariter, ac Philosophi conspirent. Traditur à S. Thoma 1. p. q. 83. art. 3. *Proprium, inquit, liberi arbitrij est electio, ex hoc enim liberi arbitrij esse dicimur, quod possumus unum recipere, alio recusato, quod est eligere.* Consentit Gregorius Nyss. orat. Catech. cap. 31. *Qui in vniuersitatem liberam habet potestatem, propter summum in homines honorem, dimisit etiam aliquid in nostra potestate, cuius unusquisque nostrum est dominus. Hoc autem est liberi arbitrij libera electio.* Quod Eusebius libro 6. de præp. breuiùs exprimit his verbis, *In nostra positum est potestate quod ex propria electionis motione fit.* Consentit & S. Augustinus eum aliis in locis, tum præcipuè l. 2. contra Felicem cap. 4. Consentit denique Aduersarius ipse cap. 35. l. 6. de gratia Christi.

Probanda ergo minor, quam ille pertinaciter negat. Probatum verò facile ex ipsa liberæ electionis naturâ, quæ duo vel plura proponi nobis postulat, ut voluntas in medio posita, suisque quasi librata nutibus, in vtrumvis inclinare possit, & ita vnum optare, aliudque reiicere, ut hoc amplecti, illud verò respuere pari iure possit. Ergo illud eligendi potestatem eripit, quod voluntatem ad vnum contrahit, & alligat. Quis enim sic apud se cogitet, liberè posse quempiam aliquid eligere, qui sic vni necessariò sit affixus, ut vel hoc nolle, vel alterum velle non possit. Prorsus illud ab humano sensu abhorret, & certiora moralis Philosophiæ principia labefactat. Docet enim Aristoteles lib. 3. Ethic. cap. 2. ea tantùm sub electionem cadere, quæ fieri possunt, & non fieri. Docet illud ipsum S. Thomas 1. 2. q. 13. art. 2. *Cùm electio, inquit, sit præceptio vnius respectu alterius, necesse est quod electio sit respectu plurium, quæ eligi possunt. Et ideo in his quæ sunt determinata ad vnum, electio locum non habet.* Quanta est igitur nouæ opinionis infania, quæ statuit Beatos libera electione Deum amare, & Patrem ac Filium libera electione Spiritum Sanctum producere? Refugiunt id aures Catholicæ, atque hoc tam pestilenti dogmate Spiritum Sanctum in creaturarum ordinem cogi putant, & ab consortio diuinitatis excludi.

Quod de homine lapso adiciunt, etsi non ita pietatem lædat, communem tamen sensum non minùs ferit. Aiunt peccatores efficaci Dei gratiâ destitutos tam necessariò peccare aliquo peccato, quàm necessariò Beati Deum amant. Fatentur nihilominus esse in eorum potestate virtutem aut vitium eligere, Deumque singulis liberam vtriusque optionem permittere, ac dicere, *Apposui tibi aquam & ignem, ad quod volueris porrigere manum tuam. Ante te vita & mors, bonum & malum: quod placuerit, dabitur tibi.* Satin' illi mentis ac rationis compotes sunt, cùm istud pronuntiant? Itane verò



ram crudeliter peccatoribus Deus illudit, vt quos scit ineluctabili necessitate ad peccandum astringi, & quibus gratiam ad benè agendum necessariam tribuere nolit, adhortetur ad virtutem, iubeátque vt eligant, an malint ex virtute viuere, quod illis prorsus est impossibile, an suis in peccatis obsolescere, quod est omnino necessarium? Quis hominem immanitatis, aut amentitiæ non argueret? qui calamitosum aliquem ex altissimâ turri demissum sic affaretur, Tua est in potestate labi, aut non labi, elige quod volueris: vel qui in ardentem rogum coniecto diceret, Tua est in potestate comburi, vel non comburi, elige quod volueris. Nec Aduersarios pudet, hanc Deo crudelitatem affingere, quam homini tribuere non audent? Hallucinantur ergo cum aiunt homini liberam electionem permitti, licet ad vnum necessariò constringatur. *Quomodo enim, vt ait Anastasius Sinaita, libera constabit electio, vbi contrariorum nulla est incurfio?* Quam eorum opinionem acriter exagitat Ennodius Ticinensis lib. 2. Epist. 23. vbi aduersus nescio quem, qui hominem necessariò peccare dixerat, sic exclamat. *O Schismaticam propositionem, quæ iuxta Apocalypsim scriptas habet in fronte blasphemias. Quæ ista libertas est, si valet, edifferat, vbi homini datur solum velle quod punit, aut* QVARE ELECTI-  
NEM NOMINAT, VBI VNAM TANTVM PAR-  
TEM ASSERTIT FVISSE CONCESSAM?

Altera ratio ex deliberationis indole petita sic concipitur. Circa ea tantùm versatur electio, de quibus consultamus: Atqui de illis duntaxat consultamus quæ possunt aliter atque aliter se habere: Ergo circa ea tantùm versatur electio, quæ possunt aliter atque aliter se habere. Maiorem negare non audent Aduersarij, & verò non possunt, nam ex Theologorum Philosophorùmque consensu, electionem præcedit consultatio. vnde Nemestius cap. 33. electionem definit, *Appetitionem cum consultatione eorum, quæ in nostra sunt potestate.* Vnde concludit

252 DISPUT. DE LIBERO ARBITRIO  
necessariò circa eadem versari electionem, de quibus  
est consilium. Et S. Thomas 1. 2. q. 13. art. 1. probat ele-  
ctionem ex appetitione, & consultatione sic tanquam  
ex partibus essentialibus coalescere. *Dicendum, inquit,*  
*quòd in nomine electionis importatur aliquid pertinens ad*  
*rationem, siue intellectum, & aliquid pertinens ad volunta-*  
*tem. Vnde Gregor. Nyssenus ( is est Nemefius ) dicit quòd*  
*electio neque est appetitus secundum se ipsam, neque consi-*  
*lium, sed ex his aliquid compositum. sicut enim dicimus ani-*  
*mal, ex anima & corpore compositum esse: neque verò corpus*  
*esse secundum se ipsum, neque animam solam, sed utrum-*  
*que; ita & electio. Tota ergo huius argumentationis vis*  
*in minorem recidit: quæ, si apud Aduersarios aliqua*  
*Aristoteli fides esset, ad prima moralis Philosophiæ*  
*principia pertineret, sic enim ille lib. 6. Ethic. cap. 1.*  
*Nemo de his rebus consultat, quæ aliter se habere non pos-*  
*sunt. Sed quia Aristotelem non audiunt, Patrum sen-*  
*tentiis, & ratione agendum est. Nemefius Christianus*  
*Aristoteles cap. 33. ita pronuntiat: Est autem ex aquo*  
*contingens in utramque partem, quod tam ipsum possumus,*  
*quàm eius contrarium. Nisi enim ambo possemus, tam istud*  
*scilicet, quàm eius contrarium, neutiquam consultaremus.*  
*Et cap. 40. Ostensum est autem suprâ consultationem esse re-*  
*rum contingentium peraquè in utramque partem. Damas-*  
*cenus vt in cæteris, ita hac in parte, Nemesium sequi-*  
*tur libro 2. de fide cap. 26. , Sequitur & S. Thomas 1.*  
*2. quæst. 14. art. 3. vbi ex his Nemefij verbis. Consilia-*  
*mur de his quæ sunt in nobis, & per nos fieri possunt, con-*  
*cludit: Consilium non esse circa res, quæ necessariò fiunt,*  
*sed tantummodo esse circa res contingentes. Similiter de ma-*  
*lo quæstione 6. docet, consilium esse inquisitionem viam*  
*habentem ad opposita; virtute cuius voluntas se ipsam mo-*  
*uet, non ex necessitate, sed cum potestate eligendi, aut non eli-*  
*gendi, hoc vel illud.*

Faxo vt Aduersarij suâ licèt occæcati pertinaciâ tam  
claræ veritatis lucem intueantur. Quæro an possint



ipſi deliberare, vtrum mundum alium creare, mortuos ſuſcitare, Angelos omnes annihilare debeant, an non debeant? ſi reſpondent ſe his de rebus poſſe delibera-  
re, nã illi inſaniunt operoſè, atque haud ſcio an magis deliror celebris ille fanaticus, qui, cùm ſe Deum Patrem eſſe arbitretur, tota die agitatur, ſeriòque deliberat, an alios condere mundos debeat. Si dicant non poſſe: vici-  
mus. Nam ideo tantùm deliberare non poſſunt de condendo mundo, vel non condendo, quia pars vtra-  
que non eſt in eorum poteſtate. Ergo non poterit Bea-  
tus deliberare, an Deum amare debeat, an non de-  
beat. Item, Deus non poterit hominem cui nullam gratiam tribuit, hortari vt ipſe ſecum ſtatuat, an vitiis obſequi, an Deo parere debeat. Quia tam eſt illi im-  
poſſibile eniti ad virtutem, quàm mundum condere. Nihil iam dico de productione Spiritus Sancti, quam quia liberæ electioni adſcribunt, fateri debent ex an-  
tegreſſa deliberatione oriri, non eâ quidem, quæ cum ignoratione, & dubitatione coniuncta ſit, ſed illâ quam Deo de creaturis agenti Scripturæ, Patrèsque conce-  
dunt, quæque ex communi Catholicorum ſenſu ad productionem Spiritus Sancti transferri nequit, niſi ab illo, qui Eunomianorum, & Aëtianorum errores in-  
ſtauret.

Tertia ratio ex dominij noſitione repetita rem planè conficiet. Contendit nouæ opinionis primipilus libro 6. de Gratia Chriſti cap. 3. & 35. promiſcuè vſurpari à S. Auguſtino, atque idem proſus ſonare illa duo: Actum aliquem eſſe in libera poteſtate: & eſſe in do-  
minio voluntatis. Quis autem aſſerat voluntatem do-  
minium in eas volitiones habere, quæ naturali neceſſi-  
tate erumpunt? Cùm præſertim S. Thomas, ad quem prouocant Aduerſarij, vt ex eius mente tota hæc con-  
troversia diſcepretur, diſertiffimis verbis contrarium defini-  
erit libro 1. contra gentes cap. 68. *Dominium*, inquit, *quod habet voluntas ſupra ſuos actus, per quod in*

254 DISPUT. DE LIBERO ARBITRIO  
eius potestate velle, vel non velle, excludit determinationem  
virtutis ad unum. Quia nempe, vt monet Heruzus  
Quodlibeto 10. quæst. 9. *habere dominium sui actus, est  
habere, sic in potestate suum actum, quod in potestate sua sit  
agere vel non agere.* Atque id fuit in causa, cur S. Tho-  
mas 1. p. q. 2. a. 1. appetitum vltimi finis voluntatis do-  
minio subduxerit. Statuerat ille hominis voluntatem  
appetitū vltimi finis naturali necessitate exerere. Con-  
trà tamen sic obiciebatur. *Secundum voluntatem sumus  
domini nostrorum actuum: Sed eius quod ex necessitate est  
non sumus domini; ergo actus voluntatis non potest de ne-  
cessitate esse.* Respondet: *Dicendum quod domini sumus  
nostrorum actuum, secundum quod possumus hoc vel illud eli-  
gere. Electio autem non est de fine, sed de his que sunt ad  
finem, vt dicitur 3. Ethicorum. Vnde appetitus vltimi finis  
non est de his quorum domini sumus. Deus immortalis,  
quantam posteriora hæc verba in nouo dogmate stra-  
gem edunt! Appetitus, inquit, vltimi finis non est de his  
quorum domini sumus. Ergo non est in potestate volun-  
tatis, ac proinde imperitè illud & ineptè noua opinio  
sciscit: Omnis volitio est in potestate voluntatis:*

Si hac face prælucente arcana nuperi Doctbris sen-  
sa penitiùs ingrediaris, noua tibi monstra occurrent.  
Statuit productionem Spiritus sancti esse in libera Pa-  
tris ac Filii potestate, quia eorum volitio est. Fateri igitur  
debet, esse quoque in eorum dominio. Si istud ad-  
miserit, quod profectò negare non potest, quin opinio-  
nis suæ fundamenta conuellat, quàm sacrilegum inde  
corollarium, quàmque immane deducetur! Nimirum,  
Patrem ac Filium habere in dominio productionem  
Spiritus sancti; ac proinde verè & propriè Spiritus san-  
cti Dominum, aut Dominos esse. Dominium enim,  
quod Angelus, & Syluester definiunt *potestatem dispo-  
nendi de realiqua pro libito*, maximè cernitur circa rei  
productionem, ita vt nihil sit magis in dominio nostro,  
quàm illud cuius productioni voluntas nostra domina-



tur. Confirmatur: Idcirco Deus perfectum habet in creaturas dominium, quia si vult, eas producit: si non vult, non producit: ac idem Patri & Filio respectu Spiritus sancti Aduersarius tribuit, vt sectione 4. dicam; immo, quod horrendum magis est, docet esse in potestate Patris, ac Filii Spiritum sanctum non producere; quia quemadmodum illum producant, cum volunt: ita, si nollent illum producere, non producerent; Ergo ex eius mente Pater & Filius tam perfectum habent dominium in Spiritum sanctum, quàm in creaturas. Non potest Aduersarius hoc argumento se extricare, quin fucum excutiat, quo liberæ potestatis notionem corrumpit. Quamcunque enim perfecti domini definitionem proferat, aut illa voluntati non comperet respectu volitionis naturali necessitate profusæ: aut saltem Deo non minùs conueniet respectu Spiritus sancti, quàm respectu creaturarum: adeoque Inuictè concludet Patrem ac Filium non minùs verè dici posse dominum aut dominos Spiritus sancti, quàm creaturarum. Quæ fuit Eunomianorum, Aëcianorum, ac præcipuè Macedonianorum hæresis propria, vt colligitur ex Basilio Epistola 78. Nazianzeno Oratione 34. quæ est s. de Theologia, & Epiphanio hæresi 74.

Neque verò huic dōgmati gratificantur illi Theologi, qui Spiritus sancti productionem liberam esse defendunt. Fatentur enim se libertatem non sumere in strictiori illa significatione, quæ potestatem ac dominium importat. Pridem illud obseruauit Petrus Aureolus illius sententiæ propugnator acerrimus. Nam in 1. dist. 1. capitulo 3. art. 3. Cùm statuisset libertatem stare cum necessitate, vt omnes intelligerent quo sensu libertatem vsurparet, addit: *Non est autem idem liberum, & dominatum actus, alioquin Pater & Filius non spirarent liberè, cùm non possint dominatiuè suspendere actum spirationis, nec etiam Deus liberè se amaret. Vnde ex hac deceptione oritur difficultas, qua hodie habetur circa formalem*

256 DISPUT. DE LIBERO ARBITRIO  
*rationem libertatis, quia putant homines quòd idem sit esse liberam, & habere dominium sui actus. Negat Aureolus productionem Spiritus sancti esse liberam, si libertas sumatur pro potestate, & dominio in actum. Negant & illud Scotistæ alii, nec ex probatis auctoribus ullus inuenietur, qui scripserit, productionem Spiritus sancti esse in dominio, & libera potestate Patris & Filii. At istud tamen non modò à nuperis Theologis defenditur, sed cum primariis eorum placitis ita coheret, ut ne leuissimè quidem commoueri possit, quin illa disturbentur.*

## SECTIO II.

*Prima Aduersarij cauillatio refellitur, quâ ait omnem omnino volitionem, ex S. Augustini aliorumque Patrum sententia, esse in libera voluntatis potestate.*

**E**XPECTAS (erudite Lector) quorsum Aduersarius tot rationibus, Patrumque testimoniis oppressus erumpet? verbo dicam, fucum faciet, clarissimis robus tenebras offundet, nec minus ipse secum, quàm cum humana ratione, Philosophis, Patribus, ipsoque S. Augustino conflictabitur. Quanquam autem cauilli omnes, quibus peruagatam liberæ potestatis notionem infuscare nititur, enumerari vix possint, eos tamen ad tria capita, ac veluti fastigia reuocabo.

Libro 6.  
 de Gratia  
 Christi  
 cap. 5.

Primò, ait ex Sanctorum Patrum ac præcipuè S. Augustini sensu, omnem omnino volitionem esse in libera voluntatis potestate. Vnde aduersus constitutam à nobis liberæ potestatis rationem sic arguitur. Omnis volitio est in libera voluntatis potestate; Aliqua volitio est necessaria; ergo aliquod necessarium est in libera voluntatis potestate.

Secundò, quod S. Augustinus aliique Patres docent,  
*illud*



*illud esse in nostra potestate, quod sit cum volumus, ita interpretatur, ut cum volumus, idem sit ac volendo. Unde colligit, amorem beatificum esse in Beatorum potestate, quia amant volendo, ac proinde cum volunt. Item, productionem Spiritus sancti esse in libera potestate Patris ac Filij, quia producunt volendo, atque adeo cum volunt. Quæ si vera sunt, ruit stabilitas à nobis liberæ potestatis notio.*

Libro 6. de  
Grat. Christi  
cap. 5.  
6. 2.

Tertiò quod mirum magis est, contendit etiam actus aliquos impossibiles esse in potestate voluntatis; Sic ait esse in potestate Beatorum Deum clarè & intuitivè videntium nolle illum amare. Item, esse in potestate hominis gratiæ medicinali consensum necessariò inferenti non assentiri. Denique, quod cum superioribus connexum est, esse in potestate Patris ac Filij nolle producere Spiritum sanctum. Quia si Pater & Filius vellent non producere Spiritum sanctum, non producerent; & Beati si vellent Deum non amare, hoc ipso non amarent: homines quoque si gratiæ medicinali consensum necessariò inferenti vellent dissentiri, hoc ipso dissentirentur. Quæ omnia explicatam hæcenus liberæ potestatis naturam labefactant.

Libro 6.  
de Gratia  
Christi  
cap. 35.

Quis non obstupescat ad illa nouæ opinionis, placita dicam, an commenta? commentitia certè placita, quæ dum recogito occurrat illud S. Augustini libro 3. in Iulianum cap. 3. *Mira sunt quæ dicitis: noua sunt, quæ dicitis: falsa sunt, quæ dicitis: mira stupemus, noua canemus, falsa conuincimus.* Hoc postremum vt exequar, priorem cauillum hac integra sectione, reliquos duos totidem aliis sectionibus excutiam.

## PARAGRAPHVS I.

*Demonstratur ex S. Augustini aliorumque Patrum sententia, volitiones necessitate expressas non esse in libera voluntatis potestate.*

Libro 6.  
de Gratia  
Christi  
cap. 5.

PRIMARIUM hoc nouæ opinionis fundamentum: *Volitio est essentialiter in nostra potestate, & implicat contradictionem ut volitio non sit in nostra potestate*, nititur celebri illo S. Augustini loco ex libro 3. de libero arbitrio contra Manichæos, *Nihil tam est in nostra potestate, quàm ipsa voluntas*. Nam inde sic licet argumentari. Omnis voluntas ex Augustino est in nostra potestate: omnis volitio ex Augustino est voluntas; ergo omnis volitio ex Augustino est in nostra potestate. Quod argumentum sic vrget Aduersarius, ut pro more suo in ea re probanda, quam vltro concedimus, temporis multum & operæ consumat. Eam verò, quæ controuersiæ caput est, quàmque negamus funditus, vix attingat. Probat pluribus voluntatem omnem esse in nostra potestate. Quis id negat? nemo certè qui S. Augustinum familiarem habeat, noueritque voluntatis nomen ab illo non vsurpari in ampliori illa significatione, quæ volitiones omnes complectitur. Quid ergo in re explorata confirmanda tantum temporis homo non otiosus perdit? Minorem prober, quæ sola huius controuersiæ pondus sustinet. Probet, inquam, ex S. Augustini mente, atque eo præferim, de quo agimus, loco volitionem omnem esse voluntatem. Istud est enim, quod & nos omnino inficiamur, & ipse tam acriter negat libro 4. de statu naturæ lapsæ cap. 21. ut illos, qui apud S. Augustinum, maximè in libris aduersus Manichæos, voluntatis nomine volitiones omnes comprehendunt, in eius doctrina hospites dicat atque peregrinos. Si vacat, hunc eius locum perlege, & ob-



serua quàm asseueranter affirmet, non sumi ab Augustino voluntatem & voluntarium pro motu generaliter, qui à potentia voluntatis proficiscitur, qualis est amor beatificus. Sed in strictiori alia notione, quæ non omnem omnino voluntatis motum comprehendat. Obseruandum quoque qua mente id faciat. Nimirum, cùm videat hæc tria ab Augustino confundi. *Peccatum esse voluntarium. Peccatum esse in voluntate. Et: liberum esse à peccato abstinere.* Ne istud tertium hominis lapsi peccatis tribuere cogatur, priora duo illis adimit, pugnatque in Augustini, præcipuè aduersus Manichæos disputantis, phrasi solos primos parentes voluntate peccauisse. Ac proinde illa Augustini verba, quæ aduersus Manichæos toties inculcat, *Peccatum est voluntarium. Peccatum est in voluntate.* sic esse exponenda, ut non nisi primi hominis peccato tale voluntarium competat. Docet etiam nominatim, hoc sensu voluntatis nomen accipi libro 3. de libero arbitrio aduersus Manichæos, ex quo vbi insignem locum descripsit, atque hoc modo interpretatus est, subdit: *Eodem prorsus modo & alia eius verba, & quotquot similia contra Manichæos protulit, exponi debent; ut illa, quibus in libro de duabus animabus dixit: nusquam scilicet nisi in voluntate esse peccatum. Nam & istic VOLUNTAS strictè sumitur, ut proinde nulli, nisi primo peccato istud competat.*

Quâ igitur verecundiâ modò supponit Augustinum eodem libro tertio de libero arbitrio voluntatis nomine quamlibet volitionem censere? Quo pudore plurima ex libris aduersus Manichæos testimonia recitans, vbicunque occurrit voluntatis nomen, suam hanc glossam intexit (*id est volitio*) ut persuadeat Augustinum his in libris voluntatis nomen promiscuè pro quamlibet volitione sumpsisse? Sed audi quæso integrum eius argumentum, & hominis fidem admirare. Nititur ut monui celebri illo loco libri 3. de libero arbitrio aduersus Manichæos cap. 3. quem ita refert, ut decies

suam hanc glossam (id est volitio) Augustini verbis in-  
findat. Sic, ubi priorem hanc Augustinianæ sententiæ  
partem retulit: *Nihil tam in nostra potestate quàm ipsa  
voluntas est*, continuò subnectit (*sens volitio.*) Pergit  
Augustinus: *voluntas igitur nostra*, rursus suam hinc  
parenthesim Aduersarius illigat (*id est volitio*) *nec vo-  
luntas esset* (id est volitio, ait Aduersarius) *nisi esset in  
nostra potestate. Porro quia in potestate, libera nobis est,  
non enim est nobis liberum, quod in potestate non habemus;  
aut potest non esse, quod habemus.* Ex quibus ita nouus  
Doctor concludit: *Ecce à radicibus ostensum impossibile  
esse ut volitio non sit in nostra potestate.* Quis non putet  
illum nugari, ac ludere cùm ita ratiocinatur? Vim ha-  
bere non potest eius argumentatio, nisi constet Augu-  
stinum eo loci voluntatis nomine quamlibet volitio-  
nem complecti, nec id tamen, quod ab iis, quibus cum  
agit, negatur funditus, aliter probat, quàm intercala-  
ribus illis glossis (*id est volitio*) & nouum, & inuictum  
probationis genus! Verùm si neruis caret hæc eius ar-  
gumentatio, fraude sanè non caret. Ne laborandum  
quidem putauit sibi, ut persuadere conaretur Augu-  
stinum eo loci voluntatis nomine volitionem omnem  
comprehendisse. Tum quia intelligebat clariorem  
esse hac in parte Augustini mentem, quàm ut vllis præ-  
stigiis obscurari posset, cùm præsertim hinc de Adami  
voluntate, eiusque primo peccato agatur, ut sequenti  
Paragrapho demonstrabo. Tum quia id tentare non  
poterat, quin dirueret omnia, quibus libro 4. de statu  
naturæ lapsæ cap. 21. contrarium pugnavit. Quamob-  
rem per insitias illas parentheses (*id est volitio*) difficil-  
lima statuit probatione defungi, ut rudioribus sal-  
tem, & in eius doctrina minùs versatis negotium fa-  
cesseret.

Age ergo ex integra illa Aduersarij disputatione,  
qua pugnat volitionem omnem esse in libera volunta-  
tis potestate, solemnes illas, & intercalares glossas



(*id est volitio*) expunge, & omnes illi neruos incidet. Earum in locum hanc ex S. Augustini, & ipsius Aduersarij mente genuinam inferre (*voluntas apud Augustinum, ac precipuè in libris aduersus Manichæos, non omnes omnino voluntatis motus significat*) & suo illum gladio ingulabis. At verò si ipsum Augustinum consulere, & librum 3. de libero arbitrio aduersus Manichæos, quem nobis Aduersarius intentat, expendere velis, statim ab ingressu cognosces, quàm splendidè Augustino imponat, dum contendit volitiones omnes etiam naturali necessitate expressas, cuiusmodi est illa, qua à Patre, & Filio Spiritus sanctus produciuntur, Augustini phrasi *voluntarias* esse, & in libera voluntatis potestate. Querit enim Augustinus iam inde ab initio, unde illa motus existat, quo voluntas aueritur à communi atque incommutabili bono, statuítque illum à voluntate naturaliter non oriri, contrà quàm sentiebant Manichæi, qui malam animam naturali necessitate malum amare, quemadmodum Deus naturali necessitate se ipsum amat, delirabant. Si ita, inquit, data est voluntas, ut naturalem habeat istum motum, iam necessitate ad hoc conuertitur, neque vlla culpa deprehendi potest, ubi natura necessitatque dominatur. Tum paucis interpositis: Porro quia istum motum non dubitamus esse culpabilem, omnino negandum est esse naturalem. Vnde concludit esse voluntarium, id est, oriri à voluntate ut voluntas est ac libera, non ut natura: Qui motus si culpa deputatur non est utique naturalis, sed voluntarius. Quia, ut mox subiicit, motus quo huc atque illuc voluntas conuertitur, nisi esset voluntarius, atque in nostra positus potestate, neque laudandus cum ad superiora, neque culpandus homo esset, cum ad inferiora detorquet quendam quasi cardinem voluntatis suæ. Ex eo autem quòd motus ille, naturalis non sit, sed voluntarius, colligit illum esse in nostra potestate, quod his verbis perstrinxerat postremo capite superioris libri: Qui tam defectus quoniam est voluntarius, in nostra est positus potestate.

Crux hîc fixa nouo dogmati, vel fatalis scopulus ad quem omnia argumenta, quibus S. Augustinum sibi arrogat, illisa comminuuntur. Nam inde sequitur primò, in S. Augustini phrasi, motum voluntatis naturalem, opponi voluntario: nec eandem volitionem naturalem simul esse posse, & voluntariam, atque in nostra potestate. Quia negat motum illum, quo voluntas ad mutabilia conuertitur, fore voluntarium & in nostra potestate, si naturali necessitate existat. vnde vltèriùs consequitur motus omnes voluntatis, qui ab ea naturali necessitate oriuntur, in S. Augustini doctrinâ non esse voluntarios, & in nostra positos potestate. Nimis ergo procaciter S. Augustinum corrumpit, qui ex hoc ipso loco contendit, volitiones omnes, etiam naturali necessitate expressas, cuiusmodi est amor sui ipsius in Deo, S. Augustini phrasi voluntarias esse, & in libera voluntatis potestate collocatas.

Sequitur secundò, voluntate agere, & naturâ agere, apud S. Augustinum sibi inuicem aduersari. Quia docet animam non voluntate producere motum illum, quo ad mutabilia conuertitur, si illum naturali necessitate producat. Hinc l. de duabus animabus c. 12. contendit malas animas, quas Manichæi ex tenebrarum gente decerptas comminiscuntur, non amare malum voluntate, si illud naturali necessitate amare finguntur. *Quamobrem, inquit, illæ animæ quidquid faciunt, si natura, non voluntate faciunt, id est, si libero ad faciendum, & non faciendum motu animi carent. si denique his abstinendi ab opere suo potestas nulla conceditur, peccato earum teneri non possumus.* Vides ex S. Augustini mente ea voluntate non agere, quæ naturali necessitate agunt. Ergo Pater & Filius qui naturâ, seu naturali necessitate, Spiritum sanctum producant, S. Augustini sensu voluntate non producant, nec illa productio voluntaria est, & in eorum potestate.

Hac voluntatis notione S. Augustino proluserant



Patres illi, qui cum Arrianis acrius confligere. Nam ita voluntatis nomen contrahebant, vt naturæ opponerent, decernerentque non fieri illud voluntate, quod naturâ sit, atque adeo nullam in diuinis personam voluntate procedere. S. Epiphanius hæresi 69. tritæ Arrianorum percontationi: *volens, an nolens pater filium genuerit*, Respondet: *Neque volentem, neque nolentem genuisse; sed in natura, quæ omnem deliberationem superat.* Illud ipsum tradit S. Ambrosius l. 4. de fide cap. 4. tradit & S. Augustinus l. 15. de Trinit. cap. 20. Rationem profert S. Cyrillus 7. Thesauri. *Nam quæ ex natura prodeunt, neque velle, neque nolle admittunt; in rebus verò quæ extraneas, & in nostra potestate sunt, aut volumus, aut nolumus.* Vnde colligit Deum non esse, misericordem, bonum, sanctum, voluntate sed naturâ. Quod S. Athanasius sic vrget orat. 4. contra Arrianos. *Dicant nobis quod bonus est, & misericors Deus, ex voluntatēne hoc illi adest, an non? si ex voluntate, ergo ante oculos patet eum incepisse bonum esse, ac fieri posse vt non sit bonus.* Nam deliberare, eligereque in utramque partem momenta sua habet. Negat Athanasius Deum esse bonum voluntate, quod alias fieri posset, vt non esset bonus, quia eligere in utramque partem momenta sua habet; Negat etiam Cyrillus ea quæ ex natura prodeunt, voluntate fieri; ergo voluntatis nomen non vsurpant in ampliori illa significatione, quæ volitiones etiam naturali necessitate elicitas complectitur, sed in arctiori aliq, atque vt illas tantum comprehendit, quæ ab facultate ad vtrumlibet indifferente, & in utramque partem momenta sua habente proficiscuntur.

S. Thomas dilucidè admodum, & ad rem nostram appositè illud expressit 1. p. q. 41. art. 2. ad 3. *Voluntas in quantum est natura quadam aliquid naturaliter vult, sicut voluntas hominis naturaliter tendit ad beatitudinem. Et similiter Deus naturaliter vult & amat se ipsum, sed circa alia, à se voluntas Dei se habet ad vtrumque quodammodo.*

Vnde concludit Spiritum sanctum procedere à voluntate, non ut voluntas est, sed ut natura. Rationem reddit in corpore: *Voluntas, & natura secundum hoc differunt in causando, quia natura determinata est ad unum, sed voluntas non est determinata ad unum.* Et paulò post: *Eorum igitur voluntas principium est, quæ possunt sic vel aliter esse; eorum autem quæ non possunt nisi sic esse, principium natura est. Quod autem potest sic vel aliter esse, longè est à natura divina, sed hoc pertinet ad rationem creaturæ.* Et q. 2. de potentia, art. 3. *Voluntas in quantum voluntas, cum sit libera, ad utrumlibet se habet; potest enim voluntas agere vel non agere, sic vel sic facere, velle, & non velle; & si respectu alicuius hoc voluntati non convenit, hoc accidet voluntati, non in quantum voluntas est, sed ex inclinatione naturali quam habet ad aliquid, sicut ad finem ultimum, quem non potest non velle, sicut voluntas humana non potest non velle beatitudinem, nec potest velle miseriam.* Ex quo patet quòd omne illud, cuius voluntas est principium quantum in se est, possibile est esse vel non esse, & esse tale, vel tale, & tunc vel nunc. Omne autem illud quod sic se habet, est creatum: quia in eo quod increatum est, non est potestas ad esse vel non esse, sed per se necesse est esse, ut Avicenna probat. si ergo ponitur Filius voluntate genitus necessario sequitur ipsum esse creaturam. Et propter hoc Arriani qui ponebant Filium creaturam, dicebant eum esse genitum voluntate. Catholici autem dicunt Filium non naturam voluntate, sed naturam. Natura enim ad unum determinata est. Indidem colligit Spiritum sanctum non voluntate, sed naturam procedere. Atque ita concludit. Sequitur quòd tam Filius quam Spiritus sanctus naturaliter procedant. Adhucne contendet Aduersarius Spiritum sanctum liberè procedere, quia volitione procedit: adhucne volitionem omnem à voluntate, ut libera est, nasci garriet, cum tam disertè S. Thomas, cui se multum tribuere profitetur, productionem Spiritus sancti neget ab voluntate oriri, ut voluntas est, & libera?



## PARAGRAPHVS II.

*Demonstratur nobilem S. Augustini disputationem  
immani corruptelâ ab Aduersario deprauari. ut ex  
ea conficiat volitionem omnem esse in nostra po-  
testate.*

Non potuit Aduersarius S. Augustinum in opi-  
nionis suæ communionem adigere, quin illum prius  
imponere requaleo, & integram eius disputationem,  
eâque nobilem in primis, distorqueret scædè, at-  
que laceraret. Non id dico iracundè, aut illo alter-  
candi insectandique more, quo aliàs rabulæ velitaban-  
tur in foro; quemlibet minimè peruiacem arbitrum  
non recuso: nisi ego eius iudicio vincam, S. Augus-  
tinum hîc à nouo Dogmatista flagitiosè corrumpi, per  
me non stabit, quin ille tanti Doctoris auctoritatem  
sibi arroget, & de profligata communi opinione glo-  
rietur. Age ergo nouæ opinionis neruos ac robur in  
hoc præcipuo eius argumento mecum explora.

S. Augustinus libro 3. de libero arbitrio cap. 2. 3. &  
4. contendit liberum arbitrium diuinâ præscientiâ sta-  
biliri potius, quàm pessumdari. Rationum, quibus id  
probat, vim ac robur ita colligit sub finem capitis ter-  
tij: *Cum Deus sit præsciens voluntatis nostræ, cuius est præ-  
sciens ipsa erit; voluntas ergo erit, quia voluntatis est præ-  
sciens. Nec voluntas esse poterit, si in potestate non erit; er-  
go & potestatis est præsciens. Non igitur per eius præscien-  
tiam mihi potestas adimitur, quæ propterea mihi certior ad-  
erit, quia illæ, cuius præscientia non fallitur, adfuturam  
mihi præsciuit. Plana hîc omnia, si candidum habeant  
interpretem; cùm enim voluntas Augustini phrasi, at-  
que hîc præcipuè, vbi de primi hominis voluntate agi-  
tur, ut mox dicam, non quemlibet voluntatis motum*

significet, sed illum tantum, qui omni necessitate solutus est: idem est prorsus, ac si dixisset: Cum Deus prouideat voluntatis motum sine necessitate, & cum indifferentia ponendum; ponetur ille sine necessitate, & cum indifferentia. quæ trita est Theologorum ratio his à S. Thoma verbis expressa libro 3. contra gentes cap. 94. *Si Deus prouidet hoc futurum, sic erit, sicut prouidet illud esse futurum: prouidet autem esse futurum contingenter; sequitur ergo infallibiliter quod erit contingenter, & non necessario.* Quam & Anselmus perstrinxit libro de Concordia præscientiæ diuinæ & liberi arbitrii: *Non debes, inquit, dicere, præscit Deus me peccaturum, vel non peccaturum; sed præscit Deus me peccaturum sine necessitate, vel non peccaturum.* Atque adeo si peccem, sine necessitate peccabo, quia ita peccabo, quemadmodum Deus peccaturum me præsciuit.

Etiâne ex hac S. Augustini disputatione præsidium Aduersarius sperat? Quid aio? præsidium sperat? Præcipuum in ea causæ suæ firmamentum ponit. Pugnat enim S. Augustinum aliud nihil hîc probare, quàm Dei præscientiam idcirco præcisè cum humana libertate cohærere, quod non impediat quo minùs volitio sit volitio. vnde colligit arbitrari S. Augustinum volitionem eatenus esse liberam, & in nostra potestate, quatenus est volitio. Prolixam ea de re disputationem habet, cuius vim eius verbis summam complectar. Statuerat ille volitionem omnem essentialiter liberam esse, & in nostra potestate. Cui assertioni ita ex S. Augustino fidem conciliat: *Iam D. Augustinum accuratissimè hoc ipsum explicantem, & velut rem in primis intellectu necessariam crebrò inculcantem audiamus. In libro igitur tertio de libero arbitrio, ubi totâ disputationis mole istud agitur, quo pacto per præscientiæ diuinæ necessitatem non perimatur libertas voluntatum nostrarum, ita libertatem voluntatis, id est volitionis, asserit, ut nihil aliud probeat, quàm eam esse voluntatem, seu volitionem.* Iterum: *Augustinus*

Libro 6. de  
Grat. Christi-  
sti cap. 5.



*ostendere volens præscientiam futura voluntatis, non tollere nobis, sed potius inferre libertatem eiusdem voluntatis, hoc unicum tantum ostendis, quod præscientia ista non impedit, quod voluntas, seu volutio, maneat in nostra potestate, hoc est, quia maneat voluntas, seu volutio. Illud ipsum confirmat ex simili disputatione, quâ S. Augustinus libro 5. de Ciuitate Dei cap. 9. Ciceronem aduersus Dei præscientiam sacrilegâ impietate garrientem confutat. Atque illud sæpius iterat, S. Augustinum in his de libero arbitrio & Diuinâ præscientiâ controuersis vnum id moliri, vt vincat Diuinâ præscientiâ coactionem propriè dictam, quâ fiat vt volutio non sit volutio, voluntati non imprimi. de simplici verò necessitate, quâ voluntas Diuinæ præscientiæ vi ad vnum aliquid affigatur, alterius partis ademptâ potestate, nihil prorsus ab illo decerni.*

Placuit hæc omnia noui Theologi verbis explicare; quia absurda sunt adeo, tamque omni destituta ratione ac sensu, vix vt aliter persuadere potuerim hæc ab illo dici, & in primarium opinionis suæ fundamentum constitui. Mihi verò non erit magnopere desudandum, vt ista dissoluam. Nam si frequentes illas & ioculares Aduersarij glossas (*id est volutio*) eraseris, difficultas omnis euanesceit. Fateor enim S. Augustinum id vnum contendere, Diuinâ præscientiâ libertatem idcirco non extinguere, quia non impedit quo minus voluntas sit voluntas. At pugno voluntatem hîc sumi angustius, pro voluntatis motu ab omni necessitate expedito, siquidem, vt ex S. Augustini contextu patet, sermo est de voluntate illa, quâ Adamus peccauit, quæ ex ipsius Aduersarij mente voluntas mala esse non potuit, quin omnis ab illa necessitas arceretur. facit etiam ad hanc Aduersarij argumentationem disturbendam, quod S. Augustinus capite proximè antecedenti docuit, motum illum, quo voluntas ad inferiora conuertitur, hoc ipso desinere esse liberum & in nostra

potestate, quo fingitur naturaliter à voluntate existere: atqui hoc ipso quo fingitur naturaliter à voluntate existere, non desinit esse volitio; quia sunt volitiones, quæ à voluntate, naturali necessitate, profiliunt: cuiusmodi est amor sui ipsius in Deo, & processio Spiritus sancti. Ergo existimat S. Augustinus motum aliquem voluntatis desinere esse liberum, & in nostra potestate, licet non desinat esse volitio. Ergo non docet hoc loco præscientiam Dei idcirco præcisè libertatem non lædere, quia non impedit quo minùs volitio sit volitio. Possem hîc quæstionem abrumpere, & illud Claudiani Mamerti libro 1. de statu animæ cap. 11. præfidenter usurpare, *Vide quàm paruo negotio veritatis calor frigentium verborum pruinas liquefecerit.* Sed id placet premere magis ac magis, ut Aduersarij in tractanda S. Augustini auctoritate fides appareat.

Dico igitur falsitatem omnem superare, quod ait nouæ opinionis faber, S. Augustinum hoc loco nihil aliud ostendere, quàm Dei præscientiæ coactionem propriè dictam voluntati non inferri, de simplici verò necessitate prorsus tacuisse. Probatur primò. Agit S. Augustinus eo loci de primi hominis voluntate, pugnatque præscientiam Diuinam non eam illi necessitatem attulisse, quæ eius peccatum excuset: Atqui ex ipsius Aduersarij consensu non sola coactio, sed etiam simplex necessitas Adami peccatum excusasset; Ergo falsum est S. Augustinum eo loci id vnum efficere, præscientiam Dei coactionem propriè dictam voluntati non asserre. Probandæ sunt mihi propositiones singulæ. Ac prima quidem non inde tantùm conficitur, quòd Aduersarius libro 4. de statu naturæ lapsæ cap. 21. pluribus contendit, S. Augustinum his de libero arbitrio libris aduersus Manichæos de sola primi hominis libertate disputasse, sed etiam maximè, quòd disertè S. Augustinus asserat, quæstionem esse præcipuè de primi hominis peccato. Nam cap. 2. his Euodij ver-



bis disputationem auspicatur : *Ineffabiliter me mouet quomodo fieri possit, ut & Deus præscius sit omnium futurorum, & nos nulla necessitate peccemus. Quisquis enim dixerit aliter euenire posse aliquid, quàm Deus antiè præsciuit, præscentiam Dei destruere insanissima impietate molitur.*

**QVAPROPTER SI PRÆSCIVIT DEVS PECCATVRVM ESSE PRIMVM HOMINEM,** quod necesse est concedat mihi quisquis mecum futurorum omnium præscium fatesur Deum : si ergo ita est, non dico non eum faceret, bonum enim fecit, nec obesse quicquam Deo posset peccatum eius, quem bonum ipse fecit : immo in quo faciendo bonitatem suam ostenderat, ostendit etiam in puniendo iustitiam, & in liberando misericordiam. Non itaque dico, non eum faceret : sed hoc dico, quoniam peccaturum esse præsenerat, necesse erat id fieri, quod futurum esse præscebat Deus. Quomodo est igitur voluntas libera, ubi iam ineuitabilis apparet necessitas ? Vides quæstionem esse de libertate primo homini ad peccandum necessaria, quam S. Augustinus contendit Diuinâ præscentiâ non violari. Quod profectò etiam ex Aduersarij opinione efficere non potest ; quin ostendat Dei præscentiam non modò coactionem propriè dictam, sed ne simplicem quidem necessitatem Adamo ad peccandum imposuisse. Docet enim Aduersarius, & sæpe docet, primum hominem nec peccare, nec ob peccatum iustè puniri potuisse, si necessitate simplici ad peccandum fuisset impulsus. Ergo nouus Theologus S. Augustino illudit, cùm ait, illum hoc loco nihil aliud voluisse, quàm Dei præscentiam non inferre voluntati coactionem propriè dictam, de simplici verò necessitate, quasi illa hominis libertati nihil officeret, prorsus tacuisse.

Sed esto, agatur tantum eo loci de hominis lapsi libertate, quam Aduersarius simplici necessitate expectatam non putat. An inde firmior euadet eius argumentatio ? Minimè verò. Contendit enim Augustinus homines verè peccare, & iustè ob peccata puniri, licèt

Libro 4. de  
statu natu-  
re lapsæ  
cap. 24. 25.  
21. 22. 23. &c  
libro 1.  
cap. 4. 5. 6.

Deus eos peccaturos præsciuerit. Quod constat ex his Euodij verbis cap. 4. *Nondum video quomodo sibi non aduersentur hac duo, præscientia Dei de peccatis nostris, & nostrum in peccando liberum arbitrium. Nam & iustum Deum necesse est fateamur, & præscium. Sed scire vellem, quâ iustitiâ puniat peccata, quæ necesse est fieri: aut quomodo non sis necesse fieri, quæ futura esse præsciuit: aut quomodo non Creatori deputandum est quidquid in eius creatura fieri necesse est. Atqui homo, etiam in statu naturæ lapsæ non peccaret, nec iustè à Deo puniretur, si Diuina præscientia, non coactionem quidem propriè dictam, sed simplicem illi necessitatem inferret. Quia ut Aduersarius docet libro 4. de statu naturæ lapsæ cap. 24. & 25. omnis peccandi necessitas, quæ ex concupiscentiâ aut ignorantia, quas à primo parente hæreditarias accepimus, non fluit, à peccato excusat. Ergo probat S. Augustinus non modò coactionem propriè dictam, sed ne simplicem quidem necessitatem à Diuinâ præscientiâ voluntatibus nostris imminere. Aut saltem falsò gloriatur sub finem huius disputationis se hîc demonstrâsse, quâ iustitiâ Deus puniat peccata, quæ futura esse præsciuit.*

Quantam Augustinianæ disputationi labem Aduersarius inferat, constabit ampliùs, si eorum quibuscum S. Augustinus agit, opinionem recorderis. Non affirmabant illi Dei præscientiâ effici, ut volitio non sit volitio. Sed istud asserabant vnum, ex eadem præscientia eiusmodi necessitatem fluere, quæ fortuitis rebus pariter ac liberis esset inimica. Liquet illud ex Cicero-  
ne libro 2. de natura deorum suam opinionem ita proponente: *Mihi quidem videtur, neque in Deum cadere, ut sciat quod futurum est. Nam si scit, cerisè eueniet; quod si cerisè eueniat, nullus est casus neque fortuna; est autem fortuna: rerum ergo fortuitarum nulla præsensio. Quis ita desipit, ut credat necessitatem illam fortuitis rebus infensam, quam ex præscientia Cicero formidabat, aliam*



esse à necessitate simplici? Simile est Euodij argumentum, cui dissoluendo totam hanc de præscientia & libero arbitrio disputationem S. Augustinus impendit. Sic illud colligit cap. 3. *Si præsciens est Deus peccatum esse hominem, necesse est ut peccet: si autem necesse est, non ergo est in peccando voluntatis arbitrium, sed potius inenitabilis ac fixa necessitas.* Nulla hinc mentio coactionis internæ, sed tantum necessitatis illius, quæ fortuitis rebus contingentiam, & liberis indifferentiam ad vtrumlibet eripit; quia *inenitabilis est ac fixa*: ac proinde ita voluntatem ad vnum affigit, ut aliud deuolare nequeat. Confirmatur: non aliam Euodius in rebus à Deo præcognitis necessitatem petit, quàm quæ Dei præscientiam extra erroris periculum ponat, ut ex omnibus eius argumentis patet, quorum summam ita complectitur cap. 2. *Quisquis dixerit aliter euenire posse aliquid, quàm Deus præsciuerit, præscientiam Dei destruere insanissimâ impietate molitur.* At sola necessitas simplex Diuinam præscientiam extra erroris periculum ponit. Finge enim rebus præscitis necessitatem à Deo imprimi illi persimilem, quam clara & intuitiva Dei visio ad amandum Deum Beatis imponit: an erit quispiam, qui Diuinæ præscientiæ certitudini satis superque cautum non putet? Cerrè Euodius, & profani Philosophi, quorum ille personam in hac disputatione sustinet, nihil postulabunt amplius, quia timendum non erit, ne aliquid aliter eueniat, quàm Deus præsciuerit.

Plusquam credi potest actum est à nobis, dum ostendimus Euodium, & profanos Philosophos, quorum ille causam agit, non peremptricem illam voluntarij coactionem, sed simplicem duntaxat necessitatem ex Diuina præscientia voluntatibus nostris formidasse. Nam inde facile colligitur, quàm ineptè, ac ridiculè cum iis ageret Augustinus, si, ut nouo Doctore placet, id doceret vnum, præscientiam Dei non impedire quo minùs volitio sit volitio. Obsecro te, erudire Le-

272 DISPUT. DE LIBERO ARBITRIO  
ctor, huc mentem aduerte. Contendit Euodius Dei  
præscientiam humanæ voluntati *fixam & ineuitabilem*  
necessitatem asserere, quâ ad vnum ita constringatur, vt  
aliud velle non possit. Hanc obiectionem ex profanâ  
Philosophiâ accersitam vt confutet S. Augustinus, id  
pugnat vnum, præscientiam Dei non inferre voluntati  
coactionem internam, quâ fiat vt volitio non sit volitio.  
Hocce est Euodij argumentum refellere? an nugari  
potius, aut præuaricari? Esto, coactionem eiusmodi Di-  
uina præscientia voluntati non imprimat. Quid illud  
Euodij argumento, quid Ciceronis, & Philosophorum  
obiectioni incommodat? Nihil sanè. Neque enim id  
eorum aliquis negauit vnquam, neque eos negasse tra-  
didit Augustinus. Quid ergo tam multis probat quod  
ad quæstionem non pertinet, quòdque si efficiat, ho-  
stes suos nihil læserit? Quid illud omittit, quod con-  
trouersie caput est? Nimirum, falli eos, cum aiunt ex  
Dei præscientia fixam, & ineluctabilem in volitiones  
nostras necessitatem deriuari? quòdque nisi probaue-  
rit, vincet Cicero, vincent Ethnici Philosophi, & ipsius  
etiam, quis credat? noui Doctoris iudicio vincent. Sta-  
bit enim quod vnum illi contendunt; nimirum, iustè  
puniri peccata non posse, quæ Deus futura præsciuit.  
Stabit, inquam, illud, & noui Doctoris iudicio fir-  
missimè stabit; quia fatetur ipse peccandi necessita-  
tem, quæ ex Dei præscientia manaret, peccatum ex-  
cusare.

Vana esset igitur, enervis, & inepta tota hæc S. Au-  
gustini disputatio, si, vt Aduersarius contendit, id pro-  
barèt vnum, Diuinâ præscientiâ non effici vt volitio  
non sit volitio. Sed aliam longè sanctissimi Doctoris  
mentem extitisse, cum integra disputationis series, tum  
singula eius argumenta apertè conuincunt. Probant  
enim illa nec Adami, nec aliorum hominum volunta-  
tem ex diuina præscientia simplici necessitate affari.  
Primum petitur ex libertate ad vtrumlibet, quâ Deus  
extra



extra se operatur, quæ profectò Diuinâ præscientiâ lex-  
 di non potest. *Nonne, inquit, canes ne tibi dicatur etiam  
 ipsum quacunque facturum est, non voluntate sed necessitate  
 facturum, si omni: quorum Deus præsciens est necessitate fiunt,  
 non voluntate?* Quid efficacius dici potest, vt vincatur,  
 libertatem illam ad vtrumlibet, quam primo homini  
 Aduersarius concedit, diuinæ præscientiæ certitudi-  
 ne, non fuisse vulneratam? Secundum S. Augustini  
 argumentum quod explicui superiùs, his verbis com-  
 prehenditur: *Cum Deus sit præsciens voluntatis nostræ, cu-  
 ius est præsciens ipsa erit.* Recordare voluntatis nomen à  
 S. Augustino contra Manichæos præsertim scribente  
 sic vsurpari, vt necessitatem omnem excludat: & hoc  
 argumento inuictè concludes, Adamum sine vlla ne-  
 cessitate peccasse; quia sine necessitate peccaturû Deus  
 præsciuerat. Tertium illustri exemplo continetur. *Si-  
 cut, inquit, memoriâ tuâ non cogis facta esse, qua præter-  
 ierunt, sic Deus præscientiâ suâ non cogit facienda qua fu-  
 tura sunt.* Nunquid illud efficit, Diuinam præscientiam  
 simplicem ad peccandum necessitatem Adamo non  
 imposuisse? Quid ergo Aduersarius clamat S. Augusti-  
 num hoc loco id vnum demonstrare, Diuinâ præscien-  
 tiâ non effici vt volitio non sit volitio?

Hæccine est lux illa, quam S. Augustini doctrinæ at-  
 tulisse dicitur? Nescio ego quid sit tantum Doctorem  
 interpolare, & tela, quibus coniuratos Catholicæ ve-  
 ritatis hostes petir, retundere: si hoc non est. Et tamen  
 Aduersarius hanc interpretationem suam nouæ de li-  
 bertate opinionis fundamentum esse voluit. O ruinosæ  
 opinionis ruinosius fundamentum! Si Augustinianæ  
 disputationis scopum, si suam ipse sententiam inspe-  
 xisset diligentius, ne ad leuem quidem opinionis no-  
 uæ confirmationem hunc locum adhibuisset. Nam licet  
 illi assentirer, S. Augustinum libertati vniuersim sum-  
 ptæ, prout Deo, Angelis, & hominibus conuenit, so-  
 lam coactionem opponere; fateri tamen ipse cogere-

274 DISPV. DE LIBERO ARBITRIO  
tur, nihil huic sententiæ præsidij ex hoc S. Augustini  
loco accedere. Quia non hîc agit de qualibet liberta-  
te, sed de illa tantum, quæ Adamo & lapsis hominibus  
necessaria est, ut peccare, & ob peccata iustè puniri  
possint. Quam libertatem cum Diuinæ præscientiæ cer-  
titudine conciliare non potest, quin ostendat, ne sim-  
plicem quidem necessitatem Diuinâ præscientiâ vo-  
luntatibus nostris imponi. Dei enim præscientia, quod  
ex nouæ opinionis decretis certum est, libertatem illam  
non coactione tantum internâ, sed etiam simplici ne-  
cessitate illatâ perimeret.

Estne aliquid quod tam exploratæ veritati Aduer-  
sarius opponat? Vnum omnino: sed quod ille palmare  
arbitratur. Ait S. Augustinum hoc tantum contende-  
re, Diuinâ præscientiâ non impediri quin voluntas fiat  
cùm volumus. At idem est, inquit, voluntatem fieri  
cùm volumus, & illam esse volitionem; Ergo hoc vnum  
contendit, Diuinâ præscientiâ non effici quominus vo-  
litio sit volitio. Nititur hæc obiectio celebri alterâ noui  
Doctoris cauillatione, cui euoluendæ sectionem inte-  
gram placet impendere.

## SECTIO II.

*Refellitur altera Aduersarij cauillatio, quâ ait, vo-  
litiones prorsus omnes esse in libera voluntatis po-  
testate; quia fiunt cùm volumus.*

CLARA est per se hæc quæstio, & expedita. no-  
uus tamen Doctor tantum argutijs potuit, ac  
præstigijs, ut, quod veneficæ factitare solent, sereno  
cælo nigrantem ac densam caliginem induxerit. Sic  
planè ut qui eius de ea re scripta legit, sibi obscura sub  
nocte per umbras ingredi videatur. Quare laborandum  
mihi in primis est, ut dicendi perspicuitate, & rerum



ordine lucis aliquid huic loco accersam. Hoc si fecero, caliginosa Aduersarij argumenta, in quibus victoriæ spem collocat, natalibus cum tenebris sponte euanescent.

## PARAGRAPHVS I.

• *Hæc S. Augustini definitio, Illud est in nostra potestate, quod fit cùm volumus, à multiplici fuso purgatur.*

SI Augustinum audimus, inquit Aduersarius, illud est in nostra potestate, quod fit cùm volumus. Audimus verò, atque illud exploratum esse profiteamur. Sed quid istud nouo dogmati commodat? nimirum inde sequitur amorem beatificum esse in potestate Beatorum; quia fit cùm volunt: productionem Spiritus sancti esse in potestate Patris ac Filij; quia est, cùm volunt. nam cùm voluntate seu volentes producant, sanè producant cùm volunt: denique volitiones omnes etiam necessarias esse in nostra potestate, quia fiunt, cùm volumus. Qui hæc legis, mirum si bilem continere potes. Quid enim? an non hîc tibi vniuerso videretur humano generi illudere, qui sic argutiarum fuligine notissimam liberæ potestatis notionem obscurat. Quis vnquam homo hæc verba: *Illud est in potestate mea, quia fit cùm volo*, vsurpauit alia mente, quàm vt indicaret se id, de quo loquitur, nulla necessitate facere, aut velle facere: sed posse facere, & posse non facere: necnon pariter posse velle, & posse non velle facere. Id vsque adeo certum, vt nulla hætenus tam apertæ veritati doctorum paucitas, nulla indoctorum turba reclamaret.

Libro 6. de  
Grat. Chri-  
sti cap. 5. 35.

Confirmatur primò: Ex publicâ humani sermonis consuetudine hæc propositio: *Illud est in potestate nostra, quod cùm volumus, facimus*, oppositam quoque in-

cludit, & cum volumus, non facimus. unde S. Augustinus, & si aliquando vnam tantum oppositionis partem commemoret, quod ex communi usu aliam etiam inuoluat: scilicet tamen utramque exprimit, & coniunctas profert, ut magis exquisitam liberæ potestatis notionem tradat. sic l. de Spiritu & litt. cap. 31. *Hoc quisque in potestate habere dicitur, quod si vult, facit, si non vult, non facit.* Et l. 3. contra Felicem cap. 3. *qui legem seruare non vult, in potestate eius est seruare si velit.* Quod & aliis in locis obseruauit, à me superius sectione I. §. I. indicatis. qui omnes persuadent apud S. Augustinum, idem esse quod fit cum volumus, & quod fit, cum ita volumus, ut possimus non velle.

Confirmatur 2. promiscuè usurpantur à S. Augustino ad liberam potestatem explicandam cum volumus, & si volumus: at particula dubitativa, si, cum suspensum, & indifferentem voluntatis nutum significet, tunc tantum adhibetur, quando voluntas neutri addicta parti, in utramvis inclinare potest. si autem vni sit necessariò affixa, non dicitur si velit, quia dubium non est, quin velit: sic de Patre & Filio non dicitur: Possunt producere Spiritum sanctum, si velint; quia dubium non est, quin hoc velint, cum necessariò velint. At de Deo dicitur: Potest creare mundum alterum si velit; quia cum hoc velle possit, & non velle, dubitari potest an velit; ergo à pari tunc tantum dicitur hoc fit cum volumus, cum illud non necessariò volumus.

Cuius rei primariam rationem paulò altius repeto. Solent homines à notioribus ad ignota assurgere, & per illa quæ certissimè sciunt esse in nostra potestate, ea cognoscere de quibus non ita constat. Quod ut fiat, duo requiruntur. Primum, ut prius illud ex quo aliud metimur, sit in nostra potestate. Secundum, ut aliud ex isto ita pendeat, ut hoc posito statim fiat, non posito non fiat. Ita princeps qui satellites dicto audientes habet, quibus imperauit ut statim atque



innuerit, captiuum interficiant, dicere potest: Liberum est mihi huic captiuo vitam eripere; quia si innuero, statim interficietur. Quod cum ait, probat sibi esse liberam captiui mortem, quia nutus ex quo illa pendet, sibi maximè liber est. At si ponas dæmonem, vel Angelum principis, de captiui morte nihil cogitantis, caput mouere, & fatalem illum nutum edere, mors captiui, quæ statim sequetur, non erit principi libera. Quia licet illo annuente interfectus sit, nutus tamen ille in eius potestate non fuit. Ergo cum ait, liberum est mihi huic captiuo vitam eripere, quia si innuero interficietur, supponit sibi liberum esse innuere, & non innuere; idemque est, ac si diceret, quia si liberè innuero interficietur. Iam ad rem propiùs accedamus. Vt solent homines ex nutu, quem maximè sibi liberum esse sentiunt, externarum rerum, quæ alterius sibi subditi operâ fiunt, libertatem metiri: ita illas quæ à se tantùm pendent, ex voluntatis libertate æstimant, dicuntque: *Illud est in nostra potestate; quia fit cum volumus*, supponentes nimirum, esse in sua potestate velle, & non velle. At si ponantur necessariò velle; iam quod sequitur illam voluntatem, non est ampliùs in eorum potestate, ut cum ponuntur necessariò innuere, quod ex illo nutu pendet, non est ampliùs in eorum potestate. Quare quod aiunt, illud est in potestate; quia fit quando volumus: idem est ac si dicerent, quia fit quando liberè, & cum indifferentia volumus. Vna hac observatione nouæ opinionis fuligo discutitur. Nam licet Beati Deum ament: & Pater & Filius Spiritum sanctum producant, quando volunt; tamen actiones illæ in eorum potestate non sunt, quia non fiunt, quando liberè, & cum indifferentia volunt.

Continere non potuit nouus Doctor quin hîc quoque causam suam proderet. Docet l. 6. de gratia Christi c. 5. motus voluntatis indeliberatos non esse in nostra potestate. At ne quis ex eius pronunciatis ita ob-

liceret: Illud est in nostra potestate quod fit cùm volu-  
mus: Motus indeliberati voluntatis fiunt cùm volu-  
mus; fiunt enim volendo, seu voluntate: ergo motus  
indeliberati voluntatis sunt in nostra potestate: conti-  
nuò occupat, atque motus illos non fieri cùm volu-  
mus. *Tunc enim, inquit, velle aut nolle dicimur, non cùm  
illis motibus percellimur, sed cùm illis assentimus, aut dis-  
sentimus.* Dici non potest quantam hac assertionem suo  
dogmati perniciem intulerit. Nam inde colligitur ad  
liberam potestatem satis non esse, vt qualibet volitione  
velimus, sed illam requiri quæ propriè voluntas est,  
quæque strictè loquendo volentes denominat. Vnde  
sequitur Beatos Deum non amare quando volunt: &  
Patrem ac Filium Spiritum sanctum non producere,  
quando volunt. Quia vt paulo antè multiplici SS.  
PP. auctoritate demonstraui, amor beatificus, & pro-  
ductio Spiritus sancti, cùm non oriantur à voluntate vt  
voluntas est, sed vt natura, non sunt propriè volunta-  
tes, nec volentes denominant. Quamobrem S. Thomas  
q. 2. de potentia art. 3. quod SS. Patres, atque adeo ipse  
S. Augustinus aduersus Arrianos statuebant, Patrem  
æternum neque volentem, neque nolentem genuisse,  
sed naturâ: illud ipsum de Patre ac Filio respectu Spi-  
ritus sancti docet: nimirum, neque volentes, neque  
nolentes produxisse, sed naturâ. Indidem sequitur  
amorem sui in Deo, non produci cùm vult; quia non  
oritur ab eius voluntate, vt voluntas est, sed vt natura.  
Quæ omnia superiùs fusè admodum, ac validè proba-  
uimus.

Quamuis ista sufficiant ad depellendam nouæ opi-  
nionis caliginem, & Incredibiles tricas, quibus hanc  
quæstionem implicat, expediendas: libet hic tamen  
pressiùs insistere, ac latebras eius omnes, & angulos  
scrutari, vt ex hoc quasi specu eiecta, lucem, quam re-  
fugit, patì cogatur. Fiet hinc paulò prolixior disputa-  
tio, sed prolixitas integra, vt spero, victoria pensabitur.



Observandum 1. hæc S. Augustini verba, *voluntas fit cùm volumus*, duplicem interpretationem pati. Prima est, voluntas fit, cùm volumus aliquid: ita ut verbum *volumus* non habeat pro obiecto volitionem ipsam, sed aliquid aliud. Quomodo dicimus, visio fit cùm videmus, nempe cùm videmus obiectum externum, non verò visionem ipsam. Secunda est: voluntas fit cùm volumus illam fieri, seu cùm volumus velle.

Prima conclusio: cùm S. Augustinus ait: *voluntas est in nostra potestate, quia fit cùm volumus*. Priore sensu non sunt accipienda hæc verba, *cùm volumus*: sed posteriore. Probatur 1. quia ita accipiuntur eadem verba cùm hanc liberæ potestatis definitionem rebus externis accommodamus. Sic dicimus, motus pedis est in mea potestate; quia fit cùm volo, id est, cùm volo illum fieri. Probatur 2. ex S. Augustino. *Non dicimus*, inquit l. 2. retract. c. 1. *esse in nostra potestate, nisi quod cùm volumus fit: ubi prius, & maxime est ipsum velle. sine ullo quippe internallo temporis præsto est voluntas ipsa, cùm nolumus.* Quo loco, ut nemo non videt, verbum illud *volumus* imperium aliquod importat, ad quod voluntas, seu volitio, statim præsto fit: ergo illam respicit, ac proinde sensus est: præsto est voluntas, cùm volumus illam esse. Probatur 3. quia aliàs liberæ volitiones non essent in nostra potestate: neque enim fiunt, cùm volumus, primo illo sensu, sed potius cùm nolumus. Quo loco non levis Aduersarij cespitatio paucis castiganda est. Ait l. 6. de gratia Christi c. 35. Beatos posse cessare ab amore Dei: at id eos nolle. Quam volitionem esse in eorum potestate probat his verbis: *Quæ volitio quia semper cùm nolunt præsto est, & maxime semper præsto est, hinc maxime quoque est in eorum potestate, & maxime libera.* Quid hoc monstri? probat volitionem esse in potestate; quia fit cùm nolunt. Hinc sequitur potius non esse in potestate; nam ut millies inculcat, ac præsertim cap. 5. eiusdem libri, *liberum non est quod fit cùm nolumus*: at illa no-

280 DISPUT. DE LIBERO ARBITRIO  
litio fit cùm nolunt, ergo libera non est.

Hic quæso gradum siste, & in nouam opinionem oculos reflecte. An non videtur tibi primo illo, quem refellimus sensu, S. Augustini verba interpretari, cùm ait *volitionem omnem esse liberam, quia fit cùm volumus?* Multa sanè id persuadent. Primò, quòd eius auctor l. 6. de gratia Christi cap. 4. 5. 6. in quibus istam quæstionem pensiculatè examinat, ne semel quidem moner, hæc verba, *voluntas fit cùm volumus*, sic esse exponenda: *fit cùm volumus velle*. Imò ita loquitur semper, vt nemo dubitet huius propositionis sensum esse, voluntas fit cùm volumus obiectum. Atque illud ipsum est quod minùs cautis negotium facessit: nam cùm audiunt aliquem ex illâ sectâ magnificè intonantem: Ex Augustino illud est in potestate nostra, quod fit cùm volumus. Tum ita assumentem: At Beati Deum amant cùm volunt, quia amare est quoddam velle. Hic hærent attoniti, & latentem in ambigua huius vocis *cùm volunt*, significatione fraudem non vident.

Secundò, quia ideo probat nolitionem esse liberam, quòd fiat cùm nolumus. Quo loco illud *nolumus*, non respicit ipsam nolitionem, ita vt sensus sit: nolitio est libera, quia fit cùm nolumus illam esse; ergo neque cùm ait: volitio est libera, quia fit cùm volumus: sensus est, quia fit cùm volumus illam esse. Non diffiteor Adversarium nonnunquam innuere, requiri ad volitionem liberam, vt fiat cùm volumus velle. Sed familiare est illi pugnare secum, & ad fucum faciendum, affirmare & negare, texere ac retexere. Neque verò id cùm dicit, sincerè dicit, ac sine fraude; quam vt retegam,

Obseruandum 1. duobus id modis intelligi posse, *voluntas libera fit cùm volumus velle*. Nam primò volumus velle consequenter, ac reflexè. quando nempe productum amorem consideramus, placètque nobis, ac volumus sic velle. Ita Beati reflexo amore amorem suum probant. Secundò volumus velle antecedenter,

aut



aut quasi antecedenter, quando ideo volumus, quia volumus velle.

Secunda conclusio. Hæc S. Augustini verba, *voluntas est in nostra potestate, quia fit cum volumus*, non ita sunt interpretanda, quia fit, cum actu reflexo illam volumus. Probatur primò: actus ille reflexus est posterior volitione liberâ; ergo nihil potest conferre ad eius libertatem. Probatur secundò ex S. Augustino qui l. 3. de libero arbitrio cap. 3. voluntatem liberam esse sic probat: *Nihil tam in nostra potestate, quam ipsa voluntas est. Ea enim prorsus nullo intervallo, mox ut volumus, præsto est.* Quæ posteriora verba apertè indicant illud, *cum volumus*, non fieri per actum consequentem, ac reflexum; sed potiùs se habere quasi antecedenter ad voluntatem liberam, quæ ideo in nostra potestate sita dicitur, quòd nostro quasi imperio euocata, continuò præsto sit. Probatur tertio à priori ex lib. de spiritu & littera cap. 31. ubi S. Augustinus docet liberam potestatem ex duplici parte, potestate nimirum, ac voluntate ita constari, ut voluntas sit quasi forma, quâ libera potestas completur, ita ut si accedat, continuò fiat quod est in potestate. *Quid igitur, inquit, vultis querimus; quandoquidem hanc dicimus potestatem, ubi voluntati adiacet facultas faciendi. unde hoc quisque in potestate habere dicitur, quod si vult, facit: si non vult, non facit.* Quod lib. 1. retract. c. 22. brevius contrahit, *In nostra potestate non est, nisi quod nostram sequitur voluntatem;* Ergo volitiones liberæ, quæ sunt in nostra potestate, non præcedunt, sed potiùs sequuntur voluntatem, quâ volumus illas esse, & idcirco fiunt, quia illas fieri volumus, ut ex his verbis manifestè colligitur, *hoc quisque in potestate habere dicitur, quod si vult, facit: si non vult, non facit.* nam particula illa, *si*, appositæ verbo, *vult*, non purè conditionalis est, sed causalis locum obtinet.

Hærendum hîc rursus, & Aduersariorum fraudes discutiendæ. Aiunt nihil esse certius, quàm Pa-

trem ac Filium producere Spiritum sanctum cum volunt, adeoque cum liberâ potestate. Verum illud est verborum decipulas, & aucupia struere. Quo sensu Pater & Filius Spiritum sanctum producant, cum volunt? Duplici tantum, quorum neuter ad liberam potestatem pertinet. Primus est, quod producant amantes inuicem, ac proinde volentes: nam amare quoddam est velle. Secundus est, quod veluti reflexè productionem Spiritus sancti probent, ac velint. Fateor utroque hoc sensu Patrem ac Filium Spiritum sanctum producere cum volunt, sed inde colligi non potest productionem illam esse in libera potestate, ut ex duplici conclusione iam posita nimio plus claret. Et verò, quis non videt quàm callidè hoc loco, quàmque veteratoriè S. Augustini auctoritate Aduersarij abutantur? Ponunt primò ex sancti Doctoris mente illud esse in potestate nostra, quod fit cum volumus. Quæ verba cum multiplicem interpretationem pati possint, nec nisi vno sensu veritatem habeant, id ne lectores subodorentur, ludunt inani argutiarum pompa, & anticipem verborum notionem, quam, si bona fide agerent, enodare debuerant, implicant magis, & inuoluunt: ut persuadeant liberum illud esse, quod aliquo sensu fit quando volumus. Secundò, vociferantur nihil esse certius quàm Patrem ac Filium Spiritum sanctum producere, quando volunt, atque inde triumphabundi concludunt Patrem ac Filium habere in libera potestate productionem Spiritus sancti. Quis tam imbellè, tamque obtusum argumentandi genus ferat?

Observandum 3. duplici quoque sensu intelligi posse volitiones liberas fieri, cum antecedenter, aut quasi antecedenter volumus illas fieri. Primò, ita ut sensus sit, cum actu distincto & antecedenti illas imperamus. Secundò, cum voluntas nullâ præuiâ volitione distinctâ, sed per se ipsam determinat se ad volendum, sibi que quodammodo imperat, ut velit.



Tertia conclusio. Licet ad volitionis alicuius libertatem opus non sit, ut per aliam distinctam & antecedentem imperetur: tamen volitio omnis, quæ per aliam imperata continuò fit, libera nobis est, & in nostra potestate: & quæ sic imperata, continuò non fit, libera non est, nec in nostra potestate. Probari melius non potest hæc conclusio, quàm si dilucidè explicetur. Diuersa sunt illa duo, voluntas libera est in nostra potestate; quia quando per voluntatem antecedentem illam imperamus, continuò fit: & istud, voluntas libera est in potestate; quia quando fit, per voluntatem antecedentem imperatur. Primum verum est, secundum falsum. Sequeretur ex secundo, voluntatem omnem liberam, per aliam antecedentem imperari, nec esse liberam nisi ratione illius à qua imperatur: quod falsum esse satis commodè probat Aduersarius cap. 35. Ex primo idem non sequitur; sed illud tantum, voluntatem omnem quæ per aliam imperata continuò ad eius imperium existit, esse liberam; quod verissimum est. Quia licet illud formalis causa non sit liberæ volitionis, est tamen certissimum eius indicium. Adeoque si fingam, voluntatem, cum eam volitionem, de cuius libertate inquirimus, non habet, imperare sibi per actum distinctum, ut eam exerat, vel quando eam habet, imperare sibi, ut premat. Si volitio vi illius imperij vel exeritur, vel premitur: rectè colligam, ergo voluntas illam habet in sua potestate. Hæc mihi Aduersarius assentitur l. 6. de gratia Christi cap. 5. *Vna*, inquit, *voluntas seu volitio, aliam imperare potest voluntatem, quæ idcirco libera nobis sit; quia in potestate nostra; & idcirco in potestate nostra, quia sequendo imperantem voluntatem elicimus eam, cum volumus, & cum nolumus non elicimus.*

Adhuc figendus hîc gradus, & Aduersarij abstergenda calumnia. Ait l. 6. de gratia Christi cap. 35. Doctores Scholasticos volitionis libertatem, alia semper volitione metiri, quæ hanc imperet. *Motuum*, inquit, *volendi*

*libertatem alia voluntate quàm se ipsa metiri volunt, ut sic videlicet in metienda libertate volitionis, nunquam in ipsa illa volitione maneamus, sed sine fine sursum semper ad alteram ascendamus; ratione cuius hac postrema sit libera, dum priorem sequitur aut non sequitur, prout iusserit aut vetuerit. Iste imaginandi modus citra dubitationem in Augustini principis, secundùm quæ hîc semper loquitur, falsus est. Quos hîc Theologos Aduersarius carpit? non eos certè quos paulo antè tanta ambitione in opinionis suæ communionem asciscere conatus est. Non veteros, inquam, illos quorum se vestigiis ingredi proficitur. Sunt igitur ex recentioribus aliqui, atque ex iis maximè, ut eodem loco insinuat, qui libertatis indifferentiam præ cæteris defendunt. Sed cur eorum nomina non appellat? An indicare voluit Suarem, Vasquem, Bellarminum, Lessium, Molinam, quos ex omnibus Theologis præcipuè selegit, ut eorum scripta arroderet, quòsque ad marginem citare solet, cum in Scholasticos atrocius inuehitur. An, inquam, indicare voluit eiusmodi Theologos docere, nullam esse volitionem liberam, quæ non aliâ distinctâ, & antecedenti volitione, à quâ libertatem trahat, imperetur? At id eorum nullus aut docuit, aut scripsit. Calumniatur ergo, si tam absurdam opinionem doctissimis viris imponit, ut eos in invidiam vocet. Inde verò tam atrocis calumniæ occasionem fortasse sumpsit, quòd eorum aliqui tradiderint, volitionem illam esse in nostra potestate, quæ ab alia antecedenti imperata, continuò sequitur, quod ab illis verè dictum est, nec nisi à calumniatore in eum, quem Aduersarius exagitat, sensum trahi potest.*



## PARAGRAPHVS II.

*Traditur accuratè , quid in libera potestatis definitio-  
ne hæc verba significant , cùm volumus , atque  
inde conficitur volitiones necessarias non esse in li-  
bera potestate.*

EXCVSSI hætenus ambiguam huiusce definitio-  
nis notionem, *voluntas est in potestate; quia fit cùm volu-  
mus*, & insidias omnes, quas in variis eius acceptioni-  
bus novus Doct̃er abdiderat, in lucem protuli. Nam  
ostendi primò, ad liberam volitionem non sufficere, vt  
fiat cùm simpliciter volumus, sed requiri, vt fiat cùm  
volumus velle. Secundò, eodem nihil pertinere, vt  
volitio fiat, cùm actu reflexo, & consequenti volumus  
velle. Tertiò, neque etiam ad volitionis libertatem re-  
quiri, vt actu antecedenti & distincto imperetur. Nunc  
ad novam opinionem penitus opprimendam, duo re-  
stant quærenda. Primum est, quo igitur sensu volitio-  
nes, quæ in nostra potestate sunt, fieri dicantur cùm  
volumus. Secundum, an volitiones necessariz eodem  
sensu fiant cùm volumus: vtrumque coniunctim exe-  
quar.

Dico igitur liberas volitiones idcirco esse in nostra  
potestate, & fieri cùm volumus, quia voluntas nulla  
antecedenti necessitate constricta ita illas elicit, vt eas-  
dem possit continere. Clariùs dicam, cùm liberæ po-  
testatis definitio ad volitiones non imperatas accom-  
modatur, t̃ò, *cùm volumus*, non expressum aliquem vo-  
luntatis actum denotat, quo velimus velle; sed libe-  
ram tantùm, & omni solutam necessitate voluntatis  
determinationem, quâ se ad volendum ita applicat, vt  
possit non applicare. Quæ libera determinatio virtua-  
lis quædam est & interpretatiua volitio, quâ voluntas

vult velle, & idcirco actus, quem infert, fieri dicitur cùm volumus. Eodem sensu dicitur voluntas posse volitionem exercere, cùm voluerit: vel etiam posse omnem actum suspendere, cùm voluerit; quia nimirum  $\pi$ , cùm volueris, non expressam aliquam volitionem designat, sed liberam tantum voluntatis determinationem, quâ omnibus ad agendum præsiis instructa, nutu suo ad agendum, aut non agendum se flectit.

Probari validius hæc assertio non potest, quàm si ostendam in aliis omnibus, quæ pariter voluntas habere in potestate dicitur, non alio sensu  $\pi$ , cùm volumus, ex communi Philosophorum, Theologorum, & ipsius etiam Aduersarij opinione explicari. Lustranda ergo ea omnia, quæ immediatè voluntatis potestati subiiciuntur, ut ex iis efflorescat generalis notio liberæ illius potestatis, quæ voluntati propria est, quaque proinde potestas illa, quam in liberas volitiones habet, velut in genere suo comprehendatur. Ac primò occurrunt habitus voluntatis, qui eius ditioni atque imperio immediatè subduntur, nam ut vulgò Philosophi atque Theologi definiunt post Commentatorem in librum 3. de anima, & S. Thomam 1. 2. quæst. 4. art. 3. *Habitus est, quo quis agit cùm volueris.* Quis porro neget hanc sententiam: *voluntas habet in potestate sua volitiones liberas, quia cùm vult eas producit, esse isti per similem: voluntas habet in potestate sua habitus suos, quia cùm vult illis utitur.* At nouus Doctor libro 5. de Hæresi Pelagiana cap. 19. Et libro de gratia primi hominis cap. 15. docet in hac vltima propositione  $\pi$ , cùm vult, liberam illam voluntatis determinationem significare, quâ habitum ad producendam secum volitionem ita applicat, ut possit non applicare. Ergo & in prima  $\pi$ , cùm vult, liberum voluntatis nutum designat, quo absque vlla necessitate ad volendum se applicat. Et quemadmodum Aduersarius ex communi Philosophorum,



ac Theologorum sensu docet, voluntatem, si necessa-  
riò vteretur habitu suo, non habituram illum in pote-  
state: neque de illa dici posse, *cùm vult vtitur habitu*,  
licèt eo non vteretur nisi volendo: ita & ego pugno,  
voluntatem non habere in potestate volitiones illas,  
quas necessariò producit, neque illas producere cùm  
vult, licèt non producat nisi volendo.

Simile argumentum duci potest ex eius doctrina de  
concurso Dei ad volitiones naturales exercendas ne-  
cessario. Negat enim ille physicam prædeterminatio-  
nem libro 8. de gratia Christi cap. 2. pugnâtque Dei  
concursum ad volitiones naturales exercendas neces-  
sarium, ex indole sua indifferentem esse, eoque volun-  
tatem vti, si velit: non vti, si velit. Quod ita exponit  
libro 5. de Hæresi Pelagiana cap. 19. *vt nō, si velit*, libe-  
ram determinationem voluntatis respiciat, quâ Dei  
concursum ita ad agendum applicat, vt possit non ap-  
plicare. Ergo & in præsentī negotio idem significat *nō, si velit*. Nemo est enim, qui, si communem sensum con-  
sulat, non fateatur, hanc S. Augustini propositionem:  
*voluntas est in nostra potestate, quia si volumus, est: si no-  
lumus, non est.* eundem cum ista sensum habere: *Con-  
cursus Dei generalis est in nostra potestate, quia si volumus  
eo utimur, si nolumus non utimur.* Quapropter quem-  
admodum Aduersarius alt, posita prædeterminatione  
physica voluntatem non habituram in potestate con-  
cursum Dei generalem, neque de illa verè dici: po-  
test vti concursu Dei, si velit: & non vti, si velit.  
quia necessariò vteretur. Ita & ego contendo, voli-  
tiones quæ naturali necessitate prosiliunt, non esse in  
voluntatis potestate, neque verè istud affirmari, vo-  
luntas si vult illas volitiones producit: si non vult, non  
producit. Quia nimirum necessariò illas producit.

Illustrabitur ampliùs hæc assertio ex iis quæ Ad-  
uersarius tradit libro de gratia primi hominis cap. 14.  
& 15. & libro 2. de gratia Christi cap. 4. 5. 6. 7. 8.

Quod enim toto passim opere tories inculcat, gratiam Adami in libera eius potestate fuisse positam, ita explicat, ut nihil aliud esse velit, quàm huius gratiæ usum ita poni in arbitrio voluntatis, ut illa utatur, aut non utatur: ut illud amplectatur, aut deferat: ut illi consentiat, aut non consentiat, si voluerit. Neque hîc tò, si voluerit, eodem interpretatur modo, quo cùm ait esse in potestate voluntatis, ut gratiæ necessitatem inferenti dissentiat, si voluerit; sed eo, quem verba præ se ferunt, quémque probamus, sensu: nimirum, statuit illam gratiam non asferre agendi necessitatem, sed eâ positâ adhuc esse integrum voluntari agere, aut non agere, & ut loquitur l. de grat. primi hominis cap. 14. in eius arbitratu, nutu, ac voluntate non minus esse situm, uti illo adiutorio, quàm non uti: acceptare illud, quàm repellere: illi consentire, quàm dissentire. Vnde ait voluntatem in illo priori antequam agat, quodam quasi in æquilibrio constitui, nec in vnam partem, nisi nutu suo propriâque determinatione, propendere. Quam voluntatis determinationem ab omni necessitate expeditam, appellat momentum, flexum, nutum primum in actionem, arbitratum, applicationem ad agendum. Eâque explicari docet per illa verba, si velis, cùm volueris. Itaut ex eius mente, voluntatem posse uti illa gratia, si velis, idem sit ac voluntatem positâ illâ gratiâ posse determinare se ad agendum, vel ad non agendum. Sic ille exponit quid sit voluntatem habere in potestate hanc gratiam, eâque uti si velis. Negâtque voluntatem habere hoc sensu gratiam irresistibilem in sua potestate, quia illa necessariò utitur. Hanc eius explicationem ita probo, ut eam velim ad communem liberæ potestatis notionem pertinere: adeoque hanc S. Augustini definitionem: *Hoc quisque in potestate habere dicitur, quod si vult, facit: si non vult, non facit*, cùm ad actus voluntatis non imperatos transfertur, eodem esse explicandam modo, quo Aduersarius suam hanc propositionem



positionem exponit: *Gratia sanitatis est in potestate liberi arbitrii, quia si vult, illâ utitur: si non vult, non utitur.* Ita ut utrobique *si vult*, liberum & omni necessitatis vinculo expeditum voluntatis nutum significet.

Nugabitur verò qui, ut huius argumenti vim arumpat, méque auocet aliò, mentionem hîc ingeret discriminis inter utramque gratiam: nam istud modò non agitur: integrum postea caput huic difficultati impendam. Nunc id vnum quærimus, quæ sit his vocibus, *cùm volumus, si volumus*, subiicienda notio, quando voluntati tribuuntur, respectu earum rerum, quæ immediatè eius ditioni subiiciuntur, quasque proinde distincta, & expressa volitione non imperat. Quam ego notionem ut inuestigem, ea sigillatim expendo, quæ, ex ipsius Aduersarij consensu, immediatè voluntatis potestati subduntur: nimirum, habitus, concursus Dei generalem, & gratiam sanitatis. Cùmque ille fateatur, voluntatem idcirco illa omnia habere in potestate, iisque uti cùm vult, & non uti cùm vult; quia absque vlla necessitate iis utitur, aut non utitur: sic prorsus ut vox illa, cùm vult, liberam tantum voluntatis determinationem significet, quâ absque vlla necessitate ad iis utendum, aut non utendum se determinat: hinc colligo non alium esse huius vocis sensum, cùm dicitur: voluntas habet in potestate sua volitiones liberas, quia cùm vult, eas producit. Atque ut ille contendit, dici non posse, voluntatem habitu suo, vel concursu generali, vel gratia sanitatis uti cùm vult, si necessario utatur; ita & ego pugno, illam non producere volitionem aliquam cùm vult, si producat necessariò. Quis liberæ potestatis notionem vestigans hanc explicationem, quæ facilis est, ad vulgicaptum, & doctiorum intelligentiam accommodata, S. Augustini verbis consentanea, & Theologorum omnium, atque Philosophorum sensu comprobata respuat, ut aliam confectetur, ex vnius homi-

290 DISPUT. DE LIBERO ARBITRIO  
nis fabricatam sensu, nec minus cum Philosophia at-  
que Theologia, quàm cum S. Augustini disputatione  
pugnantem.

Secundò inde probari hæc assertio potest, quòd  
volitionem liberam fieri si volumus, seu, cùm volu-  
mus, idem sit, ac fieri quia volumus, vt Aduersarius  
ipse concedit libro 6. de gratia Christi cap. 35. & ex  
pluribus S. Augustini testimoniis colligitur, ac præ-  
cipuè ex illo loco libri tertij de libero arbitrio de quo  
iam dudum digladiamur. Quid est porrò volitionem  
liberam fieri quia volumus? Aliud profectò nihil,  
quàm voluntatem antecedenti necessitate expeditam  
suo se nutu ad illam eliciendam flectere. Sic prorsus  
vt interroganti cur velit: aliud responderi nequeat,  
quàm istud: quia vult. Neque enim asserri potest alia  
superior ratio, quâ fiat vt velit. Ita sciscitanti, cur  
Adam peccauit? respondendum est, quia voluit, at-  
que hâc hærendum. Nihil enim aliud antecedens fuit  
in causa cur voluerit. Longè aliter euenit in volitio-  
nibus necessitate expressis, in quibus vltima & adæ-  
quata ratio cur fiant, est ipsa necessitas antecedens.  
Sic Beati Deum non amant, quia volunt; sed quia  
clarè & intuitiuè illum vident. Nam Dei visio est vl-  
tima & adæquata ratio cur amant. Pater etiam & Fi-  
lius non producant Spiritum sanctum, quia volunt,  
sed, quia sunt. Quò pertinet subtilis illa Iustini dispu-  
tatio quæstione 3. ad Græcos, quorum aliqui arbitra-  
bantur Deum ex necessitate naturæ agere ad extra: sic  
illos confutat: *Si Deus facit, quia est, necessario facit: sin-  
facit, quia vult, liberè facit. Liberè enim faciens facit quan-  
tum vult, & qualia vult, & quando vult.* Vnde conclu-  
dit: Deum non agere quia vult, si agit quia est. At Pa-  
ter & Filius producant Spiritum sanctum quia sunt,  
siquidem naturaliter producant; ergo non producant,  
quia volunt. Hæc plurimùm illustrantur ex doctrina  
S. Thomæ 1. 2. q. 10. 2. 1. quàm ita Caietanus in eun-



dem locum exponit: *Causa libera ut sic non est talis causa, qualis est natura. Hæc enim est causa, quia est, ac per hoc, est causa determinata ad unum. Illa verò causat quia vult, ac per hoc, est causa libera ad utrumlibet. Tum: voluntas utriusque cause rationem habet. Nam quatenus res talis est, per modum natura causalitatem habet, quidquid enim causat aliquid, quia talis res est, naturaliter causat illud. Quatenus verò electiva est, per modum proprium, id est liberè à proposito ad utrumlibet causalitatem habet. Quidquid enim causat, quia vult, liberè causat. Ergo voluntas humana, quæ ut ait S. Thomas in corpore articuli, in bonum in communi naturaliter tendit, non illud amat, quia vult, ac proinde neque cùm vult. Voluntas etiam Diuina, quæ Spiritum sanctum naturaliter producit, non illum producit quia vult; atque adeo neque cùm vult.*

Sed nihil æquè hanc explicationem commendat, ac singularis eius consensus cum illa S. Augustini disputatione, ex qua hæc est accersita liberæ potestatis definitio, quæque, ut superiori sectione ostendimus, immani corruptela ab Aduersario laceratur. Nam primò quod initio illius libri tertij de libero arbitrio S. Augustinus docet: *Motum illum quo voluntas ab incommutabili bono auertitur, non fore voluntarium, & in nostra potestate, si eius natura talis sit, ut eo necessariò moneatur.* Illud, inquam, quod nouam opinionem manifestè perimit, quàm facilem habet, quàmque expeditam in hac sententia explicationem? Nimirum, si motus ille naturali necessitate existeret, voluntas illum produceret quia est, non quia vult, ac proinde non fieret cùm volumus, nec esset in nostra potestate. Quemadmodum ex Aduersarij opinione, si voluntas vteretur necessariò habitibus suis, non eos haberet in potestate, nec dici posset: *Tu pœtur cùm vult*, licèt non vteretur nisi volendo. Deinde S. Augustinus contendit idcirco Diuinâ præscientiâ non violari libertatem illam, quæ

292 DISPUT. DE LIBERO ARBITRIO  
primo homini, & nobis ad peccandum necessaria est,  
quia præscientia non impedit quominus voluntas, quâ  
peccamus sit in nostra potestate, fiatque cum volumus.  
Quæ verba in opinionem suam trahere Aduersarius  
non potest, quin integram S. Augustini disputationem  
neruis ac robore spoliata eius hostibus ridendam pro-  
piner. At illa quantum ex nostra explicatione lucis,  
quantum roboris accipiunt? Nimirum, sensus est id-  
circo præscientiam non lædere libertatem ad peccan-  
dum necessariam, quia non imprimit voluntati ante-  
cedentem necessitatem, quæ illam ad vnum affigat;  
Quemadmodum si dicerem, Diuinâ præscientiâ non  
impedit quominus habitus, concursus Dei generalis,  
& gratia naturæ integræ sint in voluntatis potestate,  
iisque vtatur cum voluerit: hoc profectò ex Aduersarij  
opinionem affirmarem: Dei præscientiam homini ante-  
cedentem necessitatem non imponere, quæ efficiat vt  
voluntas habitibus, concursu generali, aut gratiâ sani-  
tatis necessariò vtatur.

Atque hæc interpretatione positâ, sua constat Au-  
gustinianæ disputationi vis. Nam primò inuictè illud  
demonstrat, quod controuersix caput est, quòdque  
vnum Euodius, & profani Philosophi, quorum ille  
partes agit, negabant: nempe, simplicem ex Dei præ-  
scientia in voluntates nostras necessitatem non deriuari.  
Deinde, clarissimè etiam efficit, iustè Deum punire  
peccata, quæ futura præsciuit. Hæc, inquam, duo  
quibus quæstionis cardo vertitur; quæque S. Augu-  
stinus susceperat probanda, manifestè demonstrat, si  
hæc eius verba, *cum volumus*, dicto iam sensu exponan-  
tur. At si iisdem notio alia affingitur, inanis est, ac  
ridicula tota hæc Sancti Augustini disputatio, vt  
superiori sectione ostendimus. Quis igitur hanc li-  
beræ potestatis explicationem, quam Augustinianæ  
disputationis apices ferè singuli exigunt, quam Phi-  
losophi omnes, ac Theologi probant, quàmque Ad-



uersarius ipse respuere non ausit, quin plurima opinionis suæ placita conucllat: quis, inquam, hanc explicationem repudiet, vt aliam amplectatur, quæ integram S. Augustini disputationem labefactat, quæ communem mortalium omnium sensum percellit, quæ certiora moralis Philosophiæ principia subruit, quæquo nec intelligi, nec explicari potest?

Fregimus tandem formidabilem illam machinam, quam tanto verborum sententiarumque apparatu, ex hoc S. Augustini loco, *voluntas fit cum volumus*, nouus Theologus extruxerat. Et ita fregimus, vt ex eius decretis firmiora ad illam labefactandam argumenta ducta sint. Placet indidem dilucidam nostræ sententiæ explicationem arcessere. Nam fatale nouo Doctori est, vt nobis arma, ad suam opinionem configendam; ita & lucem, ad nostram confirmandam suppeditare. Docet, vt antè retuli, his in sententiis: *Gratia sanitatis est in potestate liberi arbitrij, quia illa vitur, cum vult, & cum vult non vitur*. Item: *Habitus voluntatis sunt in eius potestate, quia illis vitur cum vult, & cum vult non vitur*. Postremò: *Generalis Dei concussus ad volitiones naturales exercendas, est in potestate voluntatis, quia illo vitur cum vult, & cum vult non vitur*. Docet, inquam, his in sententiis id, cum vult, liberam illam voluntatis determinationem significare, quâ absque vlla necessitate ita se ad volendum applicat, vt possit non applicare. Atque hanc determinationem antecedere ait volitionem ipsam producendam: naturâ nimirum, non tempore. Hinc l. de gratia primi hominis cap. 14. & 15. & l. 2. de gratia Christi cap. 5. 6. 7. 8. illam vocat, *arbitrij imperium, ad quod sequitur motus voluntatis: nutum primum in actionem: momentum, motum, & flexum voluntatis volitionem inferentem*. Quæ sic amplector, vt ea velim pertinere ad volitiones omnes, quas voluntas dicitur habere in potestate, & producere cum vult.

Voluntas igitur libera positis omnibus ad agendum prærequisitis tam vni potest, quàm alteri parti se addicere. At cùm nutus eius accedit, qui illam ad volendum inclinat, tunc dicitur liberè hanc volitionem elicere, quia illam elicit, quando vult, nutus enim ille est virtualis quædam volitio, quâ vult velle. Qui nutus si comparatur ad volitionem, quam præ non-volitione importat, electio quædam est. Si cum ipsa voluntate confertur, quam pendentem, & ad vtrumlibet ancipitem ad vnum contrahit, determinatio voluntatis appellatur. Si rursus ad volitionem refertur, quæ continuò ad hunc nutum præsto est, imperium quoddam dicitur, sed efficax & perfectum, de quo S. Thomas 1. 2. q. 17. ad 1. *Animus quando perfectè sibi imperat ut velit, tunc iam vult.* Atque illud ipsum est, quod S. Augustinus ait l. 3. de libero arbitrio cap. 2. *voluntas*, id est libera volitio, *nullo intervallo mox ut volumus præsto est.* Voluntas verò si spectetur in illo priori, quo omnibus ad agendum præsidii instructa neutram adhuc in partem se flectere intelligitur, tunc dicitur habere dominium in actus suos. Quia, ut notat Heruzus in 2. dist. 25. *Habere dominium sui actus, est habere in potestate determinare suum actum.* Sicque illa volitionum suarum habenas, clauum, gubernaculum tenet, ut cum Cyrillo loquar l. 3. & 8. in Iulian. vel potius ut Augustini verbis utar l. 3. de libero arbitrio cap. 1. potest *huc atque illuc detorquere quendam quasi cardinem voluntatis sue.* Adeòque hoc in statu bilanciæ quandam adumbrat, de qua Basiliius Homil. in Psal. 61. *Vnicuique nostram inius inest statera quædam à conditore nostro fabricata.* Hinc est, quòd voluntati ad vtrumlibet ita suspensæ dicitur: *Ad quod volueris extende manum tuam.* cùmque illa nutum suum, veluti manum quandam, extendit, & vni quasi huius stateræ lanci admouet, tum illam, suis antè libratam momenti, ad vnâ partem inflectit; sicque voluntas so-



solâ ad agendum se applicat, vt verè illud ab Augu-  
stino dictum sit l. 2. de libero arbitrio cap. 19. *Noli  
mirari si cæteris per liberam voluntatem utimur, etiam ipsâ  
liberâ voluntate, per eam ipsam uti nos posse, ut quodam-  
modo se ipsâ utatur voluntas, qua utitur cæteris.*

Lucem hinc accipiunt duæ liberi arbitrij definitio-  
nes à Theologis vulgò usurpatæ. Prima, quam Alber-  
tus & plerique veteres Theologi amplectuntur, est illa  
quæ S. Petro tribuitur in Itinerario Clementis disput.  
2. contra Simonem Magum. *Liberi, inquit, arbitrij  
potestas est sensus anima habens virtutem, qua se possit ad  
quos velis actus inclinare.* Quid aliud important hæc  
verba, ad quos velis, quàm nutum illum voluntatis,  
quo ex pluribus actibus, quos peræquè elicere posset,  
vnum sibi præ alio imperat? Secunda eâque celebra-  
rima his verbis concipitur à Ruperto Holkot libro 1.  
sent. q. 3. art. 2. *Libertas est potestas, quâ voluntas con-  
currentibus omnibus causis requisitis ad suum effectum, ha-  
bet quodâ possit cum iis coagere, & ponere actum suum in  
affectum, vel non ponere, sicut ei placuerit.* Quid aliud po-  
steriora hæc verba designant, quàm eundem volunta-  
tis nutum, quo absque vlla necessitate vni potiùs quàm  
alteri parti se addicit?

#### SECTIO IV.

*Tertia Aduersarij cauillatio depellitur, quâ docet esse  
in potestate voluntatis eos actus suspendere, quos  
omnimodâ atque adeo naturali necessitate producit.*

**M**YSTICAM tandem noui dogmatis caliginem  
ingredimur, in quam Aduersarius, quem pres-  
so hætenus vestigio sumus insecuti, sese immergit,  
vt tenebras ponat latibulum suum, & contra impetus  
nostros suâ se nocte defendat. Non tantùm docet vo-

296 DISPUT. DE LIBERO ARBITRIO  
 litiones naturali necessitate profusas esse in potestate voluntatis, & ab illa fieri cum vult: sed etiam contendit esse in potestate voluntatis easdem premere, idque illam posse cum vult. Sic ait, esse in potestate Beatorum Deum non amare; quia si vellent, non amarent. Item, esse in potestate hominis gratiae consensum necessariò inferenti non assentiri; quia si vellet, non assentiretur. Adeòque esse etiam in potestate Patris ac Filij Spiritum sanctum non producere; quia si vellent, non producerent.

Libro 6.  
 de Gratia  
 Christi  
 cap. 35.

Eodem li-  
 bro. cap.  
 36.

Quis crederet tam absurda ab homine non imperitissimo defendi posse, nisi hanc opinionem suam exposuisset clarissimè, & pluribus operis sui locis, ad illustre ingenij, & doctrinæ monimentum consignasset? Audi loquentem de illa volitione, quâ Beati, clarè & intuitivè Deum videntes, illum amant. *Possent, inquit, volitionem suam mutare, si vellent.* Iterum: *Abruptio seu cessatio illius voluntatis est in potestate, quia fit, cum vult. Sed si non velint, defectus oritur ex voluntate, non potestate.* Et alibi, cum dixisset Scholasticos idcirco non audere volitionem illam, quâ Deum etiam clarè & intuitivè visum necessariò amamus, liberam pronunciare; quia ut illis videtur, *non est in potestate nostras; non sumus illius domini; non possumus illam suspendere cum libet:* Respondet: *illa omnia esse falsa. Est enim, inquit, in potestate nostra, sumus eius domini, suspendimus eam quando volumus: sed si nolumus, & constanter nolumus eam suspendere, hoc propriè non arguit defectum potestatis, sed voluntatis.* Hinc deducit arcanam illam responsionem, quâ ut Concilij Tridentini fulmina eludat, ait hominem posse dissentiri gratiæ necessitatem imponenti: nimirum, hoc potest, inquit, si velit.

Hæc sunt arcana novæ opinionis mysteria, quæ enulgasse, refutasse est. Tantùm enim à communi sensu abhorrent, ut ab homine prudenti, & non penitus indocto, legi non possint, quin ea auerferur, & istud



istud S. Augustini vsurpet ex libro i. de peccatorum meritis cap. 36. *Ego autem puto quòd omnes, quorum mentes non obnubilat defendenda sua sententia peruicacia, hac sentire non possunt.* Constat illud certè, cùm hanc noui dogmatis latebram, quam primò sibi Wicleffus foderat, quàmque Lutherus in summa rerum suarum desperatione arripuit, rationibus aliquot, quasi totidem facibus illustraui.

## PARAGRAPHVS. I.

*Inanis hac argutia multiplici ratione, ipsius Aduersarij testimonio, & S. Thomæ auctoritate reuincitur.*

REFELLITVR primò ex pluribus absurdis, quæ inde necessariò deducuntur. Sequitur enim, Deo liberum esse, atque in eius potestate situm mentiri, peccare, amare iniustitiam, odisse se ipsum; quia tam verè dici potest: Deus mentiretur, peccaret, amaret iniustitiam, odisset se ipsum, si vellet: quàm verè dicitur: Beati cessarent ab amore beatifico, si vellet: homo dissentiretur gratiæ necessitatem inferenti, si vellet: Pater & Filius suspenderent productionem Spiritus sancti, si vellet. Sequitur ampliùs liberum esse homini amare malum, quatenus malum; quia amaret, si vellet: vel odisse bonum, quatenus bonum; quia odisset, si vellet. Item, liberum esse infanti rationis vsu carenti peccare; quia peccaret, si vellet. Imò, quod absurdus est; liberum esse lapidi peccare; quia peccaret, si vellet. Finge enim lapidem velle peccare, certè peccabit. Nam velle peccare, peccare est. Sequitur denique Tridentinos Patres cùm definierunt homini liberum esse gratiæ dissentiri: idem prorsus fecisse, ac si statuisent, Patri & Filio liberum esse Spiritum sanctum non producere. Quæ omnia tam absurda sunt, & inepta, vt hîc vnum habeam dicere,

298 DISPUT. DE LIBERO ARBITRIO  
quod simili in causa S. Augustinus affirmavit libro de  
gratia & libero arbitrio cap. 13. *Quis ita desipiat, imò  
insanias, nesciens quid loquatur, ut hec audeat dicere?*

•Libro 6.  
de Gratia  
Christi  
cap. 4.

Refellitur 2. ex ipso nouo Doctore, qui ut aliis in  
rebus, ita quoque hac in quaestione secum foedissimè  
pugnat, nulli magis metuendus, quàm sibi. Scribit  
conceptis verbis, *non esse Deo, ac Beatis liberum velle pec-  
care. Quam eius sententiam cum hac altera compono:  
Liberum est Beatis cessare ab amore beatifico.* Peto cur li-  
berum sit Beatis cessare ab amore beatifico. Respon-  
det: quia si vellent, cessarent. Hinc concludo etiam li-  
berum esse Beatis velle peccare; quia peccarent, si  
vellent. Rursus peto, quare dicat non esse liberum  
Beatis peccare. Hoc respondere vnum potest; quia  
non possunt id velle. Hinc colligo neque etiam illis  
esse liberum cessare ab amore beatifico; quia non pos-  
sunt id velle. Sic insolentis doctrinæ capita inter se  
colliduntur, & mutuis vulneribus intereunt.

Refellitur 3. ratione à priori. Iuxta communem lo-  
quendi consuetudinem, à doctis pariter & indoctis vsur-  
patam, quando dicimus de aliquo, *potest hoc si velis*,  
eo ipso affirmamus, aut saltem supponimus, posse il-  
lum id velle. Nam si non potest velle, falsò dicitur  
*potest si velis*, sed dici absolutè debet, *non potest*. Ita ab-  
solutè dici debet, Deus peccare non potest, mentiri  
non potest, se ipsum odisse non potest; Quia licèt hæc  
omnia faceret, si vellet; velle tamen absolutè non po-  
test. Et verò cùm ex SS. Augustino, & Anselmo, *om-  
nis potestas sequatur voluntatem*: quando voluntas est  
impossibilis, potestas nulla est. Ergo non est in pote-  
state Beatorum premere amorem beatificum: nec in  
potestate Patris ac Filij Spiritum sanctum non spirare;  
quia licèt id possent, si vellent; velle tamen absolutè  
non possunt.

Refellitur 4. ratione S. Thomæ, quæ siquid in hac  
difficultate caliginis remansit, absterget. Nixitur illa



explicatione huius vocis, *si*, quæ duplicem potest in eiusmodi propositionibus interpretationem pati. Potest enim primò inuoluere ordinem principij, ita vt causalis instar obtineat. Potest secundò solius consequentiæ ordinem inferre, ita vt purè conditionalis sit. Si primo accipiatur sensu, falsæ sunt propositiones illæ, de quibus conflagimus: si secundo, veræ quidem sunt, at nihil ad liberæ potestatis rationem pertinent. Vis huius argumenti emicabit, cùm S. Thomæ verba retulerò. Quærit quodlibeto 5. quæst. 2. art. 4. *Verum hæc sit falsa: Deus potest peccare, si vult.* Respondet: *Discendum quod hæc coniunctio, si, ordinem quendam importat. Potest autem in proposito duplicem ordinem importare, uno quidem modo, ordinem causæ siue principij, & hoc modo propositio falsa est: voluntas enim Dei est principium, & causæ respectu creaturarum, non autem respectu eorum, quæ pertinent ad Diuinam naturam: unde non dicimus, quod pater genuerit filium voluntate, sed naturaliter, vt patet per Hilarium in libro de Synod. Potentia autem Dei ad ipsam naturam Diuinam pertinet: unde hoc ipsum quod est posse peccare, non est subiectum Diuinæ voluntati; alioquin voluntas Dei esset principium immutationis Diuinæ, quod est impossibile. Alio modo potest importare ordinem consequentiæ, & sic hæc locutio est vera, si Deus vult peccare, potest peccare. Sequitur enim sine conditione, si argumentamur ex impossibili posito, Deus vult peccare, ergo potest peccare. Negat tamen satis illud esse, vt absolutè dicatur, Potest Deus peccare.*

Ex his S. Thomæ verbis propositum argumentum sic vrgeo. Si in illa propositione, *Pater & Filius possunt non producere Spiritum sanctum, si velint*, coniunctio, *si*, importat ordinem principij, falsa est propositio. Primò quia voluntas Dei est principium & causæ respectu creaturarum, non autem respectu eorum quæ pertinent ad Diuinam naturam. Secundò, quia posse cessare à productione Spiritus sancti, non est subiectum Diuinæ voluntati, alioquin voluntas Dei esset principium immutationis Diuinæ, quod est

300 DISPUT. DE LIBERO ARBITRIO  
*impossibile*. Tertio, quia cum in eiusmodi propositionibus coniunctio, *si*, inuoluit ordinem principij vel causæ, non tantum vera est illa conditionalis, *potest hoc, si velit*, sed etiam illa absoluta, *potest hoc*. Ita S. Thomas ibidem, *De quocumque*, inquit, *possum dicere, quod homo potest facere, si vult: potest etiam dici simpliciter quod homo potest facere illud. vnde facetur falsam esse hanc propositionem, Deus potest peccare, si vult*, quando coniunctio, *si*, ordinem principij importat, quia in illo sensu vera esse non potest, quin illa quoque sit vera, *Deus potest peccare*. Quæ tamen erronea est, & sacrilega. Ac non minus impia est ista absoluta: *Pater & Filius possunt cessare à productione Spiritus sancti*: ergo & illa: *Pater & Filius possunt cessare à productione Spiritus sancti, si velint*, cum purè conditionalis non est, sed importat ordinem principij, blasphema est & execranda.

Iam verò si in illa propositione coniunctio, *si*, solius consequentiæ ordinem includit, vera quidem est, nam posito per impossibile, quod Pater & Filius velint cessare à productione Spiritus sancti, certè sequitur; ergo possunt ab illa cessare: sed nihil istud ad liberam potestatem, de qua agimus, pertinet. Quod vniuersim sic probo. Hæc verba, *si vult hoc potest*, cum ad liberæ potestatis notionem spectant, ita explicanda sunt, vt de quocumque dicuntur, de illo quoque absolute dici possit, *hoc potest*: sed cum hæc verba, *si vult hoc potest*, solius consequentiæ ordinem inuoluunt, non ita sunt explicanda, vt de quocumque dicuntur, de illo quoque absolute dici possit, *hoc potest*; ergo tunc ad liberæ potestatis notionem non spectant. Maior probatur. Cum hæc verba ad liberæ potestatis notionem pertinent, veram complectuntur, & genuinam liberæ potestatis definitionem: Ergo ita sunt explicanda, vt de quocumque dicuntur, de illo quoque dici possit: *Hoc potest*, seu, *hoc habes in potestate*. Quia nempe definitio, & definitum conuertuntur, & cui conuenit definitio,



illi etiam conuenit & definitum. Confirmatur inductione: de Deo dicitur, si vult potest mundum creare: de illo quoque absolute dicitur, potest creare mundum: de homine sano dicitur, si vult potest loqui, currere, sedere: de illo etiam dicitur absolute, potest currere, loqui, sedere.

Probanda restat minor, quæ ex S. Thoma nullo negotio conficitur. Nam ibidem cum obiectum esset: *si hæc propositio est vera, Deus potest peccare si vult; sequitur quod hæc sit vera, Deus potest peccare: sed hoc est erroneum; ergo & primum.* Respondet: *Dicendum: quod cum dicitur, si homo vult currere, potest currere, antecedens est possibile, & ideo consequens est simpliciter possibile. sed cum dicitur sic: si Deus vult peccare, potest peccare, antecedens est impossibile, unde nihil prohibet conditionalem esse veram, consequente existente impossibili.* Hinc patet, ex veritate illius conditionalis, *si vult hoc potest*, non sequi hanc absolutam esse veram, *hoc potest*; quia vera est ista conditionalis: *si Deus vult peccare, potest peccare*, falsa tamen illa absoluta, *Deus potest peccare*. Ergo cum hæc verba, *si vult hoc potest*, purè conditionalem continent, non ita sunt explicanda, ut de quocumque dicuntur, de illo quoque absolute dici possit, *hoc potest*. Et sanè aliàs veræ essent illæ absolutæ, Deus mentiri potest, mutare voluntatem potest; quia veræ sunt illæ conditionales: Deus si vult mentiri, potest mentiri: si vult mutare voluntatem, potest mutare voluntatem. Hæc argumentatio S. Thomæ verbis contexta firmiter est, quàm ut ab Aduersariis infringi possit, aut eludi.

Refelli s. potest eadem argutia pluribus argumentis, quibus Willelmus Wildefordius similem Wiclefii cauillationem profligauit. Primò sic disputat: *Quod non est possibile, nisi sub conditione impossibili, absolute non est possibile.* Vnde licet ita argumentari. Quod fieri non potest nisi posita conditione impossibili, non est in libera potestate: at fieri non potest ut Beati Deum

302 DISPUT. DE LIBERO ARBITRIO  
clarè visum non ament, nisi posita conditione impos-  
sibili; nimirum, quòd nolint amare; ergo non est in  
libera Beatorum potestate, vt Deum clarè visum non  
ament. Secundò, idem Wildefordius ita Wicleffum  
premit: *Nec Philosophicè, nec iuridicè, nec Theologicè conue-*  
*nienter dicitur, quòd potentia dependeat à suo actu sub condi-*  
*tionem, & maxime sub conditione impossibili. Dicere ergo Deum*  
*posse hoc facere dependenter ab actu volitionis Diuinae, & ma-*  
*xime sub conditione impossibili, est omnino inconuenienter &*  
*irrationabiliter dictum.* Stringit quoque Aduersarium  
hæc ratio, vt consideranti patebit. Tertiò congerit ab-  
surda quæ ex Wicleffi opinione sequuntur. Ergo, in-  
quit, *Deum annihilare Deum secundum diuinitatem est Deo*  
*possibile, si Deus velit. & tales infames conclusiones sequuntur*  
*multæ ex hac ratione.* Demonstraui superiùs nihilo mi-  
nùs absurda ex Aduersarij opinione consequi. Liceat  
ergo mihi cum Wildefordio responsonem illam vt  
ineptam, vt iocularem, vt friuolam explodere.

## PARAGRAPHVS II.

*Eadem argutia S. Augustini auctoritate confutatur.*

Nec Aduersarium pudet tam indoctam & illibe-  
ralem fabulam S. Augustino affingere, vt eius insi-  
gnitam nomine Concilij Tridentini canonibus oppo-  
nat. Tantùm illa profectò à S. Augustini mente dis-  
sident, quantùm ipse S. Augustinus à Pelagio. Nata  
est enim illa ex simili Pelagij argutiola, quam iisdem  
ferè argumentis S. Doctor euertit, quibus ista à no-  
bis oppugnatur.

Docebat Pelagius esse in hominis potestate situm  
ab omni peccato abstinere. Atque illud inde eliciebat,  
quòd, ex omnium consensu, si nolumus non pecca-  
mus. Vnde perpetuò illud iactabat, vt refert S. Au-  
gustinus libro de gestis Pelagij cap. 6. *Potest homo, si ve-*



*lit, esse sine peccato.* Quæ verba Pelagij sententiam eius-  
que rationem continent. Nam ea si euoluas, hunc  
syllogismum conficies : Illud est in potestate homi-  
nis, quod potest homo, si velit : At potest homo, si ve-  
lit, abstinere ab omni peccato ; Ergo est in potestate  
hominis abstinere ab omni peccato. Simili etiam argu-  
mento contendebat, esse in hominis potestate, manda-  
ta Dei obseruare, quòd Ecclesiastici cap. 15. legatur,  
*si volueris, conseruabis mandata.*

Ludicram hanc & veteratoriam Pelagij ratiocina-  
tionem eodem planè modo S. Augustinus diluit, quo  
Aduersarij argutiolam superiori sectione confutauit.  
Docui primò, veram esse hanc conditionalem : *Potest  
homo gratia necessitatem inferenti dissentiri, si velit.* quia  
cùm velle dissentiri, sit dissentiri : non potest velle dis-  
sentiri, quin dissentiat. Ita docet S. Augustinus  
verè à Pelagio dici, *si nolumus, non peccamus* ; quia cùm  
homo non peccet nolens peccare, si ponitur nolle  
peccare, ponitur & non peccare. Hinc libro 2. de  
peccatorum meritis cap. 2. de Pelagianis ita loquitur :  
*Acutè sibi videntur dicere, quasi nostrum hoc vllus ignoret,  
quòd si nolumus, non peccamus.* Et libro de gratia & li-  
bero arbitrio cap. 16. concedit, *certum esse nos manda-  
ta seruare si volumus.* Docui secundò, hallucinari Ad-  
uersarium, cùm pugnat esse in potestate hominis gra-  
tia necessitatem inferenti dissentiri. Rationem hanc  
protuli, ex communi hominum sensu depromptam,  
quòd ad liberam potestatem non sufficiat, vt homo  
aliquid possit, si velit : sed etiam requiratur, vt id pos-  
sit velle. Similiter S. Augustinus ait, falsò dici de  
homine, cuius voluntatem Christi gratia non præ-  
parat, *potest esse sine peccato.* quia licèt verum sit illum  
non peccaturum, si velit non peccare : cùm tamen  
id velle non possit, absolutè falsum est, posse illum  
non peccare. Sic libro 2. de peccatorum meritis cap.  
2. vbi falsus est verè illud à Pelagianis dici, *si nolu-*

**DISPVTV. DE LIBERO ARBITRIO**  
*mus, non peccamus, continuò negat hominem absquò Dei gratia posse id velle; quia Deus est qui operatur in nobis velle. Et libro de gratia & libero arbitrio cap. 16. cùm dixisset; certum est nos mandata seruare, si volumus, mox addit: sed quia preparatur voluntas à Domino, ab illo petendum est, ut tantum velimus, &c.*

Confirmatur 1. quidquid argutiarum nouus Theologus obtendat, nunquam hanc propositionem: *Est in libera potestate Beatorum cessare ab amore beatifico, etiam manente visione beatifica*, erroris excusabit: quin hanc quoque Pelagij: *Est in potestate hominis naturali non peccare*, catholicam probat. Nam, vt nemo non videt, tam verè dici potest: Homo si ex viribus naturæ nunquam vellet peccare, nunquam peccaret: quàm verè istud dicitur: Beatus etiam posita visione beatifica, si nollet non amare Deum, non amaret. Atque adeo si illud satis est, vt Beatus dicatur habere in potestate amorem beatificum abrumpere: istud quoque sufficiet, vt homo dicatur, habere in potestate naturali non peccare. Ac proinde errauerit S. Augustinus, errauerint Patres alij, & Concilia, dum hanc Pelagij propositionem anathemate perculerunt.

Confirmatur 2. si Aduersario fides est libro 6. de gratia Christi cap. 4. ex S. Augustini mente, *non est liberum demonibus Deum diligere*. Et nihilominus tamen negare non potest, veram esse hanc conditionalem, si dæmones vellent, Deum diligere. Hæc plurimùm illustrabuntur ex simili S. Thomæ disputatione quæst. 16. de malo art. 3. quo statuit non posse dæmones ad bonum conuerti. Nam obiectionem septimam, quæ sic habet: *ista consequentia valet: possum currere si volo; ergo possum currere: sed diabolus potest conuerti ad bonum si vult, quia in ipso velle consistit conuersio; ergo diabolus potest conuerti ad bonum. ita soluit: Dicendum, quòd cùm dico, possum currere si volo, antecedens est possibile, & ideo consequens est possibile: sed cùm dico, diabolus potest reuer-*



*si ad bonum si vult. antecedens est impossibile.* Quia nimirum diabolus non potest id velle, adeoque dici non debet: potest diabolus conuerti. Ergo nec dici de Beatis debet: est in eorum potestate cessare ab amore beatifico. Nam licet verum sit posse illos cessare si velint, velle tamen non possunt.

Nunc illud S. Augustini auctoritate muniendum est, quod argumentorum omnium, quæ superiori sectione adhibui, summam continet, quodque Aduersarij hallucinationem validius retundit. Dixi communem hanc esse mortalium notionem, ut cum de aliquo dicimus, *potest hoc si velit*, eo ipso affirmemus, aut saltem supponamus, posse illum id velle. Nam si velle non potest, falsò dicitur, *potest si velit*, sed dici absolutè debet, *non potest*. Subtilissimè illud ipsum docet S. Augustinus libro 2. de Actis cum Felice Manichæo, cuius verba antequam proferam, paucis obseruandum est, quod sequenti capite fusiùs demonstrabo: Manichæos, cum aiebant, bonam animam à mala, seu gente tenebrarum cogi, ut malum velit, aut bonum nolit, non internam illam & impossibilem coactionem designasse, quæ in voluntatis facultatem cadere non potest: sed mitiorem aliam, quæ blanditiis bonam animam ita deliniat, ut non possit non consentire. Clariùs dicam, eandem à gente tenebrarum bonæ animæ vim inferri volebant, quam noua opinio voluntati efficaci gratia destitutæ à concupiscentia afferri putat. Non istud Aduersarius ipse negauerit, ut constat ex libro eius 4. de statu naturæ lapsæ c. 21. & libro 3. cap. 12. aliisque passim ex locis. Cum ergo Manichæi aiunt bonam animam cogi malæ illecebris, ut malum velit, aut bonum nolit, tu illam ipsam coactionem cogita, quam Aduersarius à concupiscentia nobis inferri credit: nimirum, illecebrastam efficaces, ut iis voluntas non possit non consentire. Nunc attende quo argumento Manichæos S. Augustinus premat. Cum dixisset c. 3. *Esse autem liberum*

*arbitrium, atque inde peccare. Quia inquit si vultis; non peccare si nolitis, non in diuinis tantum scripturis, quas non intelligitis: sed etiam in verbis Manichæi tibi probo. Capite 5. refert Manichæi verba, quibus dixerat, quosdam animas puniri quod legem seruare noluerint. Vnde S. Augustinus sic disputat: vides in his verbis confirmatum esse, etiam à nesciente quid loqueretur, liberum arbitrium. Qui enim seruare legem non vult, in potestate eius est si velit. Non enim dixit, non potuerint, sed noluerint. HOC CERTE QVOD NOLVNT SERVARE LEGEM, NON A GENTE TENEBRARVM COGVNIVR: SI ENIM COGVNTVR, NON NOLVNT, SED NON POSSVNT: si autem nolunt; non utique coguntur ut faciant, sed voluntate sua nolunt. Hoc ergo quod in eorum voluntate est, ut nolint, peccatum est certè sine ulla necessitate gentis tenebrarum.*

Singula verba diligenter expende, at hæc præcipuè: *Hoc certè quod nolunt seruare legem non à gente tenebrarum coguntur: si enim coguntur, non nolunt, sed non possunt, quæ cum superioribus contexta ingeniosissimam hanc argumentationem conficiunt. Fatetur Manichæus aliquos legem non obseruasse, quia noluerunt; ergo fateri debet illos gentis tenebrarum illecebris non ita fuisse pellectos ut necessariò noluerint: aliàs enim non dicerentur noluisse seruare legem, sed non potuisse. Nam qui dicitur nolle, seu qui non vult seruare legem, in potestate eius est si velit: At qui malæ animæ illecebris necessariò abripitur ad nolendum seruare legem, non habet in potestate eam seruare si velit. quia nempe ille tantum habet in potestate seruare legem si velit, qui potest velle seruare legem: at qui malæ illecebris necessariò abripitur ad nolendum seruare legem; non potest velle legem seruare; ergo non habet in potestate eam seruare si velit; ac proinde dici non debet, non vult seruare legem, sed, non potest. Hæc S. Augustini ratiocinatio. Ex qua manifestè colligitur, de eo, qui non potest aliquid velle, dici non debere,*



*Est in eius potestate id facere si velis, sed absolute dicendum, non potest id facere. Ergo ex mente S. Augustini de Beatis dici non debet, Est in eorum potestate cessare ab amore beatifico si velint, sed absolute dicendum est, non possunt cessare ab amore beatifico. quia nempe id velle non possunt. Quo igitur candore, qua fide Aduersarius docet, ex S. Augustini mente de Beatis non esse dicendum, non possunt cessare ab amore beatifico: sed, nolunt? Nam cum necessitas illa, quam clara Dei visio Beatis imponit ad nolendum cessare ab amore beatifico, similis sit illi, quam ex Manichæorum opinione gens tenebrarum bonæ animæ afferebat ad nolendum seruare legem: si hac positâ censet S. Augustinus non esse dicendum, nolunt seruare legem, sed, non possunt: profectò censet quoque, positâ clarâ Dei visione de Beatis non esse dicendum, nolunt cessare ab amore beatifico, sed, non possunt.*

Libro 6. de  
gratia  
Christi  
cap. 35.

Indidem alia ratio profluit, quæ vel sola nouam libertatem profligaret. Dixerat Manichæus idcirco aliquos legem non obseruasse, quia noluerunt. Hinc S. Augustinus colligit, eos gentis tenebrarum illecebris non cogi, seu pellici, vt necessariò nolint seruare legem; quia si ita cogerentur ad nolendum seruare legem, dici non deberet, *nolunt seruare legem, sed, non possunt.* Simili argumento aduersùs nouam opinionem sic disputo. Sæpiùs docet S. Augustinus homines efficaci gratia destitutos idcirco non bene agere, nec Dei mandatis obsequi, quia nolunt; Ergo censet non eos concupiscentiæ blanditiis ita cogi, & abripi ad nolendum, vt necessariò nolint; aliàs enim dici non deberent, *nolle bene agere, sed, non posse.* Hinc se Aduersarij extricare nequeunt, quin hoc S. Augustini aduersùs Manichæos argumentum infringant.

## PARAGRAPHVS III.

*Primi huiusce capituli conclusio.*

QVÆSO te, erudite Lector, mecum vestigia nostra relege, & quæ hoc capite fusè disputavi, paucis in mentem reuoca. Dedi Aduersario, quod maximè postulabat, liberum illud esse quod est in nostra potestate; sed demonstraui, adeo hanc definitionem eius nouitati nihil gratificari, vt illam certissimè perimat. Nam & multiplex SS. Patrum auctoritas, & inuictæ rationes ex natura electionis, deliberationis, & dominij accersitæ, validè conficiunt, illud tantùm esse in nostra potestate, quod peræquè possumus, & eius oppositum. Illud ipsum confirmaui ex hac liberæ potestatis definitione: *Illud est in nostra potestate quod fit cum volumus*, quam ego, cum ad volitiones non imperatas accommodatur, eodem explicandam esse sensu probaui, quo hanc propositionem Aduersarius exponit: *Habitus voluntatis sunt in nostra potestate, quia illis utimur cum volumus*. Ita vt vtroque voces illæ, *cum volumus*, liberum voluntatis nutum significant, quo absque vlla necessitate vni potius parti, quàm alteri se addicit. Quæ expositio S. Augustini verbis tam est consentanea, vt iis alia adhiberi non possit, quin integra eius disputatio de præscientia & humana libertate eueratur.

Ostendi insuper quàm periculosas, & ab communi hominum sensu abhorrentes in sententias sua Aduersarium interpretatio abripuerit. Dicere enim cogitur, quod catholicæ refugiunt aures, esse in potestate Patris ac Filij Spiritum sanctum non producere. Item, esse in potestate Beatorum amorem beatificum premere. Quibus probandis hoc vnicum S. Augustini testimonium vsurpat: *Illud est in potestate quod fit si volumus*.



quasi vox illa, *ſi*, in hac definitione ſimplicem conſequentiæ ordinem inuoluat. Quæ cum ex vulgari huius definitionis explicatione, quam pluribus probaui, facile ſoluantur, poſſum certè ſua hæc Aduerſario verba refundere ex libro 2. de Gratia Chriſti c. 29. *Mirum eſt, hominem eruditum, relictâ regiâ viâ, quæ in Auguſtini ſcriptis, oſtio tantummodo reſerato, valde manifeſta eſt, ad talia diuerticula tam noua, tam periculofa diuerrere.* Regia illa via, quam nouus Theologus deſeruit, communis eſt Philoſophorum ac Theologorum ſententia, quâ definiunt illud tantum eſſe in libera poteſtate, quod perinde fieri à nobis poteſt, & non fieri. Oſtium verò, quo ſemel aperto, manifeſta eſt S. Auguſtini de libera poteſtate ſententia, eſt explicatione vocum illarum, *ſi volumus, cum volumus.* Nam ſi illo, quem probaui, ſenſu eiufmodi verba interpreteris, nihil in S. Auguſtini lectione occurret tibi, quod communem liberæ poteſtatis notionem non confirmet.

Tria porrò ſum hoc capite conſequutus. Primò, Sanctos Patres toties nouam opinionem configere, quoties liberum illud eſſe teſtantur, quod eſt in noſtra poteſtate. Secundò, eandem ab illis perimi, cum definiunt illud eſſe in noſtra poteſtate, quod fit cum volumus. Terriò, aduerſus eandem pugnare omnia SS. Patrum teſtimonia, quibus dicitur voluntatem omnem eſſe liberam: atque idem eſſe agere liberè, & agere voluntate. Nam voluntatem ſumunt in ſtrictiori illa ſignificatione, quæ non volitiones omnes complectitur, ſed eas tantum, quæ à voluntate oriuntur vt libera eſt ad vtrumlibet.

Statueram hoc loco diſputationi finem imponere, quod hæc tria, quæ me demonſtraſſe arbitror, rationes omnes labefactent, quas Aduerſarius libro 6. de Gratia Chriſti laborioſè congeſſit, vt vinceret ſola coactione liberum arbitrium peſſundari. At cum intelligerem nouum Theologum in aliis operis ſui partibus nihil

310 DISPUT. DE LIBERO ARBITRIO  
minùs à S. Augustini mente descisse, facile adductus  
sum, vt alia capita quatuor adicerem, quibus & ista  
quæstio illustrabitur ampliùs, & aliæ complures cum  
illa connexæ ad viuum refecabuntur. Cuiusmodi sunt  
illæ: An possit homo peccare in eo quod vitari non po-  
test. Quis Pelagianorum error de libero arbitrio. An  
Deus imperet impossibilia. An ignorantia inuincibilis  
excuset à peccato. An Angeli se ipsos discreuerint.  
An illorum perseuerantia Deo sit tribuenda. Quid sit  
discriminis inter gratiam sanitatis & gratiam medica-  
lem. Quis ego sic pertractabo, vt nusquam à primaria  
illa difficultate, quæ noui dogmatis caput est, di-  
grediar.

## CAPVT SECVNDVM.

*Nuperum de libertate dogma ex eo refellitur,  
quòd S. Augustinus in omnibus operibus  
suis constanter docet: neminem peccare  
in eo quod nullo modo caueri potest.*

In præfa-  
tione libri  
2. Mortis  
Galli.



ROBAUIT Aduersarius in posteriori  
opere suo, quàm verè in primo scripsisset:  
*Nihil esse in Christiana doctrina sanctionibus  
ita ratum fixumque, quod non pruriente qua-  
dam ingeniorum petulantia, nouandisque libi-  
dine, in dubium renocetur. Nullum tam insolens, & alie-  
num ab omnium verè Catholicorum ore paradoxum, quod  
non verisimilibus ratiunculis offeratur. Quid hætenus  
apud Catholicos maiori Doctorum omnium consensu  
sancitum est, quàm neminem peccare in eo quod nul-  
lo modo caueri potest? Sed quid Catholicos, quid Do-  
ctores appello? Si S. Augustino fides est libro de dua-  
bus animabus cap. 11. Hic totius humani generis sen-*



sus, quem omnis mens apud se diuinitus conscriptum legit. Quid enim certius, quàm *neminem vituperatione suppliciorum dignum esse, qui id non faciat, quod facere non potest*? NONNE, inquit, ISTA CANTANT ET IN MONTIBVS PASTORES, ET IN THEATRIS POETÆ, ET INDOCTI IN CIRCVLIS, ET DOCTI IN BIBLIOTHECIS, ET MAGISTRI IN SCHOLIS, ET ANTISTITES IN SACRIS LOCIS, ET IN ORBE TERRARVM GENVS HVMANVM?

At istud tamen negare ausus est Aduersarius, seque vnum tam conspiranti hominum omnium sententiæ opponere. Quanquam quid aio? habet huiusce opinionis suæ auctores & patronos. Dudum est enim quodd illud ipsum Lutherus Calvinusque defenderunt, & S. Augustinum in sententiæ tam insolentis præsidium pertrahere conati sunt. Sed hanc vtriusque audaciam tam nauiter fregerunt Scriptores Catholici, Horantius, Stapletonus, Bellarminus, Arboreus, Klingius, aliique innumeri, vt ex iis nouus Doctor intelligere potuerit, malè se de S. Augustino mereri, cui repudiata communi Catholicorum sensu opinionem affingit. Si vel vnicam Francisci Horantij disputationem legisset ex libro 1. aduersus Caluinum cap. 51. cuius hæc inscriptio: *Nullibi D. Augustinus asserit necessariò quemquam peccare*, fallor, aut opinionem mutasset suam, quam in Caluino tam acriter castigatam vidisset.

Ergo illud ipsum aggredior, quod nobiles illi Catholicæ fidei vindices pridem perfecerunt: nimirum, *nullibi D. Augustinum asserere necessariò quemquam peccare*. Neque opinor monere opus est, directè illud spectare ad primarium huius disputationis scopum: nimirum, ad libertatem à necessitate homini lapso vindicandam. Quis enim nescit Catholicos pro illa libertate cum Caluino depræliantes ita argumentari? libertas ad peccandum necessaria, est libertas à necessitate; quia nemo

312 DISPUT. DE LIBERO ARBITRIO  
peccat in eo quod necessariò agit: at homini lapso con-  
uenit libertas ad peccandum necessaria; ergo homini  
lapso conuenit libertas à necessitate. Hoc Catholico-  
rum argumentum in quo dissoluendo sudant multum,  
multumque laborant Calvinus, Petrus Martyr, Zan-  
chius, aliique sectarij, quorum responsiones tueri co-  
natur Chamierus libro 3. de libero arbitrio cap. 2. cuius  
hic titulus: *Vtrum nullum necessarium sit peccatum*, quòd-  
que ita auspicatur: *Papistarum affirmantium argumenta*  
*Calvinus collegerat, &c.* Hoc illos verè & ex S. Augusti-  
ni mente affirmasse contendo. Quod vt euincam, tria  
demonstrabo.

Primò, S. Augustinum aduersùs Manichæos pu-  
gnantem nihil inculcare frequentiùs, quàm *neminem*  
*peccare in eo quod nullo modo caueri potest.*

Secundò, nihil in libris retractationum, aut in om-  
nibus contra Pelagianos operibus scripsisse, quod eam-  
dem veritatem non confirmet.

Tertiò, quæ aduersùs eosdem Pelagianos de igno-  
rantix peccatis tradidit, eidem veritati nihil aduersari.

### SECTIO PRIMA.

*Sanctus Augustinus contra Manichæos disputans,*  
*nihil certius esse asserit, quàm neminem peccare*  
*in eo, quod vitare non potest.*

SÆPÊ Calvinus ab Augustino Manichæorum vi-  
ctore, ad Augustinum Pelagianorum hostem pro-  
uocat. Quia, inquit l. 3. in Pigh. *iunenis adhuc erat, &*  
*non ita exercitatus cum Manichæos refelleret*, atque adeo  
*plus ingenij, acuminis, & secularis Philosophiæ* adhibebat,  
*quàm sacre ac spiritualis doctrinæ.* Longè aliter nouus Do-  
ctor. Hæc S. Augustini opera non modò pro eo ac me-  
rentur honorificè accipit, sed illud etiam innuit, non  
aliunde meliùs quàm ex his libris genuinam liberi arbi-



trij notionem exprimi posse. Nam tomo 3. l. 6. cap. 5. & 6. cùm hanc libertatis notionem studiosiùs inuestigat, ex plurimis S. Augustini locis, quæ ad illam statuendam, explicandam, illustrandamque coniicit, pauca sunt admodum, quæ ex his contra Manichæos libris non accersantur. Non est ergo quòd in vindicanda horum librorum auctoritate tempus absumam, cùm hac ferè vnâ nouæ opinionis structura nitatur.

## PARAGRAPHVS I.

*Probatnr primò vniuersim ex Manichæorum placitis,  
& primario sancti Augustini argumento.*

QV I Manichæorum deliria nouerit, fatebitur eos à S. Augustino extincti liberi arbitrij accusari non potuisse, nisi ipse natiuam hominis libertatem, non interna tantùm illa, & impossibili coactione, sed & simplici necessitate aboleri putauerit. Quod etsi demonstratum est l. 1. c. 2. sect. 3. placet hîc tamen accuratiùs tractare, vt S. Augustini sententia plenius explicetur.

Statuebant 1. Manichæi duas esse in homine animas, bonam alteram, quæ non esset creatum aliquid, sed de-  
cisum ex Diuina substantia fragmentum: alteram malam, quæ delibata esset ex principe tenebrarum particula. Primam vocabant naturam lucis, animam, Dei partem: secundam verò, gentem tenebrarum, carnem, malum principium. Hæc Manichæorum somnia ita S. Augustinus exponit l. de duabus animab. c. 12. *Duo animarum genera esse dicunt, vnum bonum quod isa ex Deo fit, vt non ex aliqua materia, vel ex nihilo ab eo factum, sed de ipsa eius omnino substantia pars quedam processisse dicatur: alterum autem, quod nulla prorsus ex parte ad Deum pertinere credunt, credendùmque commendant. Atque ista duo genera fuisse aliquando discreta, nunc esse commixta. Et cap. 14. Dicunt duo esse animarum genera, vnum ex quo ni-*

*hil mali, alterum ex quo nihil boni sit. Tum paulo pòst: tota illa secta ista bicipiti, vel potius precipiti animarum varietate fulcitur.*

Statuebant 2. luctari in nobis vtramque animam, acriterque, dum viuimus, inter se congredi: sed fieri per se pòt. caro superior euadat, animamque tanta necessitate ad peccatum abripiat, vt reluctari ipsa non possit. Ita Fortunatus Manichæorum omnium nomine apud S. Augustinum disput. 2. *Hoc nos dicimus quòd à contraria natura anima cogatur delinquere.* Altercabitur hîc forsan aliquis, contendetque verbum illud, *cogatur*, coactionem internam ac propriè dictam designare, quasi Manichæi velint bonam animam ita cogi, vt eius peccatum ab externo principio sit, ipsa non consentiente. Sed illud mirum quantum à Manichæorum opinione disiungitur, qui aiunt teste S. Augustino l. de natura boni & mali: *damnari animas lucis quia dilexerunt tenebras.* Item: *illas animas in globo tenebrarum in aeternum configi, quòd errare se à priore lucida sua natura posse sint.* Et l. contra Secundinum Manichæum c. 18. *Tu autem constituisti duas naturas, quarum vnâ vis bonam esse, alteram malam. fateris tamen eam naturam quam bonam esse dicis, malo consentiendo malè facere, hoc est, voluntate peccare.* Ergo non arbitrabantur Manichæi coactionem illam, quam fingebant inferri bonæ animæ ad peccandum, esse eiusmodi quæ voluntarij rationem excluderet.

Confirmatur; non aliter animam ad peccatum cogi volebant, quàm illecebris, blandæque suasionem, quibus voluntarij ratio augetur potius quàm minuitur. Sic eorum mentem S. Augustinus explicat eodem libro contra Secundinum cap. 19. vbi cum hæc Secundini verba retulisset: *Anima si malo consentit, voluntate sua peccat,* subdit: *Hanc tu peccati voluntatem moueri non putas in anima, nisi ex alio malo, quam credis esse naturam, quam non fecerit Deus, eamque animam naturam Dei esse contendis. Ac per hoc ista mali nescio qua natura, si hanc peccati vo-*



*luntatem in anima suadendo facit, in peccatum victus deiicitur Deus. Nota hæc verba: Ista mali natura, si hanc peccati voluntatem in anima suadendo facit. Ex quibus liquidò constat in Manichæorum sensu malam animam non aliter bonam ad peccatum cogere, quàm persuasione, sed tam efficaci, ut illi resisti non posset. Vnde S. Augustinus ait eodem libro c. 20. eos dixisse bonam animam peccare, sed seductam. & libro de duab. anim. c. 13. Inferiori genere animarum nos illiciti ad turpia. libro verò 3. de lib. arb. ait malas animas non aliter nos ad peccatum trahere, quàm fallendo: Quicumque ista causa est voluntatis, si non ei potest resisti, sine peccato ei ceditur. An forte fallit incautum? ergo caueat ne fallatur. An tanta fallacia est, ut caueri omnino non possit? si ita est, nulla peccata sunt. En Manichæorum opinionem: fingebant sansam esse carnis, animam ad peccatum pellicientis, fallaciam, ut caueri omnino non posset. Ergo coactio illa, quam bonæ animæ imponi aiebant, non est eiusmodi, quæ voluntarium perimat, sed quæ voluntatem simplici necessitate constringat. Hæc mihi nouus Doctor assentitur, ut constat ex libro 4. de statu naturæ lapsæ cap. 21. & ex libro 3. cap. 12. aliisque ferè locis omnibus, quibus Manichæorum sententiam exponit.*

Dices, bona anima ex mente Manichæorum non peccabat sponte; ergo neque voluntariè. Probatur antecedens ex S. August. l. de natura boni & mali c. 42. Dicunt etiam nonnullas animas, quas volunt esse de substantia Dei, & eiusdem omnino naturæ, quæ non sponte peccauerint, sed à gente tenebrarum, quam mali naturam dicunt, superata & oppressa sint, &c. Respondeo: Manichæos, cùm aiunt bonam animam non peccare sponte, Latinè loqui & populariter, non exquisitè ac philosophicè, nam apud Latinos sponte facere dicitur; qui suapte nutu, nullo persuadente, aut inuitante facit. Ita Cicero ad Lentulum l. 1. ep. 7. Etenim Pompeium qui mecum sapissime non solùm à me prouocatus, sed

etiam sua sponte de te communicare solet, scis temporibus illis, non saepe in senatu fuisse. Quo loco sponte loquentem non opponit, inuito atque repugnanti; sed provocato, seu inuitato. Eodem modo inimicum voluntarium appellat eum, qui nullâ laceffitus iniuriâ gratis, ut aiunt, odio habet. Sic etiam dicitur à Plinio l. 20. cap. 22. herba *voluntaria*, quæ nullo serente sponte nascitur. Quo sensu eleganter Ambrosius libro 4. Hexam. cap. 4. *Si ita natus est homo, ut ei diuitia atque opes affluant, ut sibi spontaneos redditus sine ullo semine atque opere terra parturiat, non vomerem aruis imprimat, non curua manum falci admoueat, non legenda vindemie subeat expensam, sed ultro ei in omnes serias vina fundantur fluenta: sponte ei oleum nullis inserta caudicibus syluestris olea bacca desudet.* Breuiùs Poëta, *sponte sua sandyx pascentes vestiet agnos.* Neque id repetere longiùs est operæ pretium, cum in vulgari loquendi consuetudine positum sit, quâ dicimus aliquem sponte ac voluntariè agere, quod motu proprio, hoc est nullo impellente facit. Sic aiunt Manichæi bonam animam non peccare sponte, quia non suo propterea nutu, sed carnis blanditiis illecta peccat. Quo sensu S. Augustinus negat l. 1. retract. cap. 9. hominem sponte bene agere, non quòd inuitus bene agat, sed quòd motu proprio, ac Diuina gratia non afflante, bene agere non possit.

Explicui hætenus anilem & execrandam Manichæorū fabulam, cui Diuinum S. Augustini ingenium implicari aliquādo permisit Deus, ut in arcana eius mysteria intraret penitiùs, eamque postea faciliùs labefactaret. libris plusquam sexaginta illam impetit, in quibus primarium hoc eius argumentum: Abolere Manichæos liberum arbitrium; adeoque peccata omnia tollere. Qui hoc vnum argumentum tenet, totam, ut ait l. de duab. anim. cap. 12. *Manichæorum heresim paucissimis & breuissimis, sed planè inuictissimis rationculis, sine ulla cunctatione condemnat.* Sed quæ id fieri potest, si libertas ad



peccandum requisita, non simplici necessitate, sed coactione tantum interna, violatur? Nam fatentur Manichæi abesse à nobis eiusmodi coactionem, nec aliam necessitatem nisi simplicem imponunt. Siquidem aiunt: malam animam necessario quidem peccare, sed naturali inclinatione: bonam verò tam efficaciter blanditiis alterius persuasionéque moueri, ut necessario quoque, sed cum summa delectatione consentiat.

## PARAGRAPHVS II.

*Probatur secundò ex libro de duabus animabus.*

Non alibi melius Manichæos euersi liberi arbitrij conuicit S. Augustinus, quàm l. de duab. anim. cap. 12. ubi cum statuisset, *conuenire sibi cum Manichæis, animas aliquas diuinâ lege iudicióque damnari*, probat in eorum sententia neque id in bonas, neque in malas cadere posse. Non in malas: *QVIA PECCATI REVM TENERI ALIQVEM, QVIA NON FECIT QVOD FACERE NON POTVIT, SVMMÆ INIQVITATIS EST ET INSANIÆ. QVAMOBREM ILLÆ ANIMÆ, QVID QVID FACIUNT, SI NATVRA, NON VOLVNTATE FACIUNT: IDEST, SI LIBERO AD FACIENDVM, ET NON FACIENDVM MOTV ANIMI CARENT; SI DENIQVE ABSTINENDI AB OPERE SVO POTESTAS NVLLA CONCEDITVR, PECCATO EARVM TENERI NON POSSVMS.* Tum subdit: *Relinquitur, ut quoniam concedunt esse peccata, non inueniant quibus ea tribuant, nisi bono generi animarum, quæ, ex Manichæorum sensu, peccant, etenim mali commixtione coguntur.* Quod paucis ita refellit: *si ita coguntur ut resistendi potestas nulla sit, non peccant.* Quot hæc verba, tot ad nouitium errorem obterendum fulmina. quæ ne præteruolent, obserua i.

Ex S. Augustini mente : *Peccati reum teneri aliquem, quia non fecit, quod facere non potuit, summa iniquitatis esse, ac insania* : Ergo iniqui sunt, & insani, qui aiunt peccatorem omni gratia destitutum bene agere non posse, & damnari nihilominus quòd non bene agat. Obserua 2. quæ subiicit : non habere illa liberam voluntatem, quæ *libero ad faciendum, & non faciendum motu animi carent*. Potuérne clariùs explicari anceps illa, & ad agendum aut non agendum indifferens animi potestas, in qua libertatem ponimus? Obserua 3. illa item libera voluntate carere, *quibus abstinendi ab opere suo potestas nulla conceditur*. Ergo ex mente S. Augustini Deus liberè non se diligit, neque liberè Spiritum sanctum producit : Item, Beati Deum liberè non amant, quia illis *abstinendi ab opere suo potestas nulla conceditur* : Imò nec homines aspirare medicinali gratia liberè bene agunt; siquidem ex noua opinione, cuiusmodi est illa gratia, cui resisti omnino non possit. Vides quàm paucis S. Augustini verbis omnia nouelli Dogmatis fundamenta conuelluntur.

Obstrepet hinc forsàn aliquis, & noui Theologi argutiolam, tanto rationis atque auctoritatis pondere superiori capite obtritam, rursus nobis ingeret, vt vincat, esse in Dei potestate abstinere ab amore sui. Sed hanc ego ex isto S. Augustini loco facilè profligabo. Si enim Deus ideo liberam habet abstinendi ab amore sui potestatem; quia si veller, non se amaret: si S. Augustinus id docuit, vt tantùm non iurant Aduersarij: quid Manichæis exprobrat, malas animas, quas ex tenebrarum principe abscissas delirabant, non habere liberam abstinendi à peccato potestatem? Nunquid tam verè de illis dici potest: si vellent, abstinerent à peccato; quàm verè de Deo dicitur: si veller, absteret ab amore sui? Quisquis es, qui me tam ludicra responsione moraris, hunc nodum solue, & eris mihi magnus Apollo.



Non excerptam reliqua, quæ ex eodem S. Augusti-  
ni libro peti possunt, ad nouum dogma expugnandum.  
Vnum adiciam, quo omnium summa continetur. Ca-  
pite II. peccatum sic definit: *Voluntas retinendi vel con-*  
*sequendi quod iustitia vetat, & unde liberum est abstinere.*  
Ac ne quis hanc definitionem ad solum primi ho-  
minis peccatum trahat, subdit nihil esse certius, quàm  
*neminem vituperatione, suppliciove dignum esse, qui id*  
*non faciat, quod facere non potest.* Nonne, inquit, ista can-  
tant & in montibus Pastores, & in theatris Poëta, & in-  
docti in circulis, & docti in Bibliothecis, & Magistri in  
scholis, & Antistites in sacris locis, & in orbe terrarum  
genus humanum? Quis verò arbitretur Pastores, Poëtas,  
indoctos, atque homines ferè omnes, cùm ista cantant,  
soli primi hominis peccatum designare?

## PARAGRAPHVS III.

*Probatnr tertio ex libris contra Fortunatum  
& Secundinum.*

ITA me Deus amet, vt nihil his in libris occurrer  
tibi, quòd pendentem illam, & neutri affixam parti li-  
berii arbitrii potestatem non persuadeat. Vbique id in-  
culcat, liberè hominem non agere, atque adeo non  
peccare, si continere sese, & erumpentem peccandi  
voluntatem coereere non possit. Quid clarius his ver-  
bis, ex disput. 1. contra Fortunatum: *Ergo nunc quæro*  
*abs te secundum eam lectionem qua lecta est, quomodo habea-*  
*mus peccata, si natura contraria nos cogit facere quod faci-*  
*mus? qui enim cogitur necessitate aliquid facere, non peccat.*  
Quod paulo pòst elegantius disputat, animam æter-  
nis pœnis addictam ita de Deo conquerentem indu-  
cens. *Quid peccavi? Quid commerni? Quid me expulisti*  
*de regnis iuis, vt contra nescio quam gentem pugnarem?*  
*depressa sum, permixta sum, corrupta sum, non est mihi ser-*

*uatum liberum arbitrium : tu nosti necessitatem qua pressus sum. Et paucis interiectis : Cum ergo noneris necessitatem, quâ hîc oppressa sum, quâ respirare non potui, cui resistere non potui, quid me accusas, quasi peccantem? Quis hæc legens, si pertinacia desit ac stupor, non intelligit ex mente S. Augustini liberum arbitrium simplici necessitate deleri? Dicit non esse seruatum illi animæ liberum arbitrium, quia ex carnis contagio tanta est peccandi necessitate oppressa, ut illi resistere non potuerit. Ergo necessitas peccandi, cui resisti non potest, liberum arbitrium elidit.*

*Sed ut Aduersarios periculosi dogmatis pudeat, ea subnectam quæ illos extinctæ cum Manichæis libertatis apertè conuincant. Pressus S. Augustini argumentis Secundinus nescio quis è Manichæorum grege, argutiolam excogitauit, qua se illis exolueret. falsus est animam non electione propria, sed carnis permixtione ad peccandum abduci: negauit tamen hoc illi culpæ tribui, nisi cum ipsa collegerit sese, peccatumque cognouerit, illi consentiat. sic eius mentem S. Augustinus exponit, libri contra Secund. cap. 12. Ponis in epistola, & dicis de anima, quod carnis permixtione ducatur ad peccatum, non propria voluntate. Atque ibi statim, credo cum videres, si ita est subueniendum esse ab omnipotenti Deo prorsus omni anima, nullamque omnino debere damnari, quoniam non voluntate peccaret, quo constituto euerteretur sententia, quam Manichæus de suppliciis animarum, etiam de lucis parte venientium, terribiliter personat: vigilantissimè subiecisti dicens: At si cum se ipsam cognouerit, consentiat malo, & non se armet contra inimicum, voluntate sua peccauit. Quod cap. 19. hoc dilemmate refellit: Anima bona vel cogitur à contraria natura ad consentiendum malo, vel non cogitur: si non cogitur: Dic mihi, inquit, unde sis illa consensio mala in ea natura, quam bonam esse concedis, & pradicas? Quæro unde habeat illam consensionem malam nulla contraria cogente natura?*

*Hæc*



Hæc profligata parte, ad alteram aggreditur: Si autem cogitur consentire, ita ut non sit in eius potestate aliter facere; non ergo, ut dicebas, voluntate peccat, quando non voluntate consentit. Quare autem non consentit voluntate, id est liberè? Quia si cogitur, inquit, cedere potius, quàm consentire dicenda est. Hinc patet ex S. Augustini mente, illum tantùm voluntate consentire, qui habet in potestate aliter facere. quo vno recens opinio subruitur.

## PARAGRAPHVS IV.

*Probatur quartò ex libris de libero Arbitrio, & de Vera Religione.*

O CVLOS profectò sibi effoderunt, qui cùm S. Augustini libros de libero arbitrio vel cursim legunt, damnari ab eo nouam Theologiam non vident. Vix est in iis vlla pagina in qua liberum arbitrium non à coactione tantùm, sed etiam ab simplici necessitate abhorre non confirmet. Singula quæ in hanc rem faciunt non persequar minutarim, sed omnium summam quam ipse l. 3. cap. 18. collegit, hîc adscribam. Sic habet: *Reminiscere superiorum, quæ à nobis tam multa de peccato, & voluntate libera dicta sunt. Sed si laboriosum est omnia mandare memoria, hoc breuissimum tene. Quicumque ista causa est voluntatis, si non ei potest resisti, sine peccato ei cedatur: si autem potest, non ei cedatur, & non peccabitur. An fortè fallit incautum? Ergo caueat ne fallatur. An tanta fallacia est ut caueri omnino non pessus? si ita est, nulla peccata sunt. QVIS ENIM PECCAT IN EO QVOD NVLLO MODO CAVERI POTEST? PECCATVR AVTEM, CAVERI IGITVR POTEST. I nunc, & S. Augustinum opinionis tuæ fundum contestare, qui præfractè negas de ratione liberi arbitrij esse, ut omni necessitate sit solutum, ac neutri alligatum par-*  
Sf

322 DISPUT. DE LIBERO ARBITRIO  
ti, quique contendis acriter ad peccatum satis esse;  
ut qui peccat, sponte peccet; licet à peccato tempera-  
re non possit.

Huic loco geminus est alter l. de vera Religione cap.  
14. Nunc verò, inquit, usque adeo peccatum voluntarium  
est malum, ut nullo modo sit peccatum, si non sit volunta-  
rium. Et hoc quidem manifestum est, ut nulla huic docto-  
rum paucitas, nulla indoctorum turba dissensiat. Neque  
hic metuendum ne voluntarij nomine spontaneum  
quis intelligat, nam ipsi fatentur Aduersarij S. Augu-  
stinum eò loci voluntarium illud dixisse, quod ita am-  
plectimur, ut perinde omittere possimus, & contra-  
rium ascrivere. unde aiunt hanc definitionem primi  
tantum hominis peccato convenire, non is verò quæ  
dæmonis tyrannidi mancipati, & carnalis concupi-  
scentiæ vinculis irretiti committimus. Quod quàm  
verè dicant, mox videro.

Non congeram aceruatim alia S. Augustini testimo-  
nia, quæ in eandem sententiam occurrunt quamplu-  
rima; quia ut antè præmonui, non is ego sum qui ea  
numero magis, quàm pondere æstimem.

## SECTIO II.

*Quæ Aduersarij ex retractationibus, & libris contra  
Manichæos, ac Pelagianos opponunt, dissolvuntur,  
& tradita hætenus S. Augustini doctrina validè  
comprobatur.*

SENTIUNT Aduersarij tam evidentibus S. Augu-  
stini testimoniis suum dogma conuelli. Quare ni-  
hil non moliantur, ut eorum vim infringant. Calui-  
num consulunt, suum his in rebus oraculum, & ex  
eius in Pighium libris duplex effugium emendicant,  
aut furantur. Tantà verò audaciâ, ut merum libri ter-



rij compendium faciant, cui nihil de suo addidere, præter locos aliquot operis imperfecti in Iulianum, quod Caluini temporibus non extabat. Porro vtriusque effugij vna est sententia, quam Calvinus l. 4. paucis adstringit. *Nullus est, inquit, istorum omnium testimoniorum rector interpres, quàm Augustinus, qui suam in communi causa mentem exponit in libris retractationum & aliis contra Pelagianos scriptis. Quidenim contra Manichæos dixerat non posse inueniri culpa rationem ubi dominatur necessitas, non nisi in sana & integra naturæ consideratione valere admonet: ubi autem de vitata natura sermo est, peccatum esse palam pronunciat, siue vitari possit, siue non possit.*

Nihil hîc dissimulabo, cùm primò Calvinum legerem de hac quæstione copiosissimè disputantem l. 3. in Pigh. penè persuasit mihi ita sentire S. Augustinum. Pudet id fateri. Sed quis tot præstigiis, artibusque non caperetur? Integra S. Augustini testimonia recitat, quæ illud ipsum totidem ferè verbis eloquuntur, eaque tam scitè suis responsionibus intexit, vix vt fraudem peruigil, & attentus lector subodoreretur. Quanquam hæc me nihil admodum excusant; nam si callidi veteratoris artibus hac opinione afflari potui: in ea certè hære vel momento non debui. Si illos ipsos, quos Calvinus allegat, S. Augustini locos non perfunctoriè, & subsultim, sed continenter & accuratè legissem; cognouissem continuò, & S. Augustinum Caluinò nihil fauere, & Calvinum de S. Augustino pessimè mereri, qui truncatas lacerasque tanti viri sententias suis è quæstionibus ac locis auellat, & contrarium in sensum vel malitiosè, vel imperitè deflectat. Quod ego hoc loco paulò fusiùs demonstrabo triplici de causa. Primò, sua vt constet superioribus S. Augustini testimoniis fides & auctoritas. Secundò, vt insignem Caluini impudentiam omnes execrentur, qui Albertum Pighium, aliòsque Doctores Catholicos

324 DISPUT. DE LIBERO ARBITRIO  
ditis omnibus deuouet, quòd illud S. Augustini: *Quis  
peccat in eo, quod caueri nullo modo potest* & de homino  
corrupto, perinde atque de integro dictum potest.  
Tertio, vt nouæ opinionis Auctores pudeat, tam per-  
dita in causa adhæsisse Caluino, & infames eius ques-  
tiones deosculari. Vertitur hac vna questione maxi-  
mæ difficultatis cardo. quare lectorem rogo. vt eam  
attentè perlegat. Ego vt tenebras depellam quis illi  
Caluinus affudit, dicam quàm potero ordinatissimè,  
& quæ de ignorantia peccatis occurrent, in sectionem  
sequentem accuratius tractanda reiciam.

### PARAGRAPHVS I.

*Prima obiectio confutatur, probaturque S. Augusti-  
num etiam de natura lapsa dixisse, neminem pec-  
care in eo quod caueri non potest.*

Lib. 1. de  
statu nat.  
lapsæ cap.  
4. lib. 4  
cap. 17. &  
lib. . cap.  
9. 10. 11. 12.

NEGAT S. Augustinus peccare quempiam in eo,  
quod caueri nullo modo potest. Si verba, vt sonant,  
vniuersè accipiuntur, actum est de nouo dogmate.  
At exclamat Caluinus: *inspiciat locum qui uolet, annon  
de peccati initio loquatur.* Idem succlamat nouus Dog-  
matistes. Inspiciamus locum, quandoquidem vterque  
sic iubet. Petitur ex libro 3. de lib. arb. c. 18. vbi ita  
loquitur: *Quæcumque ista causa est voluntatis; si non ei  
potest resisti, sine peccato ei ceditur: si autem potest, non ei  
cedatur, & non peccabitur. An forse fallit incautum? Ergo  
caueat ne fallatur. An tanta fallacia est vt caueri omnino  
non possit? si ita est nulla peccata sunt. QVIS ENIM PEC-  
CAT IN EO QVOD NVLLO MODO CAVERI PO-  
TEST? PECCATVR AVTEM, CAVERI IGITVR  
POTEST.* Hactenus nihil habet nouum dogma quo  
nitatur. Audiamus reliqua. *Et tamen etiam per ignoran-  
tiam facta quædam improbantur, & corrigenda iudicantur  
&c. sunt etiam necessitate facta improbanda ubi vult ho-*



*mo rectè facere, & non potest.* Exiliunt ad hæc verba Calvinus, eiusque partiarij, & quasi partâ victoriâ procaciter insultant. En, inquiunt, peccandi necessitatem, quâ homines ignorantia tenebris occæcati, & concupiscentia vinculis irretiti opprimuntur; Ergo de statu naturæ lapsæ non dicitur: *Nemo peccat in eo quod caueri nullo modo potest.*

Sed nimium est præceptis isthæ eorum exultatio. Legant quæ sequuntur, & inuenient, quod immodicum illum prægestientis animi ardorem compescat. *Hic occurrit illa quaestio, quam inter se murmurantes homines rodere consueverunt, qui quodlibet aliud in peccando, quàm se accusare parati sunt. Dicunt enim, si Adam & Eva peccauerunt, quid nos miseri fecimus, ut cum ignorantia cecitate, & difficultatis cruciatibus nasceremur, & primò erraremus nescientes quid nobis esset faciendum: deinde ubi nobis inciperent aperiri præcepta iustitia, vellemus ea facere, & renitente carnalis concupiscentia nescio qua necessitate, non valeremus.* Huius querelæ hæc summa. Aiunt homines excusari se à peccato, quòd post Adami & Eux lapsum vel ignorantia, vel concupiscentia eos necessariò in peccatum inducat. Si S. Augustinus in ea fuisset opinione, quam illi Calvinus imponit, respondisset, ideo homines non excusari à peccato licèt necessariò peccent, quia non est de ratione peccati naturæ lapsæ, ut caueri possit. Sed longè aliter respondet. Expende singula eius verba, omnia ferè præposteræ nouitatis capita rescindunt. *Quibus breuiter respondetur, ut quiescant, & aduersus Deum murmurare desistant. Rectè enim fortasse quererentur, si erroris & libidinis nullus hominum victor existeret: cum verò ubique sit præsens, qui per creaturam sibi Domino seruientem auersum vocet, doceat credentem, consoletur sperantem, diligentem exhortetur, conantem adiuvet, exaudiat deprecantem,*  
**NON TIBI DEPVATVR AD CVLPAM QVOD INVITVS IGNORAS, SED QVOD NEGLIGIS**

QVÆRERE QVOD IGNORAS: NEQVE ILLVD QVOD VVLNERATA MEMBRA NON COLLIGIS, SED QVOD VOLENTEM SANARE CONTEMNIS, ISTA TVA PROPRIA PECCATA SVNT. Loquitur de homine corrupto, & ignorantiz tenebris, ac carnalis concupiscentiz nexibus implicato, docetque primò, *non deputari illi ad culpam quod inuitus ignorat*. Falsum ergo, quod noua sciscit Theologia, ignorantiam inuincibilem iuris naturalis in statu naturæ lapsæ non excusare à peccato. Docet secundò, neque etiam homini culpæ tribui, quòd *vulnerata membra non colligas*. Id est, vt ex obiectione constat, quòd *reniscente carnalis concupiscentie necessitate* non possit bene agere: Ergo & illud quoque falsum, peccandi necessitatem à concupiscentia oriri, quæ à peccato non excuset. Docet tertio, Deum ita omnibus hominibus gratiâ suâ adesse, *vt auersum vocet, doceat credentem, consoletur sperantem, diligentem exhortetur, conantem adiunet, exaudiat deprecantem*. Ergo censet dari in hoc statu gratiam sufficientem, omnibus promiscuè hominibus oblatam. Quam tamen Calvinus ita execratur, vt Sorbonicos, quòd illam assererent, phreneticos appelleret.

Tam graui testimonio oppressus nouæ libertatis auctor, quâ elabi possit, non video. Nisi forte huic loco habendam fidem neget, quòd libri de libero arbitrio ab Augustino adhuc tyrone, & Manichæorum erroribus recens extricato scripti sint. Sed hoc effugium sibi præcluserit, cum ex hoc loco quæstionem totam dissolui voluit: præcluserit & S. Augustinus, qui iam senior contra Pelagianos scribens librum de natura & gratia, illius loci meminit capite 67. nec eum probat modò, sed etiam integrum describit, atque vel hoc vno Pelagianam hæresim præfocari, quòd in eo apertè gratiam Dei prædicet, *sine quâ natura humana iam contenebrata atque vitata, illuminari non potest, & sanari*.



Et si nihil habet Aduersarius quod huic opponat loco, obstrepit tamen, & illud S. Augustini ingeminat: *Sunt etiam necessitate facta improbanda, ubi vult homo recte facere, & non potest.* Quod ad solum naturæ lapsæ statum pertinere probat ex sequentibus verbis. *Sed hæc omnia hominum sunt ex illa mortis damnatione venientium: nam si non est ista pœna hominis, sed natura, nulla ista peccata sunt.* Respondeo S. Augustinum his verbis non loqui de peccatis actualibus, quæ deliberatò à nobis fiunt, quæque culpæ vertuntur: sed de concupiscentia, eiusque moribus indeliberatis, quam peccatum vocat, non quòd propriè peccatum sit, sed quòd à peccato originem ducat, & ad peccatum inclinet. vnde cùm eodem loco, post citata ab Aduersariis verba, dixisset: *Non tibi deputatur ad culpam quod inuitus ignoras, sed quòd negligis querere quod ignoras: neque illud quod vulnerata membra non colligis, sed quòd volentem sanare contemnis, ista tua propria peccata sunt:* quasi præsentiret Aduersariorum obiectionem, statim subiicit, ea quæ per ignorantiam, aut concupiscentiam necessariò fiunt, non propriè, sed metaphoricè tantùm esse peccata, quemadmodum sermo Græcus aut Latinus non propriè, sed metaphoricè tantùm est lingua. NAM ILLVD QVOD IGNORANS QVISQVE NON RECTE FACIT, AVT QVOD RECTE VOLENS FACERE, NON POTEST, IDEO DICVNTVR PECCATA, QVIA DE PECCATO ILLO LIBERE VOLVNTATIS ORIGINEM DVCVNT: illud enim præcedens meruit ista sequentia. Nam sicut linguam dicimus non solum membrum illud, quod mouemus in ore dum loquimur, sed etiam illud quod huius membri motum consequitur, id est formam tenorémque v:rborum, secundùm quem modum alia dicitur lingua Græca, alia Latina: SIC NON SOLVM PECCATVM ILLVD DICIMVS, QVOD PROPRIE VOCATVR PECCATVM, LIBERA ENIM VOLVNTATE, ET AB SCIENTE COMMITTITVR: SED

ETIAM ILLUD QUOD IAM DE HUIUS SUPPLEMENTO CONSEQUATUR NECESSE EST. Quis est tam pertinax, qui tanta huius sententiæ perspicuitate non vincatur? Distinguit in hoc statu naturæ lapsæ duo peccatorum genera. Primum eorum quæ propriè peccata dicuntur, *libera enim voluntate, & ab sciente committuntur*, ut cùm negligis querere quod ignoras, aut volentem sanare contemnis; nam ista tua propria peccata sunt. Alterum est eorum, quæ necessitate fiunt, & idcirco propriè non sunt peccata, sed hoc tantùm nomine censentur, quòd peccati fructus sint. Cuiusmodi est illud quod ignorans quisque non rectè facit, aut quod rectè volens facere, non potest. Atque hinc est quod illud peccati genus negat deputari ad culpam: *Non tibi deputatur ad culpam quod inuitus ignoras: neque illud quod vulnerata membra non colligis, &c.* Nec erubescunt Aduersarij, cùm ex hoc loco probant, peccata propriè dicta, quæ à nobis deliberatò fiunt, quæque sempiternis ignibus à Deo vindicantur, necessitate committi.

Quantus sit hic eorum stupor clarebit ampliùs, si diligentius expendas illam linguæ similitudinem, quam S. Augustinus adhibet, ut ostendat quo sensu peccatum sit, quidquid ex originalis peccati pœna necessario fluit. *Sicut*, inquit, *linguam dicimus, non solum membrum illud, quod mouemus in ore, &c.* Ex qua similitudine sic disputo: Sermo Græcus non est propriè lingua, sed tantùm metaphoricè: Ergo neque peccatum necessitate expressum propriè peccatum est, sed tantùm metaphoricè. Respondent Aduersarij Apologia 2. parte 3. cap. 10. S. Augustinum eiusmodi similitudine id vnum velle: peccata necessitate expressa esse quidem verè peccata; sed non tam propriè, quàm primum hominis peccatum. At ista responsio hominis est ex difficili loco enatare, nec tam S. Augustini explicare mentem, quàm se ipsum extricare conantis. Illud verò constabit ex alijs S. Augustini locis, in quibus eadem linguæ simili-



similitudine vtitur, vt demonstret metaphoricè dumtaxat concupiscentiam esse peccatum. libro 1. de nuptiis & concupiscentia cap. 23. *Ipsa concupiscentia iam non est peccatum in renatis, quando illi ad illicita opera non consentitur, atque vt ea perpetrent, à regina mente membra non dantur, vt si non sit quod scriptum est: Non concupisces: fiat saltem quod alibi legitur: Post concupiscentias tuas non eas.* Iam vide quo sensu sit peccatum.

VOCATVR PECCATVM, QVIA PECCATO FACTA EST, CVM IAM IN REGENERATIS NON SIT IPSA PECCATVM, SICVT VOCATVR LINGVA LOCVTIO, QVAM FACIT LINGVA: ET MANVS VOCATVR SCRIPTVRA, QVAM FACIT MANVS. Et libro 1. contra duas Epistolas Pelagianorum cap. 13. *Sed hæc (concupiscentia) ETIAM SIT VOCATVR PECCATVM, NON VTIQVE QVIA PECCATVM EST, SED QVIA PECCATO FACTA EST, SIC VOCATVR: SICVT SCRIPTVRA MANVS CVIVSQVE DICITVR, QVOD MANVS EAM FECERIT.* Quid hac similitudine S. Augustinus probat? An concupiscentiam verè quidem in renatis peccatum esse, at non tam propriè, quàm primum Adami peccatum? Est illa quidem Calvini opinio: at eam noui Doctores execrantur. Fateri igitur debent S. Augustinum id contendere: concupiscentiam in renatis propriè peccatum non esse, sic tamen appellari, quòd peccato facta sit: sicut scriptura manus dicitur, quòd manus eam fecerit; ergo & id vnum pugnat, cùm ait: *Nam illud quod ignorans quisque non rectè facit, aut quid rectè volens facere non potest, ideo dicantur peccata, quia de peccato illo libera voluntatis originem ducunt. Nam sicut linguam dicimus membrum illud, &c.* Cùm eandem prorsus similitudinem, & significantioribus adhuc verbis expressam adhibeat.

Et verò si Aduersarius contendit peccatum esse propriè quod necessariò sit; licèt Augustinus asserat eo

330 DISPUT. DE LIBERO ARBITRIO  
tantum modo peccatum esse, quo scriptura manus est;  
quidni & Caluino contendere licebit, concupiscen-  
tiam in renatis propriè peccatum esse; licet S. Augusti-  
nus disertè asserat, eam non alio modo esse peccatum,  
quàm scriptura manus est? Cur, inquam, istud Calui-  
no pari iure non licebit? Cùm eo loco, de quo litiga-  
mus, manifestè S. Augustinus de concupiscencia eiús-  
que motibus indeliberatis loquatur. *Sunt, inquit, etiam  
necessitate facta improbanda, ubi vult homo rectè facere,  
& non potest. Nam vnde sunt illa voces: Non enim quod  
volo, facio bonum: sed quod odi malum, hoc ago.* En illa  
necessitatis peccata, de quibus S. Augustinus agit,  
quæque ait improbanda. At contendere Aduersarius  
non auit, Apostolum cùm hæc diceret, concupiscen-  
tiæ consensisse. Siquidem hæc eius verba: *Quododi  
malum, hoc ago*, contrarium apertè significant. vnde S.  
Augustinus libro 6. contra Iulianum cap. 11. docet, in  
illis Apostoli vocibus gemitum esse Sanctorum, contra car-  
nales concupiscencias dimicantium. *Qui cùm mente sint  
spirituales, adhuc tamen isto corruptibili corpore, quod aggra-  
uat animam, rectè intelliguntur esse carnales.* Et paulo  
pòst ait Apostolum his verbis ostendisse, *concupiscencias  
carnis solum impulsam libidinis operari, sine consensione  
peccati.* Quod probat ex his verbis: *Non quod volo ago:  
velle adiacet mihi: Quod nolo, hoc ago: condelector legi Dei  
secundum interiorem hominem.* Ergo de sola concupi-  
scentia, eiúsque motibus indeliberatis loquitur, qui  
ex Aduersariorum confessione impropriè tantum pec-  
cata sunt.

Qui istud expendet, dubitare profectò non poterit  
illum S. Augustini locum, de quo conflagimus, ab  
Aduersariis scèdè deprauari. Pugnant S. Augustinum  
de peccatis propriè dictis agere, cùm ait: *Sunt etiam  
necessitate facta improbanda.* At contrarium euincunt,  
quæ proximè sequuntur: *Vbi vult homo rectè facere, &  
non potest. Nam vnde sunt illa voces: non enim quod volo*



*facio bonum; sed quod odi malum, hoc ago. Quæ, vel ex eorum sententia, peccata tantum improprie dicta designant, cum de sola concupiscentia, eiusque motibus indeliberatis loquantur. Sed ne quid habeant nouæ opinionis fautores, quod huic explicationi nostræ obicere possint, S. Augustinum audiant mentem suam disertè enarrantem libro 1. retract. cap. 15. Potest, inquit, etiam putari falsa esse ista sententia, quâ diximus: Nusquam nisi in voluntate esse peccatum; quia dixit Apostolus: si autem quod nolo facio, iam non ego operor illud, sed quod habitat in me peccatum. Hoc enim peccatum usque adeo non est in voluntate, ut dicat: quod nolo, hoc facio. Quomodo ergo nusquam est nisi in voluntate peccatum? SED HOC PECCATVM, DE QVO SIC LOCVTVS EST APOSTOLVS, IDEO PECCATVM VOCATVR, QVIA PECCATO FACTVM EST, ET POENA PECCATI EST: QVANDOQVIDEM HOC DE CONCVPISCENTIA CARNIS DICITVR, quod aperit in consequentibus dicens: scio quia non habitat in me, hoc est, in carne mea bonum; velle enim adiacet mihi, perficere autem bonum, non. Nihil hîc ambiguum. Ait peccatum illud, de quo dixerat: Sunt etiam necessitate facta improbanda, ubi vult homo rectè facere, & non potest, non esse propriè dictum peccatum, sed concupiscentiam, quæ ideo peccatum vocatur, quia peccato facta est, & pena peccati est. Hinc fluxit illud Synodi Tridentinæ decretum, sess. 5. de peccato originali: Hanc concupiscentiam, quam aliquando Apostolus peccatum appellat, sancta Synodus declarat Ecclesiam Catholicam nunquam intellexisse peccatum appellari, quod verè & propriè in renatis peccatum sit, sed quia ex peccato est, & ad peccatum inclinat. Ex his omnibus sic argumentor: Quotiescumque S. Augustinus ait quædam necessaria esse peccata, toties exemplum ponit in Apostolo dicente: non quod volo bonum hoc ago: Atqui peccatum illud, de quo Apostolus sic loquebatur non est propriè dictum*

332 DISPUT. DE LIBERO ARBITRIO  
peccatum, vel ipso interprete S. Augustino; Ergo quotiescumque S. Augustinus ait, quædam necessaria esse peccata, non loquitur de peccatis propriè dictis.

Instabis 1. loqui S. Augustinum de peccatis, quæ improbantur, & corrigenda iudicantur: ergo quæ imputantur ad culpam, ac proinde quæ propriè peccata sunt. Respondeo negando consequentiam. Nam illa duo apud S. Augustinum valdè diuersa sunt, improbari, & imputari ad culpam. Concupiscentia deterfo reatu non imputatur ad culpam, improbat tamen & corrigenda iudicatur, quia à peccato oritur, & ad peccatum prolestat. Hinc est quòd tam sæpe aduersus Pelagianos iterat, malam esse concupiscentiam, improbandam, corrigendam. Quod satis indicat celebris ille locus l. 4. contra Iulian. c. 5. *Cur non potius malum vocetur, quod fateris esse frenandum? cur quæso frenandum, nisi ne noceat? nisi ne ad illicita, quæ desiderat, relaxetur? & utique desiderium mali, malum est, etiamsi ei non consentiatur.* De ignorantia dicam tota sectione sequenti.

Instabis 2. non benè explicari in hac sententia, quod subiicit S. Augustinus. *Si non est ista pœna hominis, sed natura, nulla ista peccata sunt.* Respondeo, tam commodè illud explicari, tamque ad S. Augustini mentem appositè, ut hinc maximè nostra opinio corroboretur. Ait S. Augustinus ignorantiam & concupiscentiam ideo tantum esse peccata, quia sunt in peccati pœnam irrogatæ. Hoc posito, quid clarius, quàm ea nullo modo fore peccata, si in peccati pœnam non infligantur, sed inferantur ab natura?

## PARAGRAPHVS II.

*S. Augustini locus, ad quem Aduersarij prouocant, ampliùs expenditur, & ab insigni eorum corruptela vindicatur.*

VENIO quòd me Aduersarij manu confectum vo-



cant: neque, vt illi, abruptis ex libro tertio de libero arbitrio sententiolis velitabor: postrema libri parte, quanta quanta est, dimicabo. Huius argumentum & summam ita colligit S. Augustinus l. 1. retract. cap. 9. & l. de dono perseuer. cap. 11. **QVAMVIS IGNORANTIA, ET DIFFICVLTAS** (sic concupiscentiam vocat) **ETIAMSI ESSENT HOMINIS PRIMORDIA NATVRALIA, NEC SIC CVLPANDVS DEVS, SED LAVDANDVS ESSET.** *Sicut in eodem libro 3. disputauimus.* Inde concludo, hallucinari Aduersarios cum aiunt ignorantiam, & concupiscentiam ineluctabili peccandi necessitate nos constringere, quod sic probo: Si ignorantia, & concupiscentia ineluctabilem peccandi necessitatem inducunt, hoc ipso quo ponerentur esse primordia hominis naturalia, culpandus esset Deus: Atqui ex S. Augustino hoc ipso quo ignorantia & concupiscentia ponerentur esse primordia hominis naturalia, non esset culpandus Deus; Ergo ex S. Augustino ignorantia & concupiscentia ineluctabilem peccandi necessitatem non inducunt. Maior ex ipsis Aduersariorum principiis sumitur, quibus probant hominem non posse creari à Deo cum ignorantia & concupiscentia, quia peccata quæ ex vtraque necessariò fluunt, non tam homini tribuerentur, quàm Deo, qui illum cum hac peccandi necessitate condidisset: minor ipsissima S. Augustini verba continet: consequentia est euident.

Quid ergo prætexent effugij? S. Augustini verba conantur obscurare. Sed quàm infeliciter, ex ipso eorum Patriarcha cognosce. Libro 3. de statu naturæ puræ capitibus 17. 18. 19. & 20. citatum S. Augustini locum proponit sibi, in eoque dissoluendo ita se vexat & torquet, vt nusquam viderim illustriorem aliam hominis cum aperta veritate luctantis imaginem. Responsionis hæc summa: id tantum voluisse S. Augustinum, in illa hypothesi, quæ ignorantiam & con-

334 DISPUT. DE LIBERO ARBITRIO  
cupiscentiam ab natura insitas ponit, non sequi, Deum  
eo modo culpandum esse, quo Manichæi culpandum  
fingeant, cum Dei partem inesse corporibus no-  
stris, & carnis societate ad peccandum adigi delira-  
bant: nunquam verò negasse hoc sensu culpandum  
esse Deum in illa hypothesi, quòd hominis peccata  
in Deum, tanquam in naturæ auctorem refluerent.  
Hæc tanto sudata labore responsio, cui operosi illi de  
statu puræ naturæ libri, & alia nouæ sectæ mysteria  
sic incumbunt, ut illa ruente concidere debeant, &  
labi. Hanc ego nisi stramineam, absurdam, ridicu-  
lam ostendero, manus dabo. Sed ut validius confu-  
terur,

Observandum 1. Manichæorum erroris duas esse  
partes, quas S. Augustinus cum alibi sæpe, tum præ-  
cipuè eo ipso loco, de quo agimus, libri primi retract.  
cap. 9. recenset. Primò, *Negant*, inquit, *ex libero vo-*  
*luntatis arbitrio mali originem duci, & Deum, si ita est,*  
*creatorem omnium naturarum culpandum esse contendunt.*  
Secundò, aliam peccati causam ponunt, *volentes im-*  
*mutabilem quandam & Deo coæternam introducere mali na-*  
*turam.* Prima parte Catholicam sententiam labefactant;  
secundâ suam stabiliunt.

Observandum 2. S. Augustinum postremam Ma-  
nichæi dogmatis partem in libro de duabus animabus,  
aliisque operibus confutasse: priorem verò in libris de  
libero arbitrio, quibus hoc vnum spectat, ab libero arbi-  
trio peccati originem duci, nec inde tamen illud esse  
consequens, quod inferebant Manichæi, peccata no-  
stra in naturæ auctorem redundare. At quia Manichæi,  
ut id probarent, statuebant ignorantiam & con-  
cupiscentiam nobis ab natura inferi, S. Augustinus  
docet etiam in illa hypothesi, hominum peccata in  
Creatorem non refundi, atque adeo falli Manichæos,  
qui, hanc vnâ ob causam, peccata ab libero arbitrio  
proficisci negabant. Hinc illa eius verba libro de dono



perfeu. c. II. *Quamuis in libro 3. de libero arbitrio, ita de paruulis disputauerim, ut etiamsi verum esset quod dicunt Pelagiani, ignorantiam & difficultatem sine quibus nullus homo nascitur, primordia non supplicia esse natura, vince- rentur tamen Manichæi, &c.*

His obseruatis facilè diluitur futilis illa Aduersa- riorum responsio. Nam si, vt volunt, concedit S. Au- gustinus in illa hypothefi, quæ ignorantiam & concu- piscentiam nobis innatas fingit, hoc sensu culpandum esse Deum, quòd hominis peccata illi tanquam na- turæ auctori adscribantur, idque vnum negat, in ea- dem hypothefi ita culpandum esse, quasi pars eius ali- qua nostris corporibus illigeretur, & ad peccandum car- nis societate cogatur. Si, inquam, ita sentit S. Augu- stinus, primò grauiorem Catholicis, quàm Manichæis plagam infligit; nam Manichæi Dogmatis posteriorem quidem partem atterit: at priorem, quâ Catholicorum opinio euertitur, adiunat. Secundò, causam quam susceperat, prodit; nam his libris id probare institue- rat, falli Manichæos, qui pugnabant in illa hypothefi non posse peccata ab libero arbitrio originem ducere, quin culpa in Deum, tanquam in naturæ auctorem re- flueret, quòd totum non illis gratificaretur modò, sed verum esse certaret. Proinde inanis esset hæc eius glo- riatio l. de dono perfeu. cap. II. *In tertio libro de libero arbitrio secundum utrumque sensum restiti Manichæis, siue supplicia siue primordia natura sint ignorantia & difficul- tas, siue quibus nullus hominum nascitur.* Tertiò, proba- ret quidem in illa hypothefi non esse aliquo sensu cul- pandum Deum, non tamen probaret esse absolutè lau- dandum, cùm alio sensu culpandum esse fateretur. Quod quàm sit à S. Augustini mente alienum, patet ex toto illo libro 3. de libero arbitrio, & ex l. I. retract. cap. 9. quo libros de libero arbitrio recognoscit. Nam ibi testatur se ita in illis libris disputasse, vt siue ignoran- tia & concupiscentia peccati supplicia essent, siue na-

turæ primordia, laudandus crederetur, vel etiam ostenderetur Deus. Propter illos quippe disputatio illa suscepta est, qui negant ex libero voluntatis arbitrio mali originem duci, & Deum, si ita est, creatorem omnium naturarum culpandum esse contendunt. Ex his omnibus ita iocularem Aduersariorum responsionem oppugno: S. Augustinus dum ait, *Quamuis ignorantia & difficultas essent primordia hominis naturalia, nec sic tamen culpandus esset Deus*, hoc sensu culpandum Deum negat, quo Manichæi in Catholicorum sententia culpandum pugnabant: Atqui Manichæi in Catholicorum sententia Deum hoc tantum sensu culpandum pugnabant, quod illi hominum peccata, tanquam naturæ auctori tribuerentur; Ergo S. Augustinus dum ait, *quamuis ignorantia & difficultas essent primordia hominis naturalia, nec sic tamen culpandus esset Deus*, hoc sensu culpandum Deum negat, quod illi hominum peccata tanquam naturæ auctori tribuantur.

Confirmatur: Esto, explicent utcumque Aduersarii, quomodo in illa hypothese non esset culpandus Deus; non tamen explicant, nec explicare possunt, quomodo in eadem hypothese esset laudandus. Vnde ne id tentauit quidem nouæ factionis signifer: nam cap. 2. quo se illam difficultatem exsufflaturum promiserat, titulum hunc inscribit: *Ostenditur quomodo Deus non esset culpandus, si ignorantia & difficultas essent primordia hominis naturalia*. Fidem hinc tuam erudite Lector appello. Ait S. Augustinus in illa hypothese non modò culpandum non esse Deum, sed etiam esse laudandum: hic se tanta difficultate perfunctum putat, si ostenderit, quomodo aliquo sensu non esset culpandus Deus: at quomodo etiam laudandus esset, ostendere ne conatur quidem. Et verò quomodo id ostenderet, cum Deum in eadem hypothese peccati auctorem futurum esse contendat? En noui Dogmatistæ candorem! Hinc reliquas eius insidias cognosce, & crimine ab uno, disce omnes.

Libet



Libet hunc nodum arctius stringere, vt nouæ opinionis fauces elidantur. Testatur S. Augustinus capite citato libri i. retract. se in libris de libero arbitrio demonstrasse, non culpandum, sed laudandum esse Deum etiam in illa hypothefi, quæ ignorantiam & concupiscentiam ab natura fluere statuit; Age consulemus locum, & rationes, quibus id probat, expendamus. Nam ex his constabit, ignorantiam & concupiscentiam peccandi necessitatem non imponere. Sed quia Aduersarij syllabis ac vocibus insidiantur, vt aliquid caprent, quo vel interpellare dicentem, vel aliud disputationem auocare possint; proderit ante conflictum ea expedire paucis, vnde fortè certamini moram iniicerent. Do illis primò quod contendunt, nihil statuere S. Augustinum an hypothefis illa, quæ ignorantiam & concupiscentiam ab natura profectas fingit, possibilis sit, an non. Do ampliùs fallam esse & impossibilem. nihil enim id causæ nostræ incommodat, modò concedatur, quod negari non potest, etiam in illa hypothefi, Manichæorum aduersùs Catholicos argumenta retundi posse. quæ omnia id spectabant: *Ex libero voluntatis arbitrio mali originem non duci, & Deum, si ita est, creatorem omnium naturarum culpandum esse.* Do illis secundò, longè abesse S. Augustini hypothefim, ab hypothefi naturæ puræ; quòd hæc finem supernaturalem, & gratias eò conducentes excludat: illa verò & eundem finem, & easdem omnino gratias, quas in hoc reparatæ naturæ statu habemus, complectatur. Do illis tertio, ponere S. Augustinum in hypothefi sua peccasse Adamum, & hoc peccato suo immortalitatem aliàsque status innocentie dotes sibi & posteris amisisse: at nullum in eos peccatum transfudisse, adeoque animas corporum societate nihil contrahere labis, & ignorantiam ac concupiscentiam subire, non vt peccati, quo carent, supplicia: sed vt naturæ primordia. Hoc vno præcisè S. Augustini hypothefim ab hoc na-

Libro. 3. de  
statu puræ  
nat. cap. 17.

338 DISPUT. DE LIBERO ARBITRIO  
turæ reparatæ statu discrepare concedo: fateorque id  
non probabiliter tantum, sed & certò demonstrariis,  
quæ proferunt, S. Augustini testimoniis.

Et si hæc omnia quæ tam operosè probant Aduersarij, illis dederim: vincam tamen rationes omnes, quibus S. Augustinus efficit in illa hypothesi non esse culpandum Deum, sed laudandum, nouæ opinionis caput ferire. Nam inde sumuntur, quòd ignorantia & concupiscentia peccandi necessitatem non inducant, & nullus sit homo, qui à Deo gratiam non accipiat, quâ eas vincere, & à peccato temperare possit. Audiloquentem: *Ignorantia & difficultas etiamsi essent primordia hominis naturalia, nec sic culpandus Deus, sed laudandus esset. Quid ita? Quia inquit capite 20. ANIMA FACULTATEM HABET, VT ADIUVANTE CREATORE SE IPSAM EXCOLAT, ET PIO STUDIO POSSIT OMNES ACQVIRERE ET CAPERE VIRTUTES, PER QVAS ET A DIFFICULTATE CRUCIANTE, ET AB IGNORANTIA CÆCANTE LIBERETVR. Item: Quia Deus ETIAM IN IPSA IGNORANTIA, ET DIFFICULTATE LIBERAM VOLVNTATEM PETENDI, QVÆRENDI, ET CONANDI NON ABSTVLIT, DATVRVS PETENTIBVS, DEMONSTRATVRVS QVÆRENTIBVS, PVLSANTIBVS APERTVRVS. Rursus: Caro venientibus ad se animis hanc ignorantiam & difficultatem facit, quæ neque his, neque creatori tanquam culpanda tribuatur; Dedit enim ille facultatem bene operandi in laboriosis officiis, & viam fidei in obliuionis cecitate. Non quòd omnibus fidei lumen illuxerit, sed quòd singulis gratiam petendi & quærendi inspiret, quâ si vtantur bene, gradatim ad fidem assurgant. Sic illud explicat cap. 22. Quòd ergo ignorat, quid sibi agendum sit, ex eo est quod nondum accepit: sed hoc quoque accipiet, si hoc quod accepit, bene vsa fuerit. ACCEPIT AVTEM VT PIE ET DILIGENTER QVÆRAT, SI*



**VOLET.** Ex his omnibus ita concludit cap. 22. *Si ignorantia veri, & difficultas recti naturalis est homini (en hypotesim de qua agimus) nullus hanc ex initio naturaliter rectè arguit. Sed si proficere noluerit, aut à profectu retrorsum relabi voluerit, iure meritoque pœnas luet. Creator vero eius ubique laudatur, vel quòd eam ab ipsis exordiis ad summi boni capacitatem inchoauerit, vel quòd eius profectum adiuuet, vel quòd impleat proficientem atque perficiat.* Hinc liquet docere S. Augustinum, idcirco Deum non esse culpandum, sed laudandum, etiamsi ignorantia & concupiscentia ab natura oriantur, quòd omnes & singulos homines ita gratiâ suâ adiuuet, vt illas vincere: & à peccato, ad quod inclinant, abstinere possint. Ergo falluntur qui negant ex mente S. Augustini omnibus hominibus gratias dari, quibus frænare concupiscentiam, & peccatum cauere possint.

Confirmatur ex iis quæ addit, vt probet in eadem hypotesi peccatores iustè puniri. *Ignorantia verò & difficultas si naturalis est, inde incipiat anima proficere, & ad cognitionem & requiem, donec in ea perficiatur vita beata, promoueri. Quem profectum in studiis optimis, atque pietate, quorum facultas ei non negata est, si propria voluntate neglexerit, iustè in grauiorem quæ iam pœnalis est, ignorantiam, difficultatèmq; precipitatur.* Et cap. 20. *Quod si agere nolueris peccati rea iure tenebitur, tanquam quæ non bene vsa sit ea facultate quam accepit.* **QV ANQV AM ENIM IN IGNORANTIA ET DIFFICVLTATE NATA SIT, NON TAMEN AD PERMANENDVM QVOD NATA EST, ALIQVA NECESSITATE COMPRIMITVR.** Ergo supponit S. Augustinus nullam ab concupiscentia peccandi necessitatem imponi; nam si vel vnus homo sit, quem concupiscentia tanta necessitate in peccatum abripiat, vt sustinere se, & à peccato temperare non possit, ruunt hæc omnia. Siquidem homo ille, si concupiscentia naturalis esse ponatur, puniri à Deo iustè non poterit.

Illustratur hæc ratio. Sumo ego hominem vnum, qui æstuate concupiscentia pronus in vitia feratur. Peto ab Aduersarius an Deus huic homini gratiam offerat, quâ possit hoc momento, quo peccat, peccatum cauere. Respondent, nec Deum offerre hanc gratiam, nec hominem istum posse à peccato abstinere. Ampliùs quæro. Quare ergo huic homini imputatur peccatum, cum illud necessariò committat? Atunt ideo imputari, quia concupiscentia, à qua illa peccandi necessitas oritur, peccato originali contracta est. Ergo si concupiscentia à natura manaret, homo ille nec peccaret, nec iustè à Deo puniri posset. Fatentur. At illud ipsum est, quod disertè S. Augustinus negat in libris retractationum, imò ibidem asserit, se in libris de libero arbitrio demonstrasse etiam in illa hypothese hunc hominem peccaturum, & suppliciis æternis iustè plectendum. Hic hærent omnes, & quasi de cælo tacti obstupescunt. Hæret & ipse totius factionis antesignanus, atque hunc locum veluti fatalem suo Dogmati scopulum reformidat.

Est forte qui putet posse hunc nodum solui, si dicatur, sentire S. Augustinum in illa hypothese, quæ concupiscentiam naturalem fingit, dandas omnibus hominibus gratias, quibus illam vincere possent: at in hoc statu eiusmodi gratias non dari. Tam perditæ est illa responsio, vt nouus Doctor, licet proiectus ad audendum, in summa rerum suarum desperatione tentare illam non ausus sit. Nam intelligebat primò, pugnare illam cum S. Augustini mente. Siquidem, vt ipse multis probat, vult S. Augustinus in prædicta hypothese manere omnia, quæ in hoc naturæ reparatæ statu fiunt, nihilque mutari, nisi quòd ignorantia & concupiscentia naturales sint. Et sanè aliàs inepta esset S. Augustini argumentatio, nec Manichæos refelleret; nam illud maneret semper, quod illi contendebant, peccata quæ iam homines committunt, non illis, sed Deo esse tri-



buenda, si nulla alia re murata, ab homine, ignorantiz & concupiscentiz naturaliter obnoxio, fieri ponantur. Intelligebat secundò, eandem solutionem suo Dogmati aduersari. Nam gratia, quæ in illa hypothesi omnibus hominibus daretur ad vincendam concupiscentiam, vel esset gratia sufficiens, qualem in statu innocentiz omnibus dandam fuisse concedit, vel gratia efficax, qualem in hoc statu quibusdam dari statuit. Non primum, quia ex eius opinione gratia sufficiens nihil contra concupiscentiam potest, tamque est impossibile hominem concupiscentiâ oppressum cum illa gratia bene agere, quàm sine vlla omnino gratia. Non secundum, quia gratia illa efficax, qualis in hoc statu ex eius mente datur, semper effectum sortitur; ac proinde si in illa hypothesi omnibus daretur, nullus malè ageret. quod est manifestè contra S. Augustini mentem, qui tunc etiam homines aliquos peccaturos, & pœnis æternis cruciandos esse concedit.

Hanc ego responsionem non ideo confutandam putavi, quòd ab aliquo vsurpatam scirem, sed vt postremum hoc effugium occluderem desperatis hominibus, qui sæpe, vt de Vincentio Victore S. Augustinus dixit, vel per naufragium periculo exire conantur.

## PARAGRAPHVS III.

*Altera Aduersariorum obiectio confutatur, & explicatur fusè quid sit ex S. Augustini mente peccatum tantum, quid peccatum simul & pœnâ peccati.*

SVPERIORI persimilis est ista obiectio, nisi quòd paulò intricatur magis, & pluribus ac subtilioribus cauillis inuoluitur. Aiunt iniquè nos facere, & Pelagianorum vestigiis ingredi, cùm ex hoc loco, aliisque eiusdem sententiz; *Peccatum est voluntas amittendi aut consequendi quod iustitia vetat, & unde liberum est absti-*

Lib. 4. de  
statu nat.  
lapsæ cap.  
11. & lib. 3.  
cap. 9. 10.  
11. 12.

342 DISPUT. DE LIBERO ARBITRIO  
nere, homini lapsò liberam abstinendi à peccato potestatem vindicamus. Quia Augustinus ipse, cum ex iisdem locis Pelagiani ipsi litem intenderent, clarissimè mentem suam exposuit, docuitque illam peccati definitionem non conuenire peccato, quod etiam peccati pœna est, cuiusmodi sunt omnia peccata quæ in hoc naturæ lapsæ statu committuntur. Sed illi duntaxat, quod tantummodo peccatum est, cuiusmodi solum fuit primi parentis peccatum. Doctrinam hanc mutuati sunt ex Caluino, qui libro 3. obliuienti Pighio peccatum definiri à S. Augustino: *Id unde liberum est abstinere.* Respondit: *Iam in his etiam verbis mentem suam Augustinus edisserat. Vera, inquit, propterea est definitio, quia id definitur quod tantummodo peccatum est, non etiam pœna peccati. Vides ipsius auctoris testimonio non nisi primo Ade peccato conuenire hanc definitionem.*

Duplex est huius responsionis flagitium. Primò nomine peccati, quod S. Augustinus tantummodo peccatum vocat, cuique conuenire ait, ut ab eo liberum sit abstinere, solum primi hominis peccatum censent. Et tamen S. Augustinus eodem nomine, eadèmq; definitione, illa etiam peccata comprehendit, quæ in hoc naturæ lapsæ statu deliberatò committuntur. Secundò, per peccatum quod est etiam pœna peccati, & à quo S. Augustinus negat liberum esse abstinere, intelligunt omnia peccata, quæ in hoc naturæ lapsæ statu deliberatò à nobis fiunt: & tamen S. Augustinus eo nomine illa tantum peccata complectitur, quæ ex omnium opinione caueri non possunt: nimirum, originale peccatum, quod propriè peccatum est, & concupiscentiam cum motibus eius indeliberatis, atque iis peccatis, quæ ex ignorantia inuincibili committuntur, quæ licèt propriè peccata non sint, vocat tamen peccata, quòd primi peccati fructus sint, & pœnæ. Sed antequam ista particularim demonstro, placet inuestigare qua de causa Pelagiani tam sæpè



S. Augustino obiecerunt, docuisse illum contra Manichæos liberum esse à peccato abstinere, & neminem peccare in eo quod cauere nullo modo potest. Nam qui vel hoc vnum attenderit, & S. Augustini mentem clarissimè intelliget, & insignem Caluini in S. Augustino corrumpendo vafritiem mirabitur.

Pelagiani duplici de causa superiores peccati definitiones S. Augustino impegerunt. Primò, vt vincerent hominem natiuis, & ab ipsa insitis origine polleere viribus, atque adeo sine vllò medicinalis gratiæ auxilio à peccato continere, & vitam æternam consequi posse. Sic enim colligebant: Augustinus contra Manichæos scribens docet, hominem posse à peccato abstinere, nec tamen gratiæ meminit, cuius beneficio id possit; Ergo Augustinus contra Manichæos scribens sentiebat hominem sine gratia à peccato abstinere posse. Hoc Pelagianorum argumentum refert & confutat S. Augustinus l. de natura & gratia cap. 67. & l. 1. retract. cap. 9. vbi cùm sua hæc verba ex libris de libero arbitrio recitasset: *Quis peccat in eo quod cauere nullo modo potest?* Addit: *In his, atque huiusmodi verbis meis, quia gratia Dei commemorata non est, de qua tunc non agebatur, putant Pelagiani, vel putare possunt suam nos tenuisse sententiam. Sed frustra hoc putant. Quia, vt iisdem locis subnectit, potest peccatum cauere, sed opitulante illo, qui non potest falli.* Nihil hæc Aduersarios subleuant, mihi potiùs patrocinantur. Nam si arbitraretur S. Augustinus definitionem illam peccati, ad solum primi hominis peccatum pertinere, ita respondisset: meritò se gratiæ mentionem non fecisse, cùm dixit hominem à peccato abstinere posse, quia de illo tantùm homine loquebatur, qui nondum peccati seruus erat, quique poterat, sine illa gratia, de qua litigabant, peccatum cauere. Fuisset hæc longè facilior, & ad reuincendam Pelagij improbitatem multò magis explicata responsio.

Altera causa propter quam Pelagiani tam sæpè S. Augustino obiecerunt, docuisse illum contra Manichæos, peccatum caueri posse, ducitur ex altero Pelagianorum errore. Statuebant illi, homines ex Adami peccato nihil domesticæ labis & maculæ contraxisse; ideóque S. Augustinum vexabant acriter, quòd doceret inhære pueris iam inde ab ipso matris utero peccatum aliquod, ab Adamo in postero transfusum, & baptismo abluendum. Item, quòd diceret concupiscentiam non esse insitam à Deo, sed ex eodem Adami peccato, quasi ægritudinem quandam intestinamque corruptelam, fluxisse: ac proinde non modò non esse bonam & laudandam, ut aiebant Pelagiani, sed etiam peccati nomine censeri, quòd à peccato profecta esset, & ad peccatum alliceret. Sic autem contra S. Augustinum ex eius contra Manichæos libris argumentabantur: Augustinus contra Manichæos scripsit nullum esse peccatum nisi voluntarium, & neminem peccare in eo quod cauere non potest; Ergo tunc sentiebat nullum esse peccatum originale, & concupiscentiam non esse peccatum, quia neutrum voluntarium est, aut caueri potest. Respondet S. Augustinus, illas peccati definitiones quas ex suis in Manichæos libris proferebant Pelagiani, non conuenire illi peccato, quod est pœna peccati, cuiusmodi sunt peccatum originale, & concupiscentia; sed illi, quod tantummodò peccatum est, cuiusmodi sunt omnia peccata quæ à nobis deliberatò fiunt, & præcipuè primum hominis peccatum, de quo maximè cum Manichæis certabat.

Præstat S. Augustinum audire illud ipsum copiosè, ac disertè explicantem l. i. operis imperf. à pag. 36. ad 48. Primò integrum Iuliani argumentum proponam, deinde S. Augustini responsionem. Ita disputat Iulianus pag. 36. *In eo libro, cui titulus est, de duabus animabus, ita loqueris: peccatum est voluntas amittendi,*



tendi, vel retinendi quod iustitia vetat, & unde liberum est abstinere. ô lucens aurum in stercore! quid verius, quid plenius dici à quoquam vel orthodoxo potuisset? ubi hæc pluribus castigauit S. Augustinus, reliqua Iuliani verba, quæ Pelagianorum argumenti conclusionem continent, subtexit pag. 43. Ostende ergo hæc duo in paruulis posse constare, si nullum est sine voluntate peccatum, si nulla voluntas ubi non est explicata libertas; si non est libertas ubi non est facultas per rationem electionis; quo monstrato peccatum in infantibus inuenitur (ironicè hæc dicit) qui rationis usum non habent: igitur nec eligendi facultatem, ac per hoc nec voluntatem? Atque his irrefutabiliter concessis, nec aliquod omnino peccatum? En celebre illud Pelagianorum argumentum quod Pelagius tam sæpe, quod Iulianus importunè S. Augustino ingerit, quodque breuius libro 2. pag. 245. in hæc verba colligit: Nec posse in paruulo quodpiam esse peccatum, cuius nulla alia conditio est secundum definitionem tuam, quam voluntas amittendi quod iustitia vetat, & unde liberum est abstinere. Ad hoc argumentum dissoluendum ita se accingit S. Augustinus pagina 40. Tria ista discernas, & scias aliud esse peccatum, aliud pœnam peccati, aliud utrumque. Intelligis quid horum trium pertineat ad illam definitionem, ubi voluntas est agendi quod iustitia vetat, & unde liberum est abstinere: Peccatum namque isto modo definitum est, non pœna peccati, non utrumque.

Si hic hæssisset S. Augustinus, nihil habuissent Adversarij, quod prudenter opponerent, rixari tamen & pro suo more altercari potuissent. At ea subiicit quæ illos, si frontem habent, pudore suffundant, & æternum præposteræ nouitati silentium indicant. Habent autem tria ista genera, etiam species suas, de quibus nunc longum est disputare. Horum sanè trium generum si requirantur exempla, primi generis in Adam sine ullo modo quæstionis occurrit: multa quippe sunt quæ agunt homines mala, à quibus eis liberum est abstinere, sed nulli tam libe-

rum est, quàm illi fuis, qui Deo suo à quo eras conditus re-  
 ctus, nullo prorsus vitio deprauatus adstabas. Huc aures  
 Caluine. Ait S. Augustinus multa homines facere ma-  
 la, à quibus eis liberum est abstinere, atque adeo quæ  
 ad primum illud genus pertineant, quod tantummodo  
 peccatum est, non etiam pœna peccati, cuique conue-  
 nit illa definitio, quam tu soli primi hominis peccato  
 ab Augustino tributam fuisse contendis. Sed id poste-  
 rius videro, quod instat absoluiamus. *Secundi autem ge-  
 neris ubi tantummodo est pœna peccati, exemplum in eo ma-  
 lo est, quod quisque ex nulla parte agit, sed tantummodo  
 patitur, velus cum pro suo scelere qui peccauit occiditur.* Ni-  
 hil ad rem nostram genus istud pertinet, sed omitti non  
 debuit, ne quis suspicaretur truncare me locum istum;  
 atque, vt Aduersarij solent, quæ mihi nocent suppri-  
 mere. Postremo, tertij generis exemplum ponit in  
 concupiscentia. *Tertium verò genus ubi peccatum ipsum  
 est, & pœna peccati, potest intelligi in eo qui dicit: quod no-  
 lo malum, hoc ago.* His explicatis ad Iuliani argumen-  
 tum enucleatius soluendum accedit, docetque: pec-  
 catum originale, neque ad primum, neque ad secun-  
 dum genus pertinere, sed ad tertium. Atque idcirco  
 mirum non esse, si caueri non possit, cum id primo tan-  
 tum peccatorum generi conueniat. Proinde, inquit,  
*originale peccatum nec ad illud pertinet, quod primo loco  
 posuimus, ubi est voluntas malum operandi unde est libe-  
 rum abstinere, alioquin non esset in paruulus, qui nondum vo-  
 luntatis vtuntur arbitrio. Nec ad illud quod secundo com-  
 memorauimus; de peccato enim nunc agimus, non de pœna,  
 quod non est peccatum, quamuis peccati merito subsequatur:  
 quam quidem patiuntur & paruuli quia inest eis corpus mor-  
 tuum propter peccatum; non tamen mors corporis ipsa pecca-  
 tum est, aut corporalis quicumque cruciatus. Quare pecca-  
 tum originale ad tertium genus reuocat. Adhuc genus  
 tertium, ubi sic peccatum est, vt ipsum sit & pœna peccati, quod  
 inest quidem nascentibus. At ne quis miretur inesse pec-*



eatum nascentibus, qui nihil adhuc boni, aut mali egerat, addit: *Origo tamen etiam huius peccati descendit à voluntate peccantis, fuit enim Adam, & in illo summo omnes perierit Adam, & in illo omnes perierunt.* Vident quibus est aliquid sanæ mentis & iudicij, Pelagianos ex superiori peccati definitione solum originale peccatum impugnasse, & S. Augustinum ab eadem definitione originale tantum & concupiscentiam segregasse.

Delineata breuiter generali huius difficultatis notatione, quæ duo antè probanda susceperam paucis exequar. Primum est, S. Augustinum nomine peccati, quod tantummodo peccatum est, cuique prædictam definitionem accommodat, Adami quidem peccatum præcipuè intelligere, at eadem voce, eademque definitione illa etiam peccata complecti, quæ à nobis deliberatò fiunt. Probatur primò ex loco proximè citato: *MULTA SVNT QUÆ AGVNT HOMINES MALA A QVIBVS EIS LIBERV M EST ABSTINERE, SED NVLLI TAM LIBERV M EST, QVAM ILLI FVIT, &c.* continent hæc verba argumentum à minori ad maius, quo probat S. Augustinus Adami peccatum, sine ullo modo questionis, pertinere ad primum peccati genus, quod tantummodo peccatum est, cuique illa definitio conuenit: *Peccatum est unde liberum est abstinere.* sic autem formatur illud argumentum. Multa peccata, quæ iam homines committunt, pertinent ad primum peccati genus, quod tantummodo peccatum est; quia multa sunt, quæ agunt homines mala à quibus eis liberum est abstinere; Ergo à fortiori Adami peccatum pertinet ad illud primum genus, quia nulli tam liberum est quàm illi fuit, &c. Probatur secundò, ex eodem libro 1. operis imperfecti pag. 157. obiecerat Iulianus: *Peccatum secundum definitiones suas iam nec in moribus inuenitur.* S. Augustinus multis hanc calumniam depellit, ac postremò ita concludit: *CVM IGITVR ET ILLA FATEAMVR IN HOMINIBVS ESSE PEC-*

348 DISPUT. DE LIBERO ARBITRIO  
 CATA QUÆ COMMITTUNTUR NON NECESSI-  
 TATE, SED VOLUNTATE; QUÆ TANTVM-  
 MODO PECCATA SVNT, VNDE AB EIS LI-  
 BERVM EST ABSTINERE (singula hæc verba ex-  
 pendere) Et peccatis de ignorantia & affectionum necessitate  
 venientibus, quæ iam non solum peccata sunt, verum etiam  
 pœna sunt peccatorum, plenum sit genus humanum, quomo-  
 do dicis definitionibus nostris peccatum nec in moribus in-  
 ueniri? Si hac sententia opinionem suam configi non  
 vident Aduersarij, mentem profectò contradicendi  
 studio amiserunt. Probatur tertio, ex libro 1. retract.  
 cap. 15. vbi recognoscit illud ex libro de duab. Animab.  
*Nusquam est nisi in voluntate peccatum.* quibus verbis  
 non voluntatem quamlibet, sed indifferentem ac nul-  
 la re necessariò circumscriptam designari nouus Doctor  
 contendit. vnde soli primi hominis peccato compete-  
 re ait quod S. Augustinus dixerat: *Nusquam est nisi in*  
*voluntate peccatum.* Cui probando illud ipsum ex libro 1.  
 retract. testimonium adhibet, quo iam ego contra-  
 rium euinco. sic habet: *Peccatum autem, quod nusquam*  
*est nisi in voluntate, illud precipue intelligendum, quod iusta*  
*damnatio consecuta est; Hoc enim per unum hominem in-*  
*troiuit in mundum.* Miror quin verbum illud, *precipue*,  
 nouus Doctor extriuerit; nam eo stante ridiculè ex hoc  
 loco colligit soli primi hominis peccato conuenire, vt  
 voluntate fiat; cum inde sequatur potius alteri etiam  
 id congruere; quod sequentia S. Augustini verba cla-  
 rissimè demonstrant: **QV ANQV AM ET HOC PEC-**  
**CATVM, QVO CONSENTITVR PECCATI CON-**  
**CUPISCENTIÆ, NON NISI VOLVNTATE COM-**  
**MITTITVR.**

Libro 4. de  
 statu natu-  
 re lapse  
 cap. 21.

Alterum quod me probaturum receperam, istud est:  
 S. Augustinum nomine peccati, quod etiam pœna  
 peccati est, quòdque excludit à superiori definitione,  
 non complecti ea peccata, quæ prolestante, & ad ma-  
 lum inuitante concupiscētia deliberatò à nobis fiunt;



Probatur primò, ex eo quòd huius generis exempla in iis tantum peccatis ponat, quæ ex omnium opinione necessariò fiunt aut contrahuntur: nimirum, in peccato originali, & in concupiscentiæ moribus indeliberatis: alia verò quæ deliberatò à nobis fiunt manifestè ab hoc genere secernit, traditque persæpe: *In hominibus esse peccata, quæ committuntur non necessitate, sed voluntate, quæ tantummodo peccata sunt, unde ab eis liberum est abstinere.* Item: *multa esse quæ agunt homines mala à quibus eis liberum est abstinere.* Et sanè nunquam Pelagiani aduersùs ista peccata ex superiori definitione præscripserunt, sed tantum aduersùs originale peccatum, cuiusque appendices ignorantiam & concupiscentiam. Probatur secundò, quia si valeret hac in parte Aduersariorum doctrina, S. Augustini aduersùs Manichæos disputatio rueret, clariùs dicam noui Doctoris phrasi, *Augustini de Manichæis victoria esset vana, imò fallax & falsa, nec iam tredecim eius libri, sed plus triginta, funditus euerterentur.* Sed cùm longiorem tractationem exigit hæc probatio, integrum illi Paragraphum assignabo, eamque repetam altiùs, vt hoc noui Dogmatis propugnaculum à fundamentis exscindam.

## PARAGRAPHVS IV.

*Probatur inuictissimè S. Augustinum ab illis peccati definitionibus, quas contra Manichæos attulit, non exclusisse ea peccata, quæ ab hominibus ignorantia & concupiscentiâ implicatis deliberatò committuntur.*

OBSERVANDVM I. S. Augustinum cum Manichæis de primi hominis peccato præcipuè certasse, quia litigabant de mali origine, seu de primo peccati principio. Hoc mihi Aduersarius concedit, & ex S. Au-

Libro 4. de  
statu natu-  
ræ lapsæ  
cap. 11.

350 DISPUT. DE LIBERO ARBITRIO  
gustino manifestè colligitur, quilibet 1. operis imperfecti pag. 37. agens de superiori peccati definitione, quam contra Manichæos usurpat, ait: *Hic peccatum definitum est, quod tantummodo peccatum est, non quod etiam pœna peccati, de hoc quippe agendum fuit quando mali origo quærebatur, quale commissum est à primo homine ante omnes homines malum.* Quibus verbis insolescentem Iulianum coerces, qui illa definitione peccatum originale, si quod esset, comprehendi debuisse contendebat.

Observandum 2. S. Augustinum in hoc cum Manichæis conflictu nunquam pro confesso aut explorato sumere, primum hominem ignorantia & concupiscentia caruisse. Patet id primò, quia numquam id se ita sumere profiteretur. Secundò, quia nec sumere potuit; cum non modò id negarent Manichæi, sed etiam in contradictoria propositione causæ suæ firmiter ac præsidium ponerent; sic enim contra Catholicos argumentabantur: Peccatum hominis ignorantia & concupiscentia implicati non potest esse à libero arbitrio; Atqui primum peccatum, de quo agimus, fuit peccatum hominis ignorantia & concupiscentia implicati; Ergo primum peccatum, de quo agimus, non potest esse à libero arbitrio. Suum verò de duabus animabus commentum ex eodem principio sic firmabant: Concupiscentia, quam homo iam inde à prima origine habet, non potest esse à Deo; Ergo est à principe tenebrarum. Item: Eadem concupiscentia non potest esse creatæ à Deo naturæ vitium; Ergo est alienæ additamentum. Hæc Manichæorum argumenta refert & confutat S. Augustinus cum multis aliis in locis, tum præcipuè in libris de libero arbitrio, & in libro de duabus animabus. Non potuit igitur S. Augustinus pro confesso, & explorato sumere, primum hominem ignorantiam & concupiscentiam non habuisse, cum præsertim nondum illud



ab Ecclesia definitum esset, aut ab aliquo Ecclesiastico scriptore validè comprobatum.

Obseruandum 3. S. Augustinum Manichæis liberaliter indulgere, primum hominem ignorantiam & concupiscentiam ab ipsa origine tanquam naturæ primordia hausisse. Quod ut illis daret duplex ratio persuaserit. Primò quòd aduersùs Manichæos satis firmè probare non posset viciatam esse peccato originali naturam: quia vetus instrumentum, & locos aliquot noui, quibus peccati originalis mentio fit, repudiabant. Secundò, quia etiam in illa hypothesi, quæ primum hominem ignorantie, & concupiscentiæ subiicit, sacrilega Manichæorum deliria reuincere poterat. Multùm conferet ad victoriam hæc obseruatio, quare, etsi clara sit ipsa per sese, pluribus tamen S. Augustini testimoniis est comprobanda. libro 1. retract. c. 9. clarissimè id exponit. *Ad quam miseriam iusta damnationis pertinet ignorantia & difficultas, quam patitur omnis homo ab exordio natiuitatis suæ, nec ab isto malo liberatur quisquam nisi Dei gratia. Quam miseriam nolunt Pelagiani ex iusta damnatione descendere, negantes originale peccatum: QVAMVIS IGNORANTIA ET DIFFICULTAS ETIAMSI ESSENT PRIMORDIA HOMINIS NATVRALIA, NEC SIC CVLPANDVS, SED LAVDANDVS ESSET DEVS, sicut in eodem libro 3. de libero arbitrio disputauimus. Quæ disputatio contra Manichæos habenda est, qui non accipiunt scripturas sanctas veteris instrumenti, in quibus peccatum originale narratur. Et quidquid inde in litteris apostolicis legitur, detestabili impudentia immisissum fuisse contendunt à corruptoribus scripturarum, tanquam non fuerit ab Apostolis dictum.*

Similis est locus alter 1. de dono perseu. cap. 11. *Cur autem causam paruulorum ad exemplum maiorum (sicut scribitis) non patiuntur afferri homines, qui contra Pelagianos non dubitans esse peccatum originale, quod per unum*

*hominem intrauit in mundum, & ex uno omnes esse in condemnationem. Quod & Manichæi non accipiunt, qui non solum omnes veteris instrumenti scripturas in ulla auctoritate non habent, verum etiam eas quæ ad nouum pertinent testamentum sic accipiunt, ut suo quodam priuilegio, imò sacrilegio quod volunt sumant, quod nolunt reiciant. Contra quos agebam in libris de libero arbitrio, unde isti nobis prescribendum putant. Ideo quæstiones operosissimas incidentes enucleatè soluere nolui, ne nimium longum opus esset, ubi me aduersus tam peruersos testimoniorum Diuinorum non adiuuabat auctoritas: & poteram, sicut feci, quodlibet horum verum esset, quæ non definitè interponebam, certa tamen ratione concludere, in omnibus Deum esse laudandum. Quod paucis interpositis sic contrahit: Quamuis ergo libro 3. de libero arbitrio ita de paruulis disputauerim, ut ETIAM SI VERVM ESSET QVOD DICVNT PELAGIANI, IGNORANTIAM ET DIFFICULTATEM, SINE QVIBVS NVLLVS HOMO NASCITVR, PRIMORDIA NON SVPLICIA ESSE NATVRÆ, VINCERENTVR TAMEN MANICHÆI. Et capite 12. In tertio libro de libero arbitrio secundum vtrumque sensum restiti Manichæis, siue supplicia siue primordia natura sint ignorantia & difficultas, siue quibus nullus hominum nascitur. Vides quàm sæpè profiteretur S. Augustinus se Manichæis dedisse ignorantiam & concupiscentiam esse naturæ primordia, quia nec contrarium aduersus illos probare faciliè poterat, nec, ut eorum somnia refelleret, id probare opus habebat.*

His prænotatis satis opinor elucet, quod contendit: S. Augustinum contra Manichæos de primi peccati origine disputantem, ab his definitionibus: *Pecatum est id unde liberum est abstinere. Item: Nemo peccat in eo quod cauere non potest*, quas disputationis suæ fundamenta esse voluit, non ea peccata remouisse, quæ ab homine concupiscentiâ & ignorantia oppres-



so committuntur. Nam inde facile est ita arguentari : S. Augustinus Manichæis dabat, ignorantiam & concupiscentiam à natura infinitas esse, ac proinde Adamum cùm primum illud peccatum commisit, de quo maximè litigabant, ignorantiam & concupiscentiam habuisse; ergo à primi illius peccati definitione, peccatum non exclusit ab homine ignorantia & concupiscentia implicato commissum. Confirmatur, si S. Augustinus aduersus Manichæos dimicans peccati, de quo cum illis certabat, definitione, illud tantùm comprehendisset quod ab homine ignorantia & concupiscentia vacuo committitur, supposuisset hominem primum non habuisse ignorantiam & concupiscentiam, atque adeo egisset imprudentissimè, ne quid grauius dicam, qui id disputationis suæ fundamentum posuisset, quod præfractè negabant Manichæi, quòdque ipse nec aduersùs illos probauit vnquam, nec validè probare potuit.

Id constabit ampliùs, si S. Augustini argumenta superioribus peccati definitionibus innixa spectemus. Duplici genere continentur : alia enim Manichæorum de anima substantialiter mala commentum directè petunt: alia Catholicam de libero arbitrio sententiam firmant. Priora omnia ad hunc syllogismum reuocantur: Malum quod caueri potest, & vnde liberum est abstinere, non potest esse ab anima substantialiter mala: Atqui primi hominis peccatum, est malum quod caueri potest, & vnde liberum est abstinere; Ergo primi hominis peccatum non potest esse ab anima substantialiter mala. Vno hoc telo Manichæos impetit in libro de duabus animabus, in libris contra Fortunatum, Felicem, & Secundinum Manichæos: Item in libris de libero arbitrio, aliisque compluribus. At quàm imbelle est illud, si S. Augustinus his primi peccati definitionibus illa tantùm peccata complectitur, quæ sunt ab homine ignorantia & con-

354 DISPUT. DE LIBERO ARBITRIO  
cupiscentiâ vacuo? Nam hic erit minoris sensus: At-  
qui primum peccatum hominis ignorantia & concu-  
piscenciâ carentis, est malum quod caueri potest, &  
vnde liberum est abstinere. Quid inde colliget? ni-  
mirum: Ergo primum peccatum hominis ignorantia  
& concupiscenciâ carentis non potest esse ab anima  
substantialiter mala. Quod profectò Manichæis nihil  
incommodat, qui vllum eiusmodi hominem extitisse  
funditus negabant, quique primum hominis peccatum  
idecirco tantum animæ substantialiter malæ tribuebant,  
quòd illum ignorantiam & concupiscenciam tanquam  
naturæ primordia iam inde à prima origine habuisse  
arbitrarentur. Certè vt Manichæos læderet isthæc S.  
Augustini argumentatio, prius probandum esset, pri-  
mum hominem ignorantia & concupiscenciâ caruisse,  
quod, vt antè præmonui, nec aduersus Manichæos  
probauit vnquam, nec satis firmè probare potuit.

Maiorem vim non habebunt posterioris generis ar-  
gumenta, quibus S. Augustinus Catholicam de libero  
arbitrio sententiam tuetur: vno hoc syllogismo com-  
prehenduntur omnia. Malum quod caueri potest, &  
vnde homini liberum est abstinere, debet esse à libero  
arbitrio: Atqui primum peccatum hominis est malum,  
quod caueri potest, & vnde homini liberum est absti-  
nere; Ergo primum peccatum hominis debet esse à li-  
bero arbitrio. Si, vt pugnant Aduersarij, minoris hic  
est sensus: Atqui primum peccatum hominis ignoran-  
tiâ & concupiscenciâ carentis est malum quod caueri  
potest: quis erit ex Manichæorum fæce tam indo-  
ctus, qui hoc argumentum non rideat? Cùm id prober  
vnum, peccatum hominis ignorantia & concupiscen-  
ciâ carentis debere esse à libero arbitrio, quod Mani-  
chæi non illibenter dabunt: siquidem de solo hominis  
concupiscenciâ irretiti peccato negant, esse illud à li-  
bero arbitrio. Dudum, opinor, intelligis quàm mollis  
sit in Aduersariorum sententia, quàm fractus & imbel-



lis disputator S. Augustinus, qui tot in libris, tam sæpe, tam importunè illa Manichæis argumenta ingerat, quæ eos ne feriant quidem, quæque vt eludantur, non *Faussti suauiloquentia illecebras*, non *Romanum Secundini ingenium*, sed pueruli eâdem sectâ leuissimè tincti infantiam desiderent.

Efficiam verò vt ipsi sentiant Aduersarij se exarmare S. Augustinum, & partas ex Manichæorum strago palmas eius in manibus infringere. Testatur S. Augustinus iis in libris quos omnium ferè postremos exarauit: nimirum, in retractationibus libro 1. cap. 9. & libro de dono perseuerantiæ cap. 11. & 12. se ita aduersùs Manichæos disputationem suam temperasse, vt siue ignorantia & concupiscentia, sine quibus nullus hominum modò nascitur, essent naturæ primordia, aut peccati supplicia, vincerentur tamen Manichæi, atque hominum peccata ex libero nasci arbitrio demonstraretur. Peto ab Aduersariis, vt ostendant verè istud à S. Augustino dici, & ex his peccati definitionibus, *Peccatum est id vnde liberum est abstinere*. Item, *Nemo peccat in eo quod cauere non potest*, quibus integra S. Augustini aduersùs Manichæos disputatio nititur, vel vnum argumentum contexant, quo illud probabiliter euincatur. Hoc si tentauerint, intelligent profectò se non modò S. Augustini aduersùs Manichæos opera omnia enervasse, sed illud etiam falsitatis arguere, quod ex posterioribus eius libris protuli.

Stet igitur, quod ruere non potest, quin S. Augustini doctrina plus sexaginta libris consignata collabatur: nempe, S. Augustinum cum in libris retractationum affirmavit, se his peccati definitionibus primum præcipuè hominis peccatum explicasse: non id dixisse ea mente, vt ab iis peccata arceret, quæ concupiscentiæ lenociniis pellekti, aut ignorantia tenebris implicati deliberatò committimus; Nam & primum hominem iis blanditiis ac tenebris caruisse non supposebat,

356 DISPUT. DE LIBERO ARBITRIO  
cū has definitiones primo eius peccato accommoda-  
ret. Quamobrem & in hoc vitiatæ naturæ statu pecca-  
ta agnoscit, quibus illæ definitiones conueniant. Vnde  
aurea illa verba ex libro 1. operis imperfecti pag. 157.  
*Cū igitur & illa fateamur in hominibus esse peccata, quæ  
committuntur non necessitate, sed voluntate, quæ tantum-  
modo peccata sunt, unde ab eis liberum est abstinere. Et pec-  
catis de ignorantia & affectionum necessitate venientibus,  
quæ iam non solum peccata sunt, verum etiam pœna sunt  
peccatorum, &c.* Dicam tota sectione sequenti, quæ  
sint illa ignorantia peccata, de quibus S. Augustinus  
tum hoc loco, tum alibi passim & per sæpe dis-  
putat.

#### PARAGRAPHVS V.

*Multum abesse à noui Doctoris mente S. Augusti-  
num, cū peccandi necessitatem quandam ex con-  
cupiscentia fluere docet.*

SI bene Aduersarios noui, ne cogitabunt quidem  
de superiori argumento, quo illorum dogma penitus  
subuertitur, dissoluendo. Sed pro more suo aliquot  
S. Augustini testimonia opponent, quæ totidem ver-  
bis ex Doctore suo describunt, ille verò ex Caluino;  
parum interim solliciti quòd tantam, quantam supe-  
riori paragrapho exposui, S. Augustini doctrinæ la-  
bem intulerint. Quamuis autem, quæ ex S. Augu-  
stino obiiicere possunt, aut disertè explicata sint à me  
paragraphis 1. 2. 3. aut ex iis, quæ ibidem disputaui,  
facilem habeant expositionem: placet hîc tamen pau-  
ca adiungere, quibus hæc quæstio illustrabitur am-  
plius, & Danielis Chamieri iurati Caluinistæ teme-  
ritas reuincetur, qui libro 3. de libero arbitrio cap.  
2. & 17. pluribus contendit, perperam à Papistis Cal-



vinum redargui, quodd scripserit concupiscentiam peccandi necessitatem inducere.

Notandum primò, peccatum non semper vsurpari pro culpa. Nam vt obseruat S. Thomas in compendio Theologiæ cap. 119. *Malam actionis ad aliquem finem ordinata, ad quem non debito modo se habet, peccatum dicitur tam in voluntariis, quam in naturalibus.* Quamobrem vt idem docet capite sequenti, *Si in actionibus non voluntariis ordinatis ad finem defectus accadat, peccatum tantum dicitur: si autem in voluntariis, dicitur non solum peccatum, sed culpa.* Illud ipsum obseruant reliqui Theologi, atque inprimis Richardus in 2. distinct. 21. quæst. 3. qui inde colligit *in omni tentatione carnis licet semper sit peccatum, quod est vitium; non tamen semper esse peccatum quod est culpa, vel demeritum, cum saepe huiusmodi tentatio non sit in voluntatis potestate.* Posteriores Theologi, atque illi præcipuè, qui cum Calvinistis congressi sunt, rem eandem aliis verbis expressere. Aiunt aliud esse peccatum materialiter, aliud peccatum formaliter. Peccatum materialiter est illud omne quod fit contra legem, etiam à nesciente, aut sui non compote. Sic qui patrem interficit putans esse feram, peccatum materialiter committit. Peccatum verò formaliter addit rationem culpæ ex libertate profectam.

Notandum secundò, necessitatis nomen non semper in strictiori illa notione vsurpari, quæ potestatem ad vtrumlibet adimit. Nam & necessitas quædam moralis est, quæ aliud nihil, quàm maximam aliter agendi difficultatem designat. Sic qui solet deierare, dicitur id necessariò facere, quia abstinere non potest, nisi vim magnam sibi adhibeat.

Doctores Catholici qui aduersus Calvinum scripsere, de concupiscentia sic pronunciant. Duplicem ex illa peccandi necessitatem oriri. Prima, est necessitas propriè dicta peccandi impropriè; quatenus ex concupiscentia motus indeliberati necessariò profiliunt,

358 DISPUT. DE LIBERO ARBITRIO  
qui improprie peccata sunt. Secunda, est necessitas im-  
proprie dicta peccandi proprie; quatenus concupiscen-  
tia, non omnimoda necessitate, at maxima propen-  
sione, quæ difficillimè vinci potest, ad deliberatum  
etiam peccatum nos inclinât. Pars utraque ex S. Au-  
gustini mente sigillatim explicanda.

Primam quidem toties tradit, quoties negat con-  
cupiscentiam, eiusque motus indeliberatos in rege-  
neratis esse proprie peccata. Quod disertissimè facit  
libro 2. de peccatorum meritis & remissione cap. 22.  
libro 1. de nuptiis & concupisc. cap. 23. libro 6. con-  
tra Iulianum cap. 5. libro 1. contra duas Epistolas  
Pelagian. cap. 13. & libro 1. retract. cap. 15. Qua-  
propter cùm libro 5. in Iulian. cap. 3. docet concupi-  
scentiam in renatis *non solum penam & causam peccati,*  
*sed etiam esse peccatum*, materialiter peccatum sumit.  
Hinc soluitur peruagatum illud Caluini, Chemnitij,  
Melancthonis, Bucerij, Petri Martyris, aliorumque Se-  
ctariorum argumentum, quo motus concupiscentiæ  
esse proprie dicta peccata sic probant: Quidquid non  
est conforme legi diuinæ peccatum est, ut patet ex  
illo primæ Ioan. cap. 3. *Peccatum est iniquitas*, siue  
*ἀνομία*, ut habetur in Græco: At motus indeliberati  
concupiscentiæ non sunt conformes legi diuinæ; Ergo  
sunt peccata. Respondent Catholici scriptores, atque  
in primis Bellarminus libro 5. de amissione gratiæ &  
statu pecc. cap. 14. probari quidem hoc argumento  
motus illos, qui rationem anteuertunt, esse peccata  
materialiter, quidquid enim non est conforme legi,  
hoc saltem modo peccatum est. At negant inde con-  
fici peccata esse formaliter. Quemadmodum eodem  
argumento probaretur quidem homicidium ab amen-  
te perpetratum esse peccatum materialiter, non verò  
formaliter. Priorem hanc partem leuiter tantum atti-  
gi, quòd hîc nouæ opinionis fautores à Caluino dis-  
sentiant. Fatentur enim motus indeliberatos concu-



piscentiæ non esse propriè peccata. Quod etsi verissimè & Catholicè, minùs tamen ad sua principia consentaneè affirmant. Nam si verè peccat qui ex ignorantia inuincibili, atque adeo prorsus inuoluntariè contra legem naturalem committit: quidni peccabit etiam, qui indeliberato libidinis motu aliquid lege naturali prohibitum appetit?

Ad alteram partem aggredior, quæ planissima videbitur tibi, si recorderis peccandi necessitatem quæ ex originali concupiscentia nascitur, conferri à S. Augustino cum illa peccandi necessitate, quæ ex consuetudine fluit. Sic disputat. 2. contra Fortunatum: *Liberum voluntatis arbitrium in illo homine fuisse dico, qui primus formatus est, (loquitur de libertate in statu perfecto spectata) ille sic factus est, ut nihil omnino voluntati eius resisteret, si vellet Dei præcepta seruare. Postquam autem libera ipse voluntate peccauit, nos in necessitatem præcipitatis sumus, qui ab eius stirpe descendimus. Potest autem unusquisque nostrum mediocri consideratione inuenire verum esse quod dico. Hodie namque in nostris actionibus antequam consuetudine aliqua implicemur, liberum habemus arbitrium faciendi aliquid, vel non faciendi. Cum autem ista libertate fecerimus aliquid, & facti ipsius tenuerit animum perniciofa dulcedo & voluntas, eadem ipsa consuetudine sic implicatur, ut postea vincere non possit, quod sibi ipsa peccando fabricata est. Videmus multos iurare nolle: sed quia iam consuetudinem lingua tenuit, non posse refrænare, quin ea exeat de ore ipsorum, quæ non possumus dicere ad mali stirpem non pertinere. Quamobrem cum Pelagiani faterentur quamdam esse peccandi necessitatem ex inueterata consuetudine contractam, atque has Apostoli voces: Non quod volo, facio bonum, sed quod nolo malum, hoc ago, hominis esse dicerent, qui nimia vitiorum consuetudine velut quadam teneretur necessitate peccandi, ut ex ipso Pelagio S. Augustinus refert libro de gratia Christi cap. 39. cum hæc, inquam, Pelagiani*

360 DISPUT. DE LIBERO ARBITRIO  
faterentur, petit à Iuliano S. Augustinus libro 1. de  
peris imperfecti pag. 156. vt tantum concedat Ada-  
mi peccato, quantum malæ consuetudini tribuit.

Quæ est porro peccandi necessitas à mala consuetu-  
dine profecta? Ex S. Thoma cognosce, qui quæstione  
6. de malo artic. vnico, cùm obiecisset sibi: *Augustinus*  
*dicit in 8. Confess. quòd dum consuetudini non resistitur fit*  
*necessitas; ergo videtur quòd saltem in his, qui sunt assueti*  
*aliquid facere, voluntas ex necessitate moueatur,* Respon-  
det ad 24. *dicendum quòd consuetudo facit necessitatem*  
*non simpliciter: sed in repentinis precipuè. Nam ex delibe-*  
*ratione quantumcunque consuetus, potest contra consuetudi-*  
*nem agere.* Quæ assertio non Theologorum tantum,  
atque Philosophorum auctoritate, sed communi etiam  
mortalium omnium experientia confirmatur. Cui ad-  
stipulatur S. Augustinus, nam illam peccandi necessi-  
tatem ex consuetudine ortam respectu actus delibera-  
ti, nihil aliud esse docet, quàm summam difficultatem.  
Sic libro 1. de sermone Domini in monte cap. 12. *Hanc*  
*enim vincere difficillimum est, & tamen hanc ipsam consue-*  
*tudinem, si se quisque non deserat, & Christianam militiam*  
*non reformidet, illo duce atque adiutore superabit.* Et libro  
7. in Iulianum cap. 7. *Consuetudinis malo difficile resisti-*  
*tur.* Item libro 2. de Actis cum Felice Manichæo cap. 8.  
*Nam hodie libera voluntate faciunt homines consuetudi-*  
*nem, quam cùm fecerint facile superare non possunt.* Quem-  
admodum igitur consuetudo in repentinis quidem ne-  
cessitatem, in deliberatis verò maximam nobis offert  
difficultatem, quæ & necessitas improprie appellatur:  
sic & concupiscentia, quam ex primi parentis peccato  
hæreditariam habemus, indeliberatos quidem motus  
necessariò profundit, ad deliberatos verò ita volunta-  
tem inclinat, vt ab iis temperare vix possit. Quapro-  
pter S. Augustinus concupiscentiam difficultatis nomi-  
ne sæpius appellat. Sic lib. 1. retract. c. 9. *Quamuis*  
*ignorantia & DIFFICULTAS essent primordia hominis*  
*natura-*



*naturalia, &c.* Et libro de dono perseverantia cap. II. *Etiamsi verum esset quod dicunt Pelagiani ignorantiam & DIFFICULTATEM sine quibus nullus homo nascitur, primordia non supplicia esse natura.* Item libro 3. de libero arbitrio cap. 20. *Ut autem de illo primo coniugio, & cum ignorantia, & cum DIFFICULTATE, & cum mortalitate nascamur.* Tum paulò post: *Quaquam enim in ignorantia, & DIFFICULTATE nata sis, non tamen ad permanendum in eo quod nata est aliqua necessitate comprimatur.* Vnde eodem loco concludit neminem esse, cui Deus auxilium non suppeditet ad illam difficultatem superandam, ut paragrapho secundo demonstraui.

Difficultatis illius, quæ ex domestica carnis corruptela nascitur, quàmque aliàs infirmitatem nuncupat, vim ac pondus eleganter expressit libro 83. qq. q. 70. Nam hæc Apostoli verba exponens, *Vbi est mors contentio tua?* sic ait: *Mortem significari arbitror hoc loco carnalem consuetudinem qua resistis bonæ voluntati, &c.* Hanc autem mortem peccato meruimus, quod peccatum erat antè omnimodo in libero arbitrio, cum in paradiso nullus dolor denegatâ delectatione voluntati bonæ hominis resistebat, sicuti nunc. Verbi gratiâ, si quisquam existat, quem nunquam delectauit venatio, omnimodo liber est utrum venari velit, an nolit, nec eum crucias quisquis hoc prohibet. At si istâ libertate malè usus, venatus fueris contra prohibentis imperium, paulatim surrepens delectatio mortificat animam, ut si se abstinere velit, absque molestia, & sine angore non possit, cum id antè totâ sanitate non ageret. Ergo aculeus mortis peccatum est, quia peccato facta est delectatio, quæ iam possit resistere bonæ voluntati, & cum dolore cohiberi. Non aliam igitur peccandi necessitatem carnalis illa consuetudo, seu concupiscentia nobis imponit, quàm magnam difficultatem, quæ absque dolore cohiberi non potest. Nec aliter primi parentis peccato libertatem ad utrumlibet amisimus, quàm qui venandi consue-

tudine se implicuit, libertatem ad venandum, aut non venandum sibi eripuisse dicitur. Nam ut ille impedire non potest, quin erumpant subinde indeliberati venationis amores: sic homo lapsus, primos lasciuientis concupiscentiæ motus premere non potest. Sed ut ille necquicquam pelliciente venandi cupiditate potest nolle venari, quanquam non sine difficultate; sic homo lenocinantis concupiscentiæ illecebris potest non consentire, non tamen absque ærumna & cruciatu. Quam in rem appositè S. Thomas de veritate quæst. 24. artic. 12. ad 12. illud S. Augustini: *Cogenti cupiditati voluntas resistere non potest*, ita soluit: *Cupiditas dicitur cogens propter vehementiam inclinationis, cui tamen potest resisti, licet cum difficultate.*

Atque hoc sensu S. Augustinus illa necessitatis peccata, de quibus tam sæpe agit, manifestè interpretatur libro 2. de peccatorum meritis & remissione c. 10. ubi verba sancti Iob sic illustrat: *Illud verò quod ait, Dinumerasti omnes necessitudines meas, & nihil te latuit de peccatis meis, signasti peccata mea in folliculo, & annotasti si quid inuitus commisi: nonne satis apparuit etiam illa peccata iustè imputari, quæ non delectationis illecebrâ committuntur, sed causâ deuiranda molestia alicuius, aut doloris, aut mortis? Nam & hæc dicuntur quadam necessitate committi, cum omnia superanda sint amore & delectatione iustitiæ. Potest etiam quod dixit, Et annotasti si quid inuitus commisi: ad illam vocem videri pertinere quâ dictum est, Non enim quod volo ago, sed quod odi hæc facio. Quibus Apostoli verbis indeliberati concupiscentiæ motus exprimuntur, ut iam ostendi ex libro 1. retractat. cap. 15. Vides vtramque peccandi necessitatem hoc in loco expressam, posterioribus quidem in verbis strictam necessitatem peccandi improprie, propter motus indeliberatos: in prioribus verò necessitatem propriam, peccandi proprie. De hac posteriori necessitate rursus agit eodem libro cap. 19. eamque nihil aliud*



esse dicit, quàm molestiam seu difficultatem bene agendi. *Secutum est*, inquit, *ex debita iusta pœna tale vitium, ut iam molestum esset obedire iustitiæ.*

Confirmari ista validè possunt ex hoc loco Genesios cap. 4. *Sub te erit appetitus tuus, & tu dominaberis illius*, quem aduersùs Calvinum vrgent Doctores Catholici Tapperus, Arboreus, Alphonsus à Castro, Klingius, Stapletonus, & Bellarminus, quémque Chamierus libro 3. de libero arbitrio cap. 14. frustra eludere nititur. Possunt & alia, cùm ex scripturis, tum ex Patribus ad eandem peccandi necessitatem explodendam adduci, quæ cùm apud Catholicos scriptores peruagatissima sint, hîc à me non proferentur.

### SECTIO III.

*Explicatur accuratè S. Augustini opinio de ignorantia peccatis, & à pluribus Aduersarij corruptelæ vindicatur.*

**V**ix est vlla sententia, quæ apud Catholicos maiori Doctorum omnium consensu probata sit, quàm quæ ignorantiam inuincibilem à peccato excusare decernit. Hanc Magister sententiarum in 1. dist. 22. ex S. Augustini auctoritate quasi certam, & indubitatam defendit: hanc S. Thomas singulis ferè in operibus, at præcipuè 1. 2. q. 76: hanc veteres Theologi summa conspiratione tradiderunt. At illam tamen non modò reuocare in dubium ausus est nouæ faber opinionis, sed & Pelagianam labem illi affingere, atque affirmare contrariam opinionem, *ut Dogma fidei ab antiquis esse traditam.* Qua in eius assertione vitium temeritas, an mala fides palmam ferat, non facilè dixerim. Temeritatis fuit, contra Doctorum omnium conspirantem cœtum pugnare: malæ fidei, S.

Libro 1. de  
statu natu-  
ræ lapsæ  
cap. 1.

Augustinum illius sententiæ auctorem ac fundum as-  
sumere, quam verbis tam expressis reiecit, ut Theo-  
logi omnes ad eam opprimendam, non aliis ferè ar-  
mis, quàm summi illius Doctoris auctoritate, & ra-  
tionibus utantur.

Quid hoc loco clarius? *non tibi deputatur ad culpam, quòd inuitus ignoras; sed quòd negligis querere quod ignoras.* Neque istud ad primum hominis peccatum trahi potest, cùm libro 3. de libero arbitrio cap. 19. & libro de natura & gratia cap. 67. hæc verba adhibeat, ut hominum querelas compescat, qui de ignorantia, quam ex Adamo hæreditariam accepimus, expostulant. Atque hoc sensu à Theologis omnibus accipiuntur post S. Thomam quæst. 3. de malo art. 7. Quid isto validius? ex libro 2. de peccatorum meritis cap. 2. *Si nolumus, non peccamus.* Quamobrem Epistolâ 105. aduersùs Pelagianos scribens, omnia adul-  
torum peccata ad duo genera ita reuocat, ut ad neu-  
trum pertinere possint, quæ ex ignorantia inuinci-  
bili committuntur. *In maioribus, inquit, atatibus me-  
ritò dici potest, hi noluerunt intelligere ut bene agerent: hi,  
quod grauius est, intellexerunt, & non obedierunt.* Tum  
quibusdam interpositis: *Sed neque ab illo quod origina-  
liter contrahitur, neque ab his, quæ unusquisque in vita  
propria, vel intelligendo, vel nolendo intelligere mala con-  
gregat, vel etiam instructus ex lege additamento prauari-  
cationis exaggerat, quisquam liberatur, & iustificatur, nisi  
gratiâ per Iesum Christum Dominum nostrum.* Nulla hîc  
mentio peccatorum, quæ ab inuincibiliter ignoran-  
tibus committantur.

Vt ut sit calumniari me nouæ opinionis patroni  
clamabunt, nisi ostenderim eorum Doctorem perpe-  
ram & mala fide S. Augustini mentem hac in con-  
trouersia explicasse. Quod licet ex superiori sectione  
satis intelligi possit, accuratiùs tamen hîc tractandum  
est, quòd hanc eius operis partem præ cæteris admi-



rentur atque deprædicent. Dicam igitur primùm, quæ sit illa opinio, quàmque infido nitatur fundamento, tum deprauationes omnes figillatim persequar, quibus S. Augustini verba interpolat, ut illum per vim in opinionis suæ societatem adigat.

## PARAGRAPHVS I.

*Proponitur Aduersarij opinio de ignorantia inuincibili, cuiusque arcana radix inciditur.*

VERE illud pronunciauit S. Augustinus. *Radicem effodere, atque extirpare compendium est.* Quamobrem huius quæstionis exordium ex illo Aduersarij capite ducere visum est, cuius hæc inscriptio: *Indagatur radix arcana illius doctrinae.* Nam si hanc radicem stirpitus euulsero, quæ ex illa pullulare dicuntur & efflorescere, eadem operâ succidentur. Atque hanc ego cum primùm legerem, duplici de causa debilem, ac fictitiam suspicatus sum. Primò, quòd illam nouus Doctor in huius quæstionis finem reiecerit. Solet enim, ut in omnibus, quas agit, controuersis obseruari, extremam in disputationem conferre quidquid sua in opinione infirmum magis est atque cariosum. Secundò, quòd cum in cæteris per fas & nefas S. Augustinum pro se testimonium dicere cogat, hîc ne vnicum quidem appellet locum, quo inanis hæc argutia fulciri videatur. Quàm id non sim temerè suspicatus manifestè demonstrepo, vbi quæ sit Aduersarij doctrina, & quæ radix illius arcana, paucis exposuero.

Libro 1. de  
statu natu-  
re lapsæ  
cap. 6.

Nosti quid Hieronymus Zanchius, quem conflatum ex Luthero & Caluino monstrum appellare possis, de ignorantia inuincibili dicat? illud ipsum nouus Theologus defendit: nimirum, ignorantiam inuincibilem facti, & iuris positiui excusare quidem à peccato: at non ignorantiam inuincibilem iuris naturalis. Ar-

Libro 2. de  
statu nat.  
lapſæ c. 2.  
3. 4. 5. 6. &  
libro 3. de  
Hæreſi Pe-  
lagiana  
cap. 13.

gumentorum, quibus id probat, hæc ſumma. S. Auguſtinus aduerſus Pelagianos acriter contendit, ignorantiam malam eſſe, & quæ ex illa fiunt, eſſe peccata: neque loquitur de ignorantia vincibili; ſiquidem ait perſæpe, fateri Pelagianos ignorantiam vincibilem à peccato non excuſare: multò minùs agit de ignorantia inuincibili facti, aut iuris poſitiui; cùm a-  
libi doceat eiufmodi ignorantiam inuincibilem culpam omnem aſtergere; Ergo de ſola ignorantia iuris naturalis intelligendum eſt, quod S. Auguſtinus aduerſus Manichæos acriter contendit, ignorantiam malam eſſe, & quæ ex illa fiunt, eſſe peccata.

Hæc ſunt illius ſententiæ veſtibula, nota omnibus atque ſpectabilia. Adyta verò, & penitiores reſceſſus explicat cap. 6. quo arcanæ illius doctri-næ radicem inueſtigat. Quæ eſt illa porrò tam insolentis doctri-næ, tam occulta radix? Illa ipſa, quam Hieronymus Zanchius aperit Tractatum Theologicorum libro 1. cap. 12. de ignoratione Dei, Theſi prima, ubi docet ignorantiam inuincibilem iuris naturalis non excuſare à peccato, quia ex primi parentis culpa manauit: ignorantiam verò inuincibilem facti, aut iuris poſitiui excuſare; quia indidem non fluxit. Quam doctri-nam tanti facit Aduerſarius, vt ex hac vna difficultates omnes, quæ in hac controuerſia emergere, & imperitorum pulſare mentem poſſent, diſſolui arbitretur.

Tanta huius doctri-næ ad hanc quæſtionem enodandam vtilitas, ac propè neceſſitas, eam mihi non leuiter ſuſpectam reddit. Cur enim S. Auguſtinus quando de ignorantie peccatis cum Pelagio atque Iuliano decertat, ſuamque opinionem enucleatiùs exponere nititur, nunquam illius diſcriminis meminit? Cur S. Hieronymus, cùm eandem quæſtionem duobus in libris exquisitè tractat, ne verbum quidem facit, quod eò poſſit pertinere? Cur, inquam, ſolertes illi Catholice veritatis vindices, nunquam monuerunt aliter de



ignorantia facti, & iuris positiui, aliter de ignorantia iuris naturalis esse statuendum? Argumento certè illud est, nunquam eos de hac inani Zanchij argutiola cogitasse. Quam si habuissent in mente, cum dimicarent aduersus Pelagianos, cumque ex Scripturis ignorantie peccata esse contenderent, ea tantum protulissent exempla, quæ ad eiusmodi naturalis iuris ignorantiam spectarent. Quod adeo illi non fecerunt, ut ferè omnia Scripturæ testimonia & exempla, quæ ad hunc Pelagianorum errorem opprimendum congerunt, de ignorantia facti, aut iuris positiui loquantur. Sed istud posterius videro.

Nunc reconditæ illius doctrinæ capita duo sigillatim aggredior. Ac primò quod ait, ignorantiam inuincibilem iuris naturalis non excusare à peccato, quia originalis peccati pœna est: manifestæ falsitatis arguitur, quòd inde sit consequens amentiam, furorem, ac phrenesim à peccato non excusare; quia & ipsæ peccati pœnæ sunt, ut Aduersarius ex S. Augustino pluribus contendit libro 3. de statu puræ naturæ cap. 11. Indidem sequeretur hominem à natiuitate cæcum, qui ex illa cæcitate aliquid perperam committeret: putà infantem interficeret, dum allatrantem canem nititur abigere, à peccato non excusari; quia cæcitas, quam prætexere posset, peccati pœna est, ut ibidem Aduersarius probat, atque adeo à peccato excusare non potest. Quapropter quod de ignorantia inuincibili, quam & cæcitatem vocat, Aduersarius docet in hæc verba: *Quia tamen pœna peccati est, quidquid ex illa cæcitate perperam fit, sine peccato non fit*, etiam de corporali cæcitate statuendum foret. Dicant ista qui ausi fuerint, audiant qui voluerint, credant qui posuerint. S. Augustini verba sunt similem absurditatem diluentis libro 1. de peccatorum meritis cap. 36. Ex eodem fonte alia profluunt nihilo minùs absurda, quæ capite sequenti, sectione 1. paragr. 4. discutiam, cum

Libro 1. de  
statu natu-  
ræ lapsæ  
cap. 6.

368 DISPUT. DE LIBERO ARBITRIO  
alia occasione similem Aduersarij argutiolam confu-  
tabo.

Firmior non est eiusdem fundamenti pars altera,  
quâ docet ignorantiam iuris positiui ideo excusare à  
peccato; quia non est in peccati pœnam inflicta. Nam  
primò, gratis illud dicit; cùm nullum S. Augustini vel  
Doct̃oris alterius testimonium proferat, quo probet  
ignorantiam legis positiuæ peccati pœnam non esse.  
Deinde SS. Augustino, & Hieronymo apertò repu-  
gnat, qui cùm aduersùs Pelagianos contendunt, igno-  
rantiam malam esse & peccatum, plurima ignorantiz  
facti, & iuris positiui exempla producunt. Sed istud  
postea expendam. Venio ad rationem, quam hîc Ad-  
uersarius in subsidium euocat, quòd ne vnum quidem  
S. Augustini locum inuenerit, qui vel in speciem huic  
eius opinioni patrocinetur. Sic igitur disputo: Igno-  
rantia Euangelij in infidelibus, qui nihil de Christo  
audiuerunt, est pœna peccati originalis: At eadem  
ignorantia, est ignorantia iuris positiui Diuini; Ergo  
aliqua ignorantia iuris positiui Diuini, est pœna peccati  
originalis. Minor ex nouo Doct̃ore petita est, qui dum  
contendit ignorantiam iuris Diuini inuincibilem, à  
peccato immunem reddere, exemplum ponit in infide-  
libus Christi Euangelium inuincibiliter ignorantibus,  
aitque, *non audisse Euangelium Christi, satis esse, ut excu-  
sationem habeant de sua infidelitate gentiles.* Maior quo-  
que, si suis ipse principiis stare velit, ab eo negari non  
potest Docet enim libro 9. de Gratia Christi cap. 3.  
peccatum originale causam esse reprobationis positi-  
uæ. Docet etiam capite 5. *Derelictionem seu desertionem,*  
*quâ Deus non miseretur,* positiuæ illius reprobationis ef-  
fectus esse. quia *necessè est omnes istas pœnas à Diuino iu-  
dicio punientis reprobantisque proficisci.* Ex quibus ita ar-  
gumentor. Omnis effectus reprobationis ex Aduer-  
sarij sententia proficiscitur à Dei iudicio punientis at-  
que reprobantis propter peccatum originale: Atqui  
igno-

Libro 6. de  
statu natu-  
ræ lapsæ  
cap. 5.



ignorantia Euangelij in infidelibus est effectus reprobationis; quia est *derelictio seu desertio*, quâ Deus illorum non misereatur; Ergo ignorantia Euangelij in infidelibus, ex Aduersarij sententia, proficiscitur à Dei iudicio punientis illos atque reprobantis propter peccatum originale. ac proinde pœna est peccati originalis.

Confirmatur primò, docet nouus Theologus libro 3. de statu naturæ puræ cap. 10. & 11. nullam miseriam, malum nullum in homine reperiri, quod non sit peccati pœna: At ignorantia Euangelij in infidelibus magnum malum est, magnâque miseria; ergo & peccati pœna. Confirmatur secundò ex S. Thoma 2. 2. q. 10. a. 1. *Si infidelitas*, inquit, *accipiatur secundum negationem puram, sicut in illis qui nihil audierunt de fide, non habet rationem peccati, sed magis pœna: quia talis ignorantia Diuinorum ex peccato primi parentis consecuta est.* Quem in locum Dominicus Bagnes. *Omnes qui habent ignorantiam fidei suâ culpâ ignorant: quia propter suam culpam saltem originalem digni sunt, qui derelinquantur à Deo in suis tenebris.* Cuius opinionis testem S. Augustinum paulo antè appellat. *Videatur*, inquit, *Augustinus Tract. 89. super Ioann. Et in Epist. 105. ubi ait quòd in illis qui credere noluerunt ignorantia peccatum est: in illis autem qui non audierunt, nec potuerunt, pœna peccati est.* Confirmatur tertiò, proferri ab Aduersariis ratio non potest, cur Deus infideles suis in tenebris obsolescere patiatur, nec clarum illis Euangelij lumen ostendat, nisi affirment in peccati pœnam illud fieri; ergo ignorantia Euangelij in barbaris, & infidelibus peccati pœna est; ac proinde à peccato infidelitatis illos non excusat; contrà quàm Aduersarius ipse, manifestis S. Augustini testimoniis oppressus, fateri coactus est.

Libet istud altiùs repetere, & arcanam huius doctrinæ radicem scrutari. Peto à noui dogmatis propugnatoribus, an fieri potuerit, vt homines aliqui in statu innocentiae ignorarent legem aliquam positiuam,

toti humano generi impositam à Deo, & ad assequendam salutem prorsus necessariam, cuiusmodi est hoc in statu lex Euangelica. Si asserant fieri id potuisse, Doctoris sui argumentis opprimuntur, quibus vel leuissimum malum, ac miseriam ab statu innocentiae arceat. Si negent eiusmodi ignorantiam in statu innocentiae potuisse contingere: continuò colligam, ignorantiam infidelium, quâ legem Euangelicam toti humano generi impositam à Deo, & ad assequendam salutem prorsus necessariam ignorant, peccati poenam esse; Quia ex nouo Doctore ignorantia omnis, quæ in statu innocentiae contingere non potuit, peccati poena est. Quidquid dicant Aduersarij, hoc argumento confringuntur, neque ad illud dissoluendum conferre aliquid potest, quod ait illorum Patriarcha, legis positivæ ignorantiam non esse poenam peccati, quia cum lex illa potuerit homini innocenti non imponi, potuit & eiusdem cognitio ab statu innocentiae abesse. *Lex Dei positiua, inquit, ab ipsius libera voluntate pendet. Et ideo eius scientia neque humana, neque Angelica natura connaturalis est: sed sicut eius legis latitudo, ita & eius reuelatio à Dei libertate pendet. Unde sic concludit: Hinc videtur fieri ut illius legis ignorantia inuincibilis non sit vitiosa, & consequenter neque peccatum deputandum id quod ex ea fit: quandoquidem & in illa primæ conditionis præstantia, sine ullo peccato aut vitio, præcedente, cuius poena esset, contingere potuisset.*

Hæcine est arcanæ illius doctrinæ radix, quam magnificus huius capituli titulus pollicetur? Hæcine est tam ingeniosæ, tantoque elaboratæ studio opinionis basis? Ô ruinosi operis infidum fundamentum! Ô ferreæ statuæ pedes fictiles! Breui responsione sic tanquam exiguo lapillo comminuentur. Probat hæc ratio ignorantiam legis positivæ non obligantis, suo quam Deus non tulit, non esse poenam peccati, quia poterat homo innocens ignorare legem sibi non im-



positam. Verùm de hac ignorantia modò non loquimur, sed de illa tantùm quâ leges à Deo latas, nòsque obligantes ignoramus. Quam pœnam esse peccati, ex illa ipsa Aduersarij ratiocinatione sic conficio. Fieri non potuit vt in statu innocentix homines aliqui ignorarent legem positiuam à Deo latam, actotum genus humanum obligantem; Ergo quòd iam homines aliqui ignorent legem positiuam à Deo latam, ac totum genus humanum obligantem pœna peccati est.

Clariùs ista lucebunt si pauca obserues. Primum est: ignorantiam duobus modis sumi posse; negatiuè, pro simplici nescientia rei, quam scire non tenemur: & priuatiuè, pro ignoratione rei, quam scire debemus. De hac vtraque cum statu naturæ integræ comparata, ita S. Thomas decernit. In 2. dist. 44. art. 6. in corp. *Ignorantia aliquo modo in natura integra inueniri potuit, non secundum quod ignorantia dicitur priuatiuè, sed secundum quod dicitur negatiuè. Et Henricus à Gandauo quodlibeto 1. quæst. 17. Nescientiam ille homo ante peccatum potuit habuisse: sicut & primus Angelus: ignorantiam nequaquam. illa enim non potuit esse, nisi pœna peccati. Secundum: ignorantiam legis non positæ puram esse nescientiam; quia neque ad obseruandam, neque ad cognoscendam legem non positam astringimur. Quamobrem ignorantia legis non latæ potest in statu innocentix reperiri. Tertium: ignorantiam legis toti humano generi impositæ, & singulos homines obligantis, esse ignorantiam priuatiuè sumptam: adeoque à statu innocentix procul amandandam. Quartum: cùm quæritur an ignorantia legis excuset à peccato, sermonem non esse de ignorantia negatiuè, sed priuatiuè accepta; quia tunc de sola lege positæ & obligante, quàmque proinde scire tenemur, quæstio est.*

Ex his patet quàm sit fraudulenta noui Doctoris argumentatio. Nam cùm ait, ignorantiam inuincibilem

372 DISPUT. DE LIBERO ARBITRIO  
legis positivæ potuisse contingere in statu innocentie,  
ignorantiam sumit purè negativè, pro nescientia legis  
non obligantis, quàmque scire non tenemur. At cum  
inde concludit ignorantiam legis positivæ non esse pœ-  
nam peccati, ignorantiam non sumit eodem sensu;  
nam aliàs hoc tantùm colligeret: Non esse modò pœ-  
nam peccati, quòd leges nobis à Deo non impositas  
ignoremus. Sed illud idem nomen sumit privativè,  
pro ignoratione legis nos obligantis, quàmque cog-  
noscere debemus. Sicque non leviùs errat, quàm si  
hominem modò non peccare, cum legem Dei positi-  
væ non observat, hoc argumento contenderet. Vi-  
tiosum non est quod sine vitio reperiri potuit in statu  
innocentie: Atqui sine vitio reperiri potuit in statu  
innocentie *non-observatio* legis positivæ; quia potuit  
in illo statu non esse lex positiva; Ergo *non-observatio*  
legis positivæ modò vitiosa non est. Nam ut huius ar-  
gumenti vitium hæret in varia acceptione huius vocis  
*non-observatio*, quæ in minori purè negativè sumitur,  
pro *non-observatione* legis non positæ, nec obligantis:  
in conclusione verò privativè accipitur, pro transgres-  
sione legis obligantis. Sic aliud argumentum fraude  
per simili ignorantiam modò negativè sumit, modò  
privativè, & puerili hallucinatione contendit, igno-  
rantiam legis latæ & obligantis non esse pœnam pec-  
cati, quia ignorantia legis non latæ, nec obligantis po-  
test in statu innocentie reperiri.

Quos tandem à radice tam vitiata fructus sperare li-  
cet? Non alios certè, quàm qui ab arboribus Sodomei  
lacus ripæ adsitis profunduntur. qui cum exteriori cute  
vestiantur amœna & eleganti; nihil tamen præter fu-  
liginem, atque putredinem continent.



## PARAGRAPHVS II.

*Prima noui Doctoris hallucinatio, eaque palmaris reuincitur, quâ supponit SS. Augustinum & Hieronymum de sola iuris naturalis ignorantia cum Pelagianis dimicasse.*

QVId esse dicam, quodd Aduersarius supponat semper, nunquam probet, SS. Augustino & Hieronymo cum Pelagianis disputantibus de sola iuris naturalis ignorantia certamen extitisse? An illud nihil admodum sua interesse duxit? At nouæ opinionis fundamentum est. An clarius putauit esse, quàm ut negari à quopiam posset? At longè aliter rem habere manifesta vtriusque Doctoris loca testantur. Quid ergo? Deceptus est, an decipere voluit? Vt ut sit, errauit toto exlo, ut pluribus euincere conabor hoc paragrapho, cuius vim ac summum breui syllogismo complector: Cùm S. Augustinus aduersùs Pelagianos contendit ignorantiam malam esse, & quæ ex illa fiunt, esse peccata, loquitur etiam de ignorantia facti & iuris positiui; At certum est, vel ex ipsius Aduersarij confessione, apud S. Augustinum illa non esse propriè peccata, quæ ex ignorantia facti, aut iuris positiui fiunt, si illa sit inuincibilis: Ergo S. Augustinus cùm aduersùs Pelagianos contendit ignorantiam malam esse, & quæ ex illa fiunt esse peccata, vel non loquitur de peccatis propriè dictis: vel saltem sermo est de ignorantia aliquo modo vincibili.

Si huius argumenti maiorem probauero, ruit nouum illud de ignorantia inuincibili non excusante figmentum. Vix est autem ullus S. Augustini aduersùs Pelagianos liber, ex quo illa confici manifestè non possit. At placet hunc locum vrgere primò, quem si nouus

372 DISPUT. DE LIBERO ARBITRIO  
legis positivæ potuisse contingere in statu innocentie;  
ignorantiam sumit purè negativè, pro nescientia legis  
non obligantis, quàmque scire non tenemur. At cum  
inde concludit ignorantiam legis positivæ non esse pœ-  
nam peccati, ignorantiam non sumit eodem sensu;  
nam aliàs hoc tantùm colligeret: Non esse modò pœ-  
nam peccati, quòd leges nobis à Deo non impositas  
ignoremus. Sed illud idem nomen sumit privativè,  
pro ignorance legis nos obligantis, quàmque cog-  
noscere debemus. Sicque non leviùs errat, quàm si  
hominem modò non peccare, cum legem Dei positi-  
væ non observat, hoc argumento contenderet. Vi-  
tiosum non est quod sine vitio reperiri potuit in statu  
innocentie: Atqui sine vitio reperiri potuit in statu  
innocentie *non-observatio* legis positivæ; quia potuit  
in illo statu non esse lex positiva; Ergo *non-observatio*  
legis positivæ modò vitiosa non est. Nam ut huius ar-  
gumenti vitium hæret in varia acceptione huius vocis  
*non-observatio*, quæ in minori purè negativè sumitur,  
pro *non-observatione* legis non positivæ, nec obligantis:  
in conclusione verò privativè accipitur, pro transgres-  
sione legis obligantis. Sic aliud argumentum fraude  
persimili ignorantiam modò negativè sumit, modò  
privativè, & puerili hallucinatione contendit, igno-  
rantiam legis latæ & obligantis non esse pœnam pec-  
cati, quia ignorantia legis non latæ, nec obligantis po-  
test in statu innocentie reperiri.

Quos tandem à radice tam viciata fructus sperare li-  
cet? Non alios certè, quàm qui ab arboribus Sodomei  
lacus ripæ adsitis profunduntur. qui cum exteriori cute  
vestiantur amœna & eleganti; nihil tamen præter fu-  
liginem, atque putredinem continent.



## PARAGRAPHVS II.

*Prima noui Doctoris hallucinatio, eaque palmaris reuincitur, quâ supponit SS. Augustinum & Hieronymum de sola iuris naturalis ignorantia cum Pelagianis dimicasse.*

QV ID esse dicam, quodd Aduersarius supponat semper, nunquam probet, SS. Augustino & Hieronymo cum Pelagianis disputantibus de sola iuris naturalis ignorantia certamen extitisse? An illud nihil admodum sua interesse duxit? At nouæ opinionis fundamentum est. An clarius putauit esse, quàm ut negari à quopiam posset? At longè aliter rem habere manifesta vtriusque Doctoris loca testantur. Quid ergo? Deceptus est, an decipere voluit? Vt ut sit, errauit toto exlo, ut pluribus euincere conabor hoc paragrapho, cuius vim ac summum breui syllogismo complector: Cùm S. Augustinus aduersùs Pelagianos contendit ignorantiam malam esse, & quæ ex illa fiunt, esse peccata, loquitur etiam de ignorantia facti & iuris positiui; At certum est, vel ex ipsius Aduersarij confessione, apud S. Augustinum illa non esse propriè peccata, quæ ex ignorantia facti, aut iuris positiui fiunt, si illa sit inuincibilis: Ergo S. Augustinus eùm aduersùs Pelagianos contendit ignorantiam malam esse, & quæ ex illa fiunt esse peccata, vel non loquitur de peccatis propriè dictis: vel saltem sermo est de ignorantia aliquo modo vincibili.

Si huius argumenti maiorem probauero, ruit nouum illud de ignorantia inuincibili non excusante figmentum. Vix est autem vllus S. Augustini aduersùs Pelagianos liber, ex quo illa confici manifestè non possit. At placet hunc locum vrgere primò, quem si nouus

374 DISPUT. DE LIBERO ARBITRIO  
Doctor vel semel legit, dubitare certè non potuit se à  
S. Augustini sententia mirum quantum abludere. Af-  
ferebat Iulianus non solam concupiscentiam esse bo-  
nam, sed & ignorantiam, quam ipsi culpâ nostrâ non  
contraximus. Atque hanc opinionem suam, teste S.  
Augustino libro 3. contra Iulianum cap. 19. inde con-  
firmabat, *Quia dixit Deus ad Abimelech, qui cum Sara  
erat concubiturus, ignorans quòd uxor esset aliena: Et ego  
sciebam quia in corde mundo fecisti hoc.* Hanc Iuliani sen-  
tentiam S. Augustinus grauitè carpit, contenditque  
peccasse Abimelech cùm Saram duxit, quam nescie-  
bat alteri copulatam. *Non attendisti, inquit, homo qui  
non vis diuino iudicio quenquam non suis, sed alienis plecti  
posse peccatis,* QVOMODO FIERI POTVERIT VT  
ABIMELECH PECCARET, QVAMVIS NEC  
IPSE ADULTERINO CORDE PECCAVERIT,  
ET DEVS QVANTVLVNCVNQVE PECCATVM  
EIVS IN MULIERIBVS AD EVM PERTINEN-  
TIBVS VINDICARET. Quid huic loco, quem no-  
uus Doctor callidè suppressit, opponent eius partiarij?  
Negare certè non possunt sermonem hîc esse de igno-  
rantia facti, cum illorum Patriarcha, vt probet igno-  
rantiam inuincibilem facti excusare à peccato, hæc S.  
Augustini verba proferat ex libro 2. contra Cresco-  
nium cap. 26. *Qui nesciens uxorem duxerit alienam, ex  
illo fit adulter, ex quo didicerit, nisi discefferit.* Exponent  
igitur quid S. Augustinus velit, cum tanto ardore in  
Iulianum inuehitur, quòd negaret peccasse Abime-  
lech, qui nesciens uxorem duxerat alienam. Hoc si  
fecerint, tela omnia, quæ in nos iaculantur, in-  
fringent.

Sed ne longiùs abeam, illum ipsum locum consule,  
quem nouus Theologus sibi fauere præ cæteris existi-  
mat. Petitur ex libro 3. de libero arbitrio cap. 18. vbi  
S. Augustinus ita scribit: *Etiam per ignorantiam facta  
quadam improbantur, & corrigenda indicantur.* Hæc im-



portunè Aduersarij nobis intentant. Sed sequentia, quæ probationis loco S. Doctor adiicit, semper premunt: AIT ENIM APOSTOLVS, MISERICORDIAM CONSECVTVS SVM; QVIA IGNORANS FECI. Erat certè cur hæc Aduersarij tantâ curâ supprimerent. Nam Apostolus cùm Christum persequeretur, & in eius discipulos atrociter fureret, non ex ignorantia iuris naturalis, sed facti tantùm, aut iuris positiui peccabat. adeoque illud S. Augustini: *Etiam per ignorantiam facta quedam improbantur, & corrigenda iudicantur*, cui comprobando Apostoli ex ignorantia peccantis exemplum adhibuit, non ad solam iuris naturalis ignorantiam pertinet.

Ad S. Hieronymum cum Pelagianis depræliantem Aduersarius prouocat, sed fraude persimili ex eius verbis illa omittit, quæ nouam opinionem aperitissimè confodiunt. Cur enim dissimulat non minùs Sancto Hieronymo sermonem esse de ignorantia facti, & iuris positiui, quàm de ignorantia iuris naturalis? Cur hoc, inquam, dissimulat, quod perspicuum est, quòdque ad hanc quæstionem plurimum facit? Audi quæso Sancti illius Doctoris verba, & Aduersarij fidem cognosce. Disputaturus de ignorantie peccatis libro 1. aduersùs Pelagianos ista præfatur. *Nunc mihi latissima scripturarum spatia peragenda sunt, ut doceam errorem & ignorantiam esse peccatum.* Quod ita facit, ut ferè omnia, quæ congerit, testimonia de ignorantia facti, vel iuris positiui loquantur. Ad ignorantiam facti pertinet, quod profert ex 21. Exodi, ubi, inquit, *qui occidis per ignorantiam exilio condemnatur.* Illud confirmat ex Numerorum 25. *Sex, inquit, ciuitates eliguntur exilij eorum, qui non sponte, sed per ignorantiam, vel iacta lapidis, vel impulsione manus, vel loco, vel lascinia absque inimicitijs, infelicitate magis quàm voluntate peccauerunt, & tamen non absque crimine sunt, dum relegantur in perpetuum.* &c. Ad eandem facti, aut sal-

Libro 1. de  
statu nat.  
lapsæ cap.  
1. & libro 1.  
de Hæresi  
Pelagiani  
cap. 13.

376 DISPUT. DE LIBERO ARBITRIO  
 tem iuris positiui ignorantiam pertinet, quod addu-  
 cit ex Leuitici cap. 5. *Si tetigerit aliquid immundum, quod  
 non liceat tangere, & fecerit per ignorantiam: & postea di-  
 dicerit: pronuntiabit peccatum suum, in quo peccasse se per-  
 spicit.* Et ex cap. 22. *Si comederit homo de sanctificatis per  
 ignorantiam, imputatur ei iniquitas atque delictum.* Eo-  
 dem spectat, quod refert ex 1. Regum cap. 12. *Iona-  
 thas, inquit, fauum mellis gustauit in scepro, & illumi-  
 natis oculis periclitatur, quod nesciens fecerit. Hoc enim scri-  
 ptura testatur, quod ignorauerit à patre esse præceptum ne  
 quisquam gustaret, donec victoria Domini compleretur. In-  
 tantum autem iratus est Dominus, ut fors inueniret oc-  
 cultum, & ipse fateretur, &c.* Et hæc dissimulat nouus  
 Doctor! Et persuadere conatur S. Hieronymum de  
 sola iuris naturalis ignorantia cum Pelagianis digla-  
 diari!

Libro 1. de  
 statu natu-  
 ræ lapsæ  
 cap. 1.

At istud præ cæteris minùs ferendum videtur, quòd  
 cum nouus Doctor eiusque partiarij importunè nobis  
 impingant, hanc Critobuli Pelagiani querelam ex eo-  
 dem S. Hieronymo initio libri 2. *Videris hominum ac-  
 cusare naturam, ac per hoc inuidiam referre in Deum, si ta-  
 les homines condidit ut obliuione, & ignorantia peccato ca-  
 rere non possint.* Antecedentia tamen, & consequen-  
 tia semper premunt, quòd ex iis perspicuum sit, in-  
 eptè illud Critobuli ad solam iuris naturalis ignoran-  
 tiam torqueri, ut paucis ostendo. Atticus qui in his  
 S. Hieronymi aduersus Pelagianos dialogis Catholi-  
 corum partes agit, plurima ex veteri instrumento lo-  
 ca collegerat, in quibus pro ignorantie peccatis sa-  
 crificia imperantur. His omnibus Critobulus pro Pe-  
 lagianis id vnum opponit: *Multa quidam de scripturis  
 sanctis memoriter copioseque dixisti, & quasi quibusdam dis-  
 cussis nubibus, clarum visus es veritatis lumen aperire: sed  
 quid ad rem? His enim cunctis testimoniis videris hominum  
 accusare naturam, ac per hoc inuidiam referre in Deum.*  
 Respondet Atticus: *Pro obliuione, errore & ignorantia  
 quasi*



quasi pro peccato, offeruntur sacrificia: Siue hoc malè, iuxta te, siue bene, iuxta me, Deus præcepit, meum est obseruare quod iussit. Quaresponsione fractus Critobulus reponit: Quoniam vim facis perspicua veritati, & me trahu ad blasphemiam; concedam tibi hoc in veteri lege præceptum, de qua scriptum est: vetera transierunt, ecce facta sunt omnia noua. Nunquid & de Euangelio poteris hoc approbare, ut puniatur quispiam pro eo quod nesciat? Castigat hanc blasphemiam Atticus. Tum ait: Tantis exemplis docere te volui peccare hominem per ignorantiam, & pro peccato, ut in lege hostias, ita & in Euangelio offerendam pœnitentiam. Mirum certè non est, si hæc Aduersarij premant tam studiosè, cùm opinionis nouæ radicem succidant. Nam inde siclicet argumentari: Disputant Atticus & Critobulus de illa ignorantia, pro qua in lege tanquam pro peccato sacrificia offerebantur: At in lege etiam pro ignorantia facti, & iuris positiui tanquam pro peccato sacrificia offerebantur, ut ex superioribus liquet; Ergo disputant Atticus & Critobulus etiam de ignorantia facti & iuris positiui.

Pari calliditate illum Palestinæ Synodi locum tractat, quo hæc Celestij propositio damnata est: *Obluionem & ignorantiam non subiacere peccato; quoniam non secundum voluntatem eueniunt, sed secundum necessitatem.* Nam persuadere nititur de sola ignorantia inuincibili iuris naturalis sermonem hîc haberi. Quod vsquequaque falsum esse multiplici ratione euinco. Prima ex iis quæ hætenus disputaui depromitur. contendit enim nuperus Theologus libro secundo de statu naturæ lapsæ cap. 2. & libro tertio de Hæresi Pelagiana cap. 13. de illa ipsa ignorantia hoc in Concilio agi, de qua postea SS. Hieronymus, & Augustinus cum Pelagianis certauerunt: At SS. Hieronymus & Augustinus non de sola ignorantia iuris naturalis; sed etiam de ignorantia facti, & iuris positiui cum Pelagianis certauerunt, ut ex illorum testimoniis paulo antè recitatis

378 DISPUT. DE LIBERO ARBITRIO  
constat: Ergo in hoc Concilio agitur etiam de ignorantia facti & iuris positiui. Ratio secunda. Docent iidem noui Dogmatis vindices, Apologia 2. parte 3. cap. 11. illa Celestij verba eo sensu damnata esse, quem patet se ferunt, quia non sunt ab Episcopis accuratiori examine discussa; sed statim atque cum aliis eiusdem farinae proposita sunt, ne expectata quidem Pelagij responsione, succlamarunt Episcopi: *Hoc reprobatur S. Synodus & sancta Dei Catholica Ecclesia*. Ergo cum illa Celestij sententia vniuersim loquatur de omni prorsus ignorantia, quæ secundum necessitatem euenit, siue illa facti sit, siue iuris, hoc quoque sensu proscripta est. Confirmatur, si Palestinæ Synodi Patres Celestij propositionem eatenus tantum damnarunt, quatenus ignorantiam iuris naturalis spectabat, cur istud non monent? Cur S. Augustinus, qui illius Synodi acta ita descripsit, ut singulas Pelagij fraudes, quibus peregrinis Episcopis illudit, solerter ac dilucidè explicet: cur, inquam, ne verbo quidem monet, Celestij propositionem veram esse atque Catholicam si de ignorantia facti, aut iuris positiui sermo sit: at falsam & hæreticam, si de ignorantia iuris naturalis loquatur? Cur denique vniuersim proscripta est illa sententia, quæ cum triplicem habeat sensum, in duobus vera est, in vno tantum falsa?

Ratio tertia petitur ex iis verbis, quæ eodem loci libro de Gestis Pelagij cap. 18. ad hanc Celestij opinionem reuincendam subiiciuntur, quæque Aduersarij, licet cum superioribus, quæ importunè nobis ingerunt, connexa sint, tacent semper, & studiosè premunt. Sic habent: *Cum in lege sacrificia pro ignorantia sicut pro peccato offerantur*. Loquitur ergo Synodus de illa omni ignorantia, pro qua, tanquam pro peccato, sacrificia in lege offerebantur: At etiam pro ignorantia facti & iuris positiui, tanquam pro peccato sacrificia offerebantur in lege, ut constat ex Leuitici cap. 5. &



12. Vbi homini qui per ignorantiam facti, aut iuris positiui aliquid immundum tetigit, aut sanctificatum comedit, tanquam pro peccato sacrificium imperatur; Ergo loquitur etiam Synodus de ignorantia facti, & iuris positiui. Ratio quare sumitur ex ipsis nouæ opinionis defensoribus, qui hæc veteris cuiusdam scriptoris verba: *Vbi ignorantia est, inuidia non est? à iustitia enim Dei ignorantia doctrina traditur, scienti verò & contemnenti dictatur sententia. unde per obscurum ignorantia ambulans Paulus putabat se inimicum Domini sui persequi:* Pelagianismi accusant, & in Palestina Synodo cum superiori Celestij propositione damnata esse contendunt: Ergo supponunt in illa Synodo eos quoque damnari, qui ignorantiam facti, aut iuris positiui peccato subiacere negant; siquidem ad alterutram S. Pauli ignorantia pertinebat.

Dici non potest, quantam hæc assertio in nouo Dogmate stragem edat. Nam eò rem deducit, vt quæ in nostram opinionem argumenta Aduersarius torquet, aut nos præteruolent, aut in ipsum resiliant.

## PARAGRAPHVS III.

*Secunda noui Doctoris hallucinatio excutitur, quæ ignorantiam confundit, cum eo quod ex ignorantia committitur.*

DVPLEX est hac in parte Aduersarij lapsus, vtrumque sigillatim expendo.

Ac primum quidem vt intelligas, observa: in Theologorum sententia hæc duo eodem recidere: *Ignorantia peccatum est. Et: Quod fit ex ignorantia peccatum est.* Arbitrantur enim quidquid ex ignorantia perperam committitur, suam omnem libertatem, & malitiam formalem ex ipsa ignorantia arcessere. Ita vt, si ignorantia culpâ vacet, quòd sit inuincibilis: culpâ quo-

380 DISPUT. DE LIBERO ARBITRIO  
que careat, quod ex illa perperam fit: Si verò ipsa  
vincibilis sit; ac proinde peccatum: peccatum quo-  
que sit, quod ex illa perperam committitur. Quam-  
obrem Magister in 2. distinct. 22. ait ignorantiam vin-  
cibilem idcirco non excusare à peccato, quia pec-  
catum est: & inuincibilem idcirco excusare, quia pec-  
catum non est. Illud ipsum tradit S. Thomas 1. 2. q.  
76. art. 2. & 3. quæst. 3. de malo art. 7. & 8. consentiunt  
veteres omnes Theologi in 2. dist. 22.

Longè est alia noui Doctoris opinio. Nam docet,  
ignorantiam inuincibilem culpâ vacare: asserit nihilo-  
minus peccatum esse, quod ex illa ignorantia com-  
mittitur. Quapropter eius patroni Apologia 2. parte  
3. cap. 9. de illis grauer expostulant, qui asserunt  
nouum Dogmatistam dixisse: *Ignorantiam inuincibilem  
subiacere peccato. Cùm dixerit tantum: Id quod fit ex  
ignorantia inuincibili subiacere peccato, vt ex his eius ver-  
bis constat libro 2. de statu naturæ lapsæ cap. 6. Quan-  
uis eiusmodi ignorantia propriè peccatum non sit: quantum-  
uis etiam humana potestati inuincibilis sit, &c. quia tamen  
pœna peccati est, quidquid ex illa cecitate perperam fit, sine  
peccato non fit.*

Si iusta est illa Aduersariorum querela: si nusquam  
illorum Patriarcha affirmavit, ignorantiam quæ se-  
cundùm necessitatem euenit subiacere peccato: cur  
ad opinionem suam confirmandam Palestinæ Synodi  
auctoritatem appellat: quâ damnata est Celestij sen-  
tentia asserentis: *Obluionem & ignorantiam non subiacere  
peccato: quoniam non secundùm voluntatem eueniunt, sed  
secundùm necessitatem.* Nam hæc verba, si vt sonant  
accipiantur (quo sensu accipienda esse contendunt)  
de ignorantia, non de iis, quæ ex ignorantia fiunt,  
loquuntur. Quapropter ad illum Celestij errorem con-  
futandum ibidem subiicitur: *Cùm in lege sacrificia PRO  
IGNORANTIA, SICVT PRO PECCATO offeran-  
tur.* Et S. Hieronymus libro 1. aduersus Pelagianos



ad eundem errorem debellandum ita se accingit: *Nunc mihi latissima scripturarum spatia peragrande sunt, ut doceam errorem & IGNORANTIAM ESSE PECCATVM.* Et initio libri 2. PRO OBLIVIONE, ERRORE, ET IGNORANTIA, QVASI PRO PECCATO OFFERVNTVR SACRIFICIA. Quæso te erudite Lector hæc perpende. Aiunt Aduersarij calumniari illum, qui hanc noui Doctõris propositionem: *Quod sit ex ignorantia inuincibili peccato subiacer:* cum ista confundit: *Ignorantia inuincibilis peccato subiacer.* Si ita habet: quàm profligati calumniatores ipsi sunt, quàmque temerarij Palestina Synodi corruptores, qui hanc propositionem in ea damnatam: *Ignorantiam non subiacere peccato:* cum ista confundunt: *Quod sit ex ignorantia non subiacere peccato.*

Viderat illorum Patriarcha nihil se ex Palestina Synodo præsidij ad suum dogma confirmandum elicere posse, quandiù illud posteriori hoc sensu enuntiaret: quamobrem cap. 2. quo illius Concilij auctoritatem vrget, disertè affirmat, quod eius Patroni tam præfractè negant illum asserere. Hæc illius capituli inscriptio: *Ignorantia etiam quæ necessitatis est, non voluntatis, hoc est, inuincibilis non caret peccato: ut dogma fidei ab antiquis traditum.* Potuítne expressioribus verbis affirmare, ignorantiam inuincibilem peccato non carere? Potuítne certiùs opinionis suæ radicem exscindere, quâ docet cap. 6. ignorantiam inuincibilem carere peccato: *Eiusmodi ignorantia, inquit, propriè peccatum non est?* Quid hoc homine facias, qui & ipse contendit, ignorantiam inuincibilem carere peccato: & nihilominus affirmat, ut dogma fidei ab antiquis traditum esse, ignorantiam inuincibilem non carere peccato? Sic ille non potuit ex Palestina Synodo opinionem nostram oppugnare, quin suam priùs euerteret: illi persimilis, qui apud Poëtam exclamabat: *Ruas vel in me, dummodo in fratrem ruas.* Quanquam nec nobis

382 DISPUT. DE LIBERO ARBITRIO  
vel leuiter nocet, qui ex communi Theologorum  
sensu, quod ex ignorantia perperam committitur,  
eodem prorsus modo peccatum esse dicimus, quo  
ipsa ignorantia, ex qua fit, peccatum est. Ita vt si illa  
improprie tantum peccatum est: sit & istud improprie  
peccatum: si verò ignorantie culpa hæret, etiam quod  
ex illa fit crimini vertatur.

Alter hæc in parte noui Theologi lapsus est, quod  
S. Augustini loca, quibus aduersus Pelagianos con-  
tendit, non eam tantum ignorantiam, quam culpâ  
nostrâ contrahimus, sed illam quoque quam ex vte-  
ro matrum infantes ducunt, malum esse diuinæ gra-  
tiæ lumine purgandum: sic interpolat, vt in eis S. Au-  
gustinus pugnare videatur, culpæ tribui quidquid  
ex ignorantia inuincibili contra legem committitur.  
Quod à S. Doctoris mente toto distare cælo osten-  
dam, vbi pauca obseruauero, quæ ad eius opinionem  
illustrandam plurimum conferent.

Notandum primò, statuisse Pelagianos concupiscen-  
tiam, & ignorantiam cum quibus nascimur, non esse  
mala, aut peccati supplicia; sed naturales defectus.  
Quam eorum sententiam S. Augustinus ita perstringit  
libro de dono perseuerantiæ c. 11. *Dicunt Pelagiani igno-  
rantiam, & difficultatem sine quibus nullus homo nascitur,  
primordia non supplicia esse natura.* Et nominatim de igno-  
rantia sic loquitur libro 1. de peccatorum meritis & re-  
missione c. 36. *An nullum est ignorantia malum, & ideo nec  
purgandum? quod natura sit hominis sic incipere.* Eò quoque  
progressi sunt, vt ignorantiam, & concupiscentiam,  
quas ex vtero matrum trahimus, non modò mali nihil  
habere: sed etiam bonas esse defenderent. Hinc lau-  
des illæ quibus Iulianus in omnibus ferè operibus suis  
concupiscentiam exornat, cum illam *naturale bonum,*  
& eius motus *naturaliter bonos* appellat. *Concupiscentia  
naturalis* (eius verba sunt apud S. Augustinum libro 3.  
contra Iulian, cap. 21.) *qui modum tenet, bono bene uti-*



*tur, qui modum non tenet, bono malè vititur. Neque verò minori cura ignorantiam commendauit; nam eodem libro cap. 19. contendit perfectam ignorantiam bonam esse, & iustitiam appellari. Ex hoc, inquit, intelligi debet perfectam ignorantiam iustitiam nominari; quia dixit Deus ad Abimelech, qui cum Sara eras concubiturus, ignorans quòd uxor esset aliena: Et ego sciebam, quia in corde mundo fecisti hoc.*

Ex iis etiam nonnulli cùm S. Augustini argumentis premerentur, quibus ignorantiam, vel in pueris, malam esse conuincebat, eò proruperunt insanix, vt pueros affirmarent negligentia suâ has sibi tenebras accersere. Quod his verbis S. Augustinus illis exprobrat libro 1. de peccatorum meritis & remissione cap. 36. *Illas consideremus tenebras mentis utique rationalis, in quibus & Deum prorsus ignorant ( paruuli ) Cuius sacramentis etiam cùm baptizantur obstitunt. In has quaro unde, & quare submersi sunt? Itane verò eas hic contraxerunt, & in hac vita sua iam propria per nimiam negligentiam obliui sunt Deum, prudentes verò & religiosi vixerunt vel in uteris matrum? Quamobrem, vt ibidem S. Augustinus testatur cap. 34. Fatebantur etiam in paruulis per baptismum remissionem fieri peccatorum. Non tamen originaliter, inquit, sed in vita iam propria posteaquam nati sunt peccatum habere cœperunt.*

Notandum secundò, S. Augustinum aduersùs ista Pelagianorum deliria statuisse, concupiscentiam & ignorantiam esse mala, & peccati supplicia. Neque istud de sola intris naturalis ignorantia, quæ in Adultis cernitur, affirmabat, sed de illa etiam ignorantia, quâ recens ex utero matris puerulus obruitur, nesciens ubi sit, quid sit, à quo creatus, à quibus genitus, iam reus delicti, nec dum capax præcepti, tam profunda ignorantie caligine inuolutus & pressus, vt neque tanquam de somno excitari possit, &c. Sic paruulorum ignorantiam describit libro de peccat. meritis cap. 36. Atque hanc peccati pœnam

esse sic probat: *Si natura est hominis sic incipere; & non iam vitiosa est ista natura, cur non talis creatus est Adam? Cur ille capax precepti? &c.* Eandem ignorantiam ait malam esse, etiam in baptizatis. Quapropter libro 6. contra Iulianum cap. 16. de baptizato vniuersim ita loquitur: *Omni peccato caret, non omni malo; Quod plinius ita dicitur: Omni reatu caret omnium malorum, non omnibus malis, &c.* Nunquid caret ignorantia malo, per quod à nescientibus innumerabilia perpetrantur mala? Mox: *An paruum malum est ignorantia, per quod homo non percipit, quæ sunt Spiritus Dei? De baptizatis nempe dicebat Apostolus: Animalis homo non percipit, quæ sunt Spiritus Dei; Stultitia est enim illi.* Tum concludit: *Non igitur caruerant tanto ignorantie malo in lauacro regenerationis, ubi tamen omnibus caruerant sine dubitatione peccatis. Et per hoc ignorantia malum templo Dei, in quo habitabas Spiritus Dei, stultitia erant quæ sunt Spiritus Dei.*

Notandum tertio eiusmodi ignorantiam, quæ in baptizatis remanet, non deleri pœnitentiâ, sed diuinæ lucis radio, qui actualis gratia est, purgari. Quemadmodum concupiscentia, cuius reatus semel est sacro fonte abstersus, non habituali gratia, sed actuali sanatur. Quamobrem quoties fidelis ait: *Da mihi Domine intellectum, ut discam mandata tua.* vel: *Illumina Domine tenebras meas.* De hoc ignorantie malo, quod peccatum non est, loquitur. Siquidem non veniam postulat, sed lucem. Sic qui clamat: *Quis me liberabit de corpore mortis huius?* non petit sibi dimitti quod peccauit; sed gratiam postulat, quâ ebullientis concupiscentie vis frangatur. Vt S. Augustinus notat libro 6. contra Iulianum cap. 23. *Neque consideras eum qui dicit: Vt deo aliam legem in membris meis repugnantem legi mentis meæ: & ab hoc malo non se liberari clamat, nisi gratiâ Dei per Iesum Christum Dominum nostrum, nec Iudam esse, nec quia peccauit; sed ne peccet potius laborare.*

Ex hac triplici obseruatione, Aduersarij hallucinatio  
non



non vulgaris facilè cognoscetur. Ignorantiam inuincibilem à peccato non excusare ex iis locis probat, in quibus S. Augustinus non solùm ait: Pelagianos fateri; hominem peccare, qui negligit facienda cognoscere; Sed etiam aliquid amplius ab iis postulat. Vnde concludit S. Augustinum ibi contendere culpâ quoque illos obstringi, qui ex ignorantia inuincibili contra legem committunt. Verùm istud à S. Doctoris mente prorsus alienum est. Neque enim alio consilio, Pelagianorum verba refert, quibus aiunt ignorantiam culpâ nostrâ contractam crimini dari, quàm ut demonstret eam quoque ignorantiam, quam ex vtero matrum trahimus, peccati poenam esse; atque adeo malum, Diuinæ gratiæ lumine purgandum. Quæ S. Augustini sententia ex iis ipsis, quæ Aduersarius citat, locis adeo manifesta est, ut mirum sit nouum Doctorem tam clara in luce insidias moliri.

Primus petitur ex libro 6. contra Iulianum cap. 1. ubi S. Augustinus sic illum affatur: *Ecce meritis reprehendisti eos, & grauius, qui supersederunt scienda cognoscere.* Hæc Aduersarius ambitiosè iactat, sed pro more suo consequentia, & antecedentia suppressit, ex quibus S. Augustini sententia clarissimè dignoscitur. Dixerat enim proximè antè, quosdam pueros esse *naturâ fatuos*, & quæsierat: *Vnde potuerunt, in tantum malum ruere, si Diuino iudicio nulla origini debetur pœna vitiatæ?* Quod argumentum ut magis vrgeat, adhibet verba ab Aduersario citata, quæ ex quarto Iuliani libro petita sunt: *Ecce meritis reprehendisti eos, & grauius, qui supersederunt scienda cognoscere.* Ex quibus ita disputat: *Nunquid hoc de his, qui excordes nati sunt, potes dicere? Nec tamen eis sub Deo iusto, unde hoc accidere potuerit inuenturus es, si nulla ex parentibus trahuntur merita filiorum.* Atque ita concludit, *Itâne verò tanta in parvulis mala, tu qui non inuides, non vides?* Ergo id vnum S. Augustinus hoc loco pugnat, non eam tantùm ignorantiam, quam

Libro 2. de  
statu nat.  
lapſæ cap.  
2. & libro 1.  
de Hæresi  
Pelagiana  
cap. 13.

386 DISPUT. DE LIBERO ARBITRIO  
culpâ nostrâ contraximus, sed illam quoque, quam in-  
fantes ex Adamo hereditariam habent, malam esse, &  
peccati supplicium. De iis verò quæ ex ignorantia ab  
Adultis perperam committuntur, ne verbum quidem  
facit.

Huic loco germanus est alter, quem Aduersarius  
eodem capite 2. & sequenti plurimum venditat. Su-  
mitur ex libro de natura & gratia cap. 17. vbi S. Augu-  
stinus de Pelagio sic loquitur: *Tractat etiam iste de pec-  
catis ignorantia, & dicit: Hominem prauigilare debere ne  
ignoret: ideoque esse culpandam ignorantiam, quia id homo  
nescit negligentia suâ, quod adhibitâ diligentia scire debuif-  
set.* Hæc Pelagius. Subiicit S. Augustinus: *Dum tamen  
omnia potius disputes, quàm ut ores & dicat, Da mihi in-  
tellectum ut discam mandata tua.* Quibus profectò ver-  
bis satis indicat, id vnum se hoc loco contendere, etiam  
ignorantiam illam quam ab origine contraximus, ma-  
lam esse; ac proinde orandum Deum, ut illam gratiæ  
sua lumine depellat. Nam si etiam pugnaret, peccare  
homines cum ex ignorantia inuincibili aliquid contra  
legem committunt, non his Pelagium verbis castigaf-  
set, *Dum tamen omnia potius disputes, quàm ut ores & di-  
cat, Da mihi intellectum ut discam mandata tua.* Sed di-  
xisset: *Dum tamen omnia potius disputes, quàm ut ores  
& dicat, Dimitte etiam Domine quæ ex ignorantia inuinci-  
bilibus commissi.* Distinxisset etiam duplicem ignorantiam  
inuincibilem, aliam iuris positiui, aliam iuris naturalis,  
atque illam excusare, hanc verò minimè, statuisset.  
Addit S. Augustinus: *Aliud est enim non curasse scire,  
quæ negligentia peccata etiam per sacrificia quadam legis  
videbantur expiari: aliud intelligere velle, nec posse, & fa-  
cere contra legem, non intelligendo quid fieri vellet. unde  
admonemur à Deo petere sapientiam, qui dat omnibus af-  
fluenter: utique his omnibus qui sic petunt, & tantum pe-  
tunt, quomodo & quantum res tanta petenda est.* Non ait,  
admoneri nos à Deo, ut ab illo postulemus ea dimitti



nobis, quæ per ignorantiam admisimus: sed tantum, ut Diuinum lumen postulemus, quo illa ignorantia propulsetur. Ergo non agit hoc loco de peccatis ex ignorantia commissis: sed de ipsa ignorantia, quæ originalis peccati pœna est, quæque non gratiâ remissionis, sed Diuina illustratione purgatur.

Nec Aduersarium iuuant hæc verba: *Et facere contra legem, non intelligendo quid fieri velit.* Nam in iis nulla culpæ mentio. vnde & illi tribui possunt, qui ex ignorantia inuincibili agit contra legem positiuam, quem tamen Aduersarius omni culpa vacare contendit. Quid enim? nonne Ionathas cum gustans gustauit paululum mellis in summitate virgæ, contra paternam legem fecit, non intelligendo quid illa fieri veller? Docent etiam noui Doctoris Patroni Apologia 2. parte 3. cap. 8. hominem cum indeliberatis concupiscentiæ moribus titillatur, agere contra hanc legem, *non concupisces.* Negant tamen illum peccare. Ergo nonnisi ineptè colligere possunt hominem qui ex ignorantia agit, idcirco verè peccare, quòd dicatur: *Facere contra legem, non intelligendo quid illa fieri velit.*

Obiter moneo ex superioribus facilè colligi, nihil Aduersariis fauere ea S. Augustini testimonia, quibus ait: *Nolle homines facere quod iustum est, siue quia latet an iustum sit, siue quia non delectat.* Eius verba sunt ex libro 2. de peccatorum merit. cap. 17. Quibus addit: *Ignorantia igitur & infirmitas vitia sunt, quæ impediunt voluntatem, ne moueatur ad faciendum opus bonum, vel ab opere malo abstinendum. Vt autem innotescat quod latebat, & suaue fiat quod non delectabat, gratiæ Dei est.* Hæc, inquam, Aduersariorum causam non subleuant, quia non agunt de ignorantia peccatis: sed de ipsa ignorantia, quatenus non peccatum, sed malum duntaxat est. vnde non gratiam remissionis ad eam purgandam, sed Diuinæ tantum lucis radium postulant. Accedit quòd in iis non agatur minùs de ignorantia legis po-

388 DISPUT. DE LIBERO ARBITRIO  
fictiuz, quàm naturalis. Nam & de Euangelio dicitur:  
Nolunt homines credere Euangelio, siue quia latet, si-  
ue quia non delectat: vt autem innotescat & delectet  
Euangelium, gratiæ Dei est.

PARAGRAPHVS IV.

*Tertia Aduersarij hallucinatio detegitur, quâ ad igno-  
rantiam inuincibilem transfert, quod S. Augusti-  
nus de vincibili affirmat.*

S'OLENT Theologi ignorantiam tribuere inuincibilem, & vincibilem. Tum vincibilem duas rursus in species partiri: quarum altera simplex dicitur: altera affectata. De quibus Hugo Cardinalis ita pronuntiat in Psalmum 24. *Simplex dicitur ignorantia, quando homo non laborat scire quod possit scire. Affectata dicitur, quando aliquis ex industria omittit scire, ne scientia in eo aggraues peccatum, ne magis teneatur ad bene operandum. An verò peccatum excusent, & quomodo, ex communi Theologorum consensu ita definit: Ignorantia inuincibilis excusat à tanto, & toto. Simplex excusat à tanto, & non à toto. Affectata nec à tanto, nec à toto. Quia vt alij loquuntur, ac nominatim Richardus in 2. dist. 22. art. 2. quæst. 3. Hac ignorantia peccatum non tollit, nec excusat in aliquo, omnibus pensatù. Quia si excusat in quantum est ignorantia, tamen aggrauat in quantum est voluntaria. Ex magna enim intensione voluntatis ad peccandum provenit, quod homo velit ignorare vt liberius peccet.*

S. Thomas 1. 2. quæst. 76. art. 3. ait posteriorem hanc ignorantiam esse directè volitam; simplicem verò indirectè tantùm. *Ipsa ignorantia, inquit, est voluntaria, vel directè, sicut cum aliquis studiosè vult nescire aliqua, vt liberius peccet: vel indirectè, sicut cum aliquis propier*



laborem vel propter alias occupationes, negligit aliquid per quod à peccato retraheretur: talis enim negligentia facit ignorantiam ipsam esse voluntariam, & peccatum: dummodo sit eorum, quæ quis scire tenetur, & potest; & ideo talis ignorantia non totaliter excusat à peccato. Ægidius Cardinalis in 2. dist. 22. artic. 2. dub. 1. lat. eam vocat Ignorantiam omissionis. Libenter enim, inquit, sic ignorans vellet scire, sed non vult laborare, ut sciat: propter quod talis ignorantia aliquid habet de voluntario: cum in voluntate nostra sit velle laborare, vel non laborare. Talis enim ignorantia licet non possit dici affectata, potest dici neglecta, vel per negligentiam continuata, & si comparata ad voluntatem non potest dici commissæ, quia nihil committit voluntas ad persistendum in tali ignorantia, quia non vult nec affectat eam; tamen potest dici omissa, quia omittit voluntas laborare, & negligis operari, ut effugiat ignorantiam illam. Consentiant reliqui Theologi, atque huius opinionis suæ fundum appellant S. Augustinum, qui libro 3. de libero arbitrio cap. 19. sic illam tradit: *Non tibi deputatur ad culpam quòd inuitus ignoras, sed quòd negligis querere quod ignoras.*

Hinc genuinus plurimorum S. Augustini locorum sensus eruitur, quos perperam ad suum de ignorantia inuincibili commentum Aduersarius trahit. Ac præcipuè nobilis illius ex libro de gratia & libero arbitrio cap. 3. quem hîc integrum repræsentò, ut S. Augustini sententia clariùs appareat. Dominus in Euangelio ait: *Seruus qui nescit voluntatem domini sui, & facit digna plagis, vapulabit pauca: seruus autem qui scit voluntatem domini sui, & facit digna plagis vapulabit multa.* Ecce ubi ostendit grauiùs peccare hominem scientem, quàm nescientem. Nec tamen ideo confugiendum est ad ignorantie tenebras, ut in eis quisque requirat excusationem. Aliud est enim nescire, aliud scire noluisse. Voluntas quippe in eo arguitur, de quo dicitur: *Noluit intelligere ut bene ageret.* Sed & illa ignorantia, quæ non est eorum qui scire volunt,

*sed eorum qui tanquam simpliciter nesciunt, neminem sic excusat, ut sempiterno igne non ardeat; si propterea non credidit, quia non audiuit omnino quod crederet; sed fortassis ut mitius ardeat: non enim sine causa dictum est: Effunde iram tuam in gentes quae te non nouerant. Et illud quod ait Apostolus: Cum veneris in flamma ignis dare vindictam in eos qui ignorant Deum. Contendit Aduersarius sermonem hunc esse de ignorantia prorsus inuincibili: atque id tam exploratum arbitratur, ut ne verbo quidem confirmet, quasi nullus reperiri possit, qui, si hunc locum perlegat, de alia ignorantia loqui suspicetur.*

Reclamat omnis Theologorum chorus cum Magistro in 2. dist. 22. qui ex hoc ipso loco vincibilis illius ignorantiae, quam simplicem vocant, definitionem noménque repetunt. Magistrum audi. *Est autem, inquit, ignorantia triplex, & eorum scilicet, qui scire nolunt, cum possint: quae non excusat, quia & ipsa peccatum est. Et eorum qui volunt, sed non possunt; quae excusat, & est poena peccati, non peccatum. ET EORVM QVI QVA-  
SI SIMPLICITER NESCIUNT, non renuentes, vel proponentes scire, quae neminem plenè excusat; sed sic fortasse ut minùs puniatur. Vnde Augustinus ad Valentinum libro de gratia & libero arbitrio cap. 3. Ignorantia quae non est eorum, qui scire nolunt, sed qui tanquam simpliciter nesciunt: nullum sic excusat, ut eterno igne non ardeat, sed fortasse ut mitius ardeat.*

Hanc Theologorum interpretationem plurima confirmant. Primò, non ait S. Augustinus illam ignorantiam esse eorum, qui simpliciter nesciunt, sed, qui tanquam simpliciter nesciunt: Vox illa, tanquam, satis indicat sermonem non esse de ignorantia prorsus inuincibili. Secundò, statuit hanc ignorantiam neminem sic excusare, ut sempiterno igne non ardeat, sed fortassis ut mitius ardeat. Si de ignorantia inuincibili loqueretur, non adieccisset fortassis. Nihil enim certius, vel ex ipsius Aduersarij opinione, quàm illum mitius saltem



puniendum, qui ex ignorantia inuincibili peccauit. Sed idcirco vocem illam inseruit, vt innueret, quod eodem loco Theologi docent de ignorantia simplici seu neglecta, quodque Ægidius Cardinalis quæst. 2. art. 4. sic expressit: *Hac ignorantia potest aliquando plus aggrauare, quàm excusare: aliquando è conuerso. Quia potest ibi esse tanta negligentia, quod ignorantia sic neglecta plus aggrauet, quàm excuset. Aliquando etiam negligentia potest esse tam modica, quod si contingat ex illa aliquid malè agere, poteris actus ille ex hoc plus excusari, quàm aggruari.* Tertio, confirmatur ex illo serui exemplo nescientis voluntatem domini sui, neque enim ille punitur, quod eam non impleuerit, nisi cum negligentia suâ ignorat. Quod fatentur Aduersarij, & Theodoretus obseruat apud S. Thomam in Catena Lucæ cap. 12. *Hic, inquit, obiciunt aliqui: merito punitur qui sciens voluntatem domini non persequitur. Sed cur punitur ignorans? Quia cum ipse scire potuisset, noluit, sed pigritans ipse fuit ignorantia sua causa.* Denique, notant aliqui, vt videre est apud Bagnem 2. 2. quæst. 10. art. 1. S. Augustinum loqui de ignorantia Euangelij, ait enim eiusmodi ignorantiam, *Neminem sic excusare, vt sempiterno igne non ardeat: si propterea non credidit, quia non audiuit omnino quod crederet.* Et sanè simillimus est locus iste alteri quem Aduersarius allegat ex Tractatu 89. in Ioannem, vt probet ignorantiam Euangelij, à peccato infidelitatis excusare, nisi forte vincibilis sit. Cur ergo nouus Theologus hunc S. Augustini locum pro ignorantia inuincibili citat, quem ad vincibilem pertinere, singula ferè eius verba, multiplex ratio, & Magistri sententiarum auctoritas Theologis omnibus persuasuerunt?

Eodem capite 3<sup>o</sup> S. Augustini testimonium Aduersarius recitat ex Enarratione in Psalmum 35. quod magni momenti esse ait ad opinionis suæ confirmationem. Verùm si illud, non vt ab eo describitur, trunca-

392 DISPUT. DE LIBERO ARBITRIO  
 tum & mutilum, sed, ut in S. Augustino habetur, integrum legas, nihil prorsus huic nouitati fauere intelliges. Hæc Davidis verba: *Dixit iniustus ut delinquat in semetipso, non est timor Dei ante oculos eius.* S. Augustinus ita enarrat: *Non unum hominem, sed genus hominum iniquorum dicit, qui sibi aduersantur, non intelligendo ut bene uiuant: non quia non possunt, sed quia nolunt. Aliud est enim quando quisque conatur aliquid intelligere, & per infirmitatem carnis non potest. Persuadere conatur Aduersarius postrema hæc verba ad ignorantiam, quæ peccatum non excuset, id est, ad ignorantiam inuincibilem iuris naturalis pertinere. Sed cum ex sequentibus istud reuinci intelligeret, ea callidè suppressit. Sic habent: Sicut dicit quodam loco scriptura: Quia corpus quod corrumpitur, aggrauat animam, & deprimat tertena inhabitatio sensum multa cogitantem. Probat exemplis: Fac hominem querere quomodo sit equalis filius patri, credidit: querit intelligere, nondum potest. Magna enim res est, & vires maiores desiderat ut possit capi: & est initium fidei quod custodit animam donec roboretur. Lacte nutritur, ut perueniat ad habitudinem & firmitatem cibi solidioris, ut possit intelligere, In principio erat Verbum, & Verbum erat apud Deum, & Deus erat Verbum. Antequam hoc possit, nutritur in fide: & conatur intelligere, ut intelligat quantum Deus dederit. Hæc sunt illius ignorantie exempla, de qua dixerat: Aliud est enim quando quisque conatur intelligere, & per infirmitatem carnis non potest. At fateri Aduersarius debet, in eiusmodi exemplis sermonem non esse de ignorantia illa inuincibili, quam à peccato non excusare contendit: cum in iis agatur tantum de speculatiuarum veritarum ignorantia quam peccato subiacere negat. Vnde venerabilis Beda in commentario eiusdem Psalmi, cum illa S. Augustini verba recitasset, subdit: Quia dicuntur de diuinitate, humana infirmitas percipere non potest. & IN TALIBVS IGNORANTIA NON EST PECCATVM.*

Quan-



Quamquam & hoc loco ignorantia iuris naturalis S. Augustinus meminit: sed ita meminit, vt inde nuperi Theologi opinio elidatur potiùs, quàm iuietur. Cùm enim dixisset, conari hominem fidelem vt intelligat quomodo sit æqualis filius patri, & nondum posse, subiicit: *Nunquid & hoc cum conatu intelligis? Quod tibi fieri non vis, alij ne feceris: vt quia pati non vis iniquitatem, non facias iniquitatem, quia non vis pati dolum & infidias, non infidieris alteri.* Quæ verba satis indicant, hæc prima iuris naturalis principia esse eiusmodi, vt qui ad ea intelligenda animum appulerit, faciliè cognoscat: ac proinde illorum ignorantiam non pertinere ad genus illud, quod ita descripserat: *Aliud est enim quando quisque conatur aliquid intelligere, & per infirmitatem carnis non potest. Sed ad illud potiùs, quod ibidem ita definit: Aliud autem quando perniciosius agit aduersus se ipsum cor humanum, vt quod possit intelligere, si bona voluntas accederet, non intelligat: non quia difficile est, sed quia voluntas aduersa est. Hoc autem fit dum amant peccata sua, & oderunt præcepta Dei.* Quamobrem Venerabilis Beda eodem loco S. Augustini verba ita contrahit: *Planissimum enim & apertissimum est omni homini illud præceptum: Quod tibi fieri non vis, alteri ne feceris: quia quisque in se ipso hoc advertere potest. Et ideo quisquis hoc non intelligit non imputabitur difficultati; imò voluntati.*

Voluntariæ illius ignorantia subtiliorem quandam speciem S. Augustinus ibidem profert, cùm hæc Davidis verba: *Quoniam dolosè egit in conspectu eius, vt inueniret iniquitatem suam, & odisset, sic exponit: Sunt homines qui quasi conantur querere iniquitatem suam, & timent illam inuenire: quia si illam inuenerint dicitur illis: Recedite ab illa.* Vnde porro dignosci potest, an homo sincerè iniquitatem quærat? *Non sciebam quia peccatum est, quando dicit homo?* Respondet: cùm videris quia peccatum est, & destiteris facere ipsum pecca-

394 DISPUT. DE LIBERO ARBITRIO  
*rum: quod ideo faciebat, quia ignorabas: verè sic voluit nosse iniquitatem, ut inuenires & odisses. Altercatur hîc Aduersarius, quasi hæc verba: destiteris facere ipsum peccatum, quod ideo faciebat, quia ignorabat. Significant verè illud esse peccatum, quod iste ideo faciebat, quia ignorabat. Sed quis non videt peccatum hîc materialiter sumi? cùm hæc omnia vniuersim dicantur, ac proinde etiam conueniant homini, qui ex ignorantia inuincibili facti, aut iuris positiui materialiter peccat. Quidni enim de Abimelech, si ignorasset inuincibiliter Saram alteri esse copulatam, dici posset? Cùm videris quia peccatum est, & destiteris facere ipsum peccatum: quod ideo faciebat, quia ignorabas: verè sic voluit nosse iniquitatem, ut inuenires & odisses. Pergit sanctus Augustinus: Nunc autem multi dolosè agunt: ut inueniant iniquitatem suam: id est, non ex animo agunt inuenire, & odisse. Hanc tantùm ignorantiam hoc loco culpæ tribuit, quam nemo non videt esse vincibilem. Et illum tamen Aduersarius in opinionis suæ præsidium trahit, & quasi communi sententiæ plurimùm noceret, in ipsa disputationis fronte collocat.*

#### PARAGRAPHVS V.

*Quarta Nuperi Theologi hallucinatio aperitur, quæ nobilem S. Augustini locum suam in opinionem ingratiis detorquet.*

S. Augustinus ita nonnunquam asserit ignorantiam inuincibilem non excusare à peccato, ut id vnum velit, non eam excusare peccata, ad quæ perpetranda nihil contulit, quamuis peccatum illud excuset, cuius causa extitit. Quo sensu vel ex ipsius Aduersarij confessione loquitur Tractatu 89. in Ioannem, vbi hæc Christi verba exponens: *Si non venissem & locusus es*



*fuiffem peccatum non haberent*, ait, de illo tantum peccato hæc esse intelligenda, quo in Christum non crediderunt. Tum quærit, vtrum gentes quæ de Christo nihil inaudiêrunt, habeant excusationem de peccato. Respondet: *Habere illos excusationem non de omni peccato suo, sed de hoc peccato, quo in Christum non crediderunt.* Quærit ampliùs: *vtrum hi qui priusquam Christus veniret in Ecclesia ad gentes, & priusquam Euangelium eius audirent, vita huius sine præuenti sunt, seu præueniuntur, possunt habere hanc excusationem.* Quæstionem ita soluit: *Possunt planè, sed non ideo possunt effugere damnationem. Quicumque enim sine lege peccauerunt, sine lege peribunt. Quapropter damnabuntur illi, non quòd in Christum non crediderint, sed quòd aliis peccatis legem naturæ violauerint. Ex quibus nouus Theologus rectè colligit, ignorantiam inuincibilem Euangelij à peccato infidelitatis, quod necessariò inducit, non ab aliis excusare.*

Sed vide quæso hominis candorem, capite 3. ambiciosè iactat truncatum S. Augustini locum ex Epistola 105. quasi ille inuictè prober ignorantiam inuincibilem iuris naturalis à peccato non excusare. Et tamen locus iste, si sumatur integer, superiori simillimus est, nec minùs expressè, de solo iure positiuo loquitur, tamque disertè affirmat ignorantiam, de qua agit, abstergere quidem peccati illius culpam, quod necessariò importat, at non aliorum, ad quæ nihil ipsa prorsus contulit. Locum integrum exhibebo, vt omnes intelligant quàm præposterè S. Augustini auctoritate Aduersarius abutatur. Cùm dixisset S. Augustinus ad occulta Dei iudicia pertinere, quòd expueris vnum potius, quàm alium liberet, subdit: *Et in maioribus duntaxat ataribus meruò dici potest: Hi noluerunt intelligere vt bene agerent: Hi, quod grauius est, intellexerunt & non obedierunt.* Priora hæc verba iam Aduersarium perimunt. Nam ad hæc fastigia duo peccata omnia reuocat, quæ in maio-

ribus committuntur ætatibus. At quis non videt ad neutrum ignorantiam inuincibilem pertinere? Probat postea ex scripturis, *Inexcusabiles esse, quos non latet veritas, & in eis perseverat iniquitas.* Quorum ex numero eos quidem esse docet, qui inuisibilia illius per ea quæ facta sunt intellecta conspicere potuerunt, nec obeuerunt tamen veritati, sed iniqui & impij permanserunt. Sed, quanto magis, inquit, *inexcusabiles sunt, qui ex lege eius instructi confidunt se ipsos duces esse cæcorum, &c.* Quæ confirmat ex Christi verbis Ioannis 15. *Dicit Dominus in Evangelio: si non venissem & eis loquutus non fuisset, peccatum non haberent: nunc autem excusationem non habent de peccato suo. Non utique peccatum nullum haberent, qui pleni erant aliis magnis multisque peccatis: sed hoc peccatum vult intelligi non eos habituros fuisse, si non venisset, quo cum audissent eum, non crediderunt in eum: hanc eos excusationem non habere asserit, qua possint dicere: Non audiuimus, ideo non credidimus.*

Libenter ab Aduersario quærerem, cur hæc omiserit omnia, quæ manifestè conuincunt sermonem hinc esse de ignorantia Evangelij. Auspicatur à sequentibus verbis: *Humana quippe superbia tanquam præsumens de viribus liberi arbitrij excusatam se putas, quando ignorantie, non voluntatis est quod peccat.* Atque hæc etiam corrumpit, extritâ particulâ quippe, quæ hanc sententiam cum superiori connectit, inditâque hæc ad eandem Evangelij ignorantiam referri. Dixerat enim Christum asserere, Iudæos hanc non habere excusationem, quâ possint dicere: *Non audiuimus Evangelium, ideo non credidimus.* Hanc excusationem humanæ superbiz consentaneam esse his verbis affirmat: *Humana quippe superbia, tanquam præsumens de viribus suis, &c.* Tantum enim homines præsumunt de viribus libertatis suæ, ut se non dubitent credituros Evangelio, si illud audiuissent: adeoque hanc prætexere excusationem solent: *Non audiuimus, ideo non credidimus.* Illud



ipsum confirmat reliqua S. Augustini disputatio, quam Aduersarius prætermisit. *Secundum hanc excusationem, inexcusabiles dicit scriptura Diuina quoscunque scientes peccare conuincit. Dei tamen iustum iudicium nec illis parcat, qui non audierunt. Quicumque enim sine lege peccauerunt, sine lege peribunt. Et quamuis se ipsi excusare videantur, (dicentes nimirum vt suprà : Non audiuius, ideo non credidimus) non accipit tamen hanc excusationem (vt illis parcat, cum aliis peccatis & maximè originali tætantur obstricti) qui scit se fecisse hominem rectum, ei que obedientie dedisse præceptum, nec nisi eius quo male usus est libero voluntatis arbitrio, etiam quod transiret in posteros manasse peccatum. En cur iustum Dei iudicium illis non parcat, qui Euangelium non audierunt. Nimirum, quia peccato saltem originali contaminati sunt. Vnde subdit: Neque enim damnantur, qui non peccauerunt, quandoquidem illud ex vno in omnes pertransiit, in quo ante propria in singulis quibusque peccata omnes communiter peccauerunt.*

Ex quibus S. Augustinus colligit, eos qui damnantur nihil causari posse, quo iustum Dei iudicium effugiant. Nam si non audierunt Euangelium, inexcusabiles sunt saltem reatu originis: Si verò audierunt, inexcusabiles sunt additamento propriæ voluntatis. adcoque ignorantia in iis, qui Euangelium intelligere noluerunt, peccatum est æternis suppliciis vindicandum: in iis autem qui non potuerunt, pœna originalis peccati, propter quod iustè plectentur: atque ita erit in vtrisque iusta damnatio. Eius verba sunt: *Ac per hoc inexcusabilis est omnis peccator, vel reatu originis, vel additamento etiam propriæ voluntatis: siue qui nouit, siue qui ignorat, siue qui indicat, siue qui non indicat: quia & ipsa ignorantia in eis qui intelligere noluerant, siue dubitatione peccatum est: in eis autem qui non potuerunt, pœna peccati. Quapropter nullius momenti esse ait excusationem illam, quâ dicunt: Non audiuius, ideo non*

398 DISPUT. DE LIBERO ARBITRIO  
*credidimus: sed iustam esse damnationem, quâ Dei iustum  
iudicium nec illis parcit, qui non audierunt. Ergo, inquit,  
in utrisque non est iusta excusatio, sed iusta damnatio. Cu-  
ius loci vim omnem ita S. Thomas colligit lectione 3.  
in caput 10. Epistolæ ad Romanos. Illi qui loquentem  
Dominum per se, vel per eius discipulos non audierunt, ex-  
cusationem habent de peccato infidelitatis: non tamen bene-  
ficio Dei consequentur, ut scilicet iustificentur ab aliis pec-  
catis, vel quæ nascendo contraxerunt, vel malè viuendo ad-  
diderunt: & pro his merito damnabuntur.*

Nouerat Aduersarius nihil se ex hac S. Augustini  
disputatione præsidij capere posse, quamdiu staret in-  
tegra. Quare vnâ tantum ab ea laciniam abruptit:  
extremam scilicet illam partem: *Ac per hoc inexcusa-  
bilis est omnis peccator, vel reatu originis vel additamen-  
to propriæ voluntatis, &c.* Quæ verba corrumpit primò,  
cùm illa à superiori argumento, cuius conclusio sunt,  
& à quo robur pariter ac lucem accipiunt, per vim  
diuellit. Eadem corrumpit secundò, cùm in iis de so-  
la iuris naturalis ignorantia agi supponit, & dissimu-  
lat totam hanc quæstionem de Euangelij ignorantia  
agitari. Corrumpit tertio, cùm hæc verba: *Inexcusa-  
bilis est omnis peccator, vel reatu originis, &c.* pertine-  
re vult ad ignorantiam, quæ etiam baptizatos à pec-  
cato non excuset, quòd pœna peccati sit. Nam illud  
solidè falsum est. Quis enim dicat in baptizatis igno-  
rantiam esse reatum originis? cùm S. Augustinus de  
baptizato sic loquatur l. 6. contra Iulianum cap. 16.  
*Omni peccato caret, non omni malo: quod plenius ita dici-  
tur: omni-reatu omnium malorum caret, non omnibus ma-  
lis. Nunquid cares ignorantie malo? &c.* Et verò de ipso  
originali peccato, quod illos inexcusabiles reddat,  
sermonem esse, conuincunt proximè antecedentia  
verba, quæ Aduersarius supprimit. Neque enim dam-  
nantur qui non peccauerunt, quandoquidem illud ex vno in  
omnes pertransiit, in quo ante propria in singulis quibusque



*peccata omnes communiter peccauerunt. Cum quibus illud contextitur: Ac per hoc inexcusabilis est omnis peccator, vel reatu originis, &c. Ergo reatus ille originis, quo peccatorum partem inexcusabilem esse ait, est ipsum originale peccatum. Quo semel admissio, huius loci difficultas omnis euanesceat.*

Atque ut intelligas S. Augustinum non hinc agere de aliquo ignorantie inuincibilis peccato, quod eos etiam, qui *intelligere non posuerunt*, suppliciis addicat æternis: lege quæ paulò post addit, ut probet solius Christi gratiam nos ab iis peccatis purgare de quibus iam disputabat. *Sed neque, inquit, ab illo quod originaliter contrahitur, neque ab his quæ unusquisque in vita propria, vel intelligendo, vel nolendo intelligere, mala congregat, vel etiam instructus ex lege, additamento prauaricationis exaggerat, quisquam liberatur & iustificatur, nisi gratiâ Dei per Iesum Christum Dominum nostrum.* Nulla hinc peccatorum mentio, quæ per ignorantiam inuincibilem committantur. Imò cum tam disertè asserat peccata omnia, *quæ unusquisque in vita propria congregat, committi, vel intelligendo, vel nolendo intelligere, satis indicat, nullum ex ignorantia inuincibili peccatum fieri.*

## PARAGRAPHVS VI.

*SS. Augustini & Hieronymi, atque adeo ipsius Palæstinae Synodi de ignorantia peccatis opinio explicatur.*

EN quæ sit adhibenda nouo Doctore fides: En aliquot indicia candoris illius, quo se Patrum omnium doctissimi sententiam, & sine ullo præiudicio scrutari, & inuentam sine fraude exponere proficetur: Quamuis autem ex iis corruptelis nulla sit, quæ ad eius in-

fringenda tela, ipsūque adeo exarmandum magnopere non conferat: duæ tamen sunt, quæ & istud efficiunt præ cæteris, atque illud insuper habent eximij, ut eius opinionis fundamenta conuellant, & claram nobis ad SS. Augustini & Hieronymi sensum indagandum, enucleandūque faciem præferant. Primum est, eos eum Pelagianis etiam de ignorantia facti, & iuris positiui confluisse. Secundum, pugnasseeosdem, non id tantū quod ex ignorantia committitur, sed ipsam quoque ignorantiam peccato subiacerere. Nam his positis, quæ tam certa sunt, quā quod maximè, plana est & expedita S. Augustini sententia, quam breui assertione complector.

Cū S. Augustinus aliique Patres, & ignorantiam, & quod ex illa sit, peccatum esse aiunt, de ignorantia vincibili loquuntur. Probari validiūs ista conclusio non potest, quā si omnia ignorantie exempla, quæ ad debellandos Pelagianos SS. Patres urgent, expendam minutatim, atque in singulis de ignorantia vincibili sermonem esse demonstrem.

Occurrit primò exemplum regis Abimelech, quem S. Augustinus libro 3. contra Iulianum cap. 19. peccasse contendit, cū ex ignorantia facti alienam uxorem sibi despondit. *Non attendisti, inquit, homo qui non vis Diuino iudicio quemquam non suis, sed alienis plecti posse peccatis, quomodo fieri potuerit ut Abimelech peccaret, quamuis nec ipse adulterino corde peccaueris, & Deus quantumcunque peccatum eius in mulieribus ad eum pertinentibus vindicaret.* Fateri cogitur Aduersarius ignorantiam illam, ex qua Regem Abimelech verè peccasse docet S. Augustinus, fuisse vincibilem: aliàs enim, vel ex nouæ opinionis placitis, peccatum excusasset, cū facti fuerit, non iuris naturalis. Porro vnde illi ignorantie culpa accesserit, explicat ex S. Augustini mente Henricus à Gandauo quodlib. 12. quæst. 25. *Abimelech, inquit, reuera peccasset si cognouisset Saram,*  
etiam



etiam ipsa accepta in uxorem, quia non sufficienter inquisiuit, an fuisset uxor Abraha, excusatus tamen fuisset in aliquo, propter quod etiam Dominus eum custodiuisset, quia Sara requisita, quae esset, respondit se esse sororem Abraha, quod se credidisset, nequaquam eam cognoscere voluisset, in quo Augustinus commendat eius iustitiam in lege natura. Illud ipsum iisdem ferè verbis tradit Hugo Cardinalis in caput 20. Genesis, aliique vulgò interpretes.

Occurrit secundò illud Apostoli: *Misericordiam consecutus sum*, quia ignorans feci. quo S. Augustinus utitur, libro 3. de libero arbitrio cap. 18. & libro 1. retract. cap. 9. ut quædam esse ignorantiae peccata confirmet. Eodem Apostoli loco nescio quem Pelagianizantem acriter refellit S. Bernardus Epistola 77. ad Magistrum Hugonem de S. Victore. *Si peccatum*, inquit, *ignorantia nullum est*, non ergo peccauit Saulus quòd persecutus est Ecclesiam Dei, quoniam quidem ignorans hoc fecit manens in incredulitate? Bene itaque faciebat quòd erat blasphemus, & persecutor, & contumeliosus, quòd erat spirans minarum & cadis in discipulos Domini, in hoc ipso quippe abundanter amulator existens paternarum suarum traditionum. Non ergo debuit dicere: *Misericordiam consecutus sum*, sed: *Mercedem recepi*. quippe quem ignorantia à peccato reddebat immunem, insuper & amulatio remunerabilem indicabat. Et hîc quoque nobiscum sentire coguntur Aduersarij. Nam cum S. Pauli ignorantia non iuris naturalis, sed facti tantum, aut iuris positiui extiterit, vel in ipsius noui Doctoris opinione vincibilis esse debuit, ut à peccato non redderet immunem. Et verò eiusmodi fuit. quia ille & prædicantes Apostolos, & morientem pro Christo Stephanum audiuerat. vnde S. Thomas 1. 2. quæst. 76. artic. 4. ignorantiam quæ indirectè voluntaria est, atque adeo vincibilis, peccatum extenuare inde conficit, quòd Apostolus dicat: *Misericordiam consecutus sum quia ignorans feci*. Quem S. Doctoris locum ita Conradus illustrat: *Patet quòd verbum Apostoli*

*intelligitur de ignorantia, quæ fuit causa peccati, non tamen fuit inuincibilis, sed vincibilis.*

Eandem fuisse sancti Bernardi mentem planè conuincunt, quæ in eadem Epistola scribit: *Multa, inquit, scienda nesciuntur, aut sciendi incuriâ, aut discendi desidiâ, aut verecundiâ inquirendi: Et quidem eiusmodi ignorantia non habet excusationem. Tum asserit aliam esse ignorantia inuincibilis rationem, probatque ex his Christi verbis: Si non venissem, & locutus eis non fuisset, peccatum non haberent. quæ sic enarrat: Non dicis simpliciter, & locutus non fuisset, sed interserens, eis, & locutus eis, inquit, non fuisset, ostendens sine dubio non anè censeri inexcusabiles de contemptu, quàm ad ipsorum usque notitiam insio perueniret. Nam si locutus quidem fuisset, sed non eus inobedientie culpam ignorantia nihilominus excusaret.*

Occurrit 3. quod libro de Gestis Pelagij cap. 18. scribitur ad Celestium refellendum asserentem: *Oblivionem & ignorantiam non subiacere peccato. Illud est: Cùm in lege sacrificia pro ignorantia sicut pro peccato offerantur. Quod S. Hieronymus libro 1. aduersus Pelagianos fuissus disputat. Nam singula ferè ignorantia peccata, pro quibus sacrificium imperabatur in lege, recenset. Cuiusmodi est illud, de quo Leuitici cap. 5. Si tetigerit aliquid immundum, quod non liceat tangere, & feceris per ignorantiam, &c. Item & istud cap. 22. Si comederis homo de sanctificatis per ignorantiam, imputatur ei iniquitas atque delictum, &c. Velit nolit Aduersarius rursus hac in parte nobis assentiatur oportet. Nam cùm illa ignorantia, quæ in lege sacrificiis purgabatur, facti esset ut plurimum, aut iuris positivi, vincibilis esse debuit, ut peccato subiaceret. Quam in rem clara est S. Augustini sententia libro de natura & gratia cap. 17. Aliud est, inquit, non curasse scire, quæ negligentia peccata etiam per sacrificia quædam legis videbantur expiari, &c.*

Occurrit quartò illorum exemplum qui, ut ait Hieronymus libro 1. aduersus Pelagianos: *Non sponte, sed*



*per ignorantiam, vel tactu lapidis, vel impulsione manus, vel ioco, vel lasciuia, infelicitate magis, quam voluntate peccauerunt, aliquem interficiendo. At ne ipse quidem Aduersarius affirmat eiusmodi homines verè peccare, nisi hæc illorum ignorantia, propter inquirendi negligentiam, indirectè saltem voluntaria extiterit. Quæ de re ex communi Theologorum sententia ita decernit Henricus à Gandauo quodlibeto 12. quæst. 25. Ignorantia facti duplex est: quedam cum exhibitione debita diligentie ad sciendum illa: quedam verò sine illa diligentia. Prima excusat à peccato omnino, &c. Secunda autem non excusat pro quantum quis non adhibet diligentiam, quam debet, ad sciendum ea quæ consistunt in facto: ita quod si nullam diligentiam adhibeat, in nullo excusatur, sicut forse non est excusatus Lamech occidendo Caim, putando ipsum esse feram. Si autem aliquam diligentiam adhibeat, pro tanto excusatur, & pro residuo inculpatur.*

Occurrit 5. illud Davidis: *Delicta iuuentutis mea, & ignorantia ne memineris Domine.* Quod S. Augustinus semper vsuspat, cum de ignorantie peccatis disputationem instituit. Hic à nobis Aduersarius aperte dissidet, qui hætenus, licet repugnans, nostræ coactus est assentiri sententia. Ait S. Augustinum ea mente hæc Davidis verba adhibere, ut quæ ex ignorantia inuincibili iuris naturalis committuntur, peccata propriè dicta esse conuincat. Sed istud refellere promptum est, ex iis ipsis S. Augustini locis, in quibus illo Davidis testimonio utitur. Præcipui sunt libro 3. de libero arbitrio cap. 18. & libro 1. retractationum cap. 9. in utroque sic habet: *Et tamen etiam per ignorantiam facta quedam improbantur, & corrigenda iudicantur, sicut in Diuinis auctoritatibus legimus. Ait enim Apostolus: Misericordiam consecutus sum, quia ignorans feci. Ait & Prophetæ: Delicta iuuentutis mea, & ignorantia mea ne memineris.* Vnde sic disputo: S. Augustinus de eadem ignorantia Prophetam interpretatur, de qua Apostolum:

At fateri coguntur Aduersarij S. Augustinum interpretari Apostolum de sola vincibili ignorantia; Ergo & Prophetam interpretatur de ignorantia vincibili. Eundem Davidis locum S. Augustinus producit libro de Gestis Pelagij cap. 18. Nam cum hanc Celestij propositionem recitasset: *Obluionem & ignorantiam, non subiacere peccato, quoniam non secundum voluntatem eueniunt, sed secundum necessitatem.* ad eam confutandam siue ex sua, siue ex Palestinorum Episcoporum sententia, hæc subdit: *Cum David dicat: Delicta iuuentutis mea ne memineris, & ignorantias; Et cum in lege sacrificia pro ignorantia, sicut pro peccato, offerantur.* Vnde rursus ita argumentor: Eodem sensu ignorantiam sumit in illo Davidis loco, quo in posteriori, cum ait in lege sacrificia offerri pro ignorantia: At in illo posteriori ignorantiam vincibilem intelligit, ut iam extorsi; Ergo & in priori. Et sanè vix probare Aduersarij possent, Davidem virili in ætate ex ignorantia inuincibili iuris naturalis peccauisse, cum eiusmodi ignorantiam ne in barbaros quidem & infideles cadere doctissimi Theologi defendant, atque in primis Alexander, Gratianus, Durandus, Almainus, Alphonsus à Castro, aliique complures.

Pertinax sit oportet, cui ista non persuadeant, SS. Patres de vincibilis ignorantie peccatis cum Pelagio, eiusque fautoribus pugnasse. Si quis tamen tam aperte veritati obluetur, hac frangi ratione poterit. S. Augustinus, S. Hieronymus, & Palestini Episcopi de illius ignorantie peccatis cum Pelagio agebant, quæ & ipsa peccatum est: Atqui ex ipsius Aduersarij consensu sola ignorantia vincibilis peccatum est: ergo de solius vincibilis ignorantie peccatis agebant. Maiorem, quæ negari sola potest, probaui superius ex Palestina synodo, quæ non tam de peccatis ex ignorantia commissis, quàm de ipsa ignorantia agit. Nam huic Celestij sententia: *Obluionem & ignorantiam non sub-*



*iacere peccato. Istud opponit: cum in lege sacrificia pro ignorantia, sicut pro peccato, offerantur. Vnde & S. Hieronymus libro 1. contra Pelagianos ait, sibi aduersus illos esse demonstrandum, Errorem & ignorantiam esse peccatum. Et paulò pòst: volunt etiam eloquia scripturarum ignorantiam habere peccatum.*

Possunt & ista plurimùm confirmari ex obliuionis natura, cuius eandem cum ignorantia rationem esse • Palestina synodus testatur. vnde & illud S. Hieronymi libro 2. aduersus Pelagianos: *Pro obliuione, errore & ignorantia, quasi pro peccato, offeruntur sacrificia. Quo posito liceat mihi ab Aduersariis percontari: quam tandem obliuionem peccato subiiciant. Fatentur certè nobiscum, omnem prorsus obliuionem, quæ culpâ nostrâ obrepit peccato tribui. Sed quæro an aliquam etiam inculpabilem, vt ita loquar, à peccato non excusare arbitrentur. Aiunt sic habere. Rursus interrogo, quæ sit illa obliuio inculpabilis, quæ à peccato non excusat: iurisne tantùm naturalis, an facti etiam & iuris positiui? Si constare sibi volunt, & suis de ignorantia inuincibili principiis hætere, solius iuris naturalis obliuionem inculpabilem à peccato excusare contendunt. Sed istud perspicuè falsum est. Primò, quia fieri non potest, vt qui præcepta iuris naturalis semel nouit, ea inculpabiliter obliuiscatur, cum ipsa quoque obliuio præcepti positiui, quod tamen multo faciliùs excidere animo potest, vix ac ne vix quidem sine culpa contingere possit: vt S. Augustinus his verbis innuit libro 11. de Genesi ad litteram cap. 29. *Neque villo modo dici posset, id quod preceperat Deus oblitam fuisse mulierem: quanquam & obliuio præcepti, maxime vnus, & tam necessarij ad maximam culpam damnabilis negligentia pertineret.* Secundò, quia de illa obliuione Palestinum Concilium & S. Augustinus loquuntur, pro qua in lege sacrificia offerebantur: At illa non erat obliuio iuris naturalis, vt constat ex Leuitici cap.*

3. quem locum S. Augustinus sic enarrat libro 3. quæst. super Leuiticum cap. 5. *Quod autem ait: Anima si latuerit cum, cum obliuio est ei, id est, si obliuione factum fuerit ut lateat eum, &c. Ibi enim intelligitur hoc esse à sanctis obliuione peccare, aliquid per obliuionem usurpare quod debetur sanctis, siue sacerdotibus, siue oblationibus vel primitiarum, vel quidquid huiusmodi.*

Duplex restat eximendus scrupulus. Primus ex hac Celestij propositione emergit: *Obliuionem, & ignorantiam non subiacere peccato, quoniam non secundum voluntatem eueniunt, sed secundum necessitatem.* Nam hæc posteriora verba ignorantiam vincibilem videntur excludere. Respondeo, excludi quidem his verbis illam ignorantiam, cuius voluntas ipsa causa est, quæque directè voluntaria appellatur; quia secundum voluntatem euenit, voluntate nimirum illam procurante, & affectante. At non eam quæ ex voluntate originem non trahit, quæque idcirco tantum indirectè volita nuncupatur, quod voluntas ad eam depellendam non adhibeat diligentiam omnem, quam potest, & debet. Quamobrem S. Augustinus & Hieronymus, qui Pelagiani illius dogmatis mysteria nouerant, ea ex sanctis scripturis ad illud opprimendum exempla congerunt, in quibus de hac tantum posteriori ignorantia indirectè volita sermo est. ut patet in Abimelech ex eiusmodi ignorantia alienam vxorem ducente: in Apostolo Paulo ex eadem Christum persequente: & in iis omnibus quibus pro ignorantia, tanquam pro peccato, sacrificia imperabantur in lege.

Scrupulus alter ex iis locis oritur, quibus testatur S. Augustinus, fateri Pelagianos etiam hanc posteriorem ignorantiam esse culpabilem, quod disertissime facit libro 6. contra Iulian. cap. 1. Et libro de natura & gratia cap. 17. quæ loca rectuli paragrapho tertio. Respondeo, inde tantum colligi Pelagianos in posteriori cum Catholicis certamine istud fuisse con-



fectos, quod in priori pertinaciter negabant. Patet enim ex superioribus SS. Augustini, & Hieronymi locis Pelagianos primùm negasse, ignorantiam S. Pauli, Regis Abimelech, & illorum quibus sacrificia pro ignorantibus imperabantur in lege, peccato subiacere: At illorum omnium ignorantia ex ipsius Aduersarij confessione vincibilis est, aliàs enim culpam omnem abstergeret, cùm non sit iuris naturalis: Ergo fieri Aduersarius cogitur Pelagianos primùm negasse, ignorantiam vincibilem peccato subiacere.

Solemne verò ac familiare Pelagianis fuit, vt Catholicorum argumentis oppressi cederent nonnihil, atque vt dogmatis sui caput tuerentur, alia quædam remitterent. Sic ab illis tandem S. Augustinus extorsit, vt faterentur fieri in baptismo remissionem peccatorum. Extorsit quoque vt concederent, ignorantiam in paruulis peccati esse supplicium. Hæc duo concedere non curabant Pelagiani, teste S. Augustino libro 1. de peccatorum meritis & remissione cap. 34. 35. 36. modò illud retinerent, peccatum eiusmodi non ab Adamo fuisse transfusum: sed propria cuiusque infantis voluntate contractum. Pariter quoque eo loco, quem Aduersarius appellat ex libro de natura & gratia cap. 17. libenter Pelagius concedit, quod tam præfractè antè negauerat: nimirum, ignorantiam illam, pro qua sacrificia offerebantur in lege, esse culpabilem. Id, inquam, Catholicis libenter indulget, dummodo retineat, quod opinionis suæ caput est, hominem ad depellendam ignorantiam diuinæ lucis radio non indigere. Quapropter cùm S. Augustinus eius verba recitasset, quibus concesserat: *Esse culpandam ignorantiam, quia id homo nescit negligentia sua, quod adhibita diligentia scire debuisset.* sic ea castigat: *Dum tamen omnia potius disputes, quàm vt ores & dicat: Da mihi intellectum vt discam mandata tua.* Quæ verba satis innuunt, id priori quidem Pelagij sententiæ aduersari, at eum libenter

408 DISPUT. DE LIBERO ARBITRIO  
& istud, & quidlibet aliud de suo circa ignorantiam  
dogmate remissurum, dummodo fateri non cogatur,  
implorandum esse Diuinum lumen ad ignorantiz te-  
nebras propulsandas.

Et verò, quoties S. Augustinus Pelagianorum verba  
recitat affirmantium, ignorantiam, atque adeo quod  
ex illa committitur, ex discendi negligentia culpam  
contrahere, toties aliud nihil ab iis postulat, quàm vt  
fateantur, ignorantiam in peccati pœnam vel ipsis  
paruulis infligi, & diuina luce purgari. Quod argumen-  
to est, nihil S. Augustino cum Pelagianis de ignorantia  
fore controuersiz, si quemadmodum ab illis expressit,  
ignorantiam ratione negligentiz crimini dari, ac pro-  
inde S. Paulum, Abimelech, & alios omnes quibus in  
lege pro ignorantia, sic tanquam pro peccato, sacri-  
ficia imperabantur, verè peccasse: ita quoque ab illis  
extorqueret, ignorantiam in qua nascimur, peccati ori-  
ginalis pœnam esse Diuinæ lucis radio purgandam. Sed  
illud fusiùs disputauimus huius sectionis paragrapho 3.

Licebit opinor ex superioribus concludere, nihil à  
S. Augustini, S. Hieronymi, & Palestinæ Synodi men-  
te discrepare communem Theologorum sententiam,  
quâ asserunt, quidquid ex ignorantia perperam com-  
mittitur, tunc tantùm culpæ tribui, cùm ipsa ignorantia  
peccatum est: ignorantiam verò tunc esse peccatum,  
cùm præcessit negligentia, aut aliquid aliud commis-  
sum à nobis, à quo vt voluntarij, ita & culpæ ratio-  
nem trahat. Sic prorsus vt formalis voluntarij, & pec-  
cati ratio primariò & per se negligentiz competat,  
tum ex ea refluat in ignorantiam, ac postremò in illud  
quod ex ignorantia fit deriuetur.



## PARAGRAPHVS VII.

*Quo sensu S. Augustinus affirmet, ignorantia peccata non esse peccata tantummodò, sed peccata simul & pœna peccati.*

SVPER EST VT ostendam nihil à S. Augustino de ignorantia peccatis traditum fuisse, quod, vel ex ipsius Aduersarij confessione, in ea bellè non conueniat, quæ ex ignorantia vincibili committuntur. Ac primò disquirendum quo sensu non sint peccata tantummodo, sed peccata simul & pœnæ peccati. Cui dissoluendæ quæstioni copiosam nobis lucem suppeditabunt, quæ hic paucis obseruanda perstringo.

Obseruandum primò, peccatum illud quod peccatum tantummodo dicitur, non ex aliquo alio peccato, sed ex se ipso voluntarij rationem habere, ita vt illi præcisè secundùm se spectato, hæc definitio conueniat: *Peccatum est id vnde liberum est abstinere.* Hæc mihi Aduersarius concedit. At negat esse vllum eiusmodi in statu naturæ vitiatæ peccatum: contrà quàm S. Augustinus disertè affirmat libro I. Operis imperfecti pag. 40. & 41. *MVLTA SVNT QUÆ AGVNT HOMINES MALA, A QVIBVS EIS LIBERV M EST ABSTINERE.* Et pag. 157. *FATEMVR IN HOMINIBVS ESSE PECCATA, QUÆ COMMITTVNTVR NON NECESSITATE, SED VOLVNTATE; QUÆ TANTVM MODO PECCATA SVNT, VNDE AB EIS LIBERV M EST ABSTINERE.*

Obseruandum 2. S. Augustinum nomine peccati, quod peccatum simul est & pœna peccati, ea completi omnia, quæ voluntarij rationem se ipsis non habent, sed ab alio quodam peccato mutuantur. Sic originalis macula peccatum est simul & pœna peccati;

FFF

Libro 4. de  
statu nat.  
lapsæ cap.  
21. Et libro  
2. capite 4.

quia, vt S. Augustinus docet libro 1. Retractationum cap. 13. ex Adami peccato voluntarij rationem ducit. Homicidium quoque ab ebrio commissum, peccatum est & pœna peccati; quia non est in se voluntarium, sed in causa tantum, nempe in ebrietate libera. Docet enim S. Thomas quæst. 3. de malo art. 10. *Homicidium per ebrietatem commissum imputari homini ad culpam; quia principium ebrietatis fuit voluntarium.*

Observandum 3. S. Augustinum etiam ad hoc peccati genus nonnulla reuocare, quæ non sunt propriè peccata. Sic libro 1. Operis imperfecti pag. 41. concupiscentiam eiusque motus indeliberatos eò reducit. *Tertium genus, inquit, ubi peccatum ipsum est, & pœna peccati, potest intelligi in eo qui dicit: Quod nolo malum hoc ago.* Quibus verbis inuoluntarij tantum concupiscentiæ motus designantur, vt vox illa, *nolo*, & plurima S. Augustini testimonia conuincunt: ac præcipuè insignis ille ex libro 1. Retract. cap. 15. *Hoc peccatum, inquit, vsque adeo non est in voluntate, vt dicat: Quod nolo, hoc facio. Quomodo ergo nusquam est nisi in voluntate peccatum? Sed hoc peccatum, de quo sic locutus est Apostolus, ideo peccatum vocatur, quia peccato factum est: quandoquidem hoc de concupiscentia carnis dicitur.* Duo porro requirit, vt quod improprie tantum peccatum est, ad hoc genus reuocetur. Primò vt materialiter peccatum sit. Secundò vt in peccati pœnam inferatur. Ita loquitur de concupiscentia libro 5. contra Iulianum cap. 3. *Concupiscentia carnis, aduersus quam bonus concupiscit spiritus, & peccatum est, quia inest illi inobedientia contra dominatum mentis: & pœna peccati est, quia reddita est meritis inobedientis.*

Hinc statuere facillimum est quo sensu ignorantie vincibilis peccata non sint peccata tantummodo, sed peccata simul & pœnæ peccatorum. Indidem quoque plurimæ quæstiones enodari possunt, quæ ex variis S. Augustini locis enascuntur. Quas vt ordine expediam,



placet ex his ignorantiz peccatis, quæ SS. Augustinus & Hieronymus commemorant, vnum seligere, putà Apostoli ignorantiam, & quid in singulis eius gradibus peccati hæreat adnotare.

Dico igitur primò, peccasse Apostolum cùm neglexit quærere quod ignorabat. Nam vt ait S. Augustinus libro 3. de Libero arbitrio cap. 19. *Non tibi deputatur ad culpam quòd inuitus ignoras; SED QVÒD NEGLIGIS QVÆRERE QVOD IGNORAS.* Atque illud Apostoli peccatum, fuit peccatum tantummodo, quia non aliunde, sed à se ipso libertatis rationem habuit. Negari istud ab eo non potest, qui concesserit quod conceptis verbis S. Augustinus toties affirmat, ac præcipuè libro 1. Operis imperfecti pag. 157. *In hominibus esse peccata, qua committuntur non necessitate sed voluntate: qua tantummodo peccata sunt, unde ab eis liberum est abstinere.*

Dico secundò, Apostoli quoque ignorantiam culpabilem fuisse: non tamen peccatum tantummodo, sed peccatum simul & pœnam peccati. Culpæ rationem traxit ex negligentia, cùm in se pœnalis tantum esset. Nam vt ex S. Augustino pluribus efficit Henricus à Gandauo quodlibet. 1. quæst. 17. *Pœnalis in nobis est illa ignorantia, quam habemus inflictam à primo peccato. Sed fit culpabilis discendi negligentia.* Eadem Apostoli ignorantia non erat peccatum tantummodo, quia in se non fuit voluntaria, sed tantum ratione negligentia: siquidem vt ex S. Augustino S. Thomas docet quæst. 3. de malo art. 7. ad 7. *Ignorantia habet quòd sit peccatum ex negligentia precedente.* Et paulò pòst ad 11. *Dicendum, quod peccatum ignorantie non consistit in sola priuatione scientie, sed in ea simul cum causa precedente, quæ est negligentia addiscendi.* Fuit tamen eadem Apostoli cæcitas peccatum simul & pœna peccati; quia vt ait S. Augustinus libro 1. Operis imperfecti pag. 41. *Cæcitas cordis si peccatum non esset, iniuste argueretur: arguitur autem iuste*

*ubi dicitur: Pharisee cæce, & aliis diuinorum eloquiorum locis. Eademque cecitas si peccati pœna non esset, non diceretur: Excæcauit enim illos malitia illorum.*

Dico tertio, quidquid ex illa ignorantia Apostolus perpetravit mali, peccatum fuisse. Siquidem, ut ait S. Bernardus Epistola 77. *Peccauit Saulus quod persecutus est Ecclesiam Dei, &c. quod erat blasphemus, & persecutor, & contumeliosus.* Hæc, inquam, omnia verè peccata fuerunt, non tamen peccata tantummodo; quia in se libera non erant: sed ab ignorantia libertatem, seu ut loquitur Aegidius Cardinalis in 2. dist. 22. q. 2. artic. 2. *culpa complementum acceperunt.* Quod pertinet illud S. Thomæ quæstione 3. de malo art. 8. *Actus sequens ex hoc ipso quod procedit ex ignorantia, quæ est voluntaria, est quodammodo voluntarius.* Eadem Apostoli ignorantis crimina idcirco peccata erant & pœnæ peccati; quia ipsa Apostoli ignorantia peccatum erat & pœna peccati. Hæc ratio quæ nouæ de ignorantia opinionis caput petit, sumpta est ex S. Augustino, qui libro 1. Operis imperfecti pag. 41. cum dixisset: *Tertium verò genus ubi peccatum ipsum est & pœna peccati, potest intelligi in eo qui dicit: Quod nolo malum hoc ago. Ad hoc etiam pertinent omnia quæ per ignorantiam cum aguntur mala, non putantur mala, vel etiam putantur bona.* hanc secundam partem ut confirmet, aliud nihil probat, quàm ipsam ignorantiam esse peccatum simul & pœnam peccati. CÆCITAS ENIM CORDIS, SI PECCATUM NON ESSET, intus argueretur: arguitur autem intus ubi dicitur: *Pharisee, cæce & aliis Diuinorum eloquiorum locis.* EADEMQUE VERSUS CÆCITAS SI PECCATI PœNA NON ESSET, non diceretur: *Excæcauit enim illos malitia illorum.* unde colligo ex S. Augustini mente quidquid per ignorantiam mali perpetratur, idcirco peccatum esse & pœnam peccati; quia ipsa ignorantia peccatum est & pœna peccati. adeoque hallucinari Aduersarium, cum asserit conuenire peccatis,



ex ignorantia inuincibili commissis, vt sint verè peccata & pœnz peccati, licèt ipsa ignorantia inuincibilis non sit verè peccatum, sed tantùm pœna peccati.

Quæres 1. an inuincibilis ignorantia sit peccatum simul & pœna peccati. Respondeo, eodem planè modo de ignorantia, quo de concupiscentia, altero peccati vulnere, statuendum esse. Nam primò, quemadmodum concupiscentia ante baptismum est verè peccatum, & pœna peccati: ita & ignorantia. Nam vtraque est materiale peccati originalis, vt S. Thomas docet quæst. 3. de malo art. 7. *Ignorantia, & fomes sunt materialia in peccato originali, sicut & conuersio ad bonum commutabile in peccato actuali.* Secundò, concupiscentia in baptizatis non est verè peccatum, dicitur tamen alio sensu peccatum simul & pœna peccati. quòd materialiter peccatum sit, & in peccati pœnam inflicta. Pariter quoque ignorantia inuincibilis in baptizato non est verè peccatum, appellatur tamen hoc sensu peccatum simul & pœna peccati, quòd materialiter mala sit, & in peccati pœnam irrogata. Nihil mihi hac in parte cum Aduersariis controuersix: nisi quatenus affirmant, solam ignorantiam inuincibilem iuris naturalis esse peccati pœnam, quod pluribus à me paragrapho primo confutatum est.

Quæres 2. an quidquid ex ignorantia inuincibili perperam sit, sit peccatum simul & pœna peccati. Respondeo, esse tantùm improprie peccatum, proprie autem pœnam peccati. Probat: Ex S. Augustino libro 1. Operis imperfecti pag. 41. quod ex ignorantia perperam committitur, idcirco peccatum est & pœna peccati, quia ipsa ignorantia peccatum est & pœna peccati. Ergo si ignorantia improprie tantùm peccatum est, & proprie pœna peccati (cuiusmodi esse ignorantiam inuincibilem Aduersarius fatetur) quod ex illa sit, erit tantùm improprie peccatum, & proprie pœna peccati. Confirmatur 1. Ex Palestina sy-

*ubi dicitur: Pharisee cace, & aliis diuinorum eloquiorum locis. Eademque cecitas si peccati poena non esset, non diceretur: Exccecauit enim illos malitia illorum.*

Dico tertio, quidquid ex illa ignorantia Apostolus perpetravit mali, peccatum fuisse. Siquidem, ut ait S. Bernardus Epistola 77. *Peccauit Saulus quod persecutus est Ecclesiam Dei, &c. quod erat blasphemus, & persecutor, & contumeliosus.* Hæc, inquam, omnia verè peccata fuerunt, non tamen peccata tantummodo; quia in se libera non erant: sed ab ignorantia libertatem, seu ut loquitur Ægidius Cardinalis in 2. dist. 22. q. 2. artic. 2. *culpa complementum acceperunt.* Quò pertinet illud S. Thomæ quæstione 3. de malo art. 8. *Actus sequens ex hoc ipso quod procedit ex ignorantia, quæ est voluntaria, est quodammodo voluntarius.* Eadem Apostoli ignorantis crimina idcirco peccata erant & pœnæ peccati; quia ipsa Apostoli ignorantia peccatum erat & pœna peccati. Hæc ratio quæ nouæ de ignorantia opinionis caput petit, sumpta est ex S. Augustino, qui libro 1. Operis imperfecti pag. 41. cum dixisset: *Tertium verò genus ubi peccatum ipsum est & pœna peccati, potest intelligi in eo qui dicit: Quod nolo malum hoc ago. Ad hoc etiam pertinent omnia quæ per ignorantiam cum aguntur mala, non putantur mala, vel etiam putantur bona.* hanc secundam partem ut confirmet, aliud nihil probat, quàm ipsam ignorantiam esse peccatum simul & pœnam peccati. CÆCITAS ENIM CORDIS, SI PECCATVM NON ESSET, intus argueretur: arguitur autem intus ubi dicitur: *Pharisee, cace & aliis diuinorum eloquiorum locis.* EADEMQUE A VERSVS CÆCITAS SI PECCATI POENA NON ESSET, non diceretur: *Exccecauit enim illos malitia illorum.* vnde colligo ex S. Augustini mente quidquid per ignorantiam mali perpetratur, idcirco peccatum esse & pœnam peccati; quia ipsa ignorantia peccatum est & pœna peccati. adeoque hallucinari Aduersarium, cum asserit conuenire peccatis,



ex ignorantia inuincibili commissis, vt sint verè peccata & pœnæ peccati, licet ipsa ignorantia inuincibilis non sit verè peccatum, sed tantum pœna peccati.

Quæres 1. an inuincibilis ignorantia sit peccatum simul & pœna peccati. Respondeo, eodem planè modo de ignorantia, quo de concupiscentia, altero peccati vulnere, statuendum esse. Nam primò, quemadmodum concupiscentia ante baptismum est verè peccatum, & pœna peccati: ita & ignorantia. Nam vtraque est materiale peccati originalis, vt S. Thomas docet quæst. 3. de malo art. 7. *Ignorantia, & fomes sunt materialia in peccato originali, sicut & conuersio ad bonum commutabile in peccato actuali.* Secundò, concupiscentia in baptizatis non est verè peccatum, dicitur tamen alio sensu peccatum simul & pœna peccati. quòd materialiter peccatum sit, & in peccati pœnam inflictæ. Pariter quoque ignorantia inuincibilis in baptizato non est verè peccatum, appellatur tamen hoc sensu peccatum simul & pœna peccati, quòd materialiter mala sit, & in peccati pœnam irrogata. Nihil mihi hac in parte cum Aduersariis controuersia: nisi quatenus affirmant, solam ignorantiam inuincibilem iuris naturalis esse peccati pœnam, quod pluribus à me paragrapho primo confutatum est.

Quæres 2. an quidquid ex ignorantia inuincibili perperam sit, sit peccatum simul & pœna peccati. Respondeo, esse tantum improprie peccatum, proprie autem pœnam peccati. Probat: Ex S. Augustino libro 1. Operis imperfecti pag. 41. quod ex ignorantia perperam committitur, idcirco peccatum est & pœna peccati, quia ipsa ignorantia peccatum est & pœna peccati. Ergo si ignorantia improprie tantum peccatum est, & proprie pœna peccati (cuiusmodi esse ignorantiam inuincibilem Aduersarius fatetur) quod ex illa fit, erit tantum improprie peccatum, & proprie pœna peccati. Confirmatur 1. Ex Palestina sy-

414 DISPUT. DE LIBERO ARBITRIO  
nodo & SS. Augustino ac Hieronymo idem est prorsus ignorantiam esse peccatum, & quod sit ex ignorantia esse peccatum; At fatetur Aduersarius ignorantiam inuincibilem non esse propriè peccatum; Ergo fateari debet, quod ex illa sit non esse propriè peccatum. Confirmatur 2. Quæ ex ignorantia inuincibili iuris positiui perperam fiunt, non sunt verè peccata, vt nouus Theologus contendit; Ergo neque illa, quæ ex ignorantia inuincibili iuris naturalis committuntur. Nam vt suprà demonstraui, nec ratione vlla, nec vllò S. Augustini, aut S. Hieronymi testimonio probari potest, aliter de ignorantia iuris naturalis esse statuendum.

Illud ipsum validè confirmat nobilis ille locus ex libro 3. de Libero arbitrio c. 19. vbi cùm S. Augustinus dixisset: *Non tibi deputatur ad culpam quòd inuitus ignoras, sed quòd negligis querere quòd ignoras, &c.* Ista tua propria peccata sunt, subdit: NAM ILLVD QVOD IGNORANS QVISQVE NON RECTE FACIT, ET QVOD RECTE VOLENS FACERE NON PÒTEST, IDEO DICVNTVR PECCATA, QVIA DE PECCATO ILLO LIBERÆ VOLVNTATIS ORIGINEM DVCVNT. *Illud enim precedens meruit ista sequentia. Nam SICVT LINGVAM DICIMVS NON SOLVM MEMBRVM, QVOD MOVEMVS IN ORE DVVM LOQVIMVR, SED ETIAM ILLVD QVOD HVIVS MEMBRI MOTVM CONSEQVITVR, id est formam tenorèque verborum, secundùm quem modum alia dicitur lingua Græca, lingua Latina: Sic non solum peccatum illud dicimus, quod propriè vocatur peccatum, liberæ enim voluntate, & ab sciente committitur: sed etiam illud quod iam de huius supplicio consequatur necesse est.* Rem planè conficit illa linguæ comparatio, quâ S. Augustinus vtitur; nam omnino persuadet de peccato tantùm impropriè dicto sermonem esse. Vnde libro 1. de Nuptiis & concupiscentia cap. 23. eodem exemplo ostendit concupiscentiam in renatis non esse propriè peccatum.



VOCATVR PECCATVM, QVIA PECCATO FACTA EST, CVM IAM IN REGENERATIS NON SIT IPSA PECCATVM: SICVT VOCATVR LINGVALOCVTIO, QVAM FECIT LINGVA. Quamobrem vt ex hoc posteriori loco manifestè reuincitur quod Calvinus docet, concupiscentiam in renatis, esse verè peccatum, licèt minùs propriè quàm primum Adami peccatum: ita ex superiori apertè confutatur quod ait Aduersarius, quidquid ex ignorantia inuincibili iuris naturalis perperam committitur, esse verè peccatum, quamuis minùs propriè, quàm primum Adami peccatum: neque se Aduersarius hinc extricare potest, quin Calvinum quoque expediat.

## PARAGRAPHVS VIII.

*Quid sit ignorantie peccata non voluntate, sed necessitate committi.*

PARVM abest à superiori hæc quæstio, placuit nihilominus eam tractare separatim, nequid ex vtriusque coniunctione obscuritatis nasceretur.

Notandum primò, apud S. Augustinum peccare voluntate, idem esse, atque ita peccare, vt possis non peccare. Habemus hac in parte consentientem Aduersarium, qui propterea pugnat, primos quidem parentes voluntate peccasse: reliquos verò homines necessitate. Quod à S. Augustini mente mirum quantum abhorret; nam & vniuersim asserit libro 1. Operis imperfecti pag. 157. *In hominibus esse peccata, que committuntur non necessitate, sed voluntate: qua tantummodo peccata sunt, unde ab eis liberum est abstinere.* Et alibi sæpe ac præcipuè libro 1. Retractionum cap. 15. docet, peccatum quo consentitur peccati concupiscentiæ, non nisi voluntate committi.

Notandum 2. ignorantie peccata quæ contra præ-

cepta negatiua committuntur, semper esse voluntaria seu libera, voluntate facti. Disertè illud tradit S. Augustinus libro 1. Retractionum cap. 15. *Qui nesciens peccauit, non incongruenter nolens peccasse dici potest. Quamuis & ipse quod nesciens fecit, volens tamen fecit: ita nec ipsius esse potuit sine voluntate peccatum. &c. Quia voluit ergo fecit, etiamsi non quia voluit peccauit, nesciens peccatum esse quod fecit: ita nec tale peccatum sine voluntate esse potuit; sed voluntate facti, non voluntate peccati.* Non ita habet in his ignorantie peccatis, quibus præcepta affirmatiua violantur. Nam cum illa contrahantur omitendo, non verò agendo, secundum se neque voluntate facti, neque voluntate peccati libera sunt. Hic rursus nouum doctorem habemus non repugnantem.

Inde verò facile colligitur quid sit ignorantie peccata non voluntate, sed necessitate committi: nimirum, aliud est nihil, quàm ea secundum se non esse voluntaria saltem voluntate peccati. S. Paulus verbi gratiâ cum ex ignorantia fureret in Christum, non voluntate, sed necessitate peccabat: quia hæc eius peccata secundum se non erant voluntaria voluntate peccati. Nam tantum abest ut peccare vellet, quin potius arbitrabatur obsequium se præstare Deo. Vnde *si sciuisset quod Christus esset filius Dei, hoc non fecisset.* Verba sunt S. Thomæ lect. 3. in cap. 1. Epist. 1. ad Timoth. Fallor, aut istud Aduersarij mihi concedent, neque enim alio sensu eam necessitatem, quæ ignorantie peccatis inest, interpretantur. Illud ipsum persuadent clarissima S. Augustini verba libro 1. Operis imperfecti pag. 155. *Necesse est ut peccet, qui nesciendo quid facere debeat, quid non debeat facere, facit.* Non ait: Necesse est ut peccet qui ignorat; potest enim ille nihil committere contra legem. Sed dixit, necessariò eum peccare quando facit quæ facere non debet. Sic prorsus, ut illa ignorantie peccata necessitate non con-

tin.



tingant, nisi posita duplici hypothefi non necessaria. Prima est, vt quis nesciat quæ facere debet. Secunda, vt nesciendo quæ facere debet, quæ non debet facere, faciat.

Hæc est illa necessitas, quam ignorantix peccatis S. Augustinus attribuit: quàmque fateri coguntur Adversarij iis etiam peccatis convenire, quæ ex ignorantia vincibili committuntur. Et verò nullum S. Augustini de peccandi necessitate ex ignorantia profluente testimonium proferre possunt, quod Apostolo ex ignorantia vincibili peccanti non congruat. Cui enim potius quàm Apostolo istud competat, quod sæpe nobis ingerunt ex libro 1. Operis imperfecti pag. 159. *Necesse est vt peccet, à quo ignoratur iustitia: nunquid ideo cum iustitiam cognoueris, non sunt ei remittenda peccata, quæ ignorantia necessitate commisit?* Aliud verò quod nihilo leuius putant ex eodem libro pag. 155. quàm bellè in Apostolum cadit: *Necesse est vt peccet, qui nesciendo quid facere debeat, quid non debeat facere, facit.* De quo genere malorum Deus rogatur, ubi dicitur: *Delicta inuenturis & ignorantia mea ne memineris.* Quod genus delictorum, si non imputaret Deus iustus, non ea sibi dimitti posceret homo fidelis. Facebant ergo qui hæc ad ignorantiam inuincibilem, eamque iuris tantùm naturalis pertrahere moliantur.

Non est quòd moneam, hæc cum superioribus planè consentire, nam quilibet satis intelligit, idem esse prorsus, ignorantix peccata secundùm se non voluntate committi, &, eadem non esse peccata tantummodo, sed peccata simul & pænæ peccati alterius, à quo vt libertatem, ita & formalem peccati rationem accersant. Hinc verò nuperi Theologi arguendi ansam arripiunt. Quod enim ex S. Thoma & conspiranti Theologorum omnium opinione de peccatis ex ignorantia simplici seu neglecta commissis docuimus, ad ignorantiam quoque inuincibilem trans-

ferunt: pugnântque quidquid ex illa ignorantia perpetratur mali ex Adami peccato (cuius illa pœna est) voluntarij, atque adeo peccati rationem ducere: quemadmodum Apostoli ignorantis crimina ex antegressa eius negligentia peccati rationem traxisse dicuntur.

Effugium illud ex Caluino, Beza, Zanchio, & Petro Martyre depromptum, sectione sequenti paragra-  
pho 3. & 4. pluribus refellam: hîc in antecessum mo-  
neo longè disparem vtriusque esse rationem: quòd ho-  
mo nullum possit actuale peccatum nisi propria vo-  
luntate contrahere. Quamobrem licèt hominis vnius  
actuale peccatum, ex altero eiusdem hominis peccato  
culpæ rationem trahere possit, vt de ebrio S. Thomas  
docet quæst. 3. de malo art. 10. *Homicidium*, inquit, *per*  
*ebrietatem commissum*, *imputatur homini ad culpam: quia*  
*principium ebrietatis fuit voluntarium*. Fieri tamen non  
potest, vt actuale hominis vnius peccatum, ex alte-  
rius, etiam primi hominis peccato voluntarij rationem  
accerfat. Et sanè aliàs sequeretur ipsam quoque igno-  
rantiam inuincibilem ex Adami peccato veram culpæ  
rationem ducere: quemadmodum ignorantia simplex  
ex antecedenti negligentia veri peccati rationem tra-  
hit. Sequeretur quoque motus inuoluntarios concu-  
piscentiæ esse verè peccata, quia ex Adami peccato  
voluntarij rationem repeterent. Sequeretur rursus Ad-  
uersarij opinionem saltem in baptizatis falsam esse,  
neque enim potest Adami peccatum, quod illis pror-  
sus remissum est, vlli eorum actioni culpam allinere.  
Alia denique sequerentur absurda, quæ paulò pòst fu-  
siùs expendam.



## CAPVT TERTIVM.

*Præcipua noua opinionis placita ex S. Augustini contra Pelagianos operibus confutantur, atque illud in primis quod tuetur acrius, Deum homini lapsio impossibilia præcipere, & ad iustum bonorum premium, ac malorum supplicium satis esse, vt sponte agant.*



**H**ANC ego quæstionem illa parte aggredior, quâ superiori adhæret, atque connectitur; vt mutuam sibi opem ac subsidium præbeant.

Ostendam igitur primò ex S. Augustini contra Pelagianos operibus, Diuina præcepta, & iustum peccatorum supplicium, libertatem à necessitate in hominibus lapsis exigere.

Ostendam secundò, satis non esse libertatem à coactione, vt quis mereri, & iustè præmio donari possit.

Ostendam tertid ex S. Augustini contra Pelagianos conflictu, libertatem ad meritum, aut demeritum necessariam simplici necessitate violari.

## SECTIO PRIMA.

*Demonstratur ex S. Augustino contra Pelagianos  
scribente, Deum homini lapsso impossibilia  
non præcipere, nec iustè peccatorem puniri pos-  
se, si solam à coactione libertatem habeat.*

**Q**UÆ S. Augustinus aduersus Pelagianam hære-  
sim opera exarauit, duas in classes tribui solent.  
Primâ libros omnes complectitur, quibus cum Pela-  
gio, Celestio, Iuliano illius factionis proceribus decer-  
tauit. Secunda eos comprehendit, quibus eandem hæ-  
resim in suis ducibus tam sæpe deuictam, validiore  
rursus impetu profligauit. Quos inter ille præcipuè  
eminet, quem de gratia & libero arbitrio hac occasio-  
ne conscripsit. Increbuerat apud Monachos Adrume-  
tinos illa opinio, vinci Pelagium non posse, quin ho-  
mini lapsso liberum arbitrium eriperetur. Hanc S. Au-  
gustinus antequam serperet latiùs, maturè elidendam  
putauit. Scripsit ergo ad Valentinum aliòsque Mona-  
chos Adrumetinos eruditum illum de gratia & libero  
arbitrio librum. in quo Pelagij errorem ita debellat,  
vt retinendam hominis corrupti libertatem pluribus  
atque inuictis rationibus probet. Hoc præcipuè libro  
ad quem nouus Theologus sæpe nos reuocat, vtar hac  
seçãoe aliàque consequenti: reliquos verò, in qui-  
bus cum Pelagio, Celestio, atque Iuliano S. Augusti-  
nus conflixit, seccióne tertia percurram.



## PARAGRAPHVS I.

*Argumentum ex Diuinis praeceptis , & suppliciis peccatorum desumptum , quo S. Augustinus euincit inesse homini corrupto liberum arbitrium , nouam opinionem prorsus labefactat.*

TRIUMPHALE illud argumentum aggredior, quo fracti sunt omnes, & oppressi, qui hominem nobiliori diuinitatis imagine, hoc est natua libertate, spoliatum ad brutarum animantium ordinem atque societatem redegerunt. Clementem Romanum, Tertullianum, Irenaeum, Origenem, Eusebium, Clementem Alexandrinum, Basilium, Damascenum, Nemesium aliosque non commemoro, qui hoc telo acerrimos liberi arbitrij hostes peremerunt. Vnum ego S. Augustinum moror, vni adhaereo. Nemo eius aetate libertati humanae bellum intulit, quem hac machinâ non profligauit.

Manichaeos quidem qui primi omnium liberum hominis arbitrium demoliri conati sunt, sic premit l. de fide cap. 9. *Aduersus haec solita cecitate Manichaei latrant, & cum conuincuntur naturam non esse malam, sed in potestate esse hominis facere bene, & male, dicunt non esse animae liberam voluntatem, & non vident cecitatem suam.*

QVIS ENIM NON CLAMET STULTVM ESSE PRÆCEPTA DARE EI, CUI LIBERV M NON EST QVOD PRÆCIPITVR FACERE: ET INIQVVM ESSE EVM DAMNARE, CUI NON FVIT POTESTAS IUSTA COMPLERE? Et haec iniustitias, & iniquitates miseri non intelligunt Deo se adscribere. Sed quid verum est, nisi & Dominum dare praecepta, & animas libera esse voluntatis, & malam naturam non esse, sed esse auersionem à Dei praeceptis, & esse iustum Dei iudicium,

422 DISPUT. DE LIBERO ARBITRIO  
*quo damnet peccantes. Eadem ferè repetit eodem libro  
cap. 44. Et disputatione 2. contra Fortunatum : Li-  
berum arbitrium si non dedisset Deus , iudicium puniendi  
nullum esse posset.*

Eodem argumento Adrumetinos debellat l. de gra-  
tia & libero arbitrio c. 2. *Revelauit autem nobis per scri-  
pturas suas sanctas esse in homine liberum voluntatis arbi-  
trium. Quomodo autem reuelaucrit commemoro ( id est com-  
monefacio ) vos , non humano eloquio , sed diuino. Primum  
quia ipsa DIVINA PRÆCEPTA HOMINI NON  
PRODESSENT , NISI HABERET LIBERVM VO-  
LUNTATIS ARBITRIUM. Quod subinde repetit ,  
& quasi validissimum argumentum sæpius ingeminat.  
Sic eodem cåpite : Quid illud quod tam multis locis om-  
nia mandata sua custodiri , & fieri iubet Deus ? QVOMO-  
DO IUBET SI NON EST LIBERVM ARBITRIUM ?  
Mox : Deinde tam multa mandata qua ipsam quodammodo  
nominatim conueniunt voluntatem : sicut est , noli vinci à ma-  
lo , &c. quid ostendunt nisi liberum arbitrium voluntatis hu-  
manæ ? & cap. 18. Hac ergo præcepta charitatis inaniter da-  
rentur hominibus non habentibus liberum voluntatis arbi-  
trium. Quod & significantius ait Epistola 1. ad Valenti-  
num aliósque Monachos Adrumetinos. Nisi libero ar-  
bitrio intelligeremus , atque saperemus , non nobis præcipe-  
retur dicente scriptura : Intelligite ergo qui insipientes estis  
in populo , & stulti aliquando sapite. Eo ipso quippe , quo  
præceptum & imperatum est , ut intelligamus atque sapia-  
mus , OBEDIENTIAM NOSTRAM REQUIRIT ,  
QUÆ NULLA POTEST ESSE SINE LIBERO AR-  
BITRIO. Et Epistola 2. ad eundem. In his verbis san-  
cta scriptura considerate fratres , quia si non esset liberum ar-  
bitrium non diceretur : Rectos cursus fac pedibus tuis , &  
vias tuas dirige , &c.*

Quibus ex locis ita licet argumentum texere : Li-  
bertas quam S. Augustinus aduersus Monachos A-  
drumetinos homini lapso defendit , illa est quæ ex Di-



uinis præceptis certò colligitur: Atqui non sola libertas à coactione, sed etiam libertas à necessitate ex Diuinis præceptis certò colligitur; Ergo libertas quam S. Augustinus aduersùs Monachos Adrumetinos homini lapsò defendit, non est solùm à coactione, sed etiam à necessitate. Maiorem conficiunt superiora S. Augustini testimonia. Minor inde probatur, quòd creaturæ ea dumtaxat libertate præditæ, quæ coactionem excludit, legibus nullis ac præceptis astringi possint. Hinc est quòd pueri, furiosi, & amentes legibus non tenentur; quia etsi operentur sponte, non ita tamen suis actionibus dominantur, vt naturæ ac perturbationum impetus coërcere, & se ad obsequium flectere possint. Ac ne quis causetur desiderari in illis perfectam cognitionem, sive veritatem habere quod Astrologi fabulantur. Sux sint singulis hominibus fatales stellæ, quæ illos secretis quibusdam impressionibus, ac veluti catenis alligatos certis ac destinatis rebus addicant, eosque ad virtutem, aut ad vitia sponte quidem, sed necessariò pelliciant. Velsi placet, malum aliquod principium, aut Diuina præscientia fatalem voluntatibus nostris necessitatem imponat, non illam quidem, quam cogentem, ac prementem noua factio nuncupauit, quæque voluntarij rationem omnem obliterat: sed notiores alias, cique persimilem, quam visio beatifica ad amandum Deum Beatis imponit. Hoc posito: Peto an homines eiusmodi necessitate constricti legibus vllis possint, aut præceptis teneri? Quidquid respondebit Aduersarius, se in difficultates inenodabiles induet. Si afferat posse: Patres omnes ac Philosophos mendacij insinuat, qui id constanter docent, posita fatali necessitate nullum præceptis, ac legibus locum relinqui. Ita Clemens Romanus l. 3. recognitionum. Tertullianus l. 2. contra Marcionem. Irenæus l. 4. c. 72. Clemens Alexandrinus l. 1. 5. & 7. Stromat. Iustinus

424<sup>o</sup> DISPUT. DE LIBERO ARBITRIO  
orat. 2. ad senat. Augustinus l. de fide c. 9. & alibi per-  
Iaxe. Iam verò si affirmer, homines inexorabili fato-  
rum necessitati subiectos legibus obstringi non posse:  
concludam illico, ad præcepta non sufficere, liber-  
tatem à coactione; siquidem homines fatalibus stellis  
alligati, etsi physicæ coactionis expertes sint, legibus  
tamen teneri non possunt.

Confirmatur 1. S. Augustinus utitur argumento ex  
præceptis petito ad eam libertatem homini vindican-  
dam, quam aduersùs Manichæos defendit: Atqui ex  
ipsius Aduersarij confessione S. Augustinus non solam  
à coactione libertatem, sed eam quoque quæ necessi-  
tatem arceat, aduersùs Manichæos defendit; Ergo S.  
Augustinus utitur argumento ex præceptis petito ad  
libertatem à necessitate homini vindicandam. Ergo  
argumentum ex præceptis petitum libertatem à ne-  
cessitate probat.

Confirmatur 2. S. Thomas aliique Theologi ex præ-  
ceptis probant hominem non à coactione tantum, sed  
à simplici quoque necessitate esse liberum; Ergo ar-  
gumentum ex præceptis petitum libertatem à neces-  
sitate confirmat. Notus est celebris ille D. Thomæ  
locus q. 6. de malo art. vnico. *Dicendum*, inquit, *quod*  
*quidam posuerunt quòd voluntas hominis ex necessitate mo-*  
*uetur ad aliquid eligendum: nec tamen ponebant quod vo-*  
*luntas cogeretur, &c. Hac autem opinio est hæretica, tollit*  
*enim rationem meriti & demeriti in humanis artibus, &c. Si*  
*ex necessitate mouemur ad volendum, tollitur deliberatio, ex-*  
*hortatio, præceptum, & punisio. Eadem ratione liberta-*  
*tem à necessitate homini lapso asserunt* Guillelmus  
Estius l. 2. dist. 24. §. 1. Puteanus l. 2. q. 10. dub. 2.  
Franciscus Horantius l. 1. c. 32. & 49. Aliique lib. 1.  
cap. 3. sect. 3. magno numero citati.

Confirmatur 3. Sancti Patres, qui ex Diuinis præ-  
ceptis colligunt liberum hominis arbitrium, iis vtuntur  
verbis quæ euidentissimè libertatem à necessitate po-  
stulant.



stulant. Ita Tertullianus libro 2. contra Marcionem: *Hunc statum ( nempe liberi arbitrij ) confirmavit etiam ipsa lex tunc homini posita, non enim poneretur lex ei, qui non haberet obsequium debitum legi in sua potestate: nec rursus comminatio mortis transgressioni adscriberetur, si non & contemptus legis in arbitrij libertatem homini deputeretur. Sic in posteris legibus Creatoris inuenias proponentis ante hominem bonum, & malum: vitam, & mortem. Exigit ad præceptum, vt qui illo tenetur, habeat obsequium debitum legi in sua potestate. Ergo non tenetur præcepto non peccandi, qui ineluctabili peccandi necessitate constringitur.*

Confirmatur 4. *leges humanæ non solam exigunt necessitatem à coactione, sed etiam à necessitate; Ergo & istam quoque exigunt leges Diuinæ. Consequentia videtur clara. Antecedens inde probatur, quòd nemo sit inter humanos iudices tam seuerus, qui hominem illum supplicio afficiendum putet, quem sciat sponte quidem, sed ineluctabili necessitate, ab astris aut à Diuina præscientia profecta, in scelus ruere. Sæpe id testantur SS. Patres, cùm pugnant periisse humana iudicia, si voluntates hominum simplex aliqua necessitas afflauerit, quæ illas vna re circumscribat, alterius partis adempta facultate. Hac ratione Clemens Romanus Simonem Magum premit l. 3. recognit. *Sed dic quomodo Deus iudicat secundum veritatem unumquemque pro actibus suis, si agere aliquid in potestate non habuit? Hoc si teneatur conuersa sunt omnia, frustra erit studium scèdandi meliora. Sed & iudices sæculi frustra legibus præsumunt, & puniunt eos, qui malè agunt: non enim in sua potestate habuerunt vt non peccarent. Vana erunt & iura populorum, quæ malis actibus penas statuunt.**

## PARAGRAPHVS II.

*Præcluduntur aliquot Effugia , quibus Aduersarius  
superioris argumenti vim conatur eludere.*

QVAM grauem nouæ opinioni plagam hoc argumentum infligat, vel inde potest intelligi, quòd Aduersarius nunquam ad illud soluendum accedit, accedit autem sæpissime, quin nouam aliquam responsionem comminiscatur, quæ adeo difficultatem non expedit, vt intricet magis, & nouo vulnere priorem plagam exulceret.

Libro 3. de  
grat. Christi  
sti cap. 17.

Primo, sæpe argumentum illud ex præceptis petitorum Pelagianismi criminatur, quod Caluini exemplo facit, qui eadem arte hoc argumentum eleuat libro 2. Institutionum cap. 2. Verùm vterque insigniter calumniatur. Neque enim Pelagiani ex Diuinis præceptis colligebant inesse homini libertatem à necessitate : sed ex iis consequens esse arbitrabantur, vt voluntas natiuis viribus, sine vllò gratiæ præsidio, præceptis obsequi posset. Nam vt S. Augustinus tradit l. de prædestinatione Sanctorum cap. 19. *Ipsi putant acceptis præceptis iam per nosmetipsos fieri libera voluntatis arbitrio sanctos, & immaculatos.* Quamobrem, teste S. Prospero Epistola ad S. Augustinum, ex Diuinis præceptis consequens putant, vt quia præuicator ideo dicitur non obedisse, quia noluit: fidelis quoque ob hoc non dubitetur fidelis fuisse, quia voluit: & quantum quisque ad malum, tantum habeat facultatis ad bonum: parique momento animum se vel ad vitia, vel ad virtutes mouere. A quâ impietate plurimum absunt Catholici, qui cum S. Augustino ex præceptis inferunt libertatem ad vtrumlibet: docentque Deum, cùm aliquid imperat, si illud proprius implere viribus non possumus, gratiam largiri quâ possumus: secundum illud Concilij Tridentini decretum Sess. 6. cap.



II. ex S. Augustino expressum: DEVS IMPOSSIBILIA NON IVBET, SED IVBENDO MONET, ET FACERE QVOD POSSIS, ET PETERE QVOD NON POSSIS, ET ADIVVAT VT POSSIS.

Secundò, vniuersim de hoc argumento ita pronuntiat: *Respondetur, aduersùs Manichæos hoc argumentum frequenter Augustinus premit. Conficit enim inuictissimè esse in omnibus hominibus liberum voluntatis arbitrium, & nihil ampliùs. Quæro 1. cur hîc Manichæorum tantùm meminerit, non verò Adrumetinorum, quos hoc etiam argumento S. Augustinus premit, vt superiori paragrafo ostendimus. Nimirum fateri noluit Adrumetinos, à quibus segregare se non potest, hoc telo confici. Quæro 2. quam tandem libertatem hoc argumentum inuictissimè probet. Illâne tantùm, quæ coactionem: an etiam quæ simplicem necessitatem excludit? Si primam tantùm, nihil aduersùs Manichæos conficit. siquidem vt ex ipso Aduersario constat eodem libro cap. 22. Augustinus & Manichæi non de libertate à coactione interna, sed de illa quæ quamlibet necessitatem abigit, litigabant. Si verò asserat, hoc argumentum libertatem à necessitate inuictissimè probare, ruit noua opinio. nam S. Augustinus libertatem à necessitate homini lapso vindicabit, cùm hoc argumento liberum hominis corrupti arbitrium aduersùs Monachos Adrumetinos defendit.*

Libro 4. de  
statu nat.  
lap. x cap.  
14.

Tertiò, vt aliquam huius argumenti dissoluendi viam exploret, quærit: *quanam impossibilitas excuset peccantem, & quæ non? Qua de re sic statuit: Itaque, inquit, responderetur duplicem esse præcepti faciendi impotentiam. una est ex defectu alicuius, quod non potest quantumlibet magna voluntate suppleri. Talis est impotentia illius, qui caret breuiario ad horum, quas ignorat, recitandas, &c. De tali impotentia verum est quod Deus non iubet impossibilia. Nam hoc ipso quo talis oritur impossibilitas, vel præceptum extinguitur, vel cerre ad illud implendum, is, cui præcipitur,*

Libro 1. de  
grat. Christi  
cap. 15.

non amplius obligatus est. Alteram sic describit : *Alteram impotentia est, quæ ex defectu ipsius voluntatis seu voluntatis oritur, quæ si adisset, quanta adesse debet, præceptum facillimè impletur. Tantummodo enim fortiter volendo impletur. unde si fortiter vult, hoc ipso iam impletum est, & non impletum esse non potest. Quæ ex duplicis impotentia distinctione : Facillè apparet, inquit, quid ad obiectionem istam, quam diu volumus, respondendum sit. Nimirum, impotentiam Divina mandata faciendi, quæ in peccatoribus reperitur, ( quos ad malum summa necessitate abripi contendit ) esse talem, ut non desinant ea implere posse, si voluerint. velint enim, plenèque velint; mox ut voluerint, implebuntur. Unde concludit eos teneri Divinis præceptis, quia, ut paulo antè statuerat, hæc impotentia non faciendi nullo modo excusat eum, qui non implet, quod præcipitur: posset enim implere, si vellet.*

Quis ferat tam futili argutia sibi fucum fieri? Certum est illum non excusari à servando præcepto, qui idcirco non potest obedire, quia non vult: modò tamen id possit velle. Nam si non potest id velle, præcepto non tenetur. Quamobrem in Aduersarij sententia peccatores omnes à peccato excusantur; quia licèt verum sit eos posse servare præcepta, si id plenè, perfectèque velint; tamen id plenè perfectèque velle non possunt. Et verò, si ad hominem præcepto adstringendum sufficeret, ut posset obedire, si vellet, nec requireretur ut posset velle, sequeretur i. homines in Manichæorum opinione iustè puniri, quod Divina præcepta violassent; nam licèt ad malè agendum naturali necessitate traherentur, atque adeo Divinis obsequi præceptis non possent: verè tamen de illis diceretur quidquid de homine lapso Aduersarius asserit: nimirum, *Impotentiam Divina mandata faciendi, quæ in peccatoribus, in illa hypothefi, reperiretur, esse talem, ut non desinere ea implere posse, si vellent. Velint enim, & plenè velint, mox ut voluerint mandata implebuntur. Quam re-*



sponſionem ſi ſuperioribus S. Auguſtini argumentis Manichæi adhibuerint, frangi illa ab Aduerſario non poterit, quin ſuam quoque labefacter. Aliud enim illis non opponet, quàm ad præceptum ſatis non eſſe, vt homo poſſit obtequi, ſi velit; ſed etiam requiri, vt id poſſit velle.

Sequeretur ampliùs ruere omnia, quæ operoſè Aduerſarius diſputat toto paſſim l. 2. de ſtatu naturæ puræ, & l. 4. de ſtatu naturæ lapſæ cap. 25. vt probet hominem Diuinis præceptis teneri non poſſe, ſi inſitam habeat à natura peccandi neceſſitatem. Sequeretur etiam hallucinari SS. Patres & Chriſtianos Philoſophos, cùm aiunt hominem à peccato excuſatum iri, ſi à fatalibus ſtellis ad malè agendum ſponte quidem, ſed neceſſariò inclinetur. Duplicis huiuſce conſectarij eadem eſt ratio, quæ primi. Siquidem in vtraque hypotheſi impotentia bene agendi poſterioris tantùm generis eſſet, agerent enim bene, ſi vellent. Sequeretur denique infantes ipſos, & amentes Diuinis præceptis teneri: nam certum eſt eos poſſe mandata Dei implere, ſi id plenè perfectèque velint. Neque vnquam hoc ſe argumento extricabit noua ſecta, niſi affirmet ad præceptum ſatis non eſſe, vt qui illo obſtringitur, poſſit parere ſi velit, ſed ampliùs requiri, vt poſſit id velle. Quod vbi affirmauerit, peccatores omnes à culpa excuſabit: nam licèt fateatur poſſe illos abſtinere à peccato, ſi velint, pugnat tamen id eos velle non poſſe.

Quàm imperitè verò ad huius argumenti confirmationem, ea S. Auguſtini teſtimonia adhibeat, quibus S. Doctor abſolutè pronuntiat, eum alicuius rei faciendæ habere poteſtatem, qui poteſt, ſi velit: cognoscere poteris ex cap. 1. huius libri ſect. 4. vbi ex pluribus & euidentiffimis S. Auguſtini teſtimoniis demonſtrari, de illo tantùm dici: *Poteſt, ſi velit*, qui poteſt velle.

## PARAGRAPHVS III.

*Præcipua Adversarij responsio frangitur, simulque plurima nouæ opinionis placita, quæ illi incumbunt, euertuntur.*

NON potuit hætenus nouæ libertatis propugnator superioris argumenti vim exire: non potuit hoc telum opinionis suæ altius infixum reuellere. Quamuis noua subinde effugia capter, atque *fugâ syluas saluſque peragret*, adhuc tamen *haeret lateri lethalis arundo*. Manet enim inconcussa veritas illa, quam ex S. Augustino stabiluimus, nimirum: STULTVM ESSE PRÆCEPTA DARE EI, CUI LIBERVM NON EST QVOD PRÆCIPITVR FACERE: ET INIQVVM ESSE EVM DAMNARE, CUI NON FVIT POTESTAS IVSSA COMPLERE. Vnde liquidò constat eos omnes, qui præceptis obstringuntur, libertate ad vtrumlibet, seu agendi, & non agendi facultate præditos esse. Sed grauior est hæc plaga, & maiorem nouo dogmati perniciem importat, quàm vt ab eius auctore diutius ferri possit. Neros omnes ingenij, roburque contendit, vt extremum conatum adhibeat: ac tandem responsionem aliam superioribus nihilo commodiorem profert. Quæ cum bifida sit, & duplicem quodammodo vulum habeat, quorum alter tenebrosus est, & densa perfusus caligine: alter paulò minùs obscurus, hæc illam parte priùs aggrediar, vt nobis ad alterius mysteria peruadenda, gradum sternat.

Libro 2. de  
statu nat.  
lapſe cap.  
4. s. 6. &  
toto passim  
libro 3. & 4.

Docet duplicem fingi posse peccandi necessitatem: quarum altera ex libera, & ad vtrumlibet indifferenti voluntatis determinatione profecta sit: altera vel à natura sit indita, vel aliunde profusa. Primam negat excusare à peccato: de altera nobiscum sentit. Atque



hinc argumentum ex præceptis petittum labefactari putat. Nam homines lapsos ait teneri præcepto non peccandi, licet necessario peccent, quia impotentia huic præcepto obsequendi non est illis à natura insita, sed ex primi parentis peccato deriuata. Indidem accersit rationem arcanæ illius doctrinæ, quâ cum Luthero, & Hieronymo Zanchio statuit, peccandi necessitatem, quæ ex ignorantia inuincibili iuris naturalis oritur, non excusare à peccato: excusare verò illam, quæ ex ignorantia inuincibili facti, aut iuris positiui nascitur. quia prima ex Adami peccato manauit, secunda non item. Nititur hac responsione quidquid Aduersarius de impossibilitate mandatorum Dei, de peccandi necessitate, deque ignorantia inuincibili contra communem doctorum sententiam disputat. Quamobrem si illam euertero, reliqua eodem impulsa motu collabentur. Paucis obseruationibus rem conficiam.

Obserua 1. solertem & ingeniosam esse responsionem illam, adeoque eius auctorem laudis aliquid mereri. si quæ tamen ingeniosis erroribus laus debetur. Sed hoc in loco, vt in aliis ferè omnibus, nimis ambitiosè Aduersarius fecit, qui cum ex Caluino hanc solutionem sumpsisset, illum ne appellauit quidem; sed ex alienis laboribus laudem nomini suo querens, se ipsum eius instauratorem venditauit. Modestius sanè Theodorus Beza, Hieronymus Zanchius, Ioannes Scarpus, Dauid Pareus, Daniel Chamierus, & Petrus Martyr, qui cum eandem responsionem Catholicis opponunt, illam Caluino acceptam ferunt, fatenturque ab eo excogitatam primum, & pluribus S. Augustini testimoniis firmatam, ad Concilij Tridentini, & Catholicorum Doctorum opinionem debellandam. Quod discretissime omnium, & magis grato in Patriarcham suum animo fecerunt Beza libro de æterna Dei prædestinatione pag. 415. Chamierus tomo 3. l. 3. c. 2. Et Pareus l. 5. c. 27. Caluini locos ex quibus hæc est expressa re-

432 DISPUT. DE LIBERO ARBITRIO  
sponsio indicaui l. i. c. 1. sect. 5. §. 4.

Obserua 2. eandem responsionem erroris esse suspectam: quia cum illam eodem, quo Aduersarius, sensu Calvinus eiusque affectus usurpassent, statuissentque Deum posse impossibilia præcipere, si illa impotentia Diuinis præceptis obsequendi, ex primi parentis peccato nata sit: damnati sunt nihilominus ab Tridentinis Patribus, & Catholicis Doctoribus, qui aduersus hanc illorum opinionem vniuersim docuerunt, Deum nihil impossibile præcipere. Primò quidem Tridentini Patres sic statuunt sess. 6. cap. 11. **DEVS IMPOSSIBILIA NON IVBET, SED IVBENDO MONET, ET FACERE QVOD POSSIS; ET PETERE QVOD NON POSSIS, ET ADIVVAT VT POSSIS.** Secundò, Pontifices duo, Pius V. & Gregorius XIII. hanc Baij propositionem eodem pertinentem damnant: *Homo peccat etiam damnabiliter in eo quod necessario facit.* Cui etiam Sorbonica censura hanc notam inurit: **HÆC PROPOSITIO EST HÆRETICA.** Tertiò, Doctores Catholici Calvinum asserentem Dei præcepta, ob deriuatam ex Adami culpa peccandi necessitatem, nobis esse impossibilia, acerrimè castigant, & erroris ac blasphemix arguunt. Horantium consule vberimè de eare disputantem l. i. c. 35. 36. 37. 38. Singula eius verba in nouum Doctorem conscripta putabis. Idem tractat Lindantus lib. 3. Panopliæ Euang. cap. 19. *Cauendum, inquit, ne in illam impingamus blasphemiam, vt Deum impossibile quippiam præcepisse dicamus.* Et Iacobus Latomus art. 1. Louan. *Nemo ligatur ad impossibile, & omnis lex ligans debet esse possibilis, si saltem qui transgreditur debeat vituperari, & ipsa transgressio peccatum vocari.*

Hæc omnia Concilij Tridentini, Summorum Pontificum, Doctorumque fulmina abeunt inventos, & inania murmura miscet: si vera est illa Aduersarij responsio. nam Calvinus aliique, quos petunt hæc anathemata, non aliam Diuinis præceptis obsequendi im-

poten-



potentiam admittebant, quàm quæ ex Adami peccato orta, in omnes homines cum originali peccato propagetur.

Obserua 3. S. Augustinum toties hanc responsionem profligare, quoties de homine lapso pronuntiat: *Neminem peccare in eo, quod canere non potest.* qua de re quàm certa sit & constans S. Augustini sententia vberimè superius exposui. Quocirca placet Aduersarium imitari, qui cùm hanc responsionem suam iis tantùm S. Augustini locis suffulciat, quibus arbitrat S. Doctorem statuisse, hominem corruptum peccare necessariò, atque hanc definitionem: *Peccatum est id unde liberum est abstinere*: hominis lapsi peccatis non conuenire, hîc Lectorem ad eum locum remittit, in quo ex professio quæstionem illam agit. Quæso te pariter, candide Lector, vt ea consulas quæ superiori capite sectione 2. & 3. in eandem rem plurima scripsi: atque illud præsertim expendas, quod ibidem demonstraui, stare non posse Aduersarij opinionem, quin S. Augustini libri plus sexaginta collabantur.

Obserua 4. eandem solutionem manifestæ rationi aduersari. Sic enim omnes arbitrantur, etiam illam obsequendi impotentiam, quæ culpâ nostrâ contracta est, excusare à peccato, maximè si culpa, quâ illam incurrimus, nobis sit condonata. Patet illud exemplo serui, qui culpâ suâ manus sibi pedesque fregerit. Nam si herus hanc illi culpam ex animo remittat, imperare postea non potest, vt currat, vt deambulet; atque huic præcepto non obtemperantem senerè castigare. quia quòd fractis pedibus currendi præcepto non obediat, vel nulla culpa est, vel distincta non est ab ea, quâ sibi pedes fregit, quàmque herus illi ex animo remisit. Constat item exemplo hominis, qui acceptam à Deo volandi per aëra potestatem, suâ culpâ amisisset; nam si hanc illi culpam Deus remiserit, iubere postea non potest, vs volet per aëra, atque huic præcepto non obsequen-

434 DISPUT. DE LIBERO ARBITRIO  
tem grauitèr plectere. Ergo neque etiam potest homi-  
ni baptizato, cui peccatum originale, quo in peccandi  
necessitatem incidisse dicitur, remissit, imperare vt non  
peccet, atque huic præcepto non obedientem flammis  
æternis addicere.

Confirmatur 1. homines illos spectà, qui pedibus,  
aut oculis, aut auribus capti hanc in lucem suscepti  
sunt, quique à pueritia sacro fonte tincti, virilem iam  
ætatem attigerunt. De illis peto, an Deus, nolens mi-  
raculo eos curare, imperare possit cæcis, vt solem in-  
tueantur: surdis, vt loquentem audiant: claudis, vt  
rectà ambulent, atque his præceptis non obsequentes  
sempiternis cruciari suppliciis. Si asserat Aduersarius  
Deum id posse, quanto scelere se obligabit, qui Deum  
Tyrannis omnibus immaniores finget? Si neget posse,  
Dogmatis sui fundamenta subruit. Nam in eius opinio-  
ne cæcitas, surditas, & alia eiusmodi, tam sunt pœnæ  
peccati, quàm ipsa peccandi necessitas. Siquidem, vt  
docet toto ferè tractatu de statu naturæ puræ, ac præ-  
sertim l. 3. cap. 11. non minùs ad contradictionem im-  
plicatur, hominem in statu innocentie nasci cæcum,  
aut surdum, quàm nasci cum concupiscentia & igno-  
rantia. Quapropter si impotentia Diuinis mandatis ob-  
sequendi, quæ ex concupiscentia, aut ignorantia emer-  
git, ideo non excusat à mandatis seruandis; quia con-  
cupiscentia & ignorantia pœnæ peccati sunt: neque  
etiam impotentia superioribus præceptis obsequendi,  
quæ ex cæcitate, & surditate nascitur, ab iis præceptis  
seruandis excusabit; quia cæcitas & surditas etiam pec-  
cati pœnæ sunt. Laudabo Aduersariorum ingenium, si  
hoc se argumento exoluere possint.

Confirmatur 2. Sequitur ex eadem opinione, Deum  
iam posse homini baptizato, quem naturæ suæ permit-  
tere statuit, imperare vt nullo morbo tentetur, vt se-  
nescat nunquam, nunquam moriatur, vt filios sine li-  
bidine procreat, vt nulli perturbationum motus incau-



to obrepant : atque his præceptis , ob domesticam corporis animique corruptelam , non obtemperantem æternis ignibus torquere. Consequutio clara est. quia et si homo ille his obedire præceptis non possit, hæc tamen impotentia indidem orta est , unde peccandi necessitas : nimirum, ex Adami peccato. Nam si ille non peccasset, fuisset in hominum potestate nunquam mori , nunquam senescere, nunquam ægrotare , &c. quod pluribus probat nouus Doctor libro de gratia primi hominis cap. 4. & 5. Quamobrem si impotentia obediendi præcepto non peccandi , non excusat ab illo præcepto seruando, quia ex Adami peccato nata est: neque etiam impotentia his præceptis obsequendi, ab illis seruandis excusabit. *Quod ceriè qui sapit , S. Augustini verba sunt alia in quæstione, non modo desipit, sed insanit.*

Confirmatur 3. efficacissimè : ex illa opinione rursus sequitur Christianos omnes, qui amentes nati sunt, aut ante vsum rationis in amentiam inciderunt, quique proinde nunquam suū compotes exitere, damnari nihilominus ob naturæ præcepta non seruata. Item , sequitur eos omnes , qui post vitam sanctissimè traductam , postque suscepta ritè Ecclesiæ sacramenta , paulò ante mortem in phrenesim incidunt, qua durante multas in Deum blasphemias euomunt, ob illas ipsas blasphemias sempiternis ignibus torqueri. Sequitur depique peccato non carere quidquid per amentiam furiosi, quidquid per morbum phrenetici committunt. Triplex illa consequentia in Aduersarij principiis manifesta est. Docet enim amentiam & phrenesim non minùs esse pœnas peccati , quàm necessitatem peccandi ; Ergo fateri debet eas à peccato non excusare.

## PARAGRAPHVS IV.

*Eadem responsio aliis ab Aduersario verbis  
proposita refellitur.*

QV ID causæ est cur Aduersarius, cùm illud ex præceptis argumentum proponat sæpe, nunquam tamen eandem illi solutionem bis adhibuerit? An ingenij fecunditatem experiri? An argumenti vim solutionum multitudine obruere? An latrunculos imitari voluit, qui subinde mutant latebras, vt insequentes ludant? Vt vt sit, tam altè illi insedit animo, eandem solutionem non iterare, vt cùm rursus ea de re disputandum esset l. 4. de statu naturæ lapsæ cap. 24. & 25. nec noua occurreret responsio, superiorem interpolauit, eamque obscurioribus verbis, sic tanquam alia veste, ita inuoluit, vt cuilibet rem perfunctoriè consideranti noua videatur.

Contendit igitur eo loci, *Rationem præcepti non ob-  
stare peccandi necessitati, iuxta doctrinam Augustini.* Quod antequam ostendat, solutionem aliam præmittit, ex Scholasticorum sensu depromptam. Aiunt illi necessitatem bene agendi in genere libero arbitrio nihil officere. Inde concludit neque etiam necessitatem malè agendi in genere, quam solam in hominibus gratià efficaci destitutis ponit, libertati nocere. *Sed vt verè dicam, inquit, quamuis hæc omnia vera esse Augustinus facile concederet, nunquam tamen ad inueniendam demonstrandamque arbitrij libertatem in peccatoribus, in hæc angustias sese coniecit. Nam siue talis peccandi libertas adsit, siue non adsit, nihil omnino curat.* Atque vt S. Augustinum ab hac solutione longissimè abfuisse demonstret, contendit in eius opinione eos etiam damnabiliter peccare, qui eandem à concupiscentia necessitatem ad malè agendum paterentur, quam Beati à visione



beatifica ad amandum Deum accipiunt : sic planè vt ad malum non tantùm quoad specificationem , sed etiam quoad exercitium necessariò raperentur.

Quamobrem, vt quam adhibebit responsionem accuratius expendamus , finge homines gratiâ efficaci destitutos pari necessitate adigi ad peccandum actu, quâ Beati ad amandum actu Deum. Aio ego homines in illa hypothesi teneri non posse præcepto non peccandi, nec ob peccata iustè à Deo plecti. Contrarium sentit Aduersarius, & verò rationem cur ita sentiat, profert; sed illam verbis tam obscuris inuoluit, vt cui-libet non sit peruia. Ne in tanta caligine cæcurias, faciem tibi præferam, & antequam eius verba describam, paucis ac dilucidè quid velit explicabo. Docet requiri ad peccatum libertatem à simplici necessitate, seu indifferentiam ad vtrumlibet. Quam in illo etiam actu, qui ex concupiscentia tam necessariò oritur, quàm necessariò amor beatificus ex visione Dei manat, inesse contendit. Quod ex duplici principio concludit. Primum est, satis esse ad hoc vt actus aliquis totus sit liber à necessitate, vt causa illius cùm agere incipit indifferens sit ad agendum, & non agendum. Secundum est, quodlibet peccatum impellente concupiscentia commissum, esse quandam veluti continuationem peccati Adami, vnde colligit liberum esse libertate ad vtrumlibet: etiam si nunc necessariò fiat; quia cùm in Adamo incepit, causa illius, nimirum Adami voluntas, non coactione tantùm, sed etiam simplici necessitate fuit expedita.

Hæc eius sententia. Verba accipe ex capite 25. in quo nititur opinionem suam secernere ab hac Baij propositione, à duobus Pontificibus damnata: *Homo peccat etiam damnabiliter in eo quod necessariò facit.* Id vt præstet, ita ratiocinatur: *Certum est, inquit, secundum recentiorum etiam Theologorum sententiam, actum aliquem bonum posse esse liberum libertate, de qua ipsi loquuntur.*

quamuis ex aliqua suppositione iam fiat necessario, & voluntas qua illum producit, ab eo producendo abstinere non possit. Quod probat exemplo ex Diuina voluntate petito. Sic enim videmus actum Diuinae voluntatis, ex hypothesis quod ad eum se liberè determinauerit, non amplius posse retractari. Sufficit enim ad eius libertatem, ut liberrimè se ad eum Deus ab aeterno determinauerit, ratione cuius liberrima determinationis semper adhuc actus liber est, & semper erit. Tum ad rem propiùs accedens: Hanc electionis libera constantiam si creatura rationalis imitetur, ut pari modo immobiliter in amore creatoris, vel creatura, ad quem se se summa libertate flexerit, non solum quantum ad speciem actus, sed etiam quantum ad exercitium perseuerat, nihil est cur actus ille non semper dici possit liber eadem libertate, qua ab initio libera determinationis liber fuit. Quae ex doctrina colligit primùm: Si ergo necessitas ex hypothesis non repugnat actibus laudabilibus, nec libertati voluntatis, ex qua fluunt; non est ratio cur similis necessitas ex hypothesis damnabilium actuum libertati aduersetur. Talis enim necessitas non nisi ex hypothesis praecedentis libera determinationis nascitur: nec aliud reuera est nisi prima libera voluntatis perpetuitas & immutabilitas. Tum opinionem suam à damnata Baii propositione ita discernit: Non loquitur ergo illa proscripta propositio de tali necessitate male voluntatis ex hypothesis, sed de necessitate potius absoluta, quàm voluntas ad malum appetendum, aut agendum, non solum specificatione, sed etiam exercitio, nullà prauità libera determinationis hypothesis, sed absolute necessitata est. Eadem tradiderat capite 24. in hæc verba: Etiam si ille peruersus amor sui, in quem ex Dei dilectione rationalis creatura lapsa est, & in quo ex iniustissima Dei damnatione perseuerat, & ex quo omnis actus vel omisio damnata voluntatis fluit, firmissimè adhereat voluntati, imò etiam si non solum specificatione, ut nunc est, sed etiam exercitio, quemadmodum amor beatificus, esset necessarius, non tamen ex Augustini mente desineret esse liber. Nam



*illa firmitas ex indifferenti Adami electione nata est.*

Discute verborum caliginem, & intelliges nihil hanc responsionem à superiori discrepare, nec iisdem tantum difficultatibus premi, sed nouas sibi, easque grauissimas accersere. quas ego paucis obseruationibus perstringo.

Animaduerte 1. quâ fide Aduersarius agat, qui magnificè præfatus probaturum se ex S. Augustini mente, actus illos qui impellente concupiscentia necessariò, etiam quoad exercitium, erumperent, non ea tantum libertate præditos esse, quæ coactionem arcet, sed etiam libertatem ad vtrumlibet ex Adami peccato trahere, sicut continuatio, vt ita dicam, Diuinæ volitionis liberæ indifferentiam ad vtrumlibet ducit ex prima Diuinæ voluntatis determinatione: huic tamen tam insolenti doctrinæ confirmandæ vnum tantum S. Augustini testimonium adhibet, quo ex nouæ opinionis decretis contrarium prorsus efficitur. Insignis est planèque stupenda hæc eius cæcitas: quam vt notes, relege illius verba, quæ paulò antè descripsi ex cap. 25. vbi loquens de actu, quem voluntas cum perfecta ad vtrumlibet indifferentia primò producit, quémque postea necessariò continuat, ait: *Nihil est cur actus ille non semper dici possit liber eadem libertate, quâ ab initio libera determinationis liber fuit.* Quod vt euincat, subdit: *Talis enim voluntas iuxta principia S. Augustini est in nostra potestate, quia volentibus adest, porro quia in potestate est, libera est nobis.* Quid cogitabat cum hæc scriberet? Probat actum illum habere libertatem ad vtrumlibet: & id probat iis S. Augustini verbis, quæ ipse toto libro 6. de Gratia Christi acriter negat exprimere libertatem ad vtrumlibet: quæque proinde conuenire contendit productioni Spiritus sancti, nullam prorsus libertatis ad vtrumlibet vmbra habenti. Quæso te, candide Lector, integrum illud caput attentè perlege; & ista duo, si potes, concilia. Primum, hic

440 DISPUT. DE LIBERO ARBITRIO  
vsurpari istud S. Augustini testimonium, vt actui, qui  
iam fit necessariò ex hypothesi determinationis non ne-  
cessariæ, libertas aliqua vindicetur, quæ non conue-  
niat actui, ad quem *voluntas nullâ prauâ libera determi-  
nationis hypothesi absolutè necessitata est.* Secundum, ex  
eius opinione eodem S. Augustini testimonio illam  
tantum libertatem exprimi, quæ conuenit actui, ad  
quem voluntas absolutè necessitata est: cuiusmodi  
est productio Spiritus sancti, aut amor sui ipsius in Deo.  
Prius diem nocti, quàm ista duo coniunxeris.

Animaduerte 2. ruinosum esse primum huiusce re-  
sponsionis fundamentum, quo ait, actum aliquem hoc  
ipso semper esse liberum libertate ad vtrumlibet, quo  
eius causa, cum illum primò produxit, indifferens fuit  
ad agendum, & non agendum. Nam etsi illud verita-  
tem habeat in actibus instantaneis, & in liberis Dei  
volitionibus indiuisibili æternitate mensuratis: falsum  
est tamen in iis actibus, qui durationem successiuam ex  
pluribus momentis conflatam habent. Debet enim  
horum libertas pro singulis instantibus, ex priori natu-  
ræ singulorum instantium æstimari. Hinc est, quòd  
volitio deambulandi ab homine sano, suique compote  
liberè suscepta, si ab eodem in phrenesim subito inci-  
dente continuetur, partim sit libera, partim non libe-  
ra. Libera est quando primò producitur, quia in priori  
naturæ illius instantis, voluntas est indifferens ad agen-  
dum & non agendum. non est libera quando à phre-  
netico fit, quia in priori naturæ illius instantis volun-  
tas non est indifferens. Qua de re pluribus disputabo  
cap. 5. sect. 2. vbi & illud ostendam, quàm ineptè fa-  
ciat Aduersarius, qui hanc opinionem suam ex liberis  
Dei volitionibus comprobare nititur.

Animaduerte 3. multò infirmius esse eiusdem respon-  
sionis fundamentum aliud, quo ait, peccatum à nobis  
propria voluntate commissum, esse continuationem  
peccati Adami, atque ex vtroque vnum veluti actum  
conflari,



conflari, qui hoc ipso totus sit liber libertate ad vtrumlibet, quo in Adamo liberè incepit. Nam primò quid absurdius dici potest, quàm actus specie, causâ, subiecto, motiuo discrepantes in vnum coalescere? Si dicat hoc tantum sensu illos esse vnum, quòd hic noster ex concupiscentia, ab Adami peccato profectâ, necessariò existat: nihil à superiori responsione diuersum dicet, & insuper argumenti sui vim infringet. Esto enim, verum sit actum aliquem, qui absque vlla necessitate producit, totum esse liberum, licet necessariò continuetur. An inde consequens erit peccata duo diuersissima, quorum alterum ab Adamo ante sex ferè annorum millia, alterum hodie ab homine quopiam propria voluntate commissum est, ea re præcisè ambo esse libera, quòd primum sine vlla necessitate productum est? Secundò, quid ineptius cogitari potest, quàm peccatum hominis personale alterius tantum libertate liberum esse? Tradunt quidem Catholici Doctores, atque inprimis S. Augustinus peccatum originale, quo inficimur, ex Adami peccato ita fluere, vt ex illo suam omnem libertatem accipiat: sed de peccato personali nullus vnquam Catholicus id affirmavit. Magni mihi ponderis videtur hæc ratio. Nam si S. Augustinus in Aduersariorum opinione fuisset, quod de peccato originali plus centies inculcat, nobis esse liberum libertate Adami, illud ipsum de peccatis personalibus sæpius asseruisset. Quod tamen ne semel quidem fecit. Tertiò, pariter dici posset de peccato personali, quod vulgò de originali dicitur: nimirum, non requiri vt qui illo obstringitur, rationis vsum habeat. Neque enim absurdus est dicere, homicidium ab amente commissum cum Adami peccato vnum actum componere, qui hoc ipso totus cum ratione fieri dicatur, quo in Adamo cum ratione incepit: quàm dicere peccatum, ab homine sui compote necessariò perpetratum, cum Adami peccato, vnum actum conflare, qui hoc ipso

442 DISPUT. DE LIBERO ARBITRIO  
totus sit liber libertate ad vtrumlibet, quo in Adamo  
sine vlla necessitate incepit.

Animaduerte 4. nihil ex ista responsione exculpi  
posse, quod nouum dogma seiungat ab ista Baij pro-  
positione damnata: *Homo peccat etiam damnabiliter in eo  
quod necessario facit.* Nam quod ait Aduersarius, *non loqui  
istam proscriptam propositionem de tali necessitate mala vo-  
luntatis ex hypothesi alterius voluntatis liberæ; sed de ne-  
cessitate potius absoluta, quâ voluntas ad malum appeten-  
dum aut agendum, non solum specificatione, sed etiam exer-  
cizio, nullâ præiâ liberæ determinationis hypothesi, sed ab-  
soluè necessitata est.* tota falsum est, quàm quod maxi-  
mè. Neque enim Baius aliam peccandi necessitatem in  
nobis admisit, quàm quæ ex Adami peccato ortum du-  
xisset. Hinc est quod propositione 55. negat *Deum po-  
tuisse ab initio talem creare hominem, qualis nunc nascitur.*  
Quia contendit peccandi necessitatem, quâ in eius o-  
pinione obstringimur, non aliunde posse, quàm ex  
Adami peccato, proficisci. Eodem spectant proposicio-  
nes 22. 24. 25. 27. in quibus disertè profiteretur natura-  
le esse homini vt in gratia producat, atque adeo cum  
peccandi necessitate nasci non posse, quin præcesserit  
peccatum aliquod, à quo natura vitiata sit. Et propo-  
sitione 46. negat quidem de ratione peccati esse vt for-  
maliter sit liberum, libertate nimirum à necessitate:  
asserit tamen debere hanc libertatem habere in causa  
sua & origine. Ergo non admittit necessitatem peccan-  
di, nisi ex hypothesi liberæ determinationis Adami.  
Ergo anathema, quod in illum SS. Pontifices iaculan-  
tur, in Aduersarium eadem dicentem recidit.

Animaduerte 5. ex eadem responsione consequi,  
quod ex superiori deduxeram: scilicet, personalia ho-  
minis baptizati peccata omni prorsus culpâ carere. Cla-  
rissima est ista consequutio in hypothesi ab Aduersa-  
rio posita, in qua nimirum, peccata actualia ex concu-  
piscencia necessario, etiam quoad exercitium, crum-



perent. Nam cū illa peccata formalem malitiam ac libertatem non habeant, nisi coniuncta cum Adami peccato, ex quo libertatem trahunt, remisso nobis penitusque deleto peccato Adami, formalem retinere malitiam non possunt. Sicut concupiscentia, quæ in homine non renato, cum Adami peccato coniuncta peccatum est, eo per baptismum condonato, peccatum esse desinit. Et quemadmodum homini baptizato sub grauissimis pœnis imperare Deus non potest, ut concupiscentiæ careat, quamuis liberum illi in Adamo fuerit eâ carere: ita nec etiam illi sub iisdem pœnis imperare posset, ut ab iis peccatis abstinere, quæ ex concupiscentia necessariò profiliunt.

Reliqua non persequar, quæ in eandem responsionem militant. Vnum id monebo, ut quoties aliquem è recenti secta affirmantem audis impotentiam Diuinis mandatis obsequendi, quæ ex Adami peccato nata est, ab iis seruandis non excusare, toties illud tibi veniat in mentem: Deum in Aduersariorum opinione perinde agere, quando baptizatis hominibus, quibus nullam gratiam impartit, imperat ut non peccent, & peccantes damnat: ac si Christianis, qui in pœnam peccati originalis cæcinati sunt, imperaret ut solem intuerentur, atque huic præcepto non obtemperantes flammis æternis addiceret. Quod tam atrox est, ut mihi hîc liceat Aduersario sua hæc verba refundere ex libro 3. de statu puræ naturæ c. 1. *Quid immanius & horribilius de Diuina iustitia dici posset, fateor, non intelligo. Hoc tamen mihi videtur veraciter posse dici, quod si ista doctrina de Deo vera est, alijs ab AVGVSTINO, ET ANTIQVITATE CVLTVS EST DEVS, QVAM ISTE COLIT: SIN FALSA, MISERABILI ERRORE, VT NIHIL DETERIVS DICAM, POPVLVS CHRISTIANVS PER ISTA SENTENTIARVM PORTENTA DELVDITVR.*

## SECTIO II.

*Nova opinio ex bonorum premiis, aliisque S. Augustini contra Monachos Adrumetinos argumentis oppugnatur.*

Libro 5. de  
Hæresi Pe-  
lagiana  
cap. 14.

**L**EPIDVS est noui dogmatis fabricator, qui Adrumetinos Monachos ait in id cum Pelagianis consensisse, quod utrique diuinâ gratiâ humanam violari libertatem arbitarentur: illud tamen inter utrosque discrimen extitisse, quod Pelagiani ne libertas tolleretur, talem gratiam sustulere: Adrumetini, ut salua maneret talis gratia, libertatem. Nempe, inquit, quia illi Hæretici erant, inimici crucis Christi, hi Catholici, qui quidlibet sibi tolli mallerent, quàm gratiam Dei. Quasi verò perinde Catholicam fidem non lædant, qui, ut gratiam tueantur, liberum arbitrium repudiant: quàm qui, ut liberum arbitrium retineant, gratiam excludunt. Quis Calvinum Catholicum putet, & crucis amicum, quod ita Christi gratiam prædicat, ut natiuam hominis libertatem enecet? Aliter sanè S. Augustinus, qui Epistola 47. Adrumetinos ait, *nihilominus in errore esse*, quàm Pelagianos.

Quis Aduersarij sensus fuerit in hac tam insolita Adrumetinorum commendatione, facile intelliget qui nouæ opinionis cum Adrumetinorum errore consensum, atque germanitatem cognosceret. Adrumetini teste S. Augustino libro de gratia & libero arbitrio cap. 1. *sic gratiam Dei defendunt ut negent hominis liberum arbitrium*. Sed quam tandem libertatem Dei gratiâ extingui putabant Adrumetini? Eam sanè quæ simplici necessitate violatur. Nam ut rectè Tapperus notat artic. 7. *Quando apud Augustinum disputatur an gratia tollat liberum arbitrium, quod credebant Monachi Adrumetini (propter quos scripsi librum de gratia & libero arbitrio) non agitur de arbitrio libero à coactione, qua natura*



*voluntatis repugnat, non enim ignorare poterant quòd voluntas externo motu inuita non cogitur: nec inuitam velle ex doctrina B. Augustini Monachi illi credebant. Eadem scribunt Cunerus Petri Episcopus Leouardienfis l. 5. de libero arbitrio, & Guillelmus Estius in 2. distinct. 7. §. 7. Atque hinc est, quòd Catholici omnes qui aduersus Calvinum probauerunt libertatem à necessitate gratiæ efficaciam non eripi, Calvinum in eodem cum Adrumetinis errore versari dixerint, & præcipua ad eius hæresim obterendam argumenta, ex iis maximè libris sumpserint, quos S. Augustinus contra Adrumetinorum errorem conscripsit.*

## PARAGRAPHVS I.

*Sancti Augustini argumentum ex bonorum præmiis accersitum, nouam opinionem cum Adrumetinorum errore inuictissimè profligat.*

VRGET hoc argumentum S. Doctor libro de gratia & libero arbitrio cap. 2. *Reuelauit, inquit, per scripturas sanctas esse in homine liberum voluntatis arbitrium. Quomodo autem reuelauit commemoro vos, non humano eloquio, sed diuino. Primum, quia ipsa DIVINA PRÆCEPTA HOMINI NON PRODESSENT, NISI HABERET LIBERVM VOLVNTATIS ARBITRIVM, QVO EA FACIENS AD PROMISSA PRÆMIA PERVENIRET. Quod ubi pluribus confirmauit, ita concludit: Nemo ergo Deum causetur in corde suo, sed sibi imputet quisque cùm peccat: neque cùm aliquid secundum Deum operatur, alienes hoc à propria voluntate. Quando enim volens facit, tunc dicendum est opus bonum, TVNC SPERANDA EST BONI OPERIS MERCES ab eo, de quo dictum: qui reddet unicuique secundum opera sua. Atque hoc argumento ex præmiis, Deique iustitia re-*

446 DISPUT. DE LIBERO ARBITRIO  
petito persæpe probat liberum hominis arbitrium. Ita  
l. 2. de libero arbitrio cap. 1. *Deinde illud bonum quo  
commendatur ipsa iustitia, in damnandis peccatis, recteque  
factis honorandis, quomodo esset, si homo careret libero vo-  
luntatis arbitrio? NON ENIM AUT PECCATUM  
ESSET, AUT RECTE FACTUM, QVOD NON  
FIERET VOLVNTATE. AC PER HOC ET POE-  
NA INIVSTA ESSET, ET PRÆMIUM, SI HO-  
MO VOLVNTATEM NON HABERET LIBE-  
RAM. Debit autem & in premio, & in pœna esse iusti-  
tia. Et libro 83. quæstionum quæst. 24. Iustus, regens,  
& gubernans uniuersa nullam pœnam cuiquam sinis imme-  
rito infligi, nullum premium immerito dari: NEC PEC-  
CATUM AUTEM, NEC RECTE FACTUM IM-  
PUTARI CUIQVAM IIVSTE POTEST, QVI NI-  
HIL FECERIT PROPRIA VOLVNTATE. Est  
igitur peccatum, & rectè factum in libero voluntatis ar-  
bitrio.*

Quibus ex locis validissimum argumentum peto. sic  
formatur: Libertas quam S. Augustinus contra Mona-  
chos Aduersarios homini lapsio asserit, illa est quæ  
ad meritum requiritur: Atqui non sola libertas à co-  
actione, sed etiam libertas à necessitate simplici ad me-  
ritum requiritur; Ergo libertas quam S. Augustinus  
contra Monachos Aduersarios homini lapsio asserit,  
non est sola libertas à coactione, sed etiam à necessita-  
te. Maior ex superioribus S. Augustini testimoniis ma-  
nifesta est. minor sumitur ex Ecclesiastici cap. 31. ubi  
ait, illum esse laudandum, qui potius transgredi, & non  
est transgressus, facere mala & non fecit. Quod spectabat  
S. Irenæus l. 4. cap. 71. Qui operantur bonum gloriam  
& honorem percipient, quoniam operati sunt bonum, cum  
possent non operari illud. Nam inde colligitur cum, qui  
ita bonum operatur, ut non possit non operari, qui ita  
non transgreditur, ut non possit non transgredi, licet  
vtrumque sponte, ac voluntariè faciat, nihil mereri.



Probatur tamen efficacius eadem minor. Non sufficit ad peccatum sola libertas à coactione; Ergo neque ad meritum. Patet consequentia ex superioribus S. Augustini testimoniis, quæ eandem ad meritum & ad peccatum libertatem requirunt. Patet item ex aliis SS. PP. Clemente Romano libro 3. Recognit. Iustino oratione 2. ad senat. Tertulliano l. 2. contra Marc. Clemente Alexandrino l. 1. Stromat, qui omnes disertè tradunt tantum ad meritum libertatis requiri, quantum ad demeritum. Patet denique ex communi Theologorum, Philosophorumque consensu: neque enim hætenus inuentus est aliquis, qui istud in dubium reuocaret. Antecedens verò ex ipsis Aduersariorum placitis conficitur. Statuunt enim illi, ut paulò antè vidimus, satis non esse ad peccatum ut homo sponte malè agat, sed requiri amplius, ut in ortu, libertatem à necessitate acceperit, eamque suâ culpâ amiserit. Hinc est quòd tantopere se fatigat nouus Doctor, ut ex Adami peccato libertatem ad vtrumlibet in nostra peccata deriuat. Quæ omnia etsi ludicra sint, & ad fucum imperitis faciendum artificiosè fabricata; habent tamen nescio quam probabilitatis laruam, nec facile possunt à rudioribus confutari. Sed quæ iam de præmissis oppono, eiusmodi sunt, ut nullis possint præstigiis eludi. Quid enim? An ad meritum requiri asseret, ut homo in ortu libertatem ad vtrumlibet acceperit, eamque per peccatum exciderit? An, quemadmodum ad peccati libertatem postulat, ut peccatum ab homine lapsò necessariò commissum, cum Adami peccato actum vnum componat, qui hoc ipso totus sit liber libertate ad vtrumlibet, quo in Adamo liberè incepit. An, inquam, ad meriti libertatem pariter requireret, ut bonum opus à gratia medicinali necessariò expressum, cum aliqua Adami volitione actum vnum conflet, qui hoc ipso totus sit liber libertate ad vtrumlibet, quo in Adamo liberè incepit?

Libro de  
 grat. primi  
 hominis  
 cap. 14. 15.  
 16.

Hanc ut rationem, quam ego firmissimam puto, meliori in luce collocem, observandum est, bonis operibus, quibus in hoc vitiatæ naturæ statu vitam æternam adipiscimur, meritum aliquod inesse, non *humanum* quidem illud, *nostrum*, aut libero arbitrio in solidum adscribendum, quale integræ naturæ nova opinio concedit: sed aliud quoddam Diuinâ gratiâ comparatum, atque eiusmodi quod sufficiat, ut Deus non immeritò sua nobis largiri præmia dicatur. verbo dicam, meritum illud operibus nostris inest, quod hæc Concilij Tridentini verba postulant sess. 6. Can. 32. OPERA BONA SVNT ITA DEI DONA, VT ETIAM BONA SINT IUSTIFICATI MERITA. Quæ ex pluribus S. Augustini locis videntur expressa. Nam Epistola 105. ad Sixtum ita loquitur: *NULLANE SVNT MERITA IUSTORVM? sunt planè quia iusti sunt. Sed ut iusti fierent, merita non fuerunt. Et infra: Sicut merito peccati, tanquam stipendium, redditur mors: ita MERITO IUSTITIÆ, tanquam stipendium, vita æterna.* Item Epistola 46. ad Valentinum: *SI NON SVNT MERITA QVOMODO IVDICABIT DEVS HUNC MVNDVM?* Et disputatione 2. contra Fortunat. *Liberum arbitrium si non dedisset Deus, iudicium puniendi nullum esse posset, NEC MERITVM RECTE FACIENDI.* Inest ergo iustorum operibus meritum aliquod Diuinâ gratiâ comparatum.

Illud verò, sine libertate ad verumlibet stare non posse contendo. quod ut euincam, peto ab Aduersariis, an quemadmodum aiunt hominem, quicum peccandi necessitate crearetur, non peccaturum, nec iustè ab ea, quæ sponte quidem ac necessariò committeret, puniendum: sic etiam affirmant, hominem qui in statu innocentiz gratiam bene agendi necessitatem inferentem acciperet, meritum illud qualecumque, quod iam operibus nostris inest, non habiturum. Quid quid dicant Aduersarij suis verbis implicati tenebuntur.



tur. Si afferant in illa hypothefi hominem nihil habiturum meriti, nec iuste eius operibus tali gratiâ expressis æternam beatitudinem rependi posse. Contendam ego pariter, nihil nos mereri, cùm eiusmodi gratiâ præuenimur. quia status ille naturæ corruptæ, in quem prolapsi sumus, efficere non potest, vt actio quæ in statu naturæ integræ nihil laudis ac meriti haberet, iam laudabilis sit & meritoria. Si verò affirmant etiam in illa hypothefi habiturum hominem meritum illud, quod huiusce status proprium est, maiori difficultatum mole opprimuntur. Nam inde illud existeret, non aliam omnino ad meritum, quale iam habemus, libertatem requiri, quàm quæ coactionem excludit. Quod solidè falsum esse, & sancto Augustino capitaliter infensum

Probatur 1. Ex sanctis Patribus eadem libertas requiritur ad meritum, quod iam operibus nostris inest, quæ ad demeritum: Atqui ex ipsius Aduersarij confessione, non sufficit ad demeritum sola libertas à coactione; Ergo neque ad meritum, quod iam operibus nostris inest. Maiorem pluribus sancti Augustini testimoniis paulò antè probaui, vnum hîc tantùm auctarij loco adiciam, ex disp. 1. contra Fortunatum: *Ego dico, inquit, peccatum non esse, si non propria voluntate peccetur: HINC ESSE ET PRÆMIUM, QUIA PROPRIA VOLVNTATE RECTE FACIMVS. Tum: QVIS AVTEM DVBITET NON DEFERRI PRÆMIUM, NISI EI QVI BONA VOLVNTATE ALIQUID FECERIT? Ex quo intelligimus & pœnam inferri ei, qui voluntate mala aliquid fecerit.* Cui loco auctoritas inuicta constabit, si obserues ex nouo Dogmatista S. Augustinum contra Manichæos de peccati libertate disputantem, *libertatis ac voluntatis* nomine, eam tantùm comprehendisse, quæ omni soluta necessitate in vtrumvis suo pte nutu propendere potest. quia cum illis de primi peccati origine dimi-

Libro 4. de  
statu nat.  
lapſæ cap.  
21.

450 DISPUT. DE LIBERO ARBITRIO  
cabat, quod formalem ad vtrumlibet libertatem habere debuit. vnde colligo S. Augustinum hoc loco, ex disputatione contra Fortunatum Manichæum excerpto, cùm ait ad peccatum requiri, ut fiat *propria voluntate*, hac voce facultatem ad vtrumlibet expeditam designare, propterea que cùm subdit: *Hinc esse & præmium, quia propria voluntate rectè facimus*, libertatem ad vtrumlibet ad meritum exigere. Ex eadem observatione multum roboris accedit alteri loco ex l. 2. de libero arbitrio contra Manich. cap. 1. *Illud bonum, quo commendatur ipsa iustitia in damnandis peccatis rectèque factis honorandis, quomodo esset, si homo careret libero voluntatis arbitrio? non enim aut peccatum esset, aut rectè factum quod non fieret voluntate. Ac per hoc & PŒNA INIVSTA ESSET, ET PRÆMIUM, SI HOMO VOLUNTATEM NON HABERET LIBERAM.* Libertas sine qua ait nec peccatum esse, nec rectè factum, & pœnam iniustam esse, & præmium, illa ipsa est, quam contra Manichæos defendit: Atqui contra Manichæos libertatem ad vtrumlibet defendit; Ergo libertas sine qua ait nec peccatum esse, nec rectè factum, est libertas ad vtrumlibet.

Probat 2. Si homo sponte quidem, at naturali necessitate bene ageret, nihil laudis ac meriti inde colligeret; Ergo non sufficit ad laudem ac meritum sola libertas à coactione. Pater consequentia. Antecedens probatur ex innumeris S. Augustini locis, in quibus contra Manichæos euincit, bonas animas non agere naturali necessitate; quia aliàs laudis nihil ac meriti ex opere bono consequerentur. Cuiusmodi sunt loci proximè citati ex l. 2. de libero arb. & disputatione contra Fortunatum. Quibus addi potest insignis alter ex l. 3. de libero arbitrio c. 1. vbi probat aduersus Manichæos voluntatem nostram non agere naturali necessitate: *Qui motus, inquit, si culpæ deputatur, non est vtriusque naturalis, sed voluntarius.* Paulò post subdit: *Motus quo huc*



atque illuc voluntas conuertitur, nisi esset voluntarius, atque in nostra positus potestate, neque laudandus, cum ad superiora, neque culpandus homo esset, cum ad inferiora detorqueat quasi quendam cardinem voluntatis.

Confirmatur 1. ex Tertulliano l. 4. contra Marcionem cap. 72. Si autem, inquit, naturaliter quidam boni, quidam vero mali facti fuissent, neque laudabiles essent, quia boni sunt, tales enim facti fuerant, &c. Confirmatur 2. ex Clemente Romano, qui l. 3. Recognitionū obliuienti Simoni mago: Nonne poterat nos omnes facere tales, ut essemus boni, & aliud esse non possemus? Respondentem Petrum inducit: Et hoc absurdè interrogas, si enim nos inconuertibilis natura fecisset, & immobiles à bono: non essemus verè boni, quia aliud esse non possemus. Et non esset nostri propositi, quòd essemus boni, nec nostrum esset, quòd ageremus, sed necessitatis natura. Et libro 9. Nihil laudis est, inquit, id esse, à quo te mutari natura necessitas non finis. Confirmatur 3. ex aliis Patribus, qui hoc argumento illos reuincunt, qui Deum aiebant homines virtutis tantum capaces condere debuisse. Quam rationem copiosè, & eruditè tractant Procopius in Genesim, Titus Bostrensis lib. 2. aduersus Manichæos, Iustinus oratione 2. ad senat. & Athenagoras oratione pro Christianis.

Ne quis hic scrupulus emergat, nota S. Augustinum, aliòsque Patres cum aiunt animam, quæ naturali necessitate bene ageret, non modò nihil meriti, sed nec aliquid laudis habituram, laudis nomen non usurpare in ampliori illa significatione, quæ laudanda cum honorandis confundit, sed in strictiorialia, quæ illud tantum decus complectitur, quod ex bonitate morali efflorescit. Quo sensu, ex Aristotele l. 1. Rhetoric. c. 6. & l. 1. Nicom. c. 12. laudabilia ab honorandis ita seiunguntur, ut laus morali tantum actioni tribuatur: honor verò iis omnibus, quæ cum à natura, vel aliunde nullo labore aut industria consecuti simus, præ-

452 DISPUT. DE LIBERO ARBITRIO  
dicari tamen vulgò, celebrarique ab hominibus solent.  
Sic homini honos debetur, quòd illustri ex loco origi-  
nem duxerit, quòd ingenij acumine, quòd facili indole,  
aliisque naturæ dotibus præditus sit. At laudari propter  
ea tantùm debet, quæ ex eius libertate nata sunt. Deo  
quoque laus strictè sumpta non debetur, nisi propter ea  
quæ extra se liberè, & pro arbitrio facit. Nam quæ illi  
naturaliter competunt, honorem, venerationem, præ-  
dicationem: non laudem propriè dictam exigunt.  
Quamquam sæpe apud scriptores sacros in ampliori si-  
gnificatione laus vsurpatur, Deoque tribuitur ob eas  
dotes, quas à natura habet. Quo etiam modo dici posset  
animas, quæ naturali necessitate bene agerent, laudis  
aliquid habituras.

Probatur 3. Si vera esset Astrologorum sententia: si  
astra necessitatem eiusmodi voluntatibus nostris impri-  
merent, quæ *irresistibilis* instar gratiæ illæsa libertate à  
coactione, solam ad verumuis libertatem violaret: ni-  
hil ex bonis operibus laudis, meriti nihil haberemus:  
Ergo sola libertas à coactione non sufficit ad meritum.  
Probatur antecedens ex S. Augustino, qui hoc argu-  
mento Astrologos impetit l. 2. contra Faustum c. 5. *Nos  
quidam sub fato stellarum nullius hominis genesim ponimus,  
ut liberum arbitrium voluntatis, quo vel bene, vel male vi-  
uitur, propter iustum iudicium Dei, ab omni necessitatis vin-  
culo vindicemus. Quem in sensum Iustinus orat 3. si  
fatale sit hunc quidem esse bonum, illum verò malum, ne-  
que ille fuerit probandus, neque hic reprehendendus. Et Ori-  
genes ab Eusebio relatus l. 6. de præparatione Euan-  
gelica cap. 9. Non solum gentiles stellarum ex conjunctioni at-  
que aspectu, quæ in terris sunt necessario accidere credunt:  
verum etiam multi ex fidelibus consturbantur, impossibile ali-  
ter fieri credentes, quàm stellarum cursus effecerit. Vnde se-  
quitur nullam in nobis esse libertatem, nullam operationem  
nostram laudari, aut vituperari iuste posse. Ex quibus ita  
ratiocinare: Qui natalitij alicuius sideris impressione*



sponte quidem, ac necessariò bene ageret, non haberet libertatem requisitam ad laudem, & ad meritum; Ergo qui gratia *irresistibili* præuentus sponte quidem, ac necessariò bene agit, non habet libertatem requisitam ad laudem, & ad meritum.

Probatur 4. à priori. Idcirco libertas ad meritum requiritur, ut id, quo meremur, nostrum sit, darique possit à nobis, *quasi pretium pro premio*: Atqui ad illud non sufficit sola libertas à coactione, sed requiritur libertas à necessitate; Ergo ad meritum requiritur libertas à necessitate. Maior clara est, nam ut ait D. Thomas in quæstionibus disputatis quæst. 19. de gratia Christi art. 6. in corp. *Per actum proprium quis mereri non potest, nisi sit dominus sui actus. Sic enim suum actum quasi pretium pro premio dare potest.* Item S. Hilarius canone 6. in Matthæum: *De nostro est beata æternitas promerenda, præstandumque est aliquid ex proprio.* Et S. Paulinus in Epistola 2. ad Seuerum: *Quæ nobis est gratia, si in alienotantum fideles fuerimus, nisi de proprio seruiamus, id est de libero voluntatis arbitrio?* Et verò fingi alia ratio non potest, cur ad meritum libertas requiratur, nisi ut id quo meremur nostrum sit, nostræque potestatis ac dominij. Sola igitur probanda minor, quam etsi inuictè conficiunt, quæ cap. 1. fusè disputavi, ut vincerem actus sponte quidem, ac necessariò à voluntate elicitos, non esse in potestate, ac dominio voluntatis, nec fieri cum volumus: probatur tamen ampliùs ex iis, quæ proximè differui. Si voluntariè quidem, ac naturali necessitate bene ageremus, quemadmodum Manichæi bonam animam agere fingebant, *quòdessemus boni, quòdque ageremus, nostrum non esset, sed necessitatis nature*, ut aiunt SS. PP. suprà citati. Item, si vi quadam natalij sideris affliti, sponte quidem, ac necessariò bene & laudabiliter viucremus, quòd operaremur bene, nostrum non esset, sed fatalis necessitatis, ut iidem Patres testantur; Igitur sola libertas à coactione satis non

454 DISPUT. DE LIBERO ARBITRIO  
est, ut id quod agimus nostrum esse dicatur.

Quæro te, Erudite Lector, si quem ex nouæ opinionis consecraneis familiarem habes, atque ex iis maxime qui penitioribus eius mysteriis initiati sunt, hoc illum argumento pertenta. Sciscitare ab eo, an quemadmodum ait, peccata hominis lapsi, etsi necessariò fiant, culpæ tamen tribui, quòd ex Adami peccato, in quo omnes peccauimus, libertatem quandam ad vtrumlibet asciscant: ita quoque affirmet, bona eiusdem hominis lapsi opera, quamuis necessitate elicitæ, laudi tamen tribui, quòd ab Adamo, aut aliquo homine alio, in quo omnes bene egerimus, libertatem aliquam ad vtrumlibet accersant. Hoc si argumentum premas vehementiùs, eò hominem adiges, ut vel cum Caluino nullum prorsus bonis operibus nostris meritum inesse dicat, nec magis hominem lapsum mereri, cum ex gratia necessitatem inferente bene agit; quàm mereretur anima, si naturali, aut fatali necessitate bene ageret: vel saltem, ut pugnet ex Christo aliquam in opera nostra bona libertatem ad vtrumlibet derivari: quemadmodum ex Adamo parem libertatem in peccata nostra refundi docet. Vtrumque porrò simili absurditate laborat. Siquidem ut hæreticum est, Concilio Tridentino, S. Augustino, Patribus omnibus & manifestæ rationi aduersum, omne prorsus meritum bonis hominum operibus adimere: ita insigniter absurdum est, aliquam illis ex Christi voluntate libertatem ad vtrumlibet euocare. Nam esto, peccata nostra ex Adamo libertatem trahant, quòd eius peccatum nostrum fuerit, verèque nos infecerit. At istud de Christo dici potest: cum eius opera hoc modo nostra non fuerint: nisi forte in Zanchij Lutherano-Caluinistæ sententia, qui docet infantes non aliter peccari reos esse, quàm imputatione externa peccati Adami: nec aliter homines iustos aliquid mereri, quàm imputatione iustitiæ Christi. Accedit quòd Aduersarius libertatem



ad vtrumlibet Christo ad meritum necessariam fuisse neget; Ergo quemadmodum ex Adami peccato, si necessitate fuisset expressum, libertas nulla in posterorum peccata deriuari posset: ita neque ex Christi actionibus libertas vlla in bona iustorum opera refundi potest.

Constat igitur libertatem à necessitate ad meritum & laudem requiri. quam cum nouelli Dogmatis patroni nec ex Adamo, nec ex Christo repetere possint, fateri debent eam inesse formaliter bonis operibus, quibus vitam æternam promeremur. ac proinde illum tantum esse laudandum, *qui potuit transgredi, & non est transgressus, facere mala, & non fecit.* Quod eleganter S. Bernardus Sermone 81. in Cantica his verbis expressit: *Vnde liberum arbitrium nominatur, quod liceat versari in his pro arbitrio voluntatis. Inde homo ad promerendum potest.* OMNE ETENIM, QVOD FECERIS BONVM, MALVMVE, QVOD QVIDEM NON FACERE LIBERVM SIT, MERITO AD MERITVM DEPVATVR: *Et ut meriti laudatur, non is tantum qui potuit facere mala, & non fecit; sed & qui potuit non facere bona, & fecit: ita malo non caret merito tam is, qui potuit non facere mala, & fecit, quam qui potuit facere bona, & non fecit. vbi autem non est libertas, nec meritum.*

## PARAGRAPHVS II.

*Alterum S. Augustini argumentum ex capite 15. Ecclesiastici petiit, nouum dogma manifestè conficit.*

NIL ad hominis corrupti libertatem defendendam validius putauit S. Augustinus, celebri illo Ecclesiastici loco, quem ita proponit libro de gratia & libero arbitrio cap. 2. *Renclauit autem nobis per scripturas suas*

Quæso te, Erudite Lector, si quem ex nouæ opinionis consecraneis familiarem habes, arque ex iis maxime qui penitioribus eius mysteriis initiati sunt, hoc illum argumento pertenta. Sciscitare ab eo, an quemadmodum ait, peccata hominis lapsi, etsi necessariò fiant, culpæ tamen tribui, quòd ex Adami peccato, in quo omnes peccauimus, libertatem quandam ad vtrumlibet asciscant: ita quoque affirmet, bona eiusdem hominis lapsi opera, quamuis necessitate elicita, laudi tamen tribui, quòd ab Adamo, aut aliquo homine alio, in quo omnes bene egerimus, libertatem aliquam ad vtrumlibet accersant. Hoc si argumentum premas vehementiùs, eò hominem adiges, ut vel cum Caluino nullum prorsus bonis operibus nostris meritum inesse dicat, nec magis hominem lapsum mereri, cum ex gratia necessitatem inferente bene agit; quàm mereretur anima, si naturali, aut fatali necessitate bene ageret: vel saltem, ut pugnet ex Christo aliquam in opera nostra bona libertatem ad vtrumlibet deriuari: quemadmodum ex Adamo patem libertatem in peccata nostra refundi docet. Vtrumque porrò simili absurditate laborat. Siquidem ut hæreticum est, Concilio Tridentino, S. Augustino, Patribus omnibus & manifestæ rationi aduersum, omne prorsus meritum bonis hominum operibus adimere: ita insigniter absurdum est, aliquam illis ex Christi voluntate libertatem ad vtrumlibet euocare. Nam esto, peccata nostra ex Adamo libertatem trahant, quòd eius peccatum nostrum fuerit, verèque nos infecerit. At istud de Christo dici potest: cum eius opera hoc modo nostra non fuerint: nisi forte in Zanchij Lutherano-Caluinistæ sententia, qui docet infantes non aliter peccati reos esse, quàm imputatione externa peccati Adami: nec aliter homines iustos aliquid mereri, quàm imputatione iustitiæ Christi. Accedit quòd Aduersarius libertatem



ad vtrumlibet Christo ad meritum necessariam fuisse neget; Ergo quemadmodum ex Adami peccato, si necessitate fuisset expressum, libertas nulla in posterorum peccata deriuari posset: ita neque ex Christi actionibus libertas vlla in bona iustorum opera refundi potest.

Constat igitur libertatem à necessitate ad meritum & laudem requiri. quam cum nouelli Dogmatis patroni nec ex Adamo, nec ex Christo repetere possint, fateri debent eam inesse formaliter bonis operibus, quibus vitam æternam promeremur. ac proinde illum tantum esse laudandum, qui potuit transgredi, & non est transgressus, facere mala, & non fecit. Quod eleganter S. Bernardus Sermone 81. in Cantica his verbis expressit: *Vnde liberum arbitrium nominatur, quod liceat versari in his pro arbitrio voluntatis. Inde homo ad promerendum potes. OMNE ETENIM, QVOD FECE-  
RIS BONVM, MALVMVE, QVOD QVIDEM  
NON FACERE LIBERV M SIT, MERITO AD  
MERITVM DEPV TATVR: Et ut merito laudatur,  
non is tantum qui potuit facere mala, & non fecit; sed &  
qui potuit non facere bona, & fecit: ita malo non caret me-  
rito tam is, qui potuit non facere mala, & fecit, quam qui  
potuit facere bona, & non fecit. vbi autem non est libertas,  
nec meritum.*

## PARAGRAPHVS II.

*Alterum S. Augustini argumentum ex capite 15. Ecclesiastici peti-  
tum, nouum dogma manifestè con-  
figit.*

Nihil ad hominis corrupti libertatem defendendam validius putauit S. Augustinus, celebri illo Ecclesiastici loco, quem ita proponit libro de gratia & libero arbitrio cap. 2. *Reuelauit autem nobis per scripturas suas*

456 DISPUT. DE LIBERO ARBITRIO  
*sanctus esse in homine liberum voluntatis arbitrium. Tum paulò post: Liber Ecclesiasticus dicit, Ipse ab initio fecit illum, & reliquit illum in manu consilij. Si volueris conseruabis mandata, & fidem bonam placiti. Apponet tibi ignem, & aquam, ad quodcumque volueris extende manum tuam. In conspectu hominis vita & mors, & quodcumque placuerit, dabitur ei. Tum subdit: Ecce apertissime videmus expressum humana voluntatis arbitrium.*

Ex quibus S. Augustini verbis, ita colligo: Libertas quam S. Augustinus contra Monachos Adrumetinos homini lapso defendit, illa est quæ hoc Ecclesiastici loco exprimitur: Atqui hoc Ecclesiastici loco non exprimitur libertas à coactione interna, sed à simplici necessitate; Ergo libertas quam S. Augustinus contra Monachos Adrumetinos homini lapso defendit, non est libertas à coactione, sed à simplici necessitate. Clara est maior. Minor probatur 1. quia hoc Ecclesiastici loco primi hominis libertas præcipuè explicatur, quam Aduersarius in indifferentia ad vtrumlibet positam fuisse fatetur. Probatur 2. ex his verbis: *Reliquit eum in manu consilij sui*, quæ manifestè exprimunt pendentem & ad vtrumlibet indifferentem voluntatis statum. Nam ex Aristotele l. 6. Ethic. cap. 1. Damasceno l. 2. de fide cap. 26. Nemefio l. de natura hominis cap. 34. Eusebio de præparatione Euangelica l. 6. cap. 7. S. Thom. 1. 2. q. 14. art. 3. *Consilium de eo tantum est, quod idem possumus, & eius oppositum.* vnde Irenæus l. 4. cap. 72. *Si igitur non in nobis esset facere hæc, aut non facere, quam causam haberet Apostolus, & multò prius ipse dominus consilium dare, quedam quidem facere, à quibusdam verò abstinere.* Probatur 3. ex posteriori sententia: *Apponet tibi aquam, & ignem, ad quodcumque volueris extende manum tuam. In conspectu hominis vita & mors, quodcumque placuerit, dabitur ei. Quis enim putet vtriusque partis optionem illi concedi, qui vni necessariò sit adstrictus? Quis homini ex altissima turridemisso in præ-*



præcepi, sobriè dicat: *Ante te vita, & mors, quod placuerit dabitur tibi.* Probat 4. ex S. Thoma, qui de malo q. 6. ex hoc loco conficit homines in electionibus suis non modò coactione, sed & simplici necessitate vacare.

Denique, his Ecclesiastici verbis tam manifestè voluntatis ad vtrumlibet indifferentia exprimitur, vt nec ipsi Aduersarij id negare sint ausi. Calvinus l. 2. Instit. cap. 5. fatetur ingenuè adumbrari hoc loco mediam illam, & vtriusque partis capacem voluntatis facultatem, atque idcirco negat ad vitiatam hominis naturam ista pertinere. Verùm superiori S. Augustini testimonio apertè reuincitur, qui inde hominis lapsi libertatem probat. Nouus verò Dogmatistes ab hoc loco, aliisque simillimis ita se expedire nititur: *Respondeo, argumentum esse verissimum, quod ab ipso Augustino, Damasceno, Bernardo, & ceteris, non solum admittitur, sed velut Catholica fidei immobilis basis, aduersus Manichæos, aliisque pestes libertatis, & veritatis inimicas, inuictissime defenditur, ac defendi debet. verum ad propositum nostrum nihil pertinere facile videt, quisquis oculos habet, quibus apertas veritates videat. Quis enim nesciat scripturas istas ac similes de viatorum hominum libertate loqui? Quorum libertatem, non solum coactionis expertem esse, sed etiam necessitatis immutabilis voluntaria, hoc est ad vtrumque indifferentem esse perlibenter fatetur. Negat autem in illa indifferentia sitam esse generaliter humani arbitrij libertatem, aut illam pertinere ad naturam libertatis. Nam & liber est, inquit, Deus; & liberi Beati, qui eiusmodi carent indifferentiâ.*

Ludicra est & subdola hæc Aduersarij confessio, neque enim cùm hominis lapsi libertatem ad vtrumlibet indifferentem esse fatetur, hoc nomine facultatem intelligit simplici necessitate expeditam, quæ in vtrumvis suo pte nutu vergere possit. Hoc enim si diceret, dogmatum suorum substructiones omnes hoc

458 DISPUT. DE LIBERO ARBITRIO  
verbo vno dirueret. Sed illam voluntatis mobilitatem designat, quâ pro innata sibi leuitate quod semel arripuit, paulò post fastidiosè auersatur: atque ita, vt versatilis est ac volatica, modò vni, modò alteri se addicit. Ita mentem suam interpretatur toto illo capite 34. Et rursus l. 7. cap. 13. suam illam indifferentiam in eo positam dicit, quòd *animus imbecille, solubiliter & inconstanter rebus adhereat; ita vt ab ea, quam velut vltimum finem diligit, in alteram: à bono in malum, à malo in bonum possit transilire.*

Veteratorix huic tergiuersationi oppono i. illam indifferentiam, quam corrupti hominis voluntati Aduersarius concedit, nihil aliud esse quàm Lutheranam *vertibilitatem*. Lutherus enim in libro de seruo arbitrio, *Rectius*, inquit, *vertibile arbitrium, vel mutabile arbitrium dicetur quàm liberum*. Quam mutabilitatem arbitrij humani sic eodem in libro explicat: *Humana voluntas in medio posita est, ceui iumentum. Si infederit Satan, vult & vadit quòd vult Satan: Si infederit Deus, vult & vadit quòd vult Deus*. Non est ouum ouo similis, quàm sunt Aduersarij pronuntiat hęc verba. Quare si ageret sincerè, liberi quoque arbitrij nomen cum Luthero exterminaret, & vertibile tantùm, seu mutabile arbitrium retineret. Secundò, abire non debet impunè quod ait, hoc indifferentiæ genus proprium esse hominum viatorum, & *certissimum libertatis indicium*. Nam & belluis quoque commune est, quæ cibum modò appetunt, modò respuunt: & amentibus ac pueris, quorum voluntates quotidie in contraria mutantur. Quam brutorum animantium, & furiosorum hominum mutationem, quis *certissimum libertatis indicium* esse, & sufficere ad superiora Ecclesiastici verba illis tribuenda asserat, nisi qui sit iis ipsis vel efferatior vel amentior?

Tertiò, certum est his Ecclesiastici verbis non eam tantùm indifferentiam, seu mutabilitatem exprimi, sed



& illam, quæ ad alterutrum eligendum neutiquam definita, in vtrumvis nutu suo inclinare potest. Quod cuilibet minimè peruicaci facilè persuadebunt, quæ paulò antè adnotaui. Persuadebunt quoque ipsa Ecclesiastici verba, quæ manifestè non mutabilitatem tantùm illam, sed potentiam simul, & eodem tempore ad vtrumlibet expeditam significant. Quid enim aliud innuunt hæ voces? *Apposuit tibi aquam & ignem, ad quod volueris porrige manum tuam. Ante hominem vita, & mors; bonum, & malum; quod placuerit ei, dabitur illi.* Possuntne ad eum hæc verba prudenter & sincere fieri, qui eodem tempore ad vnum sit affixus, alterius erepta potestate? Diceret ille, ac meritò diceret: Quid me frustra iubes eligere, vbi non datur optioni locus? non possum ego manum porrigere, nisi ad vnum amborum: non possum nisi amborum alterum velle. Quarrò, non arbitrabantur Monachi Adrumetini viatorum hominum voluntatem iis rebus, quas semel ascieuerit, tam immobiliter adhærescere, vt contrariam deuolare in partem non posset. Quis enim illos tam imperitè delirasse vel tradidit vnquam, vel audiuit? Vnde ego sic concludo: S. Augustinus hunc Ecclesiastici locum adhibet ad eam libertatis indifferentiam probandam, quam Adrumetini Diuinâ gratiâ extingui putabant: Atqui Adrumetini non putabant Diuinâ gratiâ extingui illam mutabilitatem voluntatis, sed indifferentiam ad vtrumlibet; Ergo S. Augustinus hunc Ecclesiastici locum non adhibet ad probandam mutabilitatem voluntatis, sed ad eiusdem indifferentiam ad vtrumlibet adstruendam. Ita quocumque se vertet S. Augustini interpolator implicatus hærebit, & suapte oratione constrictus.

## PARAGRAPHVS III.

*Quod S. Augustinus ait, gratia cum libero arbitrio consensum esse explicatu difficillimum, manifestè indicat, cum non agere de libertate à coactione.*

Vno hoc argumento tota hæc decidi quæstio posset, adedè insigne est illud, & ad omnium intelligentiam accommodatum. Sic habet: Libertas quam homini lapsò S. Augustinus asserit, illa ipsa est, cuius concordia cum gratia efficaci vix ac ne vix quidem intelligi potest: Atqui non libertas à coactione, sed sola libertas à necessitate est eiusmodi; Ergo non libertas à coactione, sed sola libertas à necessitate ea est, quam homini lapsò S. Augustinus asserit. Veramque propositionem sigillatim demonstro.

Ac prima quidem nec in dubium vocari ab illo potest, qui primoribus, ut aiunt, labris S. Augustinum libarit. Nam sæpius ingeminat libertatis cum gratia concordiam vix ab homine intelligi, nedum explicari posse. Libro de prædest. Sanctorum cap. 14. ait esse DIFFICILEM ad soluendum questionem. Epistola 2. ad Valent. DIFFICILLIMAM vocat. Epistola 1. DIFFICILLIMAM, ET PAUCIS INTELLIGIBILEM. Et in libro de gratia Christi cap. 47. *Ista quæstio ubi de libero arbitrio voluntatis, & de Dei gratia disputatur, ita est ad discernendum DIFFICILIS, ut quando defenditur liberum arbitrium, negari Dei gratia videatur, quando autem asseritur Dei gratia, liberum arbitrium putetur auferri* Vnde graui difficultate premi se fatetur l. 2. de peccatorum meritis & remissione cap. 18. ne liberum arbitrium gratiâ, aut gratiam libero arbitrio excludat. *Ipsa etiam ratio, inquit, quemlibet no-*



*strum quarentem vehementer angustat, ne sic defendamus gratiam, ut liberum arbitrium auferre videamur: rursus ne liberum sic asseramus arbitrium, ut superba impietate ingrati Dei gratia iudicemur.*

Atque hinc calumniandi occasionem Iulianus sum-  
pserat, quasi sanctus Augustinus dixisset gratiam non  
posse cum libero arbitrio cohærere. Quam Iuliani ca-  
lumniam ita proponit S. Augustinus l. 4. in Iulianum  
cap. 8. *Asseris me in alio libro meo dixisse, negari liberum  
arbitrium, si gratia commendetur: Et iterum negari gratiam,  
si liberum commendetur arbitrium. Tum respondet. Ca-  
lumniaris. Non hoc à me dictum est, sed propter ipsius qua-  
estionis DIFFICULTATEM, videri hoc potest dictum  
esse, & putari. Mox ubi recitata paulò antè verba ex l.  
de Gratia Christi cap. 47. retulit, ita prosequitur: Tu  
autem vir honestus & verax, abstulisti verba quæ dixi, &  
dixisti quod ipse finxisti. Ego enim dixi istam questionem  
ad discernendum esse DIFFICILEM. non autem dixi non  
posse discerni. Multò minùs ego dicerem, quod me dixisse  
mentiris: Negari liberum arbitrium si gratia commendetur,  
& negari gratiam, si liberum commendetur arbitrium. Red-  
de verba mea, & vaneſcet calumnia tua. Repone suis locis  
ubi dixi, videatur: ubi dixi, putetur: ut appareat de re  
santa quibus à te fraudibus disputetur. Non dixi, negari  
gratiam, sed, ut negari gratia videatur. Non dixi negari  
arbitrium liberum, vel auferri; sed dixi, ut putetur au-  
ferri. Quod se S. Augustinus dixisse negat, liberum ar-  
bitrium gratiâ extinguì, dixerunt Adrumetini Mona-  
chi, ad quos librum de gratia & libero arbitrio con-  
scripsit, ut ab hoc errore eos deduceret. Nam sic ab  
ipso libri ingressu monet: Sed quoniam sunt quidam, qui  
sic gratiam Dei defendunt, ut negent hominis liberum ar-  
bitrium: aut quando gratia defenditur, negari existiment  
liberum arbitrium: hinc aliquid scribere ad vestram chari-  
tatem, Valentine frater, & ceteri qui simul Deo seruitis,  
compellente inuſua charitate curavi. Quæ omnia apertè*

462 DISPUT. DE LIBERÓ ARBITRIO  
satis conuincunt S. Augustinum cum Pelagianis, &  
Adrumetinis Monachis de illa libertate contendisse,  
cuius cum gratia consensus *difficillima esset, & à paucis  
intelligibilis.*

Iam verò quod secundo loco posueram non libertatis à coactione, sed solius libertatis à necessitate cum Diuina gratia consensum esse intellectu difficillimum, vel me tacente quilibet agnoscit. Nam quis vnquam suspicatus est gratiam Dei, eam voluntati coactionem imprimere, quam impossibile fatentur omnes, quàmque nec ipsis brutorum appetitionibus inferri posse, Philosophi pariter ac Theologi pronuntiant? Quis vel hac tempestate, in qua leuissimæ difficultates excutiuntur operosè, & altercantium Theologorum argumentis in abditissima plerumque mysteria abeunt: quis, inquam, hac tempestate, vel quærendum putauit, an gratia Dei tollat libertatem à coactione? Tam certum est illud, tamque perspicuum, vt ipsi etiam Philosophiæ tyrones, in hac libertate cum Dei gratia componenda ne leuem difficultatis vmbra suspicentur. Et persuadebunt Aduersarij S. Augustinum Doctorum omnium aquilam in hac difficultate caligasse, eamque *difficillimam, & à paucis intelligibilem* appellasse, quam nec Theologi vocant in questionem, quàmque vel vnus diei philosophi nullo negotio dissolunt.

Confirmatur 1. Nemo dixerit intelligi vix posse quomodo visio beatifica cum voluntario Beatorum amore, quem necessariò infert, consentiat; Ergo nec aliquis prudenter dixerit gratiæ efficaciam cum libertate à coactione vix posse componi.

Confirmatur 2. Intelligunt omnes brutorum appetitum, cum naturali illo instinctu, à quo vnâ in partem necessariò rapiuntur, ita conciliari, vt bruta licèt necessariò, sponte tamen appetant; Id, inquam, omnes intelligunt, nec hactenus inuentus est aliquis, qui id vix explicari posse diceret. Numis ergo illiberaliter de



S. Augustino sentiunt, qui illum in explicanda gratiæ cum libertate à coactione concordia laborasse multum contendunt.

Confirmatur 3. Quis theologiâ leuiter aspersus affirmavit vnquam, vix intelligi posse, quomodo Spiritus S. necessariò simul ac voluntariè procederet? Et se torquet S. Augustinus, vt exponat quomodo homines aspirante medicinali gratia necessariò simul ac sponte operentur?

Confirmatur 4. Libertas quæ cum gratiæ efficacia vix componi potest, illa ipsa est, quæ cum Diuina præscientia pugnare videtur: Atqui non libertas à coactione, sed sola libertas à necessitate cum Diuina præscientia pugnare videtur; Ergo non libertas à coactione, sed sola libertas à necessitate cum gratiæ efficacia vix componi potest.

Verùm vt vno verbo rem conficiam, cogita quàm facilè S. Augustinus graui se extricasset, ac molesta difficultate, si in ea, quam Aduersarij illi affingunt, opinione extitisset. Nimirum, id affirmasset vnum, nihil esse facilius quàm gratiam, quantumuis efficacem, voluntati vim propriè dictam, quæ voluntarium omne perimat, imponere non posse. Atque istud iisdem exemplis confirmasset, quæ Aduersarius passim iæctat, quæque omnibus occurrunt, amoris nempe beatifici, & productionis Spiritus S. in quibus summa necessitas cum libertate à coactione, nullo reclamante copulatur. Quæ tamen omnia ad illustrandam gratiæ cum libero arbitrio consensionem nusquam adhibuit.

Huius argumenti vim infringere Aduersarij non possunt, eleuare fortè conabuntur. Proferent ex Doctore suo rationes aliquot, quibus toto ferè libro 8. de Gratia Christi contendit, S. Augustinum de ea tantùm libertate, quæ coactionem excludit, cum gratia efficaci consocianda sollicitum fuisse. Sed tam fluxæ sunt rationes illæ, tam debiles ac propè nullæ, vt vel

464 DISPUT. DE LIBERO ARBITRIO  
iis refellendis extremam huius paragraphi partem im-  
pendere pigeat. Eas omnes ad tria capita reuocabo, &  
singulas clarissimis S. Augustini, atque ipsius etiam Ad-  
uersarij testimoniis dissoluam.

Libro 2. de  
grat. Chri-  
sti cap. 5.

Opponunt primò: Cùm Pelagiani S. Augustino ex-  
tinctam libertatem exprobrant, aiunt illum docere,  
voluntatem gratiâ *cogi*: Et S. Augustinus cùm negat  
se liberum arbitrium enecare, hoc vnum ait, volunta-  
tem gratiâ non *cogi*; Ergo solam à coactione libertatem  
cum gratia componere satagit. Nouus Doctor antece-  
dens probat insigni, atque, vt videtur, manifesto S. Au-  
gustini testimonio, ex lib. 1. Operis imperfecti pag. 151.  
vbi percontanti Iuliano: *Interrogo ad quem modum li-  
beratur voluntas. An ut bonum semper VELLE COGA-  
TUR, & malum velle non possit? An ut utrumque possit  
appetere*: responderet S. Augustinus: *Absit ut dicatur à no-  
bis: SI ENIM COGITUR, NON VULT.*

O fluxam Aduersarij memoriam: Itæne verò tam  
breui illi excidit, quod libro 2. de Hæresi Pelagiana  
cap. 1. scripserat, Pelagianos atque in primis Iulianum,  
cùm alibi sæpe, tum hoc præcipuè loco, nomine co-  
actionis simplicem necessitatem, quæ vni parti volun-  
tatem affigat, designasse. Quanquam quid Aduersarij  
memoriam accuso? Contingere facile potuit, vt qui  
in hoc parturiendo opere annos plus viginti posuisse  
dicitur, primæ partis non recordaretur, cùm extre-  
mam elaborauit. Non est igitur quòd illi obliuionem  
exprobrem, hinc tamen expeditam superioris argu-  
menti solutionem repero, quam ipsius Aduersarij con-  
textam verbis hîc subiicio. De Pelagianis, ac præcipuè  
de Iuliano sic loquitur: *Hanc autem necessitatem subinde  
coactionem vocat. NON ENIM TAM INTELLIGIT  
COACTIONEM PROPRIE DICTAM, QUÆ FIT  
RENITENTE VOLUNTATE, QUAM ILLAM AD  
VNAM PARTEM ADDICTIONEM, quâ liberum  
arbitrium non nisi bonum, vel non nisi malum velle posse di-  
ceretur.*



*ceretur, siue voluntate sua reniteretur, siue non. Cùmque huic coactionis significationi probandæ Pelagij locum adduxit, addit: Satis superque docet hoc se vocare coactionem, quæ ad unam siue boni, siue mali partem affigit, ita ut ad contrarium, ut ipse latius diducit, transire non possit. Tum ait Iulianum in eadem huius vocis intelligentia Pelagio consentire: quod probat ex eo ipso loco Operis imperfecti pag. 151. docetque, ibi Iulianum pro illidem habere, cogi, & virumque non posse. Vnde, inquit, ipse Iulianus interpret sui factus coactionem necessitatēque coniunxit, cùm dixit: Esse possibilitatem illam experiem cogentis necessitatis, ut pote quæ in suo iure habet, utram suggerentia partem sequatur.*

Multum debeo nouo Doctori, quoddam tam copiosè ostenderit, Iulianum cùm alibi sæpè, tum eò præsertim loci, coactionis nomine *non coactionem propriè dictam; quæ sit non uolente voluntate, sed necessitatem, quæ voluntatem nec repugnantem vni parti affigit, expressisse.* Nam inde clara est illius argumenti solutio, quod libro 8. de Gratia Christi cap. 5. indidem repetit, ut probet libertatem illam, quam cum gratia pugnare Iulianus putat, & negat S. Augustinus, non esse libertatem à necessitate, sed à coactione propriè dicta. Cui responsioni multum inde roboris accedet, quoddam S. Augustinus, alique illius xui scriptores hoc sensu coactionis nomen vsurpent. Ita Manichæi affirmabant, ut docet S. Augustinus Disputatione 2. contra Fortunatum, & libro de duabus animabus cap. 12. *animam à contraria natura cogi delinquere, id est, ex ipsius S. Augustini interpretatione, ita pellici ad peccandum, ut resistendi potestas nulla sit.* Eandem huic voci notionem S. Augustinus subiicit, cùm Fortunatum Manichæum sic affatur Disputatione 1. *Quomodo habemus peccata, si natura contraria nos cogit facere quod facimus? qui enim cogitur necessitate aliquid facere non peccat.* Et libro contra Secundinum Manichæum cap. 19. Si

*cogitur consentire, ita ut non sit in eius potestate aliter facere, &c. non voluntate consentit.* Negare Aduersarij non possunt, his omnibus in locis non propriè dictam coactionem, quæ voluntarium omne perimat, sed simplicem tantum necessitatem exprimi: nam de Manichæorum opinione agitur, qui non aliam ex bono, seu malo principio necessitatem oriri fingebant. Cum ergo apud S. Augustinum cum Pelagianis atque Manichæis depræliantem constans sit illa coactionis notio, cur Aduersarij hac in voce nobis insidias moliantur?

Libro 8. de  
gratia Christi  
lib. cap. 5. 6.  
8.

Opponunt secundò, S. Augustinum ad copulandam cum gratia arbitrij libertatem id vnum demonstrare, hominem, etsi gratiâ præueniatur, agere nihilominus voluntate; Ergo, inquit, eam tantum libertatem, quæ in voluntarium incidit, cum gratia conciliat. Obtrita est à nobis isthæc obiectio, dum cap. 1. sect. 2. pluribus ostendimus S. Augustinum voluntatis nomine eam tantum designasse, quæ omni prorsus necessitatis vinculo est expedita. Quod cum Aduersarius ipse non agnouerit modò, sed etiam probauerit libro 4. de statu naturæ lapsæ cap. 21. intelligere profectò non possum, quo pudore hîc supponat, voluntatis nomine apud S. Augustinum volitionem quamlibet, etiam necessitate profusam censerî. Probare saltem debuit iis in locis, quæ hîc allegat, voluntatis nomen in ampliori illa significatione usurpari. Nam hic difficultatis nodus & cardo, qui his Aduersarij intercalaribus glossis (*id est volitio*) quas hîc quoque passim inserit, firmari non potest.

Respondeo igitur paucis ac dilucidè, idem esse apud S. Augustinum bene agere voluntate, & bene agere absque vlla necessitate. Vnde colligo S. Augustinum toties agere de libertate ad vtrumlibet, quoties docet hominem voluntate bene agere. Argumentis omnibus quibus illud superiùs euici, vnum hîc addo validum in primis & efficax: Idem est apud S. Augustinum



Voluntate peccare, & absque vlla necessitate peccare; Ergo idem quoque est voluntate bene agere, & absque vlla necessitate bene agere. Antecedens sumitur ex nupero Theologo, qui idcirco docet primum tantum hominem peccasse voluntate, alios verò omnes necessitate. Consequentia clara est, quia utrobique voluntas eodem explicari sensu debet. Confirmatur, Ex S. Augustino libro contra Secundinum Manichæum cap. 19. si anima bona malæ illecebris ita ad voluntarium consensum cogitur, *ut non sit in eius potestate aliter facere, non voluntate consensit.* Ergo à pari, anima quæ gratiæ illecebris ita ad voluntarium consensum impellitur, *ut non sit in eius potestate aliter facere, non voluntate consensit.*

Libro 4. de  
statu nat.  
lapſæ cap.  
21.

Opponunt tertid, S. Augustinum libro de Gratia & libero arbit. & alibi sæpe ex his sacræ scripturæ locis liberum arbitrium probare, quibus homo dicitur *velle*, aut *nolle*; Ergo homo hoc ipso liber est quo vult, aut non vult; ac proinde gratia eatenus libertati non repugnat, quatenus non impedit, quo minus homo velit, aut nolit. Respondeo, apud S. Augustinum illum tantum velle, qui absque necessitate vult, aut non vult. Fusissimè illud demonstraui cap. 1. sect. 2. & 3. pauca tantum auctarij loco adiciam. S. Augustinus libro 1. Operis imperfecti pagina 151. Iulianum sic affatur: *Quomodo autem dicas eum cuius voluntatem nos dicimus à Domino preparari, ita fieri bonæ voluntatis, ut bonum velle cogatur, (quod absit ut dicatur à nobis) videris præclara intelligentia tua: SI ENIM COGITVR, NON VULT.* Contendit Aduersarius libro 2. de Hæresi Pelagiana cap. 1. hîc coactionis nomine, *non coactionem propriè dictam, sed additionem ad vnâ partem*, seu necessitatem exprimi. vnde sic disputo: Docet S. Augustinus, eum qui ad volendum cogitur ea coactione, quam Iulianus à gratia inferri putabat, non velle: At coactio illa non erat coactio propriè dicta, sed necessitas tantum ad vnum affigens; Ergo docet S. Augustinus eum

Libro 2. de  
grat. Chri-  
ſti cap. 5.

468 DISPUT. DE LIBERO ARBITRIO  
qui ad volendum cogitur non coactione propriè dicta,  
sed necessitate ad vnum affigente, non velle. Qua-  
propter libro contra Secundinum cap. 19. negat bo-  
nam animam velle & consentire, si malè blanditiis  
ad consensum necessariò impellitur. Si cogitur, inquit,  
consentire, ita ut non sit in eius potestate aliter fa-  
cere, &c. non voluntate consentis. Quid ita? Quia si cogitur, inquit,  
cedere potius, quàm consentire dicenda est.

Ratio à priori est, quòd voluntas tunc tantùm dica-  
tur velle, aut nolle cùm agit ut voluntas: Atqui  
tunc tantùm agit ut voluntas, cùm agit absque vl-  
la necessitate; Ergo tunc tantùm dicitur velle aut  
nolle, cùm absque vlla necessitate agit. Sed istud  
capite primo fusiùs à nobis disputatum est. Indi-  
dem solui potest quod hìc quoque Aduersarius oppo-  
nit: S. Augustinum, ut ostendat gratiam coherere cum  
libero arbitrio, id vnum probare, voluntatem agere,  
& cooperari gratiæ: Nam voluntas tunc tantùm age-  
re, & cooperari dicitur, cùm agit ut voluntas, id est  
liberè. Vnde respectu gratiæ præuenientis, quæ est actus  
quidam voluntatis indeliberatus, agere voluntas & co-  
operari Deo non dicitur; quia licèt illum actum vita-  
liter, ac proinde sine physica coactione producat, li-  
berè tamen non producit, prout liberum à spontaneo  
distinguitur. Quâ de re dicam paulò fusiùs sectione se-  
quenti paragrapho 3.

### SECTIO III.

*S. Augustinus cum Pelagianis dimicans manifestè  
docet, hominem lapsum non à coactione tantùm,  
sed etiam à necessitate liberum esse.*

**H**ic clypeo, hìc telis opus est. Nam & propulsan-  
da Aduersariorum calumnia, & eorum opinio  
impugnanda. Calumnia est quod docet Calvinus li-



bro 2. Institutionum cap. 3. libertatem à necessitate non posse homini lapso, sine Pelagiano errore, vindicari. Illud ipsum Tridentinis Patribus maiori proteruita Chemnicius obiicit in examine Concilij Tridentini ad sessionem 6. vbi & Tridentinos ait, *non serio, sed pro forma tantum Pelagium damnasse*, quòd aliquot eius errores ita proscripserint, vt libertatem à necessitate, quæ omnium fons est & origo, retineant. Dordrechtana quoque Synodus Pontificios Pelagio accenset pag. 730. quòd eandem homini lapso libertatem adscribant. Reliquos non commemoro Calvinianæ nationis principes, quorum in libris tam frequens est illa calumnia, vt singulas ferè paginas impleat.

Horum vestigiis ingressus nouæ opinionis faber toto passim opere contendit, Pelagianæ hæresis fontem, atque vt loquitur, *nidum*, libertatis indifferentiâ contineri. Quamobrem quod de Concilio Tridentino Chemnicius dixit, Scholasticis Doctoribus accommodat: nimirum, illos non serio, sed pro forma tantum Pelagium damnare, cum ita asserunt gratiam ad bene agendum necessariam esse, vt voluntati gratiâ instructæ libertatem à necessitate concedant.

Hanc ego calumniam à Tridentinis Patribus, & Doctoribus Scholasticis depellere conabor, & ex iisdem S. Augustini locis, quibus illa fulcitur nouum dogma impugnabo.

Libro 1. de  
Hæresi Pe-  
lagiana cap  
1. libro 7.  
de gratia  
Christi cap.  
11. & alibi  
passim.

### PARAGRAPHVS I.

*Libertas à necessitate hominibus lapsis ex eo vindicatur, quòd S. Augustinus in eandem humane libertatis notionem cum Pelagianis consentiat.*

PRÆMITTENDVM est, liberum arbitrium in genere, facultatem esse nulla obstrictam necessitate, sed

470 DISPUT. DE LIBERO ARBITRIO  
ad utrumvis è duobus propositis eligendum expedi-  
tam. Hæc propria libertatis illius notio, quæ Deo,  
Angelis & hominibus communis est. Alia est libertatis  
ratio, soli creaturæ rationali, atque eo duntaxat tem-  
pore, quo meriti & demeriti capax est, conueniens,  
quæ his Ecclesiastici verbis adumbratur: *Ante hominem  
bonum & malum, quod placuerit ei, dabitur illi.*

Libro 2. de  
Hæresi Pe-  
lagiana  
cap. 1 & lib.  
de gratia  
Christi  
cap. 17.

Errauerunt Pelagiani cum hanc bene & malè agen-  
di indifferentiam ad liberum arbitrium in genere po-  
stularunt: quod eos fecisse ex pluribus S. Augustini  
testimoniis Aduersarius demonstrat. *Principium*, in-  
quit, *apud ipsos primo-verum & indubitatum fuit, non esse  
liberum cui non in utrumque contrariorum, bonum videlicet  
& malum, par potestas esset, &c.* Inepta est & sacrilega  
hæc eorum opinio, cum Deo liberum arbitrium abiui-  
dicet, ut S. Augustinus Iuliano exprobrat libro 1. Ope-  
ris imperfecti pag. 150. At eadem libertatis notio via-  
tori homini, quatenus meriti & demeriti capax est, re-  
ctè ab illis tribuitur.

Quapropter nunquam S. Augustino de humanæ li-  
bertatis notione cum Pelagianis certamen fuit, sed in  
eandem utrique conuenerunt. Demonstrari illud fa-  
cilè potest ex libro 2. de nuptiis & concupiscentia cap.  
3. ubi Iuliano ita expostulanti: *Si quis aut liberum in ho-  
minibus arbitrium, aut Deum esse nascentium conditorem  
dixeris: Celestianus & Pelagianus vocatur:* sanctus Au-  
gustinus respondet: *Non est ita ut loqueris, quicumque  
ista dixisti, non est ita: multum falleris, vel fallere medita-  
ris, non liberum negamus arbitrium, &c.* Liberum itaque  
in hominibus esse arbitrium, & Deum esse nascentium con-  
ditorem utrique dicimus, non hinc estis Celestiani, & Pe-  
lagiani. Liberum autem quemquam esse ad agendum bonum  
sine adiutorio Dei, & non erui paruulos à potestate tenebra-  
rum, & sic transferri in regnum Dei, hoc vos dicitis, hinc  
estis Celestiani, & Pelagiani. Quid ostendis ad fallendum  
communis dogmatis segmen, ut operias proprium crimen,



*unde vobis inditum est nomen?* Communis igitur Catholicis atque Pelagianis fuit humanæ libertatis notio. Nam si in voce tantum conueniunt, re autem ipsa & subiectâ verbo notione dissident, fallitur ipse S. Augustinus, cum ait vtrisque commune esse liberi arbitrij dogma, siquidem solum nomen commune est: nec dicere debuit: *Liberum in hominibus esse arbitrium vtrique dicimus*: sed potius: Liberi arbitrij nomen vtrique retinemus: at vos liberi arbitrij nomine facultatem intelligitis simplici necessitate expeditam, hinc estis Celestiani, & Pelagiani: Nos verò eadem voce intelligimus facultatem quæ sine coactione operetur, hinc sumus Catholici.

Illustratur hæc ratio: Estne vnquam fassus, aut potuitne confiteri vnquam S. Augustinus, communem sibi de gratia cum Pelagianis doctrinam esse, neque hinc Celestianos esse, aut Pelagianos? Nemo id, opinor, dixerit. Quamobrem autem? quia quanquam illi necessariam esse ad honesta opera gratiam asserabant, aliud tamen gratiæ nomine intelligebant, quàm intelligi par erat. Similiter igitur, quamuis liberum arbitrium voce tenus agnoscerent; tamen si notionem huic vocabulo subiiciebant orthodoxæ contrariam, profiteri illud S. Augustinus non debuit: *Liberum in hominibus arbitrium vtrique dicimus*: Sed iam inde à principio disputationis exponere, quid liberi arbitrij vocabulo significarent Pelagiani, quid Catholici: quemadmodum, vbi de gratia disputatum est, primum ostendit quàm in ipsa gratiæ notione grauiter errarent Pelagiani; neque prius quidquam effecit, quàm statueret, quid esset hoc gratiæ nomine comprehensum.

Probatnr ampliùs ex his S. Augustini locis, quibus traditam à Pelagianis humanæ libertatis definitionem refert. Primus petitur ex Opere imperfecto libro 1. pag. 118. vbi sic loquitur Iulianus: *Omnia, quæ ratione susci-*

pitur de aliqua re, disputatio, debet à definitione proficisci, ut intelligatur, quid sit id de quo disputatur. Ita & nos, &c. Nunc quoque videamus, quæ libertati arbitrij definitio competat, ut planum sit, quis nostrum consentiat, quis repugnet. Hac conditione acceptâ, æquissimâ certè, quàmque recusare nemo prudens possit, debuit ante omnia convenire inter eos de aliqua libertatis definitione; debuit S. Augustinus vel approbare eam, quam Iulianus continuò subiungit; vel aliam, hac reiectâ, proferre. Videamus porrò utrum faciat. Sic pergit Iulianus: *Libertas arbitrij, quâ à Deo emancipatus homo est, in admittendi peccati, & abstinendi à peccato possibilitate consistit.* Hic, quod ad nos in præsentî nihil attinet, S. Augustinus obiter castigat has voces: *quâ emancipatus à Deo homo est.* Tum prosequitur Iulianus: *Factum est enim animal rationale mortale, capax virtutis & vitij, &c.* Sic Iulianus libertatem definit, sic allatam à se definitionem explicat, & confirmat. Hanc disputationis totius basim, hunc cardinem statuit, & approbante certè S. Augustino. Ostendatur enim hic vocula vel vna, quâ libertas à necessitate tam disertè à Iuliano expressa perstringatur. Atqui & obsistere acriter & reclamare suo iure debuisset, id si putasset doctrinæ suæ, & gratiæ Christi capitaliter infensum, quod videbat sic tanquam caput constitui, ex quo tam gravis controuersię exitus penderet. Hoc vnum improbat, quòd dicant voluntatem, de suo iustitiam concipere: petitque tantùm ut intelligant, non aliud esse arbitrium laudabiliter liberum, nisi quòd fuerit Dei gratia liberatum. At de libertate à simplici necessitate querela nulla.

Eodem libro pag. 146. ita rursus loquitur Iulianus: *Voluntas eo ipso tempore quo peccat, potestatem habet recedere à malo, & facere bonum, ut constet ratio libertatis.* Hæc est illa humanæ libertatis definitio, quam Adversarius tam hostiliter insectatur. An S. Augustinus eodem est in illam animo? Minimè verò. Neque enim  
Aristo-



Aristoteleam, falsam, Hæreticam nuncupat: sed libenter amplectitur, modò gratiæ auxilium Iulianus non excludat. *Ex quo, inquit, homo incipit vti voluntatis arbitrio, & peccare & non peccare potest: sed alterum horum non facit nisi adiutus ab eo, qui dixit: Sine me nihil potestis facere. Quamobrem pag. 121. Iuliano rursus inculcanti: Libertas arbitrii possibilitas est, vel admittendi, vel vitandi peccati, expers cogentis necessitatis, qua in suo iure habet, utram suggerentia partem sequatur: id vnum opponit: Homo non potest seruus esse iustitiæ, & liber à dominante peccato, nisi eum filius liberauerit. Et pag. 122. hæc Iuliani verba: Si ergo est, vt ratio prodidit, arbitrii libertas propulsatrix necessitatum, vt nemo sit vel bonus, vel malus, cui non sit liberum esse contrarium, &c. præterit intacta, idque vnum monet: Charitatem esse, quæ facit liberum ad ea quæ facienda sunt.*

Ex his omnibus ita colligo: Nihil haberet S. Augustinus quod in his liberi arbitrii definitionibus improbaret, si Pelagiani faterentur voluntatē non posse sine gratiæ auxilio concipere iustitiam, & bene agere: Atqui illas liberi arbitrii definitiones sic accipimus, vt fateamur voluntatem non posse sine gratiæ auxilio iustitiam concipere, & bene agere; Ergo nihil haberet S. Augustinus quod in his liberi arbitrii definitionibus, pro vt à nobis accipiuntur, improbaret. Quid hîc ergo tot tragiædias nouus doctor excitat? Quid S. Augustinum nobis opponit?

Dices, S. Augustinum satis innuere hanc sibi definitionem minùs probari, dum cap. 98. eiusdem libri pag. 150. Iuliano eandem perstringenti, sic respondet: Si liberum non est, nisi quod duo potest velle, id est, bonum & malum: liber Deus non est, qui malum non potest velle, de quo etiam ipse dixisti, Deus esse nisi iustus non potest: sic cine Deum laudas, vt ei auferas libertatem? Locatur credo, qui istud obiicit. Nam quid nobis incommodat? Fateor definitiones illas libertatis, quibus peccandi & non

474 DISPUT. DE LIBERO ARBITRIO  
peccandi possibilitas esse dicitur, ad libertatem quamlibet non pertinere, atque adeo Iulianum hinc merito vapulare, quòd eas ad omnem promiscuè libertatem extenderet. At iisdem contendo humanam libertatem, prout meriti, ac demeriti principium est, accuratè describi. Vnde cùm eas Iulianus soli humanæ libertati applicauit, nihil habuit S. Augustinus quod in eius oratione reprehenderet.

Confirmatur 1. ex his Pelagij verbis, quibus suam opinionem Innocentio Papæ probare nititur: *Ecce ad beatitudinem tuam epistola ista me purget: in qua purè, & simpliciter ad peccandum, & ad non peccandum integrum liberum arbitrium habere nos dicimus: quod in omnibus bonis operibus Diuino semper adiuuatur auxilio.* Hæc Pelagij verba S. Augustinus recitat l. de Gratia Christi c. 31. neque illam liberi arbitrij notionem repudiat, sed id tantùm monet, ne gratiæ nomine legem ac doctrinam obtrudat. *Quærimus, inquit, quo auxilio liberum adiuuari dicat arbitrium: ne forte, sicut solet, velut intelligi legem atque doctrinam.* Quæro ego an illa liberi arbitrij notio, quæ à Pelagio indifferenti ad peccandum, & non peccandum facultate definiebat, vera sit & Catholice fidei consentanea, an verò falsa, & Ecclesiæ doctrinæ capitaliter infensa? Si vera est: quid tumultuantur Aduersarij? Si falsa: cur de ea silet S. Augustinus? cur hæc reiectâ genuinam libertatis notionem non profert? Mirum id finè si iam Theologus aliquis liberum arbitrium definiat facultatem quæ in vtrumvis propendere potest: si ad eam libertatem, quæ meriti & demeriti principium est, requiri dicat, vt peccare possimus, & non peccare, continuò vociferantur recentis sectæ emissarij: Falsa est illa definitio, Aristotelea, Hæretica, Pelagiana. At cùm eandem Pelagius ipse usurpat, silet S. Augustinus, nec illam carpit, aut improbat. Sed eâ prætermisâ, de gratiæ ambiguitate quæritur.



Si Pelagius ita ad Innocentium scripsisset: Ecce ad beatitudinem tuam epistola ista me purget, in quâ nullum esse peccatum originale dicimus, & hominem in omnibus bonis operibus Diuino semper adiuuari auxilio: quis S. Augustinum non rideret, si prætermisâ priori parte, quæ manifestè hæretica est, in posteriori, quæ Catholicum sensum præ se fert, excutienda tempus tereret? Non minùs absurdè in Aduersariorum opinione S. Augustinus responder; si quidem priora Pelagij verba, quæ, vt aiunt, hæreticam liberi arbitrij notionem apertè continent, illibata transilit: de posterioribus verò altereatur, quæ Catholicum facilè in sensum trahi poterant. Longè profectò efficacius Pelagium confutasset aliquis è recenti secta Theologaster. Sic enim exclamasset: Non te illa purgat Epistola, tuam potiùs hæresim prodit, cùm in ea liberi arbitrij indifferentiam prædices: hic erroris tui fons est & origo: quandiu hanc libertatis notionem retinebis, quamcunque illi demum gratiam adiungas, nunquam Hæretici nomen effugies. Si catholicus vis haberi libertatem definias oportet: facultatem physicæ coactionis expertem. Hæc catholica liberi arbitrij notio: hæc Ecclesiæ fides & sententia. Hoc si dixisset S. Augustinus, longis, operosisque disputationibus perpercisset, & hac vna ratione Pelagij præfocasset hæresim.

Confirmatur 2. ex illa fidei professione, quam Pelagius ab Innocentio damnatus, ad eundem cum superiori Epistola misit anno 417. Extat illa tomo I. Concil. pag. 876. Extat & apud Baronium, qui ex Vaticano codice promptam Annalibus inseruit ad annum 417. num. 36. Extat denique inter aliena Hieronymi, hoc titulo *Explanatio fidei ad Damasum*. Sub finem Pelagius ita loquitur. *Liberum sic esse constemur arbitrium, vt dicamus nos semper Dei indigere auxilio, & tam illos errare, qui cum Manichæis dicunt, hominem peccatum vitare non*

posse, quàm illos qui cum Ioviniano asserunt, hominem non posse peccare: uterque enim tollit libertatem arbitrij. Nos verò dicimus hominem semper, & peccare & non peccare posse, ut semper nos liberi confiteamur arbitrij. Hæc est fides, Papa beatissime, quam in Ecclesia Catholica didicimus. Hanc Pelagij Epistolam Innocentio mortuo Zozimus accepit, eamque sic probavit, ut ad Africanos Episcopos, qui Pelagium damnauerant acerrimas litteras dederit, quibus & Pelagij fidem ornatissimè commendat, & Enotem, ac Lazarum eius accusatores vehementer carpit. Zozimum deceperant fidei illa Pelagij verba: *Liberum sic esse confitemur arbitrium, ut dicamus nos semper Dei indigere auxilio.* Hinc ad Africanos Episcopos ita scribit: *Vtinam ullus vestrum, Dilectissimi Fratres, recitatione litterarum interesse potuisset. Quod sanctorum virorum, qui aderant, gaudium? Que admiratio singulorum? vix fletu quidam se & lachrymis temperabant. Talem etiam absolute fidei infamari potuisse? Estne ullus locus in quo Dei gratia & adiutorium prætermisum sit? S. Augustinus quoque libro de gratia Christi cap. 33. cum eadem Pelagij verba retulisset, subdit: *Iterum quærimus quo auxilio nos indigere fateatur: illum quippe cum Zozimo absoluturus, si internam Christi gratiam necessariam esse fateretur.* Hinc ita disputo. Zozimus hanc professionem fidei à Pelagio oblatam probat: *Nos verò dicimus hominem semper & peccare & non peccare posse, ut semper nos liberi confiteamur esse arbitrij.* quia putabat illum fateri necessariam esse Christi gratiam ad non peccandum; Ergo qui illam liberi arbitrij definitionem sic accipiunt, ut fateantur necessariam esse ad non peccandum Christi gratiam, catholicè sentiunt.*

Confirmatur 3. S. Augustinus l. de gratia Christi c. 33. cum istud Pelagij: *Liberum sic esse confitemur arbitrium, ut dicamus nos semper Dei indigere auxilio,* recitasset: id tantum quærit, *quo auxilio nos indigere fateatur.* Quæro ego, cur Pelagio nihil negotij facit S. Augustinus de



libero arbitrio, cuius expressam mentionem hâc in propositione facit Hæreticus? Debuisset enim facere, si in eius notione inter se discrepassent. Nam quia de gratiæ natura dissentiebant, idcirco cùm sit à Pelagianis gratiæ mentio, non satis est S. Augustino agnosci ab iis gratiam: sed iubet Doctor vigilantissimus profiteri, quænam illa gratia sit. Sic lib. de grat. Christi c. 31. cùm Pelagius dixisset: *Liberum arbitriũ habere nos dicimus, quod in omnibus bonis operibus Diuino semper adiuuatur auxilio.* S. Augustinus quærit: *Quo auxilio.* Et paulò pòst, asserente Pelagio *liberum arbitrium in Christianis iuari à gratia,* vrget S. Augustinus: *Iterum querimus quâ gratiâ?* Si ergo cum iis, vti de gratiæ, ita de liberi arbitrij acceptione pugnabat, cur non perinde ait: Quærimus quod liberum arbitrium? Nam in citatis locis omnibus, tam est diserta liberi arbitrij, quàm gratiæ facta mentio. Cur à Pelagio toties iactante se liberum homini arbitrium tribuere, ne semel quærit, an liberum illud arbitrium, sit liberum à coactione interna, an à simplici necessitate. Nam hac vna interrogatione Pelagium implicasset, eiúsque hæresis iugulum petiisset.

## PARAGRAPHVS II.

*Idem efficitur ex Pelagianorum circa liberum arbitrium errore, & S. Augustini cum illis confictu.*

CLAMOSA rursus voce Aduersarius insonat, Pelagianos esse eos, qui liberum arbitrium ancipiti & ad vtrumlibet indifferenti facultate metuntur. Quid ita? Quia Pelagiani, inquit, illam liberi arbitrij notionem ex prophana accersitam Philosophia ad extenuandam Christi gratiam inuexerunt. Ridiculè. Non errabant Pelagiani quòd illam liberi arbitrij notionem, non tam ex Philosophis, quàm ex ipsa haustam natura, & sacra-

rum litterarum auctoritate comprobata[m] vsurparent. Sed quòd inde colligerent, voluntatem natiuis viribus, sine vllò gratiæ præsidio, ad virtutem eniti posse. Hic Pelagianorum error, hæc hæresis. Reclamat Adversarius, acriterque contendit Pelagianæ hæresis virus hac voluntatis flexibilitate contineri: sic planè, vt qui semel liberum hominis lapsi arbitrium indifferenter ad vtrumlibet facultatem esse definierit, etsi postea gratiam ad bene agendum necessariam esse fateatur, abire tamen non possit, quin S. Augustino iudice in Pelagij hæresim incidat. Nimis proteruè calumniatur, qui ita pronuntiat: quod vt constet,

● Obseruandum 1. liberum arbitrium duobus modis spectari posse. Primò, pro naturali facultate secundùm se sumpta, quæ pro libito potest alterutrum è duobus eligere, siue, quæ positis omnibus ad agendum requisitis agere potest, & non agere. Secundò, pro facultate omnibus ad bene agendum viribus instructa. Quæ duo quantùm inter se distent, hoc exemplo intelligitur. Aliud est oculum posito lumine videre posse, aliud habere lumen ad videndum. Nam qui cæcus non est, etsi tenebroso claudatur specu, & nulla collustretur luce, oculos tamen habet, quibus cùm lux adfuerit, videre poterit. Ita aliud est, hominis voluntatem esse eiusmodi, vt positis omnibus ad agendum prærequisitis agere possit & non agere: aliud, eam omnia ad bene agendum prærequisita habere. Primum ad libertatem naturæ spectat. Secundum ad libertatem gratiæ, siue ad laudabilem illum liberi arbitrij statum, ad quem Diuinâ gratiâ euehimur. Prima libertas deleri peccato non potest. Nam etsi voluntas necessariis ad bene agendum præsidiis spoliatur, & infami Dæmonis seruituti mancipata, ne leuissimum quidem melioris vitæ votum de se concipere possit, talis est tamen semper, vt cùm aliunde necessaria ad bene agendum subsidia adfuerint, & cælestis gratiæ aura afflauerit, agere possit



& non agere. Secunda, primi parentis culpâ perire. Nam tum omnibus gratiæ præfidiis destituti, eam in miseriam incidimus, ut non *simus sufficientes cognare aliquid ex nobis, tanquam ex nobis.*

Qui cum Caluino aliisque superioris æui Hæreticis congressi sunt Catholici, hanc vtriusque libertatis distinctionem diligenter obseruarunt; quòd ex illa totius de libero arbitrio controuersie disceptatio penderet. Hinc Bartholomæus Camerarius l. 1. de libero arbitrio contra Caluinum cap. 3. *Ignoras, inquit, aliud esse hominem libertatem arbitrii habere, hoc est potentiam consentiendi, vel dissentiendi, ut dixi: quod nature liberum dicitur arbitrium. Aliud verò libertatem meritorie operandi institiam: quod liberatum liberum dicitur arbitrium.*

Obseruandum 2. S. Augustinum cùm aduersùs Manichæos ageret, primo sensu liberum arbitrium sumpsisse: pro illa scilicet facultate, quæ neutri parti necessatio affigitur, sed in vtrumuis nutu suo ac momento flecti potest. Quia cum illis ipsi res erat, qui hanc homini libertatem eripiebant. Hinc libro de duabus animabus capite 12. liberum illud arbitrium, quod aduersùs fanaticam Manichæorum hæresim tuebatur, definit *librum animi motum ad faciendum, aut non faciendum.* Eodem quoque sensu liberum arbitrium accipit, cùm illud aduersùs Stoicos, & Astrologos defendit. Quid obrem eò semper disputationis suæ vim confert, ut probet hominis voluntatem nec à stellis, nec à malo aliquo principio ita vnam in partem inclinari, ut illi non sit integrum in alteram se reflectere. At cùm Pelagianos insectatur, sæpè altero sensu liberum arbitrium sumit: nimirum, pro facultate omnibus ad bene agendum viribus instructa. Quia sic Pelagiani liberum arbitrium interpretabantur, cùm illud homini lapso vegetum & integrum adscribebant. Atque hinc est quòd S. Augustinus cum Pelagianis disputans, aliquando præcisè negat, inesse homini lapso

liberum arbitrium. *Libero arbitrio*, inquit in Enchiridio ad Laurent. cap. 30. *malè. uicns homo & se perdidit & ipsum.* Et l. de perfectione iustitiæ c. 4. *uicta uirtus, in quod cecidit uoluntate, caruit libertate natura.* clarissimè in Epist. ad Vitalem, quæ est 107. *liberum arbitrium ad diligendum Deum primi peccati granditate perdidimus.* Quæ omnia Caluinus auidè arripit ad natiuam hominis libertatem profligandam. Imperitè, & maliciosè. Neque enim his in locis S. Augustinus liberi arbitrij nomine natiuam hominis libertatem intelligit; sed facultatem omnibus ad bene agendum viribus præditam; siue possibilitatem completam bene agendi, quam nos Adami peccato amisisse testatur Celestinus in Epistola ad Episcopos Galliarum cap. 4.

Atque hanc mentem suam apertè satis explicat S. Augustinus, cùm à Pelagianis negati liberi arbitrij postulatur. Nam tum disertè pronuntiat, quo sensu libertatem asserat, quo sensu neget, ut in Epistola 47. ad Valentinum: *Fides*, ait, *Catholica neque liberum arbitrium negat: neque tantum ei tribuit, ut sine gratia ualeat aliquid.* Et l. 1. ad Bonifacium cap. 2. *Quis nostrum dicat quòd primi hominis peccato perierit liberum arbitrium de humano genere? libertas quidem periit per peccatum, sed illa quæ in paradiso fuit habendi plenam cum immortalitate iustitiam, propter quod natura humana Diuinâ indiget gratiâ.* Et l. 2. ad eundem Bonif. cap. 15. *Peccato Ada liberum arbitrium de hominum natura peruisse non dicimus, sed ad peccandum ualere in hominibus subditis diabolo: ad bene autem uiuendum non ualere, nisi ipsa uoluntas hominis Dei gratiâ fuerit liberata, & ad omne bonum actionis, cogitationis, sermonis adiuta.* Negabat igitur sanctus Augustinus inesse homini liberum arbitrium, quod propriis viribus, sine ullo Dei auxilio bene agere posset. At eidem homini illud arbitrium vindicabat, quod aduersus Manichæos definierat, *liberum animi motum ad faciendum, aut non faciendum.*



Vna hac ferè prolusione confecta res est. Nam quilibet veritatis, quàm rixarum amantior, inde colliget, nunquam S. Augustinum cum Pelagianis de nativitate illa hominis libertate, quæ potestas est ad verumlibet, decertasse. Atque adeo iniquè illos facere, qui hanc libertatis notionem, & Pelagianam esse, & à S. Augustino damnatam erimantur. Obstreper adhuc Calvinus, aliique omnes ab eo profecti Hæretici, docentque errasse Pelagium, quòd primam illam libertatem hoc in statu retineret, pugnaretque, hominem non à coactione tantùm, sed etiam à simplici necessitate liberum esse. Sed hanc calumniam à Catholicorum opinione dudum repulerunt Scriptores Catholici: atque inprimis Ioannes Malderus Episcopus Antuerpiensis in eo libello, quo Dordrechtanz Synodi decreta excutit, & confutat. Statuerant latrocinialis illius Synodi Patres proscripti, sine Pelagiano errore affirmari non posse, in hominis positum esse arbitrio gratiæ prævenienti assentiri, vel dissentiri, atque hoc nomine Concilium Tridentinum Pelagianismi insimularant pag. 730. Malderus hanc eorum calumniam, & argumenta aliquot, quibus illam firmant ita proponit pag. 253. *Quarto, si possis omnibus (inquit Synodus) qua ad perseverandum in fide necessaria sunt, dicatur pendere semper à voluntatis arbitrio, ut perseveres, vel non perseveres, recipitur manifestus Pelagianismus, & ponuntur homines sacrilegi, ut sint liberi, &c.* Hæc Dordrechtanz Synodi obiectio, ex ipso Caluino petita, cui Malderus ita respondet: *Quis unquam Pelagianum esse dixit, si Deus ita dicatur ad perseverandum hominem dirigere, armare, & gratiâ suâ munire, ut interim sit in eius etiam sic muniti arbitrio non perseverare?* QVANDIV NON DICIS, SVIS HOMINEM VIRIBVS PERSEVERARE SINE DIVINÆ GRATIÆ DONO, ETIAMSI DICAS IN ARBITRIO IPSIVS MANERE, VT GRATIA AD PERSEVERANDVM IAM SVFFI-

CIENTER INSTRVCTVS, PERSEVERET VEL NON PERSEVERET, NIHIL PELAGIANVM DICIS, SED OMNINO ILLVD IDEM QVOD CONTRA PELAGIANOS STRENVV AGENS AVGVSTINVS *in libro suo de dono perseverantia, & alibi ostendit. Qui enim bene operatur, ex Dei gratia id habet, sed Dei donum est in potestate ipsius videntis, ut eo vis desinere possit.* Hæc Mulderi responsio ad Dordrechtanæ Synodi aduersus Tridentinos Patres calumniam frangendam. Similis est illa, quam Thomas Stapletonus adhibet, Tom. 2. l. 4. c. 8. vt Chemnitium eosdem Patres Pelagianismi criminantem rerundat.

Nimius sim in re satis nota, si eos omnes appellare velim, qui huius temporis Hereticos Concilio Tridentino Pelagianismum impingentes, eâdem, quâ Stapletonus Mulderusque, ratione confutarunt. Hoc tantum moneo, ex iis omnibus qui cum Lutheranis atque Calvinistis iusto prælio confligere, neminem prorsus esse, qui alio modo hanc Pelagianismi notam à Catholica opinione depulerit. Quod eos verè, & ex Catholicæ Ecclesiæ sensu fecisse demonstrabo, si vincam, nullum S. Augustino cum Pelagianis de illa libertatis indifferentia certamen extitisse: sed totius controuersiæ summam in eo verti, quòd Pelagius assereret, hominem insitit à natura viribus, tam bonum posse, quàm malum amplecti: S. Augustinus verò contenderet, hominis lapsi voluntatem ad malum quidem sibi sufficere: at ad bonum eniti non posse, nisi gratiæ præsidii subleuaretur.

Probatum itaque 1. ex iis locis quibus S. Augustinus disertè exponit, quæ fuerit Pelagij Hæresi. Paucos ex infinitis seligam, ne Aduersarij more ambitiosa testimoniorum multitudine præliari videar. Primus sit ex l. 2. de peccat. meritis & remiss. c. 2. *Sunt quidam tantum præsumentes de libero humanæ voluntatis arbitrio, ut ad non peccandum, nec adinuandos nos diuinitus*



*opinentur, semel ipsi natura nostra concessa libera voluntatis arbitrio. Cui germanus est alter ex Epist. 94. Noua quedam Hæresis inimica gratiæ Christi contra Ecclesiam Christi conatur exsurgere: sed nondum euidenter ab Ecclesia separata est, hominum scilicet qui tantum audent incolumitati humane tribuere potestatis, ut hoc solum ad Dei gratiam pertinere contendant, quod cum libero arbitrio, & non peccandi possibilitate creati sumus, & Dei mandata quæ à nobis implerentur accepimus. Ceterum ad eadem mandata seruanda & implenda, nullo Diuino adiutorio nos egere. En cur Pelagiani de libero arbitrio nimium præsumerent. Inditas voluntati à natura vires tantas esse arbitrabantur, ut ad rectè viuendum, Deique mandata obseruanda sufficere iactarent. Quem errorem diris omnibus S. Augustinus deuouet Epistola 89. Illud verò quod dicunt sufficere homini liberum arbitrium ad dominica præcepta implenda, etiamsi Dei gratiâ & Spiritus S. dono ad opera bona non adiuuetur, omnino anathematizandum est, & omnibus execrationibus detestandum. Hæc sunt quæ in Pelagij de libero arbitrio doctrina S. Augustinus execratur. Hæc anathemate percussit primus, & ab reliqua posthæc Ecclesia proscribenda curauit. De naturali verò libertatis indifferentia non illi mouet li-tem. Quod hic fecisset haud dubiè, si existimasset falsam esse & hæreticam, quam ille proferebat, liberi arbitrij notionem. Nec dixisset tantum Pelagianos nimium præsumere de libero humane voluntatis arbitrio, cum ad non peccandum nec adiuuandos nos diuinitus opinantur. Sed istud adiecisset, præsumere quoque illos nimium de libera voluntate, cum eam positis omnibus ad bene agendum prærequisitis, agere posse aut non agere decernunt. Nam hoc Pelagianæ Hæresis caput extitisset, quoq; stante, etsi alia eius placita, quæ illi reliqui instar corporis essent, amputarentur, manebat tamen pestiferæ Hæresis virus.*

*Probat 2. ex iis S. Augustini locis, quibus expres-*

484 DISPUT. DE LIBERO ARBITRIO  
se profiteretur, nihil sibi cum Pelagio negotij fore, si  
gratia Dei ad bene agendum necessariam esse fatea-  
tur. Ex multis duos attingam. Primus sumitur ex libro  
de gratia Christi. Dixerat Pelagius cap. 7. submini-  
strati à Deo gratiæ auxilia, *ut quod per liberum homines  
facere iubentur arbitrium, facilius possint implere per gra-  
tiam*: S. Augustinus hoc ipsius dictum repetens cap. 29.  
*Tolle, inquit, facilius, & non solum plenus, verum etiam  
sanus est sensus, &c.* Cùm autem, *facilius, additur, adim-  
pletio boni operis, etiam sine gratia Dei, posse fieri tacita  
significatione suggeritur.* Ergo sanus erat Pelagij sensus,  
modò agnosceret libero arbitrio, quale admittebat,  
gratiam non tantùm concedi, *ut facilius impleri præ-  
cepta possint, sed omnino ad ea implenda esse neces-  
sariam.* Quod capite 47. ita repetit: *Si consenseris* (Pe-  
lagius) *etiam ipsam voluntatem, & actionem diuinitus ad-  
iuvare, ut sine illo adiutorio nihil bene velimus, & aga-  
mus, &c. nihil de adiutorio gratiæ Dei, quantum arbitror,  
inter nos controuersæ relinquetur.* Concedat ergo Pela-  
gius gratiam Christi requiri ad omnes virtutum actus:  
iam nihil sanctus Augustinus in eius doctrina repre-  
hendit, quantum ad adiutorium gratiæ, & de cæteris  
cum eo consentit.

Alter locus petitur ex libro de natura & gratia cap.  
10. vbi cùm esset contentio S. Augustinum inter &  
Pelagium, possetne homo sine peccato esse, & nega-  
ret S. Augustinus posse, nisi per gratiam Dei: Pela-  
gius significat suâ nihil interesse, *Sine per gratiam, siue  
per adiutorium, siue per misericordiam, & quidquid illud  
est, per quod esse homo absque peccato potest.* S. Augusti-  
nus ait se cùm hæc Pelagij verba legisset, *latissimè repen-  
tè perfunctum esse, quod Dei gratiam non negaret: sed per-  
gentem legere cætera, agnouisse nullum à Pelagio nisi  
naturæ adiutorium admitti.* Si ergo Pelagius ad possi-  
bilitatem illam adiunxisset veræ adiutorium gratiæ,  
perfecta fuisset consensio. vnde cap. 44. cùm dixisset



Pelagius possibilitatem non peccandi, Deo tantum debere reputari: sic excipit S. Augustinus: *Quid dici brevius potuit, & verius, quam possibilitatem non peccandi, quantacumque est, vel eris in homine, non nisi Deo debere reputari? Hoc & nos dicimus, iungamus dextras.* Tum capite sequenti confessionis istius malignitatem detegit, in eo positam, quod gratiam non agnosceret nisi naturæ, docereturque, ipsum posse arbitrii humani non esse, sed auctoris naturæ Dei. Hinc collige S. Augustinum de libertatis notione consentire cum Pelagio, modò gratiam non excludat, cuius auxiliis abstinere à peccato, & bene agere possimus. Quò spectat illud Auctoris librorum Hypognosticon libro 3. *Est igitur liberum arbitrium, quod quisquis esse negaverit, Catholicus non est: & quisquis sis esse dixeris, quod sine Deo bonum opus, id est, quod ad eius sanctum propositum pertinet, nec perficere possit, Catholicus est.* An non istud defendunt, quos nova secta recentes Pelagianos per summam iniuriam atque calumniam appellat?

Probat 3. ex Conciliis & Romanis Pontificibus, à quibus Pelagianorum hæresis damnata est. Hoc vnum proseribunt, vnum hoc feriunt Anathemate: Gratiam Dei ad bene agendum non esse necessariam. Ita Patres Concilij Carthaginensis in Epistola ad Innocentium, quæ est inter Augustinianas 90. *Quicumque dogmatizat, & affirmat, humanam sibi ad vincenda peccata, & Dei mandata facienda sufficere posse naturam, Anathema sit.* Quod à Pelagianis affirmatum fuisse paulò antè traderant: *Isti asserunt, sicut à fratribus, qui etiam eorum libros legerunt, cognovimus, in eo Dei gratiam deputandam, quòd talem hominis insensit, creavitque naturam, qua per propriam voluntatem legem Dei posset implere, siue naturaliter in corde conscriptam, siue in litteris datam.* Et paulò post: *Persuadere non cessant, ad operandam perficiendamque iustitiam, & Dei mandata complenda, solam sibi humanam sufficere posse naturam.* Cui Epistolæ ita respondet

Innocentius, ut hunc vnum errorem in Pelagianis condemnet. *Quisquis huic assentiens videtur esse sententia, quo dicat adiutorio nobis non opus esse Diuino, inimicum se Catholice fidei, & Dei beneficiis profiteretur ingratum.* Patres quoque Conc. Mileuitani in ea Epistola, quam ad eundem Innocentium scripsere, id vnum Pelagianis hæresi vertunt, quod voluntatem sine gratiæ auxilio ad vitandas tentationes firmam, ac robustam dicerent. Nam ubi ita sunt auspicati: *Noua quippe heresis, & nimium perniciosa tentat surgere inimicorum gratiæ Christi: illam in eo sitam esse aiunt, quod dicat: In nostra esse possum potestate, ne in peccatum tentati decidamus, & ad hoc implendum solam sufficere voluntatem hominis.* Quibus consentanea scribunt Aurelius, alique Episcopi Epistola ad eundem Innocentium, quæ apud S. Augustinum legitur ordine 95. *Naturam humanam tantum dicunt valentem, ut suis viribus in origine sua creationis acceptis, possit per liberum arbitrium, nihil ulterius adiuvante illius gratiæ qui creauit, domare, & extinguere omnes cupiditates, tentationesque superare.* Non alio titulo Pelagiani, inimici gratiæ Christi, aut liberi arbitrij laudatores superbi, à Conciliis & Romanis Pontificibus appellantur: nec aliam ob causam pelluntur Ecclesia, & Apostolicis fulminibus percutiuntur, quàm quod necessariam ad bene agendum Christi gratiam abnegarent. De illa verò voluntatis flexibilitate, quæ positis omnibus ad agendum prærequisitis agere possit, & non agere, nullum illis negotium aut à Conciliis, aut à Romanis Pontificibus exhibetur.

Probat 4. ex aliis Patribus, qui de Pelagianorum hæresi scripserunt, quique omnes in id consentiunt, ideo Pelagianos liberum arbitrium nimio plus extulisse, quod illud sine gratiæ præsidio & peccata virare, & omnes capere posse virtutes prædicarent. Ita S. Hieronymus, qui in nascentem Pelagij heresim primus omnium decertauit. *Ipsam*, inquit in Epistola ad Ctesiu-



phontem, liberum, ut diximus, arbitrium Dei nititur auxilio: Illiusque per singula ope indiget. Quod vos non vultis, ut qui semel habet liberum arbitrium, Deo adiuto e non egeat. Quod superius sic exposuerat: Ita Dei gratiam ponunt, ut non per singula opera eius nitamur, & regamur auxilio: sed ad liberum referunt arbitrium, & ad precepta legis, ut in eo Deo referenda sint gratia, quod tales nos condideris, qui nostro arbitrio possimus & eligere bona, & vitare mala: & non intelligunt ista dicentes, quod per os eorum intolerabilem blasphemiam diabolus sibilat. Tum paucis interpositis: Afferunt se per arbitrij libertatem nequaquam ultra necessarium habere Deum, & ignorant scriptum: quid habes quod non accepisti?

Non aliter Venerabilis Beda l. i. in Cantic. cap. i. Iuliani Pelagianorum disertissimi de libero arbitrio errorem exponit. Docet, inquit, nos per arbitrium libera voluntatis, posse bona facere quæ volumus, quamuis per auxilium gratia Dei facilius ea perficere queamus. quo modo viantes iter & pedibus quidem peragere valeamus, sed minore, absque dubio, labore cum nobis equi quibus vehamur affuerint: immemor Apostolica admonitionis, quæ dicit, cum motu & tremore vestram salutem operamini: Deus est enim qui operatur in nobis & velle & perficere. Et, quod est gravis, impugnator eius, qui non ait: sine me modicum quid potestis: sed, sine me nihil potestis facere.

Accedit S. Thomas, qui cum sæpissimè Pelagianorum meminerit, non alium circa liberum hominis arbitrium errorem illis tribuit, quàm quod internam Christi gratiam, siue ad bene agendum, siue ad vitanda peccata necessariam non esse defenderent. Sic quæst. 24. de libero arbit. art. 12. in corp. E contrario surrexit Pelagius, qui volens liberum arbitrium defendere, gratia Dei aduersatus est, dicens, absque Dei gratia hominem peccatum currere. Et l. 3. contra gentes cap. 155. Per hoc autem excluditur error Pelagianorum, qui dixerunt, quod ad perseuerandum in bono, sufficit homini liberum arbitrium.

Qui attentè perpenderit, quæ hoc duplici paragra-  
pho de Pelagiana hæresi disputaui, fatebitur profectò,  
Pelagianismi maculam, quam Concilio Tridentino &  
Pontificiis omnibus Calvinistæ asperferunt, superiori  
Ioannis Malderi, aliorumque Catholicorum responsio-  
ne egregiè fuisse deterfam.

### PARAGRAPHVS III.

*Illud ipsum ampliùs probatur nobili S. Augustini  
loco, quem Aduersarij petita ex Martino Chem-  
nicio ineptissima explicatione fædè corrumpunt.*

QVÆ sit Catholicorum de gratia & libero arbitrio  
sententia disertissimè S. Augustinus tradidit libro de  
Spiritu & littera cap. 34. Attendas, inquit, & videat non  
ideo tantùm istam voluntatem Diuino muneri tribuendam,  
quia ex libero arbitrio est, quod nobis naturaliter concrea-  
tum est, verùm etiam quod visorum suasionibus agit Deus  
ut velimus, & ut credamus: siue extrinsecus per euangeli-  
cas exhortationes, ubi & mandata legis aliquid agunt, si  
ad hoc admonent hominem infirmitatis suæ, ut ad gratiam  
iustificantem credendo confugiat: siue intrinsecus ubi nemo  
habet in potestate quid ei veniat in mentem, SED CON-  
SENTIRE VEL DISSENTIRE PROPRIÆ VO-  
LUNTATIS EST. His ergo modis quando Deus agit  
cum anima rationali, ut ei credat, neque enim credere po-  
test quolibet libero arbitrio, si nulla sit suasio vel vocatio cui  
credat: profectò & ipsum velle credere Deus operatur in ho-  
mine, & in omnibus misericordia eius præuenit nos. CON-  
SENTIRE AUTEM VOCATIONI DEI, VEL AB  
EA DISSENTIRE, nec dicit, PROPRIÆ VOLUN-  
TATIS EST. Tum occupat quod Aduersarij nobis  
tam sæpe ingerunt. Quæ res, inquit, non solum non in-  
firmat,



*firmat, quod dictum est. Quid enim habes quod non accepisti: verum etiam confirmat. Accipere quippe & habere anima non potest dona, de quibus hæc audit, nisi consentiendo: ac per hoc quid habeas, & quid accipiat Dei est: accipere autem & habere utique ACCIPIENTIS ET HABENTIS EST.*

Hoc librorum omnium, quos S. Augustinus aduersus gratiæ aut liberi arbitrij hostes exarauit, compendium: hæc Catholicæ veritatis de vtraque quæstione summa: hic aduersus Pelagianos, Manichæos, Lutheranos, Calvinistas, aliasque eiusmodi pestes murus aheneus. Nam Pelagianam quidem hæresim hæc verba perimunt: *Visorum suasionibus agit Deus, ut velimus, & agamus, &c. Et in omnibus misericordia eius præuenit nos.* Manichæam verò, Lutheranam atque Calvinianam sequentia obterunt: *Consentire autem vocationi Dei, vel ab ea dissentire propria voluntatis est.*

Et verò ex hoc S. Augustini loco, sic tanquam ex Catholicæ veritatis armamentario, posteriora Concilia Tridentinum, Senonense, atque Colonienſe illa tela deprompserunt, quibus recentes hæreses confixere. Nam inde expressus est ille Concilij Tridentini Canon, quo statuitur, hominem posse præuenienti gratiæ dissentiri. Indidem haustum est illud Concilij Senonensis decretum: *Non est tale trahentis Dei auxilium cui resisti non possit.* Item illud Concilij Colonienſis: *Septimo resinendum est, SITVM ESSE IN HOMINIS VOLVNTATE, VT GRATIAM DEI OBLATAM VEL ACCIPIAT, VEL REPVDIET. Quemadmodum, Sole lucente qui super omnes oritur, libera est intuitio, hominisque liberum est oculos claudere, ne solis lumen admittat; aut aperire, ut recipiat. Haud secus impio liberum est præueniente se Diuina illuminationis gratiâ à peccato resurgendi, eam accipere, vel non accipere: Deo præuenienti & per bonum cogitatum ad pænitentiam exci-  
tanti, dare vel negare consensum, velle vel nolle pænitere.*

Nugatur hic Censor Chemnitius apud Stapleronum Tomo 2. lib. 4. cap. 4. dum pugnat illam S. Augustini sententiam à Tridentinis Patribus fuisse depravatam: nec aliud S. Augustinum voluisse, quàm consentire, & dissentire esse officia voluntatis. Quia, inquit, *Augustinus dicit consentire, & dissentire propriè esse voluntatis, sicut dicimus intelligere proprium esse mentis, velle voluntatis.*

Libro 2. de  
grat. Chri-  
sti cap. 34.

Quam à Chemnitio responsum nouus Doctor mutatus est, atq; his verbis expressit: *Non significatur aliud istis & similibus locis, quàm quod velle, & velle, consentire & dissentire, credere vel non credere, officia sunt voluntatis. Sicut intelligere officium est mentis.*

Nusquam Chemnitius magis apertè indicauit, quàm esset in corrumpeendis SS. Patrum sententiis temerarius, quàm cum illud S. Augustini testimonium tam ineptâ glossâ lacerauit: nusquam opinionis nouæ Artifex clariùs prodidit manifestæ veritati oblectari se, quàm cum stramineum illud Chemnitij aduersùs Tridentinos Patres dimicantis scutum arripere coactus est, ut quæ in illum ex S. Augustino tela vibramus propulsaret. Quid enim absurdius dici, aut cogitari potest, quàm S. Augustinum inculcare toties, & probare pluribus, *Propria esse voluntatis consentire vocationi Dei, vel ab ea dissentire*, si his verbis id vnum pugnat, consentire aut dissentire officia esse voluntatis? Antimendum sancto Augustino fuit, ne quis arbitraretur, consentire, & dissentire, non voluntatis, sed intellectus aut phantasie munus esse? Quis vnquam negauit velle officium esse voluntatis, sicut intelligere officium est intellectus? Quid ergo S. Augustinus tot verbis id vnum contenderet, quod nemo inficiatur?

Confirmatur 1. S. Augustinus contra Manichæos disputans frequenter eadem verba usurpat, docetque aduersùs fanatica illorum deliria, *proprie voluntatis esse consentire & dissentire*: At Manichæi non negabant consentire & dissentire esse officia voluntatis; sed



utrumque affirmabant necessariò ab illa fieri. Ergo cum ait sanctus Augustinus consentire vel dissentire propriè esse voluntatis, id maximè pugnat, non hæc ab ea necessariò fieri. Nititur hæc argumentatio iis omnibus quæ de Manichæorum opinione vberrimè disserui: atque hoc præcipuè loco ex disputatione contra Secundinum Manichæum cap. 19. quo S. Augustinus contendit animam non consentire voluntate, si carnis illecebris ita ad hunc consensum pellicitur, vt non sit in eius potestate aliter facere.

Confirmatur 2. ex particula, *vel*, quæ ancipitem, & ad utrumlibet expeditam voluntatis facultatem non obscurè designat. Quis enim de intellectu omnibus ad operationem suam necessariis instructo sic affirmet: Proprij est intellectus intelligere vel non intelligere? Quis de oculis apertis & temperata luce collustratis ita pronuntiet: Oculorum est propositum sibi obiectum videre, vel non videre? Nemo Philosophus ita loquatur: quia his verbis non significatur tantùm, videre & non videre munera esse oculorum, non aurium; sed illud etiam innuitur, situm esse in oculorum potestate vt propositum sibi obiectum videant, aut non videant. Explicatur ampliùs: si valet Chemnitij interpretatio, quàm verè à S. Augustino dicitur, consentire vocacioni Dei, vel ab ea dissentire propriæ esse voluntatis: tam verè de equo dici poterit, eius esse appetitus oblatum cibum appetere, vel respuere, quia appetere & respuere tam sunt officia appetitus equini, quàm consentire, & dissentire munera sint voluntatis humanæ.

Confirmatur 3. Fictitia hæc Chemnitij interpretatio, sic eius opinionem ex vna parte subleuat, vt eam aliunde grauiùs vulneret. Nam inde certò illud colligitur, dari modò ex S. Augustini mente gratiam aliquam internam, cui voluntas reipsa dissentiat. Neque enim verè dici potest, munera esse voluntatis consentire vocacioni Dei internæ, vel ab ea dissentire, nisi aliqua sit

492 DISPUT. DE LIBERO ARBITRIO  
vocatio interna, cui voluntas dissentiat, quemadmodum alia est, cui consentit. Illustratur exemplo, nemo dixerit munera esse voluntatis amare bonum quàm bonum, vel illud odisse; quia voluntas bonum quàm bonum nunquam odit; Ergo à pari si voluntas nunquam dissentit vocationi Dei internæ, dici non potest: munera esse voluntatis vocationi Dei internæ consentire, vel ab ea dissentire.

Fractus est opinor imbellis ille Chemnitij clypeus, quem vnum opponit pluribus S. Augustini testimoniis, ex quibus Concilij Tridentini canon, quem hîc oppugnat, expressus videbatur. Placet tamen validiori telo illum perrumpere, vt Concilij Tridentini de Censore suo victoria sit illustrior, & noua opinio, quæ sub hoc Chemnitij scuto delitescit, extremo vulnere confodiatur. Quod vt præstem, pauca quædam obseruanda, quæ caliginem, quam Aduersarij huic quæstioni plurimam offudere, discutient.

Obseruandum 1. Caluinistas damnari, quodd in salutis negotio humanæ voluntati cooperationem adimant. Pestiferum illud dogma tuctur Caluinus libro 2. Inst. cap. 3. num. 11. & 12. vbi & Catholicos ridet, quodd liberi arbitrij cum gratia concurrentiam ex hoc S. Pauli loco confirment: *Plus omnibus istis laborans, non ego, sed gratia Dei mecum.* Quem in errorem inductos fuisse ait, ex præpostera versione, in qua Græci articuli vis omissa fuit, quæ, si exprimatur, hunc sensum efficiet: *Non ego, sed gratia Dei, quæ mihi aderat.* Qua de re pluribus agit in commentariis ad hunc S. Pauli locum, vt videre est apud Stapletonum in Antidotis Apostolicis in cap. 15. Epistolæ 1. ad Corinth. Eandem opinionem defendunt acriter Caluinistæ omnes, ac præcipuè Dordrechtanæ Synodi Proceres ad Articulum 3. & 4.

Obseruandum 2. Caluinum cùm illud cooperationis nomen tam seuerè abigit, non omnem voluntati



actionem adimere. Fatetur enim voluntatem physicè ac sponte motus illos producere quibus rectè, & ex virtute viuimus. Vnum hoc negat, voluntatem ad illos actus liberè concurrere, prout liberum à voluntario distinguitur. Quæ Caluini mens ex iis, quæ libro primo disputaui, adeo manifestè cernitur, vt opus non sit plura ad illam explicandam testimonia congerere. Neque verò aliter Caluini sententiam referunt, & confutant Catholici. Didacus Aluarez libro 3. de Auxiliis Disput. 22. num. 31. *Calvinus*, inquit, *confessus est nostrum arbitrium cooperari quidem efficienter Deo efficaciter mouenti ad consensum, non tamen cooperari liberè, sed spontaneè duntaxat.* Idem affirmant Pennottus libro 9 in Proæmio, & Stapletonus Tomo 2. libro 4. cap. 3. & sequentibus.

Obseruandum 3. in hominis conuersione duo esse distinguenda. Primum est, gratia præueniens. seu celestis illa delectatio, quam Deus diffundit in cordibus nostris per Spiritum Sanctum, quàmque Aduersarius libro 4. de gratia Christi cap. 10. demonstrat, *esse actum vitalem & indeliberatum animæ; & quidem amoris ac desiderij præcedentis consensum.* Secundum est, consensus ipse voluntatis, qui ex præuenientis illius gratiæ impulsu, & voluntatis cooperatione nascitur. Fatentur Doctores Catholici gratiam illam præuenientem fieri in nobis sine nobis, & liberum arbitrium ad illius productionem nihil cooperari; quia licèt illa sit actus voluntatis, adeoque efficienter, ac sponte à voluntate productus, non producit tamen ab illa liberè, prout liberum à voluntario distinguitur. Ita Stapletonus libro 4. cap. 5. & 7. quod & vulgò tradunt Theologi, Doctoresque Catholici.

Ex quibus satis opinor innotescit quæ sit Catholicos inter atque Caluinum de voluntatis cooperatione disceptatio. Nimirum, pugnat Calvinus hominem nihilo plus conferre ad consensum voluntatis, quàm

494 DISPUT. DE LIBERO ARBITRIO  
 ad præuenientis gratiæ productionem: ita ut ad verumque  
 efficienter quidem ac sponte: at non liberè, prout  
 liberum à voluntario secernitur, concurrat. Atque  
 adeo quemadmodum Catholici asserunt gratiam præ-  
 uenientem fieri in nobis sine nobis, neque voluntatem  
 aliquid agere in eius productione, sic affirmat  
 Calvinus voluntatis consensum, fieri in nobis sine no-  
 bis, nec voluntatem ad illius productionem aliquid  
 conferre; quia illum consensum sponte quidem &  
 efficienter producit: at non liberè, prout liberum à  
 voluntario discrepat. Quam Caluini opinionem Do-  
 ctiores Catholici asserunt damnari his Concilij Tri-  
 dentini verbis sessione 6. Can. 4. *Qui dixerit liberum  
 hominis arbitrium à Deo motum nihil cooperari assentiendo  
 Deo excitanti atque vocanti, &c.* Hinc illa verba Didaci  
 Aluarez disputatione 3. de Auxiliis num. 17. *Sexta  
 HÆRESIS est, Deum ita inchoare & perficere in nobis  
 bonum opus mouendo liberum arbitrium, ut nostra voluntas  
 non liberè, sed solum motu spontaneo motionem Diuinam  
 subsequendo cooperetur.* Ita Calvinus libro 2. Inst. cap. 3.  
 &c. Et numero sequenti: *Septima HÆRESIS Luther-  
 ranorum affirmat, Gratiam Dei ita esse efficacem ex se ipsa,  
 ut nostra voluntas eidem non cooperetur liberè, sed solum  
 spontaneè, ultro, & non coactè: ita Calvinus libro 2. Institus.  
 cap. 3. num. 11. &c.*

Nemo non videt nuperam opinionem cum hac Cal-  
 uini sententia ita congruere, ut ouum ouo similius non  
 sit: ac proinde utramque Concilij Tridentini canone  
 ex æquo percelli. Percellitur quoque superiori S. Au-  
 gustini testimonio, & Chemnitiana glossa apertè re-  
 iicitur. Nemo, inquit, *habet in potestate quid ei veniat in  
 mentem; sed consentire vel dissentire propriæ voluntatis est.*  
 Tum paulò post: *Profectò & ipsum velle credere Deus ope-  
 ratur in homine, & in omnibus misericordia eius præuenit  
 nos: consentire autem vocationi Dei, vel ab ea dissentire  
 propriæ voluntatis est.* Quibus verbis manifestè distin-



guit gratiam præuenientem, & consensum voluntatis. Negat gratiam præuenientem, quæ ex eius opinione est actus voluntatis indeliberatus, esse in potestate voluntatis: asserit autem esse in potestate voluntatis consensum ipsum. Vnde sic disputo: Cùm S. Augustinus ait, *propria esse voluntatis consentire vocati-  
ni Dei, vel ab ea dissentire*, aliquid voluntati tribuit respectu consensus aut dissensus, quod illi non conuenit respectu volitionis indeliberatæ, quæ gratia præueniens est: At voluntati conuenit respectu volitionis indeliberatæ, quæ gratia præueniens est, vt voluntatis. non alterius facultatis, officium sit illam volitionem efficienter producere: Ergo cùm S. Augustinus ait, *proprie esse voluntatis consentire, vel dissentire*, non id tantum voluntati tribuit, vt illius, non alterius facultatis, officium sit consensum aut dissensum efficienter producere.

## CAPVT QVARTVM.

*Sancti Augustini doctrinam de gratia sanitatis, & gratia medicinali a noua opinionis fautoribus deprauari.*



XTORSIT Calvinus suâ in Tridentinos Patres maledicentiâ, vt hanc quæstionem, quam strictim tantum & obiter libare decreueram, accuratius tractarem. Clamat ille in Antidoto ad sess. 6. gratiam medicinalem non esse eiusmodi, cui voluntas assentiatur aut dissentiat, si velit; cùm tamen, *si velit*, propria sit nota, ac veluti character gratiæ sanitatis, quæ citra Pelagianismum homini lapsio tribui non possit. Quod vbi ex celebri S. Augustini loco libro de cor-

496 DISPUT. DE LIBERO ARBITRIO  
rept. & gratia cap. 11 & 12. probare conatus est;  
Tridentinis Patribus insultat, quasi illo canone, quo  
fanciuerunt hominem lapsum excitanti gratiæ *posse*  
*diffentiri, si velit*, gratiam sanitatis, cuius *non, si velit*,  
nota est, homini lapsi tribuerint. Atque hoc argumen-  
tum, quasi fatalem diruendæ Catholicorum opinioni  
machinam, non Tridentinis modò Patribus, sed etiam  
Alberto Pighio, Doctoribus Sorbonicis, aliisque Ro-  
manæ Ecclesiæ defensoribus passim, & importunè in-  
gerit.

Cùm Gabriel Pennottus libro 9. Propugnaculi li-  
bertatis cap. 13. hanc Caluini rationem in hæc verba  
proposuisset: *Præter auctoritates Divina scriptura profe-*  
*runt Hæretici auctoritatem S. Augustini, &c. Profert Cal-*  
*vinus lib. 2. Inst. cap. 3. testimonium Augustini in libro de*  
*corrupt. & gratia dicentis, gratiam persistendi in bono Ada*  
*fuisse datam, si vellet: nobis dari, &c. de illa vniuersim*  
ita pronuntiat: RESPONDEO NON ESSE ISTAM  
SENTENTIAM AVGVSTINI, SED COACERVA-  
TIONEM MVLTORVM MENDACIORVM A  
CALVINO COMPOSITAM. Verùm istud non per-  
suaserit nouæ opinionis consecrancis, qui hoc Cal-  
uini argumentum à Doctore suo recoctum deoscu-  
lantur, tantique faciunt, vt in Annotationibus ad li-  
brum de correptione & gratia quem Gallicè verte-  
runt, illud appellent *Augustiniana Doctrina clausm*, & in  
Examine propositionum excerptarum &c. pag. 99. *S.*  
*Augustini Doctrina annulum, qui cæterorum dogmatum ca-*  
*tenam trahit*

Ipse quoque nouæ opinionis auctor magnificè illud  
deprædicat, seque non obscurè eius instauratorem pro-  
ficetur. Hinc ambitiosus ille titulus capituli tertij libri  
2. de gratia Christi. *Discrimen gratiæ sanitatis & medi-*  
*cinalis à recentiorum notitia valde abstrusum*. Quos tan-  
dem recentiorum nomine hîc appellat? Scriptores no-  
tantùm Catholicos? An Lutheranos etiam atque Cal-  
uinistas



ministas? Si Catholicos tantum : fateor quidem ex iis prorsus nullum istam opinionem tueri : nego tamen ab eorum notitia valde abstrusam esse. Vix est enim ullus ex iis, qui se Caluini strage nobilitarunt, qui illius sententiæ non meminerit, quique illam, ut erroneam atque Hæreticam, pluribus non oppugnet. Ita Albertus Pighius libro 4. de libero arbitrio, Franciscus Horantius libro 1. contra Calvinum cap. 55. Gabriel Pennottus libro 9. cap. 13. Cardinalis Bellarminus Præfatione de libero arbitrio, & Ioannes Malderus Episcopus Antuerpiensis in 1. 2. de diuisione gratiæ dubio 4. Iam verò si recentiorum nomine Calvinistas etiam atque Lutheranos censet : quo pudore ait, discrimen vtriusque gratiæ (prout ab illo explicatur) à recentiorum notitia valde abstrusum esse? Quid enim? An fuit Caluino abstrusum? qui illud Tridentinis Patribus, Sorbonicis, Alberto Pighio, aliisque Doctoribus Catholicis tam sæpe ingerit? An ignotum fuit Theodoro Bezzæ, Petro Martyri, Paulo Ferrio, Ioanni Scharpio, qui illud perpetuò nobis occinunt? Non est tamen quòd diffitear, discrimen illud vtriusque gratiæ nouo Doctore, quàm Caluino notius videri. Nam hic viciies tantum illius meminit : ille verò septuagies supra centies, ut ipse numeravi. Quàm longè verò, quàmque immaniter in hac Augustinianæ Doctrinæ basi à S. Augustino dissideat, hoc integro capite demonstrabo, cuius hæc erit partitio.

Ostendam primò, gratiæ medicinali à S. Augustino tribui, quidquid Aduersarius gratiæ sanitatis proprium esse contendit.

Ostendam secundò, quidquid Aduersarius gratiæ medicinali singulariter adscribit, gratiæ quoque sanitatis à S. Augustino tribui.

Ostendam terriò, quid sit ex S. Augustini mente inter vtramque gratiam discriminis.

## SECTIO I.

*Quæ Aduersarius gratiæ sanitatis propria esse concedit, gratia quoque medicinali à S. Augustino tribuntur.*

Libro de  
-gratia pri-  
-mi hominis  
cap. 7. 8.  
14. 15. libro  
2. de gratia  
Christi cap.  
3. 4. 6. 7. 8.  
&c.

**P**VGNAT nouæ opinionis artifex gratiæ sanitatis hunc esse characterem, ut à voluntate admitti pariter, aut repudiari possit. Quod iis argumentis probat, quæ vim habere suam non possunt, quin illud ipsum de gratia medicinali conficiant.

## PARAGRAPHVS I.

*Argumenta, quibus Aduersarius probat, ex mente S. Augustini gratiæ sanitatis proprium esse, ut agendi necessitatem non inferat, idem de gratia medicinali efficiunt.*

**P**RIMÒ, aliquot S. Augustini testimonia profert, quibus expressis verbis asseritur, Deum Adamo *permis-  
sisse atque dimisisse facere quod vellet*, & gratiam in eius arbitrio reliquisse. At nihilo pauciora sunt, quæ de homine lapso idem prorsus, iisdemque verbis affirmant; Ergo homini quoque lapso ex S. Augustini mente integrum est gratiam Dei oblatam acceptare, vel respue-  
re. Possem hîc vnico S. Augustini testimonio defungi, adeo insigne est illud, & extra omnes Aduersariorum cauillationes positum. Sumitur ex libro 2. contra Petilianum cap. 84. *Si tibi proponam questionem*, inquit, *quomodo Deus Pater attrahat ad Filium homines, quos IN LIBERO DIMISIT ARBITRIO*, fortasse eam difficile soluturus est. **Q**UOMODO ENIM ATTRAHIT



SI DIMITTIT, VT QVIS QVOD VOLVERIT  
ELIGAT; ET TAMEN VTRVMQVE VERVM  
EST, SED INTELLECTV HOC PENETRARE  
PAVCI VALENT. *Si ergo fieri potest ut quos in libero  
dimisit arbitrio attrahat tamen ad Filium Pater; sic fieri  
potest, ut ea qua legum coërcitionibus admonentur, non au-  
ferant liberum arbitrium.* Hæc S. Augustinus scribit ad  
Donatistarum querelas retundendas, qui cùm propo-  
sitis suppliciis ab hæresi sua deterrebantur, de Catho-  
licis graniter expostulabant in hæc verba: *Cur vos non  
liberum arbitrium unicuique sequi permittitis, cùm ipse ta-  
men Dominus Deus liberum arbitrium dederit hominibus?*  
Respondet S. Augustinus, liberum arbitrium legum  
coërcitionibus non eripi, quemadmodum Diuinâ per  
gratiam tractione non adimitur. Vnde concludit: *Ne-  
mo ergo vobis aufert liberum arbitrium, sed vos diligenter  
attendite quid potius eligatis, utrum correcti vivere in pa-  
ce, an in malitia persenerantes falsi martyrij nomine vera  
supplicia sustinere.* Quâ ex disputatione certissimè con-  
ficitur, quod pugno. Primò, quia clarissimè, & expres-  
sis verbis de homine lapso S. Augustinus asserit, quod  
Aduersarij ad integrum tantùm pertinere arbitrantur;  
Nimirum, *Deum per gratiam homines trahere, & tamen  
in libero dimittere arbitrio, ut quis quod voluerit eligat.*  
Secundò, quia inepta esset illa comparatio, & contra  
S. Augustinum faceret, si Diuina tractio in hominis  
potestate non relinqueret, obsequi, vel non obsequi.  
Nam Petilianus, ex illa continuò colligeret legum  
coërcitiones libertatem ad vtrumlibet homini adime-  
re. Quod vnum contendebat.

Plures sunt S. Augustini loci, quibus nihilo obscurius  
de homine lapso, quàm de integro affirmat, Diuinam  
tractionem in eius arbitrio relinqui. Sic libro de gratia  
& libero arbitrio cap. 2. homini lapso accommodat il-  
lud Ecclesiastici 15. *Ipse ab initio fecit illum, & reliquit  
illum in manu consilij sui.* Et libro Quinquaginta Homi

## SECTIO I.

*Quæ Aduersarius gratiæ sanitatis propria esse contendit, gratiæ quoque medicinali à S. Augustino tribuuntur.*

Libro de  
gratia pri-  
mi hominis  
cap. 7. 8.  
14. 15. libro  
2. de gratia  
Christi cap.  
3. 4. 6. 7. 8.  
&c.

**P**VENAT nouæ opinionis artifex gratiæ sanitatis hunc esse characterem, vt à voluntate admitti pariter, aut repudiari possit. Quod iis argumentis probat, quæ vim habere suam non possunt, quin illud ipsum de gratia medicinali conficiant.

## PARAGRAPHVS I.

*Argumenta, quibus Aduersarius probat, ex mente S. Augustini gratiæ sanitatis proprium esse, vt agendi necessitatem non inferat, idem de gratia medicinali efficiunt.*

**P**RIMÒ, aliquot S. Augustini testimonia profert, quibus expressis verbis asseritur, Deum Adamo *permisisse atque dimisisse facere quod vellet*, & gratiam in eius arbitrio reliquisse. At nihil pauciora sunt, quæ de homine lapso idem prorsus, iisdémque verbis affirmant; Ergo homini quoque lapso ex S. Augustini mente integrum est gratiam Dei oblatam acceptare, vel respicere. Possem hîc vnico S. Augustini testimonio defungi, adeo insigne est illud, & extra omnes Aduersariorum cauillationes positum. Sumitur ex libro 2. contra Petilianum cap. 84. *Si tibi proponam quæstionem*, inquit, *quomodo Deus Pater attrahat ad Filium homines, quos IN LIBERO DIMISIT ARBITRIO*, fortasse eam difficile soluturus est. **Q**UOMODO ENIM ATTRAHIT



SI DIMITTIT, VT QVIS QVOD VOLVERIT  
ELIGAT; ET TAMEN VTRVMQVE VERVM  
EST, SED INTELLECTV HOC PENETRARE  
PAVCI VALENT. *Si ergo fieri potest ut quos in libero  
dimisit arbitrio attrahat tamen ad Filium Pater; sic fieri  
potest, ut ea qua legum coërcitionibus admonentur, non au-  
ferant liberum arbitrium.* Hæc S. Augustinus scribit ad  
Donatistarum querelas retundendas, qui cùm propo-  
sitis suppliciis ab hæresi sua deterrebantur, de Catho-  
licis graniter expostulabant in hæc verba: *Cur vos non  
liberum arbitrium unicuique sequi permittitis, cùm ipse ta-  
men Dominus Deus liberum arbitrium dederit hominibus?*  
Respondet S. Augustinus, liberum arbitrium legum  
coërcitionibus non eripi, quemadmodum Diuinâ per  
gratiam tractione non adimitur. Vnde concludit: *Ne-  
mo ergo vobis auferit liberum arbitrium, sed vos diligenter  
attendite quid potius eligatis, vtrum correcti vivere in pa-  
ce, an in malitia perscuerantes falsi martyry nomine vera  
supplicia sustinere.* Quâ ex disputatione certissimè con-  
fiscitur, quod pugno. Primò, quia clarissimè, & expres-  
sis verbis de homine lapso S. Augustinus asserit, quod  
Aduersarij ad integrum tantùm pertinere arbitrantur;  
Nimirum, *Deum per gratiam homines trahere, & tamen  
in libero dimittere arbitrio, ut quis quod voluerit eligat.*  
Secundò, quia inepta esset illa comparatio, & contra  
S. Augustinum faceret, si Diuina tractio in hominis  
potestate non relinqueret, obsequi, vel non obsequi.  
Nam Petilianus, ex illa continuò colligeret legum  
coërcitiones libertatem ad vtrumlibet homini adime-  
re. Quod vnum contendebat.

Plures sunt S. Augustini loci, quibus nihilo obscurius  
de homine lapso, quàm de integro affirmat, Diuinam  
tractionem in eius arbitrio relinqui. Sic libro de gratia  
& libero arbitrio cap. 2 homini lapso accommodat il-  
lud Ecclesiastici 15. *Ipsè ab initio fecit illum, & reliquit  
illum in manu consilij sui.* Et libro Quinquaginta Homi-

500 DISPUT. DE LIBERO ARBITRIO  
liarum homin. 16. IN TVO ARBITRIO DEVS POS-  
SVIT, CUI PARES LOCVM, DEO AN DIABO-  
LO. Et Sermone 47. de Sanctis. *In potestate nostra po-  
suit qualiter in die iudicii iudicemur, &c. in se enim po-  
suit, quod requiris. Quod & S. Hieronymus discretissime  
pronuntiat in caput 49. Isaie. Dei vocare est, inquit,  
& nostrum credere; nec statim si nos non credimus impossi-  
bilis Deus est; sed potentiam suam NOSTRO ARBITRIO  
DERELINQVIT, vt iuste voluntas premium consequa-  
tur. Quæ est illa Dei potentia, quam in arbitrio nostro  
dereliquit, nisi gratia Dei, qua nos vocat, & ad bene  
agendum armat, atque instruit, ita vt postea in nobis  
positum sit, bonum eligere, vel relinquere, secundum  
illud S. Augustini, vel Fulgentij libro de Prædestina-  
tione & gratia cap. 9. Ita inter se, & homines Deus tem-  
pora, officiâque distribuens ordinavit, vt vocatione ipsius  
bonorum principia sumeremus; vocati autem & illuminati,  
viam mandatorum eius boni ingenij intelligentia noscere-  
mus, ET EA LIBERO ELIGEREMVS, VEL RE-  
LINQVEREMVS ARBITRIO.*

Secundò, libertatem ad vtrumlibet homini lapsò id-  
circo Aduersarius asserit, quod Adamus dicatur ha-  
buisse in potestate dzmoni consentire aut dissentire,  
Deumque vocantem repellere aut sequi. Quod S. Au-  
gustinus cum vbique passim, tum præsertim Sermone  
34. de diuersis clarissime affirmat. *Vt subderetur Adam  
diabolo seductori, fuit in eius libero arbitrio, quod ad inferio-  
ra declinando superiora deseruit, & aurem prebuit serpenti,  
aurem clausit ad Deum: atque constitutus inter praeceptorem  
& seductorem, magis seductori, quam praeceptori obtemperare  
elegit, &c. Verum si locus iste, aliique consimiles ad  
probandam in Adamo libertatis indifferentiam aliquid  
possunt, vt sanè plurimum possunt, nobis licet concu-  
piscentiæ pondere oppressis eadem libertas ad vtrumli-  
bet multò certius ex aliis S. Augustini locis vindica-  
tur. Hunc vnum expende longè pulcherrimum ex li-*



bro Quinquāginta Homiliarum homil. 12. *Cū per Dei adiutorium in potestate tua sis, utrum consentias diabolo: quare non magis Deo, quā ipsi obtemperare deliberas?* SI ENIM SOLVS DIABOLVS DARET CONSILIVM, ET DEVS TACERET, HABERES QVO EXCVSARI POSSES. Cū verò Christus tibi conscientiam tuā contradicat, & per Scripturas Diuinas audias in Ecclesia, quod non debeas facere malum, quare eligis mortem, & deseris vitam: & magis vis sequi diabolum ad luxuriam, quā obtemperare Christo, qui te inuitat ad vitam æternam? Rogo ergo vos fratres charissimi, quare satanas seducit ad peccandum, CVM DEVS POSVERIT HOMINI IN POTESTATE NON CONSENTIRE SATANÆ? Est enim à dextris quodammodo præcipiens Deus, à sinistris seducens satanas, homo in medio constitutus. Cor quod inclinatur ad diabolum; quare non potius erigitur ad Deum? non enim diabolus cogendo, sed suadendo nocet: nec extorquet à nobis consensum, sed petit. Nos diabolum non adiuuamus, & vincimus. Dat quidem ille consilium, sed DEO AVXILIANTE NOSTRVM EST VEL ELIGERE, VEL REPVDIARE QVOD SVGGERIT.

Estne aliquis in S. Augustino locus, qui clarioribus verbis libertatem ad vtrumlibet homini integro adscribat? Estne aliquis, quo expressius Diuinum adiutorium primo homini ad non peccandum adfuisse tradatur? Quid his verbis apertius? *Cū per Dei adiutorium in potestate tua sis, utrum consentias diabolo: quare non magis Deo, quā ipsi obtemperare deliberas?* Possuntne hæc verba ad illum fieri, qui gratiā ad frangendos dæmonis impetus necessariā careat? Quid ad eandem gratiam sufficientem stabiliendam efficacius sequenti sententia? *Si solus diabolus daret consilium, & Deus taceret, haberes quo excusari posses. Cū verò Christus tibi conscientiam tuā contradicat, &c.* Eādem ratione homines naturæ infirmitatem peccatis suis prætexentes compescit libro 3. de libero arbitrio cap. 19. *Rectè fortasse,*

inquit, *quererentur si erroris ac libidinis nullus hominum victor existeres. Sed cum ubique sis praesens qui multis modis per creaturam sibi domino seruientem auersum vocet, doceat credentem, &c.* Quid denique ad libertatis indifferentiam cum medicinali adiutorio conciliandam his verbis illustrius? *Dat quidem ille (dæmon) consilium: sed Deo auxiliante nostrum est vel eligere, vel repudiare quod suggerit.* Alios complures eiusdem sententiae S. Augustini locos omitto, cuiusmodi est ille ex eodem libro homilia 16. *In tuo arbitrio Deus posuit cui pares locum Deo, an diabolo.* Omitto quoque plura Sanctorum Patrum testimonia, quae in id consentiunt, quod scribit Bernardus sermone 5. in quadragesima. *Potest, inquit, inimicus excitare temptationis motum, sed in te est, si volueris, dare seu negare consensum. In tua facultate est, si volueris, inimicum tuum facere seruum tuum.* Nulla his locis adhiberi cauillatio potest, quae illos pariter non impetat, quibus libertas ad vtrumlibet Adamo tribuitur.

Tertiò, primi hominis voluntatem in vtrumuis expeditam, nec Diuinâ gratiâ vni obstrictam parti inde Aduersarius colligit, quod ex S. Augustini mente libro de corrept. & gratia cap. 11. prius Adamus Diuinæ gratiae adiutorium deseruerit, quàm ab illo desertus sit. S. Augustini verba sunt: *Quod adiutorium si homo ille per liberum non deseruisset arbitrium, semper esset bonus: sed deseruit, & desertus est.* Valida sanè ratio, & cum primis efficax ad euincendum gratiae, sanitatis resisti posse. Sed illa quoque pro gratia medicinali militat, cum de hoc statu S. Augustinus scribat libro de natura & gratia cap. 16. **DEUS NON DESERIT, SI NON DESERATUR, VT PIE SEMPER IUSTEQUE VIVATUR.** Et Tractatu 2. in caput primum Ioannis: **OPUS EST VT TV NON DESERAS, ET NON DESERERIS.** Cui concinit Prosper libro 2. Responsionum ad 7. obiectionem. *Dei voluntas est vt*



*in bona voluntate maneat, qui & priusquam deferatur, neminem deserit. Vnde accersitum est illud Concilij Tridentini decretum sess. 6. cap. 11. Deus suâ gratiâ semel iustificatos non deserit, nisi prius ab eis deferatur. Et capite 13. Nemo ut perseveranter stet sibi aliquid absoluta certitudine polliceatur, tametsi in Dei auxilio firmissimam spem collocare, & reponere omnes debent. DEVS ENIM NISI IPSI ILLIVS GRATIÆ DEVERINT, SICVT COEPIT OPVS BONVM, ITA PERFICIET OPERANS VELLE, ET PERFICERE.*

Ludit verò Aduersarius & pueriliter ludit, cùm ait S. Augustinum, & Tridentinos Patres de illa tantùm desertione loqui, quâ Deus hominem iustum subtractione gratiæ habitualis non antè deserit, quàm ille mortali peccato se obstringat. Nam, vt à Concilio Tridentino ordiatur, longè est alia eius sententia. Agit enim eo loci contra inanem, ac temerariam Hæreticorum præsumptionem, qui se prædestinatos, & perseverantiæ munere donandos certo certius credebant: cùmque capite 12. statuisset, neminem *sine speciali revelatione scire posse, quos Deus elegerit. De perseverantia ita decernit cap. 13. Similiter de perseverantia munere, de quo scriptum est, qui perseverauerit usque in finem saluus erit: quod quidem haberi non potest, nisi ab eo qui potens est cum qui stat statuere ut perseveranter stet, & cum qui cadit restituere: nemo certi aliquid absoluta certitudine polliceatur. Ne quis hinc tamen sibi malè ominentur, continud adiicit: Tametsi in Dei auxilio firmissimam spem collocare, & reponere omnes debent, Deus enim nisi ipsi illius gratiæ defuerint, sicut cepit opus bonum, ita perficiet operans velle, & perficere. Quis hæc verba ad gratiam habitualement detorqueat? Aut firmissimam spem in Dei adiutorio collocandam. An illud adiutorium gratia habitualis est? Rationem reddit cur ita de Divino adiutorio bene sperare debeamus: Deus enim, nisi ipsi illius gratia defuerint, sicut cepit opus bonum, ita perficiet*

Libro 1. de  
grat. Chri-  
sti cap. 19.

*operans velle & perficere. Gratia illa, quâ Deus, nisi illi defuerimus, operabitur velle & perficere, gratia operans est, & cooperans; non igitur gratia habitualis.*

Et verò, quæ esset ista bene sperandiratio, quam nobis ostenderent Tridentini Patres? Perinde sanè facerent, ac si quis hominem vel ad ipsius mortis nomen trepidantem, sic affaretur: Bono sis animo, spera te non moriturum, nam anima tua non antè discedet à corpore, quàm corpus malè affectum illam expulerit. Rideret profectò, qui sic hominem compellaret. Rideret quoque, qui iustum sibi de perseuerantia malè metuentem his verbis bene sperare iuberet: *In Dei auxilio firmissimam spem collocare, & reponere debes, nam Deus non discedet ab anima tua tanquam vita eius, Aduersarij verba sunt, nisi ipsa peccando à Deo discesserit. Istud equidem scio, responderet ille, at perseuerantiam sperare non possum, nisi certus sim adfuturum mihi Diuinæ gratiæ adiutorium, sine quo non potest animus quin à Deo discedat. Quam in rem appositè S. Thomas lectione 1. in cap. 1. Epist. 1. ad Corinth. Debetis sperare quia Deus est fidelis: non autem videretis esse fidelis, si nos vocaret ad societatem filij, & nobis negaret quantum in ipso est, ea, per quæ peruenire ad eum possemus. Vnde Iosue 1. dicit, non te derelinquam, neque derelinquam.*

Nihilo felicìus se à S. Augustino Aduersarius expedit. Nameo loco, quem protuli ex libro de natura & gratia cap. 26 tam clarè de actuali gratia, non de habituali S. Augustinus loquitur, ut nemo, nisi insigniter pertinax, id possit inficiari. Agit enim aduersus Pelagium qui assererat, Dei gratiam delere quidem quod peccauimus, at non prestare ne peccemus. Quibus verbis actualis gratiæ necessitatem tollebat. At cum S. Augustinus refellit ex medici cum Christo dispari similitudine. *Medicus homo, inquit, cum sanauit hominem, iam de cetero sustentandum elementis, & alimentis corporalibus, ut eadem sanitas apud subsidio conualescat, atque persistat,*



*Deo dimittit, Tum aliam cœlestis modici rationem esse ait: Ipse autem Deus cum per mediatorem Dei & hominem, hominem Iesum Christum, spiritualiter sanat agrum, vel vivificat mortuum, id est, iustificat impium, & cum ad perfectam vitam iustitiâque perduxerit, non deserit, si non deseratur, ut pie semper iustèque vivatur. Hæc esse intelligenda de illa desertione, quæ gratiæ actualis, non verò habitualis subtractione fit, constat 1. quia non negabat Pelagius Deum medicum homini, quem per gratiam sanctificantem sanauerat, semper adesse per eandem gratiam dum pie iustèque viveret. Quod ex ipso Aduersario clarum est, qui fusissimè probat Pelagium de gratia habituali rectè sensisse. Constat 2. ex ratione quâ S. Augustinus efficit Deum medicum non deserere hominem sanatum. Sicut enim, inquit, oculus corporis etiam plenissimè sanus, nisi candore lucis adiutus non potest cernere: sic homo etiam perfectissimè iustificatus, nisi æterna luce iustitiæ diuinitus adiungetur, rectè non potest vivere. Non potuit clariùs actualem gratiam ab habituali secernere. vnde Aduersarius ipse hæc sæpe verba vsurpat, ut probet homini iustificato gratiam habitualem non sufficere ad bene operandum, nisi insuper actualis gratiæ præsidio corroboraretur. Constat 3. ex sequentibus verbis, quibus ita S. Augustinus concludit: Sanas ergo Deus non solum ut deleat quod peccauimus, sed ut præstet etiam ne peccemus. Non per habitualem, sed per actualem gratiam præstat ne peccemus; Ergo de actuali gratia loquitur cum ait: Deus non deserit, si non deseratur, ut pie semper iustèque vivatur.*

Agit hîc suo more Aduersarius, & ad fucum faciendum plures ex S. Augustino locos corradit, quibus eadem medici comparatione ostendit, Deum non ita iustificare hominem, ut, si recesserit subtractione gratiæ sanctificantis, maneat in absente quod fecit. Sed quid istud ad rem nostram pertinet? cum locus ille de quo confiligimus, ita exponi non possit, quin & S. Augustini

506 DISPUT. DE LIBERO ARBITRIO  
argumentatio infringatur, & pulcherrima sententia;  
quâ probari gratiæ actualis necessitas solet, quâque Ad-  
uersarius vititur persæpe, aliò per vim deflectatur. Vi-  
derant illud opinor nouæ opinionis defensores, cum  
in Examine propositionum excerptarum, &c. aliam  
huic loco solutionem adhibere conati sunt. *Deus*, in-  
quiunt pag. 18. *non deserit nisi prius deseratur, ut pie sem-*  
*per iustæque viuatur* (pura hæc S. Augustini verba, cum  
quibus interpretationem hanc contexunt) in altera  
*sempiterna, & beata vita, ubi omnia erunt pietas & iusti-*  
*tia, & Deus omnia in omnibus. Ad hanc quippe vitam per-*  
*uenient, qui ante finem mortalis vitæ non deserunt perpec-*  
*catum mortale inhabitantem Deum, idèoque nec ab illo de-*  
*seruntur.* O ingeniosam responsionem, si à S. Augustini  
mente paulò minus abluderet! Illam compone cum in-  
tegro S. Doctoris loco, & intelliges risu potiùs, quàm  
refutatione dignam esse.

## PARAGRAPHVS II.

*Pulcherrimus S. Augustini locus ab insigni nuperi  
Doctoris corruptela defenditur.*

PLVRIMUM facit ad libertatis indifferentiam ho-  
mini corrupto asserendam nobilis ille S. Augustini lo-  
cus ex libro 12. de Ciuitate Dei cap. 6. ubi ponit *duos*  
*equaliter affectos animo & corpore videre vnus corporis*  
*pulchritudinem, quâ visâ vnus eorum ad illicitè perfructum*  
*moneatur, alter in voluntate pudica stabilis perseueret.* Tum  
querit, quid causæ sit cur vnus consentiat. Respon-  
det: *Quid aliud apparet, NISI VNVM VOLVISSE,*  
*ALTERVM NOLVISSE A CASTITATE DEFI-*  
*CERE? VNDE, NISI PROPRIA VOLUNTATE,*  
*VBI EADEM FVERAT IN VTROQUE CORPO-*  
*RIS ET ANIMÆ AFFECTIO? AMBORVM OCV-*  
*LIS PARITER VISA EST EADEM PVLCHRI-*



**TVDO: AMBOBVS PARITER INSTITIT OCCVLTA TENTATIO.** Quem locum videtur respexisse Hugo Victorinus, cùm in prioribus Annotationibus ad caput 9. Epistolæ ad Romanos ita scripsit: *De duobus quæritur æqualiter in peccato iacentibus, quibus gratia Dei æqualiter proponitur, & offertur, unde sit quòd aliter ei consentiat, & ab altero respuatur? Solutio: utrique data est gratia quâ potuit consentire; alterius tamen mens mota est & consensus &c.*

Vidit Aduersarius quàm periculosum dogmati suo vulnus hic S. Augustini locus minaretur. Quamobrem vbi illum recitauit, & ingenuè confessus est, *videri ex hoc loco consequi etiam nunc gratiam relinqui in libero arbitrio, utpote qua tribuat ei posse, si velis, ipsum velle vel nolle permittendo indifferentia voluntatis: nihil non molitur ut vim eius infringat.* Ac primò, varias, quæ adhiberi solent, responsiones paucis refellit. Deinde illustriorem quandam paulò fusiùs exponit, quâ nonnulli aiunt, poni quidem à S. Augustino homines illos corpore & animo æqualiter affectos, at non pari instructos gratiâ. Idque ab eo prudenter fieri, quòd quæstio sit de causa cadendi, non standi. *Sed ut verum fatear, inquit, non videtur hæc responsio genuinum istius loci sensum attingere.* Quà igitur euadet, qui sibi tot effugia præcidit? Quod Calvinus libro 3. de libero arbitrio aduersus omnes S. Augustini locos, quibus voluntatis ad vtrumlibet libertas exprimitur, vniuersim præscribit, loqui illos de homine integro, & peccati labe nondum polluto, hoc ille ad hunc S. Augustini locum per fas & nefas accommodat. *Respondeo, inquit, etiam hæc ostendere Scholasticos, qui illo loco pro decantata indifferentia voluntatis vtuntur, cuiusmodi gratiam pro Christi gratia inferre conentur: illam videlicet qua primis hominibus innocentibus, atque Angelis data fuit, pro ut Massilienses aliqua ex parte tenuerunt.* Atque vbi inanes aliquot coniecturas attulit, quibus probet loqui S. Augustinum

de hominibus in statu innocentie degentibus, & vnius corporis pulchritudinem in eodem statu intuentibus, concludit: *Profecto locus iste non solum nihil Aduersarios iuuat, sed etiam ingulat. Non iuuat quidem, quia non loquitur de lapsa nature statu, de cuius gratia nobis disputatio est; sed de statu innocentie hominum, & Angelorum, in quibus prima voluntas mala, & bonae voluntatis permansio, non ex adiutorij, sed ex voluntatis diuersitate nascebatur, &c.* Vigilabat Aduersarius cum hæc scriberet? Certe tam aliena est à S. Augustini mente, verbisque isthæc interpretatio, vt ab homine sui compote proferri scrib non possit. Nec eam tamen profert tantum: sed & nobis ferociter insultat; quasi cum hoc loco vtimur ad humanæ libertatis indifferentiam post lapsum retinendam, libertatem voluntatis integre, cum libertate voluntatis corruptæ, non sine Pelagianismi suspitione, confundamus. Sed quæso expende mecum quàm insulsa sit illa calumnia, quàmque insignis corruptela, quâ pulcherrimum sancti Augustini locum fœdè deprauat.

Asserit S. Augustinum quærere eo capite quid sit causa cur ex Angelis alij steterint, alij non steterint, eoque rem deducere, vt vincat ex eorum voluntate causam vltimam esse repetendam, quod nempe cum omnes stare possent, vtpote sufficienti ad perseuerandum adiutorio instructi, alij propriæ voluntatis determinatione stare voluerint, alij noluerint. Hæc omnia illi assentior; verè enim & ex S. Augustini mente dicta sunt. Addit, S. Augustinum ad hanc quæstionem luculentius illustrandam, exemplum ponere in duobus hominibus æquali tentatione vexatis, quorum alter tentationi succumbit, alter resistit: sed contendit velle S. Augustinum duos illos homines esse in statu naturæ integre, non in isto, quo viriata peccato natura est. Ego verò contrà pugno nihil absurdius, & à S. Augustini mente remotius dici potuisse.



Probatur 1. ex verbis quibus S. Augustinus hoc exemplum proponit. *Si enim, inquit, aliqui duo equaliter affecti animo & corpore videant vnus corporis pulchritudinem &c.* Quis suspicetur hæc referri ad innocentiz statum, in quo nunquam homines duo extiterunt, qui vnus corporis pulchritudinem videre potuerint? Quis verbum illud, *videant*, ad præsentem statum, hominesque iam existentes pertinere non putet? Si de hominibus innocentibus S. Augustinus loqueretur, id mone-  
ret expressè: ac primò poneret homines duos in statu innocentiz existere, tum eos intueri vnus corporis pulchritudinem: atque adeo mentem suam ita enun-  
tiaret: Si duo homines existerent in statu innocentiz, & viderent &c. Quod eò diligentius faceret, quò ma-  
ius esset periculum, ne ista eius disputatio ad vicia-  
tæ naturæ statum, non sine Pelagiano errore, traduce-  
retur.

Probatur 2. S. Augustinus loquitur de eo statu, in quo pulchritudo corporum oculis ad illicitam voluptatem lenocinetur, sic enim subtexit: *Quâ visâ vnus eorum ad illicitè perfruendum moneatur.* At istud in S. Augustini sententia ab innocentiz statu longè abfuisset, cum libro 1. Operis imperfecti folio 100. ne ferre quidem possit Iulianum affirmantem, pomi decore oculos Adami incitatos spem etiam iucundi irritasse saporis. Docet Aduersarius ipse, primos parentes etsi nudi essent, ex mutuo tamen aspectu ne ad licitam quidem voluptatem fuisse concitatos. Et persuadebit in eodem statu corporum pulchritudinem ad illicitas tur-  
pèsque voluptates prouocasse.

Probatur 3. Manifestè S. Augustinus meminit carnalis concupiscentiæ, quæ à statu innocentiz atceretur. *An caro, inquit, inueniunt in causa est? cur non & illius? An verò vnus? cur non vtriusque? Ambos enim & animo, & corpore aequaliter affectos fuisse prædiximus.* Concupiscentiam hæc exprimi non modò constat ex eo quòd

Libro de  
gratia pri-  
mi hominis  
cap. 3.

310 DISPUT. DE LIBERO ARBITRIO  
carnis nomine à S. Paulo, & S. Augustino plerumque  
appellatur; sed etiam maximè, quòd si de carne con-  
cupiscentiæ experte loqueretur, vel nunquam petiis-  
set, *an caro insuentis in causa est?* vel hoc vnum respon-  
disset: *At illa carnali concupiscentiâ vacat*, adeoque ad  
peccatum prolektare non potest. Quid enim attinebat  
toties inculcare ponere se homines duos æqualiter cor-  
pore affectos, si de eo statu sermo erat, in quo varia cor-  
porum affectio nihil ad peccatum conferret?

Probatum 4. loquitur S. Augustinus de eo statu, in  
quo homo non exterius tantum, sed etiam interiùs à  
dæmone tentaretur. Subdit enim: *An dicendum est al-  
terum eorum occulta maligni spiritus suggestionem fuisse ten-  
tatum?* At eiusmodi suggestio occulta in statu innocen-  
tiæ locum non habuit: neque enim poterat dæmon in  
animam sibi nondum mancipatam aliâ viâ, quàm per  
externos sensus irrepere. Qua de re S. Thomas 2. 2.  
quæst. 165. art. 2. ad 2. ita decernit: *Suggestio, quâ spiri-  
tualiter diabolus homini aliquid suggerit, offendit diabolum  
plus habere potestatis in homine, quàm suggestio exterior;  
quia per suggestionem interiorem immutatur à diabolo sal-  
tem hominis phantasia: sed per suggestionem interiorem im-  
mutatur sola exterior creatura. Diabolus autem minimum  
potestatis habebat in homine ante peccatum. Et ideo non  
potuit eum interiori suggestionem, sed solum exteriori tenta-  
re.* Ambrosius quoque in Commentariis ad caput 1,  
Epistolæ ad Romanos: *Ante prauaricationem & prius-  
quam homo se manciparet morti, non erat demoni potestas  
ad interiora hominis accedere, & cogitationes aduersas in-  
ferere. Postquam autem circumuenit eum, potestatem in eum  
accepit, ut interiorem hominem pulsaret &c.* Hanc sen-  
tentiam vulgò amplectuntur Theologi, probantque  
exemplo Christi, qui non potuit à dæmone interiori  
suggestionem tentari.

Confirmatur, si dæmon occultâ tentatione hominis  
integri animum potuisset subire, hanc quoque ad



euertendum Adamum machinam adhibuisset, cùm intelligeret satis non vnius Adami, sed totius humani generis causam agi: At eo modo tentatum non fuisse Adamum testatur ipse Aduersarius libro de gratia primi hominis cap. 21. vbi de Adami lapsu ita loquitur. *Vnicam illam extrinsecus solo verbo pulsantem tentationem hîc & nunc sine adiutorio Dei vitare non potuit.* Consentit S. Augustinus libro 11. de Genesi ad litteram cap. 27. *Non est permixtus Diabolus tentare feminam, nisi per serpentem, nec virum nisi per feminam.* At cùm mulier exteriori tentatione victa peccauit, subiit eius animum dæmon, impulitque vt virum in criminis societatem traheret, *occulio instinctu adiuuans interius, quod exterius egerat per serpentem.*

Possem alia ex eâdem S. Augustini disputatione repetere, quæ inuidèe conficiunt illam non posse ad innocentix statum traduci, quin laceretur tota, fœdèque distorqueatur: sed iis prætermisissis, ad eas rationes aggredior, quæ nouum Theologum in hanc opinionem inauditam hætenus, nec minus à S. Augustini mente, quàm à communi Doctorem omnium sensu abhorrentem impulerunt. Prima quidem, quâ negat fieri hîc mentionem concupiscentiæ, fracta iam est, & explosa. Neque enim potuit expressiùs concupiscentiam designare, quàm cùm petiit, *an caro insuentis in causa est?* & cùm affirmauit, ex pulchri corporis aspectu hominem ad illicitè perfruendum moueri.

Infirmior est altera ratio, quam his verbis concipit: *Augustinus dicit ante istam voluntatem malam, nihil esse hominem nisi naturam bonam, cuius auctor Deus, cùm tamen ipse in hominibus lapsis grauissima agnoscat vitia, quorum non est auctor Deus.* Ridebis hanc argumentationem, cùm Augustinianæ disputationis finem, ex quo deprompta est, retulero. Probauit hætenus hominem illum causam esse malæ voluntatis suæ, nunc contendit non esse causam efficientem eiusdem voluntatis,

sed tantum deficientem. Quam in questionem sic ingreditur: *Propriam igitur in uno eorum voluntatem malam, qua res feceris* (efficienter nimirum, non deficienter) *scire volentibus, si bene intueamur, nihil occurrit. Si enim dixerimus quod ipse eam fecerit, quid erat ipse anse voluntatem malam, nisi natura bona, cuius auctor Deus.* Naturam hominis spectat prout à concupiscentia distinctam. Probauerat enim neque obiectam oculis pulchritudinem: neque carnem, seu carnalem concupiscentiam: neque occultam dæmonis suggestionem; sed solam hominis voluntatem, prout ab his omnibus distinguitur, malæ huiusce volitionis causam extitisse: nunc probat eandem voluntatem, ut sic spectatam, esse tantum causam deficientem; quia ut sic bona est, atque adeo causa efficiens mali esse non potest. Audi quibus verbis id efficiat. *Qui ergo dicit eum qui consensit tentanti atque suadenti, cui non consensit alius, ad illicitè utendum pulchro corpore, quod videndum ambobus pariter adfuit, cum ante illam visionem ac tentationem similes ambo animo & corpore fuerint: ipsum sibi fecisse voluntatem malam, qui utique bonus ante voluntatem malam fuerit: quæras cur eam fecerit, utrum quia natura est, an quia ex nihilo facta est. Et inuenies voluntatem malam non ex eo esse incipere, quia natura est, sed ex eo quod de nihilo natura facta est.* Quasi iam de homine sanctissimo dicerem, non potest incipere esse malus ex eo quod natura est, sed ex eo quod de nihilo factus est; quia ex communi Sanctorum Patrum, ac Theologorum sententia, potestas peccandi homini conuenit, quatenus ex nihilo factus est. Ex his omnibus S. Augustinus concludit: *Nemo ergo quærat efficiensem causam male voluntatis: non enim est efficiens, sed deficient; quia nec illa effectio est, sed defectio.* Nihil inde exculpi potest, quod vel in speciem Aduersario faueat.

Postrema eius ratio, eaque leuissima nititur citatis iam verbis: *Inuenies malam voluntatem non ex eo esse incipere &c.* Vim facit in hac voce, *incipere.* Ex qua ita argu-



argotatur: *Si ex eo incipit; ergo de prima mala voluntate sermo est, quæ nullius omnino sit pœna peccati. Hanc autem certissimum est, nullam esse, iuxta doctrinam S. Presulis, nisi illius, qui inter Angelos aut homines primus cecidit. Vnde paulò post triumphabundus concludit: Vi sanè nihil manifestius esse possit, quàm de prima mala consensio-  
ne voluntatis sermonem esse. Sed nugari est istud, & ni-  
mis diluto colore fucum facere. Quis enim non videt,  
in Augustiniana disputatione verbum, incipere, non cu-  
iuslibet malæ voluntatis, sed illius tantùm, quâ ho-  
mo post iustificationem malus esse incipit, initium de-  
signare? Quemadmodum si quis de Iuda ita pronun-  
tiaret: Mala voluntas non ex eo incepit in Iuda, quia natu-  
ra est, sed quia de nihilo factus est.*

Atque vt intelligas quàm temerè, quàmque ineptè  
Aduersarius voluntatem illicitè perfruendi pulchro  
corpore ad primam omnino naturæ integræ volitio-  
nem malam reuocet, obserua, ex S. Augustini men-  
te hominis in statu innocentiz positi primum pecca-  
tum non aliud esse posse, quàm superbiam. Ita docet  
libro 14. de ciuitate Dei cap. 13. *Porro, inquit, mala  
voluntatis initium quod potuit esse, nisi superbia?* Illud ip-  
sum tradit libro 8. de genesi ad litteram cap. 13. & 14.  
& libro 11. cap. 30. Vnde sic disputo. Loquitur S.  
Augustinus de eo statu, in quo voluntas illicitè per-  
fruendi pulchro corpore possit esse primum peccatum  
hominis iusti: Atqui ex S. Augustini mente voluntas  
illicitè perfruendi pulchro corpore non potest esse pri-  
mum peccatum hominis iusti in statu innocentiz po-  
siti; Ergo non loquitur de statu innocentiz.

Tantùm operæ ac temporis in hac Aduersarij re-  
sponsione confutanda non posuisssem, si ab eo fuisset  
proposita modestiùs. Sed cùm illā iactatit magnificè, &  
nobis insolenter ac proteruè insultarit, non potui quin  
hanc eius intemperiem pluribus castigarem, demon-  
strarémque exemplo perillustri, nunquam illum à S.

Augustino longius recedere, quàm cum se eius v<sup>e</sup>stigiis pressius inhærere gloriatur. Non premam alium S. Augustini aut Fulgentij locum superiori per similem, quo Nabuchodonosorem cum Pharaone committit libro de Prædestinatione & gratia cap. 15. *Quantum ad naturam, inquit, ambo homines erant: quantum ad dignitatem, ambo Reges: quantum ad causam, ambo captiuum populum Dei possidentes: quantum ad pœnam, ambo flagellis clementer admoniti. Quid ergo fines eorum fecit esse diuersos, nisi quod unus manum Dei sentiens in recordatione propria iniquitatis ingemuit, alter libero contra Dei misericordissimam veritatem pugnavit arbitrio?* Hunc, inquam, locum, qui superiorem magnopere illustrat, non premam, ne Aduersarij hæc ad innocentiz statum pertinere contendant, quòd nulla hîc concupiscentiz mentio fiat.

Neque etiam vrgebo plures alios S. Augustini locos, quibus reprobos cum prædestinatis ita componit, vt eos quoque vocari asserat, *ATQUE VT VENIRENT VOCATI, FUISSE IN EORVM LIBERA POTESTATE.* Eius verba sunt libro 83. questionum q. 68. quod nominatim de Esaü reprobos omnium typo affirmat libro primo 1. ad Simpl. q. 2. *Noluit Esaü, & non eucurrit; sed & si voluisset, & cucurrisset, Dei adiutorio peruenisset; qui etiam velle, & currere vocando præstaret, nisi vocatione contempta reprobus fieret.* Hos, inquam, locos non vrgebo, quia modò non vacat inanem illam responsionem excutere, quâ Aduersarius ait libro 2. de gratia Christi cap. 32. S. Augustinum loqui de sola vocatione externa. Tu, si libet, Ioannem Malderum Episcopum Antuerpiensem consule in Anti-Synodalibus pag. 150. & intelliges hanc solutionem non modò ex Caluiniana Synodo Dordrechtana fluxisse, sed etiam S. Augustino capitaliter aduersari.



## SECTIO II.

*Quidquid Adversarius gratiæ medicinali singulariter adscribit, gratia quoque sanitatis à S. Augustino tribuitur.*

**M** I R V M quantum nouæ opinionis fundamenta succussa sunt à nobis, cum ex sancti Augustini mente ostendimus ea quoque medicinali gratiæ conuenire, quæ nouus Doctor gratiæ sanitatis propria esse pugnabat. Reliquum est ad eandem opinionem funditus excindendam, ut demonstrem, gratiæ sanitatis à sancto Augustino tribui quidquid ille medicinalis proprium esse contendit. Hoc si effecero, suis ipse laqueis irretitus non antè se expediet, quàm argumenta omnia, quibus nos premit, inania ac futilia esse conuincat.

## PARAGRAPHVS I.

*Gratia natura integra etiam operabatur velle, & voluntati meritum dabat.*

**P** R I M V M istud medicinali gratiæ singulariter Adversarius adscribit, ut operetur in nobis velle. Vnde libro de Gratia primi hominis cap. 14. & 15. præfractè negat gratiam sanitatis operari ipsum velle. At istud tamen expressis verbis S. Augustinus affirmat libro 12. de Ciuitate Dei cap. 9. ubi de Angelis bonis ita scribit: *Profectò & bonam voluntatem quâ meliores essent, NISI OPERANTE ADIUTORIO CREATORIS habere non possent.* Ergo in Angelis adiutorium Dei bonam voluntatem operatur. Pergit: *Et cum id egit eorum voluntas bona, ut non ad se ipsos qui minus erant, sed ad*

Libro 2. de  
grat. Chri-  
sti cap. 9. 11.  
14. 17. 23.  
26. atque  
alibi pas-  
sim.

Augustino longius recedere, quàm cum se eius vè-  
 stigis pressius inhærere gloriatur. Non premam alium  
 S. Augustini aut Fulgentij locum superiori persimilem,  
 quo Nabuchodonosorem cum Pharaone committit  
 libro de Prædestinatione & gratia cap. 15. *Quantum  
 ad naturam, inquit, ambo homines erant: quantum ad di-  
 gnitatem, ambo Reges: quantum ad causam, ambo captiuum  
 populum Dei possidentes: quantum ad pœnam, ambo flagellis  
 clementer admoniti. Quid ergo fines eorum fecit esse diuer-  
 sos, nisi quod unus manum Dei sentiens in recordatione  
 propriæ iniquitatis ingemuit, alter libero contra Dei miseri-  
 cordissimam veritatem pugnavit arbitrio?* Hunc, inquam,  
 locum, qui superiorem magnopere illustrat, non pre-  
 mam, ne Aduersarij hæc ad innocentiz statum perti-  
 nere contendant, quod nulla hîc concupiscentiz men-  
 tio fiat.

Neque etiam vrgebo plures alios S. Augustini lo-  
 cos, quibus reprobos cum prædestinatis ita compo-  
 nit, vt eos quoque vocari asserat, **AT QVE VT VE-  
 NIRENT VOCATI, FVISSE IN EORVM LIBE-  
 RA POTESTATE.** Eius verba sunt libro 83. quæ-  
 stionum q. 68. quod nominatim de Esau reprobos  
 omnium typo affirmat libro primo 1. ad Simpl. q. 2.  
*Noluit Esau, & non cucurrit; sed & si voluisset, & cucur-  
 risset, Dei adiutorio peruenisset; qui etiam velle, & currere  
 vocando præstaret, nisi vocatione contempta reprobos fieret.*  
 Hos, inquam, locos non vrgebo, quia modò non  
 vacat inanem illam responzionem excutere, quâ  
 Aduersarius ait libro 2. de gratia Christi cap. 32. S.  
 Augustinum loqui de sola vocatione externa. Tu, si  
 libet, Ioannem Malderum Episcopum Antuerpien-  
 sem consule in Anti-Synodalibus pag. 150. & intel-  
 liges hanc solutionem non modò ex Caluiniana Sy-  
 nodo Dordrechtana fluxisse, sed etiam S. Augustino  
 capitaliter aduersari.



## SECTIO II.

*Quidquid Aduersarius gratiæ medicinali singulariter adscribit , gratiæ quoque sanitatis à S. Augustino tribuitur.*

**M**IRVM quantum nouæ opinionis fundamenta succussa sunt à nobis , cùm ex sancti Augustini mente ostendimus ea quoque medicinali gratiæ conuenire , quæ nouus Doctor gratiæ sanitatis propria esse pugnabat. Reliquum est ad eandem opinionem funditus excindendam , vt demonstrẽ , gratiæ sanitatis à sancto Augustino tribui quidquid ille medicinalis proprium esse contendit. Hoc si effecero , suis ipse laqueis irretitus non antè se expediet , quàm argumenta omnia , quibus nos premit , inania ac futilia esse conuincat.

## PARAGRAPHVS I.

*Gratia natura integra etiam operabatur velle , & voluntati meritum dabat.*

**P**RIMVM istud medicinali gratiæ singulariter Aduersarius adscribit , vt operetur in nobis velle. Vnde libro de Gratia primi hominis cap. 14. & 15. præfractè negat gratiam sanitatis operari ipsum velle. At istud tamen expressis verbis S. Augustinus affirmat libro 12. de Ciuitate Dei cap. 9. vbi de Angelis bonis ita scribit : *Profectò & bonam voluntatem quâ meliores essent , NISI OPERANTE ADIUTORIO CREATORIS habere non possent.* Ergo in Angelis adiutorium Dei bonam voluntatem operatur. Pergit : *Et cùm id egit eorum voluntas bona , vt non ad se ipsos qui minus erant , sed ad*

Libro 2. de  
grat. Chri-  
sti cap. 9. 11.  
14. 17. 25.  
26. atque  
alibi pas-  
sim.

*illum, qui summè est, conuerterentur, eique adherentes magis essent, eiusque participatione sapienter, beatèque viverent: quid aliud ostenditur nisi voluntatem quamlibet bonam, inopem fuisse in solo desiderio remansuram: nisi ille qui bonam naturam ex nihilo sui capacem fecerat, ex se ipso faceret implendo meliorem, prius faciens excitando auidiorem. Nullibi clariùs asserit, Deum hominis lapsi voluntatem facere, ex se ipso meliorem.*

Confirmatur. Aduersarius inde probat medicinalem gratiam operari in nobis ipsum velle, quòd S. Augustinus per sepe asserat, voluntatem bonam diffundi in cordibus nostris per Spiritum sanctum qui datus est nobis. Sic libro de Patientia cap. 25. ait: *Voluntas bona quàm diligitur Deus, in homine non potest esse, nisi in quo Deus operatur & velle. Hac igitur voluntas &c. Charitas Dei est, quæ non diffunditur in cordibus nostris, nisi per Spiritum sanctum qui datus est nobis.* At inde confici non potest gratiam medicinalem voluntatis arbitrio non permitti, quin idem de gratia sanitatis euincatur. Nam S. Augustinus eodem planè modo de Angelis loquitur libro 12. de Civitate Dei cap. 9. CONFITENDUM EST IGITUR CUM DEBITA LAVDE CREATORIS, NON AD SOLOS SANCTOS HOMINES PERTINERE, VERVM ETIAM DE SANCTIS ANGELIS POSSE DICI, QUÒD CHARITAS DEI DIFFUSA SIT IN EIS PER SPIRITVM SANCTVM, QUI DATVS EST EIS. Illud ipsum Basiliius affirmat libro de Spiritu sancto cap. 16.

Secundò, medicinalis gratiæ proprium esse contendit, ut non modò velle, sed etiam operari operetur in nobis, secundùm illud sancti Augustini libro de Gratia Christi cap. 25. *Etiam velle & operari operatur in nobis.* unde vim eius ineluctabilem colligit; quia si perinde repudiari à nobis, atque recipi posset, nobis operatio tribueretur, atque adeo nos sanctos, & meliores faceremus, nec à Deo, sed à nobis discerneremur. Verùm



illa ratio aut nulla est, aut æqualiter aduersùs gratiam sanitatis concludit. Quemadmodum enim S. Augustinus Sermone 10. de verbis Domini ait: *Fecit nos & homines, & saluos. Nam si ille nos fecit homines, nos autem ipsi nos fecimus saluos, aliquid illo melius fecimus. Melior enim est saluus homo, quàm quilibet homo.* Ita libro 12. de Ciuitate Dei cap. 9. de Angelis affirmat: *Si autem boni Angeli fuerunt priùs sine bona voluntate, eamque in se ipsis Deo non operante fecerunt: ERGO MELIORES A SE IPSIS, QVAM AB ILLO FACTI SVNT? ABSIT.* Quid enim erant sine bona voluntate, nisi mali? Aut si propterea non mali, quia nec mala voluntas eis inerat (neque enim ab ea quam nondum cæperant habere defecerant) ceriè nondum tales, nondum tam boni, quàm esse cum voluntate bona cæperunt. Aut si non posuerunt se ipsos facere meliores, quàm eos ille fecerat, quo nemo melius quicquam facit: PROPECTÒ ET BONAM VOLVNTATEM, QVA MELIORES ESSENT, NISI OPERANTE ADIVTORIO CREATORIS HABERE NON POSSENT. Quæ licèt de charitate habituali, aut de prima volitione, quam in creationis suæ initio Angeli susceperunt, dicta videantur, de qualibet tamen Angeli volitione bona, & maximè de illa, quæ steterunt, dici possunt, & debent. Aliàs enim vera esset ista conclusio, quam absurdissimam S. Augustinus reputat: *Ergo meliores à se ipsis quàm ab illo facti sunt.* Viderit Aduersarius quàm bene cum hac S. Augustini doctrina consentiat quod de Angelis docet, perseuerantiam à Deo, & merita non accepisse: nec ab illo, sed à se ipsis fuisse discretos. O admirabilem consensum! Ad hanc interrogationem: *Ergo Angeli meliores à se ipsis, quàm ab illo facti sunt?* sanctus Augustinus respondet: *Absit.* Et qui se illius interpretem profiteatur, non id fateretur modò, sed etiam pugnat, Angelos à se ipsis non à Deo & meliores, & perseuerantes factos esse.

Libro de  
gratia pri-  
mi hominis  
cap. 15. 16.  
& lib. de  
grat. Chri-  
sti c. 11. 12.

Si Adamus in statu innocentiae perseverasset, par fuisset in eo gratiae sanitatis efficacia. Quod cum Adversarius praefractè negat, manifestè à S. Augustino dissentit, qui libro 8. de Genesi ad litteram cap. 10. 11. 12. pluribus docet, Deum posuisse Adamum in paradiso voluptatis, non ut terram excoleret, sed ut ipse excoleretur à Deo, qui eodem modo in eius mente sanctitatem ac iustitiam fuisset operatus, quo modo eas in nobis operatur. Quapropter, inquit, quâ locutione dicitur homo operari terram, quæ iam terra erat, ut ornata, atque fecunda sit: eadem locutione DICTUR DEVS OPERARI HOMINEM, QUI IAM HOMO ERAT, UT PIUS SAPIENSQUE SIT. Dei igitur consilium erat, Adamum operari ut pius esset, id est, bonam in eo voluntatem iustitiæque operari. Quod mox ita exponit: *Sumpsit Dominus Deus hominem quem fecit, & posuit eum in paradiso OPERARI EUM UT IUSTVS ESSET.* Rationes subdit ex iis Scripturae locis, quæ de homine lapso præcipuè loquuntur. *Ipsius enim sumus figmentum, non tantum ad hoc ut homines simus, sed ad hoc etiam ut boni simus.* Nam & Apostolus cum fidelibus ab impietate conuersis gratiam quâ salui facti sumus commendaret: Gratia enim, inquit, salui facti estis per fidem, & hoc non ex vobis, sed Dei donum est, ne forte quis extollatur. Quæ cum S. Augustinus adhibeat, ut probet Deum posuisse Adamum in paradiso operari eum, ut iustus esset: satis indicat Adamum perseverantem, futurum fuisse Dei figmentum, eiusque iustitiam Dei donum; quemadmodum Sancti modò figmentum Dei sunt, eorumque virtus omnis Dei munus. Prosequitur: *Et alibi cum dixisset: cum timore & tremore vestram ipsorum salutem operamini, ne sibi putarent tribuendum tanquam ipsi se facerent bonos & iustos, continuo subiicit: Deus enim est qui operatur in vobis. Sumpsit ergo Dominus Deus hominem quem fecit, & posuit eum in paradiso operari eum, hoc est operari in eo.* Vides hæc



Apostoli verba, *Deus operatur in vobis velle & perficere*, quibus insuperabilem gratiæ medicinalis vim persæpe Aduersarius probat, applicari à S. Augustino naturæ integræ, cùmque contendere, Deum in paradiso Adamum collocasse, vt, quemadmodum nunc in Sanctis, sic etiam in illo iusticiam ac pietatem, id est, bonam voluntatem operaretur.

Tertiò, gratiam medicinalem à gratia sanitatis hoc differre pugnat, quòd Deus per illam voluntati meritum omne tribuat, nihil vt prorsus boni fiat ab homine lapso, quod à Deo non donetur: contra quàm accidere ait in gratia sanitatis, quâ Deus nec voluntati meritum, nec opera bona impartit; sed ea sibi voluntas ipsa parit, nec Deo accepta referre debet. Hocine ille scribere ausus est? ausus scribere pluribus in locis? tam insolenti sententiæ S. Augustini nomen ausus prætexere? S. Augustini inquam? qui tam disertè, tam sæpe de Angelis asserit, nihil prorsus boni in eis esse, quod non sit à Deo donatum, quòdque illi non debeant. Quid claritus his verbis ex Concione 2. in Psal. 70. *In altis cæli sunt, in altis Angeli sunt &c. Tibi debent quòd sunt, tibi debent quòd viuunt, TIBI DEBENT QVOD IVSTE VIVVNT: Potentiam tuam vsquequò? Vsque in altissima que fecisti magnalia. NE PVTES HOMINEM SOLVM PERTINERE AD GRATIAM DEI. QVID ERAT ANGELVS ANTEQVAM FIERET? QVID EST ANGELVS SI DESERAT, QVI CREAVIT?* Non ergo sola medicinalis gratia facit, vt quod bene agimus Deo acceptum referatur, cùm & ipsi Angeli Deo debeant quòd iustè viuunt. Idem affirmat libro 13. Confessionum capite 3. *Quod autem, inquit, in primis conditionibus dixisti, Fiat lux, & facta est lux, non incongruenter hoc intelligo in creatura spiritali, quia eras iam qualiscunque vita quam illuminares &c. Neque enim eius informitas placeres tibi, si non lux fieret, non existendo, sed intuendo illuminantem lucem, etque coharendo, vt & quod*

Libro de gratia primi hominis & Angelorum cap. 16. Libro 2. de gratia Christi cap. 6 & lib. 9. cap. 10.

520 DISPUT. DE LIBERO ARBITRIO  
victunque vivit, & QVOD BEATE VIVIT, NON  
DEBERET NISI GRATIÆ TVÆ, conuersa per com-  
mutationem meliorem ad id quod neque in melius, neque in  
deterius commutari possit. Proferat Aduersarius aliquem  
S. Augustini locum, quo expressiùs affirmet homines  
debere gratiæ Dei quòd beatè viuant.

Alia sunt S. Augustini testimonia, quibus vniuer-  
sim ait nihil boni esse in creaturis, quod Deo acce-  
ptum referri non debeat. Sic libro 2. de libero arbi-  
trio cap. 2. *Meminisse te oportet non solum magna, sed etiam  
minima bona non esse posse, nisi ab illo, à quo sunt omnia bo-  
na, hoc est, à Deo.* Sed ea libenter prætermitto, vt ra-  
tiones expendam, quibus Aduersarius probat, bona  
opera nostra esse Dei dona: nam illæ quoque pro statu  
innocentiæ faciunt; sic prorsus vt inde colligere non  
possit, gratiam medicinalem voluntati necessitatem in-  
ferre, quin idem de gratia sanitatis efficiat.

## PARAGRAPHVS II.

*Adiutorium natura integra ipsam quoque perseue-  
rantiam dabat.*

Libro de  
gratia pri-  
mi hominis  
cap. 16. Lib.  
2. de gratia  
Christi. cap.  
7. & lib. 9.  
cap. 12.

A DEO istud à S. Augustini Patrùmque mente alie-  
num Aduersarius putat, vt asserat persæpe Angelis  
non esse datam perseuerantiam, nec eis Dei gratiam  
præstitisse, vt perseueranter starent. At istud tamen S.  
Augustinus affirmat, & clariùs affirmat, quàm vt ne-  
gari possit. Docet enim Concione 2. in Psalmum 32.  
Cælos quoque, quo nomine Angelos designat, Diui-  
nâ gratiâ indigere, nec illos à se ipsis, sed à Deo fuisse  
solidatos. *Celi ergo ubi nulla est miseria, numquid quia  
non indigent misericordiâ, non indigent Domino? Omnia  
indigent Domino & misera & felicia. Sine illo miseri non  
subleuantur, sine illo felix non regitur. Ergo ne forte de  
celis quæteres cum audires, Misericordiâ Domini plena est  
terra:*



*terra: audi quia Domino & cali indigent, verbo Domini cali solidati sunt. Nam NON A SE SIBI SOLIDAMENTVM FVERVNT, NEC IPSI CÆLI FIRMITATEM SIBI PROPRIAM PRÆSTITERVNT. VERBO DOMINI CÆLI FIRMATI SVNT, ET SPIRITV ORIS EIVS OMNIS VIRTVS EORVM. NON HABVERVNT ALIQUID EX SE, ET TANQVAM SVPPLEMENTVM A DOMINO PERCEPERVNT. SPIRITV ENIM ORIS EIVS, NON PARS, SED OMNIS VIRTVS EORVM. Inunc & contende Angelos non à Deo, sed à seipsis fuisse solidatos: contende non ad illos quoque pertinere quod S. Augustinus toties asserit non licere nobis partiri cum Deo, & alteram boni operis partem nobis vindicare, alteram illi tribuere? Pergit S. Augustinus: VERBO DOMINI CÆLI SOLIDATI SVNT. QV ID EST AVTEM SOLIDATOS ESSE, NISI HABERE STABILEM ET FIRMAM VIRTVTEM? Potuítne disertius Angelorum perseuerantiam Deo adscribere?*

*Ne quis híc tamen scrupulus remaneret, quod haftenus de Angelis docuit, eos non sibi firmitatem propriam præstitisse, illud ipsum postea de Apostolis tradit. Vnde constabit eos à S. Augustini mente plurimum abesse, qui Apostolos, non Angelos perseuerantiam à Deo accepisse aiunt. Interim exceptis illis calis, habeo de quibus híc vscunque differam, nobis proximos calos sanctos Dei Apostolos &c. Quomodo ausi sunt ipsi cali ire cum fiducia, & ex hominibus infirmis cali fieri, nisi quia verbo Domini cali solidati sunt? Vnde enim haberent tantam virtutem oues inter lupos, nisi quia spiritu oris eius omnis virtus eorum. Ecce, inquit, mitto vos sicut oues in medio luporum. O domine misericordissime! Certè hoc facis ut misericordiâ tuâ plena sit terra. Si ergo ita es misericors, ut impleas terram misericordiâ, vide quos mittis, vide quò mittis. Quid, inquam, mittis, & quos mittis. Oves in medio luporum &c. Mittis infirmos inter sanos? Mitto, inquit,*

quia cali sunt, ut terram compluant Unde cali homines infirmi? Sed spiritu oris eius omnis virtus eorum. Ecce lupi tenebant vos & tradent vos, & offerrent potestatibus propter nomen meum. Iam armate vos. Virtute vestra? Absit. Nolite cogitare quid loquamini. Non enim vos estis qui loquimini, sed spiritus Patris vestri qui loquitur in vobis: quia spiritu oris eius omnis virtus eorum. Fatebitur quilibet S. Augustinum his verbis Apostolorum perseverantiam atque firmitatem Deo tribuere; Ergo & Angelorum perseverantiam Deo adscripsit, cum iisdem omnino verbis paulò antè asseruit, eos ab eo solidatos, & ab eius spiritu suam omnem virtutem hausisse.

Elegans illa & erudita S. Augustini disputatio plurimum illustrari potest ex Basilio Magno, qui libro de Spiritu Sancto cap. 16. tam similia tradit, vix ut credam S. Augustinum hunc eius locum non inspexisse, cum superiora scriberet. *Mere, inquit, & intelligibiles, & ultramundane virtutes sanctæ tum sunt, tum nominantur, ex gratia per Spiritum infusa sanctimoniam nactæ. Mox: In horum autem creatione cogita mihi principalem causam eorum, quæ sunt, Patrem, deo conditricem Filium, perfectricem Spiritum Sanctum: ut voluntate quidem Patris sint administratorij spiritus, Filij verò operatione producantur ut sint, Spiritus autem aduentu perficiantur. Porro Angelorum perfectio est sanctificatio, & in hac perseverantia. Angeli ergo perseverantiam à Spiritu Sancto accipiunt. Quod inde confirmat, Verbo Domini cali firmati sunt, & spiritu oris eius omnis virtus eorum. Tum concludit: Itaque tria intelligas mandantem Dominum, creans Verbum, & confirmantem Spiritum Sanctum. Quæ porro alia possit esse confirmatio, quàm in sanctimonia perfectio, confirmationis verbo significante constantiam, immutabilitatem, ac soliditatem in bonis. Non potest significantioribus verbis Angelorum perseverantia Spiritui Sancto attribui.*

Temerè ergo & imperitè facit Aduersarius, qui piaculum putat asserere, dæmones & Adamum per-



seuerantiam non accepisse; quique in recentem Theologum ea re excandescit, quodd scripisset, *Adamum ideo non habuisse perseuerantiam, quia illam non acceperat à Deo.* Quâ sententiâ nihil verius, nihil ad S. Augustini, Patrûmque, qui illi singulariter additi fuerunt, mentem accommodatius dici potuit. Anselmum audi ætatis suæ Augustinum, Dialogo de casu diaboli cap. 2. & 3. istud pluribus differentem. *Constat, inquit, quia ille Angelus qui stetit in veritate, sicut ideo perseuerauit, quia perseuerantiam habuit: ita etiam IDEO PERSEVERANTIAM HABUIT, QVIA ACCEPIT: ET IDEO ACCEPIT, QVIA DEVS DEDIT.* Consequens igitur quia ille qui in veritate non stetit, quemadmodum ideo non perseuerauit, quia perseuerantiam non habuit, sic ideo non habuit perseuerantiam, quia non accepit. En illa ipsa sententia, quam Aduersarius tam atrociter accepit. Eandem tradit S. Bernardus libro de gratia & libero arbitrio paulò post medium, vbi docet Angelis datam fuisse à Deo perseuerantiam, non Adamo. SUPERIORIBVS, inquit, SPIRITIBVS DATVM EST SINE PECCATO ET MISERIA PERDVARE: ADÆ AVTEM ABSQVE HIS QVJDEM ESSE, SED NON ETIAM PERMANERE. Si quis Theologus ita scripisset, vt à nouo Dogmatista vapularet:

Quibus verò conuiciis hominem exciperet de Angelica natura ita affirmantem: *Cùm verò quedam pars eius de celesti beatitudinis culmine, in imam perpetuamque cernitur deuoluta miseriam, B. Petro dicente, Quia Deus Angelis peccantibus non pepercit, sed carceribus caliginis inferni tradidis in iudicio puniendos reservari:* PROFECTO COGNOSCITVR VNIFORMI CVNCTOS OPPRIMI POTVISSERVINÆ CONSORTIO, NISI QVOS VELLE A CASV PRAVITATIS VIRTVS ILLA DEFENDERET, *que sola naturaliter mutari, deprauariue non posses.* At ista tamen S. Fulgentij verba sunt

524 DISPUT. DE LIBERO ARBITRIO  
 libro 2. ad Trasimundum cap. 2. quibus manifestè  
 falsitatis reuincitur, quod nouus Doctor toties iterat,  
 Beatos Angelos non maius à Deo beneficium accepisse,  
 quàm Dæmones. Quid enim clarius his verbis?  
*Vni formi cunctos opprimi potuisse ruinæ consortio, nisi quos  
 vellet à casu prauitatis virtus illa defenderet?* Nam inde  
 colligitur virtutem Diuinam, seu Dei gratiam, non om-  
 nes defendisse à lapsu, sed aliquos tantum, & eos quos  
 voluit: quemadmodum & in statu naturæ lapsæ Di-  
 uina virtus, quos vult, ex peccatorum cæno eripit.  
 Vnde Fulgentius addit: NON ALIA STANTEM  
 ANGELVM A RVINA POTVIT CVSTODIRE,  
 NISI ILLA, QVÆ LAPSVM HOMINEM POST  
 RVINAM POTVIT REPARARE. VNA EST IN  
 VTROQVE GRATIA OPERATA, IN HOC VT  
 SVRGERET: IN ILLO NE CADERET: IN IL-  
 LO NE VVLNERARETVR: IN ISTO VT SA-  
 NARETVR. AD HOC INFIRMITATEM RE-  
 PVLIT, ILLVM INFIRMARI NON SINIT.

Nullum hîc verbum quo Aduersarius non configura-  
 tur; at ista præcipuè illum opprimunt: *Vna est in utro-  
 que gratia operata, in hoc ut surgeret: in illo ne caderet.*  
 Hinc enim liquet gratiam tam verè operatam esse in  
 Angelis ne caderent, quàm verè operatur in nobis ut  
 surgamus. Quò pertinent sequentia, quibus de Verbo  
 ita loquitur: POTVIT ET ANGELVM IN SVPE-  
 RIORIBVS STABILIRE, ET PRO REPARA-  
 TIONE LAPSI HOMINIS AD INFERIORA  
 DESCENDERE. Deus est ergo qui Angelum in supe-  
 rioribus stabiliiuit, quemadmodum & hominem repa-  
 rauit. Ex his Fulgentij locis delibata videtur aurea  
 illa Franconis Abbatis Affligeniensis, qui circa annum  
 Christi 1109. summa pietatis & doctrinæ laude florebat,  
 sententia. quâ ita scribit Tomo 1. de Gratia Dei sub fi-  
 nem: *Quantum gratia Dei Beati Spiritus debitores exis-*  
*stunt, cuius munere aliis è tanto culmine dignitatis, impul-*



*su superbia ruenibus, ipsi in aeterna beatitudinis sua soliditate perstiterunt!*

Consonat S. Bernardus Sermone 22. in Cantica: *Qui erexit, inquit, hominem lapsum, dedit stanti Angelo ne laberetur, sic illum de captivitate eruens, sicut hunc à captivitate defendens. Et hac ratione fuit aequè utrique redemptio, solvens illum, & servans istum. Liqueat ergo Sanctis Angelis Dominum Christum fuisse redemptionem, sicut iustitiam, sicut sapientiam, sicut sanctificationem. Hinc concludit: Sic ergo omne quod erat Angelis, factus est & nobis. Quid? sapientia, iustitia, sanctificatio, redemptio. Duo hic observanda. Primò, non ait Deum Angelis dedisse ut possent non labi, sed, ne laberentur. Secundò, docet Deum eodem modo Angelorum redemptionem esse, quo modo est eorum sanctificatio, quod in Aduersarij opinione apertè falsum est. Pugnat enim Angelos quidem sanctitatem à Deo accepisse, at perseverantiam, quâ se à lapsu vindicarunt, non accepisse. Simillima tradit Sermone 5. de verbis Isaïæ. *Disce ex his quæ audis, solum non machinam imaginari corpoream, sed Angelicam intelligere creaturam. Si enim sedes est sapientiæ anima iusti, quàm dignior sedes Angeli sancti. Hoc planè solum gloriæ eius excelsum per naturam, sed multo magis per gratiam eleuatum. Excelsos enim fecit eos natura conditionis, ELEVATOS GRATIA CONFIRMATIONIS, DE QVA DICITVR VERBO DOMINI CÆLI FIRMATI SVNT.* Nota gratiam confirmationis, quâ Angeli firmati sunt, atque solidati.*

Eandem agnoscit Rupertus librò 1. de Victoria Verbi Dei cap. 27. ubi de beatis Angelis ita loquitur: *Verbo Domini cæli firmati sunt, & spiritu oris eius omnis virtus eorum. Ipsi sunt lapides, ipsi sunt cæli. Lapidés propter æternam stabilitatem, firmamque æternitatem: Cæli propter inhabitantem in eis sanctam Trinitatem. Hæc est iam victoria verbi Dei, quia contra principem malignitatis nē*

526 DISPUT. DE LIBERO ARBITRIO  
 CUM ILLO CADERENT, SYNT PRÆVENTI, ET  
 RETENTI PER IPSVM VERBVM, per quod & fue-  
 rant conditi. Et cap. 30. Gratiam & misericordiam Crea-  
 toris eiusdem in semetipsis agnouerunt, quâ se se, ne & ipsi  
 corruerent, prauentos fuisse non ignorant. Etusdem quippe  
 conditionis cum essent, suam in perditione illorum salutem  
 reseruatum, statumque retentum non leuiter apprehendere po-  
 tuerunt, aut possunt.

Si Aduersarios minùs peruicaces haberemus, mihi  
 tamdiu laborandum non fuisset, vt vincerem Beatos  
 Angelos perseuerantiam accepisse, & maiori benefi-  
 cio affectos fuisse à Deo, quàm dæmones. Nam id S.  
 Augustinus clarissimè proficitur loco illo percelebri  
 ex libro 12. de Ciuitate Dei cap. 9. vbi de Angelis bo-  
 nis & malis ita loquitur: *Istis mala voluntate cadentibus,*  
**ILLI AMPLIUS ADIUTI**, ad eam beatitudinis  
 plenitudinem, unde se nunquam casuros certissimi fierent,  
 peruenerunt. Quid aliud significat, *amplius adiuti*, quàm  
 maius aliquod beneficium, seu gratiam efficacem, quâ  
 ad illam beatitudinis plenitudinem subuecti sunt? Sed  
 contendit Aduersarius libro de gratia primi hominis  
 cap. 18. Verba ista nihil ad propositum pertinere, quia lo-  
 quuntur de adiutorio, quod per ipsam æternam felicitatem  
 eis datum fuit; non de illo quod eos perseuerare faceret,  
 & ad illam beatitudinis plenitudinem peruenire. Quam  
 eius responsionem ita demirantur, qui secundam Apo-  
 logiam confarcinarunt, vt scribant, illam ab alio exco-  
 gitari non potuisse. Sed istud more suo faciunt, solent  
 enim ex aliorum inuentis Doctore suo laudem arcesse-  
 re. Guillelmum Estium consule in primum sentent.  
 distinct. 41. §. 13. & intelliges vnde hæc sit nata solu-  
 tio, quam vt ineptam, ridiculam, & à S. Augustini  
 mente alienissimam Estius reiicit. Si hoc adiutorium, in-  
 quit, quo Beati Angeli dicuntur amplius adiuti, esset ipsa  
 beatitudo, sensus redderetur ineptus: scilicet, Angelis colla-  
 tam esse beatitudinem, quâ ad beatitudinem peruenirent.

Si cette obio-  
 tion aroit  
 esté conside-  
 rable auant  
 Monsieur  
 d'Ypre, elle a  
 esté de l'es-  
 tre depuis la  
 publication  
 de son ou-  
 urage. Car  
 il est vray  
 qu'il falloit  
 estre Mon-  
 sieur d'Ypre,  
 c'est à dire,



Vnâ hac ratione quidquid Aduersarius ad hunc locum infuscandum congerit, eueritur. Nam hæ voces *adiuti perueniunt*, satis indicant loqui S. Augustinum de adiutorio quo iuuentur ad perueniendum, non de cognitione futuræ beatitudinis æternæ, quam accepere, postquam perueniunt. Aliàs enim non dixisset: *amplius adiuti perueniunt*, sed potius: *Postquam perueniunt, amplius adiuti sunt*.

Addit Estius aliam rationem, quam elicit ex integra S. Augustini disputatione. *Disputat*, inquit, *toto hoc capite Augustinus de causa efficiente bona, melioris, & perseverantis voluntatis in rationali creatura, maxime in Angelis, quam causam concludit esse Deum*. Quod ut probet de voluntate perseverante, ait malis cadentibus, bonos amplius adiutos esse, ut ad beatitudinis perfectionem peruenirent. Nam, ut ex Fulgentio vidimus, omnes oppressi fuissent uniformi ruinæ consortio, nisi quos vellet à casu prauitatis virtus illa defenderet. Quo loco observandum quoque est cum Guillelmo Estio S. Augustinum non opponere casum dæmonum Angelorum beatitudini; sed perseverantiæ, quæ beatitudinem promeruerunt. Ita ut his verbis: *Istis mala voluntate cadentibus, illi amplius adiuti &c.* malorum quidem casum eorum voluntati, bonorum verò perseverantiam Deo tribuat. Quamobrem subdit: *Confitendum est igitur cum debita laude Creatoris, non ad solos sanctos homines pertinere, verum etiam de sanctis Angelis posse dici, quòd Charitas Dei diffusa sit in eis per Spiritum sanctum qui datus est eis*.

avoir pénétré aussi avant que lui dans la doctrine de S. Augustin par une étude infatigable, & une piété consommée, pour trouver la véritable intelligence de ce passage. Apologie 1. liure 2. page 235.

## PARAGRAPHVS III.

*Probatur ad Angelos quoque pertinere illud Apostoli, Quis te discernit, quid habes quod non accepisti?*

QVAM ambitiosum, tam inane est nomen illud, quo Aduersarij Doctorem suum Diuinæ gratiæ vindicem, & acerrimum Pelagij hostem nuncupant. Vix est enim ullus, qui gratiam depresserit magis, qui Pelagij errores altius extulerit. Dei quidem gratiam regnare hoc in orbe, & dominari putat: at cælum eius imperio ditionique subtrahit. Homines à Pelagiano errore longissimè abducit: at eidem cælites omnes implicat. Quid enim? Annon ille insigniter Pelagianizat, qui Apostolo quærenti: *Quis te discernit, quid habes quod non accepisti?* responderet: *Ego me ipsum discerno: Ego merita habeo, quæ non accepi.* At in Aduersarij opinione nemo est Angelorum, qui ita non respondeat, nemo qui sibi merita non arroget, nemo qui se non à Deo, sed à se ipso discretum non gloriatur.

Lib. 1. de  
grat. Christi  
c. 8. lib.  
9. cap. 10.  
21. & lib. de  
gratia primi  
hominis  
cap. 15. 16.

Cui labefactandæ opinioni satis esse posset, quod hætenus probaui, Angelos non à se ipsis, sed à Deo perseuerantiam accepisse; placet tamen eam singulariter aggredi, & nouis S. Augustini testimoniis opprimere. S. Augustini, inquam, nam alios, ne longior sim, prætermitto. Vnum tantum Anselmi locum non tam proferam, quàm indicabo. Libro de casu diaboli hanc ipsam quæstionem tractat, ut patet ex titulo Capituli primi, qui sic habet: *Quod etiam ad Angelos dicatur: Quid habes quod non accepisti?* Vnde iam ab ipso ingressu quærenti Discipulo: *Illud Apostoli: Quid habes quod non accepisti?* dicitur hominibus tantum, an & Angelis? responderet: *Nulla creatura habet aliquid à se. Quod enim se ipsum*



*à se non habet, quomodo habet à se aliquid? Paucis interie-*  
*ctis: Ille igitur solus à se habet quidquid habet, & omnia*  
*alia non nisi ab illo habent aliquid: & sicut à se non nisi ni-*  
*hil habent: ita ab illo non nisi aliquid habent. Inde colligi-*  
*git cap. 2. Angelos ideo perseuerantiam habuisse, quia*  
*acceperunt: & ideo accepisse, quia Deus dedit.*

Venio ad S. Augustinum, & ex iisdem eius locis, qui-  
 bus Aduersarius probat, *post lapsum nihil omnino boni in*  
*homine, vel ab homine esse posse, nisi donetur à Deo: nec ho-*  
*minem debere in ullo laudari, aut gloriari, nisi in solo*  
*Deo: idem prorsus de Angelis efficio. Primus ex Episto-*  
*la 120. sic habet: Necessè est ut parum diligat eum, qui*  
*non ab illo, sed à se ipso bonum se arbitratur effectum. un-*  
*de autem fieri potest, ut talis non in se ipso, sed in Domino*  
*glorietur? Qui enim gloriatur quòd sit bonus, in illo debet*  
*gloriarì à quo factus est bonus: ac per hoc qui se à semetipso*  
*factum bonum arbitratur, consequens est ut in se ipso, non*  
*in Domino glorietur. Valent & istæ rationes pro Angelis.*  
 Nam primò cùm de illis ita pronuntiet S. Augustinus  
 libro 12. de Ciuitate Dei cap. 9. *Absit, ut meliores à se*  
*ipsis, quàm ab illo facti sint, consequens etiam est ut in*  
*Domino, non in se ipsis glorientur. Deinde si homo la-*  
*psus idcirco gloriari debet in Deo, non in se, quia aliàs*  
*parùm eum diligeret: nunquid eadem ratio efficit, An-*  
*gelum quoque non in se ipso, sed in Deo gloriari de-*  
*bere, ne illum parùm diligat? Necessè est, enim, ut pa-*  
*rum diligat eum, qui non ab illo, sed à se ipso bonum se arbi-*  
*tratur effectum.*

Alter S. Augustini locus, quo maximè nouus Doctor  
 nititur, iste est ex Enarratione in Psalmum. 69. *Semper*  
*magnificetur Dominus. Qui hoc dicunt? Qui diligunt salu-*  
*tare tuum. Ecce magnificetur Dominus, nunquam tu, nus-*  
*quam tu. In illo aliquid in me nihil. Sed quo iure Aduer-*  
*sarius hæc ad viciatam naturam contrahit? Nunquid &*  
*Michael dicit: Semper magnificetur Dominus? Nunquid*  
*Angelorum quilibet inclamat: In illo aliquid, in me nihil.*

Ita certè cùm ex S. Augustino in Enarratione sequentis Psalmi Angeli Deo debeant, *quòd viuunt, & quòd iuste viuunt.* Et Enarratione in Psal. 32. *Spiritu oris eius non pars, sed omnis virtus eorum.* Quapropter libro 11. de Genesi ad litteram cap. 8. tam de Angelis, quàm de hominibus ait: *Qui gloriatur non nisi in Domino gloriatur, cùm cognoscit non suum, sed illius esse, non solum ut sit, verum etiam ut non nisi ab illo bene sibi sit, à quo habet ut sit.* Hinc Venerabilis Beda S. Augustino addiditissimus libro quæstionum q. 9. scribit: ANGELI SEMPER IN DOMINO GAUDENT, NON IN SE: *Malus verò inde diabolus, quia non quæ Dei, sed quæ suæ sunt requisit.* NULLA AUTEM MAIOR INIQUITAS, QUAM NON IN DEO, SED IN SE VELLE QVEMPIAM GLORIARI. Angelos ergo transformat in dæmones, quisquis docet, eos in seipsis, non in Domino, de perseverantia posse gloriari.

Si Angeli nihil habent prorsus quod non acceperint, si in seipsis gloriari non possunt, ad eos certè pertinet illud Apostoli: *Quis te discernit?* Quod spectant plurima S. Augustini testimonia, quibus ait, Angelos à Deo fuisse discretos. Sic libro 11. de Ciuitate Dei cap. 19. *Cùm lux illa, inquit, prima facta est, Angeli creati intelligentur; ET INTER SANCTOS ANGELOS, ET IMMUNDOS FVISSE DISCRETVM, VBI DICTVM EST: ET DIVISIT DEVS INTER LVCEM ET TENEBRAS, Et vocauit Deus lucem diem, & tenebras vocauit noctem.* Solus quippe ille ista discernere potuit, qui potuit etiam priusquàm caderent prascire casuros, & lumine priuatos veritatis in tenebrosa superbia remansuros. Tum paucis interiectis: *Inter illam verò lucem, quæ sancta societas Angelorum est, illustratione veritatis intelligibiliter fulgens, & ei contrarias tenebras, id est, malorum Angelorum auersorum à luce iustitiæ teterrimas mentes, ipsa diuidere potuit: Cui etiam futurum non natura, sed voluntatis malum oculum, incertum esse non potuit.* Simillima sunt



ea verba, quibus libro 13. Confessionum cap. 14. hominum lapsorum discretionem Deo tribuit. *Sumus, inquit, filij lucis & filij Dei, non filij noctis neque tenebrarum, quod tamen fuimus: inter quos, & nos adhuc incertos humana notitia, tu solus diuidis, qui probas corda nostra, & vocas lucem diem, & tenebras noctem. Quis enim nos discernit nisi tu? quid autem habemus quod non accepimus à te? Vides hominum atque Angelorum discretionem similibus verbis à S. Augustino exprimi. Nam vt hominum discretionem hanc adumbrari sententiâ putat: *Diuisit Deus inter lucem & tenebras, & vocauit Deus lucem diem, & tenebras vocauit noctem*: Ita etiam Angelorum discretionem eadem sententiâ designari contendit: Et quemadmodum de hominibus ait: *Quis enim nos discernit nisi tu?* Ita etiam de Angelis dicit: *Solus ille discernere potuit &c.* Solus enim bonos cadentibus malis solidare potuit. Siquidem nec ipsi celi, id est Angeli, firmitatem sibi propriam prastiterunt, vt ait concione 2. in Psalmum 32. Sed teste Fulgentio, *Omnes uniformi opprimi poterant ruina consortio, nisi quos vellet à casu prauitatis virtus illa defenderet.**

His S. Augustini testimoniis vnum duntaxat opponere Aduersarius potest ex libro 14. de Ciuitate Dei cap. 26. vbi S. Doctor ita loquitur: *Non defuit utique consilium, quo certum numerum ciuium in sua sapientia predestinatum, etiam ex damnato genere humano sua ciuitatis impleret, non eos iam meritis discernens, quandoquidem vniuersa massa tanquam in vitiata radice damnata est, sed gratiâ discernens.* Vim Aduersarius facit in his verbis: *Non eos iam meritis, sed gratiâ discernens*: quibus significari contendit gratiæ adiutorium, quod modò predestinatis datur, esse eiusmodi vt meritum donet, atque adeo illos discernat, contra quàm in integra natura contigisset. Sed non animaduertit, hæc verba, *gratiâ discernens*, etiam paruulorum, qui sacro fonte tincti ante vsum rationis abeunt è vita, discretionem

Lib. 1. de  
grat. Chri-  
sti c. 8.

532 DISPUT. DE LIBERO ARBITRIO  
complecti, ac proinde actualis gratiæ adiutorium non  
designare. Deinde, S. Augustinus formalem & imme-  
diatam rationem, cur homines modò meritis non dis-  
cernantur, non ex adiutorio reperit; sed ex vitiata ra-  
dice, in quâ omnes originalem innocentiam amisimus.  
Argumento illud est non hîc agi de causa efficiendi  
discretionis, quæ in utroque statu, respectu aulorum,  
est adiutorium efficax quo fit ut perseuerent; sed de  
formali & immediata: quæ in statu innocentiae esset  
meritum naturale, seu iustitia originalis: nunc verò est  
gratia remissionis per Christi meritum indignissimis &  
peccati labe pollutis concessa. Quod ut dilucescat

Obseruandum est, iusticiam originalem vocari à S.  
Augustino meritum naturale, non quòd illam hominis  
natura exigat, sed quòd esset ab origine insita, & ho-  
minum omnium, si Adamus non peccasset, natiuita-  
tem fuisset ornatura. Pari de causa originale peccatum  
à S. Augustino dicitur *peccatum natura* Sermone 14. de  
verbis Apostoli, & à quibusdam Theologis *peccatum  
naturale*, quo etiam sensu dici potest *demeritum natura-  
le*, secundum illud Apostoli ad Ephesios 2. *Eramus na-  
tura filij ira*. Sic igitur in statu innocentiae fuisset  
naturâ Filij Dei, & originalis integritas fuisset naturale  
meritum, vel *meritum natura bonæ*, ut loquitur S. Au-  
gustinus libro 2. ad Bonifacium cap. 2. Quamobrem,  
quemadmodum homines qui iam in peccato originali  
obeunt, distinguuntur formaliter à prædestinatis ipso  
originali demerito; quia licet utrique peccatum ori-  
ginale ex Adamo traxerint, his tamen, non illis remis-  
sum est. Ita etiam in statu innocentiae naturalia meri-  
ta, seu originalis iustitia sanctos à damnatis formaliter  
distingueret; quia quam isti amisissent, illi retinerent.  
Dixi formaliter, nam efficienter discernentur actua-  
lis gratiæ auxiliis, quæ illos in iustitia originali solidar-  
ent. Negat igitur S. Augustinus eo loco, quem Ad-  
uersarius citat, homines, qui iam à Deo eliguntur ut



prædestinatorum numerum impleant, naturalibus meritis formaliter, & immediatè à reprobis discerni. Rationem addit : *Quandoquidem vniuersa massa in vitiata radice damnata est.* Id est, quia omnes in Adamo naturalia merita, seu iustitiam originalem amiserunt.

Verùm etsi concederem hæc verba, *gratiâ discernens*, actualis gratiæ adiutorium exprimere, quo Adulti efficienter discernuntur, nihil inde Aduersarius colligeret; nam sequenti sectione ostendam ex S. Augustini merito, gratiam medicinalem peculiari quodam modo voluntati meritum tribuere, & bona opera in statu innocentix magis propriè esse nostra merita: adeoque verè dici posse, homines in statu innocentix suis meritis discernendos fuisse, nos verò Dei gratiâ discerni.

## PARAGRAPHVS IV.

*Reliqua Aduersarij argumenta, quibus insuperabilem gratiæ medicinalis vim adstruit, contra gratiam sanitatis pugnare demonstrantur, tandemque ex gratiæ medicinalis natura libertas ad utrumlibet homini lapso vindicatur.*

PLVRES S. Augustini locos, quibus Deus habere dicitur, *humanorum cordium quocumque voluerit inclinandorum omnipotentissimam potestatem*, Aduersarius colligit, vt inde conficiat, gratiam medicinalem, quâ Deus corda nostra efficaciter in bonum inclinat, voluntatis arbitrio non permitti. Sed, nunquid & ista ratio gratiam quoque sanitatis petit? Nunquid & in statu innocentix haberet Deus humanorum cordium quocumque vellet inclinandorum omnipotentissimam potestatem? Haberet sanè, neque Aduersarius negare auserit: cùm id non modò aperta ratio, & communis hominum sensus, sed etiam manifesta S. Augustini au-

Libro 2. de  
grat. Christi  
c. 24. 25.

534 DISPUT. DE LIBERO ARBITRIO  
Auctoritas persuadeat. Querit ille libro II. de Genesi ad  
litteram cap. 7. & 8. cur Deus Adamum & Euam crea-  
uit, quos peccaturos præsciebat. Quâ solutâ quæstio-  
ne, aliam in hæc verba proponit cap. 9. *Sed posset, in-  
quiunt, etiam ipsorum voluntatem in bonum conuertere,  
quia omnipotens est.* Respondet: *Posset planè. Cur ergo non  
fecit? Quia noluit. Cur noluerit, penes ipsum est.* Non ait  
Deum Adami & Eux voluntatem omnipotenti gratia  
idcirco non conuertisse, quòd hæc libertati ad vtrum-  
libet, quæ naturæ integræ propria erat, repugnaret.  
Sed tantùm, *quia noluit.* Potuit ergo Deus non viola-  
tâ eiusmodi libertate, Adami voluntatem omnipotenti  
gratiâ certò & infallibiliter in bonum conuertere. Ex-  
ponat Aduersarius quî id fieri potuerit, & omnia dif-  
flabit argumenta, quibus probat. Saluatoris gratiam cer-  
tò & infallibiliter effectum consequi non posse, quin li-  
bertatem ad vtrumlibet interimat.

Confirmatur ex illo ipso S. Augustini loco libri de  
corrupt. & grat. cap. 14. quem Aduersarius per fas &  
nefas inculcat. *Cui volenti saluum facere nullum hominis  
resistit arbitrium.* Hinc ille colligit, gratiam medica-  
lem quam Deus prædestinatis impartit, libertatem ad  
vtrumlibet adimere: atque id certò confici putat ex  
sequentibus S. Augustini verbis: *Non est itaque dubi-  
tandum voluntati Dei, qui in celo & in terra omnia qua-  
cumque voluit fecit, & qui etiam illa quæ futura sunt fecit,  
humanæ voluntates non posse resistere, quo minus faciat ipse  
quod vult.* Quanta est Aduersarij cæcitas, qui non vi-  
det istud quoque ad Angelos, & statum innocentie  
pertinere. Quis enim neget Deo volenti Angelum sal-  
uum facere, Angelicam non resistere voluntatem; cum  
ipse in celo & in terra omnia quæcumque voluit fece-  
rit: id est, in Angelicâ, & humanâ creaturâ, vt vulgo  
Patres interpretantur? Vnde S. Augustinus in Enchiri-  
dio ad Laurentium cap. 96. negat Deum fore omni-  
potentem, si aliqua creatura eius voluntati resistere posset:



*Noque enim*, inquit, *veraciter ob aliud vocatur omnipotens, nisi quia quidquid vult potest*, NEC VOLVNTATE CVIVSPIAM CREATVRÆ VOLVNTATIS OMNIPOTENTIS IMPEDITVR EFPECTVS.

Concinit S. Hieronymus in cap. 9. Matth. *Dominus omnium creaturarum ad se trahere poterat, quos volebat. Poterat ergo Luciferum à lapsu defendere, & ad se conuertere. Poterat sanè, fecissetque, si quemadmodum bonos Angelos, ita illum sic vocasset quomodo scit ei congruere, vt vocantem non respuat. Et verò, cùm S. Fulgentius asserat, Diuinam virtutem ex Angelis eos à lapsu defendisse, quos voluit: profectò Luciferum quoque defendisset, si voluisset. Nam vt ait Prosper libro 1. de vocatione Gentium cap. vltimo: Nunquid illa virtus gratia, quæ sibi quos voluit subdidit, conuertere eos, qui conuersibiles permansere, non potuit? Quamobrem audacter S. Augustinus exclamat libro 14. de Ciuitate Dei cap. 27. QVIS AUDEAT CREDERE, AVT DICERE, VT NEQVE ANGELVS, NEQVE HOMO CADERET, IN DEI POTESTATE NON FVISSE? Age ergo rationem expedi, quâ Deus potuerit Luciferum perfectâ ad vtrumlibet arbitrij libertate præditum certò & infallibiliter ad se conuertere. Quamcunque protuleris, hanc ego ad naturæ lapsæ statum, & gratiæ medicinalis efficaciam accommodabo: vincamque non ad viciatam tantùm naturam, vt garris, sed ad integram quoque pertinere, ad eoque cum libertate ad vtrumlibet non pugnare omnipotentem illam gratiam, quæ nunquam effectû frustratur suo, quàmque S. Prosper carmine de ingratis cap. 15. his versibus adumbravit.*

*At verò omnipotens hominem cùm gratia saluat,  
Ipsa suum consummat opus, cui tempus agendi  
Semper adest, quæ gesta velit: non moribus illi  
Fit mora, nec causis anceps suspenditur ullis.*

Libro 2. de  
 grat. Chri-  
 sti cap. 21.

Postrema restat Aduersarij ratio, quam ex Caluino sumpsit libro 2. Institutionum cap. 3. quàmque tanti facit, vt hac vnâ gratiam medicinalem ex voluntatis nutu non suspendi, confici putet. Hæc eius summa. Petimus à Deo vt nos conuertat, vt faciat nos ambulare in viis suis, vt in tentationem non inferat, &c. Ergo gratia quâ id agere possumus libertatis arbitrio non permittitur: aliàs enim in nostra potestate esset illa præstare omnia, ac proinde stultè peteremus à Deo vt ea faceret. O formidabilem machinam! sed quæ nocere nobis non potest, quin priùs Aduersarium oppresserit. Nunquid enim Adamus in statu innocentiz Deum orare poterat? Nunquid petere vt se in tentationem non inferret? Nunquid dicere: *Fiat voluntas tua sicut in calo & in terra?* Si concedit Aduersarius orare Adamum potuisse, suo ipse telo confoditur: si negat, apertissimæ veritati obducatur. Nam vt docet S. Augustinus Enarratione in Psalmum 39. *Ex quo homo, ex hoc & infirmus: ex quo infirmus, ex hoc & orans.* Confirmatur 1. S. Augustinus docet libro 11. de Genesi ad litt. cap. 9. Deum potuisse Adami & Eux voluntatem in bonum conuerrere: Ergo illi sic orare potuerunt: *Conuer-te nos Deus.* Confirmatur 2. potuit Deus efficere vt Adamus Dæmonis tentationi non succumberet; Ergo orare Adamus potuit, & dicere: *Ne nos inducas in tentationem.* Fallitur ergo Aduersarius, qui ex eiusmodi orationibus probare nititur, libertatem ad verumlibet in homine lapsò funditus periisse.

Sic argumenta omnia, quæ in nostram de hominis corrupti libertate opinionem nuperus Theologus vibrat, vel nulla sunt, vel eius quoque de Angelorum, & primi hominis arbitrio sententiam petunt. Vnde non istud tantum sumus consecuti, vt Aduersarij tela nullo negotio depellamus; sed etiam vt vulgare Catholicorum aduersùs Calvinistas argumentum eludere Aduersarius non possit. Quod argumentum Guillelmus

Estius.



Estius ita contra Lutherum & Calvinum premit in 2. dist. 24. §. 13. *Primus Angelus, & primus homo ita ceciderunt, ut stare possent: boni verò Angeli ita steterunt, ut cadere possent, ut faterentur Aduersarij; Ergo & nunc post lapsum homines ita agunt bene & malè, ut possint non agere.* Quia nimirum, ut proximè antè dixerat, sicut non aliter peperit Sara, quàm Agar, licèt illa per gratiam, id est, operationem Dei supernaturalem, hæc per naturam ut pareret accepisset: neque aliter videt, qui ex ceco videns factus est per miraculum, quàm qui visum habet à natura. Ita nec aliter operatur arbitrium, quod per gratiam medicinale, quasi per miraculum, sanatum est, quàm illud, quod in ipsa creatione sanitatem acceperat.

Quæ ratio adeo non infringitur ex gratiæ medicinalis natura, ut illustretur potius, validèque confirmetur. Nam, ut S. Augustinus persæpe docet, gratia medicinalis voluntatem sanat, illique primæuam libertatem restituit. *Per gratiam, inquit libro de spiritu & littera cap. 30. sanatio animæ à vitio peccati, per sanitatem animæ libertas arbitrij.* Et Epistola 89. *Neque enim ideo voluntatis arbitrium tollitur, quia inuatur, sed ideo inuatur, quia non tollitur: voluntas quippe libera tantò erit libertior, quantò sanior.* Igitur homo per medicinalis gratiæ adiutorium primæuam, & natiuam libertatem, quæ ex Aduersarij confessione libertas erat ad vtrumlibet, recuperat. Aliàs enim, quemadmodum pes graui aliquo vulnere debilitatus, si adhibitis vnguentis hoc non assequitur, ut se moueat, sed tantùm ut alieno trahi impulsu possit, sanatus dici non debet: sic liberum arbitrium, cuius hæc erat natiua vis, & proprius agendi modus, ut Diuinæ motioni obtemperare posset, vel refragari, si accedente gratia medicinali hoc modo non agit, neque sanari, neque cum opitulante gratia operari dicendum est. Quò spectat illud S. Thomæ affirmantis 1. part. quæst. 62. art. 3. ad 2. gratiam omnem ita se attemperare voluntati, ut

536 DISPUT. DE LIBERO ARBITRIO  
non impediatur proprium eius agendi modum, quo ita  
agit, ut possit non agere. *Omnis forma inclinat suum  
subiectum secundum modum naturæ eius, modus autem na-  
turalis intellectualis naturæ est, ut libere feratur in ea, quæ  
vult: Et ideo INCLINATIO GRATIÆ NON IM-  
PONIT NECESSITATEM: SED HABENS GRA-  
TIAM POTEST EA NON UTI, ET PECCARE.*

### SECTIO III.

*Discrimen gratiæ medicinalis à gratia sanitatis, ex  
S. Augustini mente explicatur.*

**S**ED quid Caluino facias vociferante, Tridentinos  
Patres IN EO FALLI, QUOD NULLVM OBSERVANT  
INTER REGENERATIONIS GRATIAM, QUÆ  
NUNC MISERIÆ NOSTRÆ SUBVENIT, ET PRI-  
MAM, QUÆ ADÆ DATA FVERAT, DISCRIMEN.  
QUOD DILIGENTER AVGVSTINVS EXPONIT &c.  
Quid nouo Doctore eadem querelâ nos importunè fa-  
tigante? Quid utroque iisdem S. Augustini testimoniis  
contentente, gratiam sanitatis idcirco præcisè à gratia  
medicinali discrepare, quòd hæc agendi necessitatem  
imponat, illa verò admitti perinde ac repudiari pos-  
sit? Breuiter dicam, vterque à veritate, vterque à  
sancti Augustini mente immani interuallo deflexit,  
ut hac integra sectione paucis ac dilucidè demon-  
strabo.



## PARAGRAPHVS I.

*Nouus Doctor mala fide agit, cum dissimulat, genuinum inter utramque gratiam discrimen ex opinione sua in eo poni, quod gratia medicinalis sit motio voluntatis, gratia verò natura integra motio intellectus.*

Non possum quin hîc de Aduersarij fide grauitèr expostulem, qui cum intelligeret ex opinione sua consequi, gratiam sanitatis ad intellectum dumtaxat, medicinalem verò etiam ad voluntatem pertinere, adeoque illas inter se substantialiter distingui: non modò illud dissimulauit, sed etiam quoties vtriusque gratiæ discrimen exposuit, exposuit autem persæpe & importunè, toties innuit eas quoad substantiam nihil discrepare. Verèbatur enim ne si lectoribus suboleret primarium illud inter utramque gratiam discrimen, argumenta omnia vanescerent, quibus ineluctabilem gratiæ medicinalis vim inde probat, quòd à S. Augustino peculiari quadam phrasi gratia voluntatis appelletur. Miraberis hominis candorem, vbi illum in hac præcipua opinionis suæ parte latitare volentem, secùmque turpi pugnâ confligentem ostendero.

Docet primò, medicinalem Christi gratiam, sine qua homo lapsus ne tenuem quidem circa Deum resolutionem voluntatis, seu indeliberatum motum complacentiæ aut desiderij cælitus immissum. Neque illud obiter & paucis docet, sed integro ferè libro probat, cuius primum caput ita inscribit: *Quid sit medicinale Christi adiutoriū secundum substantiam. Esse celestem suauitatem, seu delectationem, iuxta mentem S. Augustini, ostenditur primò ex scripturis quibus ipse vititur, & aliis diuersis*

Libro 4 de  
gratia Christi  
cap. 1. 2.  
3. 4. 5. 6. 7.  
8.

540 DISPUT. DE LIBERO ARBITRIO  
 eius testimonio. Illud ipsum probare pergit usque ad caput 8. cui hunc titulum præfigit: *Quinò ostenditur delectationem esse veram gratiam Christi.* Quid sit porro cælestis illa delectatio explicat cap. 11. *Delectatio ista cælestis, inquit, secundum Augustini mentem est actus vitalis & indeliberatus anime; & quidem amoris ac desiderij precedentis consensum.* Et paulò post: *Non est aliud quàm actus quidam indeliberatus cælitus immissus in voluntatem, per quem ei bonum propositum suauiter placet.* Item: *Dicimus igitur, delectationem istam, seu suauitatem in Augustino celebrem, esse partim primum illum & indeliberatum affectum anime, qui actualis complacentia est: partim etiam secundum, qui desiderium indeliberatum dicitur.* Ex quibus liquet, docere illum, medicinalem Christi gratiam esse indeliberatum voluntatis motum cælitus immissum.

Libro 4. de  
 gratia Christi  
 lib. 9. & 7.

Docet 2. necessitatem delectationis cælestis ad bene volendum, & operandum, non ex natura voluntatis, sed ex eius pœna proficisci. Quare confutatis rationibus, quæ cælestis delectationis necessitatem aliunde repetebant, opinionem suam in hæc verba proponit, & confirmat: *Vera itaque ratio cur cælestis delectatio ad actus bonos necessaria sit, ex natura medicina, seu medicinalis adiutorij petenda est.* Voluntas enim per peccatum primi hominis in libidinum imperium præcipitata est: ex quibus fit, ut in omnibus actionibus ante gratiam delectatione quadam libidinosa præeunte, ac titillante prouocetur. Cui lenocinantis concupiscentiæ malo contraria, atque adeo cælestis delectatio mederi debet, ut reliquo capite clarissimis S. Augustini sententiis euincit. Idem probat cap. 7. quod ita inscribit: *Delectationis necessitas oritur ex infirmitate voluntatis, quâ fit, ut nihil boni amplecti possit, nisi delectetur.* Eam porro infirmitatem in eo positam esse ait, quod voluntas originalis peccati vulnere debilitata, & terrenarum rerum delectationibus irretita, erigere sese, & ad virtutem eniti non possit, nisi cælestis illius



delectationis oleo delibuta conualescat. Censet ergo primi hominis voluntatem natiuis pollentem viribus, & nullo terrenæ delectationis visco retardatam, cælesti illa suauitate non indignisse.

Quid aio, non indignisse? Eiusmodi delectatio primo homini, & Angelis, ex eius sententia, infundi non potuit, quin natiuam eorum libertatem pessundaret, ineluctabili bene agendi necessitate illis imposita. Pugnât enim delectationem omnem, seu motum indeliberatum voluntatis, qui consensum anteuertit, si solus sit; aut alia delectatione contraria fortior, voluntatis consensum summa necessitate elicere. Hinc concupiscentiæ: hinc gratiæ medicinalis insuperabilem vim deducit. Putat enim motus indeliberatos concupiscentiæ, cum abest gratia efficax, voluntatem ad malum necessariò pellicere: & gratiam, cum fortior est concupiscentiâ, pari necessitate in bonum nos abriperre: quod voluntas eò necessariò incumbat, quod illam antecedens delectatio inclinarit. Discutiam postea quàm vera sit illa doctrina, nunc id tantum moneo, inde certò confici, ex Aduersarij mente voluntatem sanam non modò cælesti delectatione, seu gratiâ voluntatis non indignisse, sed ne eâ quidem potuisse donari, illæ sâ naturæ integræ libertate.

Ergo actualis illa Adami & Angelorum gratia, cuius necessitatem S. Augustinus ita describit libro de correptione & gratia cap. 12. *Si autem hoc adiutorium vel Angelo vel homini, cum primum facti sunt, defuisset; quoniam non talis natura facta erat, ut sine Diuino adiutorio posset manere, si vellet, non utique suâ culpâ cecidissent. Adiutorium quippe defuisset, sine quo manere non possent.* Gratia, inquam, illa, ex noui Theologi opinione ad solum intellectum pertinere potest. Nam omnis gratia actualis interna, vel est illustratio mentis, vel motus indeliberatus voluntatis: At negare cogitur gratiam actualem internam Adami & Angelorum esse

Libro 3. de  
gratia Chri  
sti cap. 3. &  
lib. 4. cap.  
9.

motum indeliberatum voluntatis; Ergo fateatur oportet esse tantum illustrationem mentis. Cur igitur illud dissimulat? Cur his omnibus in locis, quibus utriusque adiutorij discrimen inuestigat, ne verbum quidem facit, unde istud lector subodoretur? Si ageret sincerè, si S. Augustini mentem sine fraude exponeret, nunquid eo capite, cuius hæc inscriptio: *Discrimen gratiæ sanitatis & medicinalis à recentiorum notitia valdè abstrusum, & quare. Iaciuntur fundamenta illius discriminis.* Et sequenti, cuius hic titulus: *Affertur ex Augustino, ac declaratur discrimen adiutorij sanæ voluntatis, & egrotæ, hoc est adiutorij sanitatis, & medicinalis.* Nunquid, inquam, his capitibus ostenderet, gratiam medicinalem, ad voluntatem pertinere, gratiam verò sanitatis ad intellectum? Libro verò de gratia primi hominis & Angelorum cap. 12. quo quærit: *Quale fuerit illud Adæ & Angelorum adiutorium quantum ad substantiam.* Probare sanè debuisset, non illud fuisse motionem voluntatis, sed intellectus tantum, quemadmodum libro 4. de gratia Christi cap. 1. cum quærit: *Quid sit medicinale Christi adiutorium secundum substantiam:* probat: *Esse celestem suauitatem, seu delectationem iuxta mentem S. Augustini.* Denique quoties discriminis inter veramque gratiam meminit, toties illud inculcare debuisset, discrepare illas secundum substantiam, quòd altera sit motus indeliberatus voluntatis: altera intellectus.

Quod adeo non facit, ut omni nitatur ope discrimen illud premere, & ab eo lectoris mentem longissimè abducere. Hinc insinuat persæpe utrumque adiutorium non differre secundum substantiam, sed illorum differentiam tantummodo attendendam esse secundum maius & minus, efficacius & inefficacius. Quòdque mirum magis videtur, nonnunquam diserte asserit, gratiam primi hominis motiones, voluntatisque succensiones complecti. At ne quis istud incogitanti excidisse crederet, clarissimo S. Augustini testimonio confirmat,

Lib. 1. de  
grat. Chri-  
stic. 3. & 4.

Lib. de gra-  
tia primi  
hominis c.  
13. ibidem  
cap. 12.



qui libro 14. de Ciuitate Dei cap. 13. de Adamo sic loquitur: *Si voluntas in amore superioris immutabilis boni, à quo illustrabatur ut videret, & ACCENDEBATUR VT AMARET, stabilis permaneret, non inde ad sibi placendum auerteretur, & ex hoc intenebresceret, & frigesceret.* Tam expressis verbis istud commentarij nouus Doctor attexit: *Qua illustratio mentis ut videret, & accensio voluntatis ut amaret, ita efficaciter verissimum & propriissimum Diuina gratiæ adiutorium secum ferunt, ut pro vera gratia lapsi hominis euidentius & efficacius testimonium ex Augustino, vel Concilijs proferre nequeamus.* Totidem ferè verbis illud ipsum repetit, libro 2. de gratia Christi cap. 29. Sic ille non modò innuit, sed etiam clarissimè affirmat, adiutorium sanitatis cælestem delectationem, seu motum indeliberatum voluntatis comprehendere. Quod eius principiis capitaliter est infensum. Nam si Adam & Angeli delectatione cælesti opus habuerunt ut bene vellent, falsum est quod docet, cælestis illius delectationis necessitatem ex voluntatis infirmitate nasci: falsum quoque, voluntatem eò summā necessitate ferri, quò antegressæ delectationis maior, suauitas eam prelectat: siquidem Adamus, qui voluntatem habuit cælesti illa delectatione succensam, nec contrariā impeditam cupiditate, peccauit.

## PARAGRAPHVS II.

*Quo sensu gratia natura integra sit sola intellectus illustratio: gratia verò natura corrupta motio voluntatis.*

TANDEM illud à nobis clara in luce collocatum est, quod nouus Theologus premere conabatur. Patet modò, quod dissimulabat, genuinum inter vtriusque gratiæ adiutoria discrimen ex eius mente in eo

544 DISPUT. DE LIBERO ARBITRIO  
poni, quòd medicinalis gratia actus sit indeliberatus voluntatis : gratia verò naturæ integræ, solius mentis illustratio. Quæ eius opinio, etsi ad veritatem accedere videatur, habet tamen nonnulla paucis castiganda.

Libro 5. de  
gratia Christi  
saluatoris  
cap. 16.

Displicet 1. quòd medicinale Christi adiutorium ita cælesti delectatione definiat, ut timorem diuinitus voluntati inspiratum ad illud pertinere nolit. Vnde colligit, *timorem pænæ & opus ex illo timore factum, non esse ex gratia Christi: etiam si Deus timorem istum sua providentiâ in animis peccatorum, vel semper, vel subinde concitet, vel etiam, si ita libet, interius inspiret.* Displicet, inquam, illud; nam primò, timor ille est gratia, de qua S. Augustinus ita Deum loquentem inducit Homilia 23. cap. 6. *Ut non consentirem ego terrui. Agnosce ergo gratiam eius, cui debes quod non admisisti.* Et S. Prosper libro 2. de vocatione gentium cap. 28. probat, *consensum voluntatis per gratiam gigni ex terrore, & metu.* Secundò, est gratia medicinalis, iuxta illud sancti Augustini Tractatu 9. in Epistolam Ioan. *Opus est ergo ut intret timor primò, per quem veniat charitas, TIMOR MEDICAMENTVM, charitas sanat.* Tertiò, est etiam gratia per Christum; quia nihil prorsus nobis impenditur gratiæ, nisi per Christum. Fateor quidem non esse perfectam illam medicinalem gratiam, de qua S. Augustinus ferè semper disputat, quæque vltimum nostræ infirmitati remedium adhibet: at istud non impedit quo minus ad Christi gratiam pertineat.

Displicet 2. quòd suis statè principiis non possit, quin neget, Adamum præuia delectatione ad bene agendum fuisse pellectum; quod tamen S. Augustinus clarissimè affirmat libro 14. de Ciuitate Dei cap. 15. *Si voluntas Adam in amore superioris immutabilis boni, à quo illustrabatur ut videret, & ACCENDEBATUR UT AMARET, stabilis permaneret &c.* Quo loco tam discretè succensio voluntatis, & præuia delectatio exprimi-



primitur, vt Aduersarius ipse inficiari non potuerit.

Hæc in eius opinione mihi displicent. Cætera illi assensior. Verum est enim quod ait, gratiam naturæ integræ esse illustrationem mentis: gratiam verò naturæ corruptæ motionem voluntatis. Sed quo sensu id verum sit, enucleatiùs exponendum est. Primus homo & Angeli gratiam sanctificantem in ortu acceperant, & supernaturalium virtutum habitus, nihilque prorsus domesticæ labis, aut corruptelæ in se habebant, quo ad malum traherentur. Quamobrem licet supernaturali mentis illustratione ad meritoriè operandum indigerent: eâ tamen positâ nouæ gratiæ auxilio opus illis non fuit. Nam continuò voluntas supernaturali habitu instructa indeliberatum amoris supernaturalis motum necessariò profundeat, & deliberatum amorem pro libito exercere poterat. Longè est alia vitiatæ naturæ ratio. Quantumlibet enim hominis corrupti mens Diuinâ luce collustretur, voluntas tamen carnalis concupiscentiæ vinculis obstricta, nec indeliberatum, nec deliberatum amoris supernaturalis motum concipere de se potest. Hæc paucis & sigillatim probanda sunt.

Dixi primò, Adami & Angelorum voluntatem gratiâ sanctificante, & supernaturalium virtutum habitibus instructam supernaturali mentis illustratione ad bene agendum indiguissè. Probat illud S. Augustinus libro 3. de libero arbitrio cap. vltimo. *Voluntatem, inquit, non allicite ad faciendum quod libet, nisi aliquod visum: quod autem quisque vel sumat vel respuat, est in potestate; sed quo viso tangatur nulla potestas est.* Quod etiam pertinere ait ad primum hominem, & Angelos. Sic prorsus vt vniuersim verum sit, quod docet libro de spiritu & littera cap. 33. *Nemo habet in potestate quid ei veniat in mentem.* Nihil hîc mihi cum Aduersariis controuersia.

Dixi 2. positâ illâ mentis illustratione Adamum &

Angelos nouæ gratiæ auxilio non indiguiffe. Ratio est, quòd eorum voluntas per se, id est, vt explicat sanctus Anselmus Dialogo de casu diaboli cap. 12. *per hoc, quòd iam habebat, & indeliberatum & deliberatum amoris supernaturalis actum concipere posset.* Indeliberatum quidem necessariò profudit; quia respectu illius erat causa connaturalis, nec tantùm habebat omnia ad eum producendum necessaria; sed nihil erat omnino quod eius actionem impediret. Quâ igitur necessitate oculus bene sanus, nec vllò suffusus humore, propositum sibi debità obiectum, & temperata collustratum luce intuetur: eâdem prorsus necessitate voluntas Adami perfectè sana, & supernaturalium virtutum habitibus ornata, in Diuinam bonitatem supernaturali mentis illustratione cognitam, indeliberato complacentiæ actu rapiebatur. Sicque præuius ille motus, quo Adamus *accendebatur vt amaret*, non erat noua gratia, nec Deus illum per se imprimebat voluntati, sed ex ea supernaturali instructâ habitu, & Diuinâ luce perfusâ, connaturali necessitate promanabat: quemadmodum ex corrupta voluntate, cui noxiæ delectationis obiectum proponitur, indeliberatus concupiscentiæ motus necessariò profilit.

Dixi 3. aliter habere in natura corrupta. Voluntas enim primi peccati vulnere debilitata, licèt Diuinam bonitatem supernaturali mentis illustratione sibi propositam habeat, ne primum quidem & indeliberatum amoris supernaturalis actum exerere per se potest. Neque de ea tantùm voluntate loquor, quæ gratiâ sanctificante, & supernaturalium virtutum habitibus spoliatur; sed de illa etiam, quæ iis ornata dotibus est, quæque proinde indeliberatum complacentiæ motum necessariò profunderet, nisi carnalis concupiscentiæ vinculis obstricta teneretur. Quemadmodum enim iustitia originalis inferiorem appetitum frænabat, ne in propositam delectationem noxiâ indeliberato com-



placentiæ motu raperetur: ita originalis concupiscentia ligat voluntatem sanctam, ne ad obiectum sibi bonum supernaturale indeliberato amore aspiret. Quem ergo de se concipere motum non potest, cælitus accipit: nec illi tantum noua gratia est mentis illustratio Diuinitus immissa, sed ipse quoque actus indeliberatus amoris, quo ad agendum prouocatur. Toties hanc assertionem S. Augustinus probat, quoties aduersus Pelagianos contendit, in hoc naturæ corruptæ statu satis non esse ad bene agendum, vt mens cælitus illuminetur; sed requiri insuper vt Spiritus sanctus delectationem, id est ex ipsius Aduersarij interpretatione, indeliberatum amoris motum voluntati immediatè & per se imprimat. Sic libro de spiritu & littera cap. 3. *Neque liberum arbitrium, inquit, quidquam nisi ad peccandum valet, si lateat veritatis via: & cum id quod agendum, & quò nitendum est, cæperit non latere, nisi etiam delectet & ametur, non agitur, non suscipitur, non bene vituitur: vt autem diligatur, charitas Dei diffunditur in cordibus nostris, non per liberum arbitrium quod surgit ex nobis, sed per Spiritum sanctum qui datus est nobis.* Et capere sequenti docet mentis illustrationem nihil ad bene agendum prodesse, *vbi sanctus non adiuuat Spiritus, inspirans pro concupiscentia mala concupiscentiam bonam, hoc est, charitatem diffundens in cordibus nostris.* Quare Pelagianos vexat lib. 4. ad Bonifacium c. 5. quòd velent, nos habere à Domino Deo adiutorium cognitionis, quo ea que facienda sunt nouerimus: non inspirationem dilectionis: quam ait esse propriam gratiam: naturæ nimirum corruptæ.

Diutiùs in hac assertionem non morabor, quòd eam nouus Theologus fusissimè prober, cum libro 1. & 4. de gratia Christi ex innumeris S. Augustini locis conficit, Deum hoc in statu præter illustrationem mentis, quæ à S. Augustino generali doctrinæ nomine comprehenditur, pium etiam voluntati motum per se insere-

548 DISPUT. DE LIBERO ARBITRIO  
re, qui non modò noua, sed etiam propria Christi gratia est.

Genuinum igitur inter vtriusque gratiæ adiutoria discrimen est, quòd altera solius mentis illustratio-  
nem: altera delectationem cælitus immissam comple-  
ctatur. Quò spectat famosus ille S. Augustini locus ex  
libro de correptione & gratia cap. II. *Quid ergò? Adam  
non habuit Dei gratiam? Imò verò habuit magnam, sed  
disparem. Ille in bonis erat, quæ bonitate sui conditoris ac-  
ceperat. Neque enim ea bona & ille suis meritis compara-  
uerat, in quibus prorsus nullum patiebatur malum. Sancti  
verò in hac vita ad quos pertinet liberationis hæc gratia,  
in malis sunt, ex quibus clamant ad Deum: Libera nos à ma-  
lo. Hæc radix inter vtramque gratiam discriminis: do-  
mestica scilicet labes, quæ carebat Adam, nos opprimi-  
mur. Hinc subdit: Ille non opus habebat ea adiutorio quod  
implorant isti cum dicunt: Video aliam legem in membris  
meis repugnantem legi mentis meæ, & captiuantem me in  
lege peccati, quæ est in membris meis: Infelix ego homo,  
quis me liberabit de corpore mortis huius? Gratia Dei per  
Iesum Christum Dominum nostrum: quoniam in eis caro  
concupiscit aduersus spiritum, & spiritus aduersus carnem,  
atque in tali certamine laborantes ac periclitantes, dari sibi  
pugnandi vincendique virtutem per Christi gratiam poscunt.  
Hæc gratia est delectatio cælestis, quam aduersus no-  
xiam concupiscentiæ suauitatem Spiritus sanctus in-  
fundit.*

Aliud eodem loci inter gratiam Adamo ad perseue-  
randum concessam, & eam, quæ Sancti modò perseue-  
rant, discrimen explicat, in eo positum, quòd hæc ef-  
ficax sit, illa verò minimè. Sed istud ad præsens insti-  
tutum nihil pertinet.



## PARAGRAPHVS III.

*Aperitur & refellitur arcanum nouæ opinionis mysterium, quo docet, gratiam naturæ lapsæ idcirco ineluctabilem voluntati necessitatem imponere, quia est indeliberatus complacentiæ aut desiderij motus.*

ERIT hîc fertasse qui illud S. Anselmi vsurpet ex Dialogo de casu diaboli cap. 7. *Nescio quid sit, ut cum me sperem ad finem questionis iam pertingere, tunc magis videam velut de radicibus succisarum questionum alias pululantes consurgere. Quis enim non existimâset totam hanc questionem esse confectam, cum verum vtriusque gratiæ discrimen, quod nouus Theologus omni curâ suppressit, vel ipsis eius verbis exposui. At hinc tamen alia questio enascitur, quæ totius ferè controuersiæ caput est & summa. Pugnat Aduersarius ex hoc ipso discrimine sequi, gratiam naturæ lapsæ libertatem ad vtrumlibet homini adimere, quam naturæ integræ adiutorium non laxisset. Quod ut clarescat:*

Monco abesse illum magnopere à physicæ prædeterminationis assertoribus, qui efficacis gratiæ vim ex motione primæ causæ repetunt. Sic eos insectatur: *Qui medicinalem Christi saluatoris gratiam sic defendere conantur, ut eam in talem prædeterminationem physicam transforment, MAGIS PROFECTO ARISTOTELICI, QUAM AVGVSTINIANI SVNT. NAM TALIS PRÆDETERMINATIO SIC ASSERTA, NON SOLVM NVLLO TESTIMONIO EIVS PROBARI POTEST, SED POTIVS VNIVERSAM DOCTRINAM EIVS INNVMERIS LOCIS TRADITAM INEXPLICABILI CONFVSIONE PERTVRBAT. Tollit enim differentiam integræ læsæque vo-*

Libro 2. de  
grat. Christi  
cap. 1.

350 DISPUT. DE LIBERO ARBITRIO  
luntatis, tollis necessitatem duplicis adiutorij, quo, & sine  
quo non, cum quorum aliter Adamus velle, stareque potuit,  
& Angeli re ipsa voluerunt steteruntque, lapsi homines velle  
aut stare non possunt. Tollis, obscuratque veram necessitatem  
gratia medicinalis, nec finis intelligere veram naturam eius,  
dum equaliter statuit illam predeterminationem omnibus ne-  
cessariam. Denique cogitur inferre non exiguam vim scriptu-  
ris sacris, quæ singularem Dei gratiam actus nostros bonos  
operantem pradicant &c. En eius cum physicæ præde-  
terminationis auctoribus consensum?

Abest quoque plurimum ab illorum sententia, qui  
eiusdem gratiæ vim insuperabilem ab intellectu repe-  
tendam docent; quique opinantur voluntatem ne-  
cessariò amplecti quidquid illi ut melius atque dele-  
ctabilius ab intellectu proponitur. Nam hæc etiam  
opinio eius principia conuellit, cum parem gratiæ sa-  
nitatis ad inferendum consensum vim tribuat. Certum  
est enim Angelos tam copiosa donatos fuisse luce, ut  
Deum rebus omnibus amabiliorem cognoscerent;  
certum quoque in Aduersarij opinione dæmones ip-  
sos & Adamum non fuisse minori luce perfusos; adeo-  
que summa omnes necessitate Deum amassent, si cla-  
rior illa intellectus cognitio voluntatem necessariò  
abriperet.

Libro 8. de  
grat. Chri-  
sti cap. 3. &  
lib. 4. c. 9.

Quæ est ergo eius opinio? Illam sic exponit. Do-  
cet voluntatem nostram ita esse comparatam, ut in-  
eluctabili necessitate eò inclinet, quò antegressa de-  
lectatio maior, seu ardentior complacentiæ aut desi-  
derij motus indeliberatus eam pellicit. Ita ut si vel  
leuis obiecti alicuius delectatio amorque indeliberatus  
voluntatem demulceat, nec alia delectatione con-  
trariâ oppugnetur, necessariò consensum exprimat: si  
verò contrariæ delectationes duæ inter se configant, illa  
quoque pari necessitate animum trahat, quæ magis de-  
lectauerit. Quia necesse est, inquit, ut id voluntas ve-  
lit, quod eam magis delectat. Hinc colligit 1. volun-



tatem absente delectatione cælesti titillantis concupiscentiæ motibus indeliberatis necessario consentire.

Colligit 2. Adamum & Angelos qui carnalis delectationis illecebrâ carebant, Deum summa necessitate amatuos fuisse, si eorum voluntatem cælestis aliqua delectatio consensum antecedens imbuisset. At istud tam obscurè pronuntiat, satis ut constet eum timuisse, ne grauissimo vulnere, quod hac parte accipere potest, locum aperiret. Colligit 3. Beatos Deum necessario amare; quia extinctâ concupiscentiâ, sola in eis delectatio cælestis dominatur. Colligit 4. gratiam medicinalem dici posse prædeterminationem physicam; quia *se habet in ipsa potentia voluntatis, quam propriè suæ suauitatis magnitudine ad volendum applicat, & applicando determinat, ut pote causans in ea hoc ipsum ut se determinet, adeoque prædeterminans.*

Libro 8. de  
gratia Christi  
tit. cap. 9.

Lib. 2. de  
grat. Christi  
tit. cap. 1.

Multa sunt quibus hæc opinio eueri potest. Sed ea tantum proferam, quæ ex ipsius Aduersarij placitis accersita maiorem apud eius patronos fidem obtinebunt. Ac primò, recordare quod superius ostendi, bis illum docuisse, primum hominem præuiâ voluntatis succensione ad amorem Dei fuisse prouocatum: idque ex hoc S. Augustini loco libro 14. de Ciuitate Dei cap. 15. confirmasse. *Si voluntas Adam in amore superioris immutabilis boni, à quo illustrabatur ut videret, ET ACCENDEBATUR UT AMARET, stabilis permaneret &c.* Hinc ita colligo: succensio illa voluntatis quâ Adam accendebatur ut amaret, erat motus indeliberatus amoris, qui nullâ rebellantis concupiscentiæ vi oppugnabatur; & tamen consensum non expressit; Ergo falsum est omnem motum indeliberatum amoris, qui contrario non vincitur, consensum necessario exprimere.

Secundò, ex illa opinione sequeretur libertatem ad verumlibet voluntati funditus periisse, etiam respectu earum rerum, quas Aduersarij arbitrio nostro

permittunt, cuiusmodi est venatio, deambulatio, atque alia eiusdem generis. Docet enim nouus Theologus voluntatem hoc in statu nihil prorsus amplecti posse, nisi quod præuio amoris & complacentiæ actum eam delectarit, unde istud corollarium deducit: *Delectationem, ut quis bonum velit, non ex natura boni, aut supernaturalis operis; sed potius ex conditione volendi necessariam esse. Voluntas enim sine delectatione velle, aut moueri nullo pacto potest. Quod sanè respectu cuiuslibet operationis locum habet.* Ergo etiam respectu volitionis deambulandi. Ex quibus sic disputo. Præuia illa delectatio, quæ necessaria est, ut homo velit deambulare, vel contrariâ delectatione oppugnatur, vel non oppugnatur: si non oppugnatur, volitionem deambulandi necessariò elicit; quemadmodum concupiscentia absente delectatione cælesti consensum necessariò exprimit: si autem oppugnatur, vel contrariam vincit, vel non vincit: si vincit, pari necessitate eandem volitionem extorquet: si non vincit, non ipsa, sed altera consensum exprimit; quia ex Aduersarij principiis, secundùm id velimus necesse est quod magis nos delectat. Valet illud argumentum in aliis omnibus volitionibus, quæ cùm ex maiori delectatione oriri debeant, summa semper necessitate producentur.

Tertiò, indidem sequeretur, peccatorem non modò generali peccandi necessitate obstringi, sed etiam hîc & nunc ab hoc peccato quod committit temperare non posse. Quod adeo inuidiosum ipsi Aduersario visum est, ut contendat illum quidem generali peccandi necessitate teneri, *ut quoquoersum se se vertit, in genere necesse sit illum male agere; sic tamen ut in singulari nullum peccatum necessariò perpetret.* Et capite sequenti docet eundem posse, ab illo peccato, quod hîc & nunc facit, abstinere. Ita ut, inquit cap. 19. *peccatum liberum sit quoddam exercitium, ut loquuntur, necessarium quo-*  
ad

Libro 4. de  
gratia Christi  
cap. 7.

Libro 4. de  
statu nat.  
cap. 19.



*ad specificationem.* Contrarium prorsus ex superiori eius doctrina colligitur. Quemadmodum enim docet medicinalem gratiam, quâ homo hîc & nunc afflatur, non generalem tantum bene agendi necessitatem imponere; sed etiam huius virtutis, putâ castitatis, actum necessariò elicere; quia est præuia delectatio circa hanc virtutem: sic etiam affirmare debet, noxiam delectationem, quâ proritante hîc & nunc libidinosus peccat, non tantum ad malum in genere voluntatem addicere; sed etiam hoc peccatum inferre necessariò; quia illius, non alterius, delectatio est: nec minus illi conuenit, ut ad exercitium quoque voluntatem prædeterminet, quàm delectationi cælesti; si quidem ex Aduersarij opinione, par est vtriusque ad inferendum consensum vis & efficacia.

Horrenda verò ex hac assertionem corollaria deducuntur, quæ intelligere per se poterit, quisquis recordabitur docere nouum Theologum, humanæ libertati modò non tribui, quòd aspirante gratiâ bene agat; quia, inquit, voluntatis determinatio nullo modo ab humana libertate, sed tantum à gratia, seu delectatione cælesti petitur. Ergo nec libertati nostræ modò tribui debet quòd malè agimus; quia nec voluntatis determinatio ad malum ab humana libertate, sed à præuia delectatione proficiscetur. Quæ delectatio cum à dæmone, externis obiectis, atque ipsis etiam sideribus, per inferioris appetitus motionem excitetur, iis erit adscribendum quidquid ex illa peccamus. Erit quidem tribuendum concupiscentiæ originali quòd peccemus in genere; sed quòd homicidij potius, quàm adulterij voluntatem suscipiamus, non concupiscentiæ, non liberæ electioni nostræ, sed dæmoni tantum, aut alteri causæ hanc potius quàm alteram delectationem excitanti erit adscribendum.

Vnum tantum eumque valdè breuem S. Augustini locum tot rationibus Aduersarius opponit. Quem

Lib. de gratia primi hominis & Angelorum cap. 15.

Libro de  
gratia Chri-  
sti cap. 7.

antequam proferat, pluribus contendit, voluntatem nihil modò amplecti posse, quod illam præuiâ suauitate non deliniat. Atque huic veritati confirmandæ illud S. Augustini adhibet ex libro 22. contra Faustum cap. 28. *Si nihil delectaret illicitum, nemo peccaret.* Quasi vox illa, *delectat*, hîc significet motum indeliberatum complacentiæ aut desiderij, qui consensum anteuerit. Tum decretorium S. Augustini locum profert ex enarratione in Epistolam ad Galatas: *Quod amplius nos delectat, secundum id operemur necesse est.* Vbi rursus eadem voce, *delectat*, præuiam illam motus indeliberati suauitatem exprimi putat, indéque colligit, voluntatem eò summa necessitate ferri, quò illam indeliberati motus illecebra maior prolecat. Vno hoc testimonio nititur quidquid de concupiscentiæ, & gratiæ medicinalis ineluctabili vi disputat. Sed eius interpretatio à S. Doctoris mente plurimùm abhorret. Quod vt intelligas,

Ibidem c.  
9. & libro  
3. cap. 1.

Obserua, vocem illam, *delectat*, non hîc designare indeliberatum amoris actum, qui voluntatis consensum anteuolat. Patet illud in eo loco, quem ex libro 22. contra Faustum cap. 28. truncatum ac mutilum Aduersarius citat. Sic habet: *Si nihil delectaret illicitum nemo peccaret.* Mox: *Vtrum autem sit aliqua rationalis creatura, quam nihil illicitum possit delectare, magna questio est. Quod si est, non in eo genere factus est homo: nec illa natura Angelica, que in veritate non steris: Sed in eo genere ista rationalia facta sunt, vt inesset eis possibilitas frenandi delectationem ab illicito, quam non franando peccauerunt.* Peccauerunt ergo primus homo & Angeli, quòd aliquid illicitum eos delectarit; adeoque in illa sententia: *Si nihil delectaret illicitum, nemo peccaret:* vox hæc, *delectaret*, non indeliberatum complacentiæ aut desiderij motum, quo illi circa malum caruerunt, exprimit; sed ipsum potiùs liberum amorem, quo rei illicitæ cum delectatione adhæserunt. Est enim amor



omnis, ac præcipuè liber, delectatio quædam, vt ait S. Thomas 1. 2. quæst. 32. artic. 3. & 6. vnde S. Augustinus libro 22. de Ciuitate cap. 30. de Beatis ait : *Nec ideo liberum arbitrium non habebunt, quia PECCATA EOS DELECTARE NON POTERVNT* : quemadmodum malos Angelos & Adamum nullâ antegressâ delectatione noxiâ prouocatos delectarunt, per liberum scilicet consensum.

Idem est S. Augustini sensus loco illò percelebri ex enarratione in Epist. ad Galatas, quem vnum Aduersarius nobis intentat. Vnde S. Doctor non ait : *Quod amplius nos delectat, secundum hoc velimus necesse est* : sed : *operemur necesse est*. Agit enim de actione externa, docetque nos operari exterius secundum id, quod per electionem, & deliberatum voluntatis actum magis amamus. Satis illud indicat locus integer, quem hîc repræsentato. *Quod amplius nos delectat secundum hoc OPEREMVR necesse est* : vt verbi gratia, occurrit forma speciosa femina, & mouet ad delectationem fornicationis : sed si plus delectat pulchritudo illa intima & sincera species castitatis, per gratiam quæ est in fide Christi, secundum hanc VIVIMVS, & secundum hanc OPERAMVR. Ita primus homo, qui, vt ex S. Augustino paulò antè dicebam, ideo peccauit quòd aliquid illicitum eum delectarit, secundum id operatus est exterius vetitæ arboris fructum comedendo. Licèt enim fortasse velleitatem quandam habuerit Diuini præcepti implendi, quâ velleitate delectabat eum vtcumque debita Deo obedientia; quia tamen eodem tempore alia voluntate fortiori malum magis amabat, eoque delectabatur ardentius, secundum hanc voluntatem operatus est. *Quod enim amplius nos delectat secundum hoc operemur necesse est*.

Ex his porrò quæ hoc paragrapho disputauî colligere promptum est, non omnem delectationem cælestem esse efficacem; adeoque falsum esse quod nouus Doctor toties inculcat, nullam prorsus medicinale gratiam

Libro de  
grat. Christi  
cap. 25.

556 DISPUT. DE LIBERO ARBITRIO  
*effectu carere, sed eum in omnibus quibus datur infallibiliter operari. Sic probō: Docet ipse eandem esse rationem delectationis terrenæ, & delectationis cælestis, eandem vtriusque ad inferendum consensum vim & efficaciam: At fateri cogitur non omnem delectationem terrenam, quam indeliberatum concupiscentiæ motum vocat, inferre consensum; cū S. Augustinus toties asserat, Apostolum non consensisse molestis concupiscentiæ motibus, quibus importunè pulsabatur; Ergo fateatur quoque oportet, non omnem delectationem cælestem, seu non omnem gratiam medicinale inferre consensum.*

Libro 8. de  
grat. Chri-  
sti cap. 1.

Et sanè videtur id expressè fateri, cū ita scribit: *Delectatio victrix, quæ Augustino est efficax adiutorium, relativa est. Tunc enim est victrix quando alteram superat. Quod si contingat alteram ardentiorē esse, in solis inefficacibus desideriis hærebit animus nec efficaciter unquam volet quod volendum est. Quod ut plenius intelligatur, lectorem remittit ad alium locum, in quo istud ex professo tractans docet: Multos Diuinitus mense collustrari, imò verò & in ipsa voluntate motibus Diuinæ gratiæ percelli, qui tamen ab eius interna suauitate & inclinatione dissentiunt: quòd illa gratia liberas quasdam non voluntates, sed velleitates vel complacentias tantum excitet; quia nimirum contraria delectatio victrix est, & ardentior. Ex quibus ita colligo: Delectatio illa cælestis quæ liberam tantum velleitatem elicit, non eam elicit necessariò: Ergo falsum est omnem delectationem cælestem necessariò effectum sortiri. Probatur antecedens ex eius principiis. Tunc tantum delectatio cælestis necessariò effectum sortitur, cū est contrariā ardentior magisque nos delectat, iuxta illud S. Augustini: *Quod magis nos delectat, secundum id operemur necesse est: At fateatur ipse delectationem illam, quæ velleitatem tantum elicit, non esse contrariā ardentiorē, nec magis nos delectare: Ergo illa delectatio effectum necessariò**

Lib. 1. de  
grat. Chri-  
sti cap. 17.



non fortitur. Amplius dico, sæpe nullum habet; quem admodum concupiscentiæ motus indeliberati, cùm ardentior est gratia, sæpe numero ne leuissimam quidem velleitatem liberam impetrant.

Dices, S. Augustinum affirmare gratiam Christi effectum nunquam carere: vnde libro de correptione & gratia cap. 11. sic illam describit: *Secunda ergo gratia plus potest, quâ sit etiam ut velit, tantôque ardore diligit, ut carnis voluntatem contraria concupiscentem voluntate spiritus vincat.* Respondeo, non omnem Christi gratiam his verbis describi. Atque id ipse Aduersarius fateri cogitur, cùm doceat, multas esse Christi gratias, quæ carnis voluntatem contraria concupiscẽtem non vincant. His ergo & similibus verbis ea tantùm gratia designatur, quæ victrix est & efficax, quæque, etsi antecedentem voluntati necessitatem non imponat, infallibiliter tamen effectum consequitur. Hinc est quòd S. Augustinus omnibus ferè in locis, quibus efficacis illius gratiæ vim prædicat, disertè affirmet, loqui se de ea gratia quæ prædestinatorum est propria: Ita libro de correptione & gratia cap. 12. *Nunc verò SANCTIS IN REGNUM DEI PRÆDESTINATIS tale adiutorium,* &c. Et libro de gratia Christi cap. 13. *Sic docet Deus eos QUI SECUNDVM PROPOSITVM VOCATI SVNT, simul donans & quid agant scire, & quid sciunt agere.* Quæ sit verò gratia prædestinatorum propria ex prædestinationis definitione à S. Augustino tradita libro de dono perseverantiæ cap. 14. potest intelligi. *Prædestinatio Sanctorum*, inquit, *nihil aliud est, quàm præscientia scilicet & preparatio beneficiorum Dei, QUIBUS CERTISSIMÈ LIBERANTVR quicumque liberantur.* Vides prædestinatorum gratiam eam esse quibus certissimè liberantur. Hæc profectò nunquam effectum frustratur suo, nam etsi repudiari ab humana voluntate possit, nunquam tamen repudiatur.

## PARAGRAPHVS IV.

*Confectaria quedam ex superiori doctrina deducuntur, quibus utriusque adiutorij proprietates explicantur.*

QVÆRITVR I. quæ sit S. Augustini sententia libro de correptione & gratia cap. 11. & 12. vbi utriusque gratiæ adiutoria comparat. Respondeo, agere illum de gratia, quam Adamus ad perseverandum accepit, eamque cum illa componere, quâ modò prædestinati perseverant. Quas inter duplex ait esse discrimen. Primum substantiale est, atque inde petitur, quòd altera sit gratia voluntatis, seu in voluntate posita: altera verò minimè. *Ille*, inquit cap. 11. *opus non habebat eo adiutorio quod implorans isti cum dicunt: Video aliam legem in membris meis, repugnantem legi mentis meæ.* Id est, opus non habebat peculiari voluntatis adiutorio, quo nos concupiscentiâ oppressi indigemus. Discrimen alterum accidentale est, atque in eo ponitur, quòd gratia, quæ modò prædestinatis ad perseverandum conceditur, sit efficax: gratia verò Adami non fuerit. *Nunc verò*, inquit cap. 12. *Sanctis in regnum Dei per regnum Dei prædestinatis, non tantum tale adiutorium perseverantia datur, sed tale ut eis perseverantia ipsa doneatur, non solum ut sine isto dono perseverantes esse non possint, verum etiam ut per hoc donum non nisi perseverantes sint.* Quibus verbis non eiusmodi gratia exprimitur, quæ antecedentem perseverandi necessitatem imponat, ut ex libro de dono perseverantiæ cap. 6. vbi huius loci difficultatem omnem abstergit, demonstrari facillè potest.

Massilienses Presbyteri immodicè tulerant illa S. Augustini verba, quibus impensum prædestinatis per-



seuerantix donum ita prædicabat, vt assereret *per hoc donum non nisi perseverantes esse*. De hac illorum ex-  
 stulatione ad S. Augustinum Hilarius scripsit, rogauit-  
 que vt mentem super ea re suam clariùs exponeret. Ex-  
 posuit ille citato loco in hæc verba. *Sed nolunt, vt scri-*  
*buis, isti fratres ita hanc perseverantiam predicari, vt non*  
*vel suppliciter emereri, vel amitti contumaciter possit. ubi*  
*quid dicant parum diligenter attendunt.* DE ILLA ENIM  
 PERSEVERANTIA LOQVIMVR, QVA PERSE-  
 VERATVR VSQVE IN FINEM, *que si data est, per-*  
*seueratum est usque in finem: si autem non est perseueratum*  
*usque in finem, non est data, quod iam & superius satis egi-*  
*mus. Non itaque dicant homines, perseverantiam cuiquam*  
*datam esse usque in finem, nisi cum ipse venerit finis, &*  
*perseuerasse, cui data est, repertus fuerit usque ad finem.* Di-  
 cimus quippe castum, quem nouimus castum, siue sit, siue  
 non sit in eadem castitate mansurus, & siquid aliud Diuini  
 muneris habeat, quod teneri & amitti potest, dicimus eum  
 habere quandiu cumque habet, & si amiserit, dicimus ha-  
 buisse. Perseuerantiam verò usque in finem, multi eam pos-  
 sunt habere, nullus amittere. Neque enim metuendum est, ne  
 • forte CVM PERSEVERAVERIT HOMO VSQVE  
 IN FINEM, ALIQVA IN EO MALA VOLVN-  
 TAS ORIATVR, NE PERSEVERET VSQVE IN  
 FINEM. Hoc ergo Dei donum suppliciter emereri potest, sed  
 cum datum fuerit amitti contumaciter non potest. Cum enim  
 perseuerauerit quisque usque in finem, NEQVE HOC DO-  
 NVM POTEST AMITTERE, NEQVE ALIA  
 QVÆ POTERAT ANTE FINEM. Quomodo enim  
 potest amitti, per quod sit ut non amittatur etiam quod pos-  
 set amitti?

En Augustinum sui ipsius interpretem: en clarissi-  
 mam loci illius explicationem, quem Calvinus Tri-  
 dentino Concilio, & Doctoribus Sorbonicis tanta ver-  
 borum procacitate impingit. Air S. Doctor donum il-  
 • lud perseverantix, cuius efficaciam libro de correctio-

ne & gratia tantopere commendarat, tunc tantum amitti contumaciter non posse, cum perseveratum est usque ad finem. Ergo non arbitratur donum illud eiusmodi adiutoriis contineri, quibus humana libertas reluctari non possit; alias enim etiam dum hic vivimus amitti contumaciter non posset, siquidem illa adiutoria ut antecedentem perseverandi necessitatem, ita quoque impossibilitatem non perseverandi inducerent.

Quæritur 2. cur S. Augustinus appellet adiutorium perseverantiae Adamo concessum, *adiutorium sine quo non*: illud verò quod modò prædestinatis impenditur, *adiutorium quo*. Huius quæstionis solutioni præmittenda est utriusque vocis explicatio clarissimis à S. Augustino verbis tradita libro de correptione & gratia cap. 12. *Aliud est, inquit, adiutorium sine quo aliquid non fit, & aliud est adiutorium, quo aliquid fit. Nam sine alimentis non possumus vivere, nec tamen cum affuerint alimenta eis fit ut vivat, qui mori voluerit: Ergo adiutorium alimentorum est sine quo non fit, non quo fit ut vivamus. At verò beatitudo quam non habet homo, cum data fuerit continuo fit beatus. Adiutorium est enim non solum sine quo non fit, verum etiam quo fit propter quod datur. Quapropter hoc adiutorium & quo fit est, & sine quo non fit. Quia & si data fuerit homini beatitudo continuo fit beatus: & si data nunquam fuerit, nunquam erit. Si hæc verba rigidiùs interpreteris, & adiutorium quo illud esse contendas, quo formaliter aliquid fit: cuiusmodi est beatitudo, quæ formaliter sumus beati: quælibet medicinalis gratia propriè dicta erit adiutorium quo formaliter volumus. Est enim volitio quædam indeliberata, quæ formaliter volentes facit. Nulla verò gratia sanitatis erit adiutorium quo velimus; quia cum sit illustratio mentis per eam formaliter non volumus. Eodem sensu donum perseverantiae quo perseveratur usque in finem, est *adiutorium quo*, quia per illud formaliter sumus perseverantes,*



rantes. Nam vt ait loco citato ex libro de dono perseverantiz : *De illa perseverantia loquimur , quâ perseveratur usque in finem : quâ si data est perseveratum est usque in finem : si autem non est perseveratum usque in finem , non est data.*

Videtur nihilominus aliud nihil his verbis expressisse, quàm quod superiori quæstione exposui. Nimirum, *adiutorium sine quo non interpretatur adiutorium cognitionis, sine quo voluntas quantumvis sana agere non potest.* At *adiutorium quo* illud intelligit, quod est in ipsa voluntate, & cum illa propriè & immediatè liberam volitionem operatur. Duo igitur requirit ad *adiutorium quo*. Primum, vt sit motio ipsius voluntatis. Secundum, vt re ipsa sit efficax. Explicari illud potest exemplo tentationis. Quærit S. Augustinus libro 3. de libero arbitrio cap. ultimo. *Vnde ipsi diabolo suggestum sit appetenda impietatis consilium, quo de sublimibus sedibus laboretur. Si enim, inquit, nullo viso tangeretur non eligeret facere, quod fecit : nam si non ei aliquid venisset in mentem, nullo modo intentionem convertisset in nefas &c.* Tentatio illa, cui re ipsa dæmon consensit, cum ad intellectum duntaxat pertineret, erat *tentatio sine quâ non.* At concupiscentia, seu motus indeliberatus voluntatis ad malum, dum liberum consensum à voluntate elicit, est *tentatio quâ* : quia & est tentatio in voluntate posita, & consensum re ipsa infert. Quemadmodum autem defectu posterioris huiusce conditionis, concupiscentiz motus, qui nullum consensum impetrat, non est *tentatio quâ* ; ita eiusdem conditionis defectu, celestis delectatio, quæ nullum à voluntate actum liberum elicit, non est *adiutorium quo*. Nec asserere Aduersarius potest omnem delectationem celestem esse *adiutorium quo*, quoniam asserat quoque omnem delectationem terrenam, seu omnem motum indeliberatum concupiscentiz esse *tentationem quâ*.

Quæritur 3. cur S. Augustinus asserat, Deum Adamo

562 DISPUT. DE LIBERO ARBITRIO  
reliquisse voluntatem suam; at homini corrupto non  
reliquisse. Respondeo S. Doctorem id vnum velle,  
Adamum cum voluntatem haberet sanam, non aliam  
nouam gratiam opus habuisse, quam mentis illustratione,  
quam posita poterat per se, id est ex interpretatione S.  
Anselmi, *per ea quae iam habebat*, bene agere, si vellet.  
At hominem lapsum, praeter illam mentis illustrationem,  
nouam donari gratiam debere, quae immediatè à  
Deo in ipsa voluntate excitata, cum ea operetur ut  
velit. Nam, ut ait libro de correptione & gratia cap.  
12. *Si in tanta infirmitate vite huius, in qua tamen infirmitate propter elationem reprimendam perfici virtutem oportebat, IPSIS RELINQUERETUR VOLUNTAS SVA,*  
*ut in adiutorio Dei sine quo perseverare non possent, manerent si vellet, nec in eis operaretur ut vellet: inter eos & tantas tentationes infirmitate sua voluntas ipsa succumberet.*

Sed ut quaestiones alias huic per similes paucis expediam, observa voluntatem sanam, id est, iustitiam originali & supernaturalium virtutum habitibus ornata, vocari à S. Augustino libro de peccatorum meritis cap. 37. *mentis valentiam*, & libro 11. de Genesi ad litteram *POSSE NATURAE*, item, *POSSIBILITATEM NATURALEM*. Vnde Celestinus ait in Epistola ad Episcopos Gall. cap. 3. *in prauaricatione Ada omnes homines NATURALEM POSSIBILITATEM & innocentiam amisisse*. Quibus appellationibus non innuit originalem iustitiam esse voluntati naturalem, & ab illa necessariò exigi, sed tantum illi ab origine insitam fuisse. Hae porro *naturalis possibilis*, seu voluntas sana, etsi diuinâ luce ad bene agendum indigeret, quia tamen eam posita agere per se poterat, peculiari quodam modo bonum opus illi tribuebatur. Hinc S. Augustinus asserit libro de Correptione & gratia cap. 10. Angelos *per liberum arbitrium stersisse*. Et libro de dono perseverantiae cap. 7. ait: *Non discendere à Deo non esse in viribus liberi arbitrii quales nunc sunt;*



*fuisse in homine antequam caderet.* Cui concinens Auctor librorum Hypognost. libro 3. cap. 1. scribit: *Neminem posse per se sibi implere quod velis, rectè dicimus, nisi protoplaston solum potuisse, cum voluntas liberi arbitrii fuisset sana eidem ante culpam.* Nimirum eiusmodi sententiæ id vnum spectant, Adami & Angelorum voluntatem solâ mentis illustratione adiutam bene agere potuisse: nobis verò nouâ quâdam interiori gratiâ voluntatem sanante, atque adeo agendi vim illi conferente opus esse.

Indidem collige bona opera naturæ integræ peculiari quodam modo esse merita; quia cum immediatum illorum principium esset voluntas sana: quemadmodum hæc *naturalis possibilitas* dicitur: sic etiam profectum ab illa bonum opus *meritum humanum* nuncupatur. At hoc in statu cum immediatum boni operis principium, non sit naturalis possibilitas, meritum non est *humanum*; sed à Diuina gratia, quæ voluntatem sanat, & amissam boni operis efficiendi possibilitatem donat, *gratuitum* & *Diuinum* appellatur. Vtrumque his verbis S. Augustinus expressit libro de prædestinatione Sanctorum cap. 15. *Humana hîc merita conticescant, quæ perierunt per Adam, & regnet, quæ regnat Dei gratia per Iesum Christum Dominum nostrum.* Quemadmodum autem bona opera à *naturali possibilitate* profecta, dicuntur *merita humana*: ita gloria his meritis redita, propriè *merces* appellatur; & quæ meritis per medicinalem gratiam comparatis modò rependitur, licet etiam sit merces, cum altera tamen comparata potiori quodam iure *donum gratiæ* nuncupatur. Disertissimè illud tradit S. Augustinus libro de correptione & gratia cap. 11. *Quæ futura erat & homini, sicut facta est & Angelis sanctis, merces meriti: nunc autem per peccatum perduto bono merito, in his qui liberantur factum est donum gratiæ, quæ merces meriti futura erat.* Qui locus, aliique eiusdem sententiæ ineptè à Caluino iactatur pro illa

564 DISPVT. DE LIBERO ARBITRIO  
opinionē suā Tridentinis percussa fulminibus, quā  
operibus bonis in statu vitiatæ naturæ factis omne  
prorsus meritum adimit: nam id vnum S. Augustinus  
his locis agit, quamuis bona opera cū naturæ inte-  
græ, tum vitiatæ sint merita simul & dona gratiæ, quan-  
do tamen inter se contenduntur, hæc potiori iure *do-  
na gratiæ*, illa verò peculiari quoque de causa, iam à no-  
bis explicata, *merita* nuncupari.

Superest vt hinc quoque lucis aliquid in ea refun-  
dam, quæ prima & secunda huius capituli sectione con-  
tra nouum Doctorem disputaui. Pugnat ille gratiæ  
sanitatis proprium esse, vt homini suam *voluntatem re-  
linqueret*, quibus verbis hoc si voluisset vnum, nouam  
illam gratiam quā sana voluntas indigebat, non fuisse  
motionem voluntatis, nihil mihi cum illo controuer-  
siæ extitisset. At cū istud eò valere arbitraretur, vt so-  
la naturæ integræ gratia repudiari à voluntate posset,  
clarissimis S. Augustini testimoniis demonstraui, me-  
dicinalem quoque gratiam voluntatis arbitrio hoc sen-  
su permitti. Pugnat quoque medicinalis gratiæ hunc  
esse characterem, vt ipsum velle in nobis operetur. Ni-  
hil illi super ea re molestiæ exhibuissē, si id expli-  
cato hætenus sensu exposuisset. At cū his verbis in-  
tenderet soli gratiæ medicinali competere, vt ipsum  
velle & operari infallibiliter importet, adeoque gratiæ  
non esse tribuendum, quòd steterint Angeli, & in bo-  
no perseverarint: contrarium innumeris S. Augustini  
aliorumque Patrum testimoniis effeci. Certum est e-  
nim gratiam intellectūs, quā donati sunt Angeli, exi-  
volitionis effectiōnem eodem modo, quo gratia medi-  
cinalis, non attingat, eam tamen, cū efficax est, in-  
fallibiliter inferre; adeoque rationem vltimam cur  
Angeli in veritate steterint, in Deum esse refunden-  
dam, qui victricem illis cogitationem infudit. Quam-  
obrem licet S. Augustinus asserat libro de correptione  
& gratia cap. 11. *Angelos Sanctos cadentibus aliis per li-*



*berum arbitrium, per idem liberum arbitrium stetit*, quia sola illorum voluntas natiuis dotibus instructa volitionem, quâ steterunt, immediatè produxit: affirmat nihilominus Concione 2. in Psalmum 32. & alibi passim Angelos non à se ipsis; sed à Deo fuisse solidatos; quia vt docet Fulgentius libro 2. ad Trasimundum cap. 2. *periissent omnes, nisi quos vellet à casu prauitatis virtus illa defenderet*. Id est, nisi prædestinati Angeli peculiari beneficio donati essent: gratiâ nimirum efficaci, quæ licèt in intellectu tantùm existeret, voluntatis tamen consensum infallibiliter erat impetratura. Huic ergo cogitationi victrici, eiusque auctori Deo adscribenda sunt Angelorum merita, perseverantia, atque discretio; nam hæc vna eorum omnium fons est & origo.

Eadem face prælucente nihil est in S. Augustini doctrina circa vtriusque gratiæ discrimen tam reconditum, quod non clarescat: nihil in Aduersarij contra communem opinionem argumentis tam formidolosum, quod non vanescat atque dissipetur.

## PARAGRAPHVS V.

*Nova coniectura de S. Augustini mente circa adiutorium sine quo non, & adiutorium quo.*

QVÆ hætenus de vtriusque adiutorij discrimine à nobis disputata sunt, si de gratia ad bonam voluntatem suscipiendam Adamo necessaria sermo sit, mihi videntur cum S. Augustini doctrina vsquequaque consentire. Certum est enim ex eius principiis, (nec Aduersarius ipse negauerit) voluntatem sanam non aliâ nouâ gratiâ ad bonam volitionem exerendam indiguisse, quàm mentis illustratione. At si de adiutorio perseverantiæ sermo sit, putauerim ego aliquid aliud ex S. Doctoris mente esse adiiciendum. Vix enim adduci possum vt credam veritatem habere, quod Ad-

566 DISPUT. DE LIBERO ARBITRIO  
uersarius tanquam opinionis suæ fundamentum sup-  
ponit, quòdque hæcenus dissimulaui: nimirum, libro  
de correptione & gratia cap. 11. & 12. nomine adiu-  
torij illius sine quo dicitur Adamus perseuerare non  
potuisse, designari gratiam Adamo necessariam ad vo-  
lendum. Nam singula ferè verba, si expendantur at-  
tentiùs, innuunt sermonem esse de peculiari quadam  
gratia ipsius voluntatis, sine qua Adamus posset qui-  
dem velle, sed quæ iam volenti firmitatem quandam,  
& perseuerandi vim atque potestatem conferret: quæ-  
que proinde non voluntatem præueniret vt veller, sed  
volentem subsequeretur ne frustra veller. Si nihil præ-  
iudicati affers, Lector erudite, fallor, aut id tibi claris-  
sima S. Augustini verba persuadebunt. Quæ antequam  
profero,

Libro. 4. de  
grat Christi  
sti cap. 16.

Præmittenda est notio excitantis & adiuuantis gra-  
tiæ, quam ex S. Augustini mente Aduersarius satis  
commodè exponit. Ait gratiam excitantem illam esse,  
*quæ bonum voluntatis motum in potentia voluntatis excitat.*  
Adiuuantem verò, *quæ excitato, acceptoque bonæ volun-  
tatis motu, hominem iam volentem conantemque adiuuat, vt  
vel efficiat quod voluerit, vel vt fortius velit, quàm velle  
capit.* Hæc adiuuantis gratiæ notio innumeris S. Au-  
gustini locis comprobatur, ac præsertim ex libro 1.  
Retract. cap. 9. libro de gratia & libero arb. cap. 20.  
& libro de gratia Christi cap. 19. Ex quibus ita Ad-  
uersarius colligit: *Nihil clarius quàm ADIVTORIVM*  
*propriè esse respectu voluntatis iam volentis conantisque, sed*  
*adolefcentis adhuc & infirma: quæ vt possit id quod voluit,*  
*gratiâ debet adiuuante roborari.* Quò spectat illud S. Ber-  
nardi libro de gratia & libero arbitrio: *Conatus liberi*  
*arbitrij casti sunt ad bonum, si non adiuuentur; nulli, si non*  
*excitentur.* Eodem quoque pertinet celebris illa diui-  
sio, quâ S. Augustinus gratiam partitur in præue-  
nientem, & subsequentem. Præueniens enim cum  
excitante confunditur, atque vt Aduersarius ex S.



Augustino ostendit, *Gratia est, quæ præuenit omnem etiam primum voluntatis motum bonum, quâ voluntas hominis preparatur ac datur, quâ Deus in homine operatur & velle.* Gratia verò subsequens eadem est cum adiuuante, & ab Aduersario capite 13. ita ex S. Augustini mente describitur: *Est gratia quæ consequitur illa inchoata studia bonæ voluntatis, eaque tanquam infirma fouet, innat, roborat, donec perfectâ robustaque voluntas efficiatur.*

Libro 4. de  
grat. Chri-  
sti cap. 11.

Monet adhuc Aduersarius gratiam operantem, & cooperantem cum præueniente, & subsequente confundi. Quod vel vno S. Augustini testimonio ex libro de gratia & libero arbitrio cap. 17. validè probatur. *Cooperando perficit, quod operando incipit; quoniam ipse ut velimus operatur incipiens; qui volentibus cooperatur perficiens.* Monet denique illas gratiæ diuisiones originem sumplisse ex celeberrima illa controuersia, quæ tantâ animorum contentione Catholicos inter atque Semi-Pelagianos agitata est: nimirum, *an voluntas per se incipiat operari bonum, ita ut gratia subsequatur bonum matum voluntatis, quo ipsa sibi gratiam promeretur & parit; an è contrario gratia præcedat omnem bonum motum voluntatis, eumque in voluntate operetur.* Asserebant enim Semi-Pelagiani teste S. Fulgentio libro de Incarnatione & gratia cap. 18. *Nostrium esse velle credere, priusquam Dei gratia nos incipias adiunare.* Vnde hæc illorum vox peruagata, quam eodem libro Fulgentius refert cap. 29. *Ipsam velle non in homine Deus inchoat, sed ut ab homine nascatur expectat.* Ita ut, inquit Hilarius Epistola ad S. Augustinum, *ideo quis adiunetur, quia voluit; non ideo quia adiunatur, velit.* Quamobrem loca Scripturæ quibus bona voluntas Deo tribuitur, ad id volunt valere ut adiunetur, qui cæperit velle, non ut etiam doceatur ut velit: Cuius controuersia Catholicos inter atque Semi-Pelagianos summam ita S. Augustinus complectitur, *Vtrum præcedat hæc gratia; an subsequatur hominis voluntatem; hoc est, ut plenius id eloquar, utrum*

Libro 4. de  
grat. Chri-  
sti cap. 15.

568 DISPUT. DE LIBERO ARBITRIO  
*ideò nobis datur quia volumus, an per ipsam etiam hoc  
Deus efficiat ut velimus.*

Hinc clarescet S. Augustini sententia de adiutorio perseverantiae primo homini & Angelis concessio. Docet enim eiusmodi adiutorium non praeuenientem gratiam fuisse, quae efficere ut vellent; sed adiuuantem tantum atque cooperantem, quae susceptum ab iis bonae voluntatis motum confirmaret, atque corroboraret. Poterat enim eorum voluntas sana, Diuinæ lucis radio perfusa bonam volitionem exercere: at requirebatur amplius ad perseverantiam, ut ipsa quoque interiori quodam auxilio firmaretur, quod nullatenus ad volendum, ad perseverandum autem erat absolute necessarium. Nam ut ait in Enchiridio capite 106. *Homo in paradiso ad se occidendum relinquendo iustitiam idoneus erat per voluntatem; ut autem ab eo teneretur visa iustitia, PARVUM ERAT VELLE, NISI ILLE, QUI EVM FECERAT, ADIUVARET.* Huius loci sensum Aduersarius aperit, cum alium persimilem exponit ex sermone 3. de verbis Apostoli cap. 10. sic habet: *Non sufficit velis: adiuuandus es ut plenè velis, & impleas quod velis.* Quibus ex verbis Aduersarius ait, *perspicuum esse, gratiam adiuuantem proprie locum habere respectu hominis iam volentis.* Ergo cum S. Augustinus ait: *Adamo parum erat velle, nisi ille qui eum fecerat adiuuaret,* de illa gratia non loquitur, quae Adamum excitaret ut vellent, sed quae iam volentem adiuuaret, secundum illud Hilarii Epistola ad S. Augustinum: *ILLVM INTEGRIS VIRIBVS VOLUNTATIS IUVARET GRATIA VOLENTEM, SINE QVA PERSEVERARE NON POTERAT.* Quae licet ex Massiliensium persona Hilarius dicat, veram tamen S. Augustini de gratia primi hominis sententiam continent, ut Aduersarius ipse contendit libro 3. de Haeresi Pelagiana cap. 6.

Veniamus modò ad locum illum decantatum toties

Lib. 4. de  
grat. Chri-  
sti cap. 16.



ties ex lib. de corrept. & grat. vbi ex professo disputat de adiutorio perseverantiz primo homini concessio.

*Queritur à nobis, inquit cap. 10. quantum attinet ad hoc de-  
num Dei, quod est in bono perseverare usque in finem, quid de  
ipso primo homine sentiamus.* Et respondet, habuisse Ada-  
mum in potestate sua non mori, & non miserum fieri. Quia  
nimirum adiutoria acceperat, quibus verumque posset,  
si vellet. Arborem quidem vitæ, quâ posset non mori;  
& adiutorium perseverantiz, quo posset non miserum  
fieri. Atq; ut arbor vitæ nihil penitus conferebat, ut vel-  
let non mori, sed tantum ut posset, posito quod vellet.  
Ita etiam adiutorium perseverantiz nihil prorsus con-  
ducebat ad volendum perseverare; sed tantum ad pos-  
se perseverare, posito quod independentem ab illo ad-  
iutorio perseverandi volitionem susciperet. Nullum  
ferè verbum occurrit in tota illa de duplici adiutorio  
disputatione quod istud non persuadeat. Tunc ergo, in-  
quit cap. 11. *dederat homini Deus bonam voluntatem, in  
illa quippe eum fecerat, qui fecerat rectum, dederat adiuto-  
rium, SINE QVO IN EA NON POSSET PERMA-  
NERE SI VELLE, ut autem vellet in eius libero reli-  
quit arbitrio.* Neque enim illa gratia erat præueniens,  
quæ operaretur ut vellet; sed cooperans tantum, quæ  
volentem adiuuaret. Quâ absente etiam si vellet per-  
manere, non tamen posset. Erat enim eiusmodi adiu-  
torium *sine quo non posset permanere, si vellet.* Quare nec  
ipsum Deus esse voluit *sine sua gratia.* Quid ita? Quoniam  
liberum arbitrium ad malum sufficit, ad bonum autem parum  
est, nisi adiuvetur ab omnipotenti bono. Nota eum non di-  
cere liberum arbitrium sine illo adiutorio nihil prorsus  
ad bonum valere; sed tantum esse parum; quia poterat  
quidem sine illo adiutorio velle: at, parum erat velle, ni-  
si ille qui eum fecerat adiuuaret. Pergit eodem cap. 11.  
*Posses ergo permanere si vellet; quia non deerat adiutorium  
per quod posset, & SINE QVO NON POSSET PER-  
SEVERANTER BONVM TENERE QVOD VELLE.*

Non ait Adamum non potuisse sine illo adiutorio bonum velle, sed tantum non potuisse sine illo perseveranter tenere bonum, quod vellet. Ergo supponit potuisse Adamum sine illo adiutorio bonum velle. Hoc ipsum in sequentibus clarius ceratur. *Si autem hoc adiutorium vel Angelo, vel homini cum primum facti sunt, defuisset, quoniam non talis natura facta erat, UT SINE DIVINO ADIUTORIO POSSET MANERE SI VELLE, non vique suâ culpâ cecidisset.* Certè huius sententiæ hic est sensus: Talis non erat hæc natura, ut si vellet permanere, id posset sine Dei adiutorio. Cuius adiutorij indolem explicans ait esse eiusmodi *sine quo permanere non posset, etiam si vellet.* Ergo illud adiutorium necessarium non erat ad volendum.

Est hæc igitur huius adiutorij natura, ut volenti quidem tribuat posse: ad volendum verò nihil prorsus conducatur. Declarat hoc ipsum familiaribus exemplis capite consequenti. *Aliud est, inquit, adiutorium sine quo aliquid non fit.* Tale est adiutorium alimentorum. *Nam sine alimentis non possumus vivere, nec tamen cum affuerint alimenta, eis fit ut vivat, qui mori voluerit.* Quia dant illa quidem posse vivere si velis, at ipsum velle neque tribuunt, neque ad illud prorsus conferunt. Eiusmodi adiutoria primus homo acceperat ad non moriendum, & ad perseverandum. *Primo itaque homini, qui in eo bono quo factus fuerat rectus, acceperat posse non peccare, posse non mori, posse ipsum bonum non deserre, datum est adiutorium perseverantia sine quo per liberum arbitrium perseverare non posset.* Id est, sine quo non posset perseverare etiamsi vellet: quemadmodum sine arbore vitæ non poterat semper vivere, etiamsi vellet. Plurimum ista roboris accipiunt ex iis, quæ tradit in Enchiridio cap. 106. *Sicut mori est in hominis potestate cum velis; nemo est enim qui non se ipsum, ut nihil aliud dicam, vel non vescendo possit occidere; ad vitam verò tenendam voluntas non satis est, si adiutoria sine alimento-*



*rum, sine quorumcunque tutaminum desint. Sic homo in paradiso ad se occidendum, relinquendo iustitiam, idoneus erat per voluntatem; ut autem ab eo teneretur vita iustitia PARVM ERAT VELLE, NISI ILLE QUI EVM FEGERAT ADIVVARET.* Breui hac sententiâ tota hæc quæstio deciditur. Nam huius sensus est, parum erat homini in paradiso velle tenere iustitiam, nisi Deus id volenti adiutorium daret sine quo non posset eam tenere: quemadmodum parum est homini ut viuat, velle viuere, nisi id volenti adiutoria suppetant, sine quibus viuere non potest.

Ex iis sublucere incipit quæ sit natura adiutorij quo: Nimirum, gratiam simul excitantem, & adiuuantem complectitur; nec dat tantum voluntati ut possit quod iam volebat, sed etiam ut velit. Clarius dicam, adiutorium illud non tantum conantem iam atque volentem adiuuat, ut possit quod vult; sed etiam primam in nobis volitionem, primumque voluntatis conatum excitat, quem voluntas concupiscentiæ pondere oppressa exerere per se non potest. *Est quippe, inquit cap. 11. eiusdem libri de corrept. & gratia, in nobis per hanc Dei gratiam in bono recipiendo, & perseveranter tenendo, non solum posse quod volumus, verum etiam velle quod possumus.* Id est, gratia illa non est tantum adiuuans, quæ dat voluntati ut possit quod vult, sed etiam est excitans, quæ dat velle. Neque enim hoc loco vox illa, *posse*, designat possibilitatem volendi, ita ut sensus sit: *Adiutorium sine quo non*, dedisse tantum posse velle: at *adiutorium quo dare & posse velle, & actu velle.* Nam S. Augustinus non ait: *Est in nobis per hanc Dei gratiam non solum posse velle, verum etiam velle.* Sed, quod longè diuersum est, dare hanc gratiam non solum posse quod volumus, verum etiam velle quod possumus. Et cap. 12. de Sanctis ita loquitur: *Ea non solum dat adiutorium quale primo homini dedit, sine quo non possint perseverare si velint, sed in eis etiam operatur & velle: ut quoniam non*

Non ait Adamum non potuisse sine illo adiutorio bonum velle, sed tantum non potuisse sine illo perseveranter tenere bonum, quod vellet. Ergo supponit potuisse Adamum sine illo adiutorio bonum velle. Hoc ipsum in sequentibus clarius cernitur. *Si autem hoc adiutorium vel Angelo, vel homini cum primum facti sunt, defuisset, quoniam non talis natura facta eras, UT SINE DIVINO ADIUTORIO POSSET MANERE SI VELLE, non viique suâ culpâ cecidisset.* Certè huius sententiæ hic est sensus: Talis non erat hæc natura, ut si vellet permanere, id posset sine Dei adiutorio. Cuius adiutorij indolem explicans ait esse eiusmodi *sine quo permanere non posset, etiam si vellet.* Ergo illud adiutorium necessarium non erat ad volendum.

Est hæc igitur huius adiutorij natura, ut volenti quidem tribuat posse: ad volendum verò nihil prorsus conducatur. Declarat hoc ipsum familiaribus exemplis capite consequenti. *Aliud est, inquit, adiutorium sine quo aliquid non fit.* Tale est adiutorium alimentorum. *Nam sine alimentis non possumus vivere, nec tamen cum affuerint alimenta, eis fit ut vivat, qui mori voluerit. Quia dant illa quidem posse vivere si velis, at ipsum velle neque tribuunt, neque ad illud prorsus conferunt.* Eiusmodi adiutoria primus homo acceperat ad non moriendum, & ad perseverandum. *Primo itaque homini, qui in eo bono quo factus fuerat rectus, acceperat posse non peccare, posse non mori, posse ipsum bonum non deferre, datum est adiutorium perseverantia sine quo per liberum arbitrium perseverare non posset.* Id est, sine quo non posset perseverare etiam si vellet: quemadmodum sine auxilio vitæ non poterat semper vivere, etiam si vellet. Plurimum ista roboris accipiunt ex iis, quæ tradit in Enechiridio cap. 106. *Sicut mori est in hominis potestate cum velis; nemo est enim qui non se ipsum, ut nihil aliud dicam, vel non vescendo possit occidere; ad vitam verò tenendam voluntas non satis est, si adiutoria siue alimento-*



*rum, sine quorumcunque tutaminum desint. Sic homo in paradiso ad se occidendum, relinquendo iustitiam, idoneus erat per voluntatem; ut autem ab eo teneretur vita iustitia PARVUM ERAT VELLE, NISI ILLE QUI EVM FEGERAT ADIVVARET.* Breui hac sententiâ tota hæc quæstio deciditur. Nam huius sensus est, parum erat homini in paradiso velle tenere iustitiam, nisi Deus id volenti adiutorium daret sine quo non posset eam tenere: quemadmodum parum est homini ut viuat, velle viuere, nisi id volenti adiutoria suppetant, sine quibus viuere non potest.

Ex iis subluere incipit quæ sit natura adiutorij quo: Nimirum, gratiam simul excitantem, & adiuuantem complectitur; nec dat tantum voluntati ut possit quod iam volebat, sed etiam ut velit. Clarius dicam, adiutorium illud non tantum conantem iam atque volentem adiuuat, ut possit quod vult; sed etiam primam in nobis volicionem, primumque voluntatis conatum excitat, quem voluntas concupiscentiæ pondere oppressa exercere per se non potest. *Est quippe, inquit cap. 11. eiusdem libri de corrept. & gratia, in nobis per hanc Dei gratiam in bono recipiendo, & perseveranter tenendo, non solum posse quod volumus, verum etiam velle quod possumus.* Id est, gratia illa non est tantum adiuuans, quæ dat voluntati ut possit quod vult, sed etiam est excitans, quæ dat velle. Neque enim hoc loco vox illa, *posse*, designat possibilitatem volendi, ita ut sensus sit: *Adiutorium sine quo non*, dedisse tantum posse velle: at *adiutorium quo dare & posse velle, & actu velle.* Nam S. Augustinus non ait: *Est in nobis per hanc Dei gratiam non solum posse velle, verum etiam velle.* Sed, quod longè diuersum est, dare hanc gratiam non solum posse quod volumus, verum etiam velle quod possumus. Et cap. 12. de Sanctis ita loquitur: *Eis non solum dat adiutorium quale primo homini dedit, sine quo non possint perseverare si velint, sed in eis etiam operatur & velle: ut quoniam non*

*perseuerabunt nisi & possint, & velint, perseuerandi eis possibilitas & voluntas diuine gratie largitate donetur. Contra quàm in Adamo contigit, cui, cùm voluntatem perseuerandi sine noua gratia voluntatis ipse promere posset, sola perseuerandi possibilitas huius gratie largitate donata est.*

Sed cur tandem eiusmodi adiutorium perseuerantiae primi hominis voluntati Deus non dedit, quo eam interiorius praeueniret antequam vellet? *Quia tales vires habebat eius voluntas, quae sine ullo fuerat instituta peccato, & nihil illi ex se ipsa concupiscentialiter resistebat, ut dignè tanta bonitati, & bene viuendi facilitati perseuerandi committeretur arbitrium. At modò praedestinati non adiuuantem tantum, sed etiam excitantem gratiam concedit. Nam si in tanta infirmitate vita huius, in qua tamen infirmitate propter elationem reprimendam perfici virtutem oportebat, ipsis relinqueretur voluntas sua, ut in adiutorio Dei sine quo perseuerare non possent, manerent si vellent, nec Deus in illis operaretur ut vellent, inter tot & tantas tentationes infirmitate sua voluntas ipsa succumberet. Et ideo perseuerare non possent, quia deficientes infirmitate nec vellent: aut non ita vellent infirmitate voluntatis, ut possent. Duplex est enim voluntatis infirmitas. Prima, quàm ne minimum quidem conatum exercere potest, nisi delectatione caelesti praeueniatur. Secunda, quàm non potest integrè velle, nisi eiusdem gratiae beneficio aduersus reluctantem concupiscentiam corroboretur.*

Hæc sunt quæ circa duplex illud perseuerantiae adiutorium habui dicenda, quæ si vera sunt, ut mihi videntur verissima, non modò omnes noui dogmatis labefactant machinas, sed hanc etiam quaestionem, aliasque ex illa suspensas magnopere illustrent. Leui tantum dubio occurrendum est, cui Aduersarius occasionem dedit, cùm pugnat Semi-Pelagianos idem prorsus de homine corrupto, quoad bonæ volitionis initium statuisse, quod S. Augustinus de homine integro definierat. Sed



multum errat; nam S. Augustinus aliquam in Adamo gratiam agnoscit quæ bonæ voluntatis motum antevertat, vt ex libro 14. de Ciuitate cap. 27. satis constat. Cùm enim eo loco dixisset, *Sic erat institutus primus homo, vt si de adiutorio Dei fideret, bonus homo malum Angelum vinceret*: subdit: ET IPSVM CONFIDERE DE ADIVTORIO DEI, NON QVÍDEM POSSET SINE ADIVTORIO DEI. En duplex adiutorium: quorum altero Adamus egebat vt perseveraret, si confideret: altero vt confideret. Primum ad voluntatem pertinebat, eamque iam volentem interiori corroborare præsidio debebat, vt ex ipso Aduersario liquet, qui libro 4. de gratia Christi cap. 8. contendit adiutorium impeccabilitatis & perseverantiæ Angelorum esse delectationem per Spiritum sanctum infusam. Secundum verò est illustratio mentis, quâ posita erat in Adami potestate velle perseverare, & de adiutorio Dei confidere. Per hanc illustrationem principium perseverantiæ & discretionis Angelorum ad Deum reuocatur; per illam enim prædestinatos sic vocauit, quemadmodum sciebat eis congruere, vt vocantem non respuerent. Quod negabant Semi-Pelagiani, qui vel præuiam intellectûs gratiam non agnoscebant, vt multi opinantur: vel talem non agnoscebant, per quam initium salutis, & principium discretionis in benignam solius Dei voluntatem refunderetur, vt ex ipso Aduersario colligitur libro 4. de Hæresi Pelagiana cap. 11.

## CAPVT QVINTVM.

*Novum dogma ex iis S. Augustini locis  
obteritur, quibus liberum arbitrium cum  
simplici necessitate coniunxisse videtur.*

Libro 4. de  
grat. Chri-  
stic. §. 6 7. 8



**Q**UÆ ex S. Augustino Aduersarius conge-  
rit, vt liberum arbitrium cum simplici ne-  
cessitate cohærere, solâque deleri coactione  
demonstret, si legas perfunctoriè, atque vt  
ab illo proferûrur, lacera, mutila, suisque ex  
sedibus auulsa spectes, nouæ blandiuntur opinioni: ac  
ea si introspicias, suisque reddita locis cum anteceden-  
tibus, consequentibusque studiosè contexas, postre-  
mam illi plagam, eâque lethalem infligunt. Quod  
antequam singulatim ostendo, iuuabit monuisse, pri-  
dem hæc ipsa S. Augustini testimonia à Caluino, Beza,  
Zanchio, Chamiero, Pareo, Molinzo, Amesio, Schar-  
pio, aliisque ex Galuiniana fæce lauernionibus impu-  
rissimis in Tridentinos Patres fuisse contorta. Fidem  
faciunt Catholici scriptores Gabriel Pennottus lib. 1.  
cap. 17. Bellarminus l. 3. de gratia & libero arbitrio cap.  
6. Paduanus in 1. 2. quæst. 10. dubit. 2. Et Guillelmus  
Estius in 2. dist. 24. §. 2. qui testantur Calvinistas &  
molliores Lutheranos his S. Augustini testimoniis abu-  
ri, vt contra Catholicam fidem, & Concilij Triden-  
tini auctoritatem, sola coactione liberum arbitrium ex-  
tingui confirmant.

Omniū nomine testimonium dieat Guillelmus  
Estius vir ipsius Aduersarij iudicio doctissimus. *Qui-  
dam, inquit, huius temporis Hæretici dum cum Martino  
Luthero liberum arbitrium apertè negare non audent, vt  
Caluinus, & Bucerus, ita vocabulum liberi arbitrij retinent.*



propter sanctorum Patrum auctoritatem, ut tamen propriam eius rationem, iam à nobis explicatam, tollant, & proinde rem ipsam destruant. Docent enim libero arbitrio non repugnare necessitatem naturalem, sed solam necessitatem coactionis, & hac ratione hominem post peccatum fatentur esse liberi arbitrij, quia non coactè, sed sponte, & voluntariè operatur. Adducens autem pro hac sua sententia quadam loca ex Patribus, cuiusmodi imprimis est illud Augustini l. 5. de Civitate Dei capite 10. Si illa definitur necessitas secundum quam dicimus necesse esse, ut ita sit aliquid, vel ita fiat, nescio cur eam timeamus ne nobis libertatem auferat voluntatis &c. Quem ubi integrum descripsit, alios ordine profert: nimirum, celebrem illum ex libro de natura & gratia cap. 46. perquam absurdum est ut ideo dicamus non pertinere ad voluntatem nostram, quod beati esse volumus, quia id omnino nolle non possumus; nec dicere audemus Deum non voluntatem, sed necessitatem habere iustitia, quia non potest velle peccare &c. Item illum ex Enchiridio ad Laurentium cap. 105. Neque culpanda est voluntas, aut voluntas non est, aut libera dicenda non est, quàm beati esse sic volumus, ut esse miseri non solum nolumus, sed nequaquam velle possumus. En illa ipsa argumenta in quibus insulsè triumphant Aduersarij. Quæ profectò tanti non sunt, ut illa ex Hæreticis emendicare, & ex impurissimis eorum libris, sic tanquam ex fœdissima sentina, eruere debuerint.

## SECTIO I.

*Expenditur sancti Augustini locus ex libro 5. de Ciuitate Dei cap. 10. & ex Catholicorum; qui aduersus Caluinistas scripserunt, mente, exponitur primum: tum in nouam opinionem militare demonstratur.*

**L**IBAVI superius hunc locum, cum alterum illi geminum ex l. 3. de libero arbitrio expenderem, nunc refecandus est ad viuum, & singuli eius sinus excutiendi.

## PARAGRAPHVS I.

*Proponitur locus ille, & Catholicorum verbis explicatur.*

DECERPTVS est ex libro 5. de Ciuitate Dei cap. 10. quo S. Augustinus Dei præscientiam cum humana libertate concilians, ait: *Si illa definitur necessitas, secundum quam dicimus necesse esse, ut ita sit aliquid, vel ita fiat, nescio cur eam timeamus ne nobis libertatem auferat voluntatis. Neque enim & vitam Dei, & præscientiam Dei sub necessitate ponimus, si dicamus necesse esse Deum semper viuere, & cuncta præscire &c.* Hinc Calvinistæ, quique cum illis solam à coactione libertatem homini lapso vindicant, colligunt necessitatem simplicem etiam antecedentem, cuiusmodi est illa, quâ Deus necessariò viuit, nativam voluntatis libertatem non lædere.

Reclamant Catholicæ fidei vindices Pennortus, Bellarminus, Puteanus, Estius, Wigers, & sancti Augustini commentator Leonardus Cocquæus, qui omnes



res ita hunc locum interpretantur vt nouæ opinioni non modò nihil faueat, sed etiam plurimùm incommoder. Aiunt S. Augustinum eo loci, quod res ipsa loquitur, de illa necessitate agere, *secundùm quam dicimus necesse esse, vt ita sit aliquid, vel ita fiat, sicut à Deo præscitum est.* quæ cùm sit consequens tantùm, ac proinde liberum voluntatis exercitium inuoluat, docet non esse cur *eam timeamus ne nobis libertatem auferat voluntatis.* Ac ne fortè insolens cuiquam videatur, necessitatem esse aliquam, quæ non sit libertatis inimica, probat id tribus exemplis, in quibus necessitas libertati nihil officit, quia illam vel supponit, vel inuoluit. Primum est de vita Dei. quo nomine actiones illas intellectuûs, & voluntatis designat, quibus Dei vita continetur. quas inter plurimæ sunt liberæ & omni necessitate expeditæ; multa enim Deus vult liberè, ac proinde etiam liberè intelligit practicâ intelligentiâ. Quamobrem cùm dicimus Deum necessariò semper viuere, non illud Diuinæ vitæ libertatem adimit: sed eam includit potiùs: siquidem ex iis voluntatis & intellectuûs actionibus, quibus Diuina vita traducitur, multæ sunt liberæ, nec coactione tantùm, sed etiam simplici necessitate solutæ.

Alterum exemplum necessitatis non adimentis libertatem petitur ex præscientia Dei. Necesse enim est Deum cuncta præscire, nec tamen præscientia Dei ponitur sub necessitate eripiente libertatem; quia necessitas præsciendi absoluta non est, sed tantùm ex hypothesi; posito enim quòd Deus velit aliquid esse futurum, necessariò præscit illud esse futurum; sed sicut poterat absolutè non velle illud esse futurum, ita poterat absolutè non præscire esse futurum. Vtrumque hoc exemplum illustrat similitudine Diuinæ omnipotentix, cui nihil decedit ex eo quòd mori, fallique non possit. *Rectè enim omnipotens dicitur, qui tamen mori fallisque non potest.* Quamobrem sicut non posse

578 DISPUT. DE LIBERO ARBITRIO  
mori, siue, vt ita dicam, impotentia moriendi, Dei  
omnipotentia non derogat, quia formaliter omnipo-  
tentiam includit, nam *propterea illud non potest, quia omni-  
potens est*; ita necessitas illa, quæ libertatem includit  
aut supponit, libertati nihil detrahit. Quod tertio e-  
xemplo longè e efficacissimo confirmat. *Si etiam, inquit,  
cùm dicimus necesse esse, vt cùm volumus, libero velimus  
arbitrio, & verum proculdubio dicimus, & non ideo ipsum  
liberum arbitrium, necessitati subiicimus, quæ adimit liber-  
tatem.* Quia hæc necessitas libertatem inuoluit, atque  
adeo adimere illam non potest. Quibus exemplis cla-  
rissimè constat necessitatem illam, quæ consequens  
dicitur, quæque libertatis vsum supponit, aut includit,  
non illi aduersari. Ac proinde verè illud à S. Augu-  
stino esse pronunciatum, necessitatem *secundum quam  
dicimus necesse esse vt ita sit aliquid, vel ita fiat*, sicut à  
Deo præscitum est, libertati non aduersari; quia con-  
sequens tantùm est.

Vides quàm bellè, quàmque expeditè vetus hæc  
Caluinistarum obiectio, veteri Catholicorum respon-  
sione frangatur. Placet hîc tamen habitare diutius,  
quandoquidem hoc in loco opinionis suæ arcem Ad-  
uersarius posuit. Quam vt eruam funditus, primò  
ostendam quàm infelicitè huius loci interpretatione  
defungatur, quàmque miserè, ac fœdè illam dilaceret.  
Secundò, explicabo dilucidè quæ sit S. Augustini sen-  
tentia, idq; ex integra eius disputatione demonstrabo.

Agit eò loci S. Augustinus contra Ciceronem, qui  
Diuinæ præscientiæ cum humana libertate malè con-  
uenire pugnabat, hoc inductus argumento: *Si præfata  
sunt omnia futura, hoc ordine venient, quo præfata sunt*;  
Ergo & necessariò. Vnde consequens fore putabat  
nihil vt esset liberum, contingens nihil. Negat S. Au-  
gustinus id sequi; quia etsi illa necessariò eueniant,  
quæ euentura Deus præsciuit, non hæc tamen neces-  
sitas libertati est infensa. Quod vt efficiat, duplicem



distinguit necessitatē: quarū altera libertati repugnat, altera non repugnat. Primam ait non inuoluere exercitiū libertatis nostræ, atque adeo non esse in nostra potestate. quam vbi ita descripsit: *Si necessitas nostra illa dicenda est, qua non est in nostra potestate, sed, etiam si nolumus, efficit quod potest, sicut est necessitas mortis: negat illam ex Diuina præscientia sequi; quia manifestum est voluntates nostras, quibus rectè vel perperam viuunt, sub tali necessitate non esse. Multa enim facimus, quæ si nollemus, non utique faceremus. De secunda ita loquitur: Si illa definitur necessitas secundum quam dicimus necesse esse, ut ita sit aliquid, vel ita fiat ( cuiusmodi est ea quæ ex Diuina præscientia colligitur, nam cum Deus falli non possit, Necesse est ut ita sit aliquid, vel ita fiat, sicut ab illo præscitum est) nescio cur eam timeamus ne nobis libertatem auferat voluntatis &c.* Facilis est & explicata huius loci ratio, si candidum habeat interpretem. Nam prior illa necessitas ea est, quam antecedentem, posterior, quam consequentem appellamus.

Tricatur tamen Aduersarius, atque hunc locum mirè torquet, vt ex eo per vim opinionis suæ confirmationem eliciat. Contendit acriter priorem illam necessitatem, quam solam libertati S. Augustinus opponit, coactionem esse physicam, quæ nec in voluntatem, nec in brutorum appetitum cadere potest. Posteriorē verò, quam cum libertate S. Augustinus componit, simplicem esse necessitatem, etiam antecedentem, siue naturalis sit illa, siue ab aliqua exteriori causa voluntatem ad vnum alligante, profecta. Atque hinc concludit, S. Augustinum ad libertatem cum præscientia conciliandam, & Ciceronis argumenta dissoluenda id vnum pugnassee: præscientiam Dei non imponere voluntati nostræ coactionem physicam: de simplici verò necessitate, an ex præscientia sequeretur, nihil dixisse. Ego verò contendo minùs S. Augustinum à Cicerone, quàm ab ista Aduersarij interpretatione dissidere, nec

grauiores posse tanto Doctore iniuriam fieri, quàm si hæc eius contra Ciceronem disputatio esse dicatur. Quod cum cap. 1. sectione 2. §. 2. fusè ostenderim, non ero hic longior, sed Aduersarium paucis dumtaxat interrogationibus constrictum eò adigam, vnde ni fallor, nunquam se extricabit.

Quæro igitur 1. quid causæ sit, cur Cicero ex Diuina præscientia libertatis interitum metueret. Aliud certè responderi non potest, quàm quod res ipsa, & Ciceronianæ disputationis series loquitur. Nimirum, existimasse Ciceronem ex Diuina præscientia eam voluntatibus nostris necessitatem imminere, quæ liberum arbitrium corrumpere. Quæro ampliùs, an necessitas illa, quam ex Dei præscientia humanis voluntatibus imponi Cicero contendebat, sit coactio physica, an tantùm necessitas simplex. Hic nodus, qui ab Aduersario nec solui, nec scindi potest. Si dicat coactionem fuisse, sibilis excipietur, & Ciceronis, ipsiusque S. Augustini clarissimis verbis reuincetur. Nam 1. quis putet Ciceronem, ingeniosum sanè hominem & profanâ philosophiâ perpolitum, ita delirasse, vt pugnaret Diuinæ præscientiæ certitudinem constare non posse, ni si volitiones illi subiectæ non modò necessariò, sed etiam, quoad contradictionem implicatur, coactè fierent? Secundò, restantur Ciceronis libri quos hic refellendos S. Augustinus suscipit, cum non aliam necessitatem ex præscientia colligere, quàm quæ rerum contingentia opponitur. Hinc est quoddam fortuitarum dumtaxat rerum præscientiam negat, alias verò quæ suis ex causis naturali necessitate fluunt, certò præuideri affirmet. Quod libro de fato disertissimè tradit, cum docet, *Ne Apollinem quidem futura posse dicere, nisi ea quorum causæ natura ita contineres, vt ea fieri necesse esset.* Et l. 2. de diuinatione fatetur, Mathematicos certò prælagire defectiones solis ac siderum, quia *ea prædisunt, quæ natura necessitas perfectura est.* Ex quibus ni-



mio plus claret Ciceronem ad Diuinæ præscientiæ certitudinem simplicem tantum necessitatem postulasse, qualis est nempe necessitas naturalis, eaque omnis quæ rem ad vnum affigit. Tertiò, S. Augustinus Ciceronis argumenta recitans illius tantum necessitatis meminit, quâ necesse est res præscitas ita euenire, sicut à Deo præscitæ sunt. quæ profectò non coactio, sed simplex est necessitas. Quartò, Cicero eam necessitatem ex præscientia oriri putabat, quæ in eius opinione libero arbitrio erat infensa: Atqui fatentur Aduersarij in Ciceronis & profanorum Philosophorum opinione solam necessitatem simplicem libero arbitrio fuisse infensam; Ergo Cicero solam necessitatem simplicem ex præscientia oriri putabat.

Iam verò si Aduersarius asserat, Ciceronem id vnum voluisse, ex Diuina præscientia sequi necessitatem simplicem: grauiorem plagam accipiet. Nam 1. hinc continuo sequitur, Ciceronem inter & S. Augustinum de simplici tantum necessitate certamen fuisse, atque adeo vagari extra aleas S. Augustinum, nec Ciceronem quem refellendum susceperat, perstringere, si id efficiat vnum, non inferri nobis à Dei præscientia coactionem physicam. Secundò, cum ex integra sancti Augustini disputatione constet necessitatem illam, quam tanto ardore ac conatu à voluntatibus nostris propulsat, illam ipsam esse, quam ex Diuina præscientia Cicero metuebat, quilibet statim concludet, S. Augustinum hoc loco non coactionem physicam, sed necessitatem simplicem à voluntatibus nostris amoliri; siquidem hanc tantum ex Dei præscientia Cicero deducebat. Tertiò, nisi S. Augustinus ostenderit falsum esse, quod contendebat Cicero, nimirum ex Dei præscientia sequi voluntates nostras simplici necessitate obstringi, quidquid agat demum, aut probet, stabit semper illa Ciceronis conclusio, admitti præscientiam Dei non posse, quin *omnis humana vita subuertatur*,

*frustra leges dentur, frustra obiurgationes, laudes, vituperationes, exhortationes adhibeantur: neque ullâ iustitiâ bonis præmia, & malis supplicia constituta sint.* Neque id Aduersarius ipse inficiari aufit. Nam etsi necessitatem simplicem libero arbitrio capitaliter infensam neget, fateretur tamen eam à Diuina præscientia oriri non posse, quin hæc consequantur omnia. Quia, ut ipse statuit, omnis peccandi necessitas, quæ non est in peccati pœnam irrogata, cuiusmodi esset illa, quæ ex Dei præscientia manaret, necessariam ad peccandum libertatem adimit, peccatum excusat, efficitque ut frustra sint leges, & præcepta. Vides quàm sincera sit, quàm germana Aduersarij interpretatio, quæ stare non potest, quin integra sancti Augustini disputatio collabatur.

## PARAGRAPHVS II.

*Integra S. Augustini cum Cicerone disputatio aduersus nouam opinionem militat.*

OPTAVI ego persæpè, ut Aduersariorum aliquis famosæ illius S. Augustinum inter & Ciceronem disputationis, quam præcipuum opinionis suæ præsidium appellant, seriem integram prætexeret: statueretque primò, quid sit inter illos controuersia: tum Ciceronis argumenta proponeret dilucidè: ac postremò S. Augustini responsiones singulis accommodaret. Hoc profectò tentare nemo potest, quin ostendat vel inuitus, quàm immensi interuallo à S. Doctoris mente præposita nouitas aberrarit.

Testatur S. Augustinus capite 9. illius libri Marcum Tullium sic auferre diuinationem omnem, *ut neget esse scientiam futurorum, càmque omnibus viribus nullam esse omnino contendat, vel in Deo, vel in homine, nullamque rerum prædictionem.* Sed quid Ciceronem in has angu-



stias compulit? Nimirum, *hoc totum facere videtur, ne fatum esse consentias, & perdas liberam voluntatem. Putas enim concessâ scientiâ futurorum, ita esse consequens fatum, ut negari omnino non possit. Quid ita? videlicet quia si præscita sunt omnia futura, hoc ordine veniens, quo ventura esse præscita sunt: Et si hoc ordine veniens, certius est ordinerum præscienti Deo: Et si certus est ordo rerum, certus est ordo causarum. Si autem certus est ordo causarum, quo fit omne quod fit: fato, inquit, fiunt omnia quæ fiunt. Quod si ita est, nihil est in nostra potestate, nullumque est arbitrium voluntatis.*

Non est hæc Ciceronis verbis concepta ratio, sed ex duplici eius loco expressa. Primus, quem hîc S. Augustinus indicat, liber est de diuinatione secundus ubi Cicero ita loquitur: *Potestne earum rerum, quæ nihil habent rationis quare futura sint, vlla esse præsentio? Quid enim aliud fors, quid fortuna, quid casus, quid euentus, nisi cum aliquid sic cecidit, vel euenit, ut vel non cadere, atque euenire, vel aliter cadere atque euenire potuerit? Quomodo ergo id quod temere fit cæco casu, & volubilitate fortuna præsentiri, ac prædici potest? Mox: Qui potest pronideri quicquam futurum esse, quod neque causam habet vllam, neque notam cur futurum sit? Solis defectiones itémque lune prædicuntur in multos annos ab iis, qui siderum cursus & motus numeris persequuntur: ea enim prædicunt quæ natura necessitas perfectura est. Vident ex constantissimo motu luna &c. Hæc qui antè dicunt, quam rationem sequantur vides. Qui verò thesaurum inuenturum, aut hereditatem venturam dicunt, quid sequuntur? Tum: Quod si ea, quæ sunt eiusdem generis (cum thesauro inueniendo, & hereditate ventura) habent aliquam talem necessitatem (qualis est in defectionibus solis & lunæ,) quid est tandem quod casu fieri, aut forte fortuna putemus? nihil enim est tam contrarium rationi, & constantiæ, quàm fortuna: ut mihi ne in Deum quidem cadere videatur, ut scias quid casu, & fortuito futurum sit. Si enim scit certè illud eueniet,*

*sin certè illud eueniet, nulla fortuna est. Est autem fortuna; Rerum igitur fortuitarum nulla præsensio. Alter locus ex libro de fato sumitur, in quo plurima aduersus præscientiam, & diuinationem disputat, statuitque cum Carneade ne Apollinem quidem futura posse dicere, nisi ea quorum causas natura ita contineret, ut ea fieri necesse esset.*

*Quid enim, inquit, spectans Deus ipse diceret, Marcellum eum, qui ter Consul fuit, in mari esse periturum? Erat quidem id verum ex æternitate, sed causas id efficientes non habebas. Quamobrem in hunc modum aduersus præscientiam concludit: Si omnia præsciuntur, omnia antecedentibus causis fiunt. Si omnia antecedentibus causis fiunt, omnia naturali colligatione conseriè contextèque fiunt. Quod si ita est, omnia necessitas efficit. Id si verum est, nihil est in nostra potestate. Quæ omnia Ciceronis argumenta paucis astrinxit S. Augustinus, eorūque vim omnem ac robur superiori ratiocinatione complexus est.*

Hæreamus hîc tantisper, atque ex hac Ciceronis argumentatione pauca colligamus, quæ S. Augustini responsioni plurimum lucis afferent.

Colligitur 1. necessitatem illam quam ex Diuina præscientia Cicero deducebat, simplicem esse necessitatem: eam nempe, quæ & fortunæ temeritati, & libertatis indifferentiæ ex æquo repugnat. Constat illud ex integra Ciceronis oratione, quâ contingentium tantum rerum præensionem negat, & eas certò prædici affirmat, quæ suis ex causis necessariò existunt. Constat quoque ex S. Augustino, qui Ciceronis argumentum ita proponit, ut eam tantum necessitatem spectet, quæ ex naturalibus causis inter se coherentibus & implicatis nascitur, efficitque ut quod est futurum, non possit non euenire.

Colligitur 2. quo sensu Cicero liberæ potestatis nomen usurpet, cum ait: *si omnia necessitas efficit, nihil est in nostra potestate.* Scilicet, non ita illud interpretatur, quemadmodum nouus Doctor, qui quod necessariò fit, modò



modò sponte fiat, in nostra putat esse potestate; sed vulgarem loquendi consuetudinem, & Philosophorum omnium mentem sequitur, qui illud tantùm in nostra esse potestate aiunt, quod perinde à nobis fieri potest, & non fieri. Atque hunc esse Ciceronis sensum inde certò conficitur, quod huic potestati illam ipsam necessitatem opponat, quæ fortuitarum rerum contingentiz aduersatur.

Colligitur 3. eodem quoque sensu à Cicerone dici, positâ præscientiâ nihil fore in nostra voluntate. Nam id tantùm in voluntate esse arbitratur, quod ab illa ad vtrumlibet indifferenti proficiscitur. Hinc illa promiscuè vsurpat hac in disputatione, *esse in potestate, & esse in voluntate*: atque vtrumque illi necessitati opponit, quæ ex causis naturali colligatione confertis oritur.

Hinc intelliges quo sensu S. Augustinus eadem verba vsurpet, cùm hic toties inculcat hallucinari Ciceronem, quòd ex Dei præscientia concludat nihil esse in potestate, nihil in nostra voluntate: nimirum, eodem id sensu sumit, quo Cicero ipse, ita vt illud in nostra potestate, aut voluntate esse velit, quod perinde fieri à nobis, & non fieri potest. Sic ab ipso disputationis ingressu ait: *Non timeamus, ne ideo non voluntate faciamus, quod voluntate facimus: quia id nos facturos ille præsciuit, cuius præscientia falli non potest. Quod Cicero timuit, vt oppugnaret præscientiam.* Sensus est, non timeamus ne contingenter & voluntate ad vtrumlibet indifferenti non faciamus, quod contingenter & voluntate ad vtrumlibet indifferenti facimus, quia id nos facturos ille præsciuit &c. Et verò si non, *esse in voluntate*, alio sensu S. Augustinus sumeret, idque vnum vellet, non timere se, ne ea sponte & vltro non faciamus, quæ nos facturos Deus præsciuit; falsò adderet, *quod Cicero timuit, vt oppugnaret præscientiam.* Neque enim timebat Cicero ne positâ præscientiâ nihil sponte voluntas

586 DISPUT. DE LIBERO ARBITRIO  
nostra ageret; sed id meruebat vnum, ne si Deus omnia præsciret, nihil voluntas nostra contingenter, & potestate ad vtrumlibet indifferēti faceret. Eodem sensu confutato Ciceronis argumento concludit: *Non ergo propterea nihil est in nostra voluntate, quia Deus præscit, quid futurum esset in nostra voluntate.* Id est, falsò igitur colligebat Cicero nihil fieri à nobis contingenter, & cum indifferentia; quia Deus præscit quid faciendum esset à nobis contingenter, & cum indifferentia. Si alium his verbis sensum affingas, hæc S. Augustini conclusio, quæ Ciceronianæ argumentationis caput petit, ne Ciceronem attinget quidem. Monere ista breuiter debui, ne cùm postea occurrent hæc verba, *esse in potestate: esse in voluntate*, aliorum à lectoribus acciperentur.

Redeo ad Ciceronis argumentationem, cuius vitium nemo philosophiâ leuiter imbutus non videt. Hæret his in verbis: *Si certus est ordo causarum, quo fit omne quod fit, fato sunt omnia quæ fiunt.* Rectè concluderet, si omnes illæ causæ, quorum ordo certus est, essent necessariæ: sed cùm ex iis plurimæ sint fortuitæ, ac liberæ, pessimè inde colligit fato omnia fieri. Neque enim fatum illud libertatis & fortunæ inimicum quarumlibet causarum ordo est, sed necessariarum dumtaxat, atque naturalium. S. Augustinum audi. *Non est consequens, ut si Deo certus est omnium ordo causarum, ideo nihil sit in nostra voluntatis arbitrio.* Et ipsa quippe voluntates in causarum ordine sunt, qui certus est Deo, eiusque præscientiâ continetur; quoniam & humane voluntates humanorum operum causæ sunt. Atque ita omnes qui rerum causas præscit, profectò in eis causis etiam nostras voluntates ignorare non posuit, quas nostrorum operum causas esse præscit. Quem locum sancti Augustini commentator Leonardus Cocquæus ita illustrat. *Ex præscientia Dei positiùs libertatem in nobis, & contingentiam in rebus, quàm contrarium colligi docet. Quemadmodum enim præscit Deus*



*nos aliquid facturos, ita libera voluntate facturos prauidit. In ordine enim causarum etiam prauidet nostras voluntates &c. Præscientia illius æterna non modò ad actiones voluntatis, vel ad effectus causarum contingenter agentium terminatur, verum etiam ad modum eorum, quod scilicet liberè & contingenter à voluntatibus nostris, vel causis contingentibus procedere debeant. Falsum ergo, quod Cicero colligebat, nihil fore contingens, aut simplici necessitate solutum, si Deus causarum omnium ordinem prænoscat. Nam cùm in illo ordine nostras voluntates videat, & alias causas quamplurimas sine necessitate & contingenter acturas, agent illæ sine dubio contingenter, & sine necessitate. Quomodo igitur, inquit S. Augustinus, ordo causarum, qui præscienti certus est Deo, id efficit vt nihil sit in nostra voluntate, cùm in ipso causarum ordine magnum habeant locum nostre voluntates? Eadem ratio pro causis fortuitis facit. Nam quomodo ordo causarum, qui præscienti certus est Deo, efficit vt nihil sit fortuitum, cùm in ipso causarum ordine magnum locum habeant causæ fortuitæ?*

Supereſt ſcrupulus, qui Ciceronem malè habet. Capere ille non poteſt, quĩ fieri poſſit, vt res fortuita, & libera certiffimè eueniat. Reſpondet S. Auguſtinus euenturam certiffimè, quia ille euenturam præſciuit, cuius præſcientia falli non poteſt. Quod rurfus capite ſequenti ſub finem pluribus probat. Ac ne forte ex illa neceſſitate, quã res præſcitas neceſſariò euenire ait, adhuc libertatis interitum Cicero extimeſcat, docet neceſſitatem illam pendere à noſtra libertate, quia & ipſa præſcientia pendet quodammodo à nobis, eſtque in noſtra poteſtate ſitum efficere vt Deus hoc, vel illud præſciuerit: Neque enim, inquit, ideo peccat homo, quia Deus illum peccaturum præſciuit: imò non dubitatur ipſum peccare, cùm peccat: quia ille cuius præſcientia falli non poteſt, non fatum, non fortunam, non aliquid aliud, ſed ipſum peccaturum eſſe præſciuit, qui ſi noliſ, utique non peccat: ſed

*si peccare noluerit, etiam hoc ille præsciuerit.* Nihil afferri validius potuit ad præscientiam cum libertate consociandam. Nam quis tam cæcus est, ut non videat libertati non repugnare necessitatem illam, quæ est in nostra potestate, ac libertatis indifferentia? Atqui necessitas illa peccandi, quæ ex præscientia manat, est in nostra potestate: quia & ipsa præscientia peccati quodammodo est in nostra potestate, nam quemadmodum integrum nobis est peccare aut non peccare; ita quoque integrum quodammodo est nobis efficere, ut Deus peccatum nostrum præiuderit, aut non præiuderit. Ergo necessitas, quæ oritur ex præscientia, libertati non repugnat.

Ex hoc cum Cicerone conflictu S. Augustinus colligit, quàm inanis sit & vanus Stoicorum timor, qui ex eadem præscientia inimicam libertati necessitatem formidabant. Quod ab ipso disputationis ingressu monuerat. *Nec timemus, inquit, ne ideo non voluntate faciamus, quod voluntate facimus: quia id nos facturos ille præsciuit, cuius præscientia falli non potest.* Quod Cicero timuit ut oppugnaret præscientiam: & Stoici, ut non omnia necessitate fieri dicerent, quamuis omnia fato fieri contenderent. Aliud enim nihil fati nomine, quàm causarum ordinem Dei præscientiæ subiectum appellabant. Per tinax verò sit, & imperitus, qui necessitatem illam, quam ex præscientia timebant Stoici, coactionem physicam interpretetur; siquidem & ex hoc S. Augustini loco constat, Stoicos eandem cum Cicerone necessitatem timuisse, & ex superioribus manifestum est, Ciceronem de illa tantum necessitate fuisse sollicitum, quæ voluntatem ad vnum alligat, alterius partis adempta potestate. Testatur quoque S. Augustinus Stoicos de illa tantum necessitate à voluntatibus nostris arcendâ laborasse, cui causas naturales subiciunt; quæ sanè non coactio, sed simplex est necessitas. *Vade, inquit, nec illa necessitas formidanda est, quam formidando Stoici*



*laborauerant causas rerum ita distinguere, ut quasdam subtraherent necessitati, quasdam subderent: itaque in his quas esse sub necessitate noluerunt, posuerunt etiam nostras voluntates, ne videlicet non essent libera, si subderentur necessitati. Illi nimirum, cui causæ naturales subiiciuntur.*

Negat S. Augustinus causam fuisse cur Stoici ex præscientia hanc necessitatem libertatis inimicam metuerent. Atque id ex superiori cum Tullio dimicatione quasi consecrarium deducit. *Vnde, inquit, nec illa necessitas formidanda est, quam formidando, Stoici &c. Quia cum duplex sit necessitas, quarum altera non est in nostra potestate, altera est in nostra potestate: prima quidem libertati est infensa, at ex præscientia sequitur, sed libertati non repugnat. De prima ita loquitur: Si enim necessitas nostra illa dicenda est, quæ non est in nostra potestate, sed etiam si nolumus efficere, quod potest: sicut est necessitas mortis. His verbis necessitatem omnem complectitur, quæ ex voluntate ad vtrumlibet indifferenti nec oritur, nec pender. Atque hanc Diuina præscientia liberis voluntatibus non inferri, sic probat: Manifestum est voluntates nostras, quibus rectè, aut perperam viuuntur, sub tali necessitate non esse. Multa enim facimus, quæ si nollemus, non vtrique faceremus. Quo primitus pertinet & ipsum velle: nam si volumus, est: si nolumus, non est. Non enim vellemus, si nollemus. Posteriora hæc verba, quæ Aduersariis rixandi materiam præbent plana sunt, & explicata, quia ut capite 1. fusè demonstravi, idem est apud S. Augustinum volitionem fieri cum volumus, & ita fieri, ut possit non fieri.*

Ne qua hic tamen difficultatis umbra remaneat, iuuabit meminisse, quo sensu hanc propositionem Aduersarius interpreteretur: *Voluntas habet in potestate gratiam sanitatis, quia si vult, illâ vititur: si non vult, non vititur: nimirum, ex eius mente tò, si vult, non coactionem tantum, sed & simplicem necessitatem ex-*

cludit, cūque voluntatis nutum significat, quo si-  
ne vlla necessitate ita ad vnum inclinatur, ut perinde  
ad aliud vergere possit. Ego verò contendo S. Au-  
gustinum eodem esse explicandum sensu, cū docet  
volitiones Diuinæ præscientiæ subiectas, esse nihilo-  
minus in nostra potestate, quia adhuc sunt si volu-  
mus: non sunt, si nolumus. Quod ut dilucescat. Age  
quæstionem illam de præscientia, quam vniuersè san-  
ctus Augustinus proponit, ad illam Aduersarij proposi-  
tionem accommoda: ita ut quæstio sit: An præscientia  
Dei, quā præuidebat Michaëlem vsurum gratiā sa-  
nitatis ad perseuerandum, ademerit illi voluntatis in-  
differentiam, & libertatem ad vtrumlibet his verbis  
expressam: *Michaël si vult, utitur gratiā sanitatis ad per-  
seuerandum: si non vult, non utitur.* Sit, inquam, ista  
quæstio, cui generalem S. Augustini solutionem ita  
applices. Si necessitas nostra illa dicenda est, quæ  
non est in nostra potestate, sed etiam si nolumus, ef-  
ficat quod potest, sicut est necessitas mortis: mani-  
festum est Michaëlem ea necessitate non obstringi,  
cū ad perseuerandum gratiā sanitatis utitur, quā il-  
lum Deus vsurum præuiderat; quia non obstante Di-  
uinā præscientiā, utitur gratia si vult: si non vult,  
non utitur; non enim vteretur, si nollet. Si ita S. Au-  
gustini verbis respondeas, vel ipsius Aduersarij con-  
fessione non coactionem tantum, sed & simplicem  
necessitatem excludes; Ergo & S. Augustinus cū  
vniuersè hanc solutionem adhibuit, non coactionem  
tantum, sed & simplicem necessitatem exclusit. En S.  
Augustini mentem circa primam illam necessitatem,  
quam libertatis hostem fatetur, sed ex Dei præscien-  
tia sequi negat.

De altera verò necessitate, quæ voluntatis ad v-  
trumlibet indifferentis actum sequitur, adeoque in  
nostra potestate est, ita scribit. *Si autem illa definitur  
esse necessitas, secundum quam dicimus necesse esse, ut ita*



*fit aliquid, vel ita fiat, sicut à Deo præscitum est, nescio cur eam timeamus ne nobis libertatem auferat voluntatis.* Quantum hallucinetur Aduersarius cùm his verbis necessitatem antecedentem exprimi pugnat, vel hoc vno argumento satis constat, quòd S. Augustinus vt superiorem necessitatem libertati repugnare concedit, at ex præscientia sequi negat: ita hanc ex præscientia sequi non diffitetur, at libero arbitrio non repugnare contendit. Quis autem putet S. Augustinum concessisse, simplicem & antecedentem necessitatem ex Diuina præscientia in liberas volitiones refundi? Accedit, quòd illa S. Augustini verba eam tantum necessitatem sonent, *secundum quam dicimus necesse esse, vt ita fit aliquid vel ita fiat, sicut à Deo præscitum est.* quæ ex omnium sensu non est antecedens, sed consequens tantum. Exempla verò, quæ subnectit, nihil Aduersarios iuuant, vt superiori paragrafo demonstraui.

## SECTIO II.

*Sancti Augustini sententia de libertate Dei & Beatorum explicatur.*

**N**OVVS Doct̃or magni facit ea argumenta quæ ex Dei, & Beatorum libertate repetit: at illa Catholicis Doct̃oribus, quos suprâ appellauī, tam leuia visa sunt & inania, vt Calvinistas fugillarint, quòd telis tam imbellibus veritatem oppugnarint.

## PARAGRAPHVS I.

*An ex S. Augustini mente Diuina libertas cum simplici necessitate consistat.*

RELIGIOSVM verò Caluinum, qui in communem de libero arbitrio sententiam eâ re excandescit, quodd Diuinam libertatem angustioribus spatiis circumscribat. Ferre non potest, eas actiones libero Dei arbitrio subtrahi, quæ naturali necessitate existunt: nec antè acquiescet, quàm vicerit, amorem illum, quo se Deus, suamque bonitatem necessariò amat, esse liberissimum, non ea tantùm libertate, quam Scotus eiusque partiarj cum necessitate conciliant, quæque in spontaneum incidit, sed strictiori illa, quam Patres vulgò ad meriti, aut demeriti rationem deponunt. Quod cum præfidenter asseruit l. 2. Inst. cap. 3. & l. 4. in Pigh. pag. 175. addit continuò: *Neque id est nostrum commentum, sic antè nos Augustinus.* Pari ardore pro Diuinæ libertatis amplitudine certarunt Caluini asseclæ Molinæus in Clypeo art. 9. Zacharias Vrsinus q. 1. de libero arbitrio. Scharpius l. 2. cap. 2. Chamierus tomo 3. l. 2. cap. 4. Et Zanchius l. 1. tract. Theologicor. cap. 6. vbi aduersùs Pontificios, qui simplicem necessitatem cum libero arbitrio stare negabant, ita inuehitur acer ac vehemens Calvinianæ opinionis propugnator. *An non Deus necessariò bonus, iustus, & clemens est? Et nunquid propterea liber non est Deus, verèque libero præditus arbitrio?* Hanc Calvinistis opinionem multo antè delineârat Ioannes Wicleffus cap. 28. 3. Trial. *Deus, inquit, non illibertatur quicquam facere, licet absoluitè necessariò illud fiat. Sicut non illibertatur producere Verbum, vel Spiritum sanctum, licet absoluitè necessariò illud agat.*

En quos habeant principes, qui in Deo cum necessitate



tate simplici non libertatem tantum aliquam, ut Scoti discipuli, sed liberum arbitrium strictè sumptum committunt. Quos eo magis pudere debet, quòd, ut Caluino pressius adhæreant, negant cum illo hoc suum esse commentum, sed puram putamque S. Augustini doctrinam: atque hæc ipsa tanti Doctoris testimonia adhibent, quæ Calvinistæ perpetuò crepant, quæque Doctores Catholici dudum illis extorserunt. Præmarium est illud ex libro de natura & gratia cap. 46. ubi quod Pelagius dixerat: *voluntatis arbitrio ac deliberatione priuari quidquid naturali necessitate constringitur*: ita S. Augustinus castigat: *Et hîc nonnulla questio est. Per quam enim absurdum est, ut ideo dicamus non pertinere ad voluntatem nostram, quòd beati esse volumus, quia id omnino nolle non possumus nescio quâ & bonâ constrictione natura: nec dicere audemus ideo Deum non voluntatem, sed necessitatem habere iustitiæ, quia non potest velle peccare.*

Lib. 6. de  
grat. Chri-  
sti cap. 7.

Duplex huic loco à Catholicis aduersus Calvinum scribentibus solutio adhibetur. Prima est Guillelmi Estij, quem ego Aduersariis frequentius oppono, quòd illorum Antesignanus cum recentes Theologos vel contemnat fastidiosè, vel atrociter criminetur, hunc ferè vnum impensè ornatèque commendet. Sic ille in 2. dist. 24. §. 2. hanc Calvinistarum obiectionem soluit: *Dicendum crediderim id quod Pelagius dixerat, voluntatis arbitrio priuari, quidquid naturali necessitate constringitur, non tam improbari ab Augustino, quàm in dubitationem quandam vocari. Dicit enim: Et hîc nonnulla questio est. Ideo autem non immeritò dicit de eo nonnullam esse questionem, quia Pelagius non distinguebat inter voluntatem & liberum arbitrium, ut patet ex eius verbis ibidem paulò superius recitatis. Itaque secundum Pelagium non erat voluntas, ubi erat naturalis necessitas. Hoc autem optimè refellit Augustinus, dum probat interdum voluntatem esse etiam in eo, quod necessariò habetur, aut appetitur, qualis est iustitia respectu Dei, & beatitudo respectu nostri.*

## PARAGRAPHVS I.

*An ex S. Augustini mente Diuina libertas cum simplici necessitate consistat.*

RELIGIOSVM verò Caluinum, qui in communem de libero arbitrio sententiam cæte excandescit, quòd Diuinam libertatem angustioribus spatiis circumscribat. Ferre non potest, eas actiones libero Dei arbitrio subtrahi, quæ naturali necessitate existunt: nec antè acquiescet, quàm vicerit, amorem illum, quo se Deus, suàmque bonitatem necessariò amat, esse liberissimum, non ea tantùm libertate, quam Scotus eiúsque partiarj cum necessitate conciliant, quæque in spontaneum incidit, sed strictiori illa, quam Patres vulgò ad meriti, aut demeriti rationem deposcunt. Quod cum præsidenter asseruit l. 2. Inst. cap. 3. & l. 4. in Pigh. pag. 175. addit continuò: *Neque id est nostrum commentum, sic antè nos Augustinus.* Pari ardore pro Diuinæ libertatis amplitudine certarunt Caluini asselæ Molinæus in Clypeo art. 9. Zacharias Ursinus q. 1. de libero arbitrio. Scharpius l. 2. cap. 2. Chamierus tomo 3. l. 2. cap. 4. Et Zanchius l. 1. tract. Theologorum. cap. 6. vbi aduersùs Pontificios, qui simplicem necessitatem cum libero arbitrio stare negabant, ita inuehitur acer ac vehemens Calvinianæ opinionis propugnator. *An non Deus necessariò bonus, iustus, & clemens est? Et nunquid propterea liber non est Deus, verèque libero præditus arbitrio?* Hanc Calvinistis opinionem multo antè delineârat Ioannes Wicleffus cap. 28. 3. Trial. Deus, inquit, non illibersatur quicquam facere, licèt absolusè necessariò illud fiat. Sicut non illibersatur producere Verbum, vel Spiritum sanctum, licèt absolusè necessariò illud agat.

En quos habeant principes, qui in Deo cum necessitate



tate simplici non libertatem tantum aliquam, ut Scoti discipuli, sed liberum arbitrium strictè sumptum committunt. Quos eo magis pudere debet, quòd, ut Caluino pressius adhæreant, negant cum illo hoc suum esse commentum, sed puram putamque S. Augustini doctrinam: atque hæc ipsa tanti Doctoris testimonia adhibent, quæ Caluinistæ perpetuò crepant, quæque Doctores Catholici dudum illis extorserunt. Præmarium est illud ex libro de natura & gratia cap. 46. ubi quod Pelagius dixerat: *voluntatis arbitrio ac deliberatione priuari quidquid naturali necessitate constringitur*: ita S. Augustinus castigat: *Et hinc nonnulla questio est. Perquam enim absurdum est, ut ideo dicamus non pertinere ad voluntatem nostram, quòd beati esse volumus, quia id omnino nolle non possumus nescio quâ & bonâ constrictione nature: nec dicere audemus ideo Deum non voluntatem, sed necessitatem habere iustitiæ, quia non potest velle peccare.*

Lib. 6. de  
grat. Chri-  
sti cap. 7.

Duplex huic loco à Catholicis aduersus Caluinum scribentibus solutio adhibetur. Prima est Guillelmi Estij, quem ego Aduersariis frequentius oppono, quòd illorum Antesignanus cum recentes Theologos vel contemnat fastidiosè, vel atrociter criminetur, hunc ferè vnum impensè ornatèque commendat. Sic ille in 2. dist. 24. §. 2. hanc Caluinistarum objectionem soluit: *Dicendum crediderim id quod Pelagius dixerat, voluntatis arbitrio priuari, quidquid naturali necessitate constringitur, non tam improbari ab Augustino, quàm in dubitationem quandam vocari. Dicit enim: Et hinc nonnulla questio est. Ideo autem non immeritò dicit de eo nonnullam esse questionem, quia Pelagius non distinguebat inter voluntatem & liberum arbitrium, ut patet ex eius verbis ibidem paulò superius recitatis. Itaque secundum Pelagium non erat voluntas, ubi erat naturalis necessitas. Hoc autem optimè refellit Augustinus, dum probat interdum voluntatem esse etiam in eo, quod necessariò habetur, aut appetitur, qualis est iniuria respectu Dei, & beatitudo respectu nostri.*

*Et hanc esse mentem Augustini probabile fit ex eo, quia cum Pelagius nominasset liberum arbitrium, ipse tamen hoc vocabulo dissimulato, tantummodo voluntatem nominavit, de qua sciret verba sua nullam habitura dubitationem: nec poterat Pelagius hanc Augustini objectionem removere, nisi voluntatem à libero arbitrio distingueret. Ex hac interpretatione S. Augustini sensus est, non esse usquequaque verum, quod generatim à Pelagio affirmatum fuerat, sed nonnullam quæstionem discussionemque mereri. Quatenus enim dicebat ad voluntatem non pertinere quidquid naturali necessitate constringitur, falsum dicebat. Quatenus verò illud ipsum liberi esse negabat arbitrij, rectè negabat. Quamobrem hæc eius verba non atrociter S. Augustinus exagitat, sed ea tantum asserit nonnullam mereri quæstionem, siue distinctionem, quâ voluntas à libertate secernatur.*

Altera solutio est Scribonij, Puteani, Bellarmini, aliorumque ferè omnium, qui hunc contra Hæreticos locum pertractârunt. Aiunt S. Augustinum eo loci voluisse, cum qui vult beatitudinem constringi quidem necessitate quoad specificationem, quia non potest velle miseriam; non ideo tamen privari libero arbitrio; quia potest quoad exercitium velle, & non velle beatitudinem. Clarissimè illud tradit S. Thomas quæst. 6. de malo art. vnico. *Bonum, inquit, perfectum, quod est beatitudo, voluntas non potest non velle, ita scilicet quod velit eius oppositum: potest tamen non velle actu, quia potest auertere cogitationem beatitudinis in quantum mouet intellectum ad suum actum, & quantum ad hoc nec ipsam beatitudinem ex necessitate vult. Sicut etiam aliquis non ex necessitate calefieret, si posset calidum à se repellere, cum vellet. Pari quoque ratione aiunt Deum velle iustitiam ex necessitate quoad specificationem quandam, quia non potest velle iniquitatem: sed non ideo privari libero arbitrio, quia potest & quoad exercitium, quædam iusta facere & non facere; & quoad specificationem*



ex multis iustis vnum alteri præferre, illudque eligere.

Cui interpretationi fidem conciliant quæ Aduersarius eodem loci ex S. Augustino nobis opponit. Nam ex iis constat S. Augustinum Pelagianos sæpe vexare, quòd ad liberum arbitrium contrarietatis indifferen-  
tiam requirerent, illudque omne libertate spoliarent, quod perinde bonum & malum velle non potest. Atque id Aduersarius ipse fatetur, atque S. Doctorem non alia ratione frequentius, aut validius quàm Diuinae libertatis exemplo hunc Pelagianorum errorem reuincere. Sic l. i. Operis imperfecti pag. 150. *Si liberum non est nisi quod duo potest velle, id est bonum, & malum: liber ergo Deus non est, qui malum non potest velle; de quo etiam ipse dixisti, Deus esse nisi iustus non potest. Siccine Deum laudas, ut ei auferas libertatem?* Cùm igitur Pelagiani in illa essent hæresi, ut quidquid æqualem boni & mali potestatem non habet, libero spoliarent arbitrio, cautè S. Augustinus affirmanti Pelagio, *voluntatis arbitrio ac deliberatione priuari, quidquid naturali necessitate constringitur, sic occurrit: Et hinc nonnulla questio est* &c. Nam verba Pelagij vera quidem sunt, si obuiò & quem præ se ferunt sensu exponantur, ita ut illud omne libero arbitrio priuari significant, quod ad vnum aliquid in indiuiduo naturali necessitate affigitur. At si alio sumantur sensu, eoque spectent, ut illud omne libertate exuant, quod ad vnum aliquid in genere naturali necessitate alligatur, sunt falsissima, & huic Iuliani sententiæ affinia; *liberum non est nisi quod duo potest velle, id est bonum, & malum.* Aliud ergo nihil S. Augustinus superioribus verbis statuit, quàm quod vnanimi Theologorum omnium consensu sancitum est, quòdque S. Anselmus his verbis expressit in Dialogo de libero arbitrio cap. i. *Quoniam liberum arbitrium Diuinum peccare non potest; non pertinet ad definitionem libertatis arbitrij posse peccare.*

Libro 1.  
de Hæresi  
Pelagiana  
cap. 1.

## PARAGRAPHVS II.

*An ex mente S. Augustini libertas cum simplici necessitate in Beatorum voluntate cohereat.*

CALVINISTÆ à Diuina libertate ad Angelicam delabuntur. Ex qua ita colligunt, *Annon etiam Angeli in celo* (Zanchij verba sunt l. 1. cap. 6.) *& anime Beatorum necessariò volunt, quæ volunt, nempe iusta tantum & voluntati Dei consentanea? Num ideo dixeris propter hanc necessitatem illos non esse libero arbitrio preditos? Quam rationem teste Valdensi l. 1. art. 1. c. 25. ita Wicleffus premebat: Est libertas in Angelis, qui tamen ad agendum, quod agunt, summâ necessitate trahuntur. Aduersarius verò, qui id vnum agit decumano in opere, ut quod Hæretici pressius dixere, fusiùs exponat, caput integrum huic argumento impendit, quod ita auspicatur: Sed libertas Beatorum, siue hominum, siue Angelorum, multò inuictius demonstrat, simplicem illam necessitatem, sublatâ omni omnino indifferentiâ & contrarietatis, & contradictionis, non officere in doctrina Sancti Doctoris libertatis arbitrio. Sed quibus id tandem S. Augustini locis efficit? Iis nempe, quos à Calvinistis emendicauit. Quos inter præcipuus est ille ex l. 22. de Ciuitate Dei cap. ultimo: Nec ideo liberum arbitrium non habebunt, quia peccata eos delectare non poterunt. Magis quippe erit liberum à delectatione peccandi, vsque ad delectationem non peccandi indeclinabilem liberatum. Nam primum liberum arbitrium, quod homini datum est, quando primum creatus est rectus, potuit non peccare, sed potuit & peccare: hoc autem nouissimum eò potentius erit, quò peccare non poterit. Alterum adiicit ex Enchiridio ad Laurent. cap. 150. Sic oportebat priùs hominem fieri, ut & bene velle posset, & malè; nec gratis si bene, nec impune si malè. Postea verò sic erit, ut malè velle non possit, nec ideo libero carebit arbitrio: multo quippe*

Libro. 6. de  
grat. Chri-  
stic. cap. 8.



*liberius erit arbitrium, quod omnino non poterit seruire peccato. Atque hinc Aduersarius certissimè confici putat, libero arbitrio cum simplici necessitate bene conuenire.*

Sed dudum est quòd hæc S. Augustini testimonia à simili Calvinistarum calumnia Doctores Catholici vindicarunt. Quos inter Guillelmus Estius, cùm ea sibi ex Calvinistarum persona opposuisset, ita soluit: *Ad secundum Augustini locum respondemus, non esse sensum quòd Beati habituri sint arbitrium liberum ad non peccandum: quæ phrasis significaret ipsum etiam liberum esse ad peccandum, quod manifestè falsum est. Sed significat iis verbis Augustinus, per necessitatem non peccandi non auferri Beatis liberum arbitrium, sed potius confirmari, magisque liberum effici. Qui enim peccare non possunt multò sunt liberiores in electione bonorum, dum inter ea sine errore, & periculo peccati eligunt quod volunt, quàm si peccare possent. Quod paset in Deo, qui peccare non potest, & tamen ad eligendum opposita liberrimam habet voluntatem. Ad hoc significandum subiungit Augustinus in Enchiridio hæc verba: multo quippe liberius erit arbitrium &c. Eandem huic loco interpretationem adhibet S. Augustini commentator, cùm ait, Futuram in Beatis libertatem non quidem contrarietatis, sed contradictionis, non quoad specificationem actus, sed quoad exercitium actus. Sunt enim determinati, inquit, ad bonum, indeterminati tamen ad hoc, vel illud bonum: & ad agendum, vel non agendum. Quod apprime consentit cum iis quæ tradit S. Thomas in 2. distinct. 7. art. 1. in quo de Beatorum arbitrio disputat. Dicendum, inquit, quòd rationalis potestas dicitur esse oppositorum, quæ sub electione cadunt, quorum proprium est liberum arbitrium. Tum: Apud Angelos qui ipso fine perficiuntur, impossibile est esse voluntates alicuius eorum, quæ à fine deordinantur, cuiusmodi est voluntas peccati. Sed tamen possunt velle hoc, vel illud, quorum neutrum à fine deordinat, & sic saluatur proprietas rationalis potestatis, in quantum*

*possunt hoc facere, vel non facere, quamvis non possint in hæc opposita bonum & malum. Et quæst. 24. de veritate articulo 1. ad 16. Si aliqua creatura, immobiliter adhereret Deo, non propter hoc priuatur libero arbitrio: quia peccat adherendo multa facere, vel non facere. Quæ Guillelmus de Rubione his verbis expressit in 2. dist. 25. q. 1. art. 2. In Beatis est usus liberi arbitrij, non respectu actus beatifici, qui non est in eorum potestate; sed respectu omnium aliorum in eorum potestate existentium, ut videlicet possint ab iis in esse poni, vel non poni.*

Quæres, quid causæ sit, cur sanctus Augustinus tam sæpe voluntatem tantò liberiores esse dicat, quantò sanior fuerit, & peccati vinculis extricior? Respondeo, multiplicem ab illo distingui libertatem. Prima est, quam à natura in sitam habemus, quàmque nec Diuinâ præscientiâ corrumpi, nec Astrologorum impressionibus violari, nec opprimi peccato, nec Diuinâ gratiâ lædi aduersùs Ciceronem, Astrologos, Manichæos, & Monachos Adrumetinos defendit. Secunda, est libertas gratiæ, quæ voluntatem dæmonis ac peccati seruitute expedit, & omnibus ad bene agendum præsiidiis instruit: de qua cum Pelagianis dimicauit. Tertia, est libertas gloriæ, quam libro 22. de Ciuitate cap. vltimo sic describit. *Sed quia peccauit ista natura, cum peccare potuit, largiore gratia liberatur, ut ad eam perducatur libertatem, in qua peccare non possit.* De hac triplici libertate eleganter Bernardus libro de gratia & libero arbitrio. *Triplex est nobis proposita libertas, à peccato, à miseria, à necessitate. Hanc vltimo loco positam contulit nobis in conditione natura, in prima restauramur à gratia, media nobis reseruatur in patria. Dicatur igitur prima libertas natura, secunda gratia, tertia vita, vel gloriæ. Hinc liquet S. Augustinum de natia libertate non loqui, cum ait maiorem fore in cælo libertatem. Nam vult Bernardus eodem loco: Libertas à necessitate, æquè & indifferenter Deo, vniuersæque tam bonæ, quàm malæ conuenit crea-*



*tare: nec peccato, nec miseria amittitur, vel minuitur, nec maior in iusto est, quàm in peccatore, nec plenior in Angelo, quàm in homine. Sed de vtraque alia libertate loquitur, vt Theologi docent in 2. dist. 7. & S. Augustini Commentator ad hunc locum: Perfectius, inquit, erit liberum arbitrium in Beatis, in quibus triplex hac libertas reperitur.*

Quamquam & ipsa quoque libertas à necessitate aliquatenus dici potest in Angelis maior, quàm in hominibus. Primò, quia in Beatis est ordinatio. Manes ergo, inquit Bernardus, *libertas voluntatis, vbi etiam sit captiuitas mentis, tam plena quidem in malis, quàm & in bonis, sed in bonis ordinatio.* Quod S. Thomas ita expressit 1. parte q. 62. art. 8. *Quod liberum arbitrium diuersa eligere possit seruato ordine finis, hoc pertinet ad perfectionem libertatis eius: sed quod eligat aliquid diuertendo ab ordine finis, hoc pertinet ad defectum libertatis.* unde maior libertas arbitrii est in Angelis, qui peccare non possunt, quàm in nobis qui peccare possumus. Secundò, quia libertas à necessitate multò faciliùs erumpit in actum, cum aliæ libertates dux opem illi ac subsidium ferunt. Ceterùm, inquit Bernardus, *libertas arbitrii, vt supra liquidò apparuit, cunctis pariter ratione videntibus conuenit: non minor, quantum in se est, in malis, quàm in bonis: tam plena in hoc seculo, quàm in futuro. Sed & hoc apertè monstratum esse puto: quòd hac ipsa tamen libertas tandiu quodammodo captiua tenetur, quamdiu illam due aliæ libertates minime, aut minùs plena comitantur.* Quam ob causam S. Augustinus ait lib. 14. de Ciuit. cap. 11. *Arbitrium voluntatis tunc esse verè liberum, cum vitiis peccatisque non seruit.* Tertiò, quia peccandi possibilitas non est propriè dicta potentia, sed impotentia, vt ex S. Augustino colligitur 5. de Ciuit. cap. 10. Ergo liberum arbitrium quod non habet adiunctam peccandi possibilitatem, minus habet impotentia, atque adeo potentius est; Ergo & liberior. Siquidem libertas potestatem sonat, & illud

600 DISPUT. DE LIBERO ARBITRIO  
liberum dicitur, quod est in potestate. Hinc S. Augu-  
stinus cū loco citato l. 22. de Ciuitate Dei dixisset  
Beatos habituros arbitrium magis liberum, continuò  
illud explicans subiicit: *Nam primum liberum arbitrium,*  
*quod homini datum est, quando primum creatus est reetus,*  
*potuit non peccare, sed potuit & peccare. Hoc autem nouissi-*  
*imum cō potentius erit, quò peccare non poterit.* Eodem for-  
tasse allusit Bernardus his verbis: *Manet ergo libertas*  
*voluntatis, ubi sit captiuitas mentis, tam plena quidem in*  
*malis, quàm & in bonis, sed in bonis ordinatior. Tam in-*  
*tegra quoque pro suo modo in creatura, quàm in creatore,*  
*sed in illo POTENTIOR.* Triplici hoc sensu ipsa quo-  
que natua libertas maior quodammodo est in patria,  
quàm in via.

Libro 6. de  
grat. Chri-  
sti cap. 9.

Nihil ergo ex superioribus S. Augustini locis noua  
opinio commodi capit: nihil antiqua detrimenti. Sed  
neque ex iis, quæ nouus Doctor congerit, vt in Chri-  
sto libertatem cum necessitate componat. Nam eò spe-  
ctant vniuersi, vt Christum peccare non posse, & ni-  
hilominus libertate præditum esse confirment. Quam-  
obrem quidquid inde difficultatis enascitur, solum  
est abundè, cū de Diuina, & Angelica libertate disse-  
ruimus.

Restat aliud Caluini argumentum, quod Gabriel Pen-  
notus libro 1. cap. 17. ita proponit, & soluit: *Verum ob-*  
*iicit Caluinus, quoniam diabolus, & damnati peccant, &*  
*tamen necessario peccant, cū sint in malo obstinati. Respon-*  
*detur, diabolum & damnatos minimè peccare in eo, quod*  
*ominino vitare non possunt. Licet enim sint in malo obstina-*  
*ti: tamen habent quosdam actus, quos liberè exercent. Dato*  
*autem, & non concesso, quod etiam modò proprie peccent, in*  
*his solum peccare poterunt, in quibus habent libertatem, non*  
*necessitatem.*



## PARAGRAPHVS III.

*Ventilatur postrema eaque leuissima noui Doctoris ratio ex Diuina libertate desumpta.*

PVDVIT, opinor, Aduersarium nihil haftenus de suo protulisse, nec extra signata à Caluino vestigia pedem fixisse. Nunc vires experiri suas, quidque proprio Marte & ingenio possit tentare aggreditur. Contendit ille, Deum omni prorsus libertate spoliandum esse, si valet Scholasticorum opinio, qui ad libertatis essentiam pertinere aiunt indifferentiam exercitij, seu agendi & non agendi potestatem. *Sola, inquit indifferentia agendi, & non agendi restat, quæ propriè est exercitij. Sed & ista in Deo prorsus perijt, hoc ipso quo semel immobili voluntate voluit, atq; statuit quid in singulis circumstantiis agendum sit, quam retractare non potest. Quapropter si hoc duntaxat est esse liberum, indifferentem esse ad agendum & non agendum, liber fuisse Deus dici potest: liber verò esse non potest. Immo verò nec liber fuisse dici potest. Quando enim liber fuerit, cum ab aeterno, hoc est sine ullo initio, semper ad agendum, vel non agendum determinatus fuerit.*

Lib. 6. de  
grat. Chri-  
sti cap. 11.

Fidem hîc tuam Catholice lector. An non aliquem ex profana vetustate Philosophum Diuinæ libertati procaciter obtrectantem audire videris? Nam quo ista spectant, nisi vt agendi & non agendi indifferentiam, quam hominibus ademit, Deo quoque eripiat? Quod profectò facere non potest, quin certissima sacrarum litterarum oracula proculcet, & Sanctorum Patrum, atque Conciliorum Anathemata suum in caput accersat. Sed hanc eius argumentationem pressius expendamus. Duplici principio nititur. Primum est, Deum nunquam habuisse indifferentiam agendi ad extra, vel non agendi. Secundum, etsi eiusmodi indifferentiam Deus habuisset aliquando, illam tamen hoc ip-

so periisse funditus, quo se ad agendum, vel non agendum immobili voluntate applicuit. Ex quibus hanc argumentationem concinnat. Ex Scholasticorum opinione liberum arbitrium est indifferentia agendi, & non agendi: Atqui in Deo nec est, nec fuit indifferentia agendi, & non agendi; Ergo ex Scholasticorum opinione nec est, nec fuit in Deo liberum arbitrium. Cuius argumenti vis omnis in minorem incumbit. Quamobrem de illa tantum hoc loco conflegendum: neciam querendum mihi: An diuina libertas in indifferentia posita sit, sed id vnum disputandum: An eiusmodi agendi ad extra, & non agendi indifferentia in Deo reperiatur. Nam si reperiri demonstrauero, victus est Aduersarius, eiusque ratio profligata.

Fateor, capere non possum quâ fronte affirmet, Deum non habere indifferentiam agendi ad extra, & non agendi; nam id sine flagitio, hæresi, & impietate pronuntiari non posse, persuadet 1. quod Aristoteles, Aui-cenna, Auerroes, alique ex profana philosophia doctissimi viri Sanctorum Patrum & Theologorum execrationibus plectantur, quod agendi ad extra, & non agendi indifferentiam Deo eripuerint. Vt referunt Albertus in libro de causis. Catthuf. in 1. dist. 45. q. 1. Scotus in 1. dist. 8. q. 4. Gregor. in 1. dist. 42. q. 3. 2. 1. Ochamus, & Gabriel in 1. dist. 43. q. 1. a. 2. Heru-urus quodlib. 2. q. 3. Ferrariens. l. 2. contra gentes c. 23. & Sonzinnas l. 12. Metaph. q. 30. & 41. Persuadet 2. quod Abailardus & Wicleffus, cum eundem errorem denuò excitassent, Conciliorum decretis, & populorum omnium consensu damnati sunt, teste Alfonso à Castro verbo *Futurum contingens*. Persuadet 3. quod infiniti sint Scripturæ loci, qui Deo agendi, & non agendi indifferentiam ascribunt, quos congerunt S. Thomas l. 2. contra gentes cap. 23. & Valdensis l. 1. c. 15. & 16. Persuadet 4. quod Sancti



Patres eandem indifferentiam Deo tribuant. Sic aiunt Deum potuisse redimere mundum, & non redimere: incarnari, & non incarnari: hominem condere, & non condere. Qua de re S. Augustinum consule Epistola 3. ad Volusianum circa medium. Libro de spiritu & littera cap. 1. L. 13. de Trinit. cap. 10. & in Enchirid. ad Laurent. cap. 95. quibus ex locis multa expressit Hugo Victorinus Summæ sentent. tractatu 1. c. 14. ubi fusissimè probat Deum habere agendi ad extra & non agendi indifferentiam. Persuadent 5. rationes plurimæ, quas ad eandem indifferentiam Deo vindicandam proferunt SS. Patres, Theologi, & Philosophi. Atque in primis S. Thomas l. 1. contra gentes cap. 23. & 26. Scotus l. 1. sent. dist. 8. q. 4. & dist. 44. q. vnica. Henricus in Summa art. 45. q. 3. & 4. Durandus in 1. dist. 43. Et ex Philosophis Plotinus Enneade 6. l. 8. cap. 4. 7. 8. Et Iamblicus lib. de Mysteriis § 9. Quas ego consultò prætereo, quòd obuiæ sint, & facile cuilibet ea de re cogitanti in mentem veniant. Persuadet 6. quòd nemo sit, qui si communem sensum consulat, non statuatur pari indifferentia Deum posse velle creare Angelum, aut non velle creare: quâ homo potest velle deambulare, aut non velle deambulare.

Quamobrem mirari subit impensè quâ Aduersarius adduci potuerit, vt contra tot oracula pugnaret. Si inuictum aliquod, & inauditum hætenus argumentum proferret, ferendum esset vtcunque, quòd tali præsidio armatus manifestæ veritati obluctaretur. Sed nihil profert nisi tralatitium, & à profanis aliquot Philosophis decantatum millies, atque à Theologis clarissimè enodatum. *Deus*, inquit, *ab æterno*, hoc est *sine ullo initio semper ad agendum, vel non agendum determinatus fuit*. Ergo *indifferentia agendi, & non agendi in Deo prorsus perit*. Diu est quòd hoc argumento Theologorum Scholæ circumsonant: soluitur vulgò in 1. dist.

8. & à quibusdam, ut à Guillelmo Estio, dist. 45. Norunt & illud Philosophiæ tyrones, nam ab iis etiam dissoluitur, qui faciliorem illis, ac breuiorem philosophiam conscribere. Instar sit omnium, qui alios, ut dignitate, ita & acumine ingenij, & dicendi perspicuitate vincit, Episcopus Vauensis D. de Raconis disp. de mundo q. 2. prop. 1. Responsionis summa est. Quamlibet determinationem, aut necessitatem causæ alicuius naturali indifferentiæ non repugnare, sed eam tantum, quæ antecedens est. Nam causa indifferens ad utrumlibet est ea, quæ in actu primo spectata, & omnibus ad agendum prærequisitis instructa neutram adhuc in partem propendet. Hæc est natia agendi & non agendi indifferentia, quæ consequenti determinatione non violatur. Quare si Deus ab æterno creaturam aliquam condidisset, quod fieri posse pugnat S. Th. 1. p. 2. q. 46. a. 2. & q. 3. de potent. art. 14. quamuis nullum assignati tempus posset, quo Deus ad illam creaturam producendam determinatus non foret, illam tamen cum indifferentia produceret; quia in priori naturæ nihil haberet prorsus, quo ad illam producendam necessariò determinaretur. Addit Bagnes 1. parte q. 19. art. 10. duobus modis aliquid dici indifferens. Primò negatiuè, quatenus ex se naturæque sua non est determinatum. Secundò priuatiuè, quatenus aptum est determinari, at nondum est determinatum, sed adhuc manet in potentia ad utrumlibet. Quæ ex distinctione ita propositum argumentum soluit, ut dicat, Deum respectu creaturarum semper esse indifferentem negatiuè, quatenus ex se, suæque substantia nihil habet, quod ad volendum aliquid extra se determinetur. At nunquã fuisse indifferentem priuatiuè, quia quidquid vult, ab æterno voluit. Quæ ubi copiosè disputauit: tum validè. probat posteriorem hæc indifferentiam nihil ad rationem liberi arbitrij pertinere, ac proinde Deum circa creaturas liberrimum



esse, licet circa illas nunquā priuatiuè indifferens fuerit.

Parum est Aduersarium fregisse rationibus, & Theologorum, atque Philosophorum auctoritate: armandus est ipse in sese, & ex opinionis suæ decretis configendus. Faterur Deum Angelo, & homini primitus dedisse arbitrij indifferentiam ad agendum, & non agendum, quæ nec Diuinâ gratiâ, nec alio quolibet impulsu violaretur. Ponamus igitur, quod fieri posse non negauerit, Angelum aliquem in primo creationis suæ instanti ex illa arbitrij indifferentia bene operari. Hoc si fecerit, licet nullum sit instans, in quo ad agendum determinatus non fuerit, habere tamen agendi & non agendi indifferentiam, atque ex illa operari, vel ipsius Aduersarij iudicio, dicetur. Nam vt ipse docet libro de gratia primi hominis & Angel. cap. 15. Angelum aut primum hominem agere cum indifferentia ad vtrumlibet, aliud nihil est, quàm sine vlla antecedenti necessitate agere. Ergo & Deus respectu volitionis mundi habet indifferentiam ad vtrumlibet, quia sine vlla antecedenti necessitate vult mundum condere. Vnde sic vterius colligo: Aduersarius Deo tribuere debet indifferentiam illam agendi & non agendi, quam primo homini, & Angelis datam fuisse concedit: Atqui indifferentia illa agendi & non agendi, quam primo homini & Angelis datam fuisse concedit, illa ipsa est, vt sæpius monet, quam ad liberum arbitrium Theologi requirunt; Ergo Deo tribuere debet indifferentiam illam agendi, & non agendi, quam ad liberum arbitrium Theologi requirunt. Quid hîc ergo procaciter pugnat periisse funditus in Deo indifferentiam illam agendi & non agendi, in qua Theologi liberi arbitrij ratione ponunt?

Pergit nihilominus, atque inde validiùs multo, & ingeniosiùs argumentum fabricatur. Ait se *velut veram illam responsionem amplecti, quâ dicunt Theologi, idcirco Deum nunc esse liberum, quia in illo instanti rationis, actualem determinationem antecedente, liber, hoc*

est indifferens fuit, & ex propria se libertate determinavit: in qua determinatione propter naturam voluntatisque constantiam immutabilis permanet. Quam ex doctrina Theologos, sic tanquam proprio gladio, confodit. Hoc si, inquit, Scholasticis sufficit, nulla ratio superest, cur non & perpetuam illam iustitiam voluntatem seu amorem beatificum, quo beati Angeli, & homines peccare non possunt, liberrimam voluntatem esse concedant. Est enim certissimum Angelos, & homines qui beati sunt: ita liberam indifferentisque voluntate iustitiam elegisse, propriamque se libertate determinasse ad diligendam iustitiam, vel in ea perseverandum, sicut Deus ad opera, quibus vel creaturas, vel aliquid in creaturis operatur. Et paulo post: Non enim imaginandum est aliam Beatis infundi cum beatitudine voluntatem, quae propter perpetuam determinationem non sit libera; sed eadem omnino voluntas libera, seu amor iustitiae liberrimè susceptus in hac vita, sine ulla mutatione firmior, & ardentior permanet. Quid est in leuioribus Theologiae elementis balbutire, si hoc non est? Singulae ferè lineae plurimis erroribus consperguntur. Quos ut dispungam,

Observandum 1. Homines omnes, qui ex hac vita in caelum feliciter euolant, in habituali quidem charitate emori, at non in actuali. Quot sunt enim, qui aut dormientes, aut de Deo nihil cogitantes à sicariis iugulantur? Quot repentinà opprimuntur morte? Quot ardentiori morbo correpti ratione prius, quam vitam privantur? Quamobrem scire ab Aduersario velim, qui tam audacter affirmet, actum amoris iustitiae, quem Beati in patria habent, illum ipsum esse, quem hanc in vitam liberrimè susceperunt. Nam etsi illud de iis affirmari posset, qui actuali Dei dilectioni immoriuntur, de aliis certè falsissimum est.

Observandum 2. eos quoque, qui in actu charitatis moriuntur, eundem in caelo ex communiori Theologorum opinione non continuare, sed alium longè praestantiorem exercere. Hinc est, quòd S. Thomas 2. 2. q.



24. art. 7. ad 3. asserit actum charitatis viz substantialiter discrepare, ab actu charitatis patriæ, eodem nempe modo, quo linea, & superficies differunt. Quia, inquit, *charitas via sequitur cognitionem fidei: & charitas patriæ sequitur visionem apertam.* Quam opinionem sequuntur eius interpretes Caietan. 1. p. q. 82. art. 2. & Ferrariensis 3. contra gentes cap. 62. & alij complures Theologi, quicquid ratione nituntur, quam perstrinxit S. Thomas, quàmque Dionysius Carthusianus ita proponit in 1. dist. 17. q. 8. *Quoniam charitas via, & patriæ in substantia sua omnino eiusdem est rationis, non autem operatio eius, quæ est dilectio: quia dilectio sequitur cognitionem, propter quod aliud, ac aliud genus cognitionis inducit aliud genus dilectionis &c.*

Obseruandum 3. eos qui asserunt actum charitatis in via susceptum manere posse in patriâ, affirmare pariter eundem de libero, fieri non liberum. Ita Medina 3. parte q. 19. art. 3. Lorca 2. 2. sect. 3. disp. 18. n. 8. & Bagnes 2. 2. q. 28. art. 8. qui ita loquitur *Actus charitatis in via est actus liber formaliter respectu immediati obiecti, in patriâ verò non est actus liber formaliter.* Faceret tamen actum charitatis patriæ esse liberum radicaliter, quatenus Beati per actus voluntatis liberos beatitudinem adepti sunt. Sic homicidium ab ebrio commissum in radice liberum dicitur, quatenus ille libera voluntate vino se obruit. Verùm de illa libertate non loquimur, cùm quærimus, an amor beatificus liber sit: sed de libertate formali, quam illi Theologi idcirco negant, quòd à visione beatifica, quæ eius principium est, necessariò inferatur. Neque verò ad hanc libertatem amoris beatifico conciliandam valere aliquid potest, quòd idem actus liberè aliàs in via inceperit. Nam formalis libertas actus, pro aliquo instanti, æstimari præcisè debet ex indifferentia causæ in priori naturæ illius instantis. Solent enim Philosophi quodlibet instans temporis, in quo agere causa dicitur, in duo na-

turæ instantia partiri, atque in primo, quod prius naturæ appellant, ea spectare omnia, quæ ad agendum prærequisita sunt: in secundo, quod posterius naturæ vocant, causam ut actu agentem considerare. Si in priori illo naturæ nihil est, quod actionem necessariò inferat, libera est formaliter; si verò in eodem priori aliquid est, quod causam ad agendum determinet: libera non est formaliter. Quocirca prioritas naturæ, ex qua causæ indifferentiam metimur, non in primo tantum actionis instanti, sed in quolibet alio spectari debet, in quo causa liberè operari dicitur.

Observandum 4. paulo aliter de liberis Dei volitionibus esse differendum; nam cum æternitas, quâ mensurantur, tota sit instar puncti, earum duratio prorsus indivisibilis est, atque adeo de illis eodem modo loqui debemus, quo de humana volitione vno tantum (si fieri potest) instanti existente. Quemadmodum enim hæc volitio hoc ipso tota esset libera, quo in priori naturæ eius productionem antecedente, nihil esset quod illam necessariò inferret: ita etiam Divina volitio hoc ipso tota est libera, quo in priori naturæ æternam eius productionem antecedente, Deus ad volendum est indifferens. Quod profectò non sufficeret, si Divina volitio intrinsecam ac realem durationem haberet, ex multis instantibus conflatam. Nam tunc ad explorandum an tota esset libera, videndum esset, an in singulis instantibus nihil foret antecedens, quod illam necessariò inferret.

Hinc nata sunt apud Theologos opinionum diuortia. Nam qui diuinas volitiones ut æternitate indivisibili mensuratas spectarunt, statuerunt Deum etiam hoc instanti esse indifferentem ad volendum & non volendum; quia in priori naturæ indivisibilis æternitatis nunc existentis nihil est quod Deum antecederet ad volendum determinet. Quam opinionem sequitur S. Thomas q. 6. de veritate art. 3. ad 10. ubi asserit



serit Deum posse nunc prædestinasse, quos non prædestinauit, aut non prædestinasse, quos prædestinauit.

*Quia actus prædestinationis cum mensuretur aternitate, nunquam cadit in præteritum, sicut nunquam est futurum: unde semper consideratur ut egrediens à voluntate per modum libertatis.* Et in 1. dist. 39. q. 1. art. 1. eiusdem assertionis eandem reddit rationem. Accedunt Albertus 1. p. q. 63. membro 3. art. 2. Alexander 1. p. q. 27. membro 7. Scotus in 1. dist. 4. q. vnica ad 1. Durandus dist. 40. q. 1. n. 7. & 8. Richardus in 1. dist. 40. art. 1. q. 2. Ocham eadem distinct. q. vnica in medio, Gregorius, Adam, Marsilius, Gabriel Maior, & Nicolaus de Orbellis eadem distinct. 40. Quibus non obscure fauet Magister dist. 40. cap. 3. Eandem ex recentioribus opinionem tuentur Driedo de concordia liberi arbitrij cum prædest. par. 2. cap. 2. Albertus Pighius l. 8. de lib. arb. cap. 1. Vega l. 12. cap. 22. & 23 Corduba 1. quæstionarij q. 55. dub. 12. & Bagnes q. 14. art. 13. Alij verò qui Diuinas volitiones spectarunt, prout in aliquo tempore reali aut imaginario existentes, statuerunt Deum quidem indifferentem fuisse ad eas primò producendas, non verò ad continuandas. Quia Diuinæ volitionis durationem quibusdam quasi successiuis instantibus metiuntur, quorum in primo Deus liberè vult; quia nihil est antecedens, quod volitionem necessariò inferat: in alijs verò omnibus eandem volitionem liberè non continuat; quia ad id sua immutabilitate necessariò determinatur. Ita Capreolus in 1. dist. 38. q. vnica art. 2. Concluf. 6. Palacius eadem distinctione disp. 2. Ledesma tractatu de auxilijs disp. 2. difficult. 1. dub. 6. & Zumel. 1. p. q. 14. art. 13. disp. 5. Concl. 5.

His obseruatis satis opinor elucet, quàm sit inepta Aduersarij argumentatio. Nam, vt leuiora omitram, atque ad ipsum difficultatis caput aggrediar, falsissimum est actum amoris, qui in .via susceptus manet in

patria, hoc ipso semper esse liberum, quo in priori naturæ antequam primò produceretur in via, nihil fuit quod illum necessariò inferret. Neque ad id euincendum aliquid confert, quod plurimi Theologi aiunt, hoc ipso volitionem Dei semper esse liberam, quo in priori naturæ, æternam eius productionem antecedente, Deus indifferens fuit ad volendum, aut non volendum. Nam qui ita opinantur Theologi liberas Dei volitiones spectant, vt æternitate indiuisibili mensuratas, atque adeo de illis eodem prorsus modo loquuntur, quo de humana volitione vno tantum instanti existente. Igitur non minus est insulsa Aduersarij ratiocinatio, quàm si ita colligeret. Ad hoc vt volitio vno tantum instanti existens semper sit libera, satis est vt in priori naturæ illius productionis causa sit indifferens; Ergo ad hoc vt volitio per plurima instantia continuata, semper sit libera, satis est vt in priori naturæ primæ productionis causa sit indifferens. Errauit verò tam imperitè, quia quod Philosophiæ tyronibus notissimum est, vel ignorauit, vel dissimulauit: nimirum, libertatem volitionis pro aliquo instanti, non aliunde quàm ex priori naturæ eiusdem instantis esse æstimandum; adeoque volitionem æternitate indiuisibili mensuratam tota æternitate liberam esse, si in priori naturæ eiusdem æternitatis indiuisibilis voluntas sit indifferens: sicut volitio vno tantum instanti existens, semper est libera, si in priori naturæ illius instantis causa est indifferens. At volitiones quæ sunt in tempore, & pluribus instantibus durant, non sunt semper liberæ, nisi in priori naturæ singulorum instantium causa sit indifferens. Quod aded verum est, vt qui Theologi Diuinas volitiones vt tempore reali aut imaginario mensuratas, & pluribus quasi instantibus durantes spectarunt, eas liberè quidem primò produci dixerint, ac non liberè continuari; quia in priori naturæ productionis nihil est quod illas necessariò inferat, est verò in priori naturæ



continuationis. Ex quo sequitur eundem actum charitatis, qui in via liber fuit, in patria esse necessarium. Nam voluntas, quæ in via spectatis omnibus ad agendum prærequisitis indifferens erat ad hunc actum exercendum, aut non exercendum: nunc in patria cum omnibus actionis principiis spectata non est indifferens; siquidem clara Dei visio, quæ illius amoris principium est, voluntatem necessariò determinat.





DISPUTATIONIS  
DE  
LIBERO ARBITRIO  
LIBER TERTIVS.

IN QVO NOVVM DOGMA  
*Theologorum auctoritate labefactatur.*



NOVA de libertate opinio cùm primum superiori ætate emerfit in lucem, vnius sancti Augustini præsidium ambiciosè quæsiuit. Credo quòd Lutherus, qui illam è Wicleffi cineribus rediuiuam excitarat, et si alios Ecclesiæ Doctores impudenter ac proteruè abdicaret, nollet tamen S. Augustino, quem aliàs Patrem habuerat, palam & apertè bellum indicere. Hinc illa vox eius libro de seruo arbitrio: *Augustinus totus meus est.* Ac cùm eadem opinio suis quasi è cunabulis egressa adoleuit, cùm à Caluino elegantiori expolita cultu volitare per Galliam, & in vulgus impùnè spargi cœpit, creuit illi cum viribus ambitio, & primos Ecclesiæ Patres, sin minus ad præsidium, ad pompam certè & ornam sibi asciuit. Vnde Caluinus qui libro 2. Institu-



tionum Patres omnes, vno excepto Augustino, sibi abiudicârat, eosdem postea libro 2. de libero arbitrio causæ suæ patronos esse gloriatur; atque eos maximè, quos Lutherani, vt sibi nimis infensos suffragij iure depellunt, Origenem scilicet, quem Lutherus in Conuiuialibus vt immeritum liberi arbitrij præconem diris deuouet. Tertullianum, quem Adam Sculterus libro 7. cap. 42. ait *liberum arbitrium ita euehere, vt Pelagius ipse vix ausus fuerit pari libertate de eo pronuntiare*. Cyprianum, quem Sculterus idem libro 8. c. 24. & Lutherus in Conuiuialibus, vt *infirum Theologum* reiciunt. Hilarium, de quo Magdeburgenses Centuria 4. cap. 10. *Hilarius de libero arbitrio satis cauè non loquitur*. Basilium, de quo Lutherus in Conuiuialibus, *Basilius nihil valet, totus est Monachus, ne pilo quidem illum redimerem*. Quibus alios complures Chamierus addit Tomo 3. libro 3. c. 16. atque in primis Irenæum, quem tamen Magdeburgenses carpunt Centuria 2. cap. 10. quòd *liberum arbitrium admittat*. Clementem Alexandrinum, de quo iidem Magdeburgenses Centuria 3. c. 1. *Corruptionem naturæ adeò ignorauit, vt nusquam non liberum arbitrium asserat*. Chrysostomum, quem Lutherus in Conuiuialibus *loquaculum*, & Magdeburgenses Centur. 5. cap. 3. *Bonorum operum Encomiastem*, & *liberi arbitrij patronum* vocant. Iustinum, quem Sculterus libro 1. cap. 17. ait *ex Platonis philosophia de libertate voluntatis humanæ opinionem hausisse*. Hos, inquam, Patres, quos noua de libertate opinio, cùm in cunis esset, sibi conciliare desperauerat, adulta postmodum, & confirmata audacter arrogauit.

Sed nihil æquè eius audaciam prodit, ac insignis illa temeritas, quâ Scholasticos etiam Theologos defendere causa est sibi. Scholasticos, inquam, quos vt coniu-ratos hostes primùm execrabatur, quos Calvinus, & primi eius asscclæ, vt Sophistas, & libertatis ad vtrum-libet vindices explodunt. Quanquam non omnes fi-

mul, eadēque quasi operā sibi conciliandos suscepit; sed eos pertentauit sigillatim, & alios ex aliis sibi adlungere conata est. Ac primò Magistrum sententiarum aggreditur Caluinus ipse libro 2. Institutionum, eūque sententiæ suæ fundum contestatur. Tum alij ex Caluino profecti Hæretici pro se quisque Scholasticorum aliquem opinioni suæ illigare tentauerunt. S. Thomam Ioannes Scharpius libro 2. de libero arbitrio cap. 2. Bonauenturam & Gabrielem Dauid Pareus libro 3. de libero arbitrio cap. 4. Scotum eiusque discipulos, quotquot ferè ex Caluini secta pugnatricem Theologiam adamāunt, vt ex Pureano constat Tomo 1. in 1. 2. q. 10. dub. 2. Quibus & Henricum à Gandauo, Richardum à Media-villa, Thomam de Argentina, aliōsque complures nouus Dogmatistes adiecit libro 6. de gratia Christi.

Libro pro-  
œmiali  
cap. 30.

Hos ego nouæ factioni extorquere conabor, vbi monero, nihil illam ex Scholasticorum auctoritate sperare præsidij, si de aliis noui Dogmatis partibus agatur. Nam apertè satis indicat eas à quingentis ferè annis Scholasticorum omnium consensu fuisse reiectas. *At fortè, inquit, respondebunt mihi Scholasticorum sententias, quæ hîc ab Augustino videntur esse reprobata, iam à quingentis ferè annis per vniuersam Ecclesiam fuisse familiares.* Tum ita respondet, vt non inficietur Scholasticos Theologos à quingentis annis, quas ipse tuetur; opiniones reiecisse; sed hoc vnum ait, nullā Scholasticarum opinionum vetustate, quantocumque patrocinantium numero roborata, quibuscumque locis diffusa, quocumque ætatibus propagata, fidem Catholicam (ad quam opiniones suas pertinere putat) labefactari, aut maculari. Quapropter eū de peccandi necessitate, ignorantia inuincibili, præceptorum impossibilitate, gratia sufficienti, aliisque eiusmodi quæstionibus disserit, adeo Scholasticos in opinionis suæ communionem non vocat, vt eos ubique atrociter infectetur. Vnam de libero arbitrio con-



trouersiam Scholasticorum auctoritate disceptari cupit: vnam eorum munire sententiis ac firmare conatus est. Sed eos hae in parte non modò nihil fauentes, sed etiam infensiores habet; vt posteriori hoc libro paucis demonstrabo.

## CAPVT PRIMVM.

*S. Thomam nouo Dogmati adeo nihil suffragari, vt illud confutet validissimè, & Hæreticum esse pronuntiet.*



MAGNI hac in parte momenti esse debet S. Thomæ auctoritas, quem etsi nouus Doctor toties proscindit, quoties Theologiam Scholasticam, cuius ipse præcipuus auctor est & princeps, criminatur, fateri tamen coactus est, eius summam esse *Augustinum contractum certaque proportionem naturalibus principiis alligatum*. Quare in eius opinionem paulo diligentius est inquirendum: tum reliquos, qui ab eius ætate floruerunt, Theologos, pressius excutiam. Superiores verò non expendam sigillatim, sed illos cum S. Thoma & posterioribus Theologis, qui eorum opinionem laudant, & sequuntur, coniungam.

Libro pro-  
cemiali  
cap. 22.

## SECTIO I.

*S. Thomas nouam opinionem confutat, & reiicit.*

ANTEQVAM sancti Doctoris testimonia, quibus Calvinistæ abutuntur, exponam, placet eius de libertate sententiam constituere, & quantum à nuperæ

616 DISPUT. DE LIBERO ARBITRIO  
opinionis fabulis abhorreat, multiplici ratione convincere.

PARAGRAPHVS I.

*Probatur primùm ex eo loco, ubi disertè nouam opinionem Hæreticam esse pronuntiat.*

QVÆRIT S. Doctor quæstione 6. de malo art. vnico: *Virum homo habeas liberā electionem suorum actuum, aut ex necessitate eligat.* Respondet in corpore: *Dicendum quod quidam posuerunt, quod voluntas hominis ex necessitate mouetur ad aliquid eligendum: nec tamen ponebant quod voluntas cogeretur, non enim omne necessarium est violentum; sed solum id cuius principium est extra.* Non aliis verbis suam sententiam exprimunt Aduersarij. Audiant ergo quid de illa sentiat S. Thomas. **HÆC AVTEM OPINIO EST HÆRETICA: TOLLIT ENIM RATIONEM MERITI ET DEMERITI IN HUMANIS ACTIBVS.** *Non enim videtur esse demeritorium, vel meritorium, quod aliquis sic ex necessitate agit, ut vitare non possit. Nihil hîc ambigui. Hæreticam esse affirmat. Rationem addit inde petitam, quod meritum aut demeritum non sit, vbi quis sic ex necessitate agit, ut vitare non possit. Quam rationem exposui superius contra nouum dogmatistam asserentem, mereri hominem & demereri, dum id facit, quod vitare non potest. Eandem S. Thomas ita proponit quæst. 24. de veritate art. 12. Secundum Augustinum nullus peccat in eo quod vitare non potest, quia iam hoc esset necessarium.*

Parum fuit S. Doctori opinionem illam Hæresis notare, eam quoque vt Philosophorum iudicio damnatam proscribit. *Est etiam annumeranda inter extraneas Philosophiæ opiniones; quia non solum contrariatur fidei, sed subuertis omnia principia Philosophiæ moralis. Si enim*



*non fit aliquid liberum in nobis, sed ex necessitate mouemur ad volendum, tollitur deliberatio, exhortatio, preceptum, & punitio, & laus, & vituperium. Vbi obseruandum est liberum non opponi coacto, sed illi qui necessitate mouetur ad volendum. Ad huiusmodi autem positiones ponendas inducti sunt aliqui homines, partim quidem propter proteruiam, partim propter aliquas rationes Sophisticas, quas dissoluere non potuerunt. Vtra ex causa ad hanc opinionem noui Dogmatistæ accesserint, Lectoris iudicium esto.*

Suam porrò de illa censuram vt tueatur, probat hominem ex necessitate non moueri ad volendum. *Quemadmodum, inquit, in rebus naturalibus inuenitur forma, quæ est principium actionis, & inclinatio consequens formam, quæ est appetitus naturalis, ex quibus sequitur actio: ita in homine inuenitur forma intellectiua, & inclinatio voluntatis consequens formam apprehensam, ex quibus sequitur exterior actio: sed in hoc est differentia, quia forma rei naturalis est forma indiuiduata per materiam, unde & inclinatio ipsam consequens est determinata ad vnum: sed forma intellecta est vniuersalis, sub qua multa possunt comprehendi. Vnde cum actus sint in singularibus, in quibus nullum est, quod adequet formam vniuersalis, remanet inclinatio voluntatis indeterminatè se habens ad multa. Adeoque penes ipsam est ad vnum potius, quàm ad aliud se determinare. Quantum ergo ad exercitium actus, primò quidem manifestum est quòd voluntas mouetur à se ipsa. At quia voluntas non se mouet ad volendum, nisi iam aliquid velit, ait illam ex voluntate finis mouere se per consilium ad alia volenda. Cum ergo voluntas se consilio moueat, consilium autem sit inquisitio quædam non demonstratiua, sed ad opposita viam habens, non ex necessitate voluntas se ipsam mouet. Statuit autem voluntatem moueri ad primum actum, seu ad volendum consiliari à bona fortuna, seu à Deo: qui cum omnia moueat secundum rationem mobilium, vt leuia sursum, & graua deor-*

*sum: etiam voluntatem mouet secundum eius conditionem, non ex necessitate; sed ut indeterminatè se habentem ad multa. Ex quibus patet quòd si consideretur motus voluntatis ex parte exercitiij actus, non mouetur ex necessitate. Iam verò quod pertinet ad specificationem actus: Si apprehendatur aliquid ut bonum conueniens secundum omnia particularia, quæ considerari possunt, ex necessitate mouebis voluntatem, & propter hoc homo ex necessitate appetit beatitudinem, quæ secundum Boëtium est status omnium bonorum congregatione perfectus. Dico autem ex necessitate quantum ad determinationem actus, quia non potest velle oppositum, non autem quantum ad exercitium actus; quia potest aliquis non velle tunc cogitare de beatitudine &c. Si autem sit tale bonum, quod non inueniatur esse bonum secundum omnia particularia, quæ considerari possunt, non ex necessitate mouebit, etiam quantum ad determinationem actus. Poterit enim aliquis velle oppositum, etiam de eo cogitans. Quare concludit: Sic ergo quantum ad aliqua voluntas ex necessitate mouetur ex parte obiecti, non autem quantum ad omnia: sed ex parte exercitiij actus, non ex necessitate mouetur.*

Hæc rationum summa quibus S. Doctor probat, voluntatem non coactione tantum, sed etiam simplici necessitate esse expeditam. Quibus & multum accedere roboris posset ex iis, quæ in solutionibus argumentorum addit; at ea prætermitto, ne longior sim, vnum tantum perstringo. Obiectum fuerat: Si ergo voluntas hominis immobiliter mouetur à Deo, sequitur quòd homo non habeat liberam electionem suorum actuum. Respondet ad 3. Deus mouet quidem voluntatem immutabiliter propter efficaciam virtutis mouentis, quæ deficere non potest: sed propter naturam voluntatis motæ, quæ indifferenter se habet ad diuersa non inducitur necessitas, sed manet libertas. Sicut etiam in omnibus prouidentia Diuina infallibiliter operatur, & tamen à causis contingentibus proueniunt effectus contingenter, in quantum Deus omnia mouet proportionabiliter, vnumquodque secundum suum modum. Illud



ipsum est quod defendo, Deum mouere Angelorum & hominum voluntates indeclinabiliter, infallibiliter, certissimè, ita tamen vt non inducatur necessitas, sed maneat libertas.

## PARAGRAPHVS II.

*Probatur secundò ex iis locis, quibus voluntati natura simul, & libera potentia rationem tribuit, negatque ad liberum arbitrium pertinere quod necessario volumus.*

CONTENDIT Aduersarius fieri non posse, vt eadem potentia voluntatis circa finem versetur vt natura, & in ea qua sunt ad finem vt potentia libera. Manifestè igitur à S. Thoma dissidet, cuius est istud effatum pluribus consignatum locis, & multiplici ratione stabilitum. Prima quidem parte quæst. 41. art. 2. ad 3. sic loquitur: *Voluntas in quantum est natura quædam aliquid naturaliter vult, sicut voluntas hominis naturaliter tendit ad beatitudinem.* Et quæstione 2. de potentia art. 3. *Voluntas in quantum voluntas, cum sit libera, ad utrumlibet se habet, potest enim voluntas agere, vel non agere: sic, vel sic facere: velle, & non velle.* Quid expressius pro communi sententia dici potuit? Et si respectu alicuius hoc voluntati non conuenit, hoc accidet voluntati, non in quantum voluntas est, sed ex inclinatione naturali, quam habet ad aliquid, sicut ad finem vltimum, quem non potest non velle. sicut voluntas humana non potest non velle beatitudinem, nec potest velle miseriam. Vnde voluntas beatitudinis in homine naturalis est, non libera. *Voluntas*, inquit I. parte quæst. 60. art. 2. in corpore, *naturaliter tendit in suum finem vltimum: omnis enim homo naturaliter vult beatitudinem.* Et ex hac naturali voluntate causantur omnes alia voluntates, cum quidquid homo vult, velit propter finem. Dilectio igitur boni, quod homo naturaliter vult, sicut

Libro 7. de  
grat. Chri-  
stic. cap. 13.

*finem, est dilectio naturalis: dilectio autem ab hac derivata, quæ est boni quod diligitur propter finem, est dilectio electiva. Ergo fallitur, qui ait docuisse S. Thomam ipsam quoque finis voluntatem electivam esse & liberam.*

Eadem inculcat quæst. 22. de veritate art. 5. *Natura autem, & voluntas hoc modo ordinata sunt, ut ipsa voluntas quedam natura sit, quia omne quod in rebus invenitur, natura quedam dicitur. Et ideo in voluntate oportet invenire non solum quod voluntatis est, sed etiam quod natura est: hoc autem est cuiuslibet natura create, ut à Deo sit ordinata in bonum, naturaliter appetens illud. Unde & voluntati inest naturalis quidam appetitus sibi convenientis boni. Et præter hoc HABET APPETERE ALIQUID SECUNDUM PROPRIAM DETERMINATIONEM, NON EX NECESSITATE, QUOD EI COMPETIT IN QUANTUM VOLUNTAS EST. Potuimusne disertius opinionem nostram confirmare, quâ asserimus, voluntatem eatenus tantum esse liberam, quatenus vult aliquid secundum propriam determinationem, non ex necessitate?*

Sed illud ipsum clariùs adhuc tradit 1. p. q. 19. a. 10. in corp. *Dicendum, inquit, quod liberum arbitrium habemus respectu eorum, quæ non necessario volumus, vel naturali instinctu. NON ENIM AD LIBERUM ARBITRIUM PERTINET, QUOD VOLVIMUS ESSE FELICES, sed ad naturalem instinctum. Quid igitur garriunt Aduersarij? quid clamant, certum esse ex S. Thoma nos habere libertatem etiam respectu eorum, quæ naturali necessitate appetimus; atque adeo ad liberum arbitrium pertinere quod volumus esse felices?*



## PARAGRAPHVS III.

*Probatur 3. ex iis locis, quibus ait libertatem esse dominium, & proprium eius actum electionem.*

DVPLICI telo nouam opinionem S. Doctor perimit 1. parte quæst. 82. art. 1. ad 3. *Dicendum*, inquit, *quòd sumus domini nostrorum actuum, secundum quòd possumus hoc vel illud eligere. Electio autem non est de fine, sed de his, quæ sunt ad finem, ut dicitur 3. Ethic. VNDE APPETITVS VLTIMI FINIS NON EST DE HIS, QUORVM DOMINI SUMVS.* Animaduerte 1. affirmare sanctum Thomam, *quòd sumus domini nostrorum actuum secundum quòd possumus hoc, vel illud eligere; cumque inde colligere: Appetitum vltimi finis non esse de his, quorum domini sumus.* Animaduerte 2. illum quoque asserere: *Electiõnem non esse de fine.* Vtrumque tamen Aduersarius negat. Nam & appetitum vltimi finis ait esse electionem: & omnem prorsus voluntatis motum quantalibet necessitate expressum in dominio & potestate voluntatis esse defendit.

Nec illum pudet hanc opinionem suam S. Thomæ adscribere, qui libro 1. contra gentes cap. 68. his illam verbis manifestè reiicit. *DOMINIUM QVOD HABET VOLVNTAS SVpra SVOS ACTVS PER QVOD IN EIVS EST POTESTATE VELLE, VEL NON VELLE, EXCLVDIT DETERMINATIONEM VIRTVTIS AD VNVM.* Et libro 2. cap. 47. *Substantia intellectuales se agunt ad operandum. Hoc autem est proprium voluntatis, per quam substantia aliqua est domina sui actus, utpote in ipsa existens agere, & non agere.* Dominium voluntatis in actum explicat per potentiam agendi & non agendi. Hinc est quòd docet voluntatem eatenus habere dominium in actum, quatenus ad illum se determinat. *Determinatio*, inquit in 2. dist. 25.

q. 1. art. 1. *actionis & finis in potestate liberi arbitrii constituitur. Vnde remanetsibi dominium sui actus.* Idem accuratè explicat quæst. 22. de veritate art. 5. Nam cum statuisset voluntatem, ut natura est, aliquid necessariò velle: nempe finem vltimum: opponit contrà: *Ex eo quod aliquid est voluntarium dicitur esse in nobis, ita quòd nos domini illius sumus: sed illud quod est in nobis, cuius domini sumus, possumus velle, & non velle; Ergo omne quod voluntas vult, potest velle, & non velle; & ita non de necessitate aliquid vult,* Responder ad 7. Dicendum quòd ratio illa procedit de voluntate secundum quòd voluntas est, hoc enim proprium est voluntati, inquantum est voluntas, quòd sit domina suorum actuum. Ergo voluntati inquantum natura est, non conuenit esse dominam suorum actuum, adeoque appetitus finis vltimi, amor sui ipsius in Deo, processio Spiritus sancti, aliarque eiusmodi volitiones, quas Sanctus Thomas ait proficisci à voluntate, ut natura est, non sunt liberæ; quia non oriuntur à voluntate, ut domina sui actus.

Leuius non est ad nouitium errorem præfocandum quod S. Thomas de electione docet. Ait 1. parte, q. 83. art. 3. in corp. *Proprium liberi arbitrii est electio. Ex hoc enim liberi arbitrii esse dicimur, quòd possumus vnum recipere alio recusato, quod est eligere.* Et 1. 2. quæst. 13. art. 2. in corp. *Cum electio sit præacceptio vnius respectu alterius, necesse est quòd electio sit respectu plurium, quæ eligi possunt, & ideo in iis, quæ sunt penitus determinata ad vnum, electio locum non habet.* Hinc colligit art. 3. *Finem non cadere sub electionem.* Et artic. 6. *Electio autem cum non sit de fine, sed de his quæ sunt ad finem, non est perfecti boni, quod est beatitudo, sed aliorum particularium bonorum: & ideo homo non ex necessitate, sed liberè eligit.* Age modò, cum hac doctrina S. Thomæ concilia si potes, quod noua Theologia sciscit, voluntatem nostram libera electione finem vltimum appetere: Beatos



libera electione Deum amare : & Patrem ac Filium libera electione Spiritum sanctum producere.

## PARAGRAPHVS IV.

*Probatur 4. ex iis locis, in quibus Deo, Angelis & homini liberum arbitrium adscribit.*

DISPUTAT I. parte, quæst. 19. art. 10. de Divina libertate, & quærit, *virum Deus habeat liberum arbitrium.* Respondet in corpore articuli : *Dicendum, quod liberum arbitrium habemus respectu eorum, quæ non necessario volumus, vel naturali instinctu.* Non enim ad liberum arbitrium pertinet, quod volumus esse felices, sed ad naturalem instinctum, unde & alia animalia, quæ naturali instinctu moventur ad aliquid, non dicuntur libero arbitrio moveri. Cum igitur Deus ex necessitate suam bonitatem velit, alia verò non ex necessitate, ut supra ostensum est, respectu illorum, quæ non necessitate vult, liberum habet arbitrium. Ergo ex mente S. Thomæ Deus liberum arbitrium non habet respectu illorum, quæ necessitate vult. Quanta est igitur Aduersarij temeritas, qui quolibet pignore contendit, amorem quo Deus necessario se ipsum amat, & productionem Spiritus sancti ad liberum arbitrium pertinere? Superiori loco affinis est alter ex libro 1. contra gentes cap. 88. *Deus alia à se non ex necessitate vult, ut supra ostensum est; Deo igitur liberum arbitrium habere competit.* Nimirum, respectu illorum, quæ non necessitate vult.

Idem quærit in 2. dist. 25 quæst. 1. art. 1. & brevissime controuersiam dirimit in hæc verba : *Ad libertatem arbitrij pertinet, ut actionem aliquam facere, vel non facere possit: & hoc Deo conuenit: bona enim quæ facit, potest non facere.* Nullus hinc tergiuersandi locus, eatenus tantum libertatem arbitrij Deo attribuit, quatenus bona quæ facit, potest non facere. Nam ut ait quæst. 16. de

malo artic. 5. *Deus tanquam proprium finem naturaliter vult suam bonitatem, nec potest non velle eam. Sed quia ad bonitatem eius ordinari possunt diuersi modi, & ordines rerum, voluntas eius non sic fertur ad unam in suis effectibus, quin quantum est de se possit ferri in aliud. ET SECUNDVM HOC COMPETIT DEO LIBERTAS ARBITRII.* Quid ad hæc verba recentes Theologi? His enim S. Thomas manifestè innuit, Deo liberum arbitrium non competere respectu bonitatis suæ, quam naturaliter vult, nec potest non velle.

Quærit rursus quæstione 24. de veritate art. 3. *utrum liberum arbitrium sit in Deo:* Respondet in corpore articuli: *Oportet dicere in Deo liberum arbitrium inueniri, similiter & in Angelis, NON ENIM IPSI EX NECESSITATE VOLVNT.* Vnde quartum argumentum, quod erat eiusmodi: *Liberum arbitrium est potentia ad oppositos actus se habens: sed Deus non se habet ad opposita, cum sit immutabilis, nec in malum flecti possit: ergo liberum arbitrium non est in Deo: sic soluit: Dicendum, quòd voluntas Divina se habet ad opposita, non quidem ut aliquid velit, & postea nolit, quod eius immutabilitati repugnaret: nec ut possit velle bonum, & malum, quia defectibilitatem in Deo poneret: SED QVIA POTEST HOC VELLE, ET NON VELLE.* Si eam de libertate sententiam sanctus Thomas sequeretur, quam illi affingunt Aduersarij, nunquam asseruisset Deum esse liberi arbitrij, quia potest hoc velle, & non velle: & quia quidquid vult, ex necessitate non vult: & quia voluntas eius se habet ad opposita, potestque hoc velle, & non velle: sed hoc vnum suæ opinioni confirmandæ argumentum adhibuisset: Deus est liberi arbitrij, quia quidquid vult, spontè vult, non coactè.

Non minus disertè nouæ opinionis iugulum petit, cum eadem quæstione art. 1. de humana libertate disputat. Nullus, inquit, debet puniri, vel premiari pro eo, quod non est in eius potestate facere, & non facere: sed ho-



*mo iussu à Deo premitur, vel punitur pro suis operibus: ergo homo potest operari, & non operari, & ita est liberi arbitrij. Nota posteriora hæc verba, quibus docet, ideo hominem esse liberi arbitrij, quod potest operari, & non operari. Eodem loco sibi obiecerat 12. Homo respectu eorum non habet libertatem, respectu quorum habet necessitatem: ergo ad peccata homo non est liberi arbitrij. Neque respondet, ut Aduersarij solent, non repugnare libertati simplicem necessitatem, sed ait, hominem habere quidem necesse peccare aliquo modo, nullius tamen respectu habere necessitatem.*

*Sed nunquam ad rem nostram aptius loquutus est, quàm quæst. 22. de verit. art. 6. in corpore. Cum autem, inquit, voluntas dicatur libera, in quantum necessitatem non habet; libertas voluntatis in tribus considerabitur, scilicet quantum ad actum, in quantum potest velle, vel non velle; & quantum ad obiectum, in quantum potest velle hoc, vel illud, & eius oppositum; & quantum ad ordinem finis, in quantum potest velle bonum, vel malum: sed quantum ad primum horum, inest libertas voluntati in quolibet statu natura, respectu cuiuslibet obiecti. Secundum verò horum est respectu quorundam obiectorum, scilicet respectu eorum, quæ sunt ad finem, & non ipsius finis, & etiam secundum quemlibet statum natura. Tertium verò non est respectu omnium obiectorum, nec respectu cuiuslibet status natura, sed illius tantum, in quo natura deficere potest. Libertatem semper necessitati, coactioni nunquam, opponit.*

*Ac pro triplici necessitate triplicem quoque libertatem statuit. Prima, quæ simplicem necessitatem respectu actus excludit, & est libertas contradictionis, quæ potest voluntas actum promere, vel continere. Secunda, quæ necessitatem respectu obiecti remouet, quæ libertas contrarietatis latè sumptæ dicitur, quia penes illam est hoc, vel illud obiectum amplecti. Tertia, quæ determinationem respectu finis areet, quæ libertas est contrarietatis propriè dictæ, quod bonum inter ac ma-*

lum, pari utriusque asciscendi iure, suspensa sit. Suam hinc e mentis libertatis larvam, si possunt, extundant Aduersarij?

Quam libertatem Deo, Angelis, & hominibus S. Doctor haftenus attribuit, eandem brutis abiudicat quæst. 24. de veritate art. 2. *Quia*, inquit, *cum iudicium eorum sit determinatum ad unum, per consequens & appetitus, & actio ad unum determinatur. Vnde secundum Augustinum mouentur visis, & secundum Damascenum aguntur passionibus: quia naturaliter de tali viso, & de tali passione sic iudicant. Vnde necesse habent ab ipsa visione alicuius rei, vel à passione insurgente moueri ad fugiendum, vel prosequendum. Sicut ovis, viso lupo, necesse habet timere, & fugere: & canis, insurgente passione ira, necesse habet latrare, & prosequi ad nocendum: sed homo non necessario mouetur ab his, quæ sibi occurrunt, vel à passionibus insurgentibus, quia potest ea accipere, vel refugere: & ideo homo est liberi arbitrij, non autem bruta. Sola ratio, cur homo sit liberi arbitrij, non verò bruta, est: quod insurgentibus passionibus, aut occurrentibus visis, non necessario moueatur homo, bruta verò necessario moueantur: Ergo necessitas est, quæ opponitur libertati. Vnde quod obiectum fuerat, bruta moueri præceptis, aut terreri minis, quod libertatis indicium est, ita soluit ad 7. Dicendum, quod tam homines, quàm bruta beneficiis inducuntur, & flagellis prohibentur, vel præceptis & prohibitionibus, sed diuersimodè: quia in potestate hominum est, ut iisdem rebus similiter representatis, siue sint præcepta, & prohibitiones, siue beneficia, & flagella, eligant, vel fugiant iudicio rationis: sed in brutis est iudicium naturale determinatum ad hoc, ut id, quod uno modo proponitur, vel occurrit, eodem modo accipiat, vel fugiat. Dicit probari ex præceptis inesse homini liberum arbitrium, quia iisdem præceptis eodem modo representatis, in potestate hominis est, ut eligat, vel fugiat. At ex iisdem probari non posse, bruta esse liberi arbitrij, quia id, quod eodem modo illis repræsen-*



tatur, eodem semper modo agunt: nec est in eorum potestate agere, vel non agere. Quibus verbis communis liberi arbitrij notio & explicatur clarissimè, & validissimè comprobatur.

## SECTIO II.

*Aliquot S. Thomæ testimonia, quæ dudum à Calvinistis aduersus communem de libertate opinionem proposita sunt, & à Catholicis Doctõribus soluta, ex S. Doctõris mente paulò fusiùs explicantur.*

**H**ABET illud error omnis, ut obstinatos faciat, quos semel imbuerit. Tam euidentibus S. Thomæ testimoniis nihil mouentur noui dogmatis opifices; sed patrocinari sibi S. Doctorem, & libero arbitrio solam coactionem opposuisse, insigni pertinaciâ vociferantur. Quòd si interrogas: Quid ergo S. Thomas hæreticam, & erroneam esse docet opinionem illam, quæ statuit, homines ex necessitate eligere, non tamen cogi? Nihil ad rem respondebunt: sed fucum facere, & aliquot S. Thomæ testimoniis, quibus aliàs Calvinistæ pro eadem opinione confirmanda abusi sunt, se vtcunque tueri conabuntur. Qua in re nihil æquè illorum diffidentiam loquitur, quàm quòd ita S. Doctõris arbitrio totam hanc controuersiam dirimi volunt, ut eius mentem non ex iis locis exprimant, in quibus de libero arbitrio ex professo tractat: sed ex pluribus aliis, in quibus diuersa prorsus agit, nec de libertate, nisi strictim, loquitur. Hos ego ex Catholicorum, qui aduersus Calvinistas scripserunt, mente, atque ipsius etiam Guillelmi Estij, quem præ cæteris Theologis Aduersarij prædicant, verbis explicabo.

## PARAGRAPHVS I.

*Soluuntur S. Thomæ testimonia, in quibus liberum arbitrium cum naturali necessitate coniungi videtur.*

OPPONUNT Calvinistæ apud Guillelmum Estium in 2. dist. 24. §. 2. peruagatissimum S. Thomæ locum ex quæst. 10. de potentia art. 2. ad 5. ubi ita loquitur: *Naturalis necessitas, secundum quam voluntas aliquid ex necessitate velle dicitur, ut felicitatem, libertati voluntatis non repugnat, ut Augustinus docet in 5. de Ciuitate Dei cap. 10. Libertas enim voluntatis violentiæ, vel coactioni opponitur. Non est autem violentia, au. coactio in hoc, quod aliquid secundum ordinem suæ naturæ mouetur. Vnde voluntas liberè appetit felicitatem, licet necessariò appetat illam. Sic autem & Deus suâ voluntate liberè amat seipsum: liberè ergo Spiritus sanctus procedit à Patre, non tamen possibiliter, sed ex necessitate.* Hunc S. Thomæ locum perpetuò crepant noui dogmatis fautores, eoque rem confici tam certò arbitrantur, ut cum illum proposuere, quasi partâ victoriâ, triumphum canant. Sed umbratilis est illa, & imaginaria victoria. Nam quis putet, illo articulo, quo quærit S. Thomas, *utrùm in Diuinis sit una tantum processio, vel plures*, grauissimam de libero arbitrio difficultatem examinari? At ne quis putet, tergiuersari me, & Aduersariorum more difficultatem eludere.

Ad obiectum locum, aliòsque eiusdem sententiæ à Calumnistis propositos, respondent Catholici Doctores, atque imprimis Guillelmus Estius loco citato: *S. Thomas generalius loquitur de libertate voluntatis; dum dicit eam violentiæ, vel coactioni opponi, non autem naturali necessitati. Dicit enim quod voluntas liberè appetit fe-*



*licitatem, licet necessario eam appetat: & quod Deus liberè sua voluntate amet seipsum, licet id faciat necessario: & quod Spiritus sanctus liberè procedat à Patre, licet procedat ex necessitate; non tamen dicit has esse actiones liberi arbitrij. Voluntas ergo generali modo dicitur libera quatenus spontanea est, & non coacta; voluntatis autem arbitrium non dicitur, nisi quatenus potest ad utrumlibet. Responsionis summa est. S. Thomam libertatem à libero arbitrio distinguere: libertatis nomine, libentiam, ut ita dicam, intelligit, seu id, quod liber, id est, quod sponte fit, non coactè; atque ita libertati solam coactionem opponit, quia sola coactio voluntarium, seu libentiam tollit. Hoc modo, etiam quæ necessario fiunt, possunt liberè fieri, id est, libenter. Sic Deus liberè amat seipsum, id est, libenter, non coactè. At liberi arbitrij nomine, eam solam potentiam comprehendit, quæ se habet ad opposita, & quæ potest velle, & non velle. Hinc primâ parte, quæst. 19. art. 10. in corpore, negat libero arbitrio fieri, quod necessario fit. Dicendum, inquit, quod liberum arbitrium habemus respectu eorum, quæ non necessario volumus, vel naturali instinctu. Non enim ad liberum arbitrium pertinet, quod volumus esse felices, sed ad naturalem instinctum. Cum igitur Deus ex necessitate suam bonitatem velit; alia verò non ex necessitate, ut supra ostensum est, respectu eorum, quæ non necessario vult, liberum habet arbitrium.*

Vnde sic disputo: Ex loco quem opponunt Aduersarij: *Voluntas liberè appetit felicitatem, licet necessario appetat illam; & Deus suâ voluntate liberè amat seipsum.* Aliunde ex Summa, primâ parte quæst. 19. art. 10. *Liberum arbitrium habemus tantum respectu eorum, quæ non necessario volumus: adeoque non pertinet ad liberum arbitrium, quod volumus esse felices. Nec Deus habet liberum arbitrium respectu eorum, quæ necessario vult.* Ergo ex mente S. Thomæ diuersa sunt liberè velle, & libero arbitrio velle: libera voluntas, & liberum arbitrium. Quam.

630 DISPUT. DE LIBERO ARBITRIO  
mentem suam ita exponit, quæst. 24. de veritate art.  
1. ad 20. ut omnem scrupulum eximat. Ait enim nos  
habere liberam voluntatem respectu finis ultimi, quia  
*necessitas naturalis inclinationis libertati non repugnat, se-*  
*condum August. 5. de Civit.* Negat autem nos habere  
liberum arbitrium respectu eiusdem finis ultimi, quia  
*non cadit sub electionem.* Ecce tibi distinguit S. Thomas  
liberam voluntatem à libero arbitrio: primum conce-  
dit stare posse cum necessitate naturalis inclinationis;  
secundum negat.

Confirmatur ex eo, quòd S. Thomas nusquam asse-  
rat necessitatem naturalis inclinationis non pugna-  
re cum libertate arbitrij, aut electionis; sed tantum  
cum libertate voluntatis. Ita quæst. 22. de veritate art.  
5. ad 1. *Auctoritas illa est intelligenda, de necessitate co-*  
*actionis qua repugnat voluntati: non autem de necessitate*  
*naturalis inclinationis, qua secundum Augustin. in 5. de*  
*Civit. voluntati non repugnat.* Ibid ad 3. *Libertas secun-*  
*dum Augustinum opponitur necessitati coactionis: non au-*  
*tem naturalis inclinationis.* Quæst. 23. de veritate art. 4.  
*Voluntas Divina necessitatem habet, non quidem coactionis,*  
*sed naturalis ordinis, qua libertati non repugnat, secundum*  
*Augustinum.* Semper loquitur de libertate, seu libentia  
voluntatis, quando cum illa necessitatem conciliat:  
nunquam de libero arbitrio.

Instabis, S. Thomam electionem cum necessitate  
coniungere in 2. dist. 25. art. 1. ad 4. Dico, inquit,  
quòd quedam ordinata sunt ad finem ultimum beatitudinis,  
qua ipsi fini coniungunt, ut videre, amare, & huiusmodi:  
& respectu horum, eris (in Beatis) sempiterna & libera  
electio. Respondeo, ex hoc loco effici non posse amo-  
rem beatificum esse formaliter liberum, & propriè  
dictam electionem, quin idem (quod tamen Adver-  
sarius ipse ineptum esse fatebitur) de visione beatifi-  
ca adstruatur. Nam illa duo, *videre, & amare*, S. Do-  
ctor coniungit, atque respectu illorum futuram in



Beatis sempiternam & liberam electionem. Quapropter quemadmodum nemo affirmaverit S. Thomam hoc loco velle, visionem beatificam esse formaliter liberam electionem, aut ex aliqua libera electione antecedenti proficisci; ita nec asserere potest, eundem pugnare, amorem beatificum esse liberam electionem formaliter, aut ab aliqua libera electione antecedenti oriri. S. Doctoris mentem ut assequaris, observa, agere illum eo loci de Divina libertate, quam hac ratione probat: *Ad libertatem arbitrii pertinet, ut actionem aliquam facere, vel non facere possit: & hoc Deo convenit; bona enim quæ facit, potest non facere.* Eadem ratio non tantum Angelis, per gratiam in bono confirmatis; sed etiam creaturæ quæ naturaliter Deo adhereret, liberum arbitrium vindicat. Quia, ut ait quæst. 24. de veritate art. 1. ad 16. *Si aliqua creatura immobiliter adhereret Deo, non propter hoc privatur libero arbitrio: quia potest adherendo multa facere, vel non facere.* Quo sensu liberam Beatis electionem tribuit in 2. dist. 7. art. 1. ad 1. *Dicendum, inquit, quod rationalis potestas dicitur esse oppositorum, quæ sub electionem cadunt: quorum proprium est liberum arbitrium.* Deinde; *Apud Angelos, qui ipso fine perficiuntur, impossibile est esse voluntates alicuius eorum, quæ à fine deordinantur, cuiusmodi est voluntas peccati. Sed tamen possunt velle hoc, vel illud, quorum neutrum à fine deordinatur.* Est igitur in Beatis aliqua electio, non respectu ipsius finis, sed respectu eorum, quæ à fine non auerunt.

At hîc tamen emergit difficultas alia, quam ita proponit loco ab Aduersariis citato: *Electio est eorum, quæ sunt ad finem: sed veniente fine cessant ea, quæ sunt ad finem: Cum ergo Beati fini ultimo coniuncti sint, videtur quod ad eos non pertinet electio, & per consequens nec liberum arbitrium.* Respondet ad 4. *Dicendum, quod illud quod est ad finem est duplex: quoddam enim est distans à fine, & quoddam est coniunctum fini.* Inter ea, quæ distant à fine, numerat fidem, & spem: quarum altera ad

632 DISPUT. DE LIBERO ARBITRIO  
intellectum, altera ad voluntatem pertinet. Quare  
cum veniente fine, cessent ea, quæ ita sunt ad finem,  
ut ab eo distent; nihil Beati credendum, nihil speran-  
dum eligere poterunt. Sed omnis eorum electio circa  
ea versabitur, quæ ita ordinantur ad finem, ut ab eo  
non distent, cuiusmodi sunt *videre & amare*. Nam mul-  
ta sunt, quæ liberè in Deo vident, & amant. Neque enim  
hic agitur de visione beatifica, & amore beatifico. Quia  
ne ipsi quidem Aduersarij dicere audent, circa visio-  
nem beatificam futuram in Beatis liberam electionem,  
nisi fortè per actum reflexum, qui formaliter in Beatis  
liber est libertate exercitij.

Quamobrem licet Aduersariis concederem, quod  
ipsi euincere non possunt, S. Thomam agere de visio-  
ne beatifica, & amore beatifico, nihil tamen essent  
consequuti. Nam continuò pugnarem loqui illum de  
electione reflexa; siquidem alia circa visionem beatifi-  
cam, omnem prorsus in Beatis actum voluntatis ante-  
cedentem, ne ex Aduersariorum quidem opinione,  
electio esse potest. Verùm ut intelligas quæ fieri possit,  
ut circa ipsam visionem beatificam libera electio ver-  
setur, animaduerte duplicem esse electionem liberam.  
Prima, strictè, & propriè dicta: estque medij libera vo-  
litio ea, vi cuius medium ipsum ponitur, cum posset  
absolutè non poni. Secunda, latè sumpta, ac minus  
propriè: & est libera volitio medij, quod absolutà ne-  
cessitate, non autem vi eiusmodi voluntatis ponitur.  
Qualis videri potest illa, quæ quis, verbi gratiâ, mor-  
bum, quem necessariò pateretur, nec posset excute-  
re, sed qui tamen esset medium aptissimum, immo  
necessarium ad animi salutem procurandam, liberâ  
voluntate vellet, cum posset non ita velle. Hæc enim  
libera talis medij volitio, quædam utcumque electio  
est, quia est libera volitio medij. Iam igitur ad argu-  
mentum dico, primum electionis genus, quoad visio-  
nem & amorem beatificum nec fuisse concessum Bea-  
tis



tis à sancto Thoma; neque verò potuisse concedi. Neque enim, opinor, vi electionis illius, quæ iis inesse dicitur, necessarios videndi, atque amandi actus eliciunt ita, ut possint absolute non elicere: non igitur iisdem tribuitur electio visionis & amoris alia, quàm libera eorumdem actuum volitio: quatenus nimirum, visionem illam, & amorem, quibus necessariò Deo coniunguntur, voluntatis actu distincto, & reflexo, liberè volunt, cum ab eo absolute possent abstinere, quia voluntas illa non est necessaria necessitate exercitij, sed tantum necessitate specificationis. Nam si eiusmodi voluntas esset necessaria necessitate exercitij, ergo ipsam Beatus, utpote quæ connexionem haberet necessariam cum ultimo fine, necessariò vellet actu, & quidem actu nouo atque distincto: in quem rursus actum, quia peræquè necessarius esset, nouâ, necessariâque voluntate ferretur, processu in infinitum vitiosissimo.

## PARAGRAPHVS II.

*Explicantur S. Thomæ loci, in quibus libero arbitrio solam coactionem opponere videtur.*

OBIICIUNT Calvinistæ apud eundem Guilelmum Estium, aliquot S. Doctoris testimonia, in quibus natiuam arbitrij libertatem eam esse docet, quæ coactionem excludit. Sic 1. parte, quæst. 83. art. 2. ad 3. ait: *hominem peccando liberum arbitrium perdidisse, non quantum ad libertatem naturalem, quæ est à coactione, sed quantum ad libertatem, quæ est à culpa & miseria.* Quem locum aliòsque à Calvinistis dudum obiectos acriùs vrget nouæ instaurator opinionis; atque identidem inculcat, quod S. Doctor habet in 2. dist. 25. quæst. 1. art. 4. *Liberum arbitrium dicitur ex eo, quòd cogi non potest.*

Sed dudum est quòd hæc rela in Calvinistarum manibus Doctores Catholici infregerunt. Respondet Guillelmus Estius, S. Thomam his in locis *posuisse coactionem pro necessitate*. Addit Pennottus libro 1. cap. 17. *Ante exortum errorem recentiorum dicentium, solam indifferentiam à coactione, & violentia sufficere ad constituendam veram libertatem, Theologos necessitatem à coactione accuratè non distinxisse. Verùm superuenientibus NOVIS HÆRETICIS, qui concessâ humane voluntati indifferentiâ, seu immunitate à necessitate coactionis, nihilominus ipsam voluntatem subiiciunt necessitati naturalis inclinationis, & determinationis ad unum, opus fuit hoc duplex genus necessitatis præstius distinguere. Nullusque deinceps fuit inter Catholicos Doctores, qui admisisset solam indifferentiam à coactione sufficere ad veram libertatis rationem constituendam.*

Sed quandoquidem de S. Thomæ opinione digladiamur, age, locum illum consulamus ex 2. dist. 25. q. 1. art. 4. quo præcipuè noua secta gloriatur. *Liberrum arbitrium, inquit, dicitur ex eo, quòd cogi non potest. Quid porro coactionis nomine intelligat continuò exponit in hæc verba: Coactio autem, ut prius dictum est, est duplex. una compellens, & alia inducens, vel impellens. Hoc autem est naturale, & essentialiter libero arbitrio, ut sufficienter non cogatur coactione compellente, & hoc sequitur ipsum in quolibet statu. Coactio igitur illa, quam naturaliter & essentialiter liberum arbitrium excludit, est coactio sufficiens, seu compellens. De qua articulo 2. ita constituerat: Dicendum quòd est duplex coactio, quædam sufficiens, quæ compulsio vocatur: quædam verò insufficientis, quæ vocatur impulsio. Sciendum est igitur quòd in partibus animæ quædam sunt, quæ compelli possunt: sed dupliciter. Quædam enim compelluntur ex subiecto, sicut illæ vires, quæ sunt organis affixæ: cum enim sine organis operationes haberi non possint, compulsis organis, ipsæ vires prohibentur, vel compelluntur earum actibus violentè ex-*



toris. *Quedam verò sunt, quæ quidem subiecto non compelluntur, quia organis affixa non sunt, compelluntur tamen obiecto, sicut intellectus &c. qui demonstrationis vi cogitur. Voluntas autem neque subiecto cogi potest, cum non sit organo affixa, neque obiecto: quantumcunque enim aliquid ostendatur esse bonum, in potestate eius remanet, eligere illud, vel non eligere. En cur voluntas, vt voluntas, non cogatur; quia potest eligere, vel non eligere. Hoc autem ipsum quid aliud est, quàm ad vnum non determinari? Vnde paulò post non obscurè significat voluntatem vt natura est cogi. Hanc enim rationem reddit, cur intellectus cogatur, voluntas non item; Ratio est, quia obiectum intellectus est verum: obiectum autem voluntatis est bonum. Inuenitur autem aliquod verum, in quo nulla falsitatis apparentia admisceri potest, vt patet in dignitatibus: vnde intellectus non potest subterfugere quin illis assentiat. Et ideo ab iis cogitur. Similiter etiam si proponatur voluntati aliquod bonum, quod completam boni rationem habeat, vt ultimus finis, propter quem omnia appetuntur, non potest voluntas hoc non velle. Adeoque & ab illo patitur compulsionem sufficientem. In his autem quæ ad finem ultimum ordinantur, nihil inuenitur adeo malum, quin aliquod bonum admixtum habeat: nec aliquod adeo bonum, quod in omnibus sufficiat, vnde quantumcunque ostendatur bonum vel malum, semper potest adherere, & fugere in contrarium. Sicque ab obiecto non cogitur compulsionem sufficienti. Et inde est quod in omnibus quæ sub electione cadunt, voluntas libera manet, in hoc solo determinationem habens, quod felicitatem naturaliter appetit. Ac proinde in hoc solo sufficientem compulsionem passa. Ex quibus meridiana luce clarius est, coactionem illam sufficientem, quam S. Doctor libero arbitrio inimicam esse ait, aliud nihil esse, quàm determinationem, quæ voluntati potestatem ad vtrumlibet eripit.*

Alia est apud S. Doctorem coactionis notio, quæ

cum violentiam hominis inclinationi contrariam importet, voluntati inferri non potest. De qua loquitur quæst. 22. de veritate art. 5. ad 3. *Coactio*, inquit, *non est contraria intellectui secundum suam rationem, sicut & voluntati. Intellectus enim si habeat inclinationem in aliquid, non nominat ipsam inclinationem hominis; sed voluntas ipsam inclinationem hominis nominat. Unde quidquid sit secundum voluntatem, sit secundum hominis inclinationem, & per hoc non potest esse violentum. Sed operatio intellectus potest esse contra inclinationem hominis, quæ est voluntas, ut cum alicui placeat aliqua opinio, sed propter efficaciam rationum deducitur ad assentiendum contrario per intellectum.* Verum certum est non hanc esse coactionem illam, quam compulsionem sufficientem vocat, & de qua ita statuit in 2. dist. 25. quæstione 1. artic. 4. *Naturale & essentiale est libero arbitrio, ut sufficienter non cogatur coactione compellente.* Probat 1. quod affirmet, intellectum pati hanc compulsionem sufficientem respectu cuiuscunque obiecti ita evidentis, *ut intellectus non possit subterfugere, quin illi assentiatur.* Coactionem verò aliam tunc tantum illum pati, cum aduersus voluntatis inclinationem vi rationum alicui rei assentiri cogitur. Probat 2. quod asserat voluntatem idcirco compulsionem sufficientem non cogi; quia *quantumcunque aliquid ostendatur voluntati esse bonum, in potestate illius remanet eligere vel non eligere.* Violentam verò coactionem aliam idcirco voluntati repugnare ait; quia cum sit ipsa hominis inclinatio, quidquid vult, secundum hominis inclinationem esse oportet. Probat 3. quod affirmet omnem potentiam, quæ naturali appetitu in obiectum fertur, cogi ab illo compulsionem sufficientem; adeoque ipsam voluntatem, quatenus natura quædam est, compulsionem ab obiecto sufficienter pati; quod profectò falsum est de coactione illa violenta, quæ hominis inclinationi aduersatur. *Omnes alie vires animæ*, inquit in 3. dist. 27. q. 1. a. 2. *cogun-*



tur à suis obiectis prater voluntatem; quia omnes alie habent appetitum naturalem tantum respectu sui obiecti. Voluntas autem habet, prater inclinationem naturalem, aliam cuius est ipse volens causa. Ergo respectu inclinationis naturalis voluntas ab obiecto cogitur, compulsionem nimirum sufficienti, quam in 2. dist. 25. q. 1. art. 4. *determinationem*, & necessitatem appellat.

Satis illud ipsum innuit, dum ait ad 5. *Virtutem coactivam sufficienter super libero arbitrio non habere corpora celestia*; quia homo sapiens dominatur astris, & per sapientiam suam potest visitare ea, ad quæ astra disponunt. Et quæst. 24. de veritate art. 12. ad 12. Scribit, quod cupiditas non potest intelligi esse cogens absolute liberum arbitrium, quia potest illi resisti, licet cum difficultate. Quapropter in 2. dist. 25. quæst. 1. art. 4. Si consideretur, inquit, libertas secundum quod remouetur perfecta coactio, SIC ERIT LIBERTAS A COACTIONE ET NECESSITATE, quæ quidem per se, & semper liberum arbitrium sequitur. Et ad 5. libertatem, quæ coactionem seu compulsionem excludit, vocat *libertatem necessitatis*. Item ad 1. Libertas, inquit, à necessitate omnibus statibus communis est.

Hæc certè omnia inuidè probant Guillelmum Estium, aliòsque Doctores Catholicos ex sancti Thomæ mente ea loca explicasse, quibus Calvinistæ perperam abutebantur, ut solâ coactione liberum arbitrium deleri confirmarent. Instant nihilominus Aduersarij, aiuntque S. Thomam hac in parte Magistri opinionem sequi, quem certum est non aliam à libero arbitrio necessitatem repellere, quàm quæ coactio appellatur. Verùm testantur Guillelmus Estius, Pennotrus, Scribonius aliique ferè omnes, qui aduersus Calvinum Catholicam de libertate opinionem propugnarunt, nefandum Hæresiarcham hanc primùm Magistro sententiarum notam iussisse. Eius verba sunt libro 2. Institut. cap. 6. §. 6. *Pronuntiat tandem Lombardus, non li-*

638 DISPUT. DE LIBERO ARBITRIO  
 beri arbitrij non esse, quod ad bonum & malum, vel agen-  
 dum vel cogitandum peraquè polleamus: sed dumtaxat  
 quod à coactione soluti sumus. Respondent Doctores  
 Catholici calumniari illum insigniter, & nihil præter  
 consuetudinem agere mendacio assuetum. Scribonij verba  
 sunt disputatione de libero arbitrio quæst. 2. Porro de  
 Magistri sententia satis constare, cum in 2. dist. 25.  
 littera A ita pronuntiet: *Potestas ipsa, quam supra dixi-*  
*mus esse liberum arbitrium, libera est ad utrumlibet; quia*  
*liberè potest moueri ad hoc, vel ad illud.* Et littera B ait,  
 liberum arbitrium indeterminatum ad utrumlibet esse  
 debere: ac proinde cum subdit liberum arbitrium op-  
 poni coactioni, coactionem pro necessitate ad vnum  
 aliquid voluntatem alligante vsurpare. *Quæ quidem ac-*  
*ceptio, inquit Estius, non est omnino aliena à communi vsu*  
*loquendi.*

### PARAGRAPHVS III.

*Exponuntur S. Thomæ testimonia, in quibus vide-*  
*tur solam à coactione libertatem ad meritum re-*  
*quirere.*

Nihil æquè Caluini opinionem subleuare videtur,  
 quàm quod eius fautores ex S. Thomæ opponunt apud  
 Didacum Ruiz Tomo de Scientia Dei disputat. 45.  
 sect. 4. S. Doctoris verba sunt in 3. distinct. 18. quæst.  
 1. art. 2. ad 5. *Liberum arbitrium Christi Domini, si esset*  
*determinatum ad vnum numero, sicut ad diligendum Deum,*  
*quod non facere non potest; tamen ex hoc non amittit liber-*  
*tatem, neque rationem laudis siue meriti; quia in illud non*  
*coacte sed sponte tendit; & ita est actus sui dominus.* Eun-  
 dem locum importunè nobis occinunt nouæ opinio-  
 nis architecti, atque inde pugnant, *Opus esse laude,*  
*vel visuperio dignum: meritortum, vel demeritorium, ex*



*hoc, quoddam est voluntarium, spontaneum, non coactum, tamen si sit determinatum ad unum. Sed aduersus hanc opinionem*

Oppono 1. pugnare illam cum noui Doctoris principiis. Docet enim satis non esse ad vituperium, aut demeritum, ut quis sponte agat, sed requiri insuper aliquam libertatem ad vtrumlibet, quam ex Adamo in nostra deriuare peccata conatur. Hinc contendit peccandi necessitatem, quæ esset à natura insita peccatum excusaturam.

Oppono 2. pugnare eandem cum SS. Patribus, qui aduersus Manichæos constanter docent, hominem laudis nihil, aut meriti habiturum, si sponte quidem, at naturali inclinatione bene ageret. Quod argumentum præcipuè vrgent S. Augustinus, Tertullianus, Clemens Romanus, & alij quos appellauimus libro 2. cap. 3. sectione 2. paragrapho 1. Ex quibus ibidem demonstraui satis non esse ad meritum libertatem à coactione. Et sane si ex Aduersarij opinione voluntas Christi, etiamsi ex vnione hypostatica ad aliquem virtutis actum eliciendum esset determinata, mereri tamen in illo actu potest, quia sponte, non coactè eum elicit; bona quoque anima in Manichæorum opinione, etiamsi naturali inclinatione bonum amaret, mereri tamen posset, quia sponte non coactè illud amaret. Quod tamen S. Augustinus, alijque Patres, ut ineptum, & à veritate, ac communi hominum sensu alienissimum reiciunt.

Oppono 3. communem Scholasticorum consensum. Quos inter Nicolaus Ysambertus ita scribit Tractatu de Incarnatione disp. 2. de libertate Christi, art. 2. *Libertas humane voluntatis Christi Domini non est tantum libertas à coactione, sed etiam à necessitate. Hæc propositio ita est certa, ut S. Thomas in questionibus disputatis quest. 6. de malo, art. 1. dicat opinionem contrariam nostre propositioni esse Hæreticam.* Eadem tradunt Alexander Pefan-

640 DISPUT. DE LIBERO ARBITRIO  
tius in 3. quæst. 18. disp. 2. & Petrus de Cabrera ibi-  
dem.

Oppono 4. plures S. Thomæ locos, in quibus con-  
stanter docet, Christum eatenus tantum mereri po-  
tuisse, quatenus erat liber ad vtrumlibet. Sic quæstio-  
ne 29. de veritate art. 6. ad 1. *Dicendum*, inquit, *quod*  
*licet anima Christi esset determinata ad unum secundum ge-*  
*nus moris; scilicet ad bonum, non tamen erat determinata ad*  
*unum simpliciter: poterat enim hoc, vel illud facere, & non*  
*facere: ET IDEO LIBERTAS IN EO REMANEbat,*  
*QVÆ REQVIRITVR AD MERITVM.* Et 3. par-  
te quæst. 18. art. 4. ad 3. *Dicendum quod voluntas Christi*  
*licet sit determinata ad bonum: non tamen est determinata*  
*ad hoc, vel ad illud bonum: & ideo pertinet ad Christum*  
*eligere per arbitrium confirmatum in bono. Quatenus ni-*  
*mirum ex pluribus bonis hoc vel illud eligere potest.*  
Eo quoque loco, quem obiiciunt Aduersarij, cum ita  
opponeretur: *Naturalibus non meremur propter hoc quod*  
*sunt determinata ad unum: sed liberum arbitrium in Chri-*  
*sto erat determinatum ad bonum; Ergo ipse per liberum ar-*  
*bitrium mereri non potuit.* Respondet ad 5. *Dicendum, quod*  
*liberum arbitrium Christi non erat determinatum ad unum*  
*secundum numerum: sed ad unum secundum genus; scilicet*  
*ad bonum, quia in malum non potest.*

Instabis nihilominus. Quid ergo S. Doctor aliam con-  
tinuò responsionem subtexit in hæc verba: *Vel dicen-*  
*dum quod si etiam esset determinatum ad unum numero, si-*  
*cut ad diligendum Deum, quod non facere non potest, tamen*  
*&c.* Quibus verbis 1. admittit determinationem ad v-  
num numero, quam in priori responsione negauerat. 2.  
ait hanc determinationem nihil officere libertati aut  
merito. 3. rationem subiicit inde petitam, quod hæc  
determinatio non impediatur quò minus sponte agat, &  
non coactè. Respondent nonnulli Catholici scripto-  
res, atque hæc mens esse videtur Pesantij, & Cabreræ,  
S. Doctorem ex aliorum opinione postremam hanc  
solu-



solutionem adiecisse; atque indicasse satis minùs sibi probari, cùm in Quæstionibus disputatis & Summa, in quibus eandem aduersùs liberum Christi arbitrium obiectionem soluit accuratè, ne eius quidem mentionem fecit; verùm commodior alia, & ad S. Doctoris mentem magis accommodata adhiberi solutio potest. Quam vt intelligas, reuoca in memoriam, quæ ex quæst. 22. de veritate art. 6. superiùs recitavi. *Cùm voluntas, inquit, dicatur libera, in quantum necessitatem non habet; libertas voluntatis in tribus considerabitur: scilicet quantum ad actum, in quantum potest velle, vel non velle; & quantum ad obiectum, in quantum potest velle hoc, vel illud, & eius oppositum; & quantum ad ordinem finis, in quantum potest velle bonum, vel malum.* Libertas ad meritum requisita non excludit determinationem ad bonum, vel ad obiectum. Imò & stare potest cum determinatione ad vnum numero obiectum; quia sola indifferentia exercitij, quâ posset actum circa obiectum illud exerce, vel suspendere; ad propriam libertatis rationem pertinet.

Hoc vnum S. Thomas spectat loco ab Aduersariis citato. Nam in prima quidem responsione ait, Christo conuenire libertatem ad meritum necessariam; quia licet determinatus sit ad bonum in genere, libertatem nihilominus habet circa varia specie & numero bona. *Dicendum, inquit, quòd liberum arbitrium Christi non erat determinatum ad vnum secundum numerum; sed ad vnum secundum genus, scilicet ad bonum.* Eandem solutionem clarioribus verbis concepit 3. parte quæst. 18. art. 3. ad 4. *Dicendum quòd voluntas Christi, licet sit determinata ad bonum: non tamen est determinata ad hoc, vel ad illud bonum; & ideo pertinet ad Christum eligere per arbitrium confirmatum in bono.* At in 2. solutione docet Christum, etiamsi determinatus esset ad hoc numero bonum, non tamen amissurum rationem laudis ac meriti; Quid ita? Quia adhuc, inquit, *est actus sui dominus.* Actus dominum dicit, non obiecti; quia ad vnum obiectum numero determina-

642 DISPUT. DE LIBERO ARBITRIO  
tum supponit, non ad actum. Porro dominium illud  
in actum excludit determinationem ad agendum, aut  
non agendum, iuxta illud ex libro 1. contra gentes cap.  
68. *Dominium quod habet voluntas supra suos actus, per  
quod in eius est potestate velle, vel non velle, excludit de-  
terminationem virtutis ad unum.* At non excludit deter-  
minationem ad vnum obiectum; quia illa stante po-  
test adhuc agere, vel non agere; & ex illis contradicto-  
riis duobus alterutrum eligere. Sicque perfecta domi-  
nii ratio conseruatur, de qua S. Thomas ita loquitur 1.  
parte quæst. 82. artic. 1. ad 3. *Dicendum quod sumus do-  
mini nostrorum actuum, secundum quod possumus hoc, vel  
illud eligere.*

Neque huic interpretationi aliquid nocent hæc S.  
Doctoris verba: *Quia in illud non coacte, sed sponte, ten-  
dit; & ita est actus sui dominus.* Nam illud non coacte,  
sed sponte, agendi necessitatem excludit, & certissime  
colligitur ex libro 1. contra gentes cap. 88. vbi liberta-  
tem Deo conuenire sic probat. *Liberum arbitrium dici-  
tur respectu eorum, quæ non necessitate quis vult, sed propria  
sponte. Vnde in nobis liberum arbitrium est respectu eius  
quod volumus currere, vel ambulare. Deus autem alia à se  
non ex necessitate vult, ut supra ostensum est; Deo igitur li-  
berum arbitrium habere competit. Nimirum, respectu a-  
liorum à se; quæ idcirco propria sponte velle dicitur;  
quia non ex necessitate vult.* Eandem de Diuina liberta-  
te argumentationem ita expressit 1. parte quæst. 19. art.  
10. *Dicendum quod liberum arbitrium habemus respectu eo-  
rum, quæ non necessario volumus, vel naturali instinctu.  
Non enim ad liberum arbitrium pertinet, quod volumus ef-  
se felices, sed ad naturalem instinctum &c.* Cum igitur Deus  
ex necessitate suam bonitatem velit, alia verò non ex neces-  
sitate, ut supra ostensum est, respectu illorum, quæ non ne-  
cessitate vult, liberum habet arbitrium. Ex quibus ita li-  
cet argumentum concinnare: Ex S. Thoma: *Liberum  
arbitrium dicitur respectu eorum, quæ propria sponte quis*



vult. Atqui ex eodem non pertinet ad liberum arbitrium quòd volumus esse felices; neque quòd Deus suam bonitatem velit; Ergo ex S. Thoma nec propria sponte volumus esse felices: nec Deus propria sponte suam bonitatem vult. Quia nimirum illud tantum propria sponte fieri dicit, quod necessariò non fit, seu quod absque sufficienti compulsionem fit.

Aliena verò à SS. Patrum usu non est hæc spontanei notio, vt Guillelmus Estius inuictè probat in 2. distinct. 24. §. 2. vbi Calvinistis ita obiicientibus: *Prosper scribens contra Collatorem cap. 19. liberum arbitrium definit, quòd sit rei sibi placita spontaneus appetitus. Ex qua definitione apparet ad liberi arbitrii rationem sufficere, quòd voluntas sponte, & non coactè aliquid appetat, siue id faciat necessariò, siue non* (Hoc Calvinistarum argumentum ex S. Prosperi auctoritate sumptum totidem ferè verbis Aduersarius descripsit libro 6. de gratia Christi cap. 13.) Respondet Estius: *Prosperum illud vocare spontaneum, quòd ita agit, vt possit non agere; vt pote nec violentià, nec naturali necessitate constrictum, ac determinatum in alteram partem. Vnde paulò post etiam de primo homine dicit, quòd se sponte bono priuauerit; per hoc volens significare, ita illum peccasse, vt potuerit non peccare. Valida est aduersus Calvinistas hæc instantia, pugnant enim Adamum non modò absque coactione, sed etiam absque necessitate peccasse; ac proinde affirmare debent in hac Prosperi sententia. Adam sponte bono se priuauit, vocem illam, sponte, non coactionem tantum; sed etiam simplicem necessitatem excludere.*


Denique vt intelligas S. Thomam eò loci non velle, Christum hoc ipso præcisè esse dominum sui actus, quòd absque violentia, seu coactione propriè dicta agit, expende quæ habet in corpore articuli. Ait requiri ad meritum, vt agens sit dominus suæ actionis. Aliàs per actionem suam non dignificatur ad aliquid habendum, nec laudatur: & ideo ea, quæ agunt per necessitatem naturæ, vel

*etiam per violentiam non merentur. Negat eum, qui agit per necessitatem naturæ, esse dominum sui actus; Ergo non vult eum omnem, qui agit absque violentia esse dominum sui actus. Nemo enim magis à coactione propriè dictâ solutus est, quàm qui naturali inclinatione & necessitate agit. Quapropter bona anima in Manichæorum opinione, etsi naturali inclinatione, atque adeo absque vlla vi bonum amaret, mereri tamen non posset; quia agens per necessitatem natura, non est domina sui actus.*

Hæc sunt quæ aduersùs communem de libertate opinionem ex S. Thoma Aduersarii obiciunt, quæ profectò ne proponere quidem essent ausi, si illum legissent Guillelmi Estii locum, in quo eadem S. Doctoris testimonia, à Calvinistis contra Catholicos obiecta, clarissimè exponit.

## CAPUT SECVNDVM.

*Reliqui Theologi S. Thoma posteriores ut communem de libertate opinionem tuerentur, ita nouam interimunt.*

 VI supersunt Theologi duas à nobis tribuentur in classes. Prima eos complectetur, quorum auctoritatem Calvinistæ sibi arrogarunt: secunda reliquos comprehendet, quos à Calvinistis prætermittos noui Dogmatis opifex quasi de suo adiecit.



## SECTIO I.

*Expenditur opinio Scholasticorum, quos Calvinistæ  
suarum partium esse gloriantur.*

**A**DVERSARIOS hac rursus sectione cum Guil-  
ielmo Estio, aliisque Doctoribus Catholicis, qui  
contra Calvinistas præliati sunt, committam. Neque  
id molestè ferre debent. Nam trita & peruagata Cal-  
uinistarum argumenta, non alia, quàm veteri Catho-  
licorum responsione indigent. Addam tamen nonnul-  
la, quibus eorum sententia confirmetur ampliùs, &  
illustretur.

## PARAGRAPHVS I.

## S. Bonauentura.

SANCTISSIMUM hunc & eruditissimum Theolo-  
gum in opinionis suæ patrociniū Calvinistæ aduocāt  
apud Guillelmum Estium in 2. dist. 25. §. 2. atque ex  
eius scriptis ea ipsa testimonia produciunt, quibus Ad-  
uersarii aures nostras continuò verberant. Hæc sunt  
Estij hanc illorum obiectionem proponentis verba:  
*Bonauentura in 2. distinctione 25. ad textum dicit, liberta-  
tem essentialē liberi arbitrii, esse libertatem à coactione.  
Et similia repetit ad eandem distinct. art. 2. quest. 1. Si, in-  
quit, loquamur de libero arbitrio secundum quod liberum  
est, sic concedo quòd potest esse non solum respectu contin-  
gentis, sed etiam necessarij; sicut patet in Deo, & in Christo,  
& in Angelis, & in hominibus beatis. Cum enim duplex  
sit necessitas, videlicet coactionis & immutabilitatis; ne-  
cessitas coactionis repugnat libertati arbitrii, non autem ne-  
cessitas immutabilitatis &c. Et infra: Actus liberi arbitrii*

*ut liberum est, non solum potest esse circa necessarium, sed etiam necessarius in se est. Hæc ibi & alia quædam in eandem sententiam.*

Lib. 6.<sup>o</sup> de  
grat. Chri-  
sti cap. 26.

Fatebuntur nouæ opinionis vindices, hæc ipsa S. Bonauenturæ testimonia, à suo Doctore nobis opponi. Audiant ergo quid Calvinistis ea obiicientibus Guillelmus Estius responderit. *Ad nonum, inquit, Bonauentura docet quæst. 2. liberum arbitrium dupliciter posse considerari; vel ut liberum, vel ut deliberans. Et quidem quatenus liberum est, dicit esse posse respectu voluntarij, sicut patet in Deo, & Beatis; quia licet in illis habeat necessitatem immutabilitatis, non tamen coactionis. Quatenus autem deliberans, non est, inquit, nisi de contingenti; quia nemo deliberat de necessario, & impossibili. Ex qua distinctione satis apparet, quo sensu dixerit liberum arbitrium, quatenus liberum est, respicere etiam necessaria, & habere posse actum necessarium. Nam illud, quatenus liberum, non aliud est, quàm quatenus voluntarium, & non coactum. Itaque perinde est atque si dicatur, voluntatem quatenus libera est à coactione, versari circa actiones etiam necessarias. Illud verò quatenus deliberans, id est, ut ipse exponit, quatenus consilians utrum eligat hoc an illud, intelligitur de libertate, quæ propria est libero arbitrio, ut talis. Hæc responsio, quam ex ipsius Bonauenturæ verbis Guillelmus Estius contexit, manifestè ostendit quàm perperam & immeritò in tanti Doctoris auctoritate nouum dogma latebram quærat.*

Quid hinc agent Aduersarii clarissimis S. Bonauenturæ verbis, & Guillelmi Estii (cui multum tribuunt) auctoritate oppressi? Hunc si forte eiurent, Gabrielèm illis adhuc opponam antiquiorem Theologum, atque ex iis vltimum, quos suæ patrocinari sententia iactant. Eodem planè modo Bonauenturæ sententiam, quo Estius, interpretatur. *Theologi, inquit in 2. distinct. 25. quæst. vnica, variè loquuntur de libertate. Quandoque enim accipiunt libertatem largissimè, ut*



*distinguitur contra coactionem: ita quod potentia dicitur producere liberè id, quod non producit coactè, hoc est, contra suum velle. Et sic non distinguitur contra principium necessarium necessitate immutabilitatis. de hoc supra distinct. 7. per longum. De hoc loquitur S. Bonaventura quest. 3. huius distinctionis dicens: Cum duplex sit necessitas, coactionis & immutabilitatis. necessitas coactionis repugnat libertati arbitrij, necessitas verò immutabilitatis non &c. Illo ergo modo idem est liberum, & voluntarium: & liberè producitur, quidquid producitur mediante voluntate. Sic, si voluntas creata produceret aliquem actum necessariò, sicut velle respectu finis secundum quosdam, illum actum produceret liberè, non contingenter, sed voluntariè. Tum subdit non hanc esse libertatem, quæ ad meritum, aut demeritum requiritur. Libertas, inquit, accipitur etiam concorditer cum Philosophis, prout opponitur necessitati, non tantum coactionis; sed etiam immutabilitatis. Hæc dicitur libertas contingentie. Sic accipitur, quando est principium meriti, & demeriti. Nam per hæc, quæ vitare non possumus, nec meremur, nec demeremur. Si Gabriel à me conductus foret, ut quæ ex Bonaventura nouæ opinionis fautores nobis intentant, deprauari ab illis, atque alienum detorqueri in sensum demonstraret, non aliter loqueretur.*

Pridem ergo fracta sunt illa argumenta, quæ ex Bonaventuræ auctoritate Aduersarius repetit, & illorum manibus fracta sunt, quorum auctoritatem, si constare sibi velit, abdicare non potest. Placet hîc tamen auctarij loco pauca delibare ex S. Bonaventuræ operibus, quibus constet liberum arbitrium propriè dictum ex eius sententia simplici necessitate pessumdari. Docet itaque 1. libro 1. distinct. 38. quest. 1. præscientiam Dei nullam humanæ voluntati imponere necessitatem. Hæc illius verba sunt, ex quibus validum potest argumentum sumi: *Quidam dixerant, quod præscientia necessariò, cum sit infallibilis, imponit necessitatem, & ideo abstulerant liberum arbitrium. Ait opinio-*

nem illam; quæ simplicem ex Diuina præscientia in voluntates nostras necessitatem deriuat, liberum arbitrium interimere; Ergo existimat libertatem illam, quæ liberi arbitrii propria est, simplici necessitate deleri. Quam ex Diuina præscientia in humanas voluntates non refundi, sic probat: *Diuina præscientia est, & tamen non imponit rebus necessitatem. Omnia enim sic præcognoscis euentura, sicut euentura sunt: & ideo cùm multa sint euentura contingenter, ut illa quæ sunt à libero arbitrio, & à casu, & fortuna, sicut præscit hæc esse futura ab istis, sic præscit modum contingentia secundum quem sunt ab istis.* Vnde hoc argumentum peto: Necessitas illa, quam S. Bonauentura his verbis ex Diuina præscientia fluere negat, libero arbitrio ex eius opinione capitaliter est infensa: Atqui illa necessitas, quam Bonauentura his verbis ex Diuina præscientia fluere negat, est necessitas simplex: ea nimirum, quæ non minùs fortuitarum rerum contingentia, quàm libertati repugnat; Ergo necessitas simplex ex S. Bonauenturæ opinione libero arbitrio capitaliter est infensa. Simillima sunt quæ de prædestinatione tradit distinctione 40. eiusdem libri quæst. 1. vbi probat, prædestinationem liberum arbitrium idcirco non lædere, quia nullam illi necessitatem imponit.

Docet 2. peccatum idcirco esse liberum, quia vitari potest; nec illud peccatum fore, si vitari non posset. *Nemo*, inquit in 2. dist. 41. q. 1. *etiam venialiter peccat in eo, quod nullo modo potest prohibere, nec etiam potuit præcauere.* Vnde ad illud Augustini: *Quedam necessitate facta sunt improbanda.* Respondet: *Dicendum quòd Augustinus loquitur de necessitate venialium, non quantum ad hoc veniale, vel illud determinatè, sed generaliter quantum ad peccata venialia. Quia nihil impedit, quòd sit necessitas quedam in vniuersali, & voluntas quodammodo in particulari: ideo auctoritas illa non obuiat his, quæ dicta sunt.* Vides Bonauenturam vel ad peccatum veniale requirere



rere libertatem exercitij, quâ remotâ vllum fore peccatum negat: *Ex hoc patet, inquit, quod si venialia rationem culpe habent, hoc est, quia à voluntate in particulari, & diuisim vitari, & precaueri possunt. Quo fini gi nihil potest nouæ opinioni magis aduersum: nisi fortè quod in eandem rem addit distinct. 28. quæst. 2. vbi docet nulli deesse homini gratiam, quâ peccatum vitare possit. Hoc fuis, inquit, quod decepit Pelagium, quod LIBERVM ARBITRIVM NVNQVAM DESTITVITVR OMNI GRATIA GRATIS DATA: Et ipse posse gratia attribuit ipsi naturæ; superbiam enim excacatus nesciuit distinguere inter dona naturalia, & gratuita. Nempe Pelagius naturæ tribuebat, quod possemus tentationi cuilibet resistere, & vitare quodlibet peccatum; cùm id gratiæ, quâ nunquam destituitur liberum arbitrium esset adscribendum. Quò pertinent quæ paulò inferiùs addit: Si queratur vterius vtrum (liberum arbitrium) possit resistere, vel non, dicendum est, quod de aliqua tentatione per se non potest. Si tamen consentiat, non est à culpa immune, propter hoc quod ADIVTORIVM GRATIÆ SIBI PRÆSTO EST.*

Docet 3. Christum etsi peccandi libertate caruerit, veram nihilominus libertatem in exercitij indifferentia positam habuisse. Hæc eius verba libro 3. dist. 12. q. 1. *Sic decebat hominem in vniuersitate constitui, vt in prima constitutione haberet vertibilitatem arbitrij (id est flexibilitatem ad bonum & malum) secundum legem communem. Sed Christus habuit aliquid supra hominem: ideo decuit, quod sibi fieret aliquod speciale privilegium, vt esset in eo liberalitas obsequij, sine vertibilitate arbitrij: sicut & in Diuina voluntate videmus, quod liberaliter nobis bona impendis, & facit: nullam tamen in eo est ponere vertibilitatem. At Christum eodem modo, liberaliter, obsecutum esse Deo, quo Deus nobis liberaliter bona impendit: At certum est Deum ad bonum nobis impendendum nulla necessitate determinari, cùm po-*

tuerit homines non creare; Ergo censet voluntatem Christi licet in bono esset confirmata libertatem exercitij habuisse. Eodem reuocatur quod habet libro 2. distinct. 7. q. 1. *Obicitur quod rationales potestates sunt ad opposita. Dicendum, quod verum est. Sed non ad omnia opposita; sed ad aliqua, ut pote ad aliquid facere, & non facere: ad incidere tunicam, & non incidere, ut dicit ipse Philosophus, & hoc modo liberum arbitrium confirmatum, ad opposita potest esse; & ideo rationalis potestas est sicut & antie. Quod ergo obicitur, non est in malum & bonum; ergo non est ad opposita; manifestum est quod ista ratio est peccans secundum consequens. Putat ergo liberum Christi arbitrium, etsi potestatem non habeat ad hæc opposita, bonum, & malum; habere tamen ad illa duo, facere, & non facere. Circa quæ natua liberi arbitrij vis ac potestas versatur.*

Pluribus S. Bonauenturæ testimoniis congerendis supersedeo, sufficiunt ista ad eius mentem enucleandam, & Guillelmi Estij confirmandam responsionem, quæ plures Seraphici Doctoris locos, quibus proteruè abutebantur Calvinistæ, ab eorum calumnia defendit.

## PARAGRAPHVS II.

*Ioannes Scotus, eiusque discipuli.*

GRAVISSIMUM opinioni suæ confirmandæ argumentum ex Scotistis Calvinistæ repetunt apud Ioannem Puteanum Tomo 1. in 1. 2. quæst. 10. dubit. 2. *Pater & Filius, inquit, produciunt necessario Spiritum sanctum: & tamen certum est processionem istam nuncupari liberam à Scotistis. Ergo &c.* Respondet Puteanus Scotistarum opinionem Calvinistis nihil patrocinari. Quia, inquit, liberum non sumunt in propria significatione, sed quatenus coincidit cum voluntario; ac proinde volunt Spiri-



*tum sanctum procedere à Patre & Filio liberè, id est sponte & non coactè.*

Ne quis hîc tamen Scotistarum opinionem perperam à nobis exponi clamet, audi Petrum Aureolum Aquensem Cardinalem & Subtilis Doctoris non degenerem discipulum. Probat ille in 1. distinct. 1. capit. 3. art. 3. libertatem stare cum necessitate, atque adeo processionem Spiritus sancti, etsi necessaria sit, liberam nihilominus esse posse. At vt omnes intelligant, quo sensu libertatis nomen cùm ipse, tum alij Scotistæ vsurpent, quando ita pronuntiant, addit : *Non est autem idem liberum, & dominatum actus, alioquin Pater & Filius non spirarent liberè, cùm non possint dominatiuè suspendere actum spirationis, nec etiam Deus liberè se amaret. Vnde ex hac deceptione oritur difficultas, quæ hodie habetur circa formalem rationem libertatis; quia putant homines quòd idem sit esse liberum, & habere dominium sui actus. Aurea planè sunt isthæc Aureoli verba, & ad omnem huius loci difficultatem abstergendam accommodatissima. Fatetur ex Scotistarum opinione, nec Deum liberè amare se ipsum, nec Patrem ac Filium liberè Spiritum sanctum producere; si idem sit esse liberum, & habere dominium sui actus. Quid ergo ex Scotistarum sententia capere præsidij noua opinio potest; quæ cùm docet Deum liberè amare se ipsum, & Patrem ac Filium liberè Spiritum sanctum producere, liberum sumit pro dominio in actum?*

Franciscus Mayronis Scotista non ignobilis simili distinctione huius quæstionis caliginem depellit. Distinguit in 1. distinct. 10. quæst. 1. difficultate 2. inter liberum, & liberum arbitrium. Liberum accipit pro voluntario, & spontaneo. Sed *liberum arbitrium*, inquit, *est præcisè circa illa, circa quæ voluntas potest aliter se habere, scilicet, circa contingentia.* Et post pauca : *Habere se ad opposita est conditio liberi arbitrij, vs addit supra libertatem.* Eadem repetit in 2. distinct. 25. Vnde Guil-

851 DISPUT. DE LIBERO ARBITRIO  
 Ielmus de Rubione acerrimus quoque Scoti propugna-  
 tor in 2. distinct. 25. quæst. 1. art. 2. de libero Beatorum  
 arbitrio ita statuit : *In Beatis est usus liberi arbitrij, non  
 respectu actus beatifici: qui non est in potestate ipsorum; sed  
 respectu omnium aliorum in eorum potestate existentium, ut  
 videlicet possint ab eis in esse poni, vel non poni.* Ex qui-  
 bus ita disputo : Scotus eiusque discipuli quando li-  
 bertatem cum necessitate conciliant, non agunt de ea  
 libertate, quæ liberi arbitrij propria est, quæque defi-  
 nitur, dominium & potestas in actum; Ergo nihil Ad-  
 uersariis patrocinantur, qui nobiscum de hac postrema  
 tantum libertate confligunt. Vna hac responsione quid-  
 quid ex Doctore Subtili Aduersarius nobis opponit la-  
 befactatur.

Libro 6: de  
 grat. Chri-  
 sti cap. 25.

De ea verò libertate, quæ liberi arbitrij propria est,  
 & dominium seu potestas in actum definitur, clarissi-  
 mè opinionem suam Scotus expressit in 1. dist. 38. *Vo-  
 luntas, inquit, in quantum est actus primus libera est ad  
 opposita.* Item: *Actus primus (nempe voluntas) conside-  
 ratus in illo instanti, in quo est prior naturaliter actu secun-  
 do, (nempe volitione) ita ponit illum in esse tanquam ef-  
 fectum suum contingenter, quod ut prior naturaliter posset  
 equè ponere aliud oppositum in esse.* Deinde: *Libertatem  
 igitur voluntatis nostræ in quantum est ad oppositos actus,  
 concomitatur potentia, tam ad opposita successiue, quàm ad  
 opposita pro eodem instanti: hoc est, quod alterutrum possit  
 ponere in esse, sine altero.* Quæ antè ex eo probauerat,  
 quod voluntas in vno instanti causas velle, & non neces-  
 sariò, ideo contingenter. Et in 2. dist. 25. quæst. vnica  
 plurimis validisque rationibus probat, voluntatem no-  
 stram ex se esse indifferentem ad opposita, ita vt ipsa ad  
 vnum oppositorum contingenter se determinet, adeo-  
 que eo ipso instanti, quo vnum asciscit, repudiare illud  
 possit, aliudque eligere. Quæ omnia clariora sunt,  
 quàm vt vlla possint Aduersariorum tergiuersatione  
 eludi.



## PARAGRAPHVS III.

*Gabriel Biel.*

DAVID Pareus Calvinisticæ in Germania factionis primipilus, agit more suo, id est, audacissimè imponit, cùm libro 3. de libero arbitrio cap. 4. Caluinide libertate sententiam Gabrielis auctoritate defendit. Vix est enim vllus inter Theologos, qui frequentius atque validius illam profliget. Nec Aduersarium tamen puduit, hunc quoque in opinionis suæ præsidium adlegere, & semilacerum, malèque intellectum ex eo testimonium producere, quem vbi huius Theologi sententiam clarissimis eius verbis exposuero, contra nouam opinionem militare demonstrabo.

Libro. 6. de  
grat. Chri-  
sti cap. 33.

De libero arbitrio fusissimè disputat Gabriel in 2. distinct. 25. Ac primò varias libertatis notiones ita distinguit. *Theologi*, inquit, *quandoque libertatem accipiunt largissimè, ut distinguitur contra coactionem: itaque potentia dicitur producere liberè id, quod non producit coactè: hoc est contra suum velle. Et sic non distinguitur contra principium necessarium necessitate immutabilitatis. Tum: Cùm duplex sit necessitas, coactionis, & immutabilitatis: necessitas coactionis repugnat libertati arbitrij, necessitas verò immutabilitatis, non. Post pauca. Illo ergo modo idem est liberum & voluntarium. Et liberè producitur quidquid producitur mediante voluntate. sic, si voluntas creata produceret aliquem actum necessario, sicut velle respectu finis secundum quosdam, illum actum produceret liberè non contingenter, sed voluntariè. En opinor satis graphicè depictam Aduersarij libertatem, quam quidem maximè stricto & proprio sensu ita describendam esse contendit, non autem largissimè, contrà quàm Gabriel hîc loquitur.*

Afferit autem paulò pòst aliam libertatis rationem, quam Theologis æquè & Philosophis vsitatam esse af-

firmat. Accipitur etiam concorditer cum Philosophis libertas, prout opponitur necessitati, non tantum coactionis, sed etiam immutabilitatis. Hanc autem sic paulò antè cum Philosophis definierat, *Potentia libera*, ut distinguitur contra naturalem, est potentia indifferens ad opposita, quæ scilicet habet in sua potestate utrumque oppositorum, scilicet facere & non facere. Pergit autem: Hæc dicitur libertas contingentia. Sic accipitur, quando est principium meriti & demeriti. Nam per hæc quæ vitare non possumus, nec mere-mur nec demeremur. Hæc profectò si nouæ opinioni consentanea sunt, totus hic liber Dogmatistam approbat. Quid enim aliud querimus, quid aliud obiiicimus, quàm nouam libertatem, tollere meritum omne & demeritum: siquidem per hæc quæ vitare non possumus nec meremur, nec demeremur? Hoc autem cùm præfractè neget Dogmatista, quâ fronte Gabrielem à se sterisse gloriatur?

Huc adde locum alterum non minùs insignem ex distinct. 10. in 1. sentent. quæst. 2. ubi S. Augustinum sibi obiiicit, qui in Enchiridio ait: *Liberiorem esse voluntatem, quæ non potest seruire peccato, & Anselmum; Liberior est voluntas*, inquit, *quæ à rectitudine declinare non potest*: hinc enim colligi fortè posset, ut ait, *Libertatem esse respectu necessariorum*. Ita porro nodum hunc explicat. Solutio Gregory, inquit, est quòd Augustinus ibi loquitur de libertate opposita seruituti peccati & miseria: quia ibidem paulò antè dicit: *Liberius erit arbitrium, quod omnino non poteris seruire peccato*. Aliter potest dici. *Liberior est voluntas confirmata in bono: non respectu illorum actuum, ad quos necessariò determinatur: sed respectu aliorum actuum*. Et post pauca sic concludit. Non ergo intendunt sancti, quòd voluntas respectu illius actus, ad quem necessariò se habet, liberè operetur: sed quòd voluntas Beati sit libera simpliciter, & liberior quàm priùs, ex eo, quia minus potest nunc impediri in executione multorum actuum à causis extrinsecis, quàm in via propter illam confirmationem



*in bono.* En quàm parum fuerit sollicitus hic Auctor, si quidem Dogmatistæ fides est, *utrum voluntas immutabili firmitate quippiam vellet?* qui testatur nunquam intendisse sanctos, id est Augustinum & Anselmum, quòd voluntas respectu illius actus, ad quem necessariò se habet, liberè operetur.

Sed alio præterea ex loco revincendus est Aduersarius. Eàdem quæst. 2. dubio 2. quærit Gabriel, *utrum libertas voluntatis sit quid distinctum à voluntate; & an repugnet necessitati.* Sic autem respondet. *Libertas non est conditio inintrinsicca potentia, sed est nomen connotatiuum, vel conceptus supponens pro voluntate, connotando aliquid posse fieri contingenter ab eadem.* Mox: *Conuenit ergo libertas rei perfectæ, non in ordine ad quodcumque, sed in ordine ad id, ad quod contingenter se habet, & non necessariò.* Post hæc an dubitabit quisquam, quin verissimè Dogmatista dixerit, *parum fuisse sollicitum Gabrielem, cum libertatis rationem explicuit, utrum voluntas immutabili firmitate quippiam vellet?*

Consentiunt quæ tradit dist. 25. in secundum sententiarum, ubi sic habet corollario 3. & 4. *Sola voluntas, inquit, est potentia libera. patet: quia omnis alia potentia ad suum effectum determinatur: itaque positis omnibus ad agendum requisitis, non potest non agere.* Certè si quid hæc probat ratiocinatio, ne voluntatem quidem liberam esse demonstrat, quandoquidem ex Dogmatista non ea minùs ad suum effectum, quàm alia quælibet potentia determinatur. Pergit porrò Gabriel, & paucissimis verbis impositam sibi calumniam penitus refellit. *Voluntas non respectu cuiuslibet velle est causa libera. Patet de obstinatis & damnatis: similiter de voluntate confirmatorum in Beatis: quia respectu actus, quem non habet in sua potestate, non est libera.* An ergo potuit hic actum beatificum existimasse meritorium, ut persuadere vult Aduersarius, quem ne liberum quidem esse credidit? Longè plura proferri possent ex hoc Theologo, quæ videre

studiosus Lector potest in 1. dist. 38. art. 1. 2. dist. 7. a. 2.

Sed accedo ad eum locum, quem vnum in opinionis suæ confirmationem Aduersarius producit, in quo satis indicat quàm leuiter & oscitanter Doctorem hunc attigerit, nec seriò conatus sit eius mentem penitus perceptam habere. Nempe multos Auctores ille delibauit, atque eorum nomina magna ambitione & apparatu percensuit, parum sollicitus de ipsorum mente, modò eorum verbis cum aliqua specie & pompa abuti posset. Ait igitur Gabrielem exultimasse, *actum beatificum esse posse meritorium*, atque ad obiectionem libertatis sic respondisse in 3. distinct. 18. art. 3. *Negetur quòd actus beatitudinis sit simpliciter necessarius, quia sine sit immediatè à Deo, sine elicitus à voluntate est liberè elicitus & ita contingens. Est tamen immutabilis & perpetuus, contingenter non necessariò, quia à voluntate Diuina perpetuò conseruatur, cuius certitudinem habet Beatus per Diuinam reuelationem. Est ergo beatitudo immutabilis, quia non mutabitur. Non autem immutabilis, id est impossibilis mutari. posset enim Deus eam mutare de potentia absoluta.*

Quid totum hoc, quæso, pro Aduersario facit? Ait Gabriel actum beatitudinis ita necessarium esse, vt contingens quoque, adeòque liber sit. Verùm, si actus ille immutabilis omnino esset, nullaque ex parte contingens; nonne ab Aduersario etiam liber diceretur, quo modo Spiritus sancti productio libera est, etiamsi absoluta necessitate, non autem contingenter fiat? Non ergo bene Aduersario conuenit cum hoc Auctore, qui ad libertatem contingentiam requiri affirmat. Sed vt Gabrielis mentem percipiamus funditus, appareatquo hunc eius locum nihil Aduersariis suffragari,

Obseruandum est, Gabrielem in actu beatifico duo distinxisse. Alterum quidem quod sit à solo Deo, alterum quod sit à voluntate. Circa secundum, non circa primum liberum putat esse Beatum. *Clara Dei visio, vt ait distinct. 7. in 2. & perfecta dilectio est in Beato à solo*

Deo.



Deo: Cuius rei affert rationem distinct. 1. in 1. quia *cum voluntas sit omnino libera, & liberè ac contingenter agat, posset se se facere non beatam, cessando ab actu beatifico, si esset in eius potestate actus beatificus.* ex quibus ita rem totam concludit: *Respectu actus beatifici solus Deus est causa effectiva.* Caue tamen putes, cum legis visionem & dilectionem Beati esse à solo Deo effectivè, Gabrielem credidisse, voluntatem & intellectum ad huiusmodi actus nullo modo concurrere. Contrarium enim docet distinct. 7. in 2. a. 1. cum ait, *licet actus beatificus non sit in potestate Beati, non tamen ideo cogitur; quia illo actu formaliter vult & diligit Deum non minus, quàm si esset ab eius propria voluntate causatus.* Dicitur itaque actus beatificus esse à solo Deo, non quod à voluntate non fiat, cum per illum formaliter velit, & diligat, sed quod non sit in voluntatis potestate.

Alterum verò quod à Gabriele dicitur esse à Beati voluntate, sunt omnes actus accidentaliter se habentes ad beatitudinem, vt loquitur ibidem a. 2. *hoc est, sine quibus manere potest beatitudo in confirmatis:* quia circa illos liberè potest voluntas contingentèrque versari. Imò in Beato agnoscit beatificum quemdam actum esse ab ipsius voluntate, nimirum actum approbationis & complacentiæ circa dilectionem beatificam, qui quidem actus liber sit, adeoque sit in potestate voluntatis. Sic enim loquitur loco à nouo Dogmatista citato: *Actus beatificus, qui est primum, est immediate à Deo: & ille non est meritorius: sed cum illo est alius actus fruitionis à voluntate elicitus eiusdem obiecti beatifici, qui etiam dicitur beatificus, licet priore, qui à solo Deo est, sit imperfectior, quia est obiecti beatifici in se clarè visi: & ille est meritorius, & de illo intelligenda sunt conclusiones.* Vides hîc poni actum aliquem beatificum, qui à voluntate sit, actus beatifico, qui à Deo est, imperfectiorem, eumque solum esse meritorium, quippe qui sit in potestate voluntatis vt fiat vel non fiat. Imò

658 DISPUT. DE LIBERO ARBITRIO  
perfectior autem est altero, quia ille pro obiecto Deum  
habet, hic verò aliquid creatum, nempe visionem  
Dei & formalem beatitudinem.

Præterea, etiam si vnus actus esset beatificus in Beato, agnoscit tamen Gabriel reperiri aliquid in eo quod à Deo sit, aliquid quod à voluntate oriatur. Etsi enim entitas actus sit à Deo, vult tamen *tendentiam in obiectum beatificum* esse à voluntate, id est, liberum esse voluntati per eum actum tendere ad obiecta creata, vel non tendere. Obiecta autem *beatifica* dicuntur, quia pertinent ad beatitudinem, & in Verbo simul cum Deo videntur. Ita loquitur ibidem. *Alio modo potest dici secundum illam opinionem, quòd in anima Christi fuit tantum vnus actus fruitionis Dei: & hic à Deo creatus & beatificus, qui nihilominus in Christo fuit meritorius. Consequenter dicitur quòd fuit in potestate voluntatis, quantum ad tendentiam in obiectum, non quantum ad esse elicitedum.* Id offert postea, quod fraudulenter, aut imperitè interpretatur Aduersarius. Nam voluntas per hunc actum creatum liberè & complacenter tendit in obiectum beatificum, licet non liberè contradictoriè: & hac libertas sufficit ad rationem meriti. Nempe tendit liberè Beatus per actum fruitionis Dei in obiectum beatificum, ita tamen, vt non possit quidem cessare ab eiusmodi actu, quod explicauit per hæc verba *non liberè contradictoriè*, sed tamen possit manente illo actu, non tendere ad obiectum beatificum, scilicet secundarium, ad quod ferri non necessariò debet. Quod ipsum quoque aperitissimè indicauit his verbis: *Est in potestate voluntatis quantum ad tendentiam in obiectum, non quidem quantum ad esse elicitedum*, id est, quantum ad ipsam actus entitatem.

Ex his quæso quid colligi potest in gratiam noui dogmatis? Si enim existimauit hic Auctor, actum beatificum, etsi necessarius sit, liberum esse, atque adeo meritorium, vt Dogmatista prædicat, cur non dixit amorem beatificum totum liberum esse, totumque



meritorium? cur tendentiam in obiectum liberam solum esse, productionem verò amoris non esse liberam affirmavit? Certè si productionem amoris liberam & meritoriam esse ideo negavit, quia si esset in potestate voluntatis, *posses illa se se beatam non facere cessando ab actu beatifico*: tendentiam in obiectum beatificum liberam idcirco dixisse necesse est, quòd hæc sit in potestate voluntatis, adeoque contingens, à qua nimirum voluntas abstinere possit. Iam si totum Christi meritum huic contingenti tendentiæ connexum esse voluit, non necessariæ productioni: nonne luce ipsa clarius est huius Auctoris mentem ab Aduersario fuisse deprauatam?

## SECTIO II.

*Explicatur sententia Theologorum, quos à Calvinistis prætermisissos nouus Doctor de suo adiecit.*

**T**ANDEM aliquid occurrit, quod nemine reclamante sibi nouus Doctor arroget. Quæ protulit hætenus, repetunt, & sibi crepta queruntur præcipui Calvinisticæ nationis procures: at quæ mox subiiciet, eorum nemo, quòd sciam, vindicare sibi potest. Quamquam non idcirco gloriari insolentiùs debet. Nam & fortè quidam sunt Calvinistarum libri, mihi quidem ignoti, qui illum hac quoque in parte plagij conuincant. Deinde magni laboris, & exquisitæ laudis non est, ex posterioribus aliquot Theologis pauca quædam decerpere testimonia iis simillima, quæ Calvinistæ ex Thoma Aquinate, Bonauentura, aliisque selegerant. Denique quidquid ex illis Theologis libauit, tam infirmum est ac debile, si cum superioribus componatur, ut merito arbitrari quis possit non illud à Calvinistis ignoratum fuisse, sed neglectum.

## PARAGRAPHVS I.

*Henricus à Gandauo.*

ETIAMNE hunc Auctorem nouæ libertatis vindices appellant? Etiamne ex eius auctoritate firmamenti aliquid sperant, atque præsidij? Certè nupero dogmati tam est infensus, vt de illo potiùs abdicando, quàm de mutilis aliquot eius testimoniis corradendis cogitandum Aduersariis fuerit.

Ait enim primò Henricus quodlib. 1. quæst. 16. *Fuisse omnium concordem opinionem, quòd necessitas violentiæ possit impedire voluntatem à prosecutione actus exterioris. Sed quòd nullomodo possit eam euellere à suo actu interiori.* Deinde: *Fuit tamen, inquit, aliquorum opinio, quòd necessitari posset (voluntas) vt moueretur ad aliquid: non tamen per inferens violentiam, quia non omne necessarium est violentum, sed solum id, cuius principium est extra vim inferens passo non conferente, sed in contrarium agente.* Est hæc profectò pura puta Dogmatistæ opinio, nec eam ipse verbis aliis, quàm hic Theologus expressisset. Videamus autem quid de eiusmodi opinione sentiat Henricus; si eam probat, certè Aduersarium approbavit; sin minùs, discant Aduersarij aut pudentiores esse, aut callidiùs fraudes suas contexere. Pergit Henricus. **EST OPINIO ISTA CONTRARIA OMNI PHILOSOPHIÆ, NON SOLVM THEOLOGIÆ. TOLLIT ENIM OMNE MERITVM, DELIBERATIONEM, CONSILIVM, ADMONITIONEM, EXHORTATIONEM, & cætera eiusmodi.** Totus hic locus ex eo S. Thomæ videtur expressus, quo non fidei tantùm, sed etiam humanæ rationi, eam opinionem aduersari pronuntiat, quæ solam à coactione libertatem homini adscribit. Vterque verò tam iniunctè nouam opinionem debellat, vt nihil prorsus habeant eius fautores, quo tam claræ veritatis lucem obscurant.



Ait 2. eodem loci voluntatem nulla necessitate eligere quod ratio proponit : & affert celebre illud S. Augustini exemplum ex libro 12. de Civitate Dei, duorum scilicet qui cū æqualiter affecti animo, & corpore sint, æqualiter visâ aliquâ pulchritudine tententur, inæqualiter tamen se gerunt, & eorum vnus consentit, alter verò in voluntate pudica stabilis perseverat. Causam verò huius inæqualitatis cum S. Augustino non aliam affert, quàm vtriusque libertatem. Sic enim concludit : *Super libertatem ergo arbitrandi in ratione oportet ponere libertatem eligendi arbitratum in voluntate : ut voluntas nulla necessitate eligat etiam quod ratio sentiat, dum tamen tale bonum non proponat quod finis est, vel in quo necessariam connexionem ad finem præcipiat, ut sine illo finem adipisci non valeat.* Non igitur existimauit hic Auctor alterius quidem, qui tentationi consensit, voluntatem ad peccandum necessariò determinatam esse, vti nec alterum qui resistit, necessariò resistisse, vt docet Aduersarius, sed verumque nulla necessitate elegisse, vel consentire, vel resistere.

Aliud addit ex S. Augustino testimonium in hæc verba : *Vnde dicit Augustinus libro 3. de libero arbitrio. Quacumque causa est voluntatis si non potest ei resisti, sine peccato ei ceditur. Si autem potest, non ei cedatur, & non peccabitur. An aliud fortè fallit incautum ? Ergo caueat ne fallatur. An tanta fallacia est, vt caueri omnino non possit ? si ita est, nulla peccata sunt. Quis enim peccat in eo, quod nullo modo potest caueri ? Peccatur autem, caueri ergo potest.* Ex duplici illo testimonio sic colligo : Fatetur Aduersarius libertatem à necessitate in iis S. Augustini locis exprimi ; adeoque non illa posse homini lapsò tribui, quin ei libertas à necessitate adscribatur : At Henricus vtrumque homini lapsò tribuit ; Ergo Henricus libertatem à necessitate homini lapsò adscribit.

Ait 3. quæst. 17. *Bonum apprehensum nullo modo posse ex ratione boni cogniti necessitare voluntatem in appetendo,*

*appetitu deliberato, qui fit per consensum, licet forte posset eum necessitare ad appetendum appetitu deliberante ex apprehensione simplici precedente iudicium, & sententiam rationis. Sed iste, inquit, appetitus aut non est peccatum, sed infirmitas quaedam in voluntate ex primo peccato, aut si est peccatum, non contingit nisi ex aliquo peccato voluntatis precedente, scilicet ex hoc, quod non erat diligens ad sibi præcauendum, aut ad rationem dirigendam, ne talia præsentaret inconsulta. sed hoc omnino non est in nostra potestate à quo mens tangatur, & à quo illico voluntas afficiatur. Hinc ergo colligendum est, idcirco primos illos & indeliberatos volūtatis motus peccata non esse, quia necessarij sunt, adeoque nec sunt in nostra potestate: contra verò voluntatem in appetendo appetitu deliberato, qui fit per consensum peccare posse, quia non necessitatur. Ibidem docet, eandem fuisse naturam liberi arbitrij hominis in statu innocentia, & modo. Licet enim, inquit, libertas eius per peccatum modò sit debilitata: hoc nihil facit ad variationem speciei. Atqui profitentur Aduersarij in statu innocentia liberum arbitrium non coactione tantum, sed etiam simplici necessitate solutum fuisse, ergo & eiusdemmodi esse hoc in statu fateri debent, si quam huic Auctori fidem adhibitam volunt.*

*Quartò, quaerit quodlibeto 12. quaestione 27. Vtrum sufficiat ad libertatem arbitrij, quòd potuit impedire ne ab alio actuaretur de necessitate. Agit enim contra eos, qui arbitrantur voluntatem necessariò ab intellectus cognitione abripi; quique nihilominus nituntur saluare liberum arbitrium voluntatis dicendò, quòd voluntas habet per se liberum dominium super determinationem sui actus. Quatenus mouet se ad actus intelligendi, vel ad sistendum in ipsis, vel ad desistendum ab ipsis, & intelligendo aliquid vel sub vna ratione, vel sub alia. Adeoque liberam eam tantum esse, quatenus impedire potuit ne ab intellectu necessitaretur. Et respondet, ad libertatem istud non sufficere; quia ad hoc quòd aliquid dicatur esse*



verè ex libero arbitrio, oportet quòd sit à libero arbitrio, ut à mouente proximè, & sic voluntas est domina suorum omnium actuum. Negat actum illum esse liberum, & in dominio voluntatis, qui ab intellectus cognitione necessariò infertur, licèt in voluntatis potestate fuerit illam cognitionem suscipere, vel abiicere; Ergo multum abest à noua opinione, quæ amorem Dei ex visione beatifica necessariò manantem propriè liberum esse defendit.

Quintò, nouam opinionem clarissimis verbis elidit in Summa articulo 45. quæst. 4. vbi docet: *Voluntatem Dei esse liberè arbitrii: & hoc non respectu sui ipsius: sed respectu aliorum à se. non respectu sui, quia in Deo, neque in eis qui Deum vident aperiè per speciem, non cadit electio vera de volendo Deum: & hoc ideo quia in Deo videtur omne bonum, & omnis boni bonum, à quo omne aliud bonum deficit: imò ipso viso nihil potest ei præferri: sed ipse simplici libertate & amoris naturalis affectione, quasi solus amatur immutabilis necessitatis comitatione. Respectu autem creaturæ & aliorum à Deo, est in voluntate Dei libertas arbitrii: non solum quia liberè & sponte velit alia à se, & non necessariò, necessitate quasi præueniente, aut subsequente, siue comitante: neque etiam iudicio rationis determinante: sed quia velit ea voluntate determinante se ipsam, & liberè alterum alteri præferente: eo quòd vnumquodque eorum accidentaliter ordinatur in finem, qui est ipse. Vides quomodo à libero arbitrio excludat hic Doctor omnem necessitatem: ut propterea Deum dicat respectu sui, vti & Beatos, liberum non habere arbitrium, quia ad amorem Dei necessariò determinantur, licèt libertatem in iis etiam hoc respectu aliquam agnoscat, prout libertas scilicet spontaneum & voluntarium significat.*

De huius adhuc Auctoris mente dubitari à quoquam posse non arbitror. Nam & ea, quæ in contrarium Dogmatista profert, tam inania sunt, vix ut persuadere possit hæc à se seriò produci.

Locum citat ex quæst. 17. quodlibet. 5. ubi sic ait Henricus: *Potest liberum arbitrium duplici respectu considerari: uno videlicet in quantum respicit voluntatem ut elicientem actum volendi: alio in quantum respicit obiectum ut terminum eius. Et secundum utrumque respectum indicanda est ipsa arbitrij libertas. Si liberum arbitrium consideretur in primo respectu, sic dico, quod voluntas dicitur liberum arbitrium, quia absoluta est ab omni coactione ipsam impediante, & contristante in sua actione. Fatemur quoque, cum hoc Auctore, ad liberum arbitrium requiri, ut voluntas ab omni coactione absoluta sit; sed id sufficere cum omnibus Theologis, & cum hoc Doctore constanter negamus. Nam cum Henricus dixisset liberum arbitrium duplicem includere respectum, primum, quia favere suæ sententiæ videbatur, attulit Aduersarius, de secundo, quia opinionem suam funditus euertebat, cautè tacuit. Sic ergo pergit Henricus. Si autem consideretur liberum arbitrium in secundo respectu, sic dico, quia voluntas dicitur libera, quia indifferens ad diuersa & contraria, sine omni determinatione restringente ipsam ad alterum eorum. Mirare Lector Aduersarij fidem, & ex hoc agnosce, quàm prudenter & circumspèctè sit ipsi credendum. Certè ad liberum arbitrium indifferentiam hanc requisivisse Henricum constat ex sum. 2. 45. q. 4. ubi libertatem à libero arbitrio sic distinguit: *Oportet videre quomodo se habeas ratio arbitrij ad rationem libertatis. Mox. Est ergo sciendum, quod arbitrari est duobus vel pluribus propositis per indifferentiam respectu alicuius, alterum alteri præferre respectu illius. Post pauca. Finito arbitrio rationis, adhuc restat voluntati suum arbitrium, quo potest sequi arbitrium rationis, vel ipsi contrariari liberâ electione.* Deinde. *De libero igitur arbitrio quantum pertinet ad voluntatem, dicimus quod nihil est aliud quàm libera potestas voluntatis ad eliciendum, hoc est, ad aliquid alteri præferendum, ut nomine arbitrij nihil significetur nisi potestas voluntatis ordinata ad actum eligendi. Hinc colligit in Deo quidem**



quidem esse & in Beatis libertatem respectu amoris Dei, sed non esse liberum arbitrium, quia in hoc amore necessitatem patiuntur. Nimis ergo proteruè faciunt, qui Doctorem hunc in nouæ libertatis præsidium euocant.

## PARAGRAPHVS II.

*Richardus de Media-Villa.*

DOCTOREM hunc suæ causæ patrocinari quàm falsò affirmant Aduersarij, clarissimè, ni fallor, ostendam, vbi obseruauero, varia eum libertatis genera distinxisse in 2. distinct. 38. a. 2. q. 1. vbi quærit *utrum voluntas in quantum libera velis necessario finem*: Nam ab ipso ingressu monet, *Ad intelligentiam huius articuli sciendum, quòd præter libertatem quæ est à culpa, & à miseria potest distingui libertas duplex, scilicet in libertatem quæ est à naturali determinatione, & in libertatem quæ est à coactione*. Postquam illa duo ita distinxit, sic pergit. *Loquendo de libertate à coactione voluntas est simpliciter libera respectu finis, naturalis enim determinatio voluntatis ad volendum finem, in nullo repugnat tali libertati. Libertatem autem à naturali determinatione non habet voluntas respectu finis, quamuis eam habeat respectu eorum quæ sunt ad finem*. Non poterat procedere clariùs. Iam videndum est an prima illa libertas à coactione, quâ voluntas vult necessariò finem, sit ex huius Theologi sententia, liberi arbitrij propriè dicti; an sufficiat ad meritum vel demeritum: denique an respectu eorum quæ sunt ad finem, non aliam, quàm à coactione libertatem admiserit. Quòd si conuincò adeò non hæc docuisse Richardum, vt contrarium omnino professus sit, nonne effecero, splendide Dogmatistam in hoc celebri Theologo citando imposuisse? Videamus iam autem quid ille de his omnibus senserit.

Ac primò quidem, an sit actus liberi arbitrij respectu finis loco citato ita definit: *Ad videndum clarius questionem. Primò intendo declarare, quòd voluntas naturaliter vult finem. Secundò, quòd hoc non obstante liberè vult finem. Tertiò, quòd hoc non obstante non est propriè loquendo actus liberi arbitrij respectu finis. Postremam hanc partem ita probat: Actus liberi arbitrij propriè dicti est eligere. Sed secundùm Damascenum oportet omnino consilium antecedere electionem &c. Et secundùm Philosophum non consiliamur de fine; Sequitur ergo quòd actus liberi arbitrij propriè dicti non est respectu finis. Adeò quoque ex huius Auctoris mente libertas à coactione, quæ voluntati convenit respectu finis, non est vera & germana arbitrij propriè dicti libertas, nec ad electionem sufficit. Illud ipsum accuratè tradit in 2. distinct. 25. art. 3. quæst. 2. nam ibi distinguit liberum, ab electivo, probatque arbitrij nostri, ut liberi, omne bonum esse obiectum. Ad id verò quod obiiciebatur 2. in hæc verba: Quod non est obiectum actus eligendi, non est obiectum liberi arbitrij, quia eligere est proprius actus liberi arbitrij: Sed electio non est finis, sed eorum, quæ sunt ad finem secundùm Philosophum 3. Ethic. Ergo finis non est obiectum liberi arbitrij. Respondet. Cùm dicitur quòd illud, quod non est obiectum actus eligendi, non est obiectum liberi arbitrij, dico quòd verum est, sub ratione quâ deliberativum: bene est tamen obiectum eius, sub ratione quâ liberum. Quanta est igitur Aduersariorum cæcitas & stupor, qui cùm affirmant, omnem prorsus voluntatis actum, etiam illum, quo finem ultimum necessariò amamus, electionem esse, Richardum nihilominus, qui contrarium prorsus disertissimè asserit, suarum esse partium vociferantur.*

Secundò, docet Richardus libertatem à coactione non sufficere ad meritum, vel demeritum. Quærit enim in 4. distinct. 49. art. 1. q. 5. *Utrum voluntas in appetendo beatitudinem mereatur, sicque concludit: Ho-*



minem appetere beatitudinem contingit dupliciter. Vno modo in generali in quantum appetit aliquod bonum sufficientissimum. Alio modo in speciali in quantum determinate appetit illud bonum in speciali, in quo est verè omnis sufficientie plenitudo: sicut in clara Dei visione & perfecta eius fruitione. In appetendo beatitudinem primo modo non est meritum, quia sic naturaliter ab intellectu cognoscitur, & à voluntate appetitur: itaque circa hoc nec intellectus potest errare in cognoscendo, nec voluntas in appetendo. In appetendo beatitudinem modo secundo est meritum, quia sic nec naturaliter cognoscitur, nec naturaliter appetitur, sed respectu eius contingit esse errorem in intellectu, & obliquitatem in affectu; quia & intellectus potest opinari non esse beatitudinem in illo bono ubi verè est, & eam esse in illo bono ubi verè non est, & ex consequenti voluntas potest appetere beatitudinem ubi verè non est, & eam non appetere ubi verè est. Nihil video dici posse ad quæstionem nostram expressius. Si enim idcirco non meretur voluntas appetendo beatitudinem in generali, quia illam naturaliter sic appetit, vt non possit eam non appetere; certè ad meritum non modò libertatem à coactione, quam ille qui vult beatitudinem in generali habet, sed libertatem quoque à necessitate determinante requiri dicendum est.

Tertiò Richardus idem in 2. distinct. 38. art. 2. q. 2. aliam admittit libertatem, respectu finis, aliam respectu eorum, quæ sunt ad finem: Omnibus fidelibus, inquit, certum est voluntatem respectu eorum quæ sunt ad finem liberam esse non tantum à coactione, sed etiam à naturali necessitate. Atqui nouus Doctor pugnat eandem penitus esse libertatem respectu finis, & eorum quæ sunt ad finem; respectu beatitudinis, & eorum quæ ad beatitudinem conducunt, in quibus nimirum omnibus solam à coactione libertatem agnoscit; non ergo cum fidelibus omnibus sentit, sed pudendo schismate à fidelium turba diuiditur. De huius Theologi men-

Libro 4: de  
 grat. Chri-  
 sti cap. 28.

te dubitare adhuc quemquam posse non arbitrari; penitusque mirum est ausum esse Aduersarium scribere Richardum *non inter postremos in sententia sua asserenda extitisse*. Nam quæ pro eius auctoritate sibi vindicanda producit, nihil prorsus illum adiuuant.

Ait 1. Richardum docere, *actus qui versantur circa finem esse liberos*. Sed vidimus quâ libertate liberos esse dixerit; libertate nimirum à coactione, quam liberi arbitrij propriè dicti libertatem esse negat.

Ait 2. *omnes omnino actus humanos ex Richardi mente in 2. dist. 25. art. 3. q. 1. esse actus liberi arbitrij*. Verum cur silet, quod eodem loci Richardus tradit, *actus qui sunt in homine naturales (cuiusmodi est appetitus ultimi finis) non dici propriè actus humanos?*

Ait 3. eundem admittere *electionem respectu eorum, quibus manent Beati coniuncti fini*. At cur dissimulat electionem illam ex Richardi mente non esse respectu finis, ut eo ipso loco quem appellat: nimirum, in 2. dist. 25. art. 2. q. 2. ad 6. manifestè docet, ubi etiam addit, *Beatos eligere quosdam actus, quos maximè conuenit habere illos, qui sunt perfectè coniuncti cum fine: cuiusmodi actus sunt, electorum salutem optare, & pro eis orare*. Qui actus in Beatis liberi sunt saltem libertate exercitij.

Ait 4. ex Richardi opinione, *necessitatem non tollere rationem meriti, dummodo absit coactio*. Falsò id obicit, nec enim hoc vnquam docuit Richardus. Asserit quidem in 3. distinct. 12. a. 2. q. 1. ad 2. quòd *quamuis necessitas coactionis tollat rationem meriti, vel demeriti, necessitas tamen quæ est ex perfectione bonitatis, non tollit rationem meriti in viatore*. Quæ certè duo intelligenti cuilibet toto discrepare cælo videbuntur. Aliud enim est, *necessitatem coactionis tollere rationem meriti & demeriti*, quod omnes facillè cum Richardo concedent: aliud verò, *dummodo absit coactio, necessitatem non tollere rationem meriti & demeriti, siue solam necessitatem coactio-*



nis meritum & demeritum impedire: quod nec Richardus, nec vllus vnquam Catholicus affirmavit.

Quod autem Richardus addit, *necessitatem qua est ex perfectione bonitatis non tollere rationem meriti & demeriti in viatore*, de illa necessitate dicit, quæ ita voluntatem ad bonum in genere alligat, vt liberam illi relinquat optionem huius vel illius boni optandi, quam necessitatem nihil merito, libertati nihil officere communis est & certa Theologorum opinio.

## PARAGRAPHVS III.

*Thomas de Argentina.*

QVAM asseueranter nouus Theologus pronuntiat Thomam de Argentina opinionem de libertate suam verbis perspicuis tradidisse, tam verè affirmem, nihil ab eo dici, quod nouæ sententiæ non aduersetur. Neque verbis dumtaxat meis fidem adhiberi volo, hunc ipsum Auctorem, qualis fuit, repræsentō.

Libro. 6. de  
grat. Chri-  
sti cap. 29.

Quærit lib. 2. distinct. 25. art. 2. *Vtrum voluntas, prout est idem quod liberum arbitrium, possit per motum suum peccare, nullo existente errore in ratione.* Respondet autem posse peccare. Quia, inquit, *si voluntas non posset oppositum illius eligere, quod dictatum & indicatum est à ratione: tunc voluntas non esset potentia libera libertate contradictionis; falsitas consequens patet: consequentiam probo per Aristotelem 9. Metaph. vbi ipse in hoc ostendit, differentiam potentiarum rationalium & irrationalium: quia irrationales necesse est agere, vel pati, quando actiuum vel passiuum appropinquat: rationales verò non est necesse. Et sequitur. Hæc quidem, scilicet irrationales, vna vnus factiua, id est, determinata sunt ad vnum: ille verò, scilicet rationales, contrariorum.* Hæc sunt opinor verba perspicua non ad nouæ, sed ad veteris communisque sententiæ confirmationem. Quibus Aduersariorū opinio prorsus

670 DISPUT. DE LIBERO ARBITRIO  
clidetur, firactionis loco, voluntatis motum indelibe-  
ratum ponas : hoc modo : *Si voluntas non posset opposi-  
tum illius eligere , ad quod per motum indeliberatum  
allicitur , tunc voluntas non esset potentia libera libertate  
contradictionis : falsitas consequentis patet , consequentiam  
probo : quia esset determinata ad unum.*

Sed quæstionem totam multò adhuc expressiùs de-  
finit eodem artic. cùm ait : *Si voluntas non posset eligere  
contra iudicium rationis , & necessariò in omni sua electio-  
ne se conformaret iudicio rationis , tunc periret omne meri-  
tum & demeritum. consequentia patet : quia EX HIS QUÆ  
NECESSARIÒ A NOBIS FIUNT , NEC MERE-  
MUR NEC DEMEREMUR. Vnde ea quæ purè nobis  
insunt à natura , non sunt in nostra potestate , sed de necessi-  
tate eueniunt : idèò secundùm Philosf. 3. Ethic. ex puris natu-  
ralibus nec laudamur , nec vituperamur.*

Non potuerunt meo iudicio clatiora proferri contra  
nouam opinionem : hîc enim contendit perituum  
omne meritum & demeritum , laudem & vituperatio-  
nem , si voluntati necessitas inferatur , ex his enim , quæ  
necessariò à nobis fiunt nec meremur nec demeremur. Quid  
aliud autem Aduersario cum omni Theologorum tur-  
ba obicimus ? Affert deinde Bernardi testimonium.  
*Præterea , inquit , Bernardus in libro suo de libero arbitrio  
ait , Ratio data est voluntati , ut instruat illam , non ut de-  
struat : destrueret autem , si ei ullam necessitatem imponeret ,  
quò minùs liberè pro arbitrio sese moueret siue ad bonum siue  
ad malum : si unquam horum quodlibet prohibente ratione  
voluntas non posset , voluntas iam non esset. Destruitur ,  
inquit , voluntas , id est , liberum arbitrium , dum ei ne-  
cessitas imponitur , & impeditur liber ille motus ad  
bonum & malum. Libertatem igitur Aduersarij de-  
struunt , qui liberrimam voluntatis inclinationem ne-  
cessitatis vinculis alligant.*

Priori articulo eiusdem distinctionis ait , voluntatem  
respectu cuiuscumque obiecti , excepto sine ultimo , Li-



*bertatem habere consentiendi in actum, vel dissentiendi ab actu, solum enim, inquit, respectu illius quod mouet voluntatem sub ratione ultimi finis, voluntas non habet huiusmodi in potestate. Non igitur necessitatur voluntas ad alium actum, quàm ad eum qui versatur circa finem, què propterea negat esse in voluntatis potestate, quod ipsum tamen Dogmatista tam pertinaciter affingit. Sed videamus an quæ ipse profert, tam perspicua sint, quàm quæ retulimus, & an maiore hîc, quàm in aliis omnibus fidem mereatur.*

Opponit igitur locum ex dist. 25. in 2. a. 1. ubi legitur: *Potentia quæ est essentialiter libera aliquo modo est sui ipsius motiua, sed voluntas est essentialiter libera, ut inferius iniêdo declarare dist. 38. Ex quo Aduersarius conficit voluntatem semper remanere propriè liberam, cùm talis sit eius essentia: quàm absurdè autem & ineptè, patet ex hoc eodem Auctore qui præcedenti dist. a. 3. sic voluntatem à libero arbitrio distinxerat. POTENTIA VOLITIVA, VT EST VOLUNTAS, TENDIT IN FINEM, VT AUTEM VINDICAT SIBI NOMEN LIBERI ARBITRII, TENDIT IN EA QUÆ SVNT AD FINEM &c. Voluntas & liberum arbitrium est una & eadem potentia habens aliud & aliud officium, quorum ratione vnus dicetur simpliciter velle, ratione verò alterius dicetur liberè eligere. Ex his constat quàm insulsè ratiocinetur Aduersarius, qui voluntatem finis liberum velit arbitrium appellari; & volitionem nullam esse credat, quæ non sit libera libertate arbitrij & electionis, cùm tamen hic Auctor dicat, voluntatem circa finem liberè non eligere. sed tantùm circa ea, quæ sunt ad finem. Etsi enim voluntas & liberum arbitrium eadem essentialiter potentia sint: tamen hæc, prout diuersa obiecta, diuersa quoque nomina sortitur.*

Opponit secundò, ex eodem Auctore Christum eatenus mereri potuisse, quatenus sponte, non coactè agebat. Respondeo tam falsum illud esse, quàm quod maximè. Nam, vt vidimus, conceptis verbis af-

672 DISPUT. DE LIBERO ARBITRIO  
firmat in 2. distinct. 25. art. 2. *Ex his, quæ necessariò à nobis fiunt nec mereri nos, nec demereri.* Vnde colligit quòd si voluntas non posset eligere contra iudicium rationis, & necessariò in omni sua electione se conformaret iudicio rationis, tunc periret omne meritum, & demeritum. Et tamen in ea hypothefi libertas à coactione illæsa permaneret; Ergo ex huius Auctoris mente libertas à coactione ad meritum non sufficit. Quid igitur, inquires, sibi volunt hæc eius verba ex 3. distinct. 12. *Quamuis necessitas coactionis tollat rationem meriti, necessitas tamen immutabilitatis proveniens ex perfectione virtutum, non tollit rationem meriti, sed auget.* Respondeo, sermonem esse de illa necessitate, quæ voluntatem ad bonum in communi affigit, quæ necessitas, si coactionis esset, omne prorsus meritum adimeret: at cùm simplex dumtaxat necessitas est, meriti rationem adeò non minuit, vt augeat potius, & amplificet. Nam cùm ad meritum requiratur, primò, vt quod agimus voluntarium sit; secundò, vt sit liberum libertate exercitij: felix illa necessitas, quæ voluntatem ad bonum in communi adstringit, vt nihil nocet libertati exercitij, ita voluntarij rationem plurimum auget. Vnde hæc eiusdem Auctoris verba ex 3. distinct. 18. art. 3. *Christus & quilibet in gratia confirmatus, licet determinatè tendat in bonum, tamen voluntariè & liberè tendit in ipsum.* Voluntariè quidem tendit in bonum in communi, quia necessitas, quæ Christi voluntatem ad bonum addicebat, non coactio, sed simplex dumtaxat necessitas erat: liberè verò in hoc vel illud bonum, quia pari utriusque eligendi potestate præditus erat.



## PARAGRAPHVS IV.

Dionysius Carthusianus.

TANTA fuit Aduersarij in huius Auctoris exploranda mente cæcitas, aut incuria, vt ne vnum quidem eius verbum exceperit, sed ex longiori Alberti loco, quem integrum Carthusianus describit in 2. dist. 25. breuem laciniam his comprehensam verbis referat: *Quatuor sunt status libertatis, seu liberi arbitrij, in homine. Vnus ante peccatum, secundus sub peccato, tertius sub gratia, quartus in gloria. Atque in omnibus hu iudicio meo, libertas à coactione, seu necessitate, equaliter manet in homine, propter libertatem voluntatis, quam si homo amitteret, peccatum eius non esset peccatum.* Et paulò pòst addit, *hominem non cadere nisi electione propriæ voluntatis, non necessitate coactionis.* Hinc Aduersarius certò confici putat, ex Carthusiani mente homines hoc in statu non alia, dum peccant, libertate præditos esse, quàm quæ propriè dictæ coactioni aduersatur.

Ac istud est nimis imperitè Carthusianum interpretari? qui expressè ait, *hominem non cadere nisi electione propriæ voluntatis*, tantùmque abest à nouo Dogmate, vt in Summa libro 2. art. 14. scribat: *IN HIS QUÆ AD VNVM DETERMINATA SVNT NON SORTITVR ELECTIO LOCVM.* Ergo ex eius mente homo, qui non peccat nisi electione propriæ voluntatis, non peccat necessariò. Subruit quoque aliud nouæ opinionis fundamentum, dum eodem loci asserit, *Electiõnem non esse de fine, sed de his quæ sunt ad finem.* Reliqua verò propemodum omnia labefactat, cùm addit: *Quamuis homo aliqua necessariò velit, quia finis respicit voluntatem, NIHIL TAMEN DE NECESSITATE ELIGITVR: tum quia omne, de quo est electio, ordinatur ad aliud, & sic non est simpliciter perfectum, ac bo-*

num, sed secundum aliquam considerationem adici potest, tum quia rationales potentie, in quantum huiusmodi, sunt indifferentes & libere secundum Philosophum. Si nihil de necessitate eligitur, si rationales potentie sunt indifferentes, quomodo libertas electionis, & propria rationalis potentie indifferentia cum simplici necessitate cohereret?

Docet etiam in 2. dist. 25. quæst. 2. ex sententia S. Thomæ, voluntatem liberam ad vnum nunquam adici, nisi ex apprehensione finis ultimi, & beatitudinis, in reliquis autem nulla necessitate, aut determinatione circumscribi; ac proinde licet Deus infinita virtute sua voluntatem creatam immutet, & conuertat, eam tamen nullam pati necessitatem. *In vniuersis*, inquit, *quæ cadunt sub electione, libera manet voluntas, in hoc solum determinationem sortita, quod beatitudinem naturaliter appetit, non tamen determinatè in isto, aut in illo. Sic ergo quamuis Deus sua infinita virtute voluntatem creatam immutet, afficiat, & multipliciter imprimat in eandem, non tamen necessitat eam. An ista cum Aduersarij Dogmate conueniunt?*

Illud ipsum paulò fusiùs exponit in Summa libro 2. art. 11. Quærit enim: *An voluntas moueatur de necessitate à suo obiecto, & à Deo. Ad primam partem ita respondet: Voluntas dupliciter mouetur: vno modo quantum ad exercitium sui actus, & sic à nullo obiecto de necessitate mouetur. Potest enim unusquisque de quolibet obiecto non cogitare, & per consequens id non velle. Alio modo mouetur quantum ad specificationem sui actus, & sic ab aliquibus de necessitate mouetur, ab aliquibus autem non. Nam ab eo, quod vniuersaliter & totaliter bonum est, de necessitate mouetur: si verò proponatur voluntati aliquid, quod non est secundum omnem considerationem bonum, in illud non necessario fertur, sed potest illud non velle, in quantum concipitur ut non bonum. Patet igitur quod voluntas nihil de necessitate desiderat, nisi bonum omnino perfectum, quod*



*est beatitudo.* Et huic tamen Auctori suam opinionem Aduersarius affingit, quâ docet nullam esse in homine corrupto libertatem à necessitate? Quod ad secundam quæstionem Carthusianus respondet nouo Doctori nihilo minùs incommodat. *Secundùm Dionysium*, inquit, *Providentia Dei omnia conuenienter disponit, nec naturas corrumpit, nec naturales proprietates tollit. Cum ergo voluntati conueniat esse liberam, atque ad utrumque oppositorum potentem, palam est quòd non mouetur à Deo per necessitatem.* Nihil hîc commentariis opus est. Clara sunt & explicata verba. Ait *palam esse quòd homo non mouetur à Deo per necessitatem.* quia alioquin voluntatis libertatem, quâ ad utrumque oppositorum potens est, corrumpere.

Denique ex ipsius Alberti mente statuit in 2. dist. 25. quæst. 1. art. 1. ad arbitrij libertatem non sufficere vt non cogatur aliqua necessitate. *Itaque non sufficit ad liberum arbitrium non cogi necessitate ad opus, nec hoc, quod agat non ex necessitate nature, imò requiritur quòd agat ex libera electione liberòque consilio.* Atqui negat in Summa libro 2. art. 14. in his, quæ ad vnum determinata sunt, electionem sortiri locum. Ergo ex eius opinione liberum arbitrium non est respectu eorum, quæ sunt ad vnum determinata. Hinc est quod ibidem hæc Alberti verba approbat: *Liberum arbitrium non est, nisi de operabilibus per nos, quæ sunt in nobis, id est in nostra potestate quoad facere & non facere, & quorum nos domini sumus, & causa.*

Ex quibus liquet Dionysium Carthusianum, cum Dionysio Cisterciensi consentire, qui in 2. dist. 24. q. vnica articulo 1. conclus. 5. arbitrij libertatem ita definit: *Arbitrium dicitur liberum, quia positis omnibus extrinsecis ad suum actum agere requisitis, liberè potest agere, vel non agere.* Quæ definitione noua libertas præfocatur.

## PARAGRAPHVS V.

*Marsilius de Inghen.*

CONSTAT sibi nouus Doctor, & pari vbique infelicitate & incuria Theologorum mentem inuestigat. Marsilium opinionis suæ testem appellat, qui ab illa tam longè abest, vt in 2. q. 16. a. 2. voluntatis libertatem in eo positam asserat, quòd omnibus eisdem existentibus voluntas potest in actum, & potest in non ipsum. Quam opinionem suam inde confirmat, quòd hæc propositio ab Stephano Episcopo Parisiensi anno 1226. ex Theologorum sententia damnata sit: *Voluntate existente in tali dispositione, in qua nata est moueri, & mouente sic disposito, quòd natum sit mouere, impossibile est voluntatem non velle.* Hinc Marsilius colligit voluntatem positis omnibus ad agendum prærequisitis posse actum promere, vel suspendere.

Clarissimè illud ipsum tradit articulo 2. cuius hæc secunda conclusio: *Non ex eo adequatè voluntas dicitur libera, quia potest in effectum, & etiam in non ipsum. Patet, quia ita agentia naturalia essent libera, vt caliditas calefacit, cum excedit resistentiam, & non calefacit, ubi non excedit.* Tertia verò: *Neque ex hoc est libera adequatè, quia sua cognitione quandoque fertur in hoc, quandoque in eius contrarium; quia ita facit canis: prohibente coquo non innadat carnes, quas innaderet, & comederet, nisi alius prohiberet.* Quarta denique conclusio nouæ opinioni penitus aduersa docet, libertatem voluntatis in eo esse collocatam, quòd positis causis efficientibus ex parte obiecti, & representationis ad ipsius acceptionem, voluntas potest ipsum non acceptare: item positis illis sufficientibus ad obiecti refutationem, ipsum potest non refutare. Vnde articulo 6. ait: IDEO LIBERAM VOCARI VOLUNTATEM, QVIA OMNIBVS EODEM MODO SE



HABENTIBVS POTEST IN OPPOSITA. Idem recipit quæst. 17. prope finem. & quæst. 22. art. 2.

Quare in 2. quæst. 3. art. 2. cùm docuisset ita Angelum potuisse produci, vt in primo instanti suæ creationis, *possitis causis sufficientibus, & eo modo, quo sufficientes ad esse electionis, liberè potuerit poni electio mala in primo instanti*, negassétque de facto peccasse Angelos in primo instanti, etiamsi peccare potuerint: ad id quod obiciebatur, non esse potiore rationem, cur Angelus peccauerit post primum instans, quàm in primo instanti, si in illo potuit peccare, ita respondet: *In hoc non requiritur aliqua alia ratio, quàm libertas arbitrij, quâ ad tempus non est abusus Angelus per auersionem, sed postea est abusus.* Eandem hominis lapsi conditionem esse docet cùm in 2. quæst. 16. art. 2. de hoc statu ait: *Causa determinans ad hanc volitionem est sola voluntas nunc acceptans, quod ante non voluit acceptare, eisdem existentibus impellentibus.* Quo nihil efficacius dici potuit ad nouam opinionem elidendam, nihil ad communem confirmandam accommodatius.

Tam exigui verò momenti sunt, quæ ex Marsilio Aduersarius opponit, vix vt responsionem mereantur. Omnium summa his Marsilij verbis continetur ex 2. quæst. 16. art. 2. *Libertas creatura rationalis est ipsa met creatura, vt libertas Angeli est ipse Angelus. Quod patet quia solo Angelo remanente, omnibus alijs ab eo seclusis, maneret ipse liber, & non esset tunc liber per libertatem superadditam, cùm omnia alia sint seclusa.* Vnde Marsilius colligit, non esse possibile, vt voluntate remanente, Deus eius libertatem auferat, quia, vt dictum est, voluntas est sua libertas. Sed quid ista, quæso, nouæ opinioni commodant? Neque enim ait Marsilius fieri non posse, vt voluntas non sit libera in actu secundo, id est, vt operetur non liberè; sed tantùm ait, libertatem in actu primo, seu potentiam liberam, diuidi à voluntate non posse, quia cum illa prorsus est idem.

Quod Aduersarius addit ex Marsilio in 3. quæst. 12. art. 2. plus illi nocet, quàm fauet. Triplex necessarium Marsilius distinguit, & cum merito comparat. Necessarium est, inquit, *primò quia coactum, & in hoc nullus meretur. Secundò, quia à natura inexistentis, sic quòd aliter fieri nequit, sicut grauis inclinatio est deorsum, & hominis inclinatio in scire per intellectum, & in bonum per affectum, & in talibus homo etiam non meretur. Tertio modo dicitur necessarium quia inenitabile, non tamen per naturam, sed per gratiam in bonum confirmantem.* Dixi nihil istud Aduersario suffragari, quia postrema illa necessitas, quam negat meritum adimere, est tantùm necessitas consequens, cuiusmodi est illa, quam electis prædestinatio, & rebus contingenter futuris Diuina præscientia imponit. Dixi insuper hunc locum illi nocere; quia disertissimè Marsilius negat satis esse ad meritum libertatem à coactione, cùm ait hominem in his non mereri, quæ naturali inclinatione appetit. Atque vt intelligas Marsilium eam quoque exercitij libertatem in confirmatis admittere, quam conspirans Theologorum sententia ad meritum exigit, consule quæ scribit de B. Virgine in 2. quæst. 17. sub finem totius quæstionis: *Virgo Maria, inquit, post conceptum saluatoris non potuit ferri in malum, erat tamen libera in facere, & non facere.*

## PARAGRAPHVS VI.

*Nicolaus de Orbellis, Stephanus Brulefer,  
& Petrus Capulleius.*

QVIDQVID est in arte bellica ingeniosæ fraudis, quidquid stratagematum, caller Aduersarius, & in rem suam peritè admodum expromit. Quæ Theologorum testimonia, quasi acerrimos pro opinione sua milites, prima in acie ostentarat, in extremam modò veste mu-



rata, aliisque sub signis iubet succedere, ut numerosioris exercitus speciem adumbrent. Verum si illud ad ostentationem & pompam aliquid facit, ad pugnam certè & conflictum plurimum nocet. Nihil est ergo quòd inani illo & ambitioso Auctorum numero terreamur, nihil quòd in Nicolao de Orbellis, Stephano Brulefer, & Petro Capulleio novos hostes, nobisque hæcenus inuisos formidemus. Quidquid enim ex iis Aduersarius producit, eorum non sunt, sed ipsissima sancti Bonauenturæ & sancti Thomæ verba, quæ superius exposui.

Ex Stephano quidem Brulefer istud opponit: *Actus liberi arbitrii deliberantis, quamuis possit esse circa necessarium, semper est contingens. Actus verò liberi arbitrii, ut liberum est, non solum potest esse circa necessarium, sed etiam necessarius in se.* Agnoscis, opinor, sancti Bonauenturæ verba, quæ à Calvinistis contra communem de libertate opinionem obiecta, clarissimè ex ipsius Bonauenturæ mente Guillelmus Estius explicuit. Cur igitur nouus Theologus dissimulat hæc ex Seraphico Doctore à Stephano Brulefer recitari? Cur silet aliud quoque testimonium, quod ex Nicolao de Orbellis refert, sancti quoque Bonauenturæ esse? Cur hæc testimonia, quæ cum S. Bonauenturæ opinionem expenderet, integra retulerat, rursus hîc describit? Satis erat profectò obiter monuisse eadem Seraphici Doctoris verba à Stephano Brulefer, & Nicolao de Orbellis laudari & probari. Satis, inquam, illud homini fuisset, qui mallet agere sincerè, quàm imperiti lectoris oculos ambitioso nominum atque titulorum apparatu perstringere.

Similis est eius in Petro Capulleio laudando versutia. Nam hæc ex ipsius commentariis in 2. distinct. 7. art. 2. quæst. 1. punct. 1. verba recitat. *Quædam sunt ordinata ad finem beatitudinis, quæ ipsi ultimo fini beatitudinis coniunguntur, ut videre, & amare, & respectu horum est*

*sempiterna & libera electio. Alia autem sunt imperfecta, eo quod ab ultimo fine distans, ut fides & spes, & hæc excluduntur, nec est sempiterna electio respectu horum. At hæc ipsa sunt S. Thomæ verba, quæ novus Doctor superius nobis intentavit. Cur illa rursus describit? cur sub alterius nomine denuo nobis ingerit?*

Alia est novi Theologi in hoc citando loco non ferenda calliditas. Viderat ille vix aliquid ex S. Thomæ verbis in suam sententiam extundi posse; quia non ait S. Doctor *respectu amare futuram in Beatis liberam electionem*, sed: *respectu videre, & amare*. Quæ verba prorsus labefaciunt rationes omnes, quas inde elicere posset ad formalem libertatem amoris beatifico vindicandam, quia vel nullæ sunt, vel efficiunt quoque ipsam visionem beatificam esse formaliter liberam, quod ineptissimum est, cum formalis libertas solius voluntatis actibus comperat. Vnde certissime colligitur, ut demonstraui cap. 1. sect. 2. par. 1. vel illa S. Thomæ verba non esse intelligenda de visione & dilectione beatifica; vel saltem sermonem tantum esse de electione quadam reflexa, quæ visionem & dilectionem beatificam approbet: siquidem alia circa visionem beatificam electio nec esse, nec fingi potest. Non enim ipsa visio beatifica est electio formaliter, ut Aduersarij concedunt: neque etiam antegressæ alicuius in Beato electionis obiectum est; quia nullus in Beato voluntatis actus visionem beatificam antecedit. Cum hæc, inquam, omnia Aduersarius intelligeret, vocem illam, *videre*, quæ tantum illi incommodat, extriuit cap. 38. eumque sancti Thomæ & Capullei locum sic retulit: *Respectu amare (in Beatis) est sempiterna & libera electio*. Vnde colligit: *Omnem omnino rationalem voluntatem (hoc est voluntatis motum) & liberam esse, & electivam sui obiecti*. Quis tantam tamque immanem depravationem ferat? Redde S. Doctori verba sua, & intelliges te non antè ex iis probaturum, *omnem omnino voluntatis mo-*



*rum esse liberum, & electum sui obiecti, quin idem de intellectuum facultatis actibus efficias; siquidem non ait tantum respectu amare futuram in Beatis liberam electionem, sed etiam respectu videre.*

## PARAGRAPHVS VII.

*Durandus.*

PARVUM est noui Doctoris tela partim fregisse, partim in eum retorsisse, placet vel ipsas eius minas vl-  
cisci. Minatus est nobis cap. 17. Durandi auctorita-  
tem, sed cum postea inter reliquos Theologos appella-  
re non est ausus: veritus scilicet ne seuerum potius in  
eo iudicem, quam patronum haberet. Disertè enim  
tradit hic Auctor, quod hactenus pluribus Theologo-  
rum testimoniis confirmaui, duplicem esse libertatem,  
ampliolem alteram, quæ omni prorsus voluntatis actui  
competat, quæque sola coactione interna lædatur: al-  
teram verò strictiorem, quæ liberi arbitrij propria sit,  
nec coactione tantum, sed etiam simplici necessitate  
corrumpatur. Hæc eius verba sunt in 2. dist. 24. q. 2. n.  
12. *Libertas absolute sumpta, & libertas arbitrij differunt.*  
*Quia libertas absolute sumpta est in plus (id est, latius pa-*  
*tet) quam libertas arbitrij. Nam cum libertas sit in omni*  
*natura intellectuali, & in illa solum, natura autem intelle-*  
*ctualis includit intellectum & voluntatem, ideo omnis actus,*  
*ad quem concurrunt intellectus & voluntas, potest dici liber,*  
*etiamsi non esset possibilitas ad oppositum actum. Quod pa-*  
*ter per B. Augustinum Enchiridij sexto capite, ubi dicit sic,*  
*Neque enim aut voluntas non est, aut libera dicenda non*  
*est, quâ Beati sic esse volumus, ut esse miseri non solum no-*  
*lumus, sed nequaquam prorsus velle possumus. Libertas enim*  
*sic absolute sumpta, solum excludit à cognoscente & volente*  
*coactionem, qua pertinet ad seruitutem absolute & simpli-*  
*siter. Libertas verò arbitrij est, quâ quis potest in aliquem*

682 DISPUT. DE LIBERO ARBITRIO  
*actum, vel eius oppositum contrariè, vel contradictoriè, & sic LIBERTAS EXCLVDIT NON SOLVM COACTIONEM, SED OMNEM NECESSARIAM HABITVDINEM.* En cur nouus Doctor Durandi auctoritatem formidauit. Videbat nimirum vel hoc vno testimonio damnari se, & præcipuum opinionis suæ firmamentum ex illo S. Augustini loco accersitum sibi extorqueri.

Eadem Durandus inculcat quæst. sequenti num. 12. *Potest, inquit, sumi libertas tripliciter. Vno modo pro carentia ordinis ad aliud tanquam ad finem, & sic dicitur liber, qui est gratia sui finaliter: seruus autem qui est propter alium scilicet propter diuinum &c. Secundo modo accipitur libertas pro carentia vel immunitate à coactione in cognoscenie. Tercio modo accipitur pro immunitate à necessaria determinatione respectu oppositorum, quæ nihil est aliud, quàm facultas ad opposita. Et num. 15. Si loquamur de libertate tertio modo dicta, QVÆ SOLA DICITVR LIBERTAS ARBITRII, quæ nihil est aliud, quàm facultas ad opposita absque determinatione ad alterum &c. Item num. 9. Ratio liberi arbitrij consistit in indifferentia, per quam possumus in aliquid, & eius oppositum. Hinc est quòd dist. 25. q. 1. num. 3. probat liberum arbitrium, seu electionem, quæ est actus liberi arbitrij, esse tantum eorum quæ sunt ad finem.*

Denique in 4. dist. 49. quæst. 4. num. 17. multa congerit, quibus hæc quæstio prorsus deciditur. Statuerat formalem beatitudinem non in voluntatis, sed in intellectus actione esse collocandam: cùm autem obiceretur contrà, actum intellectus ignobiliorem esse, quia actus voluntatis est liber, non autem actus intellectus. Respondet: Dicendum, quòd libertas potest sumi dupliciter, vno modo prout opponitur coactioni, & sic intellectus est liber intelligendo, sicut voluntas in volendo. quod patet: quia illud solum est coactum, quod est contra inclinationem rei, sed nullum intelligere est contra inclinationem



*intellectus &c. Ergo impossibile est quòd intellectus intelligendo cogatur, sicut nec voluntas in volendo &c. Alio modo sumitur libertas, prout opponitur necessitati, & sic non oportet, quòd actus sit nobilior, qui est liberior, alioquin nobilior esset in Deo velle alia à se, quàm se ipsum, & in nobis nobilior esset voluntas eorum, quæ sunt ad finem, quæ liberè volumus, quàm voluntas finis, quem necessariò volumus. Quæ omnia sunt falsa. Et iterum, si propter libertatem poneretur felicitas in actu voluntatis, deberet poni in actu libero, & non in actu necessario: sed actus voluntatis respectu Dei in patria erit necessarius, & non liber &c. Nullum ferè hîc verbum, quod aliquod nouæ opinionis fundamentum, aut confectarium non euertat. Negat actum voluntatis respectu Dei in patria fore liberum. Negat nos liberè finem velle. Negat Deum liberè amare se ipsum. Negat denique voluntatem intellectu esse liberiozem, si de ea tantùm liberrate sermo sit, quæ coactionem propriè dictam arceat. Quæ tamen omnia certissima esse tantum non Aduersarius iurat.*


Hi sunt Theologi, quos à Calvinistis prætermis-  
 studiosè Aduersarius collegit, & in communem opi-  
 nionem armare conatus est. Qua in re, vt nihil ad-  
 modum laudis illi tribuendum puto; quia non alia ex  
 posterioribus illis Theologis argumenta sumpsit, quàm  
 quæ ex S. Thoma, S. Bonauentura, Scoto, Gabrie-  
 le, aliisque Calvinistæ petierant: ita nec mihi aliquid  
 arrogo, quòd postremum hunc eius impetum repres-  
 serim; nam illa tantùm duo illi opposui, quæ Calui-  
 nistis Guillemus Estius, aliique Doctores Catholici  
 obiecerant. Primum est, antiquiores Theologos, & S.  
*Thomam*, (Estij verba sunt in 2. dist. 25. §. 2.) genera-  
 lius loqui de libertate voluntatis, dum dicunt eam violen-  
 tia vel coactioni opponi, non autem naturali necessitati. Sic-  
 que voluntas generali modo dicitur libera quatenus spon-  
 tanea est, & non coacta; voluntatis autem arbitrium non

*dictur, nisi quatenus potest ad virumlibet. Secundum est, eisdem Theologos sæpenumero coactionem ponere pro necessitate. Ad hanc geminam distinctionem, multiplici à Catholicis Doctoribus ratione firmatam, omnia Aduersariorum argumenta, quæ ex veterum Theologorum auctoritate depromunt, sic tanquam ad scopulos allisa franguntur.*

Neque de illis tantum Theologis loquor, quorum mentem sigillatim exposui; sed de illis etiam, qui ante S. Thomam floruerunt. Fatebuntur enim vel ipsi Aduersarij tuere prorsus omnia & labi, quæ ex antiquioribus Theologis producant, si duplex illa Guiljelmi Estij, & Catholicorum aduersus Calvinistas scribentium obseruatio veritatem habet. Et verò id ex iis intelligere potuisti, quæ de Magistro sententiarum obiter attigi sectione 1. paragr. 2. vt Calvinum de eius auctoritate gloriantem castigarem. Idem quoque colligi inde potest, quòd nihil ferè ex S. Thoma, S. Bonauentura, Gabriele, Henrico à Gandauo, Richardo de Media villa, Thoma de Argentina, Dionysio Cartusiano, Marsilio, & Durando protulerim, quod ex Magistro sententiarum, & superioribus Theologis expressum non sit. Verum si Magistri, & aliorum mentem fusiùs explicatam postulas, Petauium consule, virum omni laude & inuidia maiorem, qui cum instituti sui non putaret esse posteriorum Theologorum, quos sibi nouus Doctor arrogat, sententias enucleare, Magistri tantum & superiorum aliquot opinionem tractauit accuratè libro 3. de libero arbitrio cap. 8. 9. 10. Ratus videlicet ad Theologos omnes à nupera calumnia vindicandos satis esse, si eorum principes præposteræ nouitati capitaliter infensos esse demonstraret.

FINIS.





# APPENDIX

AD SUPERIOREM

DISPUTATIONEM.

SE V

PETRVS DV MOVLIN

CALVINISTA

NOVI DOCTORIS BREVIATOR.



ON te dimittam (Erudite Lector) laboriosa disputatione fatigatum. Collectum ex ea tedium non inficeta narratione detergam. Venerat nuper in manus Petri du Moulin famosi Calvinistæ de gratia & libero arbitrio liber Latine scriptus, & ante annos 25. editus in lucem. Non erant compacta folia : primum quidem infuscatum nonnihil videbatur atque detritum : sed reliqua omnia adeo tersa erant, & nitida, ut recens è prælo exiisse diceres. Cum hunc percurrerem, & medium iam emensus posteriora folia haberem in manibus, supervenerunt ex amicis duo, quorum alter nouæ opinioni ad insaniam addictus erat, alter Sorbonicus

R R r iij

Doctor, & antiquæ Sorbonicorum doctrinæ retinentissimus. Post consueta vrbanitatis officia, ad noui dogmaris partiarium conuersus; Diu est, inquam, quodd Latinum & breue Doctoris vestri compendium expetis: en elegantissimum. Exilit ad hanc vocem, & aliquot mihi folia è manibus eripit, quorum titulos desultoria lectione peruolat. Arriserunt homini, & prurientem animum nouis illecebris proritarunt. Ergo nihil de Auctoris nomine sollicitus (neque enim dubitabat ex eadem produsse officina, vnde similes libelli in dies emergunt) subducit se à nobis, & ad fenestram secedit. Vix paginam vnā, aut alteram perlegerat, cū in hæc verba admirabundus erumpit: O elegantem Iprensis summam! faxit Deus vt pari felicitate reliqua pertexat. Mihi verò risum mouit isthæc exclamatio. Continui tamen vt potui, nequid illi suboleret. dūque auidissimis oculis librum deuorare pergit, Sorbonicum prehensa manu seuoco, &, O virum, inquam, splendidè delusum! quem Iprensis sui Breuiatorem putat, Molinæus est Calvinista, qui hunc librum annos plus viginti antè conscripsit, quàm Iprensis opus vulgaretur. Age, placet hominem ludum facere, eiūque suffragio nouum Doctorem plagij reuincere. Priores libri paginas seponam, ne Auctoris nomen innotescat; tu omni asseueratione affirma illum de conficienda Iprensis summa non cogitasse.

Nondum annuerat, cū alter præ admiratione vix sui compos, iterum exclamat: O expectatum diu Iprensis nostri compendium! Cui ego: Quādiu te nobis recens hic liber furabitur? Tantine tibi est, vt eius lectionem amicorum colloquio præferas? Parcite, inquit, totum breui in epitome Iprensem mirabar. Tum Sorbonicus impositæ sibi personæ memor, Fallor, ait, aut qui hunc librum scripsit, de Iprensi ne cogitauit quidem. Subrisit ille, atq; vt erat aulica vrbanitate perpolitus, Nolim, inquit, tibi aduersari: sed vereor vt id alteri,



qui Ipreensem legerit, persuadere possis. Tum me respectans innuere videbatur, ut qui meus esset super ea re sensus liberè expromerem. Cui ego, Si bene Auctorem noui, non is est, qui alienos eniti partus velit: potest & ipse proprio Marte aliquid cudere, quod posteritas legat. Itane verò, reponit ille, leuidentse putas opus, & ingeniosi hominis labore indignum Ipreensem contraxisse? Ut ut sit, inquit Sorbonicus, credere non possum Auctorem hunc Doctoris vestri Breuiarium concinnasse. Tum ille, Diutius de re apertissima altercamur: libetne auctorem utrumque componere? Liber verò, inquam. Age igitur, excipit ille, Ipreensem expedi. Dum illum promo, Miror, ait Sorbonico, Ipreensem adeo tibi ignotum esse, ut hanc eius imaginem, fidelem certè & expressam, non agnoscas. Ego verò plus miror, inquit ille, te adeo Iprensi plenum esse, ut quidquid legis ab eo delibatum putes. Interim nouum Doctorem profero, quem eius partiarius mihi ereptum, mensæ imponit: simulque Molinæ folia explicans, Qui locus, inquit, obtigerit, fidem liberabit meam.

*Liberum arbitrium non simplici necessitate, sed sola  
coactione violari.*

COMMODOVM incidit in paginam 255. ex qua ista legit: *Non pugnat libertas cum necessitate, sed cum coactione.* Temperare non potuit quin hic moneret, Ipreensem hanc suæ opinioni basim strauisse. Tum legere pergit. Quocirca Augustinus Enchiridij cap. 105. & Ciuitatis 22. capite ultimo docet per necessitatem non peccandi, quæ erit in sanctis, liberum eorum arbitrium potius auctum & confirmatum, quàm diminutum iri. Quid Deo liberius? idem tamen necessario est bonus, & agit bona. Nam ut ait Thomas Tomo 8. de libero Arbitrio quest. 24. artic. 3. posse eligere malum non est de

*ratione liberi arbitrij. Idem saepe dicit coactionem, non verò necessitatem pugnare cum libertate voluntatis, præcipuè vero eodem Tomo quæst. 10. de processione Divinarum personarum articulo 2. En, inquit, paucis collectum quidquid Iprensis pluribus libri 6. de gratia Christi capitibus fusè disputat. Quod ait hic Breuiator docere Augustinum in Enchiridio & in libris de Civitate, Beatorum libertatem non peccandi necessitate minorem non fore, summa est capitis 8. cui hunc titulum Iprensis præfigit: Idem ostenditur ex libertate Beatorum hominum & Angelorum. Vbi illa ipsa S. Augustini testimonia profert & explicat. Illud verò: Quid Deo liberius? Idem tamen necessario est bonus, capitis 7. compendium est, cuius hæc inscriptio: Idem ostenditur ex libertate Dei. Denique quod hic subtexit: Thomam saepe asserere coactionem, non necessitatem pugnare cum libertate voluntatis, capitis 14. est epitome, vbi illud ipsum testimonium ex quæst. 10. de potentia, quasi firmissimum ad opinionem suam stabiliendam argumentum, Iprensis sæpius inculcat.*

Cùm hæc diceret, atque illa ipsa Doctoris sui loca nobis ob oculos proponens rogaret ut observaremus eadem S. Augustini, eadem S. Thomæ testimonia ab illo proferri: nihil propius fuit quàm ut intempestivo risu comœdiam hanc perturbarem. Iam Sorbonicus ipse sudariolo bis ori admoto sternutationem finxerat, ut erumpentem risum compesceret, cùm peropportunè cognatus eius adfuit, mihi pridem familiaritate coniunctus, qui graue sibi negotium esse dixit, quod cum utroque quantociùs communicatum veller. Rogauimus nouæ opinionis vindicem, per eum nobis ut liceret proximum in hortum concedere. Annuuit ille comiter, addiditque se ex illa mora paratiorem fore. Ergo ab illo digressi plusculum in horto temporis cum amico exegimus. Quo dimisso, ad Iprensis patronum reuertimur: qui nos eminus ut vidit: Vici, exclamat, vici.



AD SUPERIOREM DISPUTATIONEM. 689  
vici. Vereor, inquit Sorbonicus, ne præcox sit hæc tua exultatio. Vici inquam, reponit ille. Clariora sunt omnia, quàm ut, vel à vobis, negari possint.

Quæ cum ego nutu ipso refellerem. Breui, inquit, tuam illam pertinaciam expugnabo. Tum Doctorem suum euoluens; Nostis, ait, quàm præfractè Theologi vestri abnegent, homines finem vltimum liberè appetere, quàm inuicè verò contrarium Iprensis noster effecerit l. 7. de grat. Christi cap. 4. vbi euincit, *Motum in finem quia maximè voluntarius est, & sponte fit, maximè esse liberum*, licèt necessariò à voluntate profiliat. Hoc ipsum paucis ac dilucidè collegit nouus hic Auctor pag. 253. En eius verba: *Finem vltimum, nempe felicitatem, volumus omnes necessariò. At tamen finem istum volumus liberè, quia sine coactione, & cum cognitione ac iudicio: Vnde fit ut hæc appetitio non modò sit spontanea, sed & voluntaria, ac proinde libera.* An ouum, inquit, ouo similis? Tum paginam vertens, En aliud, Iprensis ait, argumentum ex Dæmonum libertate petitur: sæpe illud inculcat, ac præcipuè libro 7. de gratia Christi cap. 11. Quo ex loco cum pauca nobis prælegisset, quibus Iprensis contendit, libertatem in diabolis cum peccandi necessitate coherere, quemadmodum in Beatis componitur cum non peccandi necessitate, Iam videre, inquit, quomodò hæc nouus Auctor contraxerit pag. 255. *Sic diaboli peccant necessariò, at tamen liberè. Peccant enim non coacti, nec determinati ad vnum à causa extrinseca eos impellente. Sed aguntur proprio motu, & insita prauitate, & cum cognitione. Eodem modo quo sancti, qui perueniunt ad gloriam, necessariò boni sunt, & immutabiliter, & tamen voluntariè ac liberè. Neque enim credibile est sanctos glorificatione libertatem amisisse.*

Volebam hîc aliquid intexere, cum rursus ex Molino pag. 296. istud legit: *Quòd si Deus necessariò bonus est, non verò liberè, & longè præstantius est bonum esse liberè, quàm non liberè, homo proculdubio erit melior Deo, &*

*subscribendum erit Senecæ blasphemia, qui Epistola 53. dicit, sapientem antecedere ipsum Deum, quia hic sapiens est natura benefico, at ille suo.* Abstinere non potuit, quin hinc nobis insultaret. En, inquit, quas in angustias atque blasphemias vos compingat bicornis illa liberi arbitrii indifferentia. Cui ego: Simili opinionem probare nostram, atque hanc ab illa calumniam propulsare incumberet, demonstrarem oppido iocularem illum esse atque ineptissimam argumentationem. Sed istud modò non agitur. Tuum est euincere hanc ab Iprensi tuo esse emendicatam. De illa, inquit, argumentatione (velis nolis validissima) dubium non est, nam illam Iprensis sæpius ingeminat. Sed illum quoque Senecæ locum ex eo descriptum contendo, certus sum enim ab Iprensi eundem adhiberi. Fateor tamen non satis explicatè recordari me, quo in libro, aut capite illum appellet. Ad hæc subrisi. Quod ille in malæ fidei accusationem interpretatus, Efficiam, inquit, ut intelligas, nihil me prorsus affingere. Tum Iprensis sui tabulam consulens, ubi illam aliquandiu peruolurauit, En, inquit, locum, libro 5. de Hæresi Pelagiana cap. 22. legit. Legit Sorbonicus, atque confessus est illud Senecæ testimonium ab utroque usurpari. Contendit nihilominus fieri potuisse, ut in eandem ambo opinionem fortuitò conuenirent. At ille: An istud etiam pugnabis, si eos in aliis omnibus consentire ostendero? Minimè verò, reposuit Sorbonicus. Id si effeceris, manus dabo.

*Homines peccandi necessitate obstringi, nec idcirco à culpa excusari.*

**A**GE ergo, inquit nouæ opinionis patronus, questionem aliam cum superiori coherentem expendamus. Nouus hic Auctor ita scribit pag. 295. *Augustinus plusculis in locis non dubitauit dicere inesse hominibus*



*peccandi necessitatem. Sic disputat. 2. contra Fortunatum: Postquam homo libera voluntate peccauit, nos in necessitatem precipitati sumus, qui ab eius stirpe descendimus. Et libro de perfectione iustitie ratiocin. 9. Quia peccauit voluntas, secuta est peccantem peccatum habendi dura necessitas. Quæ ubi perlegit, Iprensam continuò suam euoluit, & caput 12. libri 3. de statu naturæ lapsæ oculis nostris subiecit, iussitque vt legerem. Legi, vt imperarat, cùmque ad hæc verba perueni: Nam hinc illa aduersus Fortunatum: Postquam autem libera ipse voluntate peccauit &c. Vides, inquit, vtriusque consensum. Tum proximum locum, quem mihi digito indicabat, ita legi: Pergit Augustinus libro de perfectione iustitie: Quia verò peccauit voluntas, secuta est peccantem &c. Tum illo subridens, nega si potes, vnum ab altero mutuatum esse.*

Morespondere parantem his verbis repressit: Quæso tantisper sustine donec intimos huius quæstionis recessus explicuero. Scitis, quàm atrociter in superiorem Iprensis nostri opinionem recentiores Theologi declament. Ajunt illum homines culpâ purgare, dum eos peccandi necessitate constringit; putant enim non esse peccatum, quod necessariò sit, quòdque vitari non potest. Ad tragicas illas declamationes refellendas tria Iprensis docet libro 4. de statu naturæ lapsæ cap. 22. 23. 24. 25. & libro 3. de gratia Christi cap. 13. 14. 15. Primum est, dudum istud à Pelagianis Augustino obiectum fuisse. Secundum, peccandi necessitatem à peccato non excusare cùm voluntaria est. Quod posteriori in loco probat exemplo Dei, Beatorum, & dæmonum, qui etsi necessariò, quia tamen voluntariè bene vel malè agunt, laudandi quoque sunt, aut vituperandi. Tertium est, peccandi necessitatem, quâ lapsi homines implicantur, idcirco peccatum non purgare, quia nostrâ culpâ, Adami scilicet peccato, contracta est. Hæc porro omnia summa breuitate atque perspi-

cuitate complexus est hic eius Epitomator. Nam primò, ita ad hanc quæstionem accedit : pag. 293. *Veniendum est ad declamationes potius, quàm ad argumenta, quibus causam nostram odiosè prægriuant. Dicunt non esse peccatum quod necessario sit, & visari non potest. Tum aduersus illam obiectionem ita præscribit : Hanc Pelagianam crambem nobis reponunt, & millies eadem occurrunt. Deinde alias responsiones duas paucis ac neruose colligit : Principiò statuimus necessitatem peccandi non excusare à peccato, si est voluntaria : tum si est peccantis culpâ contracta. Probat exemplis : Sic Deus necessario bonus est, sed tamen liberè : & Satan necessario malus est, sed liberrima voluntate : & Sancti in calo liberè boni sunt, & tamen necessario. Quare si iniuste punitur qui peccat necessario, quamuis peccet voluntariè, & peccandi necessitatem suâ sibi culpâ contraxerit, iniuste quoque cumulabitur bonis, & gloria qui non potest peccare, & qui necessario bonus est ; quales esse Angelos & Sanctos in calis probauimus. Quæ paulò post pagina nimirum 698. clariùs adhuc atque disertius exponit : Statuimus igitur peccandi necessitatem excusare à peccato, si qui peccat hanc peccandi necessitatem suâ culpâ non contraxerit. Tum si per necessitatem intelligatur coactio, & vis maior agentis extrinseci, aut necessitas physica ad vnum determinata à creatore, destituta cognitione, qualis est inclinatio naturalis grauium ad centrum. At necessitas non excusat peccatum, si peccans sibi ipse contraxit peccandi necessitatem : & si sciens & prudens peccat, & ista ad peccandum propensione delectatur. Et negabitis, inquit, hanc esse Iprensæ epitomen ?*

*Deum impossibilia præcipere.*

**T**IMUIT ne hic eius sermonem abrumperem ; quare vix ducto spiritu, sic orationem pertexuit. Aliud est, inquit, quod aduersus eandem Iprensæ nostri doctrinam solet opponi : nimirum, frustra fore præ-



Œpta, inanes exhortationes, promissiones atque consilia, si homo ineluctabili peccandi necessitate constingitur. Cui argumento sæpius occurrit Iprensis, atque ad illud eneruandum ea ipsa disputat, quæ hic eius Breuiator summam comprehendit. Primò, ait hanc esse veterem Pelagianorum querelam, atque id inde probat libro 4. de Hæresi Pelagiana cap. 16. & libro 3. de gratia Christi cap. 13. quòd in libro de perfectione iustitie summis viribus Celestius contendat præcepta esse debere possibilia. Illud ipsum nouus hic Auctor breuiter contrahit pag. 299. nam ubi hanc objectionem ita proposuit: *Afferunt frustra inberi, si non est penes nos obsequi: inanes esse exhortationes, promissiones, minas, consilia &c.* Respondet: *Vetus hac est obiectio Pelagianorum, ut videre est apud Augustinum libro de perfectione iustitie, rat. 6. & II. ubi Celestius Pelagianus sic disputat &c.* Secundò, Iprensis ait libro 4. de statu naturæ lapsæ cap. 24. probare hoc argumentum esse in omnibus hominibus facultatem sponte operandi. Frustra enim essent præcepta si eiusmodi facultate homines carerent. Idem docet Auctor hic vester eadem pag. 299. *Respondeo frustra fore præcepta, minas, consilia &c. si homo careret facultate intelligendi, & aliquid volendi aut nolendi sponte.* Tertiò, Iprensis ait certum esse quosdam præceptis teneri, licet ea implere non possint, quod probat exemplo dæmonum, quibus imperat *lex æterna* (legite, inquit, hæc ipsa sunt eius verba) *non blasphemandum, non superbiendum &c.* & eos contra legem istam peccare nemo sana mentis diffiteri potest. Sicut igitur præcepti ratio non remouet à demonibus peccandi necessitatem, ita neque hominibus &c. Quæ eius Breuiator ita colligit eadem pag. 299. *Nec semper verum est frustra dari præcepta, quæ non possunt impleri. Quia non est dubium, quin diabolus necessarius malus, & inhabilis ad obsequendum Deo, teueatur Deo obsequi, alioquin ne quidem peccaret, dum Deo aduersatur.*

Hic ille exclamat, Ex mihi pertinacem esse oportet; qui hæc ex Iprensi nostro descripta negauerit? Tum in nos intuens, & ex nostro silentio atque admiratione certam sibi victoriam auguratus ita demum prosequitur: Quartò, inquit, Iprensis contendit capite 17. *Posse Deum, id ipsum homini post peccatum aeternâ suâ lege inbere, quod ante peccatum iusserat; quamvis ei iam propriâ culpâ factum sit impossibile; nec teneri ipsi conferre adiutorium sine quo peccatum iam vitare non potest.* Quibus quàm similia sunt quæ hic scribit pag. 347. *Non tenetur dare media ad fidem necessaria, quia homo illa media suâ culpâ amisit. Deus enim exigens ab homine quod debet, non tenetur restituere homini vires implendi quod iubet, quandoquidem homo has vires suâ culpâ amisit.* Quintò, ostendit Iprensis non superuacanea esse præcepta, quibus homo obsequi non potest. Quia, ut habet libro 3. de gratia Christi cap. 17. hæc est eorum utilitas, *ut scias homo quid sibi faciendum sit, neque peccatis suis prætexat ignorantiam.* Testem verò huius sententiæ suæ appellat S. Augustinum, atque hunc præcipuè eius locum proferret, ex libro de correptione & gratia cap. 3. *O homo in præceptione cognosce quid debeas habere: in correptione cognosce tu te vitio non habere.* Quorum breue compendium hic Auctor ita concinnat p. 302. *Nec tamen idcirco Deus incassum iubet, aut inania sunt eius præcepta. Nam Deus iubendo, hortando, minando, afficit hominem sensu peccati. Docet quid homo debeat: quid aliquando potuerit, & unde exciderit. Tum regulam iustitiae proponit, ne quis peccatis suis obtendat ignorantiam &c.* Praclare Augustinus in hanc rem libro de corrept. & gratia cap. 3. *O homo in præceptione cognosce quid debeas agere: in correptione cognosce tu te vitio non habere.*

Hæc cum perlegisset, Sorbonicum intuitus: Negabis, inquit, hoc Iprensis nostri esse compendium? Nihil dissimulabo, excepit ille, extorsisti ut dubitarem. Non arbitrabar tantam inter illos germanitatem esse



AD SUPERIOREM DISPUTATIONEM. 695  
atque consensum. Vix tamen adduci possum vt credam in aliis huius doctrinæ capitibus tam arcta eos societate coniungi. Cui ego: Planè istud tibi assentior; nam quolibet pignore contenderem, non hanc esse Iprensis epitomen. Næ tu, inquit alter, nimis pertinax es. Si valet illud Epicharmi: *Nervos esse sapientia non temere credere*, vix alium te sapientiozem puto. Sed faxo vt apertæ veritati obluetari non possis.

*Gratiam sufficientem esse explodendam.*

**A**LIVD aggredior, inquit, doctrinæ nostræ caput, quo monstrum nescio quod gratiæ, ex Aristotelica Philosophia, humanaque ratione prognatum Iprensis noster profligavit. Increbuerat apud recentes Theologos gratia quæ tam sufficiens omnibus promiscuè hominibus oblata, cuius naturam pluribus Iprensis explicat libro 3. de gratia Christi cap. 3. Breuissimè verò atque eius ferè verbis recens hic Auctor pag. 265. *Volens hominem nihil posse boni sine gratia. Sed per hanc gratiam intelligunt gratiam vniuersalem, quæ est omnibus hominibus communis, & gratiam sufficientem, quæ vel iis datur, quibus Christus nunquam innotuit.* Et pag. sequenti: *In voce gratiæ decipulam tendunt, & simia Pelagianorum fingunt quandam gratiam omnibus communem, quæ æquè late pateat ac natura.* Quàm sæpe, inquit, Iprensis inculcat, Pelagianorum simias esse, qui vanum illud gratiæ sufficientis spectrum Catholicorum in scholas inuexerunt? Quod vt debellet, docet primò, reiciendam esse opinionem illam, quæ ipsis etiam infidelibus gratiam tribuit mediatè vel immediatè ad salutem sufficientem, idque docet libro 3. de gratia Christi cap. 11. cuius hæc inscriptio: *Infideles carent gratiâ sufficienti ad salutem tam proximâ, quàm remotâ.* Idem scribit hic eius Epitomator pag. 329. *Hæc doctrina, quæ ponit in homine irrogenito & infideli gratiam, quæ vel mediâtè, vel*

*immediatè sufficiat ad fidem, vel salutem adipiscendam; Christianam fidem à stirpe conuellit.*

Vbi nos fateri subegit, nihil hîc esse inter vtrumque discriminis, ita demum perrexit: Gratiam sufficientem idcirco Iprensis repudiat eodem libro cap. 3. quòd sic à fautoribus suis describatur, *ut effectû suo semper & ubique, non sine insigni absurditate, frustretur.* Quàm absurdum verò quàmque ineptum sit quod negant *quemquam cum illa gratia operatum fuisse*, sic probat: *Si reuera talis istius gratia natura est, ut verè sufficientem tribuat potestatem utendi, quæ quæso ratio est, ut nulla voluntas eam unquam arripuerit?* Ego verò temperare non potui quin hîc exclamarem, communem sententiam nimis malignè ab Iprensi explicari. At eius patronus, Sentio, inquit iocans, quid tibi sit consilij, cùm te constrictum vides, aliò niteris quæstionem auocare. Sed non sic elabi te patiar: iure illud Iprensis dixerit, an iniuria, modò non quæritur. Sed tantùm an hæc ab illo nouus Auctor arripuerit. Quod nemo inficiabitur, qui cum superiori Iprensis loco hæc scriptoris illius verba componet ex pag. 320. *Vestram fidem, an potest gratia sufficiens vocari, quæ nunquam producit effectum, ob quem data est?* Et pag. 337. *Principiò hoc dogma de gratia sufficiente manifestè Deo illudit, dum fingit Deum serîo & ex animo velle seruare omnes homines, & in eum finem dare omnibus gratiam sufficientem, quâ possint conuerri & credere: sed istam gratiam maxima pars gentis humani tam parcè administrare, ut nemo possit dari toto orbe, qui per gratiam illam sufficientem seruatus sit.*

Nec ista legisse contentus, importunè nobis instabat ut locum vtrumque contenderemus, tandèmq; euicit, ut Sorbonicus ipse concederet omnia prorsus esse paria Quo successu latus ita prosequitur. Aliud est, inquit, aduersùs gratiam sufficientem Iprensis argumentum, inde accersitum, quòd illa omnibus promiscuè hominibus communis esse non possit, quin

verta-



AD SUPERIOREM DISPUTATIONEM. 697  
 vertatur in naturam. *Quid enim* (hæc ex Iprensi verba legebat libro 3. de gratia Christi cap. 2. ) *magis ad naturam pertinet, quam quod ita natura conferuntur atque iunctum est, ut ei auferri non possit &c.* Putant enim communiter non posse sufficiens adiutorium subtrahi, nisi velimus dicere actum secuturum non esse peccatum, vel Deum iubere impossibilia. Et cap. 18. probat, Nihil absurdius dici posse, quam quod Deus hominibus etiam peccatoribus sufficiens auxilium dare teneatur. Eadem, inquit, solers ille Iprensis nostri discipulus ad gratiam sufficientem exterminandam differit pag. 325. Voluit ut ipse legerem, sic habebat: *Quid quod non modo affirmant, Deum dare omnibus hominibus gratiam sufficientem virisq; credendi, sed etiam petunt Deum teneri & adstringi ad hanc gratiam dandam, Deoque ipsi leges figunt, ut iam periculum sit ne Deo iniustitia dica scribatur.* Et pag. 260. *Censent Deum nihil exigere ab homine, ad quod praestandum non dei vires sufficientes.* Dicunt ergo Deum teneri dare omnibus vires implendi, quod iubet. Tum alium mihi locum indicans ex pag. 266. En, inquit, quod aiebat Iprensis gratiam verti in naturam, dum omnibus communis fingitur, quem Pelagianorum errorem esse sæpius ingeminat. Hæc porro erant Molinæi verba, quæ digito annotabat: *Quin & videbimus per gratiam illam universalem & sufficientem, ac omnibus communem &c. naturam vestiri specioso nomine gratia, quod & faciebat Pelagius.* Tandem, inquit, quod agit Iprensis cap. 18. cui titulus hic præfigitur: *Soluuntur quedam scriptura loca, quæ pro asserenda gratia sufficienti proferuntur, ut, Quid debui ultra facere vinea mea &c.* præstat hic eius assella pag. 345. sicque auspicatur: *Illud verò Isaia: Quid amplius faciendum fuit mea vinea, quod non fecerim, quo sensu debeat accipi docuimus. Nihil sanè hinc potest excutiri pro gratia sufficiente &c.*

Vix ista finierat, cum nobis insulans, Estne, inquit, filius aliquis, qui propius ad parentis imagi-

nem, quàm nouus hic Auctor ad Iprensis similitudinem accedat: diffiteri ego non potui nullum inter eos hac in parte esse discrimen. Negauit tamen eandem in reliquis fore vtriusque consensionem. At ille committere me subsannans: ergo, inquit, tot mihi committendæ pugnæ, quot hic quæstiones tractauit. Dura cernè conditio, sed quandoquidem aliter expugnari vestra pertinaciâ non potest, libens illam amplector.

*Nullam medicinalem gratiam effectui suo carere.*

**Q**UEMADMODUM, inquit, sufficientem gratiam, quæ ex Pelagianorum castris emersa Catholicorum in scholas irrepserat, Iprensis noster obtinuit, ita medicinali gratia, cuius vel nomen ipsum apud recentes Theologos obsoleuerat, splendorem suum dignitatẽque restituit. Pugnat enim hanc esse eius indolem, ut suum semper effectum consequatur; atque id maximè probat ex illo celebri loco libri de corrept. & grat. cap. 11. & 12. quem ut fatalem subruendæ Scholasticorum opinioni machinam tam sæpè illis impingit. Hunc ipsum porrò ita describit recens hic scriptor parte 2. pag. 38. *Multa apud Augustinum præclara in hanc rem, sed nullibi apertius loquitur, quàm libro de corrept. & grat. quem scripsit in extrema senectute. Is cap. 12. hæc habet: Sanctis in regnum Dei per gratiam Dei prædestinatis non tantum tale adiutorium gratiæ datur, sed tale ut eis perseverantia ipsa donetur, non solum ut sine isto dono perseverantes esse non possint, verum etiam ut per hoc donum nonnisi perseverantes sint. &c. Subtexit & aliud indidem petatum, quod Iprensis sæpius inculcat Subuentum est ergo infirmitati voluntatis humana, ut diuinâ gratiâ INDECLINABILITER & INSEPARABILITER ageretur, & ideo quamuis infirma non tamen deficeret, neque aduersitate vlla vinceretur. Adamo fortissimo dimisit, atque permisit facere quod velles: infir-*



AD SUPERIOREM DISPUTATIONEM. 699  
mis seruauit, ut ipso donante INVICTISSIME quod  
bonum est uellent, & hoc deferere inuictissime nolent: Quæ  
ut intelligatis, inquit, non tam ex Augustino, quàm  
ex Iprensi esse descripta, obseruate, voces illas, inde-  
clinabiliter, inseparabiliter, inuictissime. Iprensi exemplo  
maiusculis ab eo characteribus fuisse exaratas.

Risum nobis excussit hæc eius obseruatio. Quia ta-  
men annuere videbamur, quasi collectis animis istud  
addidit, ut nudentes iam & inclinatos prorsus euer-  
teret. Est alius, inquit, opinionis nostræ quasi cha-  
racter, quem libro 6. de gratia Christi cap. 10. & 35.  
Iprensi explicat. Ait hominem gratia medicinali affla-  
tum posse illi resistere, si velit, imò & Beatos posse  
Deum non amare, si uelint: at id eos uelle non posse.  
Vnde facile diffilatur quod ex Concilio Tridentino  
perpetuè nobis occinunt bicornis libertatis vindices:  
nimirum, *liberum hominis arbitrium Deo excitanti atque  
uocanti posse dissentiri, si velit.* Neque enim Concilium  
ait, hominem posse id uelle, sed tantum posse, si ve-  
lit. Hæc ipsa, quæ recentibus Theologis prorsuserant  
ignota, paucis, at dilucidè nouus hic Auctor expres-  
sit pag. 17. eiusdem secundæ partis: ubi eos qui arbi-  
trantur hominem posse Dei gratiæ *vel reniti, vel obse-  
qui*, ita refellit: *Hoc eorum dogma nititur falso hoc prin-  
cipio: nullam esse suasionem, cui non possit sic resisti, ut eius  
effectus tandem impediatur. Hoc principium falsum esse con-  
tendimus. Est enim quadam suasio tam efficax, ut homi-  
nem necessario trahat in assensum: cui cum possis resistere, si  
uelis, non potes tamen uelle.* Tum nos respectans, Ma-  
gnus est, inquit, ille in re tam abstrusa, & aliis scri-  
ptoribus ignota, consensus. Qui & inde confirmari plu-  
rimùm potest, quòd eodem prorsus modo humanæ li-  
bertatis cum gratia efficaci concordiam explicent.  
Neque enim recens hic Auctor viam illam ingressus  
est, quæ & prædeterminationis physicæ, & contrariæ o-  
pinionis Assertorum ingenia contriuit: sed Iprensi

nostri vestigiis insistent, grauem illam controuersiam clarissimè his verbis decidit pag. 13. *Quantacunque autem sit hæc efficacia, non tamen Deus nos trahit ut stipites, sed ut homines: & dum volentes facit de nolentibus, libertatem voluntatis non modo non tollit, sed & restituit: quia vltro & cum gaudio seruire Deo libertas est.* Ita paucis complexus est, quidquid Iprensus congerit libro 8. de gratia Christi cap. 5. 6. 7. 8. vt probe idcirco gratiam libero arbitrio nihil officere, quia non impedit, quominus velimus, & vltro, ac sponte velimus, quemadmodum clara Dei visio etsi amandi necessitatem imponat, liberum tamen arbitrium non lædit, quia Beati nihilominus vltro ac sponte Deum amant.

*Christum non esse mortuum pro omnibus hominibus, nec Deum velle omnes homines saluos fieri.*

**R**ESPIRAUIT hîc aliquandiu, nostrumque silentium admiratus, Tandem, inquit, argutari desinitis. Vnum est, ait Sorbonicus, quod malè me habet, certus sum Auctorem hunc, etsi cum Iprensi tuo mirificè consentiat, de eius tamen texenda summa non cogitasse. Ego verò, Idem scrupulus, inquam, tam altè menti infixus hæret, vt nondum prorsus eximi potuerit. Fateor tamen fluctuare me, nec aliquid certi occurrere animo, quod vel statuere, vel suspicari possim. At ille Doctorem suum euoluens, Nihil, inquit, effugij prætexere vobis licebit, vbi celebrem illam de Christi morte controuersiam attigero. Nam eò vos deducam, vt vel recentem hunc Auctorem ab Iprensi, vel Iprensem ab illo mutuatum esse fateamini. Tum ex Iprensi l. 3. de grat. Christi c. 20. riculum hunc legit: *Exponitur locus Apostoli: Deus omnes homines vult saluos fieri, & ad agnitionem veritatis venire.* Atque vbi monuit Iprensem eo loci ex S. Augustino, & Thoma ostendere has Apostoli voces non de singulis, sed de cuiusli-



AD SUPERIOREM DISPUTATIONEM. 701  
 bet conditionis hominibus esse explicandas, eamque interpretationem contextui sacro congruentem esse: hzc compendio tractari dixit à recenti illo Auctore pagina 221. in hzc verba: *Speciosè ostentant locum primæ ad Timoth. Deus vult omnes homines seruari & venire ad agnitionem veritatis. Sed hic, per omnes, intelligi quosuis, loci textura euincit. Hunc locum primæ ad Timotheum sic accipit Augustinus Enchiridio ad Laurentium cap. 130. & Thomas Commentario in hanc Epistolam. Item: Frequens est in sacra scriptura acceptio vocis, omnes, pro quolibet, ut Lucæ 11. Decimatis mentem, & ritam, & omne olus. Et Matth. 9. Christus sanabat omnem morbum, pro quolibet. Addidit eundem Auctorem ex Iprensi descripsisse, quod habet pag. 213. Quibus Christus impetrauit reconciliationem & remissionem peccatorum, pro iis orauit & intercescit: At non intercedit neque orat pro mundo, sed pro solis fidelibus, ut ipse Christus dicit &c. Plurima in eandem sententiam ex utroque Auctore composuit, nec antè potuit acquiescere, quàm summam inter vtrumque similitudinem intercedere concessimus.*

*Parallelum opinionis recentiorum cum  
Semi-Pelagianis.*

**Q**UOD vbi extorsit, Ne ipsum, inquit, Parallelum, quod in operis sui calcem reiecit Iprensis noster, hic eius Breuiator omisit. Vno libelli sui capite, nempe 42. totum illud Parallelum contraxit. Voluit, vt integrum illud Molinæi caput legerem, atque illa præcipuè adnotarem verba ex pag. 349. *Censebant igitur (Semi-Pelagiani) mediam viam insistentiam inter Pelagium & Augustinum. Docebant enim peccatum Adami fluxisse in posteros, & humanam naturam esse corruptam, viribusque nature ad salutem non posse perueniri: sed gratiam, que medeatur nature, omnibus præsto esse: & omnes, siue per legem naturalem, siue per scriptam, siue per Euangelium sic*

*vocari, ut cuilibet liberum sit gratiam oblatam amplecti, vel respuere. Christum enim omnibus hominibus impetravisse reconciliationem. Quæ dum legeret, & cum iis conferret, quæ Iprensis disserit cap. 3. eiusdem Paralleli, ut vincat Semi-Pelagianæ hæresis virus in eo positum fuisse, quòd assererent gratiam omnibus offerri, & libera cuiusque voluntate vel admitti vel repudiari, exclamabat subinde, prorsus mirum esse, nos tam claræ veritati adhuc reluctari. Sales etiam aspergebat non illiberales, nòsque pertinaciam vouisse iocabatur. Sorbonicum præcipuè vellicabat, & militibus illis aiebat esse persimilem, qui indecorum arbitrantur, vel in summa rerum omnium desperatione, hosti non insolenti deditioem facere.*

*Sic ille quasi parva victoria triumphabat, sic exultabat insolentiùs, cum reliqua Molinæi folia, quæ seposueram, expediens, En, inquam, Breviatoris tui folia aliquor, quæ nobis exciderant. Arripuit illa quantocius, & ex posterioribus, quæ primùm illi occurrerunt, istud legit: *Additamentum ad caput 13. continens loca quædam excerpta ex confessione Ecclesiarum Gallicanarum, & ex præcipuis eius aui Doctoribus.* Hic hæsit attonitus. Nam Caluini nomen quod paulò pòst sequebatur, in eius oculos incurrerat. At longè aliuseum inuasit stupor, cum paginam vertens, in hæc nomina incidit, Bucerus, Philippus Melancthon, Wolphangus Musculus, Hieronymus Zanchius, David Paræus, Ioannes Piscator. Cohorruit ad has voces, fraudemque suspicatus, cum superioribus foliis hæc posteriora contulit. At ubi consentire omnia, & nihil prorsus doli subesse vidit, palle-re, erubescere, & fulguritorum more obrigere. Collegit se tamen, ut potuit, & libri titulum consulens tacitis oculis hæc perlegit: *Enucleatio controuersiarum quæ in Belgio agitantur, super doctrina de providentia: de predestinatione, de morte Christi, de natura & gratia. Auctore Petro Molinao Pastore Ecclesia Parisiensis. Lugduni Batavorum, Sumptibus Abrahami Pacard, via Iacobæa. M. D.C. XIX.**



AD SUPERIOREM DISPUTATIONEM. 703  
Vix ista legerat, cum inflammatus iracundiâ, insultatis nobis, foras se proripuit. Accurrimus subito, ut hominem reuocare, & placare conaremur, sed illo vento ocyùs euolârat.

Hic illius Comœdiæ exitus, improuisus certè, nobisque inexpectatus. Nam quis suspicaretur hominem festiux sanè indolis, qui iocabatur tam lepidè, nec modò insultabat comiter, sed etiam quandoque acriùs nos vellicabat, inde emersurum tam inurbanè, quo se ipse præter spem nostram induerat. Hæc te velim (Erudite Lector) expendere, ut si fortè hominem nosti, si prodidit ipse se se, & à nobis illusum sibi, apud te expostulauit, intelligas nihil nos contra amicitiae, nihil contra urbanitatis leges peccauisse.

Cæterùm si quæ ex Iprensi, & Molinzo exceperat, inuicem contuleris, non illi suceensebis opinor, quòd tam pertinaciter pugnaret, Molinzi libellum decumani alterius operis esse compendium. Nam adeo consentiunt inter se, ut quilibet minimè peruicax iudicaturus sit, vel alterum ab altero, vel vtrumque ab alio superiori esse mutuatum.

FINIS.



THE UNIVERSITY OF CHICAGO  
LIBRARY  
1850  
1851  
1852  
1853  
1854  
1855  
1856  
1857  
1858  
1859  
1860  
1861  
1862  
1863  
1864  
1865  
1866  
1867  
1868  
1869  
1870  
1871  
1872  
1873  
1874  
1875  
1876  
1877  
1878  
1879  
1880  
1881  
1882  
1883  
1884  
1885  
1886  
1887  
1888  
1889  
1890  
1891  
1892  
1893  
1894  
1895  
1896  
1897  
1898  
1899  
1900  
1901  
1902  
1903  
1904  
1905  
1906  
1907  
1908  
1909  
1910  
1911  
1912  
1913  
1914  
1915  
1916  
1917  
1918  
1919  
1920  
1921  
1922  
1923  
1924  
1925  
1926  
1927  
1928  
1929  
1930  
1931  
1932  
1933  
1934  
1935  
1936  
1937  
1938  
1939  
1940  
1941  
1942  
1943  
1944  
1945  
1946  
1947  
1948  
1949  
1950  
1951  
1952  
1953  
1954  
1955  
1956  
1957  
1958  
1959  
1960  
1961  
1962  
1963  
1964  
1965  
1966  
1967  
1968  
1969  
1970  
1971  
1972  
1973  
1974  
1975  
1976  
1977  
1978  
1979  
1980  
1981  
1982  
1983  
1984  
1985  
1986  
1987  
1988  
1989  
1990  
1991  
1992  
1993  
1994  
1995  
1996  
1997  
1998  
1999  
2000  
2001  
2002  
2003  
2004  
2005  
2006  
2007  
2008  
2009  
2010  
2011  
2012  
2013  
2014  
2015  
2016  
2017  
2018  
2019  
2020  
2021  
2022  
2023  
2024  
2025

21411





# I N D E X.

## A D A M.

- Quali adiutorio indiguit. 144. 145
- Non indiguit speciali gratia in voluntate, sed solâ mentis illustratione. 146. 147
- Si perseverasset, per adiutorium illud perseverasset. 156
- Eius tamen perseverantia peculiari modo, libero arbitrio tribueretur. 162
- Quo sensu eius meritum fuisset humanum. 163
- Vita æterna peculiari modo illi fuisset merces. 163
- Quomodo libertatem prævaricando amisit. 480
- Adiutorium.*
- Quid sit adiutorium sine quo non. 160. 161. 165. 166. 167. 168. 169. 170
- Quid sit adiutorium quo. 161. 171. 172. 173.
- Quæ sit Caluini sententia de utriusque adiutorij discrimine. 42. 43. 44. 45. 46
- Quid de eodem sentiant Lutherani. 47
- Quid Beza. 48
- Caluinistarum de utriusque gratiæ discrimine, sententiam damnant Catholici doctores. 49. 496. 497
- Quidquid de adiutorio quo, & adiutorio sine quo non, nouus Doctor tradit, ex Caluino eiusque affectis furatus est. 42. 43. 44. 45. 46.
- Adrumetini.*
- Non arbitrabantur diuinâ gratiâ libertatem à coactione eripi, sed tantum libertatem à necessitate. 167
- Omnia S. Augustini argumenta, quibus Adrumetinorum errorem oppugnat, nouam quoque opinionem labefactant. 444. 445. & seqq.
- Aluarez.*
- Caluini hæresim in eo positam esse ait, quodd hominem spontè tantum, & voluntariè gratiæ cooperari dicat. 204. 494
- Testatur Caluinum asserere liberum arbitrium adtinue concurrere ad regenerationem. 38
- Angelus.*
- Angeli per gratiam Dei steterunt. 521. 522
- Angeli non possunt gloriari de meritis suis. 529. 530
- Dei gratia in Angelis bonam voluntatem operata est. 517
- Angeli debent gratiæ quodd iustè viuunt. 519
- Angelicæ S. Augustini mente

# I N D E X.

- perseuerantiam acceperunt. 521
- Pulcherrima in eandem sententiam S. Bernardi, Fulgentij, & Ruperti testimonia. 523. 524. 525
- Boni Angeli ampliùs adiuti sunt, quàm mali. 525
- Ad Angelos quoque pertinet illud Apostoli: *quis te discernit, quid habes quod non accepisti?* 528
- Angeli beati diuinâ gratiâ infallibiliter ad beatitudinem perducti sunt. 534. 535
- Angeli non indigebant nouâ gratiâ in voluntate, sed solâ mentis illustratione, ex noui Doctoris placitis. 540
- Quo sensu id verum sit. 546
- Quomodo Angeli per liberum arbitrium steterunt. 562
- Quomodo beatitudo sit illis merces. 563
- An libertas in Angelorum voluntate cum simplici necessitate cohereat. 596. 597. 598. 599. 600
- S. Augustinus.*
- Caluinistæ vnum Augustinum crepant. 59. 60. 61. 62
- Eum Sorbonæ censuris opponunt. 214. 215
- Sanctus Augustinus non potuit meliùs loqui quàm sacra Scriptura, quâ tam multi hæretici suos defendere conantur errores. 117. 118
- Refelluntur popularia præiudicia, quibus noui Doctores abutuntur, vt S. Augustinum sibi patrocinari per-suadeant. 217
- Calvinus vnum Augustinum opinionum suarum fundum vocat. 220. 221
- Protestantes Augustinum tamquam pallium errorum suorum præferunt. 222
- Catholici Doctores testantur Calvinum vnius Augustini auctoritatem iactare. 221
- Calvinus gloriatur Augustini mentem sibi apprimè notam esse. 224
- Calvinus ait se vnum Augustinum reliquis Patribus anteferre. 225
- Multi Doctores Catholici aiunt S. Augustinum ita nonnunquam loqui, vt Caluino fauere videatur. 229. 230. 231
- Melancthon Lutherum laudat quasi Augustinianæ doctrinæ instauratorem. 232
- Quid ex S. Augustini doctrinâ ad fidem Catholicam pertineat. 235. 236. 237. 238
- Voluntatis nomine non volitionem quamlibet, sed eam tantùm, quæ à voluntate ad vtrumlibet indifferente nascitur, comprehendit. 261. 262
- S. Augustini disputatio de humanæ libertatis cum Dei præscientia consensu, immani corruptela à nouo Doctore deprauatur. 265. 266. & seqq.
- Quid sit ex S. Augustini mente volitionem liberam fieri, cum volumus. 285. 286. & seqq.



# INDEX.

- An ex S. Augustini mente verum sit beatos posse cessare ab amore beatifico si velint. 303. 304. 305. 306. 307.
- S. Augustinum constanter docuisse etiam in statu naturæ lapsæ neminem peccare in eo, quod nullo modo caueri potest. 310. 311. & seqq.
- Insignis S. Augustini locus de ignorantia & concupiscentiâ nuperi Doctoris depravatione vindicatur. 333. 334. 335. 336. 337. 338.
- Quid sit ex S. Augustini mente peccatum tantum, quid peccatum simul & pœna peccati. 242. 243. & seqq.
- Plus sexaginta S. Augustini libros novus Doctor evertit. 350. 351. & seqq.
- Sancti Augustini doctrina circa ignorantiam à pluribus novi Doctoris corruptelis defenditur. 363. & seqq.
- Eius sententia de ignorantiz peccatis explicatur. 399. 400. & seqq.
- Nusquam docet Deum homini lapsio impossibilia præcipere. 419. & seqq.
- Libertatem à necessitate homini lapsio sæpius vindicat. 445. 446. 455. 456. 460. 468. & seqq.
- Elegans S. Augustini locus ab insulsa Aduersarij glossa defenditur. 488. 489. & seqq.
- Calvinus S. Augustini doctrinam de utriusque gratiæ discrimine corrumpit. 496. 497. & seqq.
- Docet gratiam medicinalem dimitti in voluntatis arbitrio. 498. 499. 500. 501.
- Cum ait Deum non deserere nisi deseratur de gratiæ auxiliis loquitur. 502. 504. 505. 506.
- Pulcherrimus eius locus de duobus æqualiter tentatis à novi Doctoris depravatione defenditur. 506. 507. 508. & seqq.
- Docet primum hominis peccatum non aliud esse posse quam superbiam. 513.
- Quid de utriusque gratiæ discrimine sentiat. 515. 516. & seqq. 543. 544. & seqq.
- Eius cum Cicerone disputatio fusè expenditur. 577. 578. & seqq. 582. 583. & seqq.
- Quid de Diuinâ, & Angelica libertate sentiat. 591. 592. & seqq.

## B<sup>Eatus.</sup>

- Caluinistæ ad libertatem cum necessitate conciliandam argumentum ducunt ex Beatorum voluntate. 55. 56. 57.
- Argumentum illud ex Catholicorum, qui aduersus Calvinum scripserant, mente dissolvitur. 596. 597. 598. 599.
- Inanis nuperi Theologi argutia refellitur, quâ docet esse in potestate Beatorum Deum non amare, quia si vellent non amarent. 296. 297.

# I N D E X.

298. 299  
 Quomodo beatitudo Angelis  
 sanctis fuerit merces meri-  
 ti potius, quàm donum  
 gratiæ. 563  
 Beatificum amorem liberum  
 esse & electum ex S. Tho-  
 mæ loco perpetam intelle-  
 cto nouus Doctor adstruit.  
 631. 632  
 Vt idipsum efficiat eundem S.  
 Thomæ locum fædè cor-  
 rumpit. 680  
 Quomodo libertas in Beatis  
 maior sit quàm in viatori-  
 bus. 598. 599  
 In Beatis non est vsus liberi ar-  
 bitrij respectu actus beatifi-  
 ci. 598  
 Voluntas humana beatitudi-  
 nem naturaliter appetit.  
 263. 674  
*Beda.*  
 S. Augustini locum de igno-  
 rantia inuincibili explicat.  
 332. 333  
*Bellarminus.*  
 Hæreticorum nomina qui ad-  
 uersus Bellarminum scripse-  
 runt. 207. 208  
 Nouam de libertate opinio-  
 nem vt Calvinianam refert  
 & confutat. 207. 208  
 S. Augustini locum ex l. 5. de  
 Ciuit. Dei cap. 10. à Calui-  
 nistis obiectum explicat.  
 577  
 Alium eiusdem Doctoris lo-  
 cum ab iisdem hæreticis  
 propositum commodè dis-  
 soluit. 564
- S. Bernardus.*
- Bernardum in opinionis suæ  
 communionem Calvinistæ  
 adsciscunt. 63  
 Angelorum perseuerantiam  
 gratiæ tribuit. 523. 525  
 Triplicem libertatem elegan-  
 ter distinguit. 598  
 Libertatem à necessitate maio-  
 rem esse docet, cùm aliz li-  
 bertates duæ illi subsidium  
 ferunt. 599  
 Quid de ignorantie peccatis  
 sentiat. 401  
*Beza.*  
 Solâ coactione liberum arbi-  
 trium violari contendit. 28  
 Ait gratiam naturæ lapsæ in  
 eo distingui à gratia natu-  
 ræ integræ, quòd hæc repu-  
 diari posset, illa verò mini-  
 mè. 48  
 Pluribus contendit Deum nol-  
 le omnes homines saluos fie-  
 ri. 79. 80. 81  
 Plures libros scripsit, vt probe-  
 Christum non esse mortuum  
 pro omnibus. 84  
 Docet peccandi necessitatem à  
 peccato non excusare, quia  
 ex Adami culpa nata est. 113  
*Bulla.*  
 Urbani VIII. Bullam adulteri-  
 nam esse mentiuntur noui  
 dogmatis vindices. 8  
 Bullæ summorum Pontificum  
 Pij V. & Greg. XIII. nouam  
 opinionem proscribunt.  
 183. 184  
 Ineptè nouus Doctor harum  
 Bullarum vim effugere co-  
 natur. 437. 438. 442



# I N D E X.

**C** *Abrera.*

Petrus de Cabrera diserte restatur eam opinionem Hæreticam esse, quæ solam à coactione libertatem homini lapsi tribuit. 205. 206

*Calvinus.*

Calvinus libertatem à coactione in homine corrupto admittit. 27. 28

Idem sentiunt Calvinistæ omnes. 28. 29. 30

Calvinus diserte proficitur se liberum arbitrium admittere, sicut vox solam à coactione libertatem significet. 31. 32

Posteriores Calvinistæ liberi arbitrij nomen retinent. 32.

33

Calvinus non negat voluntatem in iustificatione aliquid agere. 37. 38

Quo sensu neget virtutes, & vitia esse in nostra potestate. 39. 40

Tridentinos Patres Pelagianismi criminatur, quod assentiant hominem posse gratiæ dissentire si velit. 33

Sæpius docet gratiam medicinalem, à gratia naturæ integræ in eo discrepare, quod hæc repudiari posset, illa verò minimè. 43. 44. 45. 46. 47

Probat antecedentem necessitatem cum libertate conciliari, ex Dei, Angelorum, & dæmonum voluntate. 56. 57

Ait S. Augustinum in quaestione de libero arbitrio à suis partibus stare. 58. 59. 219. 220. 221. 222

Gloriatur se multum temporis in legendo S. Augustino posuisse. 59. 224. 225

Alios Patres excepto S. Augustino sibi abiudicat. 61. 225. 226

Contendit idcirco tantum gratiam liberum arbitrium non lædere, quia libertatem à coactione non impedit. 62

Gratiam sufficientem iisdem prorsus S. Augustini testimoniis oppugnat, quibus ab adversariis impetitur. 66. 67. 75. 76. 77

Negat Deum velle omnes homines saluos fieri. 78

Negat quoque Christum pro omnibus esse mortuum. 82. 83

Catholici quidam asserunt Calvinum malè periisse, quod negaverit Christum pro omnibus esse mortuum. 89

Calvinus ait Deum in statu naturæ lapsæ impossibilia præcipere. 98. 99. 113. 112

Contendit S. Augustinum docuisse hominem peccare in eo, quod vitare non potest. 101. 102

Scholasticam Theologiam atrociter calumniatur. 119

Concilio Tridentino, Doctoribus Sorbonicis, & Catholicis omnibus Pelagia-

V V u u iij

# INDEX.

- nismum aspergit. 125. 126.  
127. 128. 129
- S. Augustinum Censuræ Sorbonicæ opponit. 215. 216
- Calvinus ineptè contendit S. Augustinum de sola natura integra dixisse, neminem peccare in eo, quod vitare non potest. 324. 325. &c.
- Non minus errat liberum arbitrium negans, ut retineat gratiam, quàm Pelagiani, qui ut liberum arbitrium retinerent, negabant gratiam. 444
- Celestinus.*
- Quid in S. Augustini doctrina Celestinus Papa tanquam Catholicum recipiat. 236. 237
- Profundiores & difficiliore quæstiones ab eodem sancto Augustino tractatas non admittit. 227. 238
- Censura Sorbonica.*
- Novam de libertate opinionem proscrit. 3. 4. 5
- Quibus argumentis calumniator eam oppugnat. 8. 9
- Diluuntur coniecturæ, quibus adulterinam esse contendit. 9. 10
- Censuræ Sorbonicæ S. Augustinum Calvinus & Melancthon opponunt. 214. 215. 216
- Christus.*
- Christum pro omnibus hominibus mortuum negant Calvinistæ. 82. 84. 85. 86
- Hanc Calvinistarum opinionem blasphemam & abominandam vocant Doctores Catholici, qui cum Calvinistis pugnaverunt. 82. 83. 84
- Calvinistæ Tridentinum Concilium Pelagianismi insimulant, quoddam asserat Christum pro omnibus mortuum esse. 86
- Doctrina illa Calvinistarum multos in desperationem coniecit. 87
- Malderus Episcopus Antuerpiensis scribit verendum esse, ne qui Christum pro omnibus mortuum negant, tandem asserant cum Turcis pro nemine esse mortuum. 88
- Quàm prudens sit ille doctrinæ præsul timor. 88
- Scribunt Catholici Doctores Calvinum misera morte periisse, quoddam Christum negaverit pro omnibus mortuum. 85
- Quo sensu Catholici asserant Christum pro omnibus mortuum esse. 90
- Argumenta omnia, quibus novus Doctor contendit Christum pro solis prædestinatis mortem obiisse, ex Calvinistis transcripta sunt. 90. 91. 92. 93. 94
- Cicero.*
- Non libertatem à coactione, sed solam à necessitate cum divina præscientia pugnare contendebat. 580
- Integra S. August. cum Cicero. disputatio adversus novam opinionem militat. 582.



# I N D E X.

583. 584.  
*Coactio.*  
 Voluntati non potest inferri  
 coactio quoad actus elici-  
 tos. 15  
 Solam coactionem libertati  
 repugnare docet Wicleffus.  
 24. 25  
 Docent quoque Lutherani.  
 25. 26  
 Docent & Calvinistæ. 27. 28.  
 29  
 Coactio nonnunquam sumi-  
 tur pro simplici necessitate.  
 305. 314. 315  
 Fatetur novus Doctor coactio-  
 nem à Pelagianis sumi pro  
 simplici necessitate. 464.  
 465  
*Concilium Arelatense.*  
 Arelatense Concilium aduer-  
 sùs Prædestinarianorum hæ-  
 resim collectum est. 140. 141  
 Approbata est in eo Concilio  
 Fausti Regiensis epistola ad  
 Lucidum. 141  
 Multi Doctores Catholici Are-  
 latensis illius Concilij, &  
 damnatæ in eo Prædestina-  
 tianæ hæresis, meminerunt.  
 141. 142. 143  
 Eadem testantur epistolam Fau-  
 sti in eo Concilio approba-  
 tam esse verè Catholicam.  
 142. 141  
 Iacobus Vsserius Calvinista  
 aduersùs illud Concilium  
 multa scripsit, quæ novi do-  
 gmaris fautores in suas A-  
 pologias transtulerunt. 143.  
 144  
 Eadem Apologistæ Arelatensis  
 illius Synodi Patres Semi-  
 Pelagianismi accusant. 144  
 Modestius de illis scripsit Cal-  
 uinista Vsserius; qui eos  
 tantum deceptos fuisse à  
 Fausto contendit. 144  
 Quod Henricus Canisius de  
 eodem Concilio scripsit, ab  
 iisdem deprauatur. 145.  
 146. 147  
*Concilium Colonense.*  
 Quo anno celebratum. 174  
 Apertissimè docet esse in ho-  
 minis voluntate situm ut  
 gratiam Dei oblatam vel  
 accipiat, vel repudiet. 177  
 Statuit adeo Deum velle om-  
 nes homines saluos fieri, ut  
 nemini quantumlibet sceler-  
 rato gratiam suam subtra-  
 hat. 118  
 Gratiaë sufficientis naturam  
 pluribus explicat. 118  
*Concilium Senonense.*  
 Quo anno celebratum. 173  
 Libertatè ad vtrumlibet homi-  
 ni lapsi inesse decernit. 174  
 Manifestè docet medicinali  
 gratiaë resisti posse. 176. 177  
 Gratiam sufficientem disertis  
 verbis admittit. 180  
 Decernit Deum ad impossi-  
 bile hominem non obligare.  
 181  
*Concilium Tridentinum.*  
 Libertatem à necessitate ho-  
 mini lapsi vindicat. 175  
 Eius sententia ex Catholico-  
 rum Doctorum mente am-  
 pliùs exponitur. 175. 176  
 Statuit Deum neminem gra-  
 tia suà deserere, nisi ab eo

# INDEX.

- piùs deferatur. 179. 503.  
504
- Anathemate eos ferit qui as-  
serunt Dei præcepta esse  
obseruatiu impossibilia. 182
- Statuit concupi centiam in re-  
natis non esse propriè pec-  
catum. 331
- Concupiscentia.*
- Concupiscentia appellatur à  
sancto Aug. difficultas. 360.  
361
- Non imponit peccandi neces-  
sitate. 333. 334. 335. 336.  
337
- Si Concupiscentia esset pri-  
mordium naturale, non es-  
set culpandus Deus, sed lau-  
dandus. 333. 334
- Non deest homini gratia,  
quâ possit concupiscentiam  
vincere. 325. 326. 338. 339.  
340
- Concupiscentia vocatur à S.  
Aug. peccatum, quia pec-  
cato facta est. 329. 330
- Constare sibi nouus Doctor  
non potest quin asserat con-  
cupiscentiam ex S. August.  
mente esse propriè pecca-  
tum. 330. 331
- S. Aug. contra Manichæos dis-  
purans de peccati origine  
non supponit primum ho-  
minem concupiscentia ca-  
ruisse. 350. 351. 352
- Duplex peccandi necessitas ex  
concupiscentia oritur. 357.  
358
- S. Aug. Concupiscentiam vo-  
cat consuetudinem carna-  
lem. 359. 360
- Similis peccandi necessitas ex  
concupiscentiâ oritur, quàm  
ex inueteratâ consuetudi-  
ne. 360. 361
- Aduersarij de gratia medici-  
nali sententia stare non po-  
test, quin asserat omnes  
motus concupiscentiæ con-  
sensum aliquem à volunta-  
te exprimere. 355
- Cumel.*
- Franciscus Cumel nouum de  
libertate dogma vt Hæreti-  
cum proscribit. 206
- Cunerus.*
- Cunerus Petri Episcopus Leo-  
uardiensis nouum dogma  
Hærescos notat. 195
- D** *Electatio.*
- An cælestis delectatio sit pro-  
pria Christi gratia. 540.  
544
- Vnde petatur necessitas dele-  
ctationis cælestis ex noua  
opinione. 540
- Nouus Doctor mala fide agit  
cùm numquam disertè pro-  
nuntiat Adamum non indi-  
guisse delectatione cælesti  
ad bene agendum. 541. 542.  
543
- Adamus delectatione cælesti ad  
bene agendum excitabatur.  
544
- Delectatio illa in Adamo non  
fuit noua gratia. 546
- Necessitas delectationis cæle-  
stis in statu nature lapsæ pe-  
titur ex concupiscentia. 546.  
547



# INDEX.

- Errat nouus Doctor cum statuit voluntatem eò ferri necessariò, quò antegressa delectatio maior eam proleat. 551. 552
- Quàm horrenda ex illa eius assertionis corollaria deducantur. 553
- Sancti Augustini locus, quo vno suam illam opinionem fulcit, dilucidè explicatur. 554. 555
- Delectatio apud sanctum Augustinum non semper indeliberatum motum complacentiæ, sed ipsam quandoque electionem significat. 554. 555
- Non omnis delectatio cœlestis est victrix. 556
- Deus.*
- Necessitatè cū libero arbitrio cōiungi ex diuina libertate probant hæretici. 55. 56. 57
- Soluitur illud argumentum ex Catholicorum mente, qui cum Calvinistis præliati sūt. 592. 593. 594. 595
- Deum velle omnes homines saluos fieri negat Calvinus. 78
- Negant & Calvinistæ omnes, atque in primis Beza. 78. 79
- Argumenta omnia quibus nouus Doctor cōtendit Deum nolle omnes homines saluos fieri, ex Calvinistis deprompta sunt. 79. 80. 81
- Deus non humanis tantùm cordibus, sed etiam Angelicis per gratiam dominatur. 534. 535
- Deus neminem deserit per gratiam actualem, nisi priùs ab illo deseratur. 502. 503. 504
- Deus nihil præcipit impossibile etiam in statu naturæ lapsæ. 419. 420. &c.
- Disertissimè illud tradit sanctus Augustinus. 421. 422
- Præcluduntur aliquot effugia, quibus vim illius argumenti nouus Doctor conatur eludere. 426. 427. 428. 429
- Ostenditur amplius Deum, etiam in statu naturæ lapsæ, nihil impossibile præcipere. 430. 431. 432. 433. 434
- Alia noui Doctoris, circa impossibilitatem diuinis præceptis obsequendi, responsio diluitur. 436. 437. 438. 439. &c.
- Deus non esset culpandus, sed laudandus, si ignorantia, & difficultas essent primordia naturæ. 333. 334. 335. &c.
- Insignis sancti Augustini locus, quo illud disertè tradit, scèdè ab aduersariò corrum-pitur. 335. 336. 337. 338.
- Diabolus.*
- Calvinus ex Diaboli libertate argumentum ducit aduersùs communem de libero arbitrio opinionem. 56
- Idem faciunt eius affectu. 57. 58
- Soluitur illud argumentum à Catholicis aduersùs Calvinum pugnantibus. 606
- Diabolus peccauit, quia aliquid illicitum cum dele-

# I N D E X.

- Etavit. 554  
 Tentatus est suggestione interna. 561  
 Diaboli minus à Deo beneficium acceperunt, quàm Angeli Beati. 526  
*Dionysius Carthusianus.*  
 Nouo Doctore prorsus aduersatur. 673.674.675  
*Discretio.*  
 Discretio Angelorum debet ultimò refundi in Deū. 528  
 Discretionē Angelorum Deo tribuit sanctus Augustinus. 529.530.531  
 Discretio formaliter vel efficienter spectari potest. 532  
 Calvinistæ aiunt positā gratiā sufficienti discretionem libero arbitrio esse tribuentiam. 76  
*Dordrechtana Synodus.*  
 Dordrechtana Synodus Calvinistarum liberum arbitrium sola coactione interim contendit. 30  
 Docet hominem idcirco se habere passiuè in regeneratione, quia sponte tantum, ac voluntariè concurrat. 34  
 Pontificios Theologos & Tridentinum Concilium Pelagianismi criminatur, quòd asserant hominem posse gratiæ medicinali resistere si velit. 50.51  
 Eius decreta omnia vnā ferè gratiam sufficientem petunt. 68.69  
 Decernit Christum non esse mortuum pro omnibus, & contrariam opinionem Pelagianismi arguit. 85  
 Concilium Tridentinum Pelagianismi insinuat. 128  
*Du Moulin.*  
 Petrus du Moulin Calvinista solam coactionem libertati insensam esse docet. 28  
 Liberi arbitrij nomen libenter admittit, modò solam à coactione libertatem designet. 33  
 Ait nil se peius reperire in opinionibus Catholicorum gratiā sufficiente. 69  
 Noui Doctore breuiator. 685.  
 686. & seqq.  
*Durandus.*  
 Plurimum à noua opinione abhorret. 682.683  
*Du Vallius.*  
 Ait opinionem illam, quæ gratiam sufficientem explodit, Caluini esse propriam. 65.66  
 Nouam de libertate opinionem hæresis damnat. 187

## Ecclesia.

- Quam Augustinianæ doctrinæ partem Ecclesia amplectatur. 236.237.238  
 Plus Ecclesiæ quàm sancto Augustino credendum. 234  
*Electio.*  
 Electio est proprius actus liberi arbitrij. 249  
 Non potest esse circa necessarium. 250  
 Electio locum non habet in his, quæ sunt determinata ad vnum. 250.251.673  
 Electio est tantum eorum, quæ



# INDEX.

- sunt ad finem. 619. 620. 622.  
673  
An amor beatificus sit electio.  
631. 632  
Nouus Doctor nobilem Petri  
Capullei locum deprauat,  
vt ex eo probet amorem  
beatificū esse electiū. 680  
Sancti Thomæ locus, quo ad-  
uersarius contendit amo-  
rem beatificum esse electi-  
uum, vel nihil probat, vel  
probat etiam visionem bea-  
tificam esse formaliter ele-  
ctiuam. 630. 631. 680  
Sanctus Thomas hæreticam  
esse ait opinionem illam,  
quæ docet voluntatem ho-  
minis necessitate moueri ad  
aliquid eligendum. 186  
*Estius.*  
Doctissimus vocatur à nouo  
Doctore. 198  
Nouam de libertate opinio-  
nem hæreticam esse pro-  
nuntiat atque Calvinianam.  
198  
Præcipua argumenta, quibus  
illam nouus Doctor firmat,  
proponit ac dissoluit. 199.  
574. 575  
Probat ex sancto Augustino  
Beatos Angelos amplius  
fuisse adiutos, & Aduersarij  
responsionem, vt ineptam  
& ridiculam, confutat. 526.  
527  
Explicat locum sancti Augusti-  
ni, ex lib. 5. de Ciuitate  
cap. 10. quem Calvinistæ ad-  
uersus communem opinio-  
nem obiciunt. 576. 577  
Alium quoque sancti Augusti-  
ni locum exponit, quo Cal-  
uinistæ maximè gloriantur.  
593  
Alium rursus sancti Augustini  
locum à Calvinistis pro ead-  
em sententia propositum  
enucleatè explicat. 597  
Plures sancti Thomæ locos pro  
eadem opinione à Caluini-  
stis obiectos, ex S. Docto-  
ris mente accuratè dissol-  
uit. 626. 629. 633. 634  
Ostendit ex sanctis Patribus  
spontaneum quandoque su-  
mi pro libero, & ad vtrum-  
libet indifferenti. 643  
Plura sancti Bonauenturæ te-  
stimonia, quæ à Calvinistis  
pro sua opinione obiciunt-  
ur, exponit. 645. 646. 647

## F<sup>inis.</sup>

- Appetitus vltimi finis, non est  
liber, & in nostrâ potestate.  
254  
Finis non cadit in electionem.  
254. 622  
Voluntas vult necessariò fi-  
nem. 666  
Insignis Ricardi sententia de  
appetitu finis libero simul, &  
necessario. 666. 667  
Appetitus vltimi finis etsi ali-  
quo sensu sit liber, non est  
tamen actus liberi arbitrij.  
666  
Molinæ Calvinistæ contem-  
dit appetitum finis vltimi  
esse propriè liberum. 689

# INDEX.

*Fulgentius.*

Sanctus Fulgentius disertè tradit Deum Beatos Angelos, peculiari gratiâ donasse. 523

*Franco Abbas.*

Angelorum persecutionem Diuino muneri tribuit. 524

**G***abriel.*

Caluinistæ Gabrielem suarum esse partium falsò gloriantur. 653

Clarissimè docet libertatem, quæ est principium meriti & demeriti, non coactionem tantum, sed etiam necessitatem excludere. 654

Mala fide nouus Doctor truncatum ex Gabriele locum profert. 656. 657. 658

*Gaudanensis.*

Henricus Gaudanensis negat ignorantiam esse potuisse in statu innocentie. 371

Explicat quomodo Abimelec ex ignorantia peccauerit. 400. 401

Eam opinionem contrariam omni Philosophiæ atque Theologiæ esse pronuntiat, quæ solam à coactione libertatem homini lapsò tribuit. 660

Eiusdem de libertate sententia fusè explicatur. 661. 662. 663. 664

*Gratia sufficiens.*

Doctores Catholici Caluinum grauiter carpunt, quòd gratiam sufficientem quate-

nus efficaci opponitur, tanquam vanam & superfluum reiciat. 65. 66

Iidem Doctores Caluinum arguunt, quòd doctrinam de gratia sufficienti Pelagianismi insinulet. 67

Communis sententia de gratia sufficienti vbique in Christianis academicis hodie recipitur. 68

Adeo certa est, ut oppositum sine errore affirmari non possit. 68

Defenditur ab omnibus discipulis sancti Thomæ. 68

Synodus Dordrechtana Caluinistarum gratiam sufficientem reiecit. 69

Gratiam vniuersalem, quæ vel mediata, vel immediata sufficiat ad perueniendum ad salutem, ut Pelagianam reiecit Petrus du Moulin. 69

Calvinus Sorbonicos appellat phreneticos, quòd gratiam omnibus offerri dicerent. 69. 70

Petrus Martyr gratiam sufficientem pariter repudiat. 71. 72

Ceteri Caluinistæ vno ore gratiam sufficientem, ut Pelagianam, reiciunt. 72

Precleara Cardinalis Perronij de gratia sufficienti verba contra eius mentem ab Adversariis explicantur. 73

Verus eorum sensus. 74

Singula argumenta, quibus nouus Doctor gratiam sufficientem oppugnat, ex Calui-



# INDEX.

- no eiusque sectariis descri-  
pta sunt. 75.76.77
- Concilium Senonense gratiam  
sufficientem manifestè ad-  
mittit. 180
- Eandem multò clariùs recipit  
Còcilium Colonienſe. 177.  
180.181.
- Quod ad probandam gratiam  
sufficientem vulgò dicitur,  
nemine peccare in eo quod  
caueri non potest, certissi-  
mum est, & in sancti Augu-  
stini doctrina verissimum.  
310. 311. &c.
- Gratiam sufficientem sanctus  
Augustinus admittit, & pro-  
bat. 325. 326. 338. 339. 340
- Argumentum ex Divinis præ-  
ceptis petitù, quo gratia suf-  
ficiens validè comprobatur,  
efficacissimum est. 421. 422.  
&c.
- Plures huic argumento solu-  
tiones ex Caluino repetitas  
Adversarius adhibet, sed  
futiles sunt & ineptæ. 426.  
427. 428. 429. &c.
- Præcipua eius responsio, ex  
omnibus ferè Calvinistis ac-  
cessita, accuratè refellitur.  
430. 431. 432. &c.
- Eadem responsio aliis ab eo  
verbis proposita validiùs  
confutatur. 436. 437. &c.
- Nobilis sancti Augustini locus  
ad gratiã sufficientem pro-  
bandam. 601. 602
- Deus neminem deserit per  
gratiam actualem, nisi antè  
deseratur. 602. 603
- Clarissima Concilij Tridentini  
cadere sententia ab Aduer-  
sariis corrumpitur. 603
- Item & altera sancti Augusti-  
ni. 604. 605
- Insignis sancti Bonaventuræ  
locus pro gratia sufficienti.  
649
- Molinæus Calvinista ideo gra-  
tiam sufficientem explodit,  
quòd numquam producat  
effectum suum. 696
- Item quòd Deus teneretur il-  
lam omnibus dare. 694
- Gratia naturæ integræ.*
- Calvinus contendit gratiæ na-  
turæ integræ proprium esse,  
ut voluntas possit illi dissen-  
tiri si velit. 43. 495. 496
- Hinc Concilij Tridentini Ca-  
nones impetit. 43
- Gratia naturæ integræ etiam  
operabatur velle. 515
- Diffundebat quoque charita-  
tem in cordibus. 516
- Eadem gratia dabat etiam ope-  
rari. 516. 517. 518
- Dabat quoque voluntati me-  
ritum. 519
- Dabat & ipsam quoque perse-  
uerantiam. 520
- Pluribus sancti Augustini lo-  
cis probatur, Angelos per  
gratiam sanitatis fuisse solu-  
datos. 520
- Gratia sanitatis operata est in  
Angelis ne caderent. 524.  
525
- Eadem gratia bonos Angelos  
à malis discreuit. 528. 529
- Poterat Deus per gratiam me-  
dicinalem voluntates homi-  
num efficaciter & infallibi-

# I N D E X.

- liter in bonum flectere. 534.  
535
- Adamus in statu naturæ integræ potuit petere gratiam efficacem. 536
- Dissimulat nouus Doctor gratiam naturæ integræ ex opinione sua ad solum intellectum pertinere. 539. 540
- Gratia naturæ integræ non potuit esse delectatio in voluntate. 541. 542
- Nouus Doctor videtur aliquando affirmare gratiam naturæ integræ etiam ad voluntatem pertinere. 542. 543
- Quo sensu gratia naturæ integræ sit sola intellectus illustratio. 544. 545. 546
- Cur meritum ex gratia naturæ integræ partum à sancto Augustino humanum dicatur. 563
- Gratia naturæ integræ peculiari modo relinquebatur in voluntatis arbitrio. 564. 565
- Sanctus Augustinus videtur innuere Adamum peculiari gratia in voluntate ad perseverandum inquit. 566. 567. 568. 569. 570
- Gratia medicinalis.*
- Nouus Theologus gratiam naturæ integræ à gratia naturæ lapsæ in eo discrepare putat, quodd hæc, non illa agendi necessitatem inferat. 42
- Sancti Augustini locum ex libro de Corruptione & Gratia, ad illud discrimen stabilendum septuagies supra centies inculcat. 42
- Caluinus eundem sancti Augustini locum ad idem discrimen explicandum vices adhibet. 43
- Eodem loco Concilij Tridentini Canones oppugnat. 43. 44
- Idem vtriusque gratiæ discrimen, eodémque sensu ab aliis hæreticis explicatur. 48
- Synodus Dordrechtana contendit gratiam naturæ lapsæ suum semper effectum consequi. 50. 51
- Concilium Senonense aperte docet gratiæ medicinali resisti posse. 176. 177
- Idem manifestius docet, & eleganti comparatione explicat, Concilium Colonien. 177. 178
- Docet etiam Concilium Tridentinum. 178
- Inanis noui Doctoris argutia, quâ Concilij Tridentini Canonem eludit, ex Wicleffo & Luthero sumpta est. 108. 109. 110
- Refellitur illa argutia ex ipso nouo Doctore, & sancto Thoma. 298. 299. 300. 301
- Refellitur quoque argumentis Willelmi Wildefordij, quibus similem Wicleffi argutiam confutat. 301. 302
- Refellitur denique sancti Augustini auctoritate. 302. 303. 304. 305. 306
- Argumentum ex honorum præmiis accessum inuidæ probat, hominem posse gra-



# INDEX.

- ria medicinali resistere. 446.
447. 448. 449. 450. &c.
- Illud ipsum validè probat  
quod sanctus Augustinus  
ait, Gratiæ cum libero arbi-  
trio consensum esse explica-  
tu difficillimum. 460
- Idem confirmatur ex nobili  
sancti Augustini loco, ex quo  
Concilij Tridentini, Seno-  
nensis, atque Colonien-  
sis decreta expressa sunt. 448
- Refellitur inepta explicatio  
Aduersarij, quam ex Marti-  
no Chemnitio mutuatus est  
ad hunc sancti Augustini lo-  
cum corrumperem. 490.  
491. 492. 493. 494. 495
- Gloriatur nouus Doctor, dis-  
crimen vtriusque gratiæ prout  
ab illo explicatur, à recentio-  
rum notitiâ valdè abstrusum  
esse. 496
- Doctores Catholici testantur,  
Caluinistas omnes & Lu-  
theranos eodem modo illud  
discrimen explicasse. 497
- Argumenta, quibus Aduersa-  
rius probat ex mente sancti  
Augustini gratiæ sanitatis  
proprium esse, vt agendi ne-  
cessitatem non inferat, idem  
de gratia medicinali effi-  
ciunt. 498. 499. &c.
- Nobilis sancti Augustini locus,  
quo prorsus conficitur gra-  
tiam medicinalem dimitti  
in voluntatis arbitrio. 498.  
499
- Alter sancti Augustini locus,  
quo illud ipsum validè com-  
probat. 501
- Locus alter de duobus æquali-  
ter tentatis ab insigni nu-  
peri Doctoris corruptela  
defenditur. 506. 507. 508.  
509. 510
- Alij eiusdem sententiæ loci,  
514
- Gratia medicinalis non adimit  
voluntati proprium agendi  
modum, qui est agere cum  
indifferentia. 537
- Genuinum discriminè inter gra-  
tiam sanitatis, & gratiam  
medicinalem in eo ponitur,  
quòd hæc ad solum intelle-  
ctum, illa verò ad volunta-  
tem etiam pertineat. 539.  
540. 545. 546. 547. &c.
- Mala fide agit Aduersarius, cū  
vtriusque gratiæ discrimen  
exponit. 539. 540. &c.
- Timor pœnæ diuinitus inspi-  
ratus ad medicinale Christi  
adiutorium pertinet. 544
- Non omnis gratia naturæ lapsæ  
effectum consequitur. 556
- Cum sanctus Augustinus ait  
gratiam Christi esse victri-  
cem delectationem, de illa  
tantum loquitur, quæ præ-  
destinatorum est propria.  
557
- Aduersarius ipse fateri cogitur  
multas Christi gratias non  
esse victrices delectationes.  
557
- Celeberrimus sancti Augustini  
locus, quem Aduersarij im-  
portune ingerunt, clarissi-  
mis eius verbis explicatur.  
559
- Homo in statu naturæ corruptæ

# INDEX.

præter illustrationem intellectus debet habere specialem in voluntate motionem, ut benè agat. 546. 547  
 Novus Doctor gratiæ medicinalis vim nõ repetit ex motione primæ causæ: imo illam prædeterminantiũ opinionem atrocissimis verbis exagitat. 549. 550  
 Vimillius repetit ex delectatione cœlesti, quam ait necessariò consentium inferre, cum victrix est. 550. 551  
 Pluribus illa opinio refellitur. 551. 552. 553  
 Gratia medicinalis non est tantũ adiuuans, sed etiam excitans. 571  
 Argumenta quibus Aduersarius probat insuperabilem gratiæ medicinalis vim, vel nihil probant, vel æqualiter de gratia sanitatis probant. 533. 534. 535. 536.

## HABITUS.

Habitus est id quo quis utitur cum vult. 286  
 Quid in hac habitus definitione significant hæc verba cum vult. 286. 287  
 Sanctus Hieronymus.  
 Sanctus Hieronymus cum Pelagianis non tantũ de ignorantia iuris naturalis, ut Aduersarius supponit, sed etiam de ignorantia facti, & iuris positiui disputat. 375. 376  
 Sancti Hieronymi de ignorantia peccatis sententia accu-

ratè explicatur. 400. & seqq.  
 Pelagianorum hæresis sancti Hieronymi verbis exponitur. 486. 487

## HINEMARUS.

Hinemarus Goteschalci Prædestinarianorum hæresis instauratorem fuisse testatur. 132  
 Vñerius Caluinista multa in Hinemarũ deblatterat. 132  
 Hinemarum Carisiaca in Synodo Goteschalci errorem damnat. 139

## HORANTIUS.

Franciscus Horantius ex sancto Augustino aduersus Caluinum probat dari gratiam sufficientem. 67. 202  
 Aduersus eundem Caluinum probat esse in nobis libertatem, teste Augustino, non quæ coactionem modò, verũ etiam necessitatem excludat. 200  
 Demonstrat quoque nullibi Sanctum Augustinum asseruisse, necessariò quemquã peccare. 201. 311  
 Calvinum Sorbonicos Pelagianismi accusantem acriter exagitat. 202. 203  
 Calvinum gloriantem se tot annos in vno perlustrando Augustino posuisse sigillat. 225

## IGNORANTIA.

Lutherus negat ignorantiam inuincibilem excusare à peccato. 116  
 Idem



# INDEX.

- Idem negat Hieronymus Zanchius. 117
- Distinguit ignorantiam iuris positivi ab ignorantia iuris naturalis, hanc tantum excusare negat. 117
- Veteres Theologi unanimi consensu affirmant ignorantiam inuincibilem excusare à peccato. 363. 364
- Clarissima sancti Augustini ea de re sententia perstringitur. 364
- Aduersarij opinio de ignorantia inuincibili eadem prorsus est cum sententia Zanchij. 365. 366
- Falsum est ignorantiam inuincibilem iuris naturalis idcirco non excusare à peccato, quia est pœna peccati. 367
- Falsum quoque ignorantiam inuincibilem iuris positivi non esse pœnam peccati. 368. 369
- Refellitur inepta Aduersarij ratio, quâ probat ignorantiam inuincibilem iuris positivi non esse pœnam peccati. 370. 371
- Non potuit esse in statu naturæ integræ ignorantia iuris positivi, potuit tamen esse nescientia. 371. 372
- Multum errat nouus Doctor cum supponit sanctos Augustinum & Hieronymum de sola iuris naturalis ignorantia cum Pelagianis dimicasse. 373
- Plures sancti Augustini loci, ex quibus manifestè constat cum cum Pelagianis etiam de ignorantia facti, & iuris positivi decertasse. 374. 375
- Idem ostenditur ex sancto Hieronymo. 375. 376
- Ostenditur quoque ex Palæstina Synodo. 377. 378. 379
- Hallucinatur nouus Doctor, cum ignorantiam confundit cum eo, quod ex ignorantia committitur. 381
- Ex Theologorum mente ea tantum ignorantia excusat à peccato, quæ & ipsa peccatum est. 380
- Alia est noui Doctoris opinio, qui negat ignorantiam inuincibilem iuris naturalis esse peccatum, licet affirmet eam à peccato non excusare. 380
- Huic eius sententiæ aduersatur Palæstina Synodus. 381
- Negabant Pelagiani ignorantiam esse peccati supplicium. 381
- Ex Pelagianis nonnulli affirmabant ignorantiam in paruulis non originalis, sed personalis alicuius peccati pœnam esse. 383
- Sanctus Augustinus affirmat omnem prorsus ignorantiam in paruulis esse peccati pœnam. 383. 384
- Plures sancti Augustini locos, quibus de ignorantia inuincibili agit, ad inuincibilem nouus Doctor transfert. 389. 390. 391. 392
- Quid sit ignorantia simplex. Y Y y

quid affectata. 388. 389  
 Pulcherrius sancti Augustini  
 locus ab Adversario in suam  
 de ignorantia inuincibili  
 opinionem detorquetur. 395. 396. 397. 398  
 Sanctus Augustinus, & sanctus  
 Hieronymus cum aut igno-  
 rantiam non excusare à pec-  
 cato de sola ignorantia vin-  
 cibili loquuntur. 400. 401.  
 402. 403  
 Eadem est Palæstinae Synodi  
 sententia. 403. 404. 405  
 Explicatur Celestij propositio  
 damnata in Concilio Palæsti-  
 no. 406  
 Pelagiani negauerunt igno-  
 rantiam vincibilem subiacere  
 peccato. 406. 407. 408  
 Quo sensu sanctus Augustinus  
 affirmet ignorantiae pecca-  
 ta, non esse peccata tan-  
 tummodò, sed peccata simul  
 & pœnas peccati. 409. 410  
 Ignorantia vincibilis est pec-  
 catum simul, & pœna pecca-  
 ti. 411  
 Quicquid sit ex ignorantia, id-  
 circò peccatum est, quia &  
 ipsa est peccatum. 412  
 Ignorantia inuincibilis est im-  
 propriè peccatum. 413  
 Quæ ex ignorantia inuincibili  
 fiunt etiam impropiè tan-  
 tum sunt peccata. 413. 414  
 Quomodò ignorantiae peccata  
 non voluntate, sed necessi-  
 tate committantur. 415.  
 416. 417

## **L**iberum arbitrium.

Damnata est à Sorbona illa  
 opinio, quæ solam coactio-  
 nē libero arbitrio opponit. 3  
 Quæ sit vulgaris liberi arbitrii  
 notio. 13  
 Calvinistæ omnes atq; Luthe-  
 rani contendunt solā coa-  
 ctione liberum arbitrium  
 deleri. 15. 16. 17. 18. 19  
 Calvinistæ omnes liberum ar-  
 bitrium inesse homini lapsò  
 fatentur, si illà voce sola li-  
 bertas à coactione designe-  
 tur. 31. 32. 33  
 Contendunt iidem libertatem  
 à necessitate medicinali gra-  
 tiâ pessundari. 43. 44. 45.  
 46. & seqq.  
 Aiunt in Dei & Beatorum vo-  
 luntate liberum arbitrium  
 cum simplici necessitate cō-  
 iungi. 56. 57  
 Veteres Hæretici qui ob ere-  
 ptum homini liberum arbi-  
 trium damnati sunt, solam à  
 necessitate libertatem illi  
 ademerūt. 150. 151. & seqq.  
 Solam à necessitate libertatem  
 cum diuina præscientia pu-  
 gnare Cicero, alique pu-  
 tauerunt. 152. 153. 154.  
 155. 270. 271. 580. 581. 584.  
 585. & seqq.  
 SS. Patres de sola libertate à  
 necessitate cum Dei præ-  
 scientia concilianda solliciti  
 fuerunt. 156. 157. 158  
 Astrologi, & Stoici solam à ne-  
 cessitate libertatem ab astris,



# INDEX.

- & factu violari putauerunt. 161. 162. 163
- Mamichæi non aliam homini libertatem ademerunt. 164. 165
- Adrumetini non libertatem à coactione, sed eam tantum, quæ necessitatem excludit, cum diuinâ gratiâ pugnare contenderunt. 168
- Posteriora Concilia libertatem à necessitate homini lapsu vindicant. 174. 175. 176
- Damnatur à Summis Pontificibus illa opinio, quæ libero arbitrio solam coactionem opponit. 183. 184
- Reiicitur eadem opinio à Doctoribus Parisiensibus. 187. 188
- Proscribitur ab aliis Doctoribus Gallis. 192. 193
- Eandem hæreticam esse pronuntiant Doctores Belgæ. 194. 195. 196. 197. 198. 199
- Ab Hispanis quoque Doctoribus hæretica censetur. 200. 201. 202. & seqq.
- Consentiunt in eandem censuram Itali Doctores. 207. 208. 209. 210
- Calvinus, & Lutherus in quæstione de libero arbitrio, sanctum Augustinum sibi impudenter arrogant. 219. 220. 221
- SS. Patres, atque imprimis sanctus Augustinus liberum id esse definiunt quod est in nostra potestate. 244
- Demonstratur ex sancto Augustino, aliisque Patribus id tantum liberum nobis esse, quod perinde à nobis fieri potest, & non fieri. 245. 246. 247. 248
- Idem amplius probatur ex electionis, deliberationis, & dominij naturâ. 249. 250. 251. & seqq.
- Falsum est quod ait novus Doctor omnem volitionem esse essentialiter liberam. 258. 259. 260. & seqq.
- Ex sancto Augustino volitiones naturali necessitate expressæ non sunt liberæ. 261. 262
- Voluntas cum agit ut natura, liberè non agit. 264
- Quæ sanctus Augustinus scribit ad humanam libertatem cum diuinâ præscientiâ concilianda novum dogma prorsus interimunt. 255. 256. 257. & seqq.
- Ineptissima esset tota hæc S. Augustini disputatio, si id vnum contenderet, diuina præscientia libertatem à coactione non corrumpi. 272. 273
- Hæc definitio: *liberum est quod fit cum volumus*, à multiplici fæco purgatur. 275. 276. 277. & seqq.
- In illa definitione *non cum volumus*, voluntatis nutum nullâ necessitate constructum significat. 285. 286. 287. 288. & seqq.
- Quæ inæprum sit quod novus Doctor ait, liberum esse

# INDEX.

- beatiss Deum amare, quia si  
vellent non amarent. 296.  
297
- Liberum non est Deo peccare,  
licet hæc conditionalis vera  
sit, peccaret Deus si vellet  
peccare. 299. 300. 301
- Ex sancto Augustino qui dici-  
tur aliquid nolle, non neces-  
sario sed liberè illud non  
vult. 306. 307
- Totius humani generis vox est  
libertatem à necessitate ad  
peccatum requiri. 311
- Quomodo Manichæi liberum  
arbitrium perimerent. 313.  
314
- Peccati reus teneri non potest  
qui caret libertate ad utrū-  
libet. 317. 320. 321. 324.  
325. & seqq.
- Hæc definitio: peccatum est id  
unde liberum est abstinere,  
conuenit etiam peccatis in  
statu naturæ lapsæ commis-  
sis. 347. 348
- Argumentum ex diuinis præ-  
ceptis & suppliciis petendum,  
nouam de libertate opinio-  
nem prorsus labefactat. 421.  
422
- Quam absurdum sit quod ait  
nouus Doctor, peccatū ho-  
minis personale libertatem  
ad utrumlibet ex Adami  
peccato trahere. 441
- Stare non potest meriti ratio  
sine libertate à necessitate.  
446. 447. 448. & seqq.
- Libertas ad utrumlibet ex ca-  
pite decimo quinto Eccle-  
siastici à sancto Augustino  
inuidè probatur. 456. 457
- Cum sanctus Augustinus ait  
diuinæ gratiæ vim cum li-  
bertate vix posse concilia-  
ri, satis innuit sermonem es-  
se de libertate à necessitate.  
460. 461. 462. 463
- Sanctus Augustinus in eam-  
dem humanæ libertatis no-  
tionem cum Pelagianis con-  
sentit. 470. 471. 472. 473
- Non errabant Pelagiani quod  
libertatem à necessitate ho-  
mini lapsæ tribuerent. 481.  
482. 483
- Insignis sancti Augustini locus  
quo libertas à necessitate  
homini lapsæ clarissimè vin-  
dicatur, à Martino Chemni-  
cio, & nouo Doctore cor-  
rumpitur. 488. 489. 490. &  
seqq.
- Quo sensu Calvinistæ asserant  
liberum arbitrium in con-  
uersione passiuè tantum se  
habere. 34. 35. 36. 37. 38
- Ex gratiæ medicinalis naturâ  
libertas à necessitate homini  
lapsæ vindicatur. 537
- Ex noua opinione sequitur pe-  
riisse homini lapsæ liberta-  
tem ad utrumlibet, etiam  
respectu rerum indifferen-  
tium. 551. 552. 553
- Sancti Augustini locus ex libro  
5. de Ciuit. cap. 10. quo Cal-  
uinistæ probant libertatem  
cum necessitate simpliciter co-  
hærere, Catholicorum ver-  
bis explicatur. 176. 177. 178
- Ex sancti Augustini mente sim-  
plex necessitas cum diuina



# INDEX.

- libertate non consistit. 592. Negat ignorantiam inuincibilem à peccato excusare. 116
593. 594. 595 Scholasticam Theologiam multis calumniis onerat. 120.
- Neque etiam cum libertate Beatorum. 596. 597 121
- In Beatis non est usus liberi arbitrij respectu actus beatifici. 598 Melancthon scribit Lutherum S. Augustini doctrinam è tenebris excitasse. 232
- Quanta sit Aduersarij temeritas, qui Deo omnem prorsus libertatem ad vtrumlibet adimit. 601. 602. 603. 604. 605
- Inepre nouus Doctor contendit hoc ipso Beatos Deum amare liberè in patria, quod in via eum liberè amaue-  
runt. 606. 607. 608. 609. 610
- S. Thomas libertatem à necessitate clarissimis verbis homini lapsò adiudicat. 616. 617. 618. & seqq.
- Eadem est S. Bonauenturae & veterum Theologorum opinio. 646. 647. 648. 649. & seqq.
- Petri Molinxi de libero arbitrio sententia. 687. 688. 689
- Lutherus.*
- Sola coactione liberum arbitrium deleri pugnat. 25
- Quis fuerit Lutheri sensus cum affirmauit hominem se tantum passiuè habere in regeneratione. 35. 36
- Gloriatur sanctum Augustinum in quaestione de libero arbitrio suum esse. 61
- Lutherus dum Pelagium nimis anxie deuitat, in errorem Manichæi incidit. 97
- Contendit Deum impossibilia præcepisse. 98
- Magister sententiarum.*
- Docet ignorantiam inuincibilem à peccato excusare. 363
- Eius sententia de ignorantia simplici. 390
- Coactionis nomine simplicem necessitatem intelligit. 638
- Malderus.*
- Ioannes Malderus Episcopus Antuerpiensis testatur Caluini propriam opinionem esse, nullam dari gratiam sufficientem. 66
- Acriter insectatur Calvinistarum opinionem negantium Christum pro omnibus & singulis mortuum esse. 83
- Quam prudenter timeat ne qui Christum pro solis electis mortuum esse contendunt, tandem cum Turcis dicant pro nemine Christum esse mortuum. 88
- Opinionem illam Hæreticam esse contendit, quæ libero arbitrio solam coactionem aduersari putat. 194
- Pelagianismi maculam à Dordrechtana Synodo Catholicis aspersam detergit. 481
- Marsilius de Inghen.*
- Nouo Doctori nihil fauet.

# INDEX.

676.677.678

*Meritum.*

Homo nihil mereri posset ad-  
empta libertate à necessita-  
te. 446.447

Eadem libertas ad meritum  
requiritur, quæ ad demeri-  
tum. 447.449

Bona opera ita sunt Dei dona,  
ut etiam nostra sint merita.

448

Si homo naturali necessitate  
bene ageret nihil merere-  
tur. 450.451

Si astra bene agendi necessita-  
tem imprimerent, ratio me-  
riti interiret. 452

Quare libertas ad meritum re-  
quiratur. 453

Novæ opinionis defensores  
explicare non possunt quo-  
modo homo lapsus dum  
agitur ex necessitate meriti  
aliquid habeat, siquidem in  
statu innocentie, si pari ne-  
cessitate egisset, nihil pro-  
prie habuisset meriti. 454

Cur merita hominis innocen-  
tis dicantur à sancto Augu-  
stino merita humana: homi-  
nis vero corrupti merita  
divina. 563

Quid sit meritum naturale.  
533

Cur homines in statu innocen-  
tie discernentur meritis.  
531.532

**N**ecessitas.

Caluinista aiunt necessitatem  
libero arbitrio non repugna-

re.

27.28.29

Hæretici omnes, qui damnati  
sunt ob ereptam homini li-  
bertatem, solam à necessita-  
te libertatem adimebant.  
149.150.151. & seqq.

Quod necessarium sit, non sit li-  
berè, etsi voluntariè fiat.  
183

Doctores Catholici vno ore  
testantur liberum arbitrium  
simplici necessitate perimi.  
185.186.187. & seqq.

Necessitas consequens non  
adimit libertatem. 577.578

Necessitas quam Cicero ex  
præscientia formidabat, non  
erat coactio, sed necessitas  
simplex. 580.581.584

Sola posita necessitate simplici  
rimendum non est, ne præ-  
scientia Divina fallatur. 171

Sunt quædam necessitate facta  
improbanda. 327

*Notus Doctor.*

Ex Wiclefistis, Lutheranis, &  
Caluinistis sumpsit quod  
docet libertatem sola coa-  
ctione violari. 24.25.26.27.  
28.29

Suam de libertate opinionem à  
Caluini sententia sciungere  
non potest. 31.32.33.34.  
35. & seqq.

Quidquid de adiutorio quo, &  
adiutorio sine quo non dis-  
putat ex Caluino eiusque  
affectu mutuatus est. 43.44.  
45.46.47.48

Indidem hausit quæ de pec-  
candi necessitate ex Adamo  
profecta disputat. 52.53.54.



# INDEX.

101. 102. 314  
 Item quod pugnat in Divina voluntate libertatem cum necessitate conciliari. 55. 56. 57  
 Ex eodem Caluino singula ferè sancti Augustini testimonia describit, quibus suas opiniones tueretur. 61. 62. 63. 64  
 Quæ adversus gratiam sufficientem disserit, ex iisdem fontibus derivauit. 66. 67. 68. 69. 70. 75. 76. 77  
 Item quod ait Deum nolle omnes homines saluos fieri. 79. 80. 81  
 Quod negat Christum pro omnibus esse mortuum. 83. 84. 90. 91. 92. 93  
 Quod docet de impossibilitate mandatorum Dei. 98. 99. 111. 112. 113. 114  
 Ex Wicleffo & Lutheranis inanem illam argutiam accersiu-uit, quâ docet hominē posse gratiæ necessitatem inferenti dissentiri, quia dissentiretur si vellet. 108. 109. 110  
 Indidem arripuit quæ de ignorantia inuincibili scripsit. 116. 117  
 Item calumnias, quibus scholasticam Theologiam infamare nititur. 118. 119. 120. 121. 122. 123  
 Parallelum quoque quod inter recentiores & Pelagianos instituit. 125. 126. 127. 128. 129. 130  
 Ex iisdem Caluinistis ea describit omnia, quibus probat nullam vnquam Prædestinationis hæresim extitisse. 134. 135. 136. 137.  
 Caluini exemplo gloriatur S. Augustini mentem sibi penitus perspectam esse. 122. 123  
 Librum suum Proœmiale videtur concinnasse ad exemplum præfationis, quam Sarisburienſis Caluinista suo de gratia operi præfixit. 226. 227  
 Græcos Patres Pelagianismi criminatur. 80  
 Contendit apud sanctum Augustinum voluntatis nomine volitionem omnem comprehendere, licet contrarium alibi demonstrat. 258. 259. 260  
 Nobilem sancti Augustini disputationem inmani corruptela deprauat, ut ex ea conficiat volitionem omnem esse in nostra potestate. 266. 267. 268. 269. 270. & seqq.  
 Multas insidias struit in hac voce *cum volumus*. 277. 278. 279. 280. 281. & seqq.  
 Ex eius principis vera illius vocis notio exsculpitur. 286. 287. & seqq.  
 Ineptè docet cessationem ab amore beatifico esse in libera beatorum potestate. 296. 297. 298. & seqq.  
 Stare suis principis non potest, quin asserat Patrem & filium habere proprium & perfectum dominium in Spiritum sanctum. 254. 255.

# I N D E X.

- Pulcherrimum sancti Augustini locum, qui de ignorantia & concupiscentia agit, insigni depravatione corruptit.** 333. 334. 335. 336. & *seqq.*
- Splendidè imponit sancto Augustino, cùm ait ex eius mente hominis lapsi peccatis hanc definitionem non convenire: peccatum est id vnde liberum est abstinere.** 347. 348
- Hæc eius opinio plus sexaginta sancti Augustini libros evertit.** 350. 351. 352. 353. 354. & *seqq.*
- In fido admodum fundamento suam de ignorantia inuincibili opinionem imponit.** 366. 367
- Fallitur cùm docet ignorantiam legis positivæ non esse prænam peccati.** 368. 369. 370. 371
- Hallucinatur cùm supponit S. Augustinum, & S. Hieronymum de sola iuris naturalis ignorantia cum Pelagianis dimicasse.** 373. 374. 375. & *seqq.*
- Palæstinæ Synodi de ignorantie peccatis sententiam corrumpit.** 381
- Multis aliis corruptelis ea depravat, quæ à sancto Augustino de ignorantie peccatis tradita sunt.** 384. 385. 386. 390. 391. 394. 395. & *seqq.*
- Quam absurda sint quæ docet, ut vincat peccandi necessitatem ex Adami peccato contractam à culpa non excusare.** 434. 435. 436
- Absurdius etiam est, quod ait hominem, qui necessarid peccat, ideo non excusari, quia eius peccatum ex Adami peccato libertatem quādam trahit.** 438. 440. 441. 442. 443
- Pugnat secum dum modò asserit, modò negat, Pelagianos coactionis nomine simplicem necessitatem designasse.** 464. 465
- Illustrem sancti Augustini locum pro libertatis indifferentia ineptissimā explicatione discerpit.** 488. 489. & *seqq.*
- Alium sancti Doctoris locum de duobus æqualiter tentis maiori depravatione lacerat.** 507. 508. 509. & *seqq.*
- Angelos Pelagianos facit.** 528
- Mala fide agit cùm dissimulat gratiam naturæ integræ ex sua opinione esse tantum in intellectu.** 539. 540
- Pugnat secum dum ait Adamum habuisse motionem voluntatis.** 542. 543
- Physicæ prædeterminationis auctores atrocibus verbis exagitat.** 549. 550
- Constare sibi non potest quin asserat, quod disertè tamē negat, hominem qui peccat, non tantum quoad specificationem, sed etiam quoad exercitium necessario peccare.** 552. 553
- Omnem prorsus Divinæ voluntati**



# INDEX.

- luntati indifferentiam ad-  
mit. 601.602.603. &c.
- Antiquiores Theologos per-  
perā in opinionis suæ com-  
munionem vocat. 545.546.  
& seqq.
- Sancti Thomæ locum mutilat,  
vt probeat amorem beatifi-  
cum esse liberam electio-  
nem. 680
- Ita consentit cum Petro du  
Moulin, vt hic eius breuia-  
tor existimetur. 685. & seqq.
- P**elagianismus.
- Caluinistæ communem de gra-  
tia sufficienti doctrinam Pe-  
lagianismi insimulant. 66.67
- Aiunt quoque Pelagianum esse  
affirmare Deum velle om-  
nes homines saluos fieri. 79
- Pelagianismi quoque arguunt  
Romanos Theologos quod  
asserant Christum pro om-  
nibus mortem obisse. 90
- Calvinus Concilio Tridentino  
Pelagianismum impingit,  
quod statuat Deum impossi-  
bilia non præcepisse. 99
- Synodus Dordrechtana Ponti-  
ficios omnes Pelagij fauo-  
res esse contendit. 125
- Calvinus Catholicorum opi-  
nionem particulatim cum  
Pelagianorum errore com-  
mittit, & in multis deterio-  
rem esse pugnat. 125
- Idem parallelum Pontificios  
inter & Pelagianos instituit  
Petrus Martyr. 126
- Sorbonicos ætatis suæ Pela-  
gianos Calvinus vocat. 44.  
127
- Eandem illis calumniam Me-  
lancthon ingerit. 127
- Reliqui Calvinistæ aiunt Pela-  
gianos esse eos omnes, qui  
docent Gratiam Dei omni-  
bus offerri. 128. 129
- Aiunt iidem Calvinistæ argu-  
menta omnia, quibus Ca-  
tholici libertatem à necessi-  
tate homini lapsæ vindicant,  
ex Pelagianis esse petita.  
129. 130
- Catholici Doctores restantur  
totum Scholasticorum cre-  
tum à Calvinistis Pelagia-  
nismi accusari. 131
- Calvinus eiusque asseclæ Græ-  
cos Patres Pelagianismi cri-  
minantur. 81
- Qua de causa Pelagiani tam se-  
pe sancto Augustino obie-  
cerunt eas peccati definitio-  
nes, quas aduersus Mani-  
chæos protulerat. 343.344
- Negabant Pelagiani ignoran-  
tiam simplicem peccato sub-  
iacere. 374.406.407.408
- Asserebant ignorantiam &  
concupiscentiam non esse  
mala aut peccati supplicia.  
382.383
- Pelagiani ex Diuinis præceptis  
colligebant hominem suis  
viribus posse illa implere.  
426
- Pelagiani in eandem humanæ  
libertatis notionem cum  
sancto Augustino consen-  
tiunt. 469.470.471.472
- Assimabant liberum non esse

# INDEX.

- nisi quod duo potest velle,  
bonum nempe & malum. 473
- Pelagius fraudulenter fatetur  
hominem Dei semper indi-  
gere auxilio. 475. 476. 477
- Quis sit Pelagij error circa li-  
berum arbitrium. 478. 479.  
480
- Catholici Doctores aduersus  
Caluinistas docent Pelagia-  
nos eos non esse, qui gratiam  
ad bene agendum necessa-  
riam esse profitentur. 481
- Sancti Augustini verbis Pela-  
gij circa liberum arbitrium  
error explicatur. 482. 483.  
484
- Idem error explicatur ex Con-  
ciliis & Romanis Pontifici-  
bus. 485. 486
- Explicatur quoque ex sancto  
Hieronymo, venerabili Be-  
da, & sancto Thoma. 486.  
487
- Novus Doctor Angelos Pela-  
gianos facit. 528
- Peccatum.*
- Quo sensu hæc propositio sit  
vera, potest Deus peccare si  
velit. 299. 300. 301
- Nemo peccat in eo quod ca-  
ueri non potest. 310. 311. &  
seqq. 321. 322
- Nullibi Divus Augustinus as-  
serit necessariò quemquam  
peccare. 311. 312. & seqq.
- Manichæi arbitrabantur bo-  
nam animam malæ illece-  
bris ad peccandum abripi.  
314
- Peccati reum teneri aliquem  
quia non fecit quod facere  
non potuit, luminæ iniquita-  
tis est & insaniz. 317
- Qui necessitate aliquid facit,  
non peccat. 319. 320
- Illud sancti Augustini effa-  
tum, Nemo peccat in eo  
quod caueri nullomodo po-  
test, etiam ad hominem la-  
psum pertinet. 324. 325.  
326. &c.
- Peccatum dicitur etiam illud  
quod de peccato originem  
ducit, etsi propriè peccatum  
non sit. 327. 328
- Concupiscentia peccatum di-  
citur, quia peccato facta est.  
329. 330. 331
- Peccata hominis in Deum non  
refunderentur etsi ignora-  
tia, & concupiscentia essent  
primordia hominis natura-  
lia. 333. 334. 335
- Cur Pelagiani tam sæpè sancto  
Augustino impingebant il-  
lam definitionem, peccatum  
est id unde liberum est absti-  
nere. 343. 344
- Calvinus putat eâ definitione  
solum primi hominis pecca-  
tum comprehendi. 342
- Sanctus Augustinus distinguit  
inter peccatum, & pecca-  
tum simul ac pœnam pecca-  
ti. 345. 346
- Nomine peccati tantummodo  
non solum primi hominis  
peccatum complectitur. 347  
348
- Concupiscentia ex sancto Au-  
gustino est peccatum simul  
& pœna peccati. 349



# INDEX.

Sanctus Augustinus iis peccati definitionibus, quas aduersus Manichæos attulit, ea etiam peccata complectitur, quæ ab homine concupiscentiâ oppresso deliberatò fiunt. 352. 353. 354. &c.

Peccatum non semper vsurpatur pro culpâ. 357

Duplex peccandi necessitas ex concupiscentiâ oritur. 357. 358. 359

Peccandi necessitas, quæ ex concupiscentia oritur, similis est illi, quæ ex consuetudine fluit. 359

Peccandi necessitas orta ex consuetudine nihil est aliud, respectu actus deliberati, quàm magna difficultas non peccandi. 360. 361

Explicatur accuratè sententia S. Augustini de ignorantiz peccatis. 363. 364. & seqq.

Quæ sit Palæstinæ Synodi de ignorantiz peccatis sententia. 403. 404. 405. &c.

Quid sit, ignorantiz peccata non voluntate, sed necessitate committi. 415. 416 & seqq.

Homo non peccat damnabiliter in eo quod necessariò facit. 432

Peccatum personale hominis lapsi non constat vnum peccatum cum Adami culpa. 440. 441. &c.

Baius eam tantùm peccandi necessitatem admittebat, quæ ex primi parentis peccato nasceretur. 442

Peccandi necessitas culpâ no-

strâ contracta à peccato etiam excusat. 170. 171

Nouus Doctor sibi constare non potest, quin asserat motus indeliberatos concupiscentiæ esse propriè peccata. 329

Ex Aduersarij opinione sequitur hominem lapsum non tantùm in genere, sed etiam hic & nunc ab hoc peccato abstinere nõ posse. 552. 553

*Pennotus.*

Aduersus Caluinum auxilium sufficiens pertinaciter negantem disputat. 66

Caluini & is infensissimus est. 209

Ait secundùm fidem Catholicam inesse homini lapso eam libertatem, quæ non modò coactionem, sed etiam necessitatem excludat. 209

Caluinum ad S. Augustini auctoritatem importunè prouocantem castigat. 222

Caluini argumētum ex vtriusque gratiæ discrimine peti- tum ait esse coacervationem multorum mendaciorum. 496

Caluini argumentum ex Dæmonum libertate accersitum soluit. 600

*Perseuerantia.*

Gratia naturæ integræ perseuerantiam dabat. 510. 521

Angeli ideo perseuerantiam habuerunt, quia Deus dedit 523

Adamus indiguit peculiari gratia voluntatis ad perseus-

# INDEX.

- randum. 566. 568  
 Quid sit donum illud perse-  
 uerantiæ, quod sanctus Au-  
 gustinus ait non posse con-  
 tumaciter amitti. 559  
*Prædeterminatio Physica.*  
 Prædeterminationis Physicæ  
 assertores nouam de liber-  
 tate opinionē vt hæreticam  
 atque Calvinianam reiciūt.  
 198. 199. 203. 204. 205. 206  
 211. 212  
 Nouus Doctor physicæ præ-  
 determinationis assertores  
 Aristotelicos magis esse ait,  
 quàm Augustinianos. 549  
 Eisdem ait sancti Augustini  
 doctrinam inexplicabili cō-  
 fusione perturbare. 549.  
 550  
*Pesantius.*  
 Alexander Pesantius docet es-  
 se de fide libertatem simpli-  
 ci necessitate corrumpi. 210.  
 211  
*Philosophia.*  
 Calvinistæ Aristotelicam Phi-  
 losophiam, tanquam multo-  
 rum errorum seminarium,  
 insectantur. 119  
 Calvinus Sorbonicos tanquam  
 Aristotelis Philosophiæ ni-  
 mis addictos grauiter car-  
 pit. 119  
 Melancthon in eosdem eam ob-  
 rem stomachosius inuehi-  
 tur. 120  
*Prædestinatiani.*  
 Prædestinationum hæresim  
 5. sæculo emerisse testantur  
 Doctores Catholici. 132  
 Eam à Calvinistis denuo exci-  
 tatam fuisse Catholici scri-  
 bunt. 133  
 Calvinistæ pugnant nullam  
 vnquam extitisse Prædestina-  
 tionum hæresim. 133  
 Idem contendit nouæ opinio-  
 nis artifex. 133  
 Argumenta omnia, quibus id  
 probare nititur, ex Iacōbo  
 Vsserio Calvinista descri-  
 ptit. 134. 135. 136. 137. 138  
 Prædestinationis hæresis asser-  
 tor fuit Goteschalcus. 132.  
 137  
 Damnata est illa hæresis à Ra-  
 bano Mauro Moguntiz Ar-  
 chiepiscopo. 138  
 Damnata quoque à Mogunti-  
 no Concilio. 138  
 Damnata denique in Synodo  
 Carisiaca. 139  
 Aduersus eandem hæresim  
 collectū est Arelatense Con-  
 cilium. 140. 141. &c.  
 Lucidus Presbyter Prædesti-  
 nationis hæresis sectator  
 fuit. 141  
*Puteanus.*  
 Ioannes Puteanus ex sancti  
 Augustini familiā testatur  
 Caluini propriam opinio-  
 nem esse non dari in hoc  
 statu gratiam sufficientem.  
 66  
 Hæreticam esse ait opinionem  
 illam, quæ libero arbitrio  
 solam coactionem opponit.  
 192  
 Eiusdem opinionis argumenta  
 ex sancti Augustini auctori-  
 tate, & ratione petita, pro-  
 ponit. 192. 193



# INDEX.

**R**ichardus.  
Richardus de Media-villa a-  
deo nouæ opinionioni non suf-  
fragatur, vt eam disertè iu-  
gulet. 665.666.667.668

**S**corus.  
Caluinistæ falsò Scorum in o-  
pinionis suæ communio-  
nem asciscunt. 650  
Eius sententia nobilissimorum  
Scotistarum verbis exponi-  
tur. 651.652

**Scribonius.**  
Marius Scribonius nouam o-  
pinionem vt Calvinianam  
atque Lutheranam pluribus  
infectatur & refellit. 193

**Tapperus.**  
Ruardus Tapperus Louanien-  
sis Doctor testatur nullos  
vnquam hæreticos liberta-  
tem à coactione homini eri-  
puisse. 150.151

Offendit Adrumetinos Mona-  
chos non existimasse diuinæ  
gratiæ efficaciam libertatem  
à coactione pessumdari. 168  
Caluini opinionem quā solam  
à coactione libertatem ad-  
mittit à superiorum Hære-  
ticorum sententiā nihil dif-  
crepare demonstrat. 196

**Sanctus Thomas.**  
Sanctus Thomas nouam deli-  
bertate opinionem hæreti-  
cam esse, & Philosophiæ  
Moralis repugnantem diser-  
tissimè pronuntiat. 186.616.

617.618  
Hanc eius de noua opinione  
censuram laudant Doctores  
Catholici. 188.193.199  
Ex Sancti Thomæ sententia il-  
lud tantum est in nostra po-  
testate, quod perinde fieri à  
nobis potest, & non fieri.  
146

Docet electionem locum non  
habere in iis, quæ sunt de-  
terminata ad vnum. 1501

622  
Docet quoque dominium vo-  
luntatis in actum excludere  
determinationem ad vnum.  
253.254.621.622

Distinguit voluntatem à natu-  
râ, docetque illam vt sic ad  
vtrumlibet se habere. 254

Accuratè expendit illam pro-  
positionē: Deus potest pec-  
care si vult. 299.300.301

Distinguit peccatum à culpa.  
357

Pelagianorum circa liberum  
arbitrium errorem enuclea-  
tè explicat. 487

Negat medicinalem gratiam  
proprium agendi modum  
voluntati adimere. 538

Voluntati tribuit libertatem  
contradictionis respectu fi-  
nis ultimi, non verò liber-  
tatem contrarietatis. 594

S. Thomam suæ de libertate  
opinionis patronum esse  
Caluinistæ contendunt. 614

Demonstratur quantum S. Do-  
ctor ab illa eorum opinione  
distet. 616.617. & seqq.

Negat ad liberum arbitrium  
ZZzz iij

# INDEX.

- pertinere quod necessariò volumus. 619. 620
- Ad liberum arbitrium libertatem à necessitate exigit. 613. 624. 625. 626
- Aliquot S. Thomæ testimonia, quæ Calvinistæ pro sua opinione afferunt, à Catholicis Doctoribus ex sancti Doctoris mente explicantur. 628. 629. & seqq.
- Ex S. Thomæ diversa sunt liberè velle, & liberò arbitrio velle. 628. 629
- Sancto Thomæ Aduersarius imponit, cum pugnat eum docuisse amorè beatificum esse formaliter liberum. 630. 631. 632
- S. Thomas coactionem aliquando usurpat pro simplici necessitate. 634. 635. 636. 637
- Ad meritum requirit libertatem à necessitate. 640
- Molinus Calvinista plures S. Thomæ locos colligit, ut probet sola coactione liberum arbitrium perimi. 687. 688
- T** *Thomas de Argentina.*  
Perperam à nouo Doctore in opinionis suæ patrocinium aduocatur. 469. 470. 471. 472
- V** *Voluntas & voluntarium.*  
Quid sit voluntarium. 14  
Voluntati vis inferri non potest quoad actus elicitos. 15  
Voluntarium & liberum confundunt Lutherani, atque Calvinistæ. 25. 26. 27. 28. 29  
Voluntas apud S. Augustinum non volitionem omnem, sed eam tantum, quæ oritur à facultate ad virumlibet indifferente significat. 259. 260. 261. 262  
Apud SS. Patres voluntate agere, idem est ac cum indifferencia agere. 263  
Voluntas vt natura non est libera. 264  
Voluntas eorum tantum actus habet in potestate, ad quos nullà necessitate determinatur. 253. 254. 255  
Quid sit volitionem liberam fieri cum volumus. 285. 286. 287. & seqq.  
Quam ineptum est quod docet Aduersarius, esse in potestate voluntatis eos actus suspendere, quos naturali necessitate producit. 295. 296. 297. & seqq.  
*Vicleffus.*  
Solam coactionem liberò arbitrio inimicam esse contendit. 24. 25  
Ex Diuinâ libertate probat necessitatem liberò arbitrio non aduersari. 35. 392  
Auctor est ineptæ illius argutæ, quâ voluntas dicitur posse aliquid si vult, quod velle tamen non potest. 108. 109  
Prædestinationariorum hæresim



# INDEX.

recoxit. 132  
Humanam libertatem cum Di-  
uinâ præscientiâ stare negat.

154. 155  
Non palam & apertè liberum  
hominis arbitrium destru-  
xit. 150

*Vvigers.*

Ioannes Wigers Louaniensis  
Doctor ait Caluini opinio-  
nem esse, nullam dari gra-  
tiam sufficientem. 66

Ait certa fide tenendum esse  
non tantùm libertatem à  
coactione, sed etiam liberta-  
tem à necessitate homini la-  
pso inesse. 197

*Vvindeck.*

Paulus de Windeck acerrimus  
Catholicæ veritatis defen-  
sor, scribit Lutheranos atq;  
Caluinistas gratiam suffi-  
cientem tamquam Pelagia-  
num commentum explode-  
re. 66. 67

Multis probat aduersus Bezam  
aliòsque Caluinistas Deum  
velle omnes homines saluos  
fieri. 79. 80. 81

Librum integrum scripsit vt  
aduersus Caluinistas probet  
Christum pro omnibus mor-  
tuum esse. 82

**Y** *Sambertus.*

Nicolaus Ysambertus Doctor  
Sorbonicus nouam de li-  
bertate opinionem vt Cal-  
uinianam, & hæreticam re-  
licit. 188. 189

**Z** *Anchius.*

Hieronymus Zanchius, Luthe-  
rano-Caluinista solam liber-  
tati coactionem opponit. 26  
Contendit hominem lapsum  
necessariò peccare. 53  
Ex Diuina & Angelica liberta-  
te probat solâ coactione li-  
berum arbitrium lædi. 57.  
592. 596


Negat Deum velle omnes ho-  
mines saluos fieri. 78  
Contendit hominem lapsum,  
et si diuini præceptis absen-  
te gratiâ obtemperare non  
possit, ad ea tam en implen-  
da teneri. 111

Distinguit ignorantiam inuin-  
cibilem, in eam quæ iuris na-  
turalis est, & eam quæ iuris  
positiui, atque hanc excusa-  
re contendit: illam verò mi-  
nimè. 117. 365. 366

## FINIS.

# ERRATA.

**P**ag. 18 versu 17 lege profligatis pag. 87 versu 21 lege Lobeckius. pag. 90 versu  
9 lege Puccio. pag. 141 versu 5 lege ad. pag. 116 versu 19 lege gratia. pag. 127  
versu 21 lege pretextus. pag. 260 versu 30 lege inlicitas. pag. 261 versu 14 lege  
ille. pag. 305 versu 34 lege illecebras. pag. 363 versu 19 lege in a. pag. 366 versu 6  
lege abstergere. pag. 373 versu 14 lege summam. pag. 376 versu 30 lege quidem.  
pag. 409 versu 4 l. pœnas. pag. 417 versu 29 l. pœnas. pag. 414 versu 36 l. pro-  
creet. pag. 414 versu 16 l. Catholicum pag. 453 versu 12 l. 29. pag. 454 versu 31  
l. non potest. pag. 457 versu 11 l. præcept. pag. 476 versu 14 l. recitationi. pag.  
488 versu 14 l. sap. 11 pag. 498 versu 15 l. soluturas. pag. 499 versu 15 l. reliquit.  
pag. 543 versu 22 l. proleclan. pag. 653 versu 16 l. quod. pag. 681 versu 39 l. perte-  
teret pag. 637 versu 34 l. nullus. pag. 681 versu 29 l. Guillelmus. p. 698 versu  
15 l. gratia.







N. 6. 2



5-5-1







